

## Auslegung der Epistel

weisheit heissen / Aber fur Gott soltu deine Krone niederlegen / deine macht vnd gewalt / Recht vnd weisheit / faren lassen / vnd sagen / Gott / sey mir armen Sünder gnedig.

**D**ie Vernunft hat wol den vortail / das sie gerüstet vnd geschmücket ist mit Gottes Spruch / das er jr Regiment auff Erden bestetigt / vnd im gefallen leste / Aber doch also / das sie damit nicht Gotte in sein Regiment greiffe / oder gegen im rühme vnd troge / Sondern wisse / das / was auff Erden klugheit vnd weisheit heisset / das heisset vor Gott torheit / Was fur der Welt schön / köstlich / ehre vnd tugent / gelobe vnd gepreiset wird / das ist fur Gott Sünde vnd vnter dem Zorn / Was auff Erden leben heisset / das ist fur Gott nichts denn Tod.

**S**o nu solches alles / der Eltern / Oberkeit vnd andere Stende / die er selbs gesagt vnd durch sein Wort bestetigt hat (ob gleich auch Christen darin sind) fur im nicht bestehen zu jenem leben / Viel weniger wird er das fur im gelten lassen / das ein Mensch aus seinem eigen Kopff vnd hertzen erdacht vnd erklüget hat. Wiltu klug vnd weise sein / so sey es in den dingen / da dir es befohlen ist / in deinem Hause / Stad / Ampt / das ist / in irdischen / leiblichen / zeitlichen sachen / Da regiere nur wol / es wird dir dennoch an allen Büchern / Vernunft vnd weisheit zu wenig werden. Aber wo du ansehest auch solch ding aus deiner Vernunft fur zu geben / das da solle fur Gott gelten / Das mag klüglich vnd weislich furgegeben heissen / aber es sind nichts anders (spricht S. Petrus) denn fabeln vnd lügendering.

**A**ls / das ein Mönch daher kömet / vnd spricht / Wer eine Cappen anzeucht / der kan ein feyn heilig Leben faren / denn er ist abgesondert von der Welt / kan sich entschlagen aller sorge vnd vnlust / fein friedlich vnd still vngehendert Gott dienen. Das ist wol weislich geredt / aber im grund ist es nichts denn ledig / los / vnntz geschweiz / Das findet sich aus Gottes wort / welchs leret mich also / das Gott verboten hat / eigen Gottesdienst auff zu werffen / Item / das Gott im wil gedienet haben in gemeinem leben vnd stenden / nicht mit flihen der selben. Darumb kan solche

Möncherey kein heilig götlich leben sein.

**A**ls so spricht der 119. Psalm / *Narraverunt mihi iniqui fabulationes.* Die stolzen machen mir gruben / mit irem geschweiz / welches nicht ist nach deinem Gesetz / Das ist / Sie predigen mir von trefflichen dingen / vnd gebens köstlich fur / mich damit zu fellen / Aber wenn ichs recht ansehe / so ist es nicht wie dein Wort vnd Gebot / welche sind (spricht er) eitel warheit. Denn die lügen ist allezeit schön / gleisset vnd gibt sich fur warheit aus / vnd hat dazu den vortail / das sie kan auch aus Gottes Wort sich schmücken / vnd das selb zu behelff nemen / auff irentand verkeret. Dagegen die warheit nicht so scheint noch gleisset / weil sie sich der Vernunft nicht eben machet.

**A**ls / das ein gemeiner Christen / mit den andern das Evangelium höret / glaubt der Sacrament brauchet / daheim in seinem haus mit Weib vnd kindlin Christlich lebt / das scheint nicht / als die schöne treffliche lügen eines heiligen Carthensers oder Waldbruders / der da von den Leuten abgesondert / wil ein heiliger Gottes Diener sein / vor andern Leuten / vnd doch keinem Menschen nützet / Lest andere predigen / regieren / vnd im schweiz irer arbeit stecken.

**D**arumb mus man in diesen sachen vor allen dingen darauff sehen / das man Gottes Wort habe / vnd darnach richte alle Lere vnd furgeben der Menschen / Vnd also vnterscheide / das der Vernunft weisheit vnd verstand weit vnd tieff herunter bleibe / Vnd nicht weiter gelte / denn so fern sie von Gott bestetigt ist / dieses zeitlichen lebens sachen zu regieren vnd richten. Denn wer den Glauben hat / der kan bald sehen / wo sie on Gottes Wort ist / oder darüber mit irer klugheit feret.

**W**ie auch in weltlichen sachen ein jeder in dem stand / Ampt oder Handwerck / das er kan vnd füret / wol verstehet / wo ein ander sich desselb auch vnterstehet / ob er recht damit umbgehet / oder nicht / Wie ein jeder Hausvater in seinem Hause wol verstehet vnd weis / das ers nicht leiden sol / wo das Gesinde schalckheit vnd vnrecht ethut / oder ein ander / dem es nicht gebüret / im zum Weib vnd Töchtern gehen wil. Allein in diesen

Der Vernunft furgeben in götlichen sachen / eitel fabeln vnd lügen.

Narraverunt mihi iniqui fabulationes. Psal. 119.

Lügen scheinet vnd gleisset mehr / denn die warheit.

Der Vernunft weit vnd tieff herunter / was von Gottes Wort zu scheiden.

in diesen Göttlichen sachen kan sich die Vernunft also schmücken vnd putzen/ das es niemand mercket/ wer nicht Gottes Wort rechtschaffen mit dem Glauben gefasset hat.

Denn sie kans nicht lassen/ sie wil vnd mus allzeit/ auch in Gottes sachen/ klug vnd weise sein/ da es jr nicht befohlen ist/ Vnd der Teufel damit nichts den allen jamer anrichtet/ wie er von anfang durch vnser Eltern in die Welt eingefüret hat/ Vnd kans doch in jrem eigen wesen vnd Regiment nicht leiden/ das sich jemand vnterstehe/ von den sachen zu vrteilen/ oder das zu treiben/ das von er nichts weis noch gelernet hat/ oder auch/ das er mit seinem thun greiffe in ander sachen vnd Regiment/ das jm nicht zustehet noch gebüret.

Wenn etwo ein Schuster wolt in der Kirchen auffretten/ vnd die Leute straffen/ das sie nicht alle solche Schuhe erügen/ die er gemacht hette/ Vnd die Leute bereden/ das solches not zur seligkeit were/ den würde man mit Schuhen vnd Pantoffel aus der Kirchen werffen/ vnd zu jm sagen/ Bleib mit deinen Schuhen vnd Leisten daheim in deiner Werckstat/ Was gehet das der Seelen Regiment an?

Wer das ein Kottengeist aus seiner Klugheit daher scharret/ Ich bin ein fromer heiliger Man/ vnd habe sonderliche erleuchtung des Geistes/ darumb mus man nicht glauben/ wie die andern sagen/ aus dem todten buchstaben/ das eine Person könne Gott vnd Mensch/ oder eine Jungfraw eine Mutter/ sein/ oder das der Mensch durch Wasser vnd mündlich Wort von sünden rein werde etc. Da kan niemand widersagen/ vnd gewinnet die Vernunft/ wenn sie nur den rhum vnd namen füret des Geistes/ heiliges Lebens etc. wo nicht Gottes Wort vnd Glaube rein ist.

Sehe/ was der Türck mit seinem Mahmet für schaden gethan/ vnd noch thut/ allein mit dem namen vnd rhum/ das er den einigen Gott anbetet/ Vnd wie er allein den rechten Gott habe/ so sey er mit den sein allein Gottes Volk auff Erden/ dem sie zu ehren kriegen vnd streiten wider die Christen/ Das treibt er also stark/ weil er so gros glück vnd sieg hat/ das auch viel Christen so zu jnen komen/ zu jrem Glauben fallen/ vnd

Türkisch werden/ da doch von jnen keiner Christen wird.

Darumb ist hie kein ander rat/ dem Teufel zu widerstehen/ vnd von jm vnverschunden zu bleiben/ denn durch festen Glauben (spricht S. Petrus) Das ist das hertz/ so fest an Gottes Wort hanget/ das selb ganz vnd gar fasset/ vnd für war helt/ Denn Glaube kan nicht sein noch stehen on das Wort/ vnd kan auch nichts anders hören noch fassen/ Darumb mus man das selb gar weit scheiden vnd setzen ober alle Vernunft vnd weisheit/ also/ das sie schlecht nichts/ ja tod sey/ in den sachen/ so Gottes Regiment belangen/ wie man sol der Sünd vnd ewigem Tod entlauffen/ vnd nur stillschweige/ vnd allein Gottes Wort die ehre der Wahrheit gebe/ Wie S. Paulus 2. Corinth. 10. sagt/ von dem Predigamt des Euangelij/ Wir nemen gefangen alle Vernunft vnter den gehorsam Christi etc.

Denn wo mich sol die Vernunft von diesen sachen lernen/ Was darff man denn des Glaubens? vnd warumb werffe ich nicht balde das Buch des Euangelij vnd der gangen Schrift hinweg? Wir Christen (spricht S. Paulus) predigen etwas anders vnd höhers/ denn die Vernunft verstehet/ da der Welt weisheit lauter torheit ist/ Wenn mich die Vernunft lerete/ das die Mutter Christi eine Jungfraw sey/ so möchte der Engel Gabriel wol droben im himel blieben/ vnd dauon geschwiegen haben. Ewer Glaube (spricht abermal S. Paulus 1. Corinth. 2.) sol bestehen/ nicht auff Menschen weisheit/ sondern auff Gottes krafft. Ja/ das sind eben die rechte rencke vnd schliche des Teufels/ damit er dich suchet zu verschlingen/ das er aus der vernunft furgibt/ wider Gottes Wort.

Das ist nu die vermanung S. Petri an die ganze Christenheit/ sonderlich auch die Prediger/ wie sie sich hüten sollen für des Teufels trug vnd list/ damit er sie suchet/ Vnd helt vns beide stück für. Erstlich/ das wir den Feind kennen/ vnd wissen/ was er im sinn hat/ vnd gedencket zu thun/ Vnd wie wir sollen gerüstet sein/ jm zu begegnen/ vnd vns sein zu erwehren/ das wir für jm bleiben vnd siegen.

Der Vernunft schenlich Klugheit in Gottes sachen.

Durch Glaube kan man allein des Teufels verführung widerstehen.

1. Corinth. 2

Vernunft wird allzeit mit Gottes namen betrogen.

## Auslegung der Epistel

siegen. Es ist ein schrecklicher mechtiger feind (spricht er) der auch der Welt Gott ist / vnd grosse weisheit vnd list hat / für allen Menschen / vnd die Vernunft kan blenden vnd zuruten / das sie im gerne gleybt vnd folget.

**I**st dazu ein böser vnd bitterer feind / euch / die jr in Christo das Leben habt / Das kan er nicht leiden / trachtet vnd richtet nicht anders / denn wie er euch wider darumb bringe / Vnd dencket nur nicht / das er weit von euch sey / oder von ferne euch zusehe / Sondern hat sich auff's aller nehest zu euch / vnd rings umb euch her gelagert / ja in ewern eysen feld / das ist / in fleisch vnd blut / Da er suchet / wo er möge zu euch gelangen / vnd euch vberreilen / da jr vnuerwaret seid / jzt dis / bald jenes versuchet / wo er euch mit einem nicht kan fellen / jzt mit falschem vertragen / oder zweivel / bald mit zorn / vngedult / geiz / böser lust etc. wie er seinen raum ersihet / vnd euch schwach findet / Darumb dencke nicht / das es ein scherz ist / das er mit dir spiele / sondern ist ergrimmet / vnd hungerig / als kein hungeriger / zorniger Lewe / Wil dir keine wunden hawen / noch einen stich geben / sondern dich ganz vnd gar verschlingen / das nichts weder an Seel noch Leib von dir bleibe.

**W**er nu solchem feind widerstehen wil / der mus mit ander wehre vnd woffen gerüstet sein / denn Menschen wize / verstand oder kreffte / vnd vermögen sind / Solche ist nicht anders / (spricht S. Petrus) denn der Glaube / der Gottes Wort für sich hat vnd fasset. Vnd weil man nur feste daran helt / so kan er nichts gewinnen / Denn es ist Gottes warheit vnd krafte / dafür er mit seiner lügen vnd mord nicht kan bestehen / sondern dafür weichen vnd fliehen mus.

**D**arumb auch S. Paulus Eph. 6. heisset wider des Teuffels listigen anlauff den Schilt des Glaubens ergreifen / damit jr könnet (spricht er) ausleschen alle seine giffrige / fewrige Pfeile / welches sind furnemlich / die er treibet im hertzen / durch schöne / vernünfftige gedancken der menschlichen Vernunft / da er sich auch verstellet in einen Engel des liechtes / damit den rechten sinn vnd Glauben zu verrucken / vnd zu falschem

dunckel vnd Glauben / Item in zweivel / mistrawen / hasse vnd zorn wider Gott / zu bringen.

**A**lso auch in andern anfechtungen vnd Kampff / so das leben betrifft / da er den Menschen treibt zu sünden / vnd vngehorsam wider Gottes Gebot / geiz / wucher / zorn / rachgir / vnzucht vnd ander laster. Da brauchet er auch der selben tücke / das er zu erst Gottes Wort aus dem hertzen reisse / blendet die Vernunft mit schönen / süßen gedancken / Es sey so böse nicht / Gott werde mit dir nicht so seer zürnen / könne wol mit dir gedult haben / du habst doch auch das Euangelium lieb etc. vnd also dich dahin reisset / vnd vnter Gottes gewolichen zorn vnd verdammis stürzet.

**J**e wider zu bestehen / ist auch kein ander weise noch rat / denn das du durch Gottes Wort mit festem Glauben / wider der solch eingeben vnd reizen streitest / also / das du dich selbs erinnerst / beides / deines vorigen schadens / vnd der jzt empfangenen gnade / Wie du zu vor in Gottes zorn gewest / da du on Gottes furcht vnd Glauben / des Teuffels eigen warest nach alle seinem willen / vnd hettest müssen verderben / wo dir aus grundloser güte Gott nicht deine sünde vergaben / vnd seine gnade geschencket hette / auff das du nu zusehest / vnd solchen schatz nicht wider verlierest / da zu er dir auch den Heiligen Geist zusagt zu geben / der dir helffe vberwinden / das du nicht solt vnterliegen / so du im Glauben bleibest. Item / heisset dich auch / wo du schwachheit fallest vnd not leidest / in anrufen vnd bitten / vnd gewis sein / das er dich wolle erhören / Wie er spricht Johan. 16. Was jr den Vater bitten werdet in meinem Namen / das wird er euch geben. Item / So meine Wort in euch bleiben / so werdet jr bitten was jr wollet / vnd es wird euch widerfahren etc.

**D**enn S. Petrus wil auch hiemit die Christen keck vnd getrost machen / des Teuffels anfechtungen zu widerstehen / vnd sich zu wehren / Das sie nicht darumb für im erschrecken noch verzagen / ob er schon inen / beide / durch Welt vnd jr eigen Fleisch / vnd durch sein eigen treiben / hart zusetzet / als sey er inen zu starck / vnd müssen sich im gefangen geben / Sondern das wir dagesen ein

Des Teuffels list/macht vnd zorn wider die Christen.

Wehre vnd widerstand wider den Teuffel.

Schilt des Glaubens wider die fewrigen Pfeile des Teuffels.

Wie man des Teuffels reizung widerstehen sol.

Der Glaube erinnert sich der empfangenen gnade / vnd verheissenen hälffe des Heiligen Geistes.

Ein Christi-  
ten Kan-  
dem Teufel  
wol wider-  
stehen.

gen ein Mans hertz fassen / vnd ritters-  
lich streiten durch vnsern Glauben / vnd  
wissen / so wir nur darin fest bleiben / so  
haben wir die stercke vnd vorteil / das  
er vns nicht sol abgewinnen / sondern  
wir an jm sollen Ritter werden.

Denn dazu sind wir auch von Gott  
beruffen / vnd in den stand gesetzt / da  
wir Christen werden / das wir sollen  
dem Teufel entsagen vnd wider in strei-  
ten / damit wir Gottes Namen / Wort  
vnd Reich wider in behalten mögen.  
So hat Christus vnser heubt schon in  
jm selbs / fur vns / den Teufel vnd seine  
macht geschlagen vnd getilget / Dazu  
auch vns den Glauben vnd heiligen  
Geist gibt / dadurch wir auch können  
vollend nider schlagen seine vbrige bos-  
heit / zorn vnd macht / so er an vns ver-  
suchet.

Des (sage ich) sol sich ein Christen  
erinnern / vnd also des Glaubens stercke  
vnd macht lernen erfahren / das er nicht  
der anfechtung vnd reizung folge /  
noch dem Teufel oder der Welt zu lie-  
be / vnd jm selbs zu ewigem schaden /  
vmb kleines zeitlichen guts / lust oder  
ehre willen / Gottes gnad vnd heiligen  
Geist von sich stosse / vnd sich selbs wi-  
der vnter ewigen zorn vnd verdammis  
werffe.

### III.

Vnd wisset / das ewre Brüder in  
der Welt / eben dasselbige leiden ha-  
ben.

Als ist auch seer ein köstlicher  
Trostspruch / welchen S. Pe-  
trus freilich nicht allein vom  
heiligen Geist eingegeben / sondern auch  
selbs versucht vnd erfahren hat / Als da  
er in des hohen Priesters Haus / seinen  
HERREN dreymal verleugnet hatte /  
vnd bald darnach in solch angst vnd za-  
gen fiel / das er were dem Verrheteer Ju-  
da nachgefolget / wo Christus nicht sei-  
ne augen zu jm gewand hette / Darumb  
er auch so bald nach seiner Auferste-  
hung am ersten befehlet / jm die selbe ver-  
kündigen / Vnd darumb auch selbs zu vor  
zu jm sagt / Luce 22. Petre / ich habe fur  
dich gebeten / das dein Glaube nicht  
auffhöre / Vnd du / wenn du nu dich be-  
kennest / so stercke deine Brüder.

SOLches thut er auch trewlich mit

diesem Spruch / Ir habt in der Welt  
(spricht er) viel vnd schwer zu leiden / bei-  
de / in geistlichen vnd leiblichen anfech-  
tungen / wider die erste vnd ander Tas-  
fel / da euch der Teufel nachstellet / durch  
seine lügen vnd mord. Das thut schwa-  
chen Christen nach irem fleisch vnd blut  
vber die masse seer wehe / das sie sich  
jmerdar vom Teufel sollen tragen vnd  
plagen lassen.

Vnd drücket einen jeden sein leiden  
so hart / das er meinet / es leide niemand  
so schwer als er / Sonderlich in den ho-  
hen geistlichen anfechtungen / damit  
die / so fur andern hohe / sonderliche gas-  
ben haben / vnd den andern furstehen  
sollen / angefochten werden. Wie S.  
Paulus offte von seinen hohen anfech-  
tungen klagt / Welche der gemeine haus-  
se nicht verstehet / kan sie auch nicht er-  
tragen. Vnd Gott hie die masse helt /  
das er einem iglichen nach seiner Person  
sein Creng aufflegt / darnach er starck  
ist / vnd tragen kan / Aber dieses sind sol-  
che leiden / das auch die grossen / starcken  
Geister wol darunter verschmachten  
vnd verdorren müssen / wenn jnen Gott  
nicht auch trost verlihe / Denn sie greif-  
fen das hertz im leib an / vnd verzeren  
marek vnd bein / Wie offte die Psalmen  
jemerlich klagen.

Schwere  
der hohen  
geistlichen  
anfechtun-  
gen.

SOLches haben auch etliche in Clö-  
stern / vnd zu weilen auch ander frome  
zarte gewissen erfahren / wie schwer sie  
zu tragen sind / sonderlich in der blind-  
heit vnd finsternis des Papstums / da  
sie wenig rechtis trosts gehabt haben.  
Es sind aber auch etliche vnerfahren fur-  
witzige Geister gewesen / die solches gese-  
hen vnd nicht verstanden haben / vnd  
doch auch wollen viel von grossen an-  
fechtungen wissen / aber da sie es erfa-  
ren / auch nicht haben können ertragen /  
Wie man sagt von einem solchen / der  
die andern höret engsilich klagen vber  
ire anfechtungen / das er habe Gott gebe-  
ten / das er in auch solchs lieffe versu-  
chen / Da hab in Gott lassen mit fleisch-  
licher lust angefochten werden / Als er  
aber die selbige nicht ertragen kund / bat  
er abermal / Gott wolte jm ein andere  
geben / seines Bruders / die er fur gerins-  
ger hielte / Aber da er die selbige kriegte /  
bat er viel hefftiger / das jm Gott die  
vorigen wider geben wolte.

Vnerfah-  
te furwitz-  
ige Geister  
können gro-  
sse anfech-  
tung nicht  
ertragen.

Trost / das  
mit S. Pe-  
trus alle lei-  
dende ster-  
cket / aus sei-  
nem eignen  
Exempel.

## Auslegung der Epistel

In solchen anfechtungen tröstet nu  
**S.** Petrus die leidenden Christen/  
 damit/ das sie nicht allein / noch die ers-  
 sten sind/ die also angefochten werden/  
 als were es gar ein wunderlich/seltzam/  
 vnerhöret Creutz vnd leiden / das sie sü-  
 len / vnd dencken / sie tragens allein/  
 Sondern wissen sollen / das ire Bruders  
 schaffe / die Christen / zu aller zeit / vnd  
 allenthalben zustrewet / auch des glei-  
 chen leiden müssen / weil sie in der Welt  
 sind / vom Teufel vnd seinen Schuppen/  
 Denn es lindert vnd tröstet aus der mas-  
 ssen seer / so der leidende sibet vnd weis/  
 das er nicht allein / sondern mit dem  
 hauffen leidet.

Trost der  
 Christen/  
 das keiner  
 allein lei-  
 det.

War / in eusserlichen anfechtungen  
 des Teuffels vnd der Welt / daran die ges-  
 meinen Christen gnug zu tragen haben/  
 Da ist dieser trost leichtlich zu ergreif-  
 fen / weil man sibet vnd höret auch an-  
 dere des gleichen leiden / Aber wo er  
 dich alleine ancastet mit seinen gifte-  
 gen Pfeilen / als zu verzweuelung an  
 Gottes gnade / als siehestu allein verwor-  
 ssen / Item / mit grewlichen gedanken  
 der Gotteslesterung / Gott zu hassen/  
 sein Regiment zu richten vnd verdam-  
 nen etc. Vnd damit dein hertz also zu  
 martert vnd engstet / das du denckest/  
 Es sey nie kein Mensch auff Erden  
 grewlicher angefochten. Da ist es not/  
 diesen trost zu treiben / damit S. Petrus  
 dich vnd alle Christen tröstet / vnd  
 spricht / Lieber / lass dich nur den Teufel  
 vnd ewer leiden nicht erschrecken / noch  
 verzage machen / Denn das solt ir wis-  
 sen / vnd keinen zweivel haben / Ir leidets  
 nicht allein / So schendlich kan er euch  
 nicht angreifen / er hats andern auch  
 gethan / vnd thuts noch.

Anfechtung  
 grewlicher  
 gedanken  
 der Gottes-  
 lesterung.

Denn er meinet vnd suchet dich  
 nicht allein / sondern die ganze Christen-  
 heit / Vnd gehet doch allzeit dahin / das  
 er inen in irem leiden Gottes Wort vnd  
 Glauben aus dem hertzen reisse / vnd sie  
 ired trosts an Christo beraube / vnd  
 Gott nur auffs grewlichst vnd feinds-  
 lichst furbilde / das das hertz keinen gu-  
 ten gedanken von im habe / Vnd kan  
 das thun / nicht allein mit hohen / geist-  
 lichen / subeilen gedanken / sondern auch  
 wol durch grob eusserlich eingeben / das  
 fur sich der Mensch selbs schemen vnd  
 entsetzen mus. Ich hab selbs ein Meid-  
 lin gesehen vnd gehöret solch anfecht-

ung klagen / das ir / da sie in der Kir-  
 chen stund / vnd sahe das Sacrament  
 auffheben / die gedanken eingefallen we-  
 ren / Sibe / weldch einen grossen Schaleck  
 hebt der Pfaff auff / Darüber sie plöz-  
 lich erschrack / das sie zur Erden nider  
 sanck.

Solch schrecken vnd angst komet  
 daher / das der Mensch wehnet vnd den-  
 cket / Es sey kein ander Mensch in sol-  
 chen grewlichen anfechtungen / als er /  
 vnd er allein ein sonderlichs selzams  
 vnd vngewonlichs leiden habe / Wie-  
 wol es nu warist / das wol eines Men-  
 schen anfechtung aus andern zufellen  
 vnd umbstenden / vnd auff ander weise /  
 sich begeben kan / denn des andern / das  
 sein leiden in vngleich vnd anders dün-  
 cket / denn der andern. So ist doch der  
 gangen Christenheit leiden vnd anfecht-  
 ung in dem gleich vnd einerley / das sie  
 alle der Teufel suchet zu treiben von  
 Gottes furcht vnd vertrauen / zu vers-  
 achtung / vnglauben / has vnd lesterung  
 wider Gott.

Die ganze  
 Christenheit  
 wird allzeit  
 gleich vom  
 Teufel ange-  
 fochten.

Drumb pflegen auch die Apostel  
 der Christen leiden zu nennen / eine ges-  
 meinschaft der Leiden vnd trübsal / Sie  
 hen alle ir leiden in das leiden Christi  
 vnfers **HEXXXI** / als des Heubts vnd  
 Vorgengers / Wie S. Petrus im ersten  
 Capitel sagt / Wie der Geist Christi  
 durch die Propheten zu vor bezeuget hat /  
 beide / die leiden / so in Christo sind / vnd  
 die herrligkeit darnach. Vnd S. Paulus  
 Coloss. 1. sage / Er erfülle an seinem  
 fleisch / was noch mangelte an trübsal /  
 in Christo.

Gemein-  
 schafft der  
 Leiden Chri-  
 sti.

Wenn man wil von sonderlichem  
 schweren leiden sagen / so wird es  
 freilich kein menschlich hertz bedencken  
 noch ausreden können / wie gros vnd  
 schweert angst vnd hertzleid vnser ersten  
 Eltern Adam vnd Heua gehabt haben /  
 ober irem jemerlichen fall. Vnd was  
 hat Adam hernach die neun hundert jar  
 seines lebens fur jamer müssen sehen /  
 an seinem ersten Son Cain vnd seinen  
 Kindern / der gleichen kein Mensch nie  
 erfahren hat / Das auch sie beide nach Ha-  
 bels tod fast hundert jar leid getragen /  
 vnd nicht bald ehelich zusammen kometen  
 sind / bis sie den dritten Son zeug-  
 ten / Das inen freilich die selben neun  
 hundert jar ein betrübte / elende zeit ge-  
 west.

Das schwe-  
 rest leiden  
 vnser ersten  
 Eltern.

Mit diesem vnserm Vater mügen wir am Jüngsten tage dauon disputiren / was da sey das hohe einsame leide / dauon wir noch nichts wissen / Vnd werden gerne bekennen / das er hierin vnser Meister vnd Vater sey / wir aber noch geringe Schüler gewest sind / Denn mit im ist es freilich am schwersten vnd sechrllichsten gewesen / weil er kein Exempel gleiches empel für im gehabt gleiches leidens / des er sich hette trösten mögen.

Adam hat kein Exempel gleiches empel für im gehabt.

Desgleichen / wo du kündest recht bedencken / was die andern grossen heilige Patriarchen / Propheten / Aposteln / für nemlich / S. Paulus vnd S. Petrus selbs etc. vnd hernach alle lieben Martierer vnd Heiligen / gelidten haben / So würdestu wol selbs sagen müssen / das alle dein anfechtung vnd leiden / dagegen nichts ist. Aber vor vnd vber alle ist des HERRN Christi anfechtung vnd leiden gewesen / welchem des Teuffels rechte fewrige Pfeile vnd bittere stiche durch sein hertz gegangen / das sie den engstlichen blutschweis mildiglich zu seinem Leibe eraus gedrungen haben. Der ist vns allen mit seinem leiden weit zuuor gegangen / das wir mit alle vnserm leiden nur seinen fuststappen folgen.

Der Apostel vnd Christi selbs höhest leiden.

Arumb lerne nu diesen Spruch S. Petri wol fassen / das du nicht denckest / du leidest allein solche schwere gewulliche anfechtung vnd stöße des Teuffels / Sondern das deine Brüder / nicht allein die da tod sind (welche dir auch ein schon Exempel furgetragen) sondern auch die da mit dir leben in der Welt / solch schrecken vnd not gelidten haben vnd leiden / Denn sie haben eben denselben feind Christi / vnd der ganzen Christenheit. Das du magst frölich rhümen vnd sagen / Gott sey gelobe / Ich bins allein nicht / der da leidet / sondern mit mir ein schöner hauffe der ganzen lieben Christenheit auff Erden / meine liebe Brüder vnd Schwestern / bis an den Jüngsten tag. Vnd hie tröstet vnd stercket mich S. Petrus / wie im Christus befohlen hat / als der solch leiden auch wol versucht vnd erfahren hat / vnd freilich viel höher denn ich vnd andere.

Ich hab auch wol etwo gedacht in meinen anfechtungen / Ich wolt mit S. Petro vnd Paulo disputieren / ob sie hetten können schwerer angefochtē werden / denn ich. Denn das thut der Teu-

92

ffel / wo er sonst nichts mehr kan / das er den Menschen dahin treibet / das er nichts anders denn nur sein leiden vnd not ansehen kan / vnd mit solchen gedanken drücket / Es sey kein Mensch so gar von Gott verworffen / oder so tieff in angst vnd not gesteckt. Er hat mich auch offte mit solchem disputieren so müde gemacht / das ich im hab können kein Argument soluiren / vnd schlechts müssen von mir zu Christo weisen / der im kan vberdisputirens gnug geben / Vnd wo wir auch diesen nicht bey vns habē / so ist er vns viel zu starck vnd weit vberlegen / das nicht möglich ist sein wider reden zu schweigen / Er hat bald alle meine kunst zu ruck gestossen / vnd mich mit meinem eigen schwert geschlagen.

Ah / es sind doch die Rottenmeister vnd andere sichere Geister / arme / elende Leute / die so gar nichts erfahren von solchem kampff / Gehen in jren eigen gefassten extremeten gedanken erschaffen / der sie sich so gewis düncken / als könne es jnen nicht feilen / Vnd jr etliche frech vnd on schew lestern / Gott sol es jnen selbs nicht nemen / Vnd der Teuffel sie auch sein in solchem stercket / lests jnen gut sein / vnd macht sie nur verstockter. Aber das ist eben das Warzeichen / das sie den Teuffel noch nicht kennen / vnd schon von im geblendt vnd gefangen sind / das er sie kan stürzen / wenn er wil.

Der Teuffel bildet einem jeden sein leiden für / als das schwerste auff Erden.

Der Rottenmeister verstockte sicherheit für dem Teuffel.

Denn die rechten Christen sind nicht also sicher vnd trotzig / wenn sie nicht angegriffen werden / sondern in grossem schwerem kampff vnd engsten sich erbeiten / das jnen der Teuffel das Schwert nicht neme. Ich weis / das ich auch gelert bin für einen Doctor / vnd ein wenig versucht habe / was der Teuffel kan / Aber das mus ich im zengnis gebē / durch tegliche erfahrung / das er mich wol kan niderschlagen / wo ich nicht wol verwaret bin im Glauben / vnd Christum im hertzen habe.

Thomas Mänger war auch so fest vnd steiff / wie er meinet / das er thurste sagen / Er sehe Christum nicht an / wenn er nicht wolte selbs mit im reden / Aber zu letzt / da in der Teuffel begund anzugreifen / da sahe man / was sein trog vnd rhum gewest war. Nein / das sind sie nicht / die es thun / die so steiff daher trogen / als haben sie schon den Teuffel gefressen / Sehen nicht / das sie vor lens-

## Auslegung der Epistel

gest sieben mal von jm verschlungen/  
vnd in seinem Rachen stecken.

Der Ketzer Arius war auch sicher  
vnd stolz gnug/ wider die fromen Bi-  
schoue vnd Christen/ Ja/ da er von sei-  
nem Bischoue gestrafft ward vmb sei-  
nen irthum/ vnd vermanet abzustehen/  
ward er nur halsstarriger/ vnd klaget  
dazu vber grosse verfolgung/ Vnd war  
das sein leiden gar/ das man jm seine  
grewliche lesterung nicht wolte lassen  
gut sein/ Wie denn allzeit die Kottens-  
geister vnd alle Lestere/ ja auch öffent-  
liche Mörder vnd Tyrannen/ wollen  
Marterer sein/ so man inen nicht billi-  
chen vnd gestatten wil/ das sie wider  
Gottes wort vnd frome Leute toben.  
So gar sicher vnd recht wissen sie sich/  
das sie sich nichts für Gott fürchten/  
vnd den Teuffel für eine tode Zumel hal-  
ten/ bis er sie zu leze blözlich ergreiffet/  
vnd stürzet in einem augenblick.

Aber die armen angefochtenen Chris-  
sten bedürffen nur herzlich wol/ das  
man sie durch Gottes wort tröste vnd  
stercke/ Denn sie müssen darob engstlich  
ringen vnd kempffen/ das sie in den ho-  
hen ansechtungen schier Gott/ Chris-  
stum/ Glauben vnd Vater vnser verlie-  
ren. Darumb ist hie not des befohlenen  
Ampts vnd werck S. Petri/ seine Brü-  
der zu stercken/ Wie jm in seinen ansech-  
tungen auch not gewesen/ vnd zuvor von  
Christo getröstet ist/ das er für in gebe-  
ten habe/ das sein Glaube nicht gar solt  
verleschen vnd auffhören/ welcher doch  
vber seiner verleugnung/ bis an den drit-  
ten tag fast verloschen/ vnd kaum das  
Kleinst füncklin dauon bleib.

Darumb tröstet er nu/ als ein trewer  
Apostel die/ so in gleichem zappeln  
vnd zagen/ vnd hohen nöten des sincken  
den vnd verleschenden Glaubens sind/  
Vnd spricht hiemit zu allen leidenden  
vnd trostlosen/ Mein lieber Bruder/  
Dencke nur nicht/ das du allein in sol-  
cher not vnd ansechtung steckest/ Es  
sind noch viel deiner Brüder/ die es auch  
so schwer leiden/ so hab ichs ja auch so  
schwer gelidten/ wo nicht schwerer/  
vnd bin ja so schwach gewesen/ als du  
jmer werden kanst/ Wiltu es nicht glen-  
ben/ so sihe/ was mit widerfuhr im hau-  
se Caiphe des Hohenpriesters/ da ich  
mich vermessen hatte/ mit Christo in

Kercker vnd Tob zu gehen/ Aber bald  
da mich eine Magd mit einem wort an-  
greiff/ siel ich dahin/ verleugnet vnd ver-  
schwur meinen lieben **JESU** auff's  
aller greulichst/ vnd in der not lag gan-  
ger drey tage/ da ich niemand hatte/  
der mich tröstet/ oder mit mir gleich ges-  
lidden hette/ on das mir mein lieber  
**JESU** dennoch mit seinen augen/ ei-  
nen freundlichen blick gegeben hatte.

Darumb sol niemand sein angst  
vnd not/ so schwer vnd greulich hal-  
ten/ als were es new/ vnd nicht andern  
auch widerfahren/ Dir mag es auch wol  
new vnd vnerfahren sein/ aber sihe vmb  
dich in den ganzen hauffen der lieben  
Kirchen/ von anfang bis auff diese stun-  
de/ welche in der Welt dazu gesetzt ist/  
das sie stets mus dem Teuffel durch die  
spiesse lauffen/ vnd on auffhören sich las-  
sen sichten vnd worffeln ( wie Chris-  
selbs saget ) wie man dem Weizen  
thur.

Lieber/ du hast noch nicht gesehen  
noch erfahren/ was vnser ersten Eltern  
jr lebenslang gelidten vnd ertragen ha-  
ben/ vnd hernach alle liebe heilige Ves-  
ter/ bis auff Christum. S. Petrus ist  
auch viel höher in dieser Schulen ge-  
west/ denn ich vnd du/ Vnd ich wolte  
gerne sagen/ das auch seiner ansechtung  
gleichen kaum zu finden. S. Paulus sa-  
get auch von jm vnd seines gleichen/ den  
lieben Aposteln/ Vns hat Gott/ als ein  
Fluch vnd Segopffer/ den Engeln vnd  
der Welt zum Schawspiel dargestellt/  
das der Teuffel nur vns zu plage nach  
seinem willen/ vnd also seine lust vnd  
freude an vns habe. Vnd was ist aller  
Menschen leiden gegen Christi angst  
vnd kampf/ da er für dich blut geschwis-  
set hat?

Dahin weise den Teuffel/ so dich  
plagt mit alle seinen ansechtungen/  
vnd las jm mit jm disputiren/ vnd sa-  
gen/ was die rechten hohe ansechtun-  
gen/ Tods kampf/ vnd der Zellen angst  
sey etc. Tröste dich aber des/ das du auch  
mit an den Reien gehörest/ dere/ so in ge-  
meinschaft des leidens mit dir gewest/  
vnd noch sind/ vnd bis an den Jüngsten  
tag sein werden. O dieser ist ein schöner  
herrlicher hauffe/ alle vnter einem  
Hercn vnd Heubt/ welcher ist der  
**JESU**/ der dem Teuffel vnd seiner  
ganzen Zelle die macht genommen hat/  
Vnd

Christe sind  
nicht sicher/  
vnd bedür-  
ffen trosts.

S. Petrus  
tröstet die  
Christen in  
gleichem not  
vnter er gelid-  
ten hat.

S. Petri an-  
sechtung da  
er Christum  
verleugnet  
hat.

Luc. 22

1. Corinth. 4

Vnser an-  
sechtung mi-  
chts/ gegen  
der Aposteln  
vnd Christi  
ansechtung.

Vnd Kurtz / es kan dein leiden so böse nicht sein / es ist ja so böse gewesen der lieben Apostel / Propheten / Patriarchen / vnd aller Heilige / furnemlich aber Christi selbs / Mit welchen / so wir leiden /

sollen wir nicht zweiueln ( sprichet S. Paulus Rom. 8. ) Wir werden mit inen auch zu gleicher herrligkeit erhaben werden.

# Euangelium am dritten

Sonntag nach Trinitatis / Luc. XV.



**F** naheten aber zu im allerley Zöllner vñ Sünder / das sie in hören / Vñ die Pharisæer vnd Schrifftgelehrten murreten vnd sprachen / Dieser nimet die Sünder an / vnd isset mit inen.

Er sagt aber zu inen dis gleichnis / vnd sprach / Welch Mensch ist

unter euch / der hundert Schafe hat / vnd so er der eines verleuret / der nicht lasse die neun vnd neunzig in der Wüsten / vnd hingehe nach dem verlornen / bis das ers finde / Vnd wenn ers funden hat / so leget ers auff seine achseln mit freuden / vnd wenn er heim komet / ruffet er seinen Freunden vnd Nachbarn / vnd spricht zu inen / Freuet euch mit mir / denn ich habe mein Schaf funden / das verlorn war. Ich sage euch / also wird auch freude im Hie



## Auslegung des Euangelij

mel sein / ober einen Sünder / der busse thut / fur neun und neunzig gerechten / die der busse nicht bedürffen.

Oder welch Weib ist / die zehen grosschen hat / so sie der einen verlorret / die nicht ein liecht anzünde / vnd kere das Haus / vnd suche mit vleis bis das sie in finde? Vnd wenn sie in funden hat / ruffet sie ihren Freun-  
din vnd Nachbarin / vnd spricht / Freuet euch mit mir / denn ich habe meinen Grosschen funden / den ich verloren hatte. Also auch / sage ich euch / wird freude sein fur den Engeln Gottes / ober einen Sünder / der busse thut.

Summa  
des Euange-  
lij.



**D**ies Euangelium heit auch in sich die Lere / welche wir fur vnser Heuber lere halten vnd rhümen / vnd die rechte Christliche Lere heisset / Nemlich / von der Gnade vnd vergebung der Sünde / vnd Christlicher freiheit von dem Gesetz / Vnd ist ein seer liebliche / freundliche vermanung zur Busse vnd erkentnis Christi. Vnd ist imer schade / das solch treffliche / tröstliche vnd fröliche Predigt / ein gottloser frecher Mensch hören sol. Vnd noch viel schedlicher / das es jederman so bald ausgelernet / vnd Meister drüber wird / lesse sich düncken / er könne es so wol / das er nichts mehr dran lernen dürffe / So doch Gott vnser HERR sich selbs nicht verdriesen lesse / noch müde wird / das ers jerslich / ja alle tage lesse widerholen vnd treiben / als wisse er nicht anders zu predigen / vnd kan selbs keine Kunst mehr / Vnd wir armen elenden Leut werden so bald allzu gelert / vnd dazu so sat / müde vnd vberdrossen / das wir nicht mehr lust noch liebe dazu haben.

Vrsache die-  
ser Predigt  
Christi.

Eshe wir aber denselben Artikel angreifen / hierin geleret / wollen wir erstlich ansehen / das S. Lucas als zur Vorrede setzet / vnd zeigt / was Christo vrsach gegeben habe / zu solcher folgender Predigt / vnd spricht / Es haben sich zu

Christo gethan Zöllner vnd allerley Sünder / das sie nahe bey vnd vmb in wolten sein / vnd sein Wort hören / Vnd drückets frey durr heraus / was er fur Leute vmb sich gehabt habe / nemlich / die öffentlich lebeten / wie sie nicht leben solten / vnd recht schaffene Sünder vnd böse Leute hießen / Das es scheint / die Phariseer haben vrsach genug gehabt in zu tadeln / das er / der ein fromer heiliger Man sein wolt / mit solchen gemeinschafft hatte.

Denn Zöllner / hiesse man dazumal / die Leute / hin vnd her in landen / so von den Römern eine Stad / Zol / oder sonst eine Pflüge oder Ampt bestunden / vnd inen ein genant gelt dauon gaben / Wie jzt der Türck oder die Venediger / einem eine Stad oder Ampt einthun / vnd so viel tausent gülden des Jars darauff schlagen / die er dauon geben mus / vnd was er darnach darüber erschindet / das ist sein. Also thaten jene auch / die solche Zöll vnd auffgelegte gelt einnahmen / das sie ihren gewin dauon hetten / Vnd weil dieselbe Summa gros war / also auff eine Stad oder Ampt geschlagen / so mussten solche Amptleut gar getrost schinden / das sie sein auch genossen / Denn jre Herrn spannetens inen so gnaw / das sie nicht viel künden eröbern / wenn sie wolten recht handeln / vnd niemand vbersegen / Daher waren sie berüchtigt in allen Landen / das es solche Schinder weren / bey denen nicht viel frölichkeit vnd ehrbarkeit zu suchen were.

Desgleichen hies man Sünder / Sinder / den andern grossen hauffen in gemein hin / die sonst rohe Leute waren / vnd öffentlich in schendlichem wilden wesen lebeten / im geiz / hurerey etc. Solche finden sich hie zu Christo / vnd komen darumb / das sie in auch hören wollen / weil sie gehört hatten / das er ein trefflicher Man war mit seiner Lere / vnd der viel wunder thet.

Tu ist dennoch ein füncklin oder zwey der tugent vnd frölichkeit in inen / das sie zu Christo lust haben / vnd gerne wolten seine Predigt hören / vnd sehen was er thete / Weil sie doch wissen / das er ein fromer Man ist / vnd nichts / denn eitel guts von im hören / beide / an worten vnd wercken / das sich jr wesen gar nicht reimet noch vberlein stimmet mit seinem leben / vnd sie dennoch nicht im feind

Zöllner.

Sinder.

Tugent der  
Zöllner vnd  
Sinder /  
das sie Chri-  
stum gerne  
hören.

feind sind / noch fur im siben / sondern zu im lauffen / vnd ja nichts böses an im sichen können / sondern wollen et was guts von im sehen vnd hören / vnd hoffnung da ist / das sie mögen gebessert werden.

Der Phari-  
seer giff vñ  
hass wider  
Christum.  
Matth. 23

**D**agegen die Phariseer vnd Schrifte-  
gelerten / welche fur die frömesten  
vnd heiligsten gehalten vnd gerhümet  
worden / die sind so gifftige Würm / das  
sie nicht allein Christo feind sind / vnd  
in nicht sehen noch hören wollen / son-  
dern auch nicht leiden können / das die  
armen Sünder zu im komen / vnd in hö-  
ren / das sie möchten gebessert werden /  
Ja murren vnd tadeln in / das er sie zu  
im lesse vnd bey sich leidet / vnd sprech-  
en / Sihe / ist das der treffliche heilige  
Man? Wer wil nu sagen / das er von  
Gott sey / weil er sich zu solchen Buben  
vnd losen Leuten helt? Ja / er ist ein  
Schlemmer (sagen sie anderswo) vnd  
ein Weinsuffter / der Zöllner vnd Sün-  
der gefelle.

Solchen namen mus er haben / von  
den heiligen Leuten / nicht das er schwel-  
ge / vnd mit fresse vnd sauffe / sondern al-  
lein daher / das er solche lesse zu im ko-  
men / vnd nicht von sich stößet noch ver-  
scheet / Da er solt so gethan haben / im  
grawen rock gegangen / sawr gesehen /  
vnd sich von gemeinen Leuten geson-  
dert / Vnd wo er solche Zöllner vnd Sün-  
der gesehen / die nasen zu gehalten / vnd  
die augen weg gekeret haben / das er  
nicht von inen beschmeisset würde / Wie  
sie pflegten zu thun / als heilige Leute /  
Wie auch Esaia am 65. von inen schrei-  
bet / Das sie sich so rein gehalten haben /  
das sie nicht kunden leiden / das sie ein  
Sünder anrühret.

Als man auch sibe am Exempel  
Luc. 7. wie sich der Phariseer so vnütz  
mache wider Christum / das er sich liesse  
anrühren von dem sündigen Weiblin /  
Das waren nu die / so in allzeit meisters-  
ten / vnd in wolten fur schreiben / vnd  
Regel stellen / wie er sich solt halten /  
vnd heiliglich leben. Darumb murren  
sie hie / das er sich nicht zu inen helt / vnd  
nicht solche öffentliche Sünder meidet /  
wie sie thun.

Christus wil  
nicht mit Ge-  
setzen gebun-  
den noch ge-  
meistert sein

**A**v ist auch Christus ein wenig eigens-  
sinnig / vnd zeigt alhie / das er  
schlecht wil vngemeistert vnd aller dings  
ungebunden sein / Wie man auch al-

lent halben im Euangelio sibe / das ein  
sonderlicher eigensinn in dem Man ste-  
cket / der doch sonst so gelind / willig vnd  
dienstlicher Man war / als auff Erden  
nicht ist / Aber wenn sie an in komen mit  
Gesetzen / vnd wollen in meistern / so ist  
alle freundschaft aus / stößet vnd pral-  
let zu rück / als ob man auff ein Ambos  
schläge / redet vnd thut nur das wider-  
spiel / des / das sie von im fordern / ob  
sie gleich recht vnd wol sagen / vnd Got-  
tes wort führen / Wie sie hie thun / da sie  
komen vnd sagen / So soltestu thun / du  
soltest dich zu Fromen halten / vnd nicht  
zu Sündern / Das ist ein köstliche Lere /  
vnd aus der Schrifte genomen / Denn  
Mose selbs so schreibet / das sie sollen  
die bösen meiden / vnd das böse aus inen  
thun / Den Tert haben sie fur sich / ko-  
men getrolt mit irem Mose / vnd wol-  
len jr Gesetz auff den Man schlagen /  
vnd in darnach regieren.

Aber es heisse Gottes gesetz oder  
Menschen gesetz / so wil er kurgumb vn-  
gebunden sein / Vnd ist gleich wie ein  
Einhorn / von welchem man saget / das  
mans nicht könne lebendig fahen / man  
heze vnd jechte es wie man wolle / Erste-  
chen / schieffen vnd tödten lesset sichs  
wol / aber fahen lesse sichs nicht. Also  
thut er auch / ob man gleich mit Geset-  
zen an in wil / vnd vber in schleget / so  
leidet ers doch nicht sondern reisset hin-  
durch / wie durch eine Spinwebe / vnd  
lieset inen dazu einen guten text.

Einhorns  
natur.

Christus wil  
von allen  
Gesetzen vñ  
gefangen  
sein / vnd ers  
fallet doch  
alle Gesetze.

Als Matth. 12. da sie seine Jünger  
beschuldigeten / das sie Ebern ausreuff-  
ten am Sabbath / vnd Gottes gebot  
furwendeten / man solle den Sabbath  
feiren etc. Keret es gar vmb / vnd reisset  
durch das Gebot / beweiset dazu / beide /  
mit Schrifften vnd Exempeln / das wi-  
derspiel. Item Matth. 16. da er den  
Aposteln verkündigt / wie er solt leiden  
vnd gecreuzigt werden / vnd Petrus  
auch aus guter meinung / mit dem Ge-  
setz der Liebe / erfur komet / helt in Got-  
tes gebot fur / vnd spricht / **H E R R** /  
schone dein selbs / das widerfare dir ja  
nicht. Da gibt er in auch ein gut starck  
capitel / feret in vbel vnd vnfreundlich  
an / vnd spricht / **Heb dich von mir du  
Satan** / denn du meinst nicht was Got-  
tes ist / sondern was menschlich ist.

Summa / allenthalben / wo man  
nur mit Gesetzen mit im ansehet zu  
g iij hand 8

## Auslegung des Euangelij

händlen/so wil ers nicht leiden/sondern frey sein von allen Gesezen / vnd ein **3. E. R. R.** vber dieselbigen / vnd wil gar kein Gesetz nicht halten / als müsse ers thun/ Vnd doch widerumb wenn es von jm selbs gehet/so ist kein Gesetz so klein/ das ers nicht gerne thue / ja viel mehr thue/ denn das Gesetz fordern künde/ Das man keinen willigern/dienstlichen Menschen künde finden/wenn man in vn gemeistert lesset / Ja er lesst sich so tieff herunter/das er seinem Verrheteer Jus da die füsse wesschet vnd küsst/ vnd

Matth. 20

selbs seine Jünger des nachts decket/ (wie die Legend von jm sagt / vnd wol zu gleuben ist) wie er auch selbs spricht/ Ich bin nicht komen/das man mir diene/sondern das ich iderman diene.

Da gehören ja werck des Gesetzes zu/ aber nicht als aus dem Gesetz / oder durchs Gesetz erzwungen / Wie man auch sibet an seinem leben / das er jmer im land hin vnd wider zenthet vnd gehet/ schlefft des nachts auff der Erden/ fastet vierzig tag/hat keine ruge / vnd machets so viel mit erbeiten/das sieorgeten/er würde von sinnen komen/ oder seinem Leib schaden thun/ vnd thut alles was er jmer sol vnd kan / On allein/ das er wil ungezwungen sein / vnd kein Gesetz auff sich schlagen lassen/Vnd wo mans anfehlet/da sperret vnd wehret er sich auffso aller herteste. Also ist er/ beide/der aller eigensinnigste/vnd auch der aller gütigste/ vnd zu gleich / kein halsstarriger Man/ vnd auch kein dienstlicher Man/ weder er / Der nichts thun wil/dazu man in mit dem Gesetz treiben wil/vnd doch alles thut / vnd vbergeheth/wie eine Sündflut/ mit guten wercken/wenn man in lesst nur von jm selb thun/on meistern vnd leren.

Marc. 3.

**S**us ist nu vns geschriebē zum Exempel / das wir lernen / was ein recht Christen Mensch ist nach dem Geist/ vnd nicht von jm richten nach dem Gesetz / noch in meistern nach vnser klugheit / Denn darumb ist auch Christus vnser **3. E. R. R.** / das er solche Leute aus vns mache / wie er selbs ist / Vnd wis er nicht leidet / das man in mit Gesezen binde / sondern ein **3. E. R. R.** ist vber Gesetz vnd alle ding/ Also soles auch eines Christen Glanbe nicht leiden.

Denn wir sollen so hoch gesezt vnd gefreiet sein durch Christum vnd seine Tauffe / das vnser gewissen nach dem Glauben von keinem Gesetz wisse/ sondern schlecht von demselben vngemeistert vnd vngeurteilt bleibe / Das vns nicht anders zu mut sey/nach solchem inwendigen wesen des gewissen/ denn als sey nie kein Gesetz auff Erden komen/weder Zehen noch ein Gebot/weder Gottes noch Papsks oder Kaisers/ Sondern allzeit in der freiheit stehen/das wir können sagen / Ich wis von keinem Gesetz/vnd wil auch von keinem wissen.

Geistliche  
freiheit des  
Glaubens  
vom Gesetz

Denn in dem stand vnd wesen/das durch wir Christen werden / da hören auff vnser vnd aller Menschen werck/ Also auch alle Gesetze / Denn wo kein werck ist/da kan auch kein Gesetz sein/ das da werck fordere/vnd spreche/ Das soltu thun/das soltu lassen / Sondern wir sind schlechts durch die Tauffe vnd Christi blut frey von allen wercken/aus lauter gnad vnd barmhertzigkeit gerecht / vnd leben auch allein derselben für Gott. Das ist (sage ich) vnser schatz/ nach dem wir Christen sind / vnd für Gott leben vnd bestehen/Denn wie wir nach dem eusserlichen wesen in fleisch vnd blut leben sollen/ das gehöret hieher nicht.

Gesetz gehöret nicht zur gerechtigkeit für Gott.

Darumb mus ein Christen sein ges wissen für Gott auch so lernen regiren/ das er sich daselbs mit keinem Gesetz lasse gefangen nemen/ Sondern wo man damit wil seinen Glauben anfechten/ sich dagegen wehre/vnd thu/wie Christus hie vnd anderswo thut / da er sich so eigensinnig/selzam vnd wunderlich machet / das kein Moses noch Gesetztreiber mit jm kan außkomen/so er doch sonst der aller demütigst/ gelindest vnd freundlichste Man ist.

Aber das ist ein treffliche grosse kunst die auch niemand kan / on er allein/ welcher ist des ein Meister gewesen/der da künde alle Gesetz vnd Gesetzlerer zu rück stossen/Aber wir können nicht da zu bringen / Denn der Teuffel hat sein spiel in vnserm fleisch vnd blut / wenn er einen Menschen ergreiffet im gewissen/ vnd in zu rede setzet/was er gethan vnd nicht gethan habe / vnd mit vns disputieret / beide / von vnser Sünden/ vnd frömit.

Da ist

Der Glaube  
sol sich in kei-  
ne disputa-  
tion lassen  
mit dem Ge-  
setz.

Da ist der Mensch in eine Leimgru-  
ben vnd tieffen schlam gefurt / das er  
nicht kan heraus komen/vnd nur tieffer  
vnd tieffer versenck't wird/Denn es ligt  
auff jm/als ein schwere last/vnd drückt  
jm/das er sich nicht kan darüber erheben/  
gehet vnd frisset sich damit / vnd kan  
sich nicht zu friede stellen. Wie ich auch  
an mir selbs fühle/das ich mich nicht kan  
eraus erbeiten/ob ich wol jmer erbeite/  
vnd mich drüber würg'e / aus dem loch  
zu komen/das ich möchte mich vber das  
Gesetz erschwingen/ vnd so viel zu wes-  
gen bringen / das es schweigen müste/  
vnd sagen/ Wolan / nu hastu gnug ge-  
than/nu bin ich mit dir zu frieden/Aber  
da wird nichts aus/Denn es ist eine sol-  
che tieffe gruben/daraus niemand ver-  
mag zu komen / wenn er alle Wele zu  
hülff neme / Wie die Können mit mir  
zeugen/ die es versucht haben/vnd noch  
tegl'ich erfahren.

Menschliche  
vernunft  
vnd natur  
kan sich ni-  
cht vber das  
Gesetz erhe-  
ben.

Das machet nu / das vnser ganze  
Natur also geschickt ist / das sie kurz-  
umb mit wercken vnd gesetzen wil vmb  
gehen/vnd denen folgen/ die da sagen/  
Warumb isset er mit den Zölner vnd  
Sündern? Wenn er mit vns esse vnd  
trüncke / so theete er recht. Item/War-  
umb reuffen deine Jünger die ehern aus/  
vnd thun das man nicht thun sol am  
Sabbath etc? Vnd wil jmer so lang  
mit jm handeln vnd disputiren / bis es  
sage/ Tu bistu from.

Denn sie kan nicht höher komen  
noch verstehen/denn/ das Geseglere die  
höchste lere sey/ vnd seine gerechtigkeit  
das beste leben für Gott sey. Bleibt als  
so in demselben ewiglich gefangen vnd  
gebunden/Vnd wie sie es angreiff't vnd  
versucht/kan sie es doch nimmermehr da-  
zu bringen/das sie das Gesetz künde stil-  
len/das es nichts von jr zu fordern noch  
zu straffen habe / sondern mus jr lebens-  
lang darunter gefangen bleiben / als in  
einem ewigen Kercker/Vnd je lenger sie  
sich damit würg'et vnd schlegt/ je erger  
sie es macht / bis sie darüber zu bodem  
gehet.

Je sol ich denn thun/so das Gesetz  
mir zusetzet / vnd mein gewissen  
drenget/weil ich fühle/das ich nicht thu  
was es fordert? Antwort / Sihe / wie  
hie Christus thut / vnd dagegen seinen  
Kopff aufsetzt/vnd macht sich auch ei-  
gensinnig/wil kein Gesetz auff sich la-

ssen treiben/ob es wol aus Gottes Ge-  
bot genommen ist.

Also lerne du auch thun/ vnd dür-  
re zu jm sagen/Liebes Gesetz / Las dein  
disputiren anstehen/vnd gehe deines we-  
ges/denn ich hab jzt mit dir nichts zu  
schaffen / Ja eben darumb / das du kö-  
mest / vnd wilt mit mir handeln / vnd  
fragen / wie from ich sey / wil ich dich  
nicht hören / Denn es gilt für diesem  
Richter / dafür wir jzt hadern/nicht/  
was ich bin vnd thun sol oder nicht/  
Sondern was Christus ist / gib vnd  
thut/Wir sind jzt in dem schlaffkemer-  
lin/da Braut vnd Brutigam allein sol-  
len sein / da gebürt dir nicht hin zu kö-  
men/noch etwas drein zu reden.

So kloppfets aber gleichwol jmer  
an/vnd spricht/Ja du solt dennoch gu-  
te werck thun/Gottes Gebot halten  
wiltu selig werden. Antwort abermal/  
Hörestu wol/ das jzt nicht gilt davon  
zu handeln/Denn ich habe schon meine  
gerechtigkeit vnd heubtstück aller selig-  
keit/on alle werck in meinem J. J. J.  
XVI Christo/ vnd bin schon zuvor se-  
lig/ehe du komet / das ich deiner gar  
nicht dazu bedarff.Denn(wie ich gesagt  
habe)wo nicht werck geltē/da gilt auch  
kein Gesetz/vnd wo das Gesetz nicht ist/  
da ist auch nicht sünde / Darumb sol da  
nichts / denn alleine die Braut in jrem  
Kemerlin mit Christo regiren/ in welch-  
em sie alles miteinander hat/vnd nichts  
bedarff/was zur seligkeit von nöten ist/  
vnd das Gesetz heraussen lassen bleiben/  
mit seinen trummeln vnd pfeiffen / vnd  
getrost verachten vnd von sich stoffen/  
wenn es das gewissen wil angreiffen/  
Denn es gehöret nicht hieher / vnd kö-  
met zur vnzeit/ vnd wil dazu thun ha-  
ben/da es nicht hin komen sol.

Antwort  
auff des Ge-  
setzes treib-  
vnd fordern  
vnserer  
werck.

Denn hie sind wir in dem Artickel/  
der da heisset / Ich g'leube an Ihesum  
Christum meinen J. J. J. J. für mich  
gelidten/ gestorben / auferstanden etc.  
dem sol weichen/beide/Moses vnd Kei-  
sers vnd Gottes Gesetz / Vnd sol nur  
frisch hinweg schlagen / alles was mit  
mir disputirē wil/ von sünde/recht oder  
vnrecht/vnd allem was ich thun mag.

Sihe/solche freiheit wil vns hiemit  
Christus furbilden/ das wir / als Chris-  
ten/nach vnserm Glauben / keinen an-  
dern Meister leiden / sondern schlecht  
vns des halten / das wir getaufft sind/

## Auslegung der Epistel

und beruffen zu Christo/und durch in ge-  
recht und geheiligt worden / und sa-  
gen / Das ist mein recht / mein schatz/  
mein werck und alles / wider sünde und  
vnrecht ( das das Gesetz machen und  
auff mich bringen kan ) Wiltu ander  
recht / werck / gesetz / Sünde haben / so  
nim sie wo du wilt / bey mir soltu kein  
sint finden.

Aber künde sich ein Mensch weh-  
ren/und bestehen wider des Teufels ein-  
geben und anfechtung / es sey von vers-  
gangen oder gegenwertigen sünden / Al-  
so/das man diese beide weit von einan-  
der scheide / Mosen und Christum/  
werck und Glauben / gewissen und eu-  
ffentlich leben / Das / wo das Gesetz an  
mich wil / und mein hertz erschrecken/  
da ist's zeit/das ich dem lieben Gesetz vr-  
laub gebe/und wo es nicht wil / getrost  
hinweg schlage/ und spreche / Ich wil  
gerne gute werck thun und fördern/wo  
ich kan/zu seiner zeit / wenn wir vnter  
die Leute komen/Aber hie/ da mein ges-  
wissen für Gott stehē sol/wil ich nichts  
dauon wissen / da las mich nur vnuer-  
worren/ und sage mir nichts von meis-  
nem thun oder lassen/ Da höre ich wes  
der Mosen noch Phariseer / sondern  
Christus sol hie allein regieren und alles  
sein/ und wil gleich wie Maria / zu sei-  
nen füßen sitzen/und sein Wort hören/  
Herauffen sol Martha bleiben / und in  
der Küchen umbgehen/und jr Häuser-  
beit thun / Und das gewissen zu frieden  
lassen.

**W**ie aber/so ich noch jmerdar sünde  
an mir habe/das ist ja nicht recht.  
Antwort/ Ja/das ist war / Ich bin ja  
ein Sünder/und thu vnrecht/ Aber dar-  
umb nicht verzweuel noch in die Helle  
gelauffen / noch für dem Gesetz geflo-  
hen/ Denn ich habe noch ein Recht und  
werck / vber den Mosen / dadurch ich  
ergreiffe den / der mich ergriffen hat/  
und halt mich an den / der mich umbfan-  
gen hat in der Tauffe / und in seinen  
schos gelegt / und durchs Euangelium  
gefordert zur gemeinschafft aller seiner  
güter / und heisset mich an in gleuben.  
Wo der ist / da heisse nur flugs die Pha-  
riseer und Mosen mit seinen Tafeln/als  
le Juristen mit iren Büchern/alle Men-  
schen mit iren wercken still schweigen  
und weichen / Denn da hat kein Gesetz  
kein recht zu verklagen noch zu fordern/

ob ichs wol nicht gethan habe / noch  
thun kan/Denn in dem Christo habe ich  
alles reichlich / was mir mangelt und  
feilet.

Solchs ist (sage ich) der Christen lere  
und kunst/und gehöret allein dahin/da  
Christus regieren sol/und das gewissen  
mit Gott handelt/Wird aber nicht ge-  
predigt groben/frechen / leichtfertigen  
Leuten/Denn solche nichts hie von ver-  
stehen/und solche lere ( wie S. Petrus  
auch sagt ) verwirren und verkeren zu  
irem eigen verdammis/nemen dauon ein-  
nen behelff/zu leben wie sie wollē/ Und  
sagen / So / was darff ich gute werck  
thun? Was schadets das ich ein Sünder  
bin? Hat doch Christus das Gesetz auff  
gehaben etc.Das gilt nu auch nicht.

Denn hie mustu Christum auch anse-  
hen auff dem andern ort / was er mehr  
thut / Hie spricht er selbs / er sey der  
Man / der das arme verloren Scheflin  
suche/und beweiset's dazu mit gegenwer-  
tiger that / das er die Sünder und Zöl-  
ner auffnimet / und jnen predigt / Da  
wirstu sehen/das er viel mehr ausdrich-  
tet/denn das Gesetz geboten hat / und  
dich mit solchem Exempel auch so thun  
leret/So stolz ist er/das er nicht wil vn-  
ter dem Gesetz sein / Und widerumb so  
willig/das er auch wil viel mehr thun/  
denn das Gesetz mag fordern.

Also lebe du auch / das du nicht erst  
harrest / bis man dich mit dem Gesetz  
treiben und plagen müsse / sondern on  
Gesetze von dir selbs thust/was du thun  
solt/ Wie S. Petrus vermanet 1.Pet.2.  
als die freien / doch nicht als hettet jr  
die freiheit zum deckel der bosheit/son-  
dern als die Knechte Gottes. Und Pau-  
lus Rom. 6. Tu jr frey worden seid  
von der Sünde/seid jr Knechte der ge-  
rechtigkeit/Das sind die / die alles mit  
freiem gewissen/on zwang des Gesetzes  
thun.

Denn das Euangelium/wo es recht  
im hertzen ist / sol einen solchen Mens-  
chen machen/der nicht so lang harret/  
bis das Gesetz komet/sondern ist so voll  
freuden in Christo / lust und liebe hat  
zum guten/das er gerne jederman helffe  
und wol thue wo er kan / aus freiem  
hertzen / ehe er ein mal an das Gesetze  
dencket / wage sein Leib und Leben gar  
hinan / nichts darnach gefrage / was  
er darüber leide / Und also voll guter  
werck

Freiheit  
vom Gesetz  
wird nicht  
frechen/vn-  
busfertigen  
Leuten ge-  
predigt.  
2.Pet.3.

Für Gottes  
gericht sol  
das hertz al-  
lein Chri-  
stum hören.

Umb der ge-  
denwertige  
vbrigen sin-  
de willen sol  
man nicht  
verzagen.

werck werde / die von sich selbs daher fließen / Gleich wie Christus / gezwungen nicht wil einen strohalm auffheben / aber ungezwungen leste er sich für mich vnd alle Welt ans Creutz schlagen / vnd stirbt für das verloren Schefflin / Das heissen ja werck vber werck.

**D**em nach lerne nu wol vnterscheiden / vnd diese stück beide recht zulegen vnd teilen / wenn es zum treffen kommet / da das Gesetz vnd Sünde mit dem gewissen disputirt / das du dem Mose gerost ins mauel greiffest / vnd heiffest in schweigen / Weisest in heraus auff deinen alten Menschen / Den füre zu Mose in die Schule / das er mit im disputierte / vnd spreche / Hörestu / du bist zu mal faul vnd treg guts zu thun / dem Liebesten zu dienen / Wo du soltest Christum loben / so trinckstu lieber ein Kandel biers aus / Ehe du soltest fahr stehen vmb Christi willen / so raubest du viel lieber / vnd betreuegest den Liebesten / wo du kanst. Für denselben faulen Schelmen / der nicht fort wil / vnd die feuste nicht erbeiten wollen / die füsse nicht gehen / wo sie sollen / die augen nicht züchtig sehen / da magstu steinern Tafel nehmen / vnd auff den Esel damit schlagen / das er fort müsse.

Darumb / wo du mich angreiffest / da es recht ist (sol man zu Mose sprechen) so wil ich dich gerne hören vnd folgen / nemlich / die faust vnd mein leben / ausser dem Glauben vnd gerechtigkeit meines gewissen für Gott / Da magstu regieren / wie ein Zuchtmeister vnter dem Gesind im Hause / vnd mich heissen gehorsam / züchtig / gedülig sein / dem Liebesten wol thun / den Armen helfen / Gott loben vnd preisen / Dazu mich lassen schenden vnd lethern vmb seines Wortes willen / vnd leiden / das wir die Welt alle plage anlegt / Des bin ich alles wol zu frieden / vnd wil wol mehr thun / denn ich nach dem eusserlichen Menschen thun kan / Denn der Geist ist willig (spricht Christus) vnd mehr denn willig / ob wol das Fleisch schwach ist. Denn also leste er sich selbs beschneiden / im Tempel opffern / geisseln vnd creuzigen / der im keines not ist / noch das Gesetz von im zu fordern hat.

Aber wenn du wilt weiter greiffen / da du nicht solt hinkomen / in mein hertz vnd glauben / da wil ich dich weder hö-

ren noch sehen / Denn da hab ich einen andern grossen vnaussprechliche schar / welcher heisst Christus mit seiner Tauffe vnd Euangelio. Summa / was den eusserlichen Menschen trifft / da kanstu nicht zu viel aufflegē noch treiben / Aber dem gewissen soltu nichts vberall aufflegen / Denn wo der Geist ist / der vns Christum bringet / der ist vber alle Gesetze / wie S. Paulus sagt / Dem gerechten ist kein Gesetz gegeben / Vnd thut doch gleichwol mehr / denn er nach dem Fleisch erfüllen könde / Denn nach demselben sind wir nichts denn sündler / vnd vnser Person halben müsten wir wol vnter dem Gesetz verdampft bleiben / Aber vmb Christi vnd der Tauffe willen / schweben wir hoch vber alle Gesetz.

Also sol Moses ausser Christo sein werck vber / das er treibe / die / so nicht Christen sind / oder je den alten Menschen / denn die Christen macht er damit nicht from noch gerecht / aber das thut er wol / das er inen zeiget / was jr Ampt ist / das sie nach dem Geist gerne thun / on / das das fleisch nicht so hernach wil / noch dem Geist folgen kan / das sie desselben halben auch noch vermanens vnd anhaltens bedürffen / aber gleichwol das gewissen frey bleibt / das das Gesetz kein recht hat / sie für Gott zu verklagen vnd verdammen. Daher mus man in der Christenheit solche lere vnd vermanen auch gehen lassen (wie auch die Apostel gethan haben) das man einen iglichen ermane vnd erinnere / was er in seinem stand thun sol.

Über die andern aber / so nicht Christen sind / da mus man Mosen gar regieren lassen / vnd beide / faust vnd gewissen damit beschweren / das er sie zwingen vnd plage / das sie müssen thun / was recht ist / vnd das böse lassen / ob sie es gleich nicht gerne thun / Als da ist der mutwillige Pöbel / vnd halsstarrige Volk / so die freiheit Christi nicht achten oder nicht verstehen / ob sie wol können vom Euangelio schwergen vnd rhumen / des sie doch nur misbrauchen zu frem mutwillen / Dieselben sollen wissen / das sie vnter Mosen gehören.

Denn das sind nicht die Lente / die diese lere fassen können / die so sicher daher gehen / vnd sich düncken lassen / sie dürffen des Euangelij nichts / oder können

Im Kampff des gewissen sol man kein Gesetz hören.

1. Tim. 1

Gesetz nicht den Christen dazu / das es leret / wie sie nach dem Geist leben sollen.

Die ruchlosen sol man mit dem Gesetz schrecken vnd drücken

nens

## Auslegung des Euangelij

nens sonst wol / Sondern allein die / die in solcher Disputation stehen des gewissens mit dem Gesetz / von wegen der sünde vnd Gottes zorn / vnd dafür erschrecken / vnd fülen / das inen jr hertz sagt / O wehe / wie hab ich gelebt / wie wil ich für Gott bestehen / Vnd also hingehen / allzu furchtsam vnd blöde / da die andern all zu hart vnd vermessen sind / das sie kein Gesetz / noch ire sünde vnd not fülen / noch achten.

Vnd ist also mit beiden vnrecht ausgeteilet / das die so nichts mit dem Gesetz solten zu schaffen haben / die habens all zu viel / ja sie fülen allein / Die andern aber / die es allein fülen solten / bekümmern sich nichts vberall damit / Ja sie mehr man sie mit dem Gesetz vnd Gottes zorn schrecken wil / je herter sie werden / Darumb gehöret auch ein ander Meister für sie / nemlich / der Hencker vnd Stockmeister / der sie lere / wenn sie nicht wollen guts thun / in Gottes namen / das sie es thun müssen in eines andern namen / vnd keinen danck / sondern hellisch feur vñ alle plage zu lohn habē.

Dagegen wil Christus hie vnd allenthalben (wie ich gesage habe) beide / mit seinem Exempel vnd seiner Predigt vns leren / die wir vnsere sünde vnd des Gesetzes last fülen / vnd gerne wolten Christen sein / das wir vns auch geruehen dagegen zu wehren / vnd von vns auff zu weisen / Vnd nicht dem Teuffel raum lassen / der da wil durch das Gesetz Christus seine Brauckamer auffbrechen / vnd sich an seine stat setzen / das ist / dem gewissen seine freude vnd trost nemē / auff das er den Menschen in verzweuelung treibe / das er nicht könne den kopff noch sein hertz für Gott auffrichten.

Denn das heisset der Christen kunst / als die et was mehr lernē vnd wissen solten / denn der gemeine rohe hauffe weiß vnd verstehen kan / nemlich / das sie sich mit dem Teuffel können schlagen / vnd wider in bestehen / wenn er vns angreiffet / vnd aus dem Mose mit vns disputiren wil / Also / das man jm nur keiner disputatio vnd handlung gestehe / sondern schlechtes von Mose zu Christo weisen / vnd bey demselben bleibe / Denn er allein damit vmbgehet / das er vns listiglich von Christo vnter Mosen bringet / Denn er weiß / wo ers dazu bringet / so hat er schon gewonnen.

Darumb sihe nur darauff / das du dich von der bahn nicht führen / noch aus diesem Kreis locken lassst / Sondern / ob er schon vom Gesetz viel furhelt / als das auch Gottes wort sey / dem du schuldig bist zu gehorchen / so kanstu jm antworten / vnd sprechen / Hörestu wol das ich jzt von keinem Gesetz wissen noch hören wil / Denn wir sind jzt in dem Zirkel / vnd auff dem plag / da man nicht fraget / was ich thun vnd lassen sol / Ich weiß zuor wol / das ich nicht gethan habe / noch thue / was das Gesetz foddert.

Sondern hie von ist die frage / Wie man einen gnedigen Gott / vnd vergeltung der sünde haben / vnd den Artikel von Christo lernen sol / Da wil ich bleiben / dem IESU Christo in seinen Armē / vnd mich an seinen hals hengen / vnd in seine Tauffe kriechen / Gott gebe / das Gesetz sage mir / vnd mein hertz füle / was es wolle / Wenn wir nur das heubtstück rein / vnd dis Schlos fest vnd wol verwaret behalten / so wil ich darnach anwendig gerne thun vnd leiden / so viel man mir aufflegt.

Die / wer diese kunst wol lernet / der were ein rechte vollkommen Mensch / wie Christus gewesen ist / so weit vber alle Gesetz / das er dürffte auch S. Petrum einen Teuffel heißen / die Pharisäer Narren vnd Blindeleiter / vnd Mose seine mauel greiffen / vnd heißen still schweigen / Vnd also gar on Gesetz leben / vnd doch alle Gesetz erfüllen / Heide / stolz vnd eigensinnig / wider alles was in wolt binden vnd gefangen nemen / vnd doch auch von sich selbst allen Menschen dienstlich vnd vnerthan / Aber das ist allzeit der mangel / das wir solchs nimmermehr recht lernen können / sondern der Teuffel im wege ligt / vnd dahin füret / das wir es vmbkeren / vnd nur allzu willig vnd demüctig sind / zu hören alles was das Gesetz sagt / vnd dafür erschrecken / da wir solten den kopff auffsetzen / vnd nicht hören noch folgen.

Widerumb anwendig wöllen allzu seer in die freiheit geraten / Da wir solten den Leib getrost drücken / vnd mit dem Gesetz vben / das er müste leiden alles was jm wehe thut / weil er noch jmer dar sündigt / Also / das die Sünde hie auffen bleibe / da sie bleiben sol / vnd jren Mosen habe / der jr auff dem rücken liege vnd

Wie sich die gewissen wider des Gesetzes schrecken wehren sollen.

Erstbeden  
ne gewissen  
sol man  
vom Gesetz  
auff Christum  
weisen

Ein Christ  
nach dem  
Geist sey  
vom Gesetz  
vnd heit  
doch alle  
Gesetz.

Das solch  
sol mit dem  
Gesetz ge  
drückt werc  
den.

ge vnd treibe/ Inwendig aber keine sün-  
de noch Gesetz regiere/ sondern Christus  
allein mit lanter gnad/ freude vnd trost.  
So gieng es alles recht / vnd were der  
Mensch zu allem guten geschickte / beide  
alles zu thun vnd zu leiden/ mit lust vnd  
willigem/ frölichem hertzen/ aus einem  
feinen rechtschaffenen Glauben der gna-  
den Gottes durch Christum.

Wer nu solchs kan/ der dancke Gott/  
vnd sehe zu/ das er es nur nicht zu wol  
kömme/ noch sich grosser kunst vermesse.  
Denn ich vnd meines gleichen Könnens  
ja noch nicht/ wie wirs Können solten/  
ob wirs wol am meisten versuche / vnd  
am lengsten getrieben haben / Denn es  
ist/ wie ich gesagt hab/ ein solche kunst/  
die niemand kan/ denn die Christen/ vnd  
müssen alle Schüler bleiben / vnd jr les-  
benlang dran lernen / on allein die an-  
dern sichern Geister/ welche Könnens al-  
lein alles/ Aber eben fur solcher vermein-  
ter kunst nichts vberall Können / vnd da  
mit am aller weitesten dauon kómen  
sind/ Vnd kein verdrieslicher ding/ noch  
größer jamer vnd schaden der Christen/  
heit widerferet/ denn durch solche Klüg-  
linge/ durch welche alles voll Rotten  
vnd Secten wird/ vnd eitel solche Leu-  
te/ die weder Gott noch der Welt die-  
nen/ weder das Gesetz noch Euangeli-  
um recht hören/ sondern jenes sicher ver-  
achten/ vnd dieses vberdrossen werden/  
vnd jmer ander lere suchen.

Aber wir predigen auch nicht vmb  
derselben willen/ als die es nicht werd  
sind/ vnd von Gott gestrafft/ das sie es  
nimer lernen/ noch etwas dauon brin-  
gen/ ob sie es gleich hören / Also / das  
doch wirs alleine behalten/ vnd sie vns  
nichts dauon nemen / on allein / das sie  
den eiteln dohn vnd klang dauon hören.

**W**as ist das erste stück/ so Chri-  
stus hie leret/ mit seinem Exem-  
pel. An wollen wir auch anse-  
hen die schöne Predigt des HERRN/  
da er anseheth/ vnd spricht.

## II.

Welch Mensch ist vnter euch/  
der hundert Schafe hat / vnd so er  
der eines verleuret / der nicht lasse  
die neun vnd neunzig in der Wü-

sten/ vnd hingehe nach dem verlor-  
nen/ bis das ers finde? etc.

**E**X ist nicht allein eigensinnig/  
der HERR Christus/ das er jrer  
Lere vnd meisterschafft nicht fol-  
gen wil/ Sondern zeigt auch desselben  
gute vrsache/ vnd widerleget mit gro-  
sser feiner kunst / Stopffet jnen das  
maul/ das sie nichts dawider zu mucken  
haben/ ja beschleusst sie mit jrer eigen-  
that vnd Exempel / das sie sich in jr  
hertz schemen müssen/ das sie im solches  
anmuten/ vnd an jm taddeln/ in so gros-  
sen sachen/ das sie selbs thun in viel ge-  
ringern sachen/ vnd dazu mit ehren wol-  
len thun.

Denn wie könd er jnen besser antwor-  
ten/ denn das er sagt / Ir grossen Mei-  
ster/ vnd lieben Klüglinge/ wolt jr mich  
das heissen vnd leren/ das ich die armen  
Sünder sol von mir stossen/ die mein be-  
geren/ vnd zu mir kómen / das sie mich  
hören mögen? so jr doch selbs vmb eines  
verloren Scheflins willen viel mehr  
thut/ wo jr vnter hundertten eines eini-  
gen vermisset / vnd lasset die neun vnd  
neunzig in der Wüsten (das ist/ auff dem  
felde bey den hürten) allein stehen/ vnd  
lauffet dem einzelen hundersten nach/  
vnd habet keine ruge / bis jrs wider fin-  
det/ Vnd heisset das wol gethan / vnd  
ein löblich werck/ vnd wo euch jemand  
darumb straffete/ so würdet jr in fur toll  
vnd töricht halten/ Vnd ich/ als ein Zei-  
land der Seelen/ solt mit den Menschē  
nicht also thun/ wie jr thut mit einem  
Schefflin? so es doch gar kein gleichen  
ist mit einer Seelen/ gegen allem / was  
da lebet vnd webet von allen Thieren  
auff Erden / Solt jr euch denn nicht in  
ewer hertz schemen / mich zu meistern  
vnd straffen vber solchem werck/ das vn-  
meslich besser ist/ denn das werck / das  
jr selbs lobet/ vnd loben müisset? Das/  
wo jr mich straffet/ müisset jr zu vor euch  
selbs verdamnen.

Das heisset ja wol verantwortet/  
vnd mit allen ehren das maul gestopf-  
et / vnd vrsach gnug angezeigt / wars  
vmb er jrer meisterschafft nichts vberall  
bedarf / ja auch nicht leiden wil noch  
soll/ So lauffen sie auch an/ wie sichs ge-  
höret/ das sie nichts/ denn jr eigen sün-  
de vnd schande damit erjagen / Denn  
es ist billich allen Meistern ein schande/  
is auch

Vrsach ange-  
zeigt/ war-  
vmb Chri-  
stus die sün-  
der animer

Die Phari-  
seer mit jren  
eigen Exem-  
pel eingetret-  
ben.



## Auslegung des Euangelij

Torheit vnd  
schande al-  
ler dero/so  
Christum  
vnd seine  
Christen mit  
stern wollen

ja auch ein vnleiblicher freuel/ das sie sich den Man vnterstehen zu vbermeistern/ der doch aller Meister von Gott gesetzt ist.

Vnd sol auch so gehen (wie ich gesage habe) wer einen Christen wil meistern vnd vrteilen/ vnd von seiner Tauffe vnd Artickel von Christo füren/ in mit sein er klugheit oder Gesetz zu regieren/ das der nicht allein müsse zum Narren werden/ sondern auch greuel vnd mord anrichten/ Denn er schendet Gotte seinen Tempel vnd Heiligtum/ vnd greiffet im mit teuflischem freuel in sein Reich/ da er allein durch seinen heilige Geist regieren sol/ Das solcher redlich vnd wol verdienet/ das in Gott widerumb zu sünden vnd schanden mache/ fur aller Welt/ weil er ins Teuffels namen wil Meister sein/ da Christus allein Meister ist/ vnd mit dem kopff leufft wider den Man/ der im zu hoch vnd zu klug ist.

Darumb ist nicht gut scherzen mit den Christen/ denn es sind lebendige Heiligen/ Vnd sey nur alle Wele vnuerworen mit dem Man/ der Christus heisset/ denn man gewinnet doch nichts an im/ vnd wils nicht leiden/ das man in lere vnd meistere. Also auch ein Christ/ kan vnd sols auch nicht leiden/ oder woers er leidet/ vnd solchem eingehen einreumet oder weicher/ da man Christum an im meistern vnd tadeln wil/ oder seinen Glauben mit Gesetz vnd werck lere anfechten/ so ist er verloren/ vnd von Christo gefallen.

Christen sol-  
ten in Glauben nicht la-  
ssen mit Ge-  
setz vnd  
werck lere  
anfechten.

Darumb lasse vns nur fest an im halten/ vnd nicht achten/ ob vns alle Welt vberklügelt vnd meistert. Denn wo wir bey im bleibe/ vnd rechten verstand dieses Artickels behalten/ so wollen wir wol alle solche Klügler eintreiben vnd zu schanden machen/ Denn dieser Christus sol vnd wil doch vngestrafte vnd vngemeistert bleiben/ sondern er wil allein alle welt meistern vnd straffen/ das sie in müssen/ entweder mit gnaden fur iren HERRN vnd Meister/ vnd sich fur Narren erkennen/ oder mit vngnaden zu schanden werden/ vnd zu boden gehen.

**I**ch hab aber vor gesagt / das diese Predigt viel zu gut / süsse vnd tröstlich ist/ far den groben

rohen hauffen/ vnd tollen Lüderrigen Pöbel/ Vnd wir inen hie nichts vberall predigen/ das sie es eben wissen/ Sondern allein denen/ die in schrecken vnd angst des gewissens/ oder in todes fahrt vnd nöten sind/ vnd der Teufel mit inen disputirt von iren sünden/ das er sie in schweermut vnd verzweuelung treibe. Diesen sol man die liebliche Bild furhalten/ das sie getröstet vnd frölich werde. Die andern aber/ so vorhin im sause leben/ vnd nicht viel davon wissen/ was schweermut vnd geistliche trawrigkeit sey/ sol man zu Mose vnd Meister Hanssen mit seinen Knechten weisen/ vnd zum Teufel hinnach.

Diese liebliche  
Predigt  
gehört al-  
lein für blö-  
de vnd be-  
schwerte ge-  
wissen.

Denn es ist zu gar freundlich/ vnd viel besser gemalet/ denn kein Mensch malen kan/ vnd niemand so berede/ der es ansprechen vnd mit worten erlangen kan/ sondern mus mit dem Glauben im hertzen (so viel es möglich) gefasset werden/ Doch müssen wir ein wenig davon anzeigen/ das wir ursache geben/ solchem nach zu dencken.

Ich habe auch (spricht er) hundert Schafe/ Das ist das heuflin der ganzen Christenheit/ darunter eines verloren ist/ vnd aus der gemeinschafft der Christenheit komen. Wiltu nu wissen/ wie mir zu sinn ist/ so male nur/ beide/ solchen Hirten/ vnd das verlorne Schaf/ wol abe. Denn derselbige Hirte/ der doch nur ein Mensch ist/ vnd des vnuernduffrigen Viehes hütet/ das zu schlachten vnd würgen geschaffen ist/ noch hat er zu seinem verloren Scheflin ein solch hertz/ das im ja so bang ist/ wie ers wider kriege/ als dem Scheflin selbs nach solchem seinem Hirten

Des Hirtens  
hertz gegen  
dem verlo-  
ren Schaf.

Vnd das Scheflin/ wo es verstehet/ (wie es denn von natur verstehet) das es sein Hirte ist/ so fürchtet sichs nichts vber all/ sondern leuffet zu im mit aller zuuersicht/ vnd gehet fur im her mit ganzem vertragen/ Ja/ so bald es nur seine stimme höret/ so schreiet es vnd leuffet nach im/ vnd hat keine ruge/ bis es zu im kommet. Vnd ist also natürlich eitel freundschaft vnd liebe zwischen inen beiden/ ja gar ein hertz vnd sinn gegenander/ Das/ wo das Scheflin künde reden/ vnd sein hertz heraus schütten/ so begeret es nichts/ denn zu seinem Hirten/ Vnd widerumb der Hirte hat kein ander sorge noch gedanken/ denn wie er

Des Schef-  
lins art vnd  
zuuersicht  
gegen sei-  
nen Hirtten.

Natürliche  
liebe vnd  
treue des  
Hirtten vnd  
des Schafes  
gegenander

das Scheflin wider finde / das von im  
Komen vnd verirret ist / leuffet vnd schi-  
tzt Knechte aus / wo ers nur zu suchen  
weis / vnd höret nicht auff / bis ers fun-  
den vnd wider heim bracht hat.

**D**enn er weis wol / was es fur ein  
arm thier ist / das allein des Hirten hül-  
ffe vnd schutzes leben mus / vnd im selbs  
gar nicht helfen kan / sondern gar ver-  
loren ist / vnd verderben mus / wo es sei-  
nen Hirten nicht hat / vnd on das es na-  
türlich schüchter vnd irrsam ist / vnd so  
bald es aus dem weg vnd vom Hirten  
Komet / so ist es schon aus / vnd kan nicht  
bleiben / ob es gleich zu andern Hirten  
vnd Schafen Komet / vnd ein frembder  
im ruffet / Sondern leuffet eines laufs-  
sens durch heggen / wasser / vnd was fur  
im ist / so lang / bis es dem Wolff zu teil  
wird / oder sonst verdirbt.

**W**er doch hat es dagegen die tu-  
gend vñ gute art an sich / das es sich mit  
allem vleis zu seinem Hirten helt / vnd  
seine stimme seer wol komet / vnd wo es  
die selbe höret / so leuffet es stracks zu  
im / vnd lefft sich nicht von im weisen /  
ob im sonst alle Welt ruffet vnd locket.  
vnd ob es schon verloren vnd verirret  
ist / doch hat es die hoffnung / so viel im  
seine natur gibt / wenn es nur seinen Hir-  
ten möcht wider hören / so were es frö-  
lich vnd aller sorge los. So ist der Hirte  
auch nicht darumb da / wenn er es wider  
findet / das er mit im zürnen / noch von  
sich stossen / oder dem Wolff in rachen  
werffen wolle / sondern alle seine sorge  
vnd gedanken sind / das ers nur auff  
aller freundlichste locke / vnd auff's senff-  
ste mit im vmbgehe / nimet es auff seinen  
eigen rücken / hebt vnd treget es / bis so  
lange ers wider heim bringet.

**D**as ist das gemelde / in der Creatur  
surgelbildet / dadurch vns Christus  
wil zeigen / wie er gesinnet ist / vnd was  
er thut gegen vns / vnd was wir vns zu  
im versehen sollen / Denn weil solches  
war ist in der natur / viel mehr ist es als  
so in diesem Reich Christi / welches ist  
ein Reich der Gnaden / vnd eitel liebe  
vnd trosts / Darumb nim das Scheflin  
auch fur dich / das zu diesem Hirten ge-  
höret / So wirstu es also finden / wie viel  
mehr vnd höher er sich des selben an-  
nimet / vnd wie gar herzlich vnd freund-  
lich er dafür sorget / das er es wider brin-  
ge / vnd damit wil ausgefrichen / ja

ausgeschutt haben seine vnausgründe-  
liche liebe vnd brunst / gegen die ar-  
men / sündigen / erschrocken / blöden ges-  
wissen / welches sind seine rechte Schef-  
lin.

**D**enn wenn ein Mensch diesen Hir-  
ten verloren hat / vnd seine stimme nicht  
höret / so gehets im eben wie dem verlo-  
ren Scheflin / welchs jmer / je weiter  
von im Komet / vnd ob man im schon lo-  
cket vnd ruffet mit andern lere / das es  
sol zulauffen / vnd meinen / es Kome zu  
seinem Hirten / so findets in doch nicht /  
sondern leuffet jmer von einem winkel  
zum andern / vnd wird nur je lenger je  
irrer / vnd ist kein trost noch hülffe / ehe  
denn es seines rechten Hirten stimme  
wider klingen höret.

**W**ie es auch die erfahrung fur augen  
zeigt / vnd ein jglicher im hertzen ersä-  
ren kan / Das / wenn der Artikel von  
Christo weggenommen ist / oder nicht ge-  
trieben wird / da Komet hie ein Kotten  
geist / dort ein Schwermer / da einer das  
Sacrament / der ander die Tauffe / ver-  
keret / vnd einer dis / jener ein anders pre-  
digt von sonderlicher heiligkeit / vnd ig-  
licher das arme Scheflin zu sich locket /  
vnd sich stellet / als sey er der Hirte / Da-  
von wird das Schaf irre vnd aber irre /  
bis es gar aus dem weg Komet.

**S**o Komet der Teufel auch dazu /  
mit seinen eigen gedanken / die er ins  
hertz treibet / Ah / hettestu das vnd jenes  
gethan / oder nicht gethan / vnd damit  
das hertz nur flüchtiger vnd irrer ma-  
chet / das es nicht weis / wo es bleiben  
sol / Das geschiet gewislich / wo Chris-  
tus aus den augen Komet / vnd der  
Artikel nicht klinger / Man lere / rate  
oder weise / wie man wolle / so wird es  
nur erger / vnd Komet dem verderben  
neher / Es sey denn / das der rechte Hir-  
te wider zu im Kome / mit seiner eigen  
stimme.

**A**ber sollen wir nu lernen vn-  
sern HERRN Christum recht  
kennen vnd einbilden / das wir in  
ja nicht ansehen / als einen Tyrannen  
oder zornigen Richter (wie man in bis-  
her gepredigt hat / vnd der Teufel dem  
hertze allzeit furhelt) als der hinder vns  
stehe mit einem schwert / Sondern wie  
das Scheflin natürlich seinen Hirten  
ansihet / gar nicht als ein solchen / der es  
schrecken /

Verderben  
des Schafs  
wo es on  
den Hirten  
ist.

Der Hirte  
suchet nicht  
das verlor-  
ne Schaf zu  
schrecken.

Christi vn-  
ausprech-  
liche liebe  
gegen seine  
verloren  
Scheflin.

On Chri-  
stum kan  
sich das  
Schaf nicht  
hüten noch  
wehren.

Das ist  
ein  
schwermer  
der thut  
das

Recht er-  
kenntnis  
Christi.

## Auslegung des Euangelij

schrecken / jechen / vnd schlagen wolle /  
Sondern / so baldes den selben ersihet /  
wird es fro / als sey im schon geholffen /  
vnd nicht mehr fürchten noch sorgen  
dürffe / vnd leufft flugs zu jm zu / mit al-  
ler zuversicht.

Als auch / wenn vnser zuversicht sol  
anfahen / vnd wir gestercke vnd getrös-  
tet werden / so müssen wir vnseres Hirten  
stimme wol lernen kennen / vnd alle an-  
der stümme lassen faren / die vns nur irre  
machen / hin vnd wider jechen vnd treis-  
ben / Vnd allein den Artikel hören vnd  
fassen / welcher vns Christum forbildet  
auffs aller freundlichst vnd tröstlichst /  
wie man in jmer malen kan.

Als wir können mit ganzer zuversicht  
sagen / Mein HERR Ihesus Chri-  
stus ist ja der einige Hirte / vnd ich lei-  
der das verlorne Schaf / das in der irre  
gelauffen ist / Vnd ist mir angst vnd ban-  
ge / vnd wolt gerne from sein / einen gne-  
digen Gott / vnd friede im gewissen ha-  
ben / So höre ich allhie / das jm ja so ban-  
ge ist nach mir / als mir nach jm / Mir ist  
angst vnd wehe / wie ich zu jm kome / das  
mir geholffen werde / So ist er in eng-  
sten vnd sorgen / vnd begeret nichts an-  
ders / denn das er mich wider zu sich brin-  
ge.

Christi be-  
gird vnd  
verlangen  
nach vn-  
serm heil.

So Ihe / wenn wir also können sein  
hertz malen / vnd in vnser hertz drücken /  
das er solch ausgeschutt begird / angst  
vnd verlangen nach vns het / so können  
wir vns ja nicht für jm entsetzen  
noch fürchten / sondern würden frölich  
zu jm lauffen vnd bey jm allein bleiben /  
kein ander lere noch Meister hören. Den  
wo ein ander lere komet / es sey Moses  
oder andere / die thut gewislich nichts /  
denn das sie vns nur jechet vnd plagt /  
das wir zu keiner ruge noch friede kom-  
men können.

Darumb auch Christus Mathe. 11.  
sagt / Komet zu mir / alle / die jr müheses-  
lig vnd beladen seid / Ich wil euch er-  
quicken / Vnd nemet mein joch auff euch /  
so werdet jr ruge finden für ewre Seele  
etc. Als wolt er sagen / Lauffet vnd su-  
chets wo jr wollet / höret vnd lernet al-  
les was man predigen kan / so werdet jr  
kein ruge noch friede des hertzens fin-  
den / on allein bey mir. Gerne wollen  
wir lassen predigen von gutem leben /  
die Jehen Gebot vnd allerley lere / Aber  
dem gewissen zu predigen / das da in

angst vnd schrecken steckt / vber seinen  
sünden / da sol bey leib kein ander Wort  
klingen / on von Christo. Denn das ist  
das arme verlorne Scheflin / welches kei-  
nen Meister sol noch kan haben vnd lei-  
den / on diesen seinen einigen Hirten /  
welcher gar nicht mit Gesetz treiben  
noch foddern mit jm handelt / sondern  
auffs aller süßest vnd senffste mit jm  
umbgehet / vnd das Scheflin mit alle  
seiner not / sünde vnd angst auff sich ni-  
met / vnd selbs thut was das Scheflin  
thun sol / wie wir weiter hören werden.

Denn hie mus man wol vnterschei-  
den (wie ich vorhin auch gnug ges-  
agt habe) zwischen der zweierley Pres-  
digt / oder Mose vnd Christi stimme /  
das man bey leib keinen Mosen lasse zu  
dem verlorne Scheflin komen / wenn  
ers gleich auffs beste machet / Denn wo  
mans in einander wil kochen / vnd ein  
betrübt gewissen mit dem Gesetz also  
tröstet / hab guten Mut / du hast ja nicht  
gemorder / noch die Ehe gebrochen / vnd  
grobe stück gerhan / oder hast es ja gut  
gemeinet etc. Das ist auch ein trost / aber  
er weret nicht lang / vnd kan die püffe  
nicht halten / Denn das heisse noch niche  
weiter noch höher getröstet / denn auff  
sich selbs / damit ist dem armen Scheflin  
nichts geholffen / Denn es bleibt gleich  
wol verirret vnd verlorne / vnd kan im  
selbs nicht helfen / noch zu seinem Hir-  
ten komen.

Kein trost  
der wecke  
kan dem ge-  
wissen helf-  
fen.

So im aber geholffen werden / so  
mus man jm den rechten Hirten zeigen /  
der da kome vnd suche es / das ers wider  
hole / vnd seine stimme lassen klingen /  
So kan es einen rechten trost empfa-  
hen / das es dem Mose thar antworten /  
vnd sagen / Ich achte jzt weder deines  
trosts noch schreckens mehr / vnd mache  
es so böse als du kanst / lass mich sein  
ein Mörder vnd aber Mörder / vnd mei-  
nen Vater vnd Mutter gehenge ha-  
ben / Aber jzt / weil ich in engsten vnd  
schrecken bin / für Gottes zorn vnd ewi-  
ger verdammis / wil ich dich nicht hö-  
ren / noch dir folgen / Denn ich füle vnd  
bekenne selbs / das ich leider ein arm ver-  
lorne Schaf bin / Aber das ist mein heil  
vnd trost / darauff ich trone / das ich den  
Hirten habe / der mich / sein verlorne  
Scheflin / selbs suchet / vnd auff seinem  
rücken tregt / Da lass vns von disputi-  
ren /

Rechter  
trost wider  
das Gesetz.

ren / nicht wie from oder böse ich bin / sondern wie ich zu Christo kome.

**D**Arumb mus man allzeit predigen / darnach die leute sind. Denn ich hab gesagt / das diese lere nicht dienet fur einen groben / harten Menschen / Gleich wie es nicht nützet / das man einem groben Drescher zucker vnd köstliche labfal gebe / die einem krancken gehört / sondern ein gut stück hart brot vnd kese / vnd einen trunck wassers sol man im geben / Ander weiche vnd niedliche speise spare fur die krancken / oder junge Kinder / die nichts hartes verdawen können.

**A**lso musn auch hie zu sehen / das du es recht teilest / vnd iglichem sein gebür gebest / wie ein kluger Haushalter / Also / das du Moses vnd des Gesetzes Predige erreibest / wo du harte / ruchlose Leute findest / die sicher vnd on fürcht leben / Die lass nur grobe Drescher speise essen / das ist / den zornigen Moses hören / der da erein donnert vnd bliget vom berge Sina / die Kinder Israel würget vnd vmbbringet in der Wüsten / den König Pharao im roten Meer erschuffet etc.

**W**O aber betrübte schwache hertzen vnd gewissen sind / vnd nu verlorne Scheslin worden / da schweig nur von Mose / vnd allen wercken Gottes in dem Gesetz gethan / vnd sage allein von den wercken / durch Christum zur zeit der Gnaden gethan / vnd bilde dem armen gewissen wol ein / wie er sich gegen dem verloren Scheslin erzeiget / Nemlich / das er sey der liebe frome Hirte / dem so angst vnd bange ist nach dem Scheslin / das er alles stehen vnd liegen leste / das er nur dasselbe widerhole / vnd leste nicht abe / bis ers wider heim bringet. Denn es ist im leid / das ein Mensch in sünden stecket / betrübt vnd verzaget ist / vnd kans nicht leiden / das er darin bleibe vnd verderbe / Sondern locket dich mit seinem süßen Euangelio auff aller freundlichst / das du nur zu ihm komest / vnd lassst dich auff seine schuldern nemen vnd tragen / vnd sein liebes Scheslin heiffest.

**D**enn jener hauffe mus nicht das verlorne Schaf heissen / der da sicher vnd im sause lebt / sich nichts drum bekümmert / ob Gott droben zürne oder lache / sondern ist ein wilder Bock / der sich we-

der hüten noch halten leste. Sondern die heissen verirrete verlorne Schafe / welche ire sünde drücket / vnd im kampff des Glaubens stehen / da es nicht gilt / Mosen zu verlieren / sondern Christum vnd seinen zeubartikel / das ist / da das gewissen in sorgen vnd engsten ist / ob im Gott gnedig sey / Das ist das rechte Schaff / so nach seinem Hirten seuffzet vnd schreiet / vnd wolte im gerne geholfen haben / wie David Psalm 119. sagt / Ich bin wie ein verirret vnd verloren Schaf / **HERR** / suche deinē knecht etc.

**S**olchen schmecket auch der zucker / vnd diese freundliche / süße labfal / das mit das hertz erquicket wird / das es nicht in verzweuelung falle / sondern sich durch solchen trost wider auffrichte / nicht in Mose / sondern in Christo / nicht das er Mosen zu freund habe / oder stillen könne / sondern das er einen gnedigen Gott hat in seinem **HERRN** Christo / Gott gebe / Moses bleibe mit seinem trost / wo er kan / Wiewol es auch fein ist / vnd sol auch da sein / das man nicht wider das Gesetz lebe / raube / stele / morde / oder dem Tschestken vnrecht vnd leid thu / Aber solch lebē gibt noch nicht den rechten trost des hertzens / sondern ist nur ein kuzel auff der haut / der nicht durchgehēt noch bleibet. Denn wenn der Teuffel komet / vnd das hertz angreiffet / so nimet er doch allen trost hinweg / Vnd ob du gleich etwa recht gethan hast / so bringet er wol zehenerley dagegen / dawider gethan / Ja / er kan wol in den aller besten wercken viel vnreines finden / vnd alles zu sünden machen.

**D**Arumb ist auff solchen trost nichts zu bawen / sondern nur frisch weg geschlagen / vnd gesprochen / Gott gebe / ich sey from oder nicht / das wil ich sparen an seinen ort / da man von wercken leren vnd handeln sol / Aber in diesem Zirkel / da ich jzt stehe / gilt es nicht handeln von meinen wercken vnd frömkheit / sondern von Christo vnd seinen wercken / die er gegen mir thut / als seinem verloren Scheslin. Wiltu nu fragen / ob ich from sey / so antworthe ich schlecht / Nein / vnd wils auch nicht sein / in diesem Zirkel.

**F**ragstu aber / ob Christus from sey / so kan ich vngezweuelte Ja sagen / vnd in fur meine frömkheit darstellen / vnd

h ij mich

Christus / nicht Moses / erquicket die betrübten hertzen.

Wider den Teuffel zu sechre hilft nicht vnser frömkheit.

Christi frömkheit ist vnser frömkheit.

## Auslegung des Euangelij

nich trotziglich darauff beruffen. Denn ich bin ja darauff getaufft / vnd habe hie die siegel vnd briue im Euangelio / das ich sein liebes Scheflin bin / vnd er der gute frome Hirte ist / der sein verloren Scheflin suchet / vnd gar on Geseze mit mir handelt / nichts von mir foddert / weder treibet / drewet noch schrecket / sondern eitel süsse Gnade mit beweiset / vnd sich selbs vnter mich herunter leset / vnd auff sich nimet / das ich nur auff seinem rücken lige / vnd mich tragen lasse. Warumb wolt ich mich denn fürchten für Moses schrecken vnd donnern / vnd des Teufels dazu / weil ich in des Mans schutz lige / der mir seine frölichkeit vnd alles was er hat / zu eigen gibt / vnd mich tregt vnd helt / das ich nicht kan verloren werden / weil ich sein Scheflin bleibe / vnd nicht den Hirten verleugne / oder mutwilliglich von im falle.

**A**lso hastu das bilde auff's allerfreundlichste furgestellet / wie es jmer mag gemalet werden / Es ist aber nur vmb den Glauben zu thun / Denn das bilde ist wol fein vnd tröstlich / vnd die rechte warheit / Aber daran feilet's / das sich nicht so fület / da mans fülen sol / Denn weil das Scheflin in der irre leufft / das ist / wenn der Mensch seine sünde fület / das sie in drücken / vnd nicht weis / wo er bleiben sol / vnd der Teufel in schreckt / so findet sich nur das widerspiel / vnd kans nicht fassen das es war sey / entfellet im gar / was er hie gehört hat / durch das gegenwertige fülen.

**D**enn der Teufel hat im sein gesicht verkeret / das er nicht anders fület / denn Gottes zorn vnd vngnade / vnd damit das hertz so beschweret / das er sich nicht drüber erheben / noch die augen davon wenden kan / Ja so tieff darin versenckte ist / das er auch an Christo nicht anders sibet / denn einen zornigen Richter / Wie er auch bisher gemalet / vnd durch die schendlichen Papisten in alle hertzen getrieben ist / allein auff dem Regenbogen sitzend / mit einem schwert in seinem munde.

**D**enn das ist die rechte Teufels kunst vnd schalckheit / die er treibet wider das arme irrende Scheflin / das er solch bild verkeret / vnd ein geplerr für den augen machet / das es seinen Hirten nicht mehr kennen kan / vnd den Menschen vnter dem namen Christi / vnter

Mosen füret / das er eben von Christo disputirt / wie er zuvor gethan hat mit Mose / Das er wol eines starcken Glaubens bedarff / das es war sey / vnd der Mensch allererst wider sich selbs darob kempffen mus. Denn das fülen ist an sich selbs starck / so machet der Teufel die sünd vnd schrecken so gros / das einem möcht marck vnd bein / vnd das hertz im leib verschwinden.

**D**arumb ist es nicht so bald zu lernen / als mans achtet / Wens friede ist / da gleubt man fein / das Christus so lieblich vnd freundlich ist / Aber wenn die angst vnd schrecken daher gehen / vnd vber das hertz fallen / so ist der Mensch blind vnd irre / wil nur nach seinem hertzen vnd fülen richten / hengeret dem selben nach / vnd stercket sich in seinem irthum / Denn er ist darin gefangen / vnd kan nicht anders dencken / denn es sey also / Vnd ist doch nicht war.

**D**as were nu die kunst / das er künde zu seinem eigen hertzen sprechen / Weiß du dich für ein verloren Schaf bekennest / so sagstu rechte / Aber das du darumb wilt von Christo lauffen / vnd im so einbildest / als sey er der Man / der dich jagen vnd schrecken wölle / das ist der leidige Teufel / Denn wenn du in rechte ansehest vnd kennest / als deinen rechten Hirten / so würdestu dich nicht für im schewen noch erschrecken / sondern mit freuden vnd zuuersicht zu im lauffen. Denn er ist ja nicht darumb da / das er dich verdammen wölle / sondern komet zu dir vnd suchet dich / das er dich auff seinem rücken trage / vnd von seinen irthum / Teuffels gewalt / vnd allem vnglück helffe vnd erlöse.

**F**ülestu nu / das du ein Sünder bist / vnd Gottes zorn verdienet hast / so soltu eben darumb deste mehr nach dem lieben Hirten schreien vnd lauffen / das er dir davon helffe / Vnd in nicht anders dir einbilden lassen / denn wie das Scheflin seinen Hirten einbildet / welches sich nicht kan für im fürchten / sondern frölich vnd getrost wird / so bald es in sibet vnd höret / ob es gleich von im gelauffen ist / Das es seinem verdienst nach vrsach hette / sich für im zu fürchten / aber es weis wol / das er keinen zorn noch vngnade wider solch Scheflin tregt / vnd kan nichts / denn eitel Liebe vnd alles guts sich zu im versehen.

Verkeret Scheflin außer dem Glauben.

Vmb vnsere sünde willen sol man für Christo nicht fliehen.

Christum  
sol man  
nach seinem  
Wort einbil  
den / nicht  
nach vnsern  
gedanken.

Also ist es auch hie alles darumb zu thun / das du nur Christum lernest recht ansehen nach dem Wort / nicht nach deinen eigen gedanken vnd fülen / Denn Menschen gedanken sind falsch vnd lügen / aber sein Wort ist war / vnd kan nicht liegen / Denn so hat ers auch mit lebendiger that vnd Exempel beweiset / vnd beweiset noch in der ganzen Christenheit teglich. Darumb müssen wir allein das Wort ins hertz drücken / vnd vns selbs drein flechten / vnd die Kunst lernen / das wir vnser eigen hertz können lügen straffen / vnd diesen Artickel dagesen setzen. Aber es ist eine Kunst / die ich nicht kan / aber die andern leichtfertigen Geister viel weniger / so viel dauon rhumen / als die alles können / wenn sie ein mal dauon gehöret haben / vnd doch immer nichts dauon schmecken noch erfassen. Denn es leste sich wol reden vnd predigen / aber wie schwer es ist mit der that zu beweisen / das erfahren die wol / die sich mit ernst drumb annemen.

Das ist nu die erste anzeigung des lieblichen Christi / durch in selbs in diesem Euangelio furgemalt / das er sein hertz so gar ausschütet / vnd im so angst ist nach dem Scheflin / das er im allein nachleufft / ausser den neun vnd neunziggen / Nicht das er es wolle schrecken oder schlagen / sondern das er im helffe / vnd wider heim bringe / vnd das elende vnd betrübte hertz vnd gewissen erfrewe / durch seine freundliche / süsse stimme / Also / das auff beiden seiten eitel hertzliche liebe vnd freude ist gegeneinander. Das du sehest / wie du im grosse lieb vnd gefallen daran thust / wenn du dich von ganzem hertzen zu im heltest / vnd alles guten zu im ver siehest.

Im andern siehestu / wie er solliche güteigkeit ausschüt / mit allerley eusserlichen zeichen vnd geberden / wie freundlich er sich stellet / wenn er nu das Scheflin funden hat / Denn er handelt doch gar nicht mit im / mit einigem Gesez oder treiben / wie er wol recht hette / das ers für im her triebe / wie die andern Schafe / vnd selbs gehen lieffe / Sondern feret zu / vnd legt es auff die achsel / vnd tregt es selbs den ganzen weg durch die wüsten / Nimet alle arbeit vnd mühe auff sich / das nur das Scheflin

ruge vnd gemach habe / vnd thut es von hertzen gerne / Ja er ist eitel freuden voll / das ers nur wider hat.

Dagegen siehe auch / wie wol geschiet dem lieben Scheflin / wie gar ligt es mit aller ruge vnd sicherheit auff seines Hirten rücken / vnd hats auch gerne / das es so sanffteligt / vnd nicht gehen darff / sicher vnd on sorge / beide / für Zunden vnd Wolffen / das ist / für allen irthum vnd lügen / fahr vnd verderben / Das heisse ja ein freundlich gemeld / vnd treflich lieblich vnd tröstlich an zu sehen.

Denn vnser HERR Christus thut eben also / wenn er vns erlöset / welches er ein mal leiblich gethau hat in seinem leiden vnd sterben / aber jetz immerdar in der krafft vnd geistlich thut / durch sein Wort / Damit legt er vns auff seine achsel / tregt vnd schützt vns / das wir sicher sind für aller fahr der Sünde / Teufels vnd Tods / ob sie gleich schrecken / vnd sich stellen / als wolten sie vns weg reissen vnd fressen / Denn das tragen thuts / das wir genesen / vnd bleiben für allem vnglück / vnd vns nichts fürchten dürfen / Gleich wie das Scheflin / so dem Hirten auff dem rücken ligt / leste sich nichts anfechten / ob es schon die Zunde feindlich anbellen / vnd der Wolff umbher schleicht / sondern henget den Kopff hin on sorge / vnd schleift wol dazu.

Also auch wir / so wir im Glanbe dieses Artikels stehen vnd bleiben / Ich gleybe an Ihesum Christum vnsern HERRN / für vns gelidten / gestorben auferstanden etc. so dürfen wir nicht sorgen / das wir verloren werden / oder der Teufel vns fressen könne / ob er schon seinen rachen weit auffsperrt etc. Denn wir sind als denn nicht auff vnser bahn / gehen auch nicht mit vnsern füßen / sondern hengen vnserm lieben Hirten am halse / vñ ligen auff seinem rücken / da wir wol sicher sind / Denn die Sünde / Tod vnd Helle / ob sie wol böse vñ schrecklich sich stellen / müssen in wol ungesessen lassen / Sonst weren wir arme Scheflin gar bald verloren vnd verdorben.

Denn gleich wie sich das Schaf nicht selbs hüten noch fürsehen kan / das es nicht irre werde / wo es der Hirte nicht immer weiset vnd leitet / Vnd wenn es verirret vnd verloren ist / kan sichs nicht

Christus  
tregt vns  
für vnd für  
auff seinen  
achseln.

Sicherheit  
des Schef-  
lins auff  
den achseln  
Christi / wo  
der Teuffel  
vnd Helle.

Freundlich-  
keit Christi  
gegen dem  
gefundenen  
Schafe.

## Auslegung des Euangelij

selbs wider finden noch zu seinem Hirt  
ten komen / Sondern der Hirt selbs  
mus im nach gehen / vnd so lange su  
chen / bis das ers findet / vnd wenn ers  
funden hat / auff seinen rücken fassen  
vnd tragen / das es nicht wider von im  
abgeschreckt / versecht / oder vom Wolff  
erhasschet werde.

Christus  
mus allzeit  
selbs das  
Schefflin hüt  
ten vnd tra  
gen.

Al so auch wir / können vns weder  
helffen noch raten / das wir zu ruhe vnd  
friede des gewissens komen möchten /  
vnd dem Teuffel / Tod vnd Helle / entlau  
ffen / wo vns nicht Christus selbs durch  
sein Wort wider holet vnd zu sich rüf  
fet / Vnd so wir zu im komen / vnd im  
Glauben sind / vermögen wir vns doch  
nicht selbs darin zu erhalten noch zu be  
stehen / wo er vns nicht selbs inmer durch  
das selbige sein Wort vnd krafft / hebt  
vnd tregt / Weil der Teuffel allenthalben  
vnd on vnterlas auff vns lauret / vnd  
vmb vns her schleicht / als ein brüllens  
der Lowe (wie S. Petrus sagt) das er  
vns fresse / Das doch hie gar nichts gilt /  
etwas von vnserm freiem willen oder  
krefften rühmen / weder an zu fahen /  
noch fort zu faren / vnd dabey zu bleiben /  
Sondern Christus vnser Hirt allein als  
les thun mus.

Auff Christi  
schulden  
ligen.

W aber sind wir des sicher / so lang  
wir auff Christi rücken ligen / das wir  
wol bleiben werden für allem schrecken  
vnd vnglück. Denn er wird vns freilich  
nicht von seinem halse reißen lassen /  
noch von sich werffen / weil er so frölich  
vnd guts mutes ist / das er das Schefflin  
nur wider hat / vnd zu dem andern hau  
ffen bringen sol. Kurz / Es ist kein schres  
cken / treiben noch foddern / sondern ei  
tel freundlich tragen / vnd eitel leben der  
Gnade / damit er seines Schefflins auff  
aller senffste pflegt. Dagegen Moses /  
nicht als ein Hirt der armen schwachen  
Schefflin / sondern des groben starcken  
Viehes / mit seinem stab vnd stecken / sei  
ne Herd für sich her treibet / drey tagreis  
se lang / in der Wüsten / bis sie müde wer  
den / Denn solches gehöret für die har  
ten groben Leute.

Exod. 3.

Glaube  
lesse sich nur  
von Christo  
tragen.

Wid auch wir / wenn wir vnter Mo  
se komen / nemlich nach dem Fleisch vnd  
eufferlichem Leben / da müssen wir selbs  
gehen / vnd thun was das Gesetz fod  
dert. Aber nach vnserm Glauben sollen  
wir nicht leiden / das man ein werck auff  
vns treibe / noch von vns foddere / son  
dern allein vns tragen lassen / vnd auff  
seuberlichst heben / nicht auff Pferd vnd  
Wagen / sondern auff Christi eigen rü  
cken vnd schuldern ligend / Welches ges  
chiet (wie ich gesagt habe) wenn er vns  
das Wort predigen lesst / das er für vns  
gestorben / vnd am Creutz vnser sünde  
auff seinem Leibe getragen / den Teuffel  
mit dem Tod vnd Sünde vnter seine fü  
sse gelegt / vnd vns zum ewigen Leben  
gefäret hat / Vnd tregt vns inmerdar / so  
lang wir leben / das wir nicht dürffen  
sehen auff vnser leben / wie from vnd  
starck wir sind / sondern allein auff sei  
nen schuldern ligen. Denn in diesem Zir  
ckel oder Artikel / dürffen wir für keine  
Sünde / Tod noch Leben sorgen / son  
dern habē alles in Christo der vns tregt  
vnd erheldt.

W hat er nicht genug an den  
Zweien stücken / das er das verlor  
ren Schefflin so freundlich suchet /  
vnd so sanfft vnd mit freuden tregt /  
sondern auch / wenn ers heim bringet /  
ein sonderlich fest vnd freude anrichtet /  
ruffet Nachbarn vnd Freunde zusammen /  
das sie sich mit im freuen sollen / Ja / er  
machets so gros / das Gott im Himmel /  
samt dem ganzen Himelischen Heer / dem wider  
drüber erfrewet wird / vnd mit inen alle  
Creaturn / vber einem armen Sänder /  
der da buße thut.

Freude im  
Himmel vber  
dem wider  
brachten  
Schefflin.

W mit er anzeigt vnd auslegt / wer  
der ist / den er sein verloren Schefflin heis  
set / nemlich / Ein solcher Sänder / der  
buße thut / das ist / der seine sünde süler /  
vnd im herzlich leid sind / der selben ger  
ne wolt los werden / vnd zu Christo ko  
men / vnd sein leben bessern / auch euffer  
lich / Welches heisst ein jamerig betrübt  
hertz / vnd zurschlagen gewissen / dem der  
Teuffel zu setz / das es für leid vnd be  
trübniß versinken möchte etc. Denn er  
ist auch ein solcher Man / der kein Schaf  
suchet noch tregt / denn das da verloren  
ist / vnd im selbs keinen rat noch hülfte  
weis.

W sihe / Wie künde er doch freunds  
licher vnd tröflicher predigen / oder  
was solt er mehr thun / ein hertz frölich  
zu machen / vnd ein starcke zuuersicht zu  
im zu erwecken / Weil wir solchen Hir  
ten sehen / durch in selbs vns armen  
Sändern furgemalet / der sein Schefflin  
so vngerne verleuret / vnd so sehnlich  
suchet /

Zertröset  
trost der  
Schefflin  
Christi an  
sein hirtou.

suchet / vnd wenn ers findet / mit allen freuden tregt / vnd solche freude ausbreitet / das sich alle Engel vnd Heiligen / ja alle Creatur dazu / mit im vber vns freuen / vnd freundlich anlachen / das auch die Sonne nus viel lieblicher scheinen. Wie es denn natürlich geschieht / wenn ein Mensch betrübt ist / so sihet in auch die Sonne / vnd alles was er sihet / finster an / Widerumb / wenn das hertz frölich ist / so sihet der Mensch auch noch eins so frölich / vnd scheinen im alle ding liechter vnd heller.

Wer nu das feste künde glauben / der solt ja auch rechten trost vnd freude / in vnd durch den HERRN Christum empfangen / weil er allhie die gewisse verheissung hat / das / wo er sich also an Christum helt / vnd sich leste auff seinen schuldern tragen / das er ein lieber Gast ist im Himmelreich / vnd mit allen freuden empfangen wird.

Aber es fület sich auch gar viel anders / in der trawrigkeit vñ schweermut des gewissens / da das hertz nicht anders kan dencken / denn es siehe ein iglicher

Engel mit einem blossen schwert hinder im / das er keine freude kan schepffen / weder von Gott noch Engeln / Das auch erliche keine Creatur können frölich ansehen / fürchten sich fur der lieben Sonnen / ja fur einem iglichem rauschenden blat. Das machet alles / das sie sich selbs mit iren eigen gedanken beissen vnd fressen / vnd wolten sich gerne eraus wircken / so viel erbeiten / vnd sich selbs so from fülen / das sie sich nicht dürfften fürchten / Aber damit machen sie nur vbel erger.

Wiltu aber rechten trost vnd freude im herten erschepffen / so lerne nur solch lieblich bild vnd Wort des Euangelij wol einbilden / das du es suchest wo es zu suchen ist / nemlich / in Christo / vnd sonst nirgend. Denn in dem Man findestu alles / wo du nur in seiner hut / vnd auff seinen schuldern bleibest / Was aber auffer im fur trost gesucht mag werden / das gehet doch nicht zu herten / ob du gleich alle Creatur zu hülff nemezt / vnd aller Welt freude vnd lust auff einem hauffen hertest.

Allein in Christo findet der das hertz trost vnd freude.

## Am vierden Sontag nach

Trinitatis / Epistel / Rom. 8.

**I**ch halte es dafür / das dieser zeit leiden der herrlichkeit nicht werd sey / die an vns sol offenbaret werden / Denn das engstliche harren der Creatur / wartet auff die offenbarung der Kinder Gottes / Sintemal die Creatur vnterworffen ist der eiteltkeit / on iren willen / sondern vmb des willen / der sie vnterworffen hat / auff hoffnung. Denn auch die Creatur frey werden wird von dem dienst des vers

englichen wesens / zu der herrlichen freiheit der Kinder Gottes / Denn wir wissen / das alle Creatur sehnet sich mit vns / vnd engstet sich noch inmerdar.

**D**er heilige Paulus füret hie ein sonderliche rede / fur allen andern Aposteln / vnd lauten seine wort / so zum ersten hert gehen / gleich wunderlich vnd seltsam / Darumb wollen sie mit vleis gestudirt / vnd mit eigener erfahrung erkennen werden / Denn ein Christlich leben ganz vnd gar in vbung vnd erfahrung derer dinge stehet / die man teglich aus Gottes Wort höret vnd lieset / Darumb wer solche erfahrung nicht hat / wird gar einen geringen geschmack oder geruch aus solchen

b iij worten



## Auslegung der Epistel

worten S. Pauli haben / ja sie werden im gar vndeutsch sein.

**D**urch den Glauben wer den wir Gottes Erben und Christi Miterben. **W** hat er in dieser Epistel / bis an her also gepredigt / das wir durch den Glauben / an vnsern **HERRN** Ihesum Christum / sind so weit komen / das wir Gott mögen nennen vnsern Vater / vnd das der Heilige Geist in vnserm hertzen vns des selbigen zeugnis gebe / vnd mache vns so kune / das wir in solchem Glauben / des Mittlers Christi / frölich dürffen fur Gott treten / vñ vnser hertz vnd mund gegen Gott auff thun.

**D**araus schlesst er zum ersten / das wir Gottes Kinder seien / Vnd darnach weiter / Sind wir denn seine Kinder / so sind wir auch Erben / nemlich / Gottes Erben / vnd Miterben Christi / Das also so eins aus dem andern folget. Zum ersten / Weil wir den mut vnd Geist haben / das wir Gott dürffen heissen vnsern Vater / vnd solches mit ernst thun / vnd fur lauter warheit halten / So sind wir nicht allein Kinder / sondern auch Erben / nemlich / Gottes Erben / vnd vnser **HERRN** Christi Brüder vnd Miterben. Das alles (spricht S. Paulus) mus war sein / Doch / so wir anders mit Christo leiden.

**D**ie stücklin henger er mit vleis hin an / das / Wer Christi Bruder vnd Miterbe wil sein / der dencke / das er auch ein Mitmerterer vnd Mitleider sey / Als wolt er sagen / Es sind wol viel Christen / die gerne Miterben wolten sein / vnd in gesamtem Lehen mit dem **HERRN** Christo sitzen / aber sie wöllen nicht mit im leiden / sondern teilen sich ab von im in diesem stück / das sie seiner leiden nicht teilhaftig wollen sein.

**D**as aber wirds nicht thun (spricht er) Das erbe wird nicht folgen / es gehe denn das leiden vorher. Ursach / Denn Christus vnser lieber **HERR** vnd heiland hat selbs müssen zuvor leiden / ehe er ist komen zur herrligkeit / Also müssen wir auch Mitmerterer sein / vnd sampt dem **HERRN** Christo verspottet / geschmehet / verspeiet / mit dörnen gekrönet vnd getödtet werden / von der ganzen Welt / ehe wir zu der erbtschafft komen / Da wird nichts anders aus.

**D**enn der Glaube vnd die Lere bringets mit / das es durch aus eine gleichheit sol sein / nemlich / das / wer ein Bruder vnd Miterbe Christi wolle sein / der müs-

se auch mit im leiden / Wer mit leben wolle / der müsse zuvor mit sterben / Wie in einem Hause viel Brüder / nicht allein gutes / sondern auch böses miteinander leiden müssen / Vnd wie man spricht / Wer mit essen wil / der mus auch mit erbeiten. Damit wil vns S. Paulus ernstlich vermanet haben / das wir nicht falsche Christen werden / die an vnserm **HERRN** Christo nur das suchen / das wol vnd sanfft thut / Sondern wollen wir der herrligkeit teilhaftig werden / die ewig vnd vber alle mass wichtig ist / das wir auch vorhin die trübsal tragen / die nur zeitlich vnd leicht ist / 2. Corinth. 4.

**D**Erhalten so er sagt / So wir anders mit leiden nicht allein mit andern ein mit leiden haben sollen / das es vns leid sey / wens jenen vbel gehet (wiewol solchs mitleiden auch vnter den Christen sein sol / vnd ein werck der barmhertzigkeit vnd seine Christliche tugent ist) Sondern wir sollen selbs auch leiden / Non solum affectu / sed etiam effectu. Das ist / das wir auch mit in gleichem leiden stecken / das / wie vnser **HERR** Christus verfolget ist worden / wir auch also verfolget werden / Vnd wie der Teufel in gepeiniget vnd geplagt hat / wir auch also von im tag vnd nacht gepeiniget vnd geplagt werden / Wie er denn den Christen thut / vnd zwar / wenn im vnser **HERR** Gott nicht weret / liefs er vns nimmer mehr keinen friede.

**D**as heist nicht allein ein hertzlich / sondern ein wirklichs Mitleiden / Das von zum Ebreern am 10. also geschriben stehet / Ir habt einen grossen kampf des leidens erduldet / zum teil selbs durch schmach vnd trübsal ein schawspiel worden etc. Von solchem mitleiden sagt hie S. Paulus auch / Das / eben wie vnser erbtschafft vnd freude / das wir Christi Brüder vnd Miterben sind / nicht allein im hertzen oder hoffnung stehet / sondern ein thetliche vnd wirkliche erbtschafft werden sol / Also sol auch vnser mitleiden ein thetlichs vnd wirklichs leiden sein / das wir auch mit erblich auff vns nemen sollen. Tu hebt er an / vnd tröstet die Christen in solchem leiden / vnd redet als einer der erfahren / vnd der sache ganz gewis ist / vnd dazu auff solche weise / als sehe er die leben blinlich / oder

Durch den Glauben wer den wir Gottes Erben und Christi Miterben.

Mit Christo erben / so dert zuvor mit Christo leiden.

Mit leiden sampt Christo.

oder durch ein gemalt glas an / Jenes aber mit klaren augen / Vnd spricht /

Ich halte es dafur / das dieser zeit leiden der herrlichkeit nicht werd sey / die an vns sol offenbaret werden.

Alles leiden ist nichts gegen der zukünftigen herrlichkeit.

**S**ie nur / wie er den rücken gegen der Welt keret / vnd wendet das angesicht in die zukünftige offenbarung / als sehe er auff Erden nurgend kein vnglück noch jamer / sondern nur eitel freude. Furwar / wenn es vns schon vbel gehet (spricht er) was ist doch vnser leiden / gegen der vnaussprechlichen freude vnd herrlichkeit / die an vns sol offenbaret werden? Es ist nicht werd / das man es mit jr vergleichen sol / oder ein leiden heissen.

Wer es feilet daran / das wir die grosse vnd treffliche herrlichkeit / der wir sollen warten / mit leiblichen augen nicht sehen / vnd greifflich nicht tapen / das wir nimmermehr sollen sterben / vnd vber das / einen solchen Leib haben / der nicht dürffe leiden noch krank werden etc. Wer dis also kündte ins hertz bringen / der müste sagen / ob er schon zehen mal / wens möglich were / gebrand oder erseufft würde / das es doch gar nichts were / gegen dem künftigen herrlichen leben / Denn was ist zeitlich leiden / es wehre so lang es wolle / gegen dem ewigen Leben? Es ist nicht werd / das man es fur leiden rhümen / oder verdienst heissen sol.

Also hale ichs (spricht S. Paulus) Vnd jr Christen solts auch dafur lernen halten / So würde es sich denn also finden / das das vnendliche gar nicht zu vergleichen sey / gegen dem endlichen / Denn was ist ein einzeler heller / gegen die ganze Welt voll gülden? Wiewol sich auch solche gleichnis hieher nicht reimet / weil doch beides vergänglich ist / Darumb ist je aller Welt leiden gar nichts zu rechnen / gegen dem herrlichen ewigen wesen / das wir ewig:ich sehen vnd besitzen sollen.

**E**rhälben bitte ich euch / lieben Brüder / schewet euch fur keinem leiden / wenn jr auch schon erwürget werdet / Den seid jr rechte Miterben / so solts euch also gehen / das dis ewers Erbes ein stücke sey / das jr auch mit leidet /

Aber was ist doch dis leiden / wenn man es wil rechnen gegen der ewigen herrlichkeit / die euch bereitet / vnd durch ewern Heiland Ihesum Christum schon erworben ist? Ist es doch nicht werd / das man es gegen einander halte. Also macht S. Paulus aus allem leiden auff Erden ein tröpfflin vnd kleines füncklin / aber aus jener herrlichkeit / der wir hoffen sollen / ein vnendliches Meer vnd grosses feur.

**W**oran feilet es aber / das wir solches leiden nicht so geringe / vnd die herrlichkeit nicht so gros achten können / wie hie S. Paulus thut? Denn man sihet ja wol / wie wir vns stellen / wenn man einem nur ein hartes wort sagt / Da wil man flugs berge vmbwerffen / vnd beume ausreissen / Welche so gar vnleidlich sind / die verstehen nicht ein wort von diesem herrlichen trost S. Pauli. Christen sollen sich nicht so stellen / Es stehet einem Christen vbel an / das er viel Klagen vnd schreien wil vber vnrecht. Ja / sprichstu / mir geschiet gleichwol vnrecht? Wolan / las es schon also sein / Wie kömets aber / das du dein leiden so hoch auffmugest / vnd denckest nicht ein mal hin auff gen Himmel / was du droben zu warten hast? Warumb mugestu das selbe auch nicht auff? Wilstu ein Christen sein / so musstu dich warlich nicht also stellen / Wilten deine sache aus tragen / das magstu thun / rechter ordentlicher weise.

Wer hie mus es anders zugehen / Denn so du wilt ein Miterbe sein des **HERREN** Ihesu Christi / vnd nicht mit leiden / vnd sein Bruder sein / vnd im nicht gleich werden / So wird er dich gewislich am Jüngstentag fur keinen Bruder vnd Miterben erkennen / Sondern wird dich fragen / wo du deine dorne kron / dein Creuz / negel vñ geißel habst / ob du auch der ganzen Welt ein gewel gewesen seiest / wie er / vnd alle seine glieder gewesen sind / von anfang der Welt her / Wo du denn solchs nicht beweisen kanst / so wird er dich auch nicht fur seinen Bruder halten können / Summa / es mus mit gelidten sein / vnd müssen alle gleichförmig werden dem Sone Gottes / wie hernach stehet / oder wir werden mit zu der herrlichkeit nicht erhaben werden.

**A**uff diese weise redet auch S. Paulus

Der Welt ungeborensam vnd vngedult zu leiden.

## Auslegung der Epistel

Des Herrn  
Christi mal  
zeichen tra-  
gen Gal. 6.  
lus zum Galatern am 6. Man lasse mich  
hinfurt vnuerworren/ vnd sage mir nur  
von der lere nicht/die freundschaft ver-  
dienet auff Erden / Denn ich trage meis-  
nes HERRN Ihesu Christi Malzei-  
chen an meinem leibe / Da redet er von  
solchen malzeichen / wie man in den al-  
ten gemelden den HERRN Christum  
gemalet hat / das er sein Creutz hat auff  
der achsel ligen / vnd neben vmbher / ne-  
gel / dorne krone / geissel etc. Die zeichen  
(spricht er) müssen ich vnd alle Christen  
auch haben / nicht an der wand gemas-  
let / sondern in vnser fleisch vnd blut ge-  
drückt. Dis aber geschiet also / wenn der  
Teufel vber dich kömet / vnd plaget dich  
inwendig mit allerley schrecken vnd  
herzenleid / vnd darnach auswendig die  
Welt dich lesetert als einen Reizer / vnd  
wo sie kan / dir nach dem halse greiffet /  
vnd erwürget dich.

Diese Harbē des HERRN Christi  
vermanet hiemit S. Paulus einen jeden  
Christen auch zu tragen. Tröstet also  
die Christen / das sie nicht dafür erschre-  
cken / ob man inen schon alles leid an-  
legt / Wie man jetz etliche jar her vnsern  
Brüdern / hin vnd wider / gethan hat /  
Aber es wird noch besser folgen / wenn  
ein mal vnserer feinde stunde / vnd die  
macht der finsternis / kōmen wird. Jtz  
plagen sie vns mit giftigen worten vnd  
lesterlichen Büchern / denn aber werden  
wir mit der haut bezalen müssen / Aber  
las gehen / es mus doch gelidten sein /  
sollen wir anders zur herrlichkeit ko-  
men / Was sie aber für nutz dauon wer-  
den haben / wenn sie vns ermordet ha-  
ben / werden sie wol erfaren.

Wid mit diesem wort / das ers eine  
Herrlichkeit heisset / die offenbaret  
sol werden / zeigt er an / woran es feile /  
das man so vngern leidet / Nemlich /  
das der Glaub noch schwach ist / vnd  
wil nicht hinein sehen / in die verborge-  
ne herrlichkeit / die noch an vns sol offen-  
baret werden. Denn so es ein herrlichkeit  
were / die man fur augen sehe / Ey wie  
solten wir so feine gedülteige Mercker  
sein. Wenn jemand seneid der Elben  
stände mit einem kassen voll gülden / vnd  
saget / Wers wagen wil / vnd herüber  
schwimmt / des sol der kassen mit den  
gülden sein / Wie solt sich da von jeders  
man ein schwimmen heben / vmb der gül-  
den willen / die man fur augen sehe ?

Glaube  
mus die ver-  
borgene vnd  
noch vn-  
sichtbare  
herrlichkeit  
fassen.

Was thut ein Waghals / ein Landts-  
knecht ? nimet ein Monat vier gülden /  
vnd setz sich wider spies vnd büchsen / in  
den gewissen tod hinein. Also ein Rauff-  
man / der leufft vnd rennet / die Welt hin-  
durch vnd wider herdurch / vmb gelts  
vnd guts willen / waget darüber leib  
vnd leben / Gort gebe der strumpff blei-  
be dahinden oder nicht. Was mus einer  
zu Hofe leiden / ehe er dahin kömet / ge-  
rets anders / wo er hin gedenckt ? Also  
kan man in der Wele alles thun vnd lei-  
den / vmb ehre / gut vnd gewalt willen /  
denn es ist fur augen vnd offenbar.

Wer hie / weil es nicht offenbar ist /  
da wirds dem alten Adam gar schwer /  
zu glenben / das Gort am Jüngsten tag  
mir so einen schönen leib / frölichen mut-  
vnd reine Seele geben werde / vnd das  
ich ein grösserer Herr sol werden / denn  
jtz kein König auff Erden. Das wider-  
spiel sehe ich wol / das man jtz diesen  
verdampft / als einen Reizer / jtz jenen  
verbrent / oder sonst vmbbringet / das  
weder herrlichkeit / gut noch ehre da blei-  
bet / Darumb kömets vns auch so sawr  
an / ehe das wir vns ins leiden ergeben /  
vnd der verborgenen erlösung vnd herr-  
lichkeit warten. Widerumb / der Welt ist  
kein mühe vnd erbeit so gros / thut vnd  
leidet was jr fur kömet / vmb des schēd-  
lichen Mammons willē. den die motten  
vnd der rost fressen / vnd die diebe stelen.

Darumb spricht S. Paulus / Ich weis  
gewis / das eine grosse herrlichkeit vns  
ist furgestellt / dagegen alles leiden auff  
Erden lauter niches ist / Aber es feilet  
daran / das sie noch nicht ist offenbaret /  
Darumb wenn vns nur ein rauhes wind  
lin vnter augen wehet / oder ein klein vn-  
glück vbergehet / heben wir an zu schrei-  
en vnd heulen / muzen es so hoch auff /  
das von vnserm schreien der himel voll  
wird. Aber wenn der Glaube da were /  
so were es vns ein geringe sache / wenn  
solch leiden schon dreissig / vierzig / oder  
noch mehr jar werete / Ja wir würdens  
viel zu gering achten / das es in der rech-  
nung solte kōmen / Allein / das vnser  
Herr Gort auch mit seiner rechnung /  
die er vnserer sünden halben mit vns  
hat / innen hielt. Ah / was wil man  
doch viel von grossen leiden / oder vns  
dienst des leidens sagen ? Wie gar vn-  
würdig kōmen wir doch zu solcher gros-  
sen gnade / vnd vnaussprechlicher herr-  
lichkeit /

Herrlichkeit  
der Christen  
und ver-  
borgene vn-  
ter dem  
Creutz.

Vnser lei-  
den nicht in  
rechnen ge-  
gen der ein-  
pfangenen  
gnade Got-  
tes.

ligkeit / das wir durch Christum Kind  
der und Erben Gottes / Brüder und  
Mit Erben Christi werden.

Darumb mögen wir also sagen / Ich  
wil meines leidens gerne schweigen/  
nicht viel davon rhümen noch schreien/  
sondern gedültig tragen / alles was mir  
mein lieber Gott zuschickt vñ aufflegt/  
vnd im noch dazu von ganzem hertzen  
dancken / das er mich zu solcher grossen/  
vberschwenglichen güte vnd gnade be-  
ruffen hat / Aber (wie ich gesagt habe)  
es wil nicht eingehen / vmb vnser elen-  
den schwachen fleisches willen / welchs  
sich mehr leste bewegen das gegenwer-  
tige / denn das künfftige / Darumb mus  
der heilige Geist hie Schulmeister sein/  
vnd solchen trost ins hertz sencken.

Es ist aber hie sonderlich wol zu mer-  
cken / das er mit angedrückten wör-  
ten spricht / Das solche herrligkeit an  
vns offenbaret sol werden / damit er an-  
zeigt / das nicht allein / wie wir gedens-  
cken / S. Petrus oder S. Paulus etc. wer-  
den der selbigen herrligkeit teilhaftig  
werden / Sondern wir vnd alle Christen  
gehören mit in das VNS / Ja auch  
das geringste Kindlin / das getaufft ist/  
vnd stirbt / das kriegt durch seinen tod/  
als sein mitleidē / dieser vnansprechliche  
herrligkeit / welche im der Herr Ihesus  
Christus / in welches tod es getaufft ist/  
erworben vnd geschent hat.

Wid wiewol ein heiliger wird in je-  
nem leben herrlicher sein / den der ander/  
so wirts doch sein ein gleiches ewiges  
lebē / On das eine solche vnterscheid sein  
wird / wie jzt hie auff Erden / da einer  
stercker / schöner / beredter ist denn der  
ander / vnd dennoch alle gleich in einem  
leiblichen lebē wandeln / Also wird auch  
in jenem leben mancherley vnterscheid  
sein der Klarheit oder herrligkeit / Wie  
S. Paulus leret im 15. Cap. an die Corin.  
vnd werden doch allzumal in einer eini-  
gen / ewigen seligkeit vnd freude gleich  
sein / vnd aller herrligkeit eine herrlig-  
keit heißen / Denn wir werden alle Got-  
tes Kinder sein.

Das ist nu der erste trost / das wir ge-  
gen allem leiden den rücken sollen ke-  
ren / vnd sagen / Was ist denn mein lei-  
den / wens schon noch zehen mal so gros  
vnd schwer were / als es ist / gegen das  
ewige Leben / auff welches ich getaufft  
vnd beruffen bin ? Ist es doch nicht

werd / das man es für ein leiden sol rech-  
nen / gegen solcher grossen herrligkeit/  
die an mir noch sol offenbaret werden.  
Also macht S. Paulus die künfftige  
herrligkeit gros / auff das die zeitliche  
leiden klein vnd gering dagegen scheine.  
folgt nu der ander trost.

Denn das endliche harren der  
Creatur wartet auff die offenba-  
rung der Kinder Gottes / Sintes-  
mal die Creatur vnterworffen ist  
der eitelkeit / on iren willen / sondern  
vmb des willen / der sie vnterworf-  
fen hat / auff hoffnung.

Es ist der ander trost / da er <sup>Exempel</sup>  
vns die ganze Creatur furbildet <sup>des leidens</sup>  
zum Exempel / vnd vermanet <sup>vnd gedult</sup>  
vns / das wir auch / wie sie / gedültig lei- <sup>an der gan-</sup>  
den sollen / alle gewalt vnd vnrecht / so <sup>gen Crea-</sup>  
vns vom Teufel vnd der Welt widerfes-  
ret / vnd vns trösten der künfftigen erlö-  
sung. Vnd ist warlich dis eine selzame  
Predigt / der gleichen man sonst in der  
Schrift nicht findet / Das Himmel vnd  
Erden / Sonn / Mond vnd Stern / laub  
vnd gras / vnd alles was wechselt / mit  
grossen seuffzen vnd sehnen / wartet  
auff die offenbarung vnser herrligkeit.

SOLchs seuffzen vnd achzen der  
Creatur / hab ich nicht gehört / du auch  
nicht / Aber S. Paulus sagt hie / Ich hö-  
re vnd sehe es / nicht allein in einer  
Creatur / sondern an alle dem / das Gott  
geschaffen hat / Was ist denn solch seuff-  
zen vnd verlangen der Creatur ? Es ist  
nicht das / das die bletter alle jar wech-  
werden / vnd die fruchte abfallen vnd  
verwesen / Denn daselbige ist vnser  
HERR Gottes geschepffe / vnd ord-  
nung / das alle jare newe fruchte wach-  
sen sollen. Oder das ein bawm trachtet /  
wenn man in umbhawet etc. Sondern  
das ist es / das die Creatur so mechtig  
vngern vnterhan ist den Gottlosen /  
oder (wie es S. Paulus nennet) der ei-  
telkeit vnterworffen.

Als die liebe Sonne / die schönste vnd  
lieblichste Creatur / die dienet das weni-  
ger teil den fromē / Wo sie einen fromen  
bescheinert / da mus sie tausent vnd aber  
mal tausent schelcke bescheinern / als da  
sind / Gottes feinde / lesterer / verfolger /  
der die Welt voll ist / Item / mörder /  
renber / diebe / ehebrecher / Denen mus sie  
leuchten

Alle Chris-  
ten sollen  
gleicher  
herrligkeit  
teilhaftig  
werden.

Seuffzen  
vnd sehnen  
der Creatur

## Auslegung der Epistel

leuchten zu alle jrem Gottlosen wesen vnd boheit/ vnd also jren schönsten vnd reinesten dienst/ gegen die unwürdigsten / schendlichsten / losesten buben gehen lassen.

Das thut der Sonnen (sagt S. Paulus) herglichen wehe/ vnd wenn sie ein vernünftige Creatur were / vnd solt nach jrem willen gehen / nicht nach vnsers **HERREN** Gottes schepffung / der sie on jren willender eitelkeit vnterworfen hat / so möchte sie leiden / das alle böse buben nicht ein glenzlin von jr kriegten / Das sie aber jnen scheinen mus / das ist jr leiden vnd Creuz/ dar über sie seuffzet vnd achzet.

Darumb / gleich wie wir Christen mancherley vnrecht leiden/ vnd darumb seuffzen/ vnd vmb hülff vnd rettung im Vater vnser schreien/ So thut die Creatur auch / Ob sie nu nicht solche zungen vnd sprache hat / wie wir / So hat sie doch eine sprache / die Gott vnd der heilige Geist höret vnd verstehet / wie sie seuffzet vber das vnrecht/ das sie von den Gottlosen / die jr so misbrauchen/ leiden mus.

Der gleichen rede findet man sonst nirgent in der heiligen Schrifft / wie hie S. Paulus redet/ von dem endlichen harren vnd warten der Creatur/ auff die offenbarung der Kinder Gottes/ Welches er heisset nicht allein mit grossem sehnen vnd verlangen seuffzen nach jrer erlösung / Sondern machet sie auch gleich einem Weibe/ die in Kindes nöten ligt.

Der Creatur  
engstlich  
schreien vnd  
Klagen.

Denn also spricht er hernach / das die Creatur sich engste vnd schreie / als eine Fraw in Kindes nöten / Das Sonn vnd Mond/ Stern/ Himel vnd Erden/ das Korn das wir essen / das wasser oder wein/ den wir trincken / Ochsen/ Rüe/ Schaf / Vnd summa / alles was man nur braucht/ zeter vber die Welt schreie/ das es der eitelkeit vnterworfen sey/ vnd müsse / sampt Christo vnd allen seinen Brüdern / mitleiden. Dis zeter geschrey ist nicht möglich einem Menschen aus zu sprechen/ Denn wer wil als le Creatur erzelen? Darumb hat man vorzeiten auff der Canzel recht gesagt/ das am Jüngsten tag alle Creatur vber die Gottlosen zeter schreien werden/ das sie jrer hie auff Erden misgebräuche haben/ vnd werden sie anklagen als Ty-

rannen/ welchen sie haben müssen vnterworfen sein / wider alles recht vnd billigkeit.

Das Exempel der Creatur zeucht S. Paulus hie an zum trost der Christen / Als wolt er sagen / Seid nicht so trawrig vber ewerm leiden/ welches doch gar gering ist gegen der vberschwenglichen herrlichkeit / die hernach folgen wird/ Dazu seid jrs allein nicht/ die vber vnrecht schreien vnd trübsal leiden/ Alle Creatur leidet mit euch/ vnd schreiet drüber / das sie der argen Welt mus vnterworfen sein. **Es ist kein Ruc/ kein Balb / kein Schaf etc.** wenn es blöcket oder schreiet / es schreiet vber alle Gottlose/ als vber Gottes feinde/ die nicht werd sind / das sie jrer nützung brauchen sollen / Ja das sie einen eingen bitten brocs essen / oder einen trunck wassers trincken sollen. Auff die weise redet S. Augustinus auch / Ein geiziger wans (spricht er) ist des brocs nicht werd/ das er isset. Ursach/ er ist ein feind Gottes.

Alle Creaturen laden mit den Christen.

So spricht nu S. Paulus / das die ganze Creatur sich darumb sehne vnd engste mit vns/ als die gerne der marter los were / Denn sie leidet wie ein Weib in Kindes nöten. Als der Himel/ die Sonne / Mond vnd Sternen / wolten gern frey sein von jrem dienst/ ja wolten gern für grossem leiden tunkel vnd finster sein / die Erde vnfruchtbar/ das Meer vnd alle wasser wolten gern versiegen vnd veretrocken / das nur die böse Welt jrer nicht gemessen Künde / Der gleichen ein Schaf / solt billicher dorne / denn wollen tragen/ ein Ruc lieber gifft/ denn milch geben der bösen Welt / Das sie es aber thun müssen (spricht S. Paulus) das thun sie vmb des willen/ der sie vnterworfen hat / auff hoffnung. Darumb wird Gott dis geschrey der Creatur auch endlich erhören / Denn er hats schon beschlossen / er wolle dieser Welt nach diesen 6000. jaren / die sie nu schier gestanden hat / jren feirabend vnd ende geben.

Wo vnser Eltern im Paradio nicht gesündiger heeten/ were die Welt nimer mehr vergangen / Nach dem sie aber in die sünde gefallen / vnd wir alle jnen nach / Mus auch die ganze Creatur vnser entgelten / vnd ist vmb vnser sünde willen auch der eitelkeit vnd zurstörung

zung unterworfen. Vnd die selbigen 6000. jar (welche nichts sind gegen dem ewigen Leben) der verdampften Welt unterworfen bleiben/ vnd mit alle frem nutz sie dienen/ bis sie Gott in ein haus wffren stoffen wird/ vnd vmb der Aufferweleten willen/ auch die Creatur widers umb (wie S. Petrus 2. Pet. 3. auch leret) reinigen vnd vernewen.

Denn die Sonne ist jzt nirgend so schön/hell vnd klar/ als sie im anfang/ da sie geschaffen war/ gewesen ist/ sondern ist vmb der Menschen willen wol halb finster/ rostig vnd besuddelt/ An jenem tag aber wird sie Gott wider auffgehen/ vnd reinigen durchs feur 2. Pet. 3. das sie heller vnd klarer sein wird/ denn sie im anfang ist gewesen. Weil sie aber mus vmb vnser sünde willen leiden/ vnd den ergsten buben eben so wol/ ja mehr/ leuchten als den fromen/ Darumb verlanget sie herzlich nach jenem tage/ da sie wider sol ausgebetet werden/ vnd allein den Seligen mit fremm liecht dienen.

Also auch/ die erde trüge keine disteln noch dorn/ wenn sie nicht vmb vnser sünde willen verflucht were/ Darumb verlanget jr auch/ sampt allen Creaturen/ nach jenem tage/ das sie möge/ sampt jnen geendert vnd vernewert werden.

Endlich hat so wunderliche wort hie brauchet/ vnd heisset ein endlichs harren der Creatur/ das ist/ das die Creatur stets dencket/ an jr ende/ das sie von fremm dienst/ den sie den Gottlosen hie mus leisten/ frey werde/ welches nicht geschiet vor der Offenbarung der Kinder Gottes/ Darumb wartet sie so englich auff dieselbige/ wolt gerne/ das es nicht lang verzogen würde/ sondern alle augenblick anginge.

Denn vor dieser offenbarung helet die Welt die Gottseligen nicht für Gottes/ sondern für des Teuffels Kinder/ Darumb lestert/ schendet/ verfolget vnd würgt sie die lieben Gottes Kinder so sicher dahin/ vnd meinet/ sie thue Gott einen dienst daran/ Vmb des willē schreiet die ganze Creatur/ Ah/ ah/ wil denn nicht schier des jamers ein ende werden/ vnd die Herrlichkeit der Kinder Gottes angehen?

Als aber dis der Creatur leiden vnd seuffzen sey/ gibet S. Paulus Klerlich

zu verstehen mit den worten/ da er sagt/ Sie ist unterworfen der eitelkeit/ on jren willen. Machet also aus der ganzen Creatur Sonn vnd Mond/ feur/ luft/ wasser/ himel vnd Erden/ vnd aus alle dem/ das drin ist/ eitel arme/ gefangene knechte. Wem dienen sie denn? Nicht vnserm HERRN Gott/ auch nicht furnemlich vnser HERRN Gottes Kindern/ Denn diese haben den aller geringsten teil an den Creaturen. Wem denn? Der eitelkeit/ das ist/ sie gehen nicht im rechten dienst/ wie sie gerne wolten.

Als die Sonne/ die wolt lieber S. paulo/ S. petro/ vnd andern fromē alleine leuchten/ Widerumb/ den bösen Schelcken/ als Judas/ Pilatus/ Herodes/ Annas/ Caiphas etc. vergümmet sie nicht gern den geringste glantz jres schēnes/ Denn es ist doch ein vergebener dienst/ der an jnen nicht angelegt ist/ Aber dort hette sie lust zu/ vnd hielt es für eitel gewinst/ wenn sie S. petro S. paulo etc. solte leuchten. Denn an solchen fromen Leuten were jr dienst wol angelegt/ Sie mus aber den bösen schelcken/ eben so wol leuchten/ als den fromen/ Ja/ wo sie einem fromen dienen/ sind jr wol tausent/ die jres dienstis missbrauchen.

Also ist es mit allen andern Creaturen auch/ als mit gold/ silber/ erz/ wein/ bier/ Korn/ fleisch/ fisch/ butter/ wollen etc. Die dienen/ Wem? Verzweuelten buben/ die dafür Gott lestern vnd schenden/ sein heilig Euangelium verdammten/ seine Christenheit ermorden/ Darumb ist jr dienst gar verloren. Daher spricht S. Paulus/ die Creatur sey der eitelkeit unterworfen/ vnd sie müsse es thun/ Nicht das sie drein verwillige/ Nein/ sie hat gar kein gefallen daran. Denn die Sonne scheint nicht darumb/ das ein Strassenreuber bey frem schönem liecht morden sol/ sondern sie sehe viel lieber/ das er Gott dienete/ vnd den Leuten gutes thete/ Weil ers aber nicht thut/ so ist der lieben Sonnen dienst verloren/ vnd sie thut es von hertzen vngern/ Aber was kan sie dafür?

Also tregt ein böser Tyran/ oder ein schendliche hute ein güldene ketten/ oder güldene ringe/ Was kan das liebe gold dazu thun? Es ist vnser HERRN Gottes

Die Creatur  
gefangen in  
fremden  
dienst des  
gottlosen  
Welt.

Die Creatur  
wider jren  
willen der eitelkeit  
unterworfen.

Die ander

Predigt.

Gottes gute Creatur / vnd wolte viel lieber fromen Leuten dienen / Aber die edle Creatur mus solches leiden / vnd dienet der bösen Welt / on iren willen / doch auff hoffnung / das derselbige jr dienst sol ein mal ein ende haben. Vnd thut solches Gotte zu gehorsam / welcher jr solches auffgelegt hat / auff das er erkand werde ein barmherziger Gott vnd Vater / der (wie Christus leret) seine Sonne leßt auffgehen vber die bösen vnd vber die fromen etc. Vmb des willen dienet die liebe Sonne der eitelkeit / vnd verleuret vergebens iren dienst vnd wolthat. Aber vnser **HEER** Gott wird solche zu seiner zeit wol finden / die der schönen Sonnen vnd anderer seiner Creaturen misbrauchen / Vnd der Creaturen iren dienst reichlich vergelten.

Hoffnung  
der erlösung

Also zeucht der liebe S. Paulus das heilige Creutz durch alle Creatur / das Himel / Erden vnd alles was drinnen ist / mit vns leide / Darumb sollen wir so jemerlich nicht Klagen vnd weinen / wenns vns vbel gehet / sondern mit gedult warten auff vnser Leibserlösung / vnd auff die herrlichkeit / die an vns sol offenbaret werden / Sondern weil wir wissen / das alle Creatur mit grosser angst vnd sehnen / wie ein Weib in Kindsnöten / seuffzet nach der offenbarung der Kinder Gottes / Da denn jr erlösung auch wird angehen / das sie nicht mehr der eitelkeit vnterworffen wird sein vnd dienen / sondern wird allein den Kindern Gottes willig mit allen freuden dienen / In des tregt sie jr Creutz / vmb Gottes willen / der sie vnterworffen hat auff hoffnung / das man gewis sey / das es nicht wird ewig also bleiben / sondern ein mal ein ende haben mus / da sie wird ewiglich erlöset werden.

Also thut jr auch (spricht S. Paulus) lieben Christen / vnd dencket / gleich wie sich die Creatur mit euch am jüngsten tag freuen wird / so trawret sie jzt mit euch / Darumb seid irs allein nicht / die da leiden müssen / Sondern die ganze Creatur leidet mit / vnd wartet auch auff ewre erlösung / welche so herrlich vnd gros sein wird / das ewer leiden nicht werd ist / das mans dagegen sol rechnen.



Ir haben bisher gehöret / wie S. Paulus die Christen in irem leiden getröstet hat / gegē der künftigen unbegreiflichen / ewigen herrlichkeit / die an vns in jenem leben sol offenbart werden / Vnd zum trost angezogen die ganze Creatur / Gerade / als were sie ein einige Person / die da jmerdar mit der ganzen Christenheit leide. Vnd hat also mit seinen scharffen Apostolischen augen gesehen das liebe heilige Creutz / in allen Creaturen. Solchs bildet er vns fur / vnd sagt / es sey nicht wunder / das wir Christen leiden / denn wir können es wol vmb die Welt verdienen / mit vnserm predigen / straffen vnd schelten. Die Creatur aber müsse leiden gar vnschuldiglich / Vnd also / das sie müsse gefangen vnd vnterworffen sein bösen Leuten / vnd dem Teuffel selbs.

Wenn nu die Sonne solte reden / vnd ire Legenden von Adam her erzelen / was fur jamer vnd elend sie erlebt vnd gesehen hette / sie würde on zweivel von einem grossen Creutz sagen / Wie sie so manchem Ehebrecher / Dieb / Mörder / ja dem ganzen regiment des Teuffels hab müssen dienen. Vnd ist doch so eine feine / edle / reine Creatur / die billich niemand solte dienen / denn allein Gott / seinen Engeln / vnd den fromen Christen / die Gott dafür danken / So mus sie dienen denen / die Gott lestern vnd schendē alle bosheit vnd vnzucht treiben. Wiesol sie nu solchs nicht gerne thut / ist sie dennoch Gott gehorsam / vnd nicht / allein sie / sondern die ganze Creatur.

Das ist seer fein vnd tröstlich geredt / das er aus allen Creaturen eitel Werteser mache / die alles vnrecht müssen leiden / doch on iren willen / Denn die Creatur sagt nicht / das der Teuffel vnd die bösen leute recht dran thun / das sie irer so schendlich misbrauchen / Sie leßt es aber so geschehen / vmb des willen / der sie der eitelkeit hat vnterworffen / vnd hoffet daneben / es sol mit der zeit anders vnd besser werden / da sie wider in  
einen

Leiden der  
Creatur vom  
anfang her.

einen rechten brauch kómen sol/ vnd al-  
ler misbrauch abgeschafft werden.

Alle Creatur  
hoffet eines  
andern le-  
bens.

Das also S. Paulus die ganze Crea-  
tur in ein ander leben weist/ vnd sagt/  
sie sey dis lebens eben so müde / als wir/  
vnd dencke mit vns auff ein new wesen  
vnd leben/ Denn das heisset er das end-  
liche harren der Creatur / das sie nicht  
gedencke also zu bleiben/ wie sie jzt ist/  
sondern sibet mit vns hinauff gen Hi-  
mel/ vnd hoffet aus diesem schendlichen  
leben in ein bessers zu kómen/ da sie denn  
auch frey werden wird von dem dienst  
des vergenglichen wesens / wie der Apo-  
stel hernach anzeigt.

**U**nd durch diese wort/ gibet er zu ver-  
stehen / das die ganze Creatur noch  
viel schöner vnd herrlicher sol werden/  
denn sie jzt ist/ da sie noch mit vns mis-  
vnterworffen sein/ den Tyrannen/ wel-  
che vnser ehre / leib vnd gut nach irem  
mutwillen misbrauchen / wie der Teufel  
vnserer Seele misbrauchet / Das  
müssen wir leiden / als die auff Erden  
ins Teufels Reich gefangen sind/ vnd  
die ganze Creatur mit vns/ Denn die er-  
de mus sich manchen argen schalck las-  
sen tretten vnd bawen/ vnd im seine nar-  
rung geben / Der gleichen/ lufft/ fiewr/  
wasser etc. das also alle Creatur jr creutz  
hat/ doch auff hoffnung/ das des spiels  
ein mal sol ein ende werden.

Die ganze  
Creatur fur  
eine person  
mit vns lei-  
det.

Und ist seer fein tröstlich geredt/ das  
er die ganze Creatur einzeucht/ gleich  
als in eine Person / die mit vns ein ver-  
langen habe/ aus diesem leben in ein an-  
ders zu kómen. Das wir ja gewis wis-  
sen / das wir noch nicht leben wie wir  
sollen / sondern warten eins andern le-  
bens / das vnser rechtes leben sein sol/  
Wie die Sonne eins andern schmucks  
wartet/ den sie haben sol/ sampt der er-  
den vñ allen andern Creaturn/ nemlich/  
das sie gereinigt sollē werde/ von allem  
misbrauch des Teufels vnd der Welt.

**I**s aber (spricht er) wird ge-  
schehen/ wenn die Kinder Got-  
tes offenbaret werden. Jzt auff  
Erden sind sie wol schon Gottes Kin-  
der/ aber sie sind noch nicht in irer herr-  
lichkeit / Gleich wie die Sonne auch  
noch nicht in irer rechter herrlichkeit ist/  
darumb / das sie der eitelkeit ist vnters-  
worffen / Aber/ sie wil des endes erhar-  
ren / welches jr furgestellet ist / da jr

dienst ein mal sol auffhören / darauff  
wartet sie / sampt der ganzen Creatur  
vnd allen heiligen / mit eitel senfftzen/  
vnd bleibt vnter des vnterworffen der  
eitelkeit/ das ist/ dem Teufel vnd der bö-  
sen Welt / allein vmb Gottes willen/  
der sie hat vnterworffen/ doch auff hoff-  
nung/ das es nicht sol ewig weren.

Also wir auch/ sind hie auff Erden  
schon Gottes Kinder/ vnd selig/ so wie  
glauben vnd getaufft werden/ wie Mar-  
16. geschrieben stehet/ vnd Joh. 1. Wie  
viel in auffnamen / denen gab er macht  
Gottes Kinder zu werden/ die an seinen  
namen gleubē etc. Die Tauffe sibet man/  
die Kinder so getaufft werde sibet man  
auch / das Euangelium höret man/ so  
fülen wir auch selbs in vnserm hertzen  
das zeugnis des h. Geistes / das vnser  
Glaub / wie schwach er ist / dennoch  
rechtschaffen sey. Aber wer sibet vns an  
das wir Gottes Kinder sind? wer wil  
solche leute Gottes Kinder heissen / die  
in Kercker geworffen/ so grewlich gemar-  
tert vnd auff allerley weise geplagt wer-  
de/ als weren sie des Teufels Kinder vnd  
eitel verdampfte vnd verfluchte leute?

Das wir  
Gottes Kin-  
der sind/ ist  
fur augen  
nicht zu sehe

**D**arumb spricht S. Paulus nicht ver-  
gebens / die herrlichkeit der Kinder  
Gottes sey noch verborgen/ sie sol aber  
an inen offenbart werden / Gleich wie  
er Col. 3. auch sagt / Ewer leben ist ver-  
borgen mit Christo / in Gott / Wenn  
aber Christus ewer leben/ sich offenba-  
ren wird/ denn werdet jr auch offenbart  
werden mit im / in der herrlichkeit. Vn-  
ter des / weil sie hie auff Erden leben/  
sind sie nicht geschmückt mit Gottes/  
sondern des leidigen Teufels/ farbe.

Gottes Kin-  
der müssen  
des Teuffels  
kinder heis-  
sen.

Denn des Teufels Kindern gehöret/  
das man sie sol stöcken vnd plöcken/ vnd  
alles vnglück anlegen/ Solchs geschiet  
aber nicht/ sondern sie sind guter ding/  
reich/ mechtig/ gewaltig / haben ehre/  
gelts vnd guts gnug/ füren dazu vnser  
HERREN Gottes farbe vnd namē/ als  
weren sie gar wol mit im dran. Wider-  
umb halten sie vns fur Rezer vnd Got-  
tes feinde/ Das gleich hie widersins zu-  
gehet. Die Gottes kinder sind / müssen  
des Teufels/ Vnd die des Teufels kinder  
sind/ müssen Gottes kinder heissen.

Das thut denn den fromen wehe/ Ja  
Himmel vnd Erden / vnd alle Creatur  
schreiet vnd plaget drüber / vnd ist vns  
willig dazu/ das sie also sol der eitelkeit



## Auslegung der Epistel

unterworffen sein/ vnd leiden / das die Gottlosen irer misbrauchen wider Gottes ehre/ Das Gott nicht kan dazu kommen / das sein Name geheiliget / sein Reich gemehret würde/ vnd sein wille geschehe/ auff Erden wie im Himmel.

Derhalben/ weil die Kinder Gottes so verborgen sind / vnd ire farbe noch nicht tragen können/ so schreiet (spricht S. Paulus hie) alle Creatur mit vns/ das vnser **HERR** Gott wolte den Himmel zerreißen/ vnd herab kómen/ vnd seine Kinder scheiden von des Teuffels Kinder/ Denn seine Kinder sind auff Erden zu tieff verborgen / Vnd ist zu gar eine dicke haut vber der Gottlosen augen gezogen/ das sie Gottes Kinder nicht können erkennen. Ire lere/ damit sie Gottes gnade/ vns in Christo erzeiget / preisen / mus irthum/ lügen / ketzerey vnd Teuffels lere heissen/ Darumb sagt er/ es harre mit vns alle Creatur / auff die offenbarung der Kinder Gottes.

Zufünftige  
offenbarung  
der Kinder  
des Gottes.

**A**uff die weise redet S. Johannes auch / 1. Joh. 3. Meine lieben / wir sind nu Gottes Kinder/ aber es ist noch nicht erschienen / das wirs sind / Wir wissen aber / wenn es erscheinen wird/ das wir im gleich sein werden/ Nemlich wenn vnser **HERR** Ihesus Christus kómen wird/ mit seinen lieben Engeln/ vnd wir in den Wolcken im entgegen hingeziehet werden in der lufft/ Da wird er ein solch liecht mit sich vnter die Kinder Gottes bringen / das man sagen wird/ sie seien recht nach irem namen geschmückt / weit herrlicher denn der welt Kinder gewesen sind / welche in sammat/ purpur/ gülden stücken vnd seiden daher gangen sind in irem leben / wie der Reiche man/ Denn werden wir vnser rechte farbe tragen/ vnd leuchte wie die Sonne / in vnser Vaters Reich/ Vnd in solcher herrlichkeit erscheinen/ das niemand gemeint hette/ das der arme Lazarus/ der so elend für des Reiches thür gelegen ist/ also schon vnd herrlich werden solte. Davon liese weiter im Buch der Weisheit am 5. Cap.

Verklärung  
aller Creatur.

Diese hoffnung (spricht er) habē wir vnd die ganze Creatur mit vns/ welche auch vmb vnser willen auff das schönest gereiniget vnd vernewet wird werden/ das man sage wird/ Dis ist erst eine schöne Sonne/ ein feiner hübscher Baum/ eine köstliche/ liebliche Blume etc. Weil

nu das (sage ich) vnser hoffnung ist/ sol len wir so hoffertig sein/ vnd das geringe leiden/ so vns in diesem leben begegnen mag/ nicht so gros achten / Denn was ist es doch gegen der herrlichkeit/ die an vns sol offenbart werden.

Vnd zwar/ wir selber werde in jenem leben wider vns müssen sagen/ Pfü dich mal an/ bin ich doch nicht werd/ das ich sol Gottes Kind heissen/ darumb / das ich auff Erden mein leiden so gros/ vnd diese vberschwengliche freude vnd herrlichkeit/ so gering geachtet habe / Ah/ wenn ich noch solt in der welt sein/ vnd diese freude für mir wissen/ wolt ich gerne/ so es möglich were / tausent jar in Kercker gefangen ligen / Franck sein/ verfolgt werden/ oder sonst ander vnsglück leiden/ Denn ich sehe vnd erfare es jzt/ das ja war ist/ das aller Welt leiden gar nichts gewest gegen der herrlichkeit/ die an Gottes Kindern nu offenbart ist.

Aber man findet jzt viel / auch vnter denen/ die Christen sein wollen / so gar voll vngedult / das sie schier nicht ein hartes wort verhören können/ wenn sie es schon wol verdienet haben/ Vnd ehe sie ein wenig schmach oder nachteil vmb des Euangelij willen von der welt liden/ ehe liessen sie das Euangelium vnd Christum faren. Wie werden sie aber an jenem tage bestehen?

Darumb/ lieben freunde/ lasse vns klug sein/ weil wir noch raum haben/ vnd das zeitlich leiden nicht so gros achten/ sondern vns gedültig drein ergebē/ nach der lere S. Pauli/ wie die Creatur thut. Die Erde dencket/ Ich lasse mich pflügen vnd bawen/ vnd sind doch das wenigste teil Christen / denen es zu gut kómet/ vnd das meiste teil arge böse buben/ die meiner genießen / Was wil ich aber draus machen? Ich wil es leiden/ vnd wil mich lassen zerpflügen vnd vmbgraben/ weil es mein Gott also wil haben/ Vnd daneben hoffen / das ein mal anders sol werden/ das ich nicht mehr der eitelkeit unterworffen werde sein/ vnd den feinden Gottes dienen.

**A**uff diese weise redet auch S. Petrus von der verenderung der Creatur/ in seiner andern Epistel am 3. Cap. vnd spricht/ Die Himmel werden mit großem Krachen vom feur zurgehen / vnd die Element für hitze zerschmelzen / Wir warten

Neue Himmel  
vnd neue  
Erden den  
Christen ver  
heissen.

warten aber eines neuen Himmels vnd ei  
ner neuen Erden / nach seiner verhei  
ssung / in welchen gerechtigkeit wonet /  
Als wolt er sagen / Gleich wie jgund  
auff Erden der meiste teil schelck vnd  
buben sind / welche vnsers **HERRN**  
Gottes willen nicht thun / wie er im Hi  
mel geschiet / Also sol auff jenem tag /  
auch auff Erden eitel gerechtigkeit vnd  
heiligkeit / das ist / eitel frome Gottseli  
ge / gerechte Leute / wonen.

Vnd gleich wie im Himmel eitel gerech  
tigkeit ist / vnd der Teuffel heraus ist ge  
stossen / Also sol er auch / sampt allen  
Gottlosen / am Jüngsten tage von der  
Erden gestossen werden / das eitel heili  
ge Leute im Himmel vnd Erden sein / die  
alles in voller freude besitzen werden /  
Das also die Aufferwelten / beide / Himmel  
vnd Erden / allein besitzen werden. Sol  
ches meinet S. Petrus / wenn er spricht /  
Wir warten eines neuen Himmels / vnd  
einer neuen Erden / in welchen gerech  
tigkeit wonet. S. Paulus aber setzet hin  
zu / das nicht allein wir drauff warten /  
sondern auch die ganze Creatur seufftze  
vnd schreie mit vns / vnd warte drauff.

Als man aber die Creatur nicht dar  
umb verdanne oder schelte / als sünd  
digete sie dran / das sie jrer also leste mis  
branchen / sagt S. Paulus / Es sey wol  
war / das sie der eitelkeit vnterworffen  
sey / aber doch on jren willen / Gleich als  
es mein wille nicht ist / das man mich ei  
nen Reizer vnd verführer schilt / Ich leide  
es aber vmb Gottes willen / der es so ge  
schehen leste / vnd werde durch solch lei  
de gar nicht teilhaftig der sünde / so die  
feindeder warheit an mir thun / die mich  
also schelten / Also ist es mit der Creatur  
auch / die leidet solchen misbrauch vmb  
des willen / der sie vnterworffen hat.

Diesem Exempel nach solt jr Christen  
auch thun / Die Sonne spricht / Lieber  
Gott / ich bin deine Creatur / drum wil  
ich thun vnd leide / was dein götlicher  
Wille ist. Also solen Christe auch thun /  
wenn vnser **HERRN** Gott dir ein leiden  
zuschickt / vnd sagt / leide dich ein wenig  
vmb meinen willen / ich wil dir wol be  
zalen. Ja gern / lieber Gott (sollen wir  
antworten) weil du es so wilt haben /  
wil ichs von herzen gerne thun.

Denn auch die Creatur frey wer  
den wird von dem dienst des ver

genglichen wesens / zu der herrlichen  
freiheit der Kinder Gottes.

**N**icht allein wir Christen /  
(spricht er) werden erlöset wer  
den / sondern die Creatur ist auch  
gefangen / vnd hoffet / wie ein armer ge  
fangener Mensch / das sie sampt vns /  
sol erlöset werden. Also ist die Sonn /  
Mond / vnd alle Creatur / des Teuffels  
vnd böser leute gefangener / denn sie mus  
jnen dienen zu allerley sünde vnd laster.  
Darumb seufftze vnd plaget sie / vnd  
wartet auff die offenbarung der Kinder  
Gottes / da der Teuffel sampt allen  
Gottlosen zur Helle gestossen sol wer  
den / vnd in ewigkeit weder Sonne noch  
Mond / nimmermehr sehen / Keins tröpf  
lin wassers geniessen / nicht ein löffel  
brauchen / sondern aller Creatur wol  
that ewig beraubt sein.

Daher sagt er / die Creatur wird  
frey werden von dem dienst des ver  
genglichen wesens / Als wolt er sprech  
en / Sie mus jzt dienen dem schendliche  
wesen auff Erden / Denn Sonn / Mond  
vnd alle Creatur müssen des Teuffels  
vnd der Gottlosen Knechte sein. Dra  
sach / Gott wil es so haben / das seine  
schöne Creatur dem Teuffel vnd seinen  
gliedern vnter den füßen ligen / vnd ein  
zeit lang dienē sol. Gleich wie jzt manch  
sein hertz / einem schendlichen Tyrannen  
oder Türcken dienen mus / darumb / das  
es vnser **HERRN** Gott zu dem dienst so  
hat hingeworffen / da er mus ein Tür  
cken die stieffel auswischen / oder noch  
wol geringere dienst thun / vnd von jm  
dazu alles böses leiden.

So zeigt nu der Apostel an mit die  
sen worten / da er spricht / Die Creatur  
wird auch frey werden von dem dienst  
des vergenglichen wesens / das vor dem  
Jüngsten tage alle Creatur / die Gott  
geschaffen hat / müssen Knechte vnd  
Knechte sein / nicht der fromen / sondern  
des Teuffels vnd der bösen leute. In sa  
mert S. Paulum selbs der lieben Son  
ne vnd der andern Creaturen / das sie  
mus des Teuffels vnd der Tyrannen  
Knechte sein / Aber sie thuts nicht gern /  
Gleich wie wir nicht gern vnter dem  
Türcken weren / Sie leidets aber doch /  
vnd harret / Worauff? Auff die herrli  
che freiheit der Kinder Gottes / da sie  
nicht allein von jrem dienst erlöset / das

Erlösung  
der Creatur

Warten des  
Creatur  
auff die of  
fenbarung  
der Kinder  
Gottes.

Die Creatur  
leidet vnt  
erschuldig / vñ  
on jren wil  
len.

281  
 sie keinem bösen buben mehr diene/son-  
 dern auch frey/vnd viel schöner denn sie  
 jetz ist/ sol werden / vnd allein Gottes  
 Kindern fortan dienen/nicht mehr vn-  
 ter dem Teuffel gefangen sein / wie sie  
 jetz gefangen ist.

Denn wir wissen/das alle Crea-  
 tur sehnet sich mit vns / vnd engstet  
 sich noch jmerdar.

Engstlich  
 sehnen der  
 Creatur  
 nach der  
 Erlösung.

**D**as ist eine ebentherwliche re-  
 de von S. paulo/ Die Creatur/  
 (sagt er) weis/das sie nicht al-  
 lein von dem dienst des vergenglichen  
 wesens frey/ sondern auch herrlich ge-  
 zieret vnd geschmückt sol werden / Da  
 wolte sie gern bald hin/vnd ist jr so sach  
 darnach/als jmer einer Mezen sein mag  
 zum tanze/denn sie weis / wie schön sie  
 werden sol/darumb sehnet vnd engstet  
 sie sich jmerdar/Wie wir Christen vns  
 auch sehnen / vnd wolten von hertzen  
 gern/das es schier ein ende hette / mit  
 Türcken/ Papst / vnd der schendlichen  
 Welt/Denn solt einer nicht müde wer-  
 den/ solcher buberey/Sünde vnd Got-  
 tes lesterung wider Christum vnd sein  
 Euangelium / zu sehen vnd zu hören/  
 Gleich wie Lot zu Sodoma / sehen vnd  
 hören mußte? Darumb sagt S. Paulus/  
 die Creatur war te sehnlich vnd engstig  
 lich auff die offenbarung vnd herrliche  
 freiheit der Kinder Gottes / Vnd thut  
 solchs nicht allein/

Sondern auch wir selbs (spricht er  
 weiter) die wir haben des Geistes erste  
 linge/sehnen vns auch / bey vns selbs/  
 nach der Kindschafft / vnd warten auff  
 vnser leibs erlösung/Beten vnd schrei-  
 en mit grossem seuffzen vnd verlangen  
 im Vater vnser / Zukome dein Reich/  
 das ist/ Hilff lieber HERR / das der  
 selige tag deiner herrlichen Zukunfft  
 bald kome/ das wir aus der argen welt/  
 des Teuffels reich/erlöset / vnd von der  
 grewlichen plage / die wir auswendig  
 vnd inwendig/beide/von bösen Leuten/  
 vnd vnserm eigen gewissen leiden mü-  
 ssen/frey werden/Würge jmer hin den  
 alten sack/das wir doch ein mal einen  
 andern Leib kriegen / der nicht so voll  
 sünde/vnd zu allem bösen vnd vngedor-  
 sam geneigt sey/wie er jetz ist/ Der nicht  
 dürffe mehr krank sein/verfolgung lei-  
 den/vnd sterben/sondern der von allem

vnglück leiblich vnd geistlich erlöset/  
 ehlich werde deinem verklärten leibe/  
 lieber HERR Jesu Christe / Vnd  
 wir also endlich komen mügen zu vnser  
 herrlichen erlösung/Amen.

**E**s brauchet aber hie S. Paulus ein  
 sonderlich wort / welches wir nicht  
 anders haben geben können / denn eng-  
 sten / Es heisset aber eigentlich solche  
 schmerzen vnd wehe / wie sie ein Weib  
 in kindsnöten hat/welche nichts liebers  
 wolt / denn das das kindlin geboren  
 vnd sie genesen were / dis wünschet  
 vnd hoffet sie fur aller Welt/gelt/gut/  
 ehre/freude vnd gewalt. Gleich das sel-  
 bige wort gibt S. Paulus hie der Crea-  
 tur/das sie sey in kindsnöten / vnd sich  
 engste vnd martere/ das sie gern new ge-  
 born / vnd von irem dienste los were.

Da sage mir nu/wer künde der Crea-  
 tur solchs ansehen / das sie in kindsnö-  
 ten solte ligen? Kein vernunfft noch  
 menschliche weisheit / sie sey wie hoch  
 sie wolle / kan solches gedenden oder  
 glauben. Nein (sagt sie) die Sonne ist  
 ein schöne/liebliche/tröfliche Creatur/  
 das sie nicht künde schöner noch lieblich-  
 er sein. Also auch / was seilet dem  
 Monde/den Seernen / der Erden etc.  
 Ist nicht alles fein vnd zierlich geschas-  
 ffen? Wer wolte denn sagen / das die  
 Creatur in kindsnöten lege / oder vns  
 gern in dem wesen were?

S. Paulus sagets/das sie des we-  
 sens/darin sie jetz diene/ gar müde sey/  
 vnd ja so gerne daraus were / als gerne  
 ein Weib des kints genesen were. Das  
 heissen rechte Apostolische vnd geistlich-  
 che augen/die solchs alles in der Crea-  
 tur sehen/Darumb kret er auch den rü-  
 cken dieser Welt / vnd achtet weder  
 freud noch leide dieses zeitlichen lebens/  
 troget allein auff das künsttliche vnd ewi-  
 ge leben / welches er doch weder sibet  
 noch fület. Vnd tröstet also die Christen  
 gar trefflich vnd gewaltig / füret sie  
 mit der ganzen Creatur in jenes leben/  
 doch in der hoffnung/das dis sündlich-  
 ige leben zuvor müsse ein ende haben.

Darumb sollen die/so an Christum  
 glauben/sicher vnd gewis sein der ewi-  
 gen herrlichkeit/vnd sampt aller Crea-  
 tur seuffzen vnd schreien / das vnser  
 HERR Gott eilen wolte / den seligen  
 tag herzu zu bringen / da solche hoff-  
 nung erfüllet sol werden / Denn eben  
 darumb

Engsten wort  
 eines Weibes  
 in kindsnö-  
 ten.

Alle Gottes  
 wort vnd  
 werck auff  
 das zukünft-  
 ige leben  
 gerichtet.

darumb hat er vns auch beten heissen  
im Vater vnser/Dein Reich Come. Der  
liebe Gott/der vns befohlen hat solchs  
zu thun/der gebe auch gnade / vnd hel-  
ffe/das wirs thun/vnd darneben festig-  
lich glauben/das wir endlich zu solcher  
herrligkeit komen werden.

Denn vnser Glaub sol nicht dazu  
dienen / das wir gele oder gut in dies-  
sem leben dadurch erlangen/Sondern /  
das wir zu einem andern leben komen/

Denn wir sind auff dis gegenwertis-  
ge leben nicht getaufft / hören auch das  
Euangelium nicht darumb / sondern es  
gehet alles auff jenes ewige leben. Gott  
gebe/das derselbige/fröliche vnd selige  
tag/vnser Erlösung vnd herrligkeit/  
bald Come/ vnd wir solchs als  
les erfahren/wie wirs jzt  
im Wort hören  
vnd glauben/  
Amen.

## Euangelium am vierden

Sontag nach Trinitatis / Luc. VI.



**I**ESVS  
sprach zu sei-  
nen Jünge-  
ren / Seid  
barmhertz-  
ig/wie auch  
euer Vater  
barmhertz-

ig ist. Richtet nicht / so werdet jr  
auch nicht gerichtet. Verdampft  
nicht / so werdet jr auch nicht ver-  
dampft. Vergebet /so wird euch ver-  
geben. Gebet /so wird euch gegeben.  
Ein voll / gedrückte / gerüttelt vnd  
oberflüssig Mas wird man in ew-  
ren schos geben. Denn eben mit dem

i illij mas /

## Auslegung des Euangelij

mas / da jr mit messet / wird man euch wider messen.

Vnd er sagte jnen ein gleichnis / Mag auch ein Blinder einem Blinden den weg weisen? Werden sie nicht alle beide in die gruben fallen? Der Jünger ist nicht ober seinen Meister / Wenn der Jünger ist wie der Meister / so ist er vollkommen. Was siehestu aber einen Splitter in deines bruders auge / vnd des Balcken in deinem auge wirstu nicht gewar? Oder wie kanstu sagen zu deinem Bruder / Halt stille Bruder / Ich wil den Splitter aus deinem auge ziehen / vnd du siehest nicht den Balcken in deinem auge? Du Heuchler / zeuch zuuor den Balcken aus deinem auge / vnd besihe denn / das du den Splitter aus deines Bruders auge ziehest.



Antwort  
auff die ein-  
rede aus die-  
sem Text/  
vom ver-  
dienst vnser  
werck.

Vff das man dis Euangelium deste besser verstehen könne / müssen wir auff's erste vnsern Widersacher antworten / welche vns diesen Text / als einen starcken / festen / grund irer Lere / furwerffen / vnd trogen dar auff / als hetten sie es schon gewis erstritten / das man durch werck vergebung der sünden / vnd das ewige Leben erlangen künde.

Sie (sagen sie) stehet ja klar geschriben / Vergebt / so wird euch vergeben. gebet / so wird euch gegeben. Was kan man wider solche helle Sprüche auff bringen? Darumb folge gewis dar aus / das man durch gute werck vergebung der sünden erlangen kan. Wollen also durch diesen vnd der gleichen Sprüche / von den wercken / beweiset haben / das wir durch eigen verdienst gerecht vnd selig werden / Schelten vnd verdammen vns darüber als Ketzer / das wir leren / das wir allein selig werden durch den Glauben an Ihesum Christum / der je fur vns gecreuziget vnd gestorben ist / fur vns seinen leib gegeben / sein blut fur vns vergossen hat / zu ver-

gebung der sünden. Machen also Christum vns gar vnnütz / vnd heissen die lere vom Glauben schlechts irthum vnd lügen. Sie gebets also / das ein blinder den andern leitet.

Wolan / wir lassen sie jmer hinfarē / weil sie ja blind vnd verstockt wollen sein / Wo es jnen aber ernst were / die warheit zu erkennen / künden sie es fein aus diesem Euangelio sehen / wohin solche Sprüche eigentlich gehen / vnd gedeutet sein wollen / Denn das Euangelium sagt ja deutlich / das Christus nicht mit denen / so allererst gnade erlangen sollen / sondern mit seinen Jüngern / redet / die schon Kinder der gnaden vnd gerecht sind / vnd dazu von jm ausgesand werden / das sie auch andern solche gnade vnd seligkeit predigen sollen. Dar aus denn klar folget / das sie schon vergebung der sünden haben / from vnd gerecht sind / vnd nicht erst durch werck erlangen sollen. Mit solchen (sage ich) redet er / vnd leret sie / wie sie sich gegen jren feinden sollen halten / Nemlich / das / wenn sie von jnen verfolgt werde / sie nicht widerumb verfolgen / sondern gedultig solchs alles leiden sollen / vnd jnen das beste dagegen thun.

Darumb ist nu das die meinung nicht das sie durch solche werck / so alhie erzelet werden / erst vergebung der Sünden vnd gerechtigkeit / so fur Gott gilt / erlangen sollen / Sondern Christus redet schlechtleich vnd einfeltig mit seine Jüngern / die er erwelet / vnd Aposteln genennet hat (wie S. Lucas vor diesem Euangelio anzeigt) vnd leret sie / wie sie sich halten sollen / wenn sie nu predigen werden / Als wolt er sagen / Ir lieben Jünger / Ich sende euch wie Schafe / mitten vnter die Wolffe / vnd befehle euch ein solch Ampt / das jr predigen / vnd den andern / das sie ewer Predigt hören / annehmen vnd glauben sollen / Da wirds euch so gehen / das jr die Welt erzürnen werdet. vnd zu feinde haben / vnd gleich so viel freundschaft vnd liebe bey jr finden / als die Schaf bey den Wolffen / Denn sie wird ober ewer Predigt gar toll vnd töricht werden / vnd sie keins weges leiden wollen.

Darumb schicket euch in die sache / das jr ein besser leben vnd wandel fuhret / denn ewre feinde / Welche allerley vnbarhertzigkeit an euch vben werden /

Christus redet mit den / die schon in gnaden vnd gerecht sind / vnd ausgesand werden / das sie auch andern solche gnade vnd seligkeit predigen sollen. wollen lassen.

Christen sol- den/ mit richten vnd verdamnen / dazu  
 len der welt werden sie euch nicht allein keine sünde  
 bosheit lei- vergeben/ sondern ewre beste werck vnd  
 den vnd bö- wolthaten für die größten sünden aus-  
 ses mit gu- schreien. Item/ sie werden auch nicht al-  
 tem bezalen lein euch nichts geben/ sondern euch da-  
 zu von dem ewren jehen / vnd mit ges-  
 walt nemen vnd vorhalten.

Also werden sie mit euch vmbges-  
 hen/ aber hütet euch / das jr inen nicht  
 gleich werdet/ Sondern wo sie richten/  
 so richtet jr nicht/ wo sie verdamnen/ so  
 segnet jr/ wo sie rechen/ vergebet jr / wo  
 sie nemen/ so gebt jr/ Denn hart zuvor le-  
 ret der **HER** eben der gleichen / da  
 er spricht/ Liebet ewre feinde/ Thut des-  
 nen wol/ die euch hassen / Segnet die/  
 so euch verfluchen/ Bittet für die / so  
 euch beleidigen etc.

Auff diese weise vermanet auch S.  
 Paulus zun Römern am 12. die Christe/  
 vnd spricht/ Ist es möglich / so viel an  
 euch ist/ so habe mit allen Menschen  
 friede. Rechet euch selber nicht/ sondern  
 gebet raum dem Zorn. Eben dergleiche  
 leret hie Christus/ da er spricht / Seid  
 barmherzig/ richtet nicht / verdamnet  
 nicht/ rechet euch nicht/ gebt vnd helfft  
 jederman / Auff das jr ewren feinden  
 nicht gleich böse werdet / sondern viel  
 mehr / das sie durch ewren guten vnd  
 freundlichen wandel verursacht wer-  
 den/ euch ein gut zeugnis zu geben / vnd  
 endlich in sich selber gehen vnd sagen  
 müssen/ Sihe / diese Leute richten vnd  
 verdamnen wir / vnd treiben alle vnsern  
 mutwillen mit inen / Dagegen wehren  
 vnd rechen sie sich nicht/ sondern leiden  
 alles gedültiglich / vnd überwinden das  
 böse noch dazu mit gutem / Es müssen  
 furwar nicht böse Leute sein/ weil sie so  
 grosse gedult haben / vnd das böse mit  
 gutem bezalen / Ich wil mich auch zu  
 inen halten/ weil sie so gar niemand kei-  
 nen schaden thun/ ob sie schon gute vrs-  
 sach dazu haben etc.

Als dem kan man nu leichtlich mers-  
 ken / das Christus hie nicht leret/  
 durch werck from vnd gerecht zu wer-  
 den / sondern vermanet die / so vorhin  
 schon from vnd gerecht sind / das sie  
 barmherzig seien/ wie jr himlischer Va-  
 ter etc. Auff das die Heiden dadurch ges-  
 bessert werden/ vnd also mit irem barm-  
 hertigen vnd vnschuldigen leben die  
 Vnglebigen locken / das sie nicht als

lein durch ire Predigt / sondern auch  
 durch iren guten wandel / bekeret vnd  
 gebessert werden.

Auff die meinung leret auch S. Paulus  
 die Corinthen/ 1. Corinth. 7. So ein  
 Weib einen vnglebigen Man hat / die  
 scheide sich nicht von jm/ so fern er lei-  
 den wil/ das sie ein Christen bleibe. Vrs-  
 sach/ es kan sich zutragen/ das der Man  
 durch die tugent seines Christliche weib-  
 bes bewegt wird/ sich zu bekeren / vnd  
 spreche/ Ich sehe an meinem Weibe/  
 das die Christen seine Leute sind / dar-  
 umb wil ich auch ein Christen werden.

Also liest man auch von **Monica** / Exempel  
Monice/der  
Mutter Au-  
gustini.  
 S. Augustini Mutter / die hatte einen  
 seltsamen/ wunderlichen Man/ vnd das  
 zu einen Heiden/ Was that sie aber? Sie  
 konte sich so gegen jm halten/ das er jr  
 kein leid thet/ Die andern Christen wei-  
 ber wunderten sich solchs seer / giengen  
 zu jr/ vnd klagten vber ire Mennen/ wie  
 sie inen / wiewol sie Christen waren/  
 nichts künden zu danck thun / vnd das  
 zu von inen gescholten vnd geschlagen  
 würden / Fragten sie / wie sie jm doch  
 thete/ weil jr Hauswirt nicht allein ein  
 wunderlicher Man / sondern auch ein  
 Heide were/ das sie von jm vngeschla-  
 gen bliebe?

Die liebe **Monica** antwortet inen/  
 vnd sprach/ Ich besorge/ jr gebet ewren  
 Mennen vrsach dazu / Wenn jr inen  
 vnterthan weret / nicht widerbellet/  
 oder alle wort nicht verantwortet/ son-  
 dern gedültig inen wicket / vnd gehors-  
 chet/ oder mit freundlichen worten sü-  
 net/ so bleibet jr wol vngeschlagen/ Denn  
 also pflege ich jm zuthun / Wenn mein  
 Hauswirt schilt/ so bete ich/ zürnet er/  
 so weiche ich jm / oder gebe jm gute  
 wort/ Damit habe ich nicht allein sei-  
 nen zorn gestillet / sondern auch dahin  
 gebracht/ das er bekeret/ vnd ein Chris-  
 ten worden ist. Sihe/ diese feine frucht  
 kam daraus/ das die liebe **Monica** barm-  
 hertig war gegen irem Eheman / ver-  
 damnet vnd richtet in nicht etc. Also  
 kan es sich noch ofte begeben / das (wie  
 S. Paulus sagt) ein vngleubig gemahl  
 durch das ander/ so gleubig ist / bekeret  
 mag werden.

Also solt jr Christen auch thun/  
 (spricht hie der **HER**) dieweil jr  
 Kinder der gnade vnd des friedes seid/  
 nicht des zorns / vnd der vneinigheit /  
 vnd

Guter wan-  
 del der Chri-  
 sten sol die  
 vngleubige  
 zum glau-  
 ben reizen.

## Auslegung des Euangelij

Christen sol  
len etel Se-  
gen vnd gu-  
tes von sich  
geben in jrer  
lere vñ leben

vnd dazu beruffen/das jr den Segen bes-  
erbet/Dar umb solt jr auch den Segen vn-  
ter die Leute bringen/Auffs erste durch  
ewre Predigt vnd öffentlich bekentnis/  
Darnach auch durch ewern eusselichen  
guten wandel/das/ wenn euch die Vn-  
glaubigen richten vnd verdamnen/ vñ  
barmherzig mit euch umbgehen/ vñ  
das ewre nemen/das jr barmherzig ge-  
gen jnen seid/euch an jnen nicht rechet/  
sondern jnen vergebet vnd gebet/ vñ  
noch dazu sie liebet/segnet/ vñ das bes-  
ste von jnen fur Gott vñ der Welt re-  
det/Das sie also an ewern guten wans-  
del mercken können/das jr frome/vñ  
schuldige Leute seid/die nicht allein bö-  
ses leidē/ sondern auch böses mit gutem  
vergelten/Solchs wird euch einen gu-  
ten namen vnter den Heyden machen/  
vñ mir löblich vñ ehrlich sein/ der ich  
ewer HERR vñ Gott bin.

Also sibestu/das sich dieser Tert gar  
nicht dahin reimet/ das man daraus  
wolte schliessen/das vergebung der sün-  
de/durch werck erlanget werde/Denn  
Christus redet hie mit denen/ so schon  
Kinder der gnaden sind/Vñ leret sie  
nicht/wie sie vergebung der Sünde/die  
sie vorhin haben aus gnaden/durch  
werck erlangen sollen/wie die Papisten  
erwmet/Sondern wie sie sich halten  
sollen/wenn sie nu aufftreten vñ pres-  
digoy gegen den Leuten/die sie verfol-  
gen/richten/verdamnen/vñ alle plage  
vñ vnglück anlegen werden/Nemlich  
das sie gleich das widerspiel thun/nicht  
richten/nicht verdamnen/sondern ver-  
geben vñ geben/So sollen sie wider-  
umb vngericht vñ vnuerdampft blei-  
ben/ beide/ fur Gott vñ fur der  
Welt. Vñ wenn sie schon die welt ver-  
urteilt/so wil sie doch Gott nicht ver-  
damnen/wie der 37. Psalm sagt/ Also  
sol jnen auch widerumb vergeben vñ  
gegeben werden etc.

Christen sol  
len der welt  
richten vñ  
verdamnen  
nicht achten.

So ermanet nu der HERR mit  
diesen worten seine Jünger/das sie vlei-  
ssig jres Ampts warten vñ getrost pre-  
digen/es verdrisse wen es wolle/ vñ  
das sie sich gar nichts lassen jren/wenn  
schon alle Welt sie schilt vñ verflucht/  
sondern nur frey fort faren/Es solle jñe  
reichlich belohnet werden/Denn es sey  
schon im Himmel beschloffen vber sie/das  
jnen ein voll/gedrückt/gerüttelt vñ  
vberflüssig mas sol gegeben werden.

WAs dem allem ist ja klar/das Chris-  
tus hie nicht rede von der gerechtig-  
keit/wie man fur Gott sol from wer-  
den/welches allein durch den Glauben  
an Ihesum Christum geschiet/Sondern  
das er seine Jünger lere/wie sie hie auff  
Erden vnter den vnglaubigen/die sie  
richten vñ verdamnen werden/einen  
guten wandel führen sollen/dadurch sie  
viel nutz vnter jnen schaffen mögen.

Wo sie solches thun/sol es jnen hie Belohnung  
den Christen  
verheissen.  
vñ dort wol belohnet werden/Nicht/  
das sie dadurch verdienē vergebung der  
sünden/Denn kein werck/es sey wie gut  
es jmer wolle/vermag solchs auszurich-  
ten/Sondern so sie et was drüber leiden  
oder verlieren/sol es jnen auch hie in die-  
sem leben (wie Mar. 10. geschrieben ste-  
het) hundertfeltig vergolten werden/  
vñ sollen in jenem leben fur andern hel-  
ligen herrlicher geschmückt vñ gezieret  
sein/ Woher? Das sie mehr gethan vñ  
gelidten haben vñb Christus willen/  
denn andere.

Denn der Prophet Daniel am 12. cap.  
sagt/das die Lerer/nach der auffsteh-  
ung der Todten/werden leuchten wie  
des Himmels glanz/Vñ die/ so viel zur  
gerechtigkeit weisen/wie die Sternent  
jmer vñ ewiglich. Vñ S. Paul sagt/ 1. Corinth. 15.  
Wie ein Stern den andern vbertrifft  
nach der Klarheit/also wird es auch sein  
mit der auffstehung der Todten.

Weiter sagt der HERR/Wo jr aber  
solchs nicht thut/ sondern böses mit bö-  
sem bezalt/so sol euch eben mit demsel-  
ben mas gemessen werden/da jr mit mes-  
set/Denn damit/das jr die/ so euch rich-  
ten vñ verdamnen/widerumb richtet  
vñ verdamnet/ zeigt jr gnugsam an/  
das jr meine rechtschaffene Jünger  
nicht seid/vñ noch kein vergebung der  
sünde habt/sonst thet jr was ich euch ge-  
heissen hab/Daraus denn weiter folgt/  
das ewer Glaube nicht recht ist/Dar-  
umb wird sichs mit euch vmbkeren/vñ  
werdet von mir hören/das jr keinē glau-  
ben habt/vñ falsche Christen seid.

Das aber solchs war sey/weiset gnug  
sam aus/das jr noch vnternander rich-  
tet/einer dem andern nicht helffet etc.  
Das thun meine Christē nicht/Darumb  
bleibt ewer sünde bey euch/vñ wird nur  
größer/Wie auch im gleichnis stehet/  
Matth. 18. von dem Knecht/ der seinem  
Herrn 10000. Pfund schuldig war/ vñ  
nicht

Mit dem  
mas so wie  
messen sol  
vñ wirden  
gemessen  
werden

nicht zalen Kund/ vnd der Herr erlies im die schuld aus lauter gnade / Da er aber seinem mitknechte die gar geringe schuld nicht wolt erlassen/ kam er wider in die vorige schuld / die im erlassen war/ mit grosser vngnad seines herrns/ vnd ward von im vberantwortet den Peinigern.

Also wil vns hie vnser lieber **HERR** freundlich locken/ das wir sollen gute werck thun/ vnd einen Christlichen wandel füren / auch vnter vnsern Feinden. Wo wir aber solchs nicht thun/ drewet er vns / das er vns nicht für Christen wölle halten / Denn solche werck sind gleich ein zeichen oder bekentnis/ damit wir bekennen / das wir recht schaffene Christen sind. Dazu werden durch solche werck andere Leute gebessert / vnd wir selbs die es thun/ machen fest dadurch (wie S. Petrus sagt) vnsern beruf/ vnd werden reicher im glauben.

**A**uff diese freundliche vermanung vnser **HERRN** Christi sollen wir Christen / vnd sonderlich die Prediger / vleissig achtung haben/ Denn wir haben heutigs tags auch/ vnser glaubens vnd lere halben/ wider sachter/ die gros vnd mechtig sind / Könige/ Fürsten/ Herrn/ Bapst/ Bischoue etc. Denselbigen vnsern Feinden erzeigen wir/ nach dieser lere Christi/ alle barmherzigkeit/ vnd wolten nicht gern/ das einem ein har gekrümmet/ oder ein helter genommen würde/ sondern das wünder sehen wir inen von hertzen / das sie iren irthum vnd sünd erkennen/ vnd zur gnade Gottes sich ergeben/ vnd dem Euangelio glauben wolten/ Vmb des willen richten/ verdammen vnd verfolgen sie vns/ nemen vns dazu ehre/ gut/ leib vnd leben/ als weren wir die ergsten huben/ so die Welt tregt. Solches thun wir in nicht widerumb/ Gott hab lob/ sondern erzeigen inen alle liebe vnd wolthat/ vnd wollen inen gern helfen/ wo sie inen nur helfen wolten lassen.

Ja (sagen sie) schiltestu vns doch beide/ mit schriften vnd Predigten/ vnd verdammest vns als Ketzer / wilt vns nicht lassen die Christliche Kirche sein etc. Heisset denn solchs schelten vnd verdammen barmherzigkeit? Antwort/ Das ist ein ander sache / Christus redet in diesem Euangelio von denen/ die vnrecht sollen leiden/ so wiltu es zihen auff

die/ so Ampts halben das vnrecht straffen sollen/ das ist nicht recht/ Denn die so das Ampt haben/ das sie sollen richten vnd verdammen/ die thun nicht vnrecht dran/ wenn sie es thun.

Das Ampt sol nicht aus barmherzigkeit die straffe nachlassen.

Denn eben als wenig es sich reimet oder gilt/ das ein Kind zum Vater wolt sagen/ wenn ers wil steupen / Vater/ sey barmherzig/ so wird dir Gott widerumb barmherzig sein / So wenig gilt es gegen die / so im Strassampft sitzen/ Es würde sich gar vbel schicken/ das ein Dieb oder Vbeltheter wolt sagen/ wider den Hencker / Lieber Meister/ vergib vnd richte mich nicht / so wird dir vnser **HERR** Gott widerumb vergeben. Nein lieber gesel/ Meister Hans sol dir seines Ampts halben also antworten/ vnd sagen/ Es ist nicht von nöten/ das ich dir vergebe / ich thu was recht ist/ Recht thun aber darff keines vergbens/ sondern man sol es loben. Also ist es auch mit Vater vnd Mutter / wenn die ire Kinder straffen / thun sie recht/ Denn das heisse recht straffen / wenn es das Ampt foddert / Aber da sihe dich für/ das du dich an dem nicht rechest/ der dich straffen sol / ob er dir auch zu vergebung weilen vnrecht thut.

Die straffe des Ampts darff keiner der dich straffen sol / ob er dir auch zu vergebung

Darumb reimet sichs gar nicht / das man diesen Text dahin dehnen wil/ als solt der **HERR** reden von denen/ die das vnrecht zu straffen befehl haben/ Als da sind Prediger vnd allerley Oberkeit/ Vater/ Mutter / Fürsten/ Herrn/ vnd zu legt auch Meister Hans / der sol nicht sagen zum Vbeltheter/ dem er sein Recht thun sol / wie sie doch pflegen/ Lieber N. vergib mir/ was ich heute an dir thun werde/ Denn warumb wil er so sagen/ thut er doch recht dran/ darumb darff er keins vergbens/ welches allein auff die Sünde vnd das vnrecht gehet/ Denn sein Ampt ist/ das er das vnrecht sol straffen. Gleich wie es vnrecht were/ so ein Vater zu seinem Sone/ wenn er in steupen wolte / sagte / Lieber Son/ vergib mirs / das ich dich steupen wil. Nein/ es ist recht gethan / darumb sol es der Son leiden/ denn Gott wil es so haben.

Also thut hie S. Paulus in der **an S. Paul** der Epistel am 5. Capitel / da er Spruch spricht zum Corinthern / Si excedimus, 1. Cor. 5 Deo excedimus, Si moderate agimus, uobis, &c. Er hatte die Corinthen scharff angriffen



## Auslegung des Euangelij

angriffen in der erste Epistel/das danch  
te etliche zu viel sein/Aber er entschuldigt  
get sich nicht lang / noch bitter gnad/  
sondern sage schlecht/Thun wir zu viel/  
so thun wirs Gott/ vnd dienē jm/ Sind  
wir aber messig/vnd faren seuberlich/so  
thun wirs euch zu gut.

Er wil gar keine Sünde daran ge-  
than haben/das er sie so hart gestraffet  
hat/sondern sagt/er diene Gott daran/  
Habe er aber zu viel nachgelassen/ so sey  
es jnen zu gut geschehen. Das ist zumal  
ein schlechte antwort auff solche klage/  
Lieber Paule/warumb straffstu vns so  
hart? Aber weil er im Apostelampe  
war/ gibt er kein andere antwort/denn  
diese/ Ich straffe die sünde/ wie ich wol-  
le/so thu ich recht dran/vnd diene Gott  
damit/nicht vmb meiner Person willē/  
sondern das mirs Gott so befohlen vnd  
geheissen hat.

Also kan auch ein Richter sagen/  
wenn er im Ampt ist / vnd einen Obel-  
theter zum tod verurteilt/ das er Gott  
damit diene / Des gleichen Vater vnd  
Mutter / steupen sie das Kind / nach  
dem es verdienet hat/so dienen sie Gott  
damit / Straffen sie es aber gelinder/  
denn es verdienet hat/so geschiet es dem  
Kinde zu gut.

Wolches sol man wissen zu vnterschei-  
den/ das man nicht einerley werck  
drans mache/wenn eine Person straffet/  
die im Ampt ist/vnd wenn eine straffet/  
die nicht im Ampt ist. Ein Ampt/es hei-  
sse wie es wolle/ist dazu geordnet / das  
es die Sünde sol straffen / das vnrecht  
nicht leiden/vnd vber dem/das recht ist  
halten. Darumb / weil ich vnd andere  
Prediger im ampt sind/thun wir recht/  
ja ein werck der barmhertzigkeit an den  
Leuten (es thu vns gutes oder böses da-  
gegen/wer da wil) wenn wir sie straf-  
fen.

Gleich wie es ein grosse barmher-  
zigkeit ist/wenn man dem Jungē volck  
seinen willen nicht leset/man bringe nu  
solchs zu wegen mit drewen oder schla-  
gen / Es kostet noch mühe vnd arbeit  
gung/das man dem vbel wehre vnd sten-  
re/wenn man schon hart straffet. Solt  
man nu die straffe gar lassen anstehen/  
vnd die barmhertzigkeit auch in das  
Ampt setzen / so würde das Land voll  
Buben/vnd die Welt ein lauter Mör-  
dergruben/ Da würde einer zum andern

sagen/Schlesteu mir/so raub ich dir/Ges-  
hestu mir zu meinem Weibe/ so gehe ich  
dir wider zu deinem etc. Nein/das tödt-  
te gar nichts.

Darumb ist meister Hans ein seer  
nützer/vnd dazu ein barmhertziger man/  
denn er steuret dem Schalck / das ers  
nicht mehr thue / vnd wehret den an-  
dern/das sie es nicht nach thun / Dem/  
fur jm/schlegt er den Kopff ab/den an-  
dern/hinder jm/drewet er / das sie sich  
fürchten fur dem Schwert / vnd friede  
halten. Das ist eine grosse gnade vnd ei-  
tel barmhertzigkeit.

Widerumb ist das eine grosse vnbar-  
mertzigkeit / ja ein gewolicher mord/  
wenn ein Vater sein Kind vngestrafet  
leset/denn es ist eben so viel/als würget  
ers mit seinen henden/ Darumb spricht  
Salomon Proverb. 24. Las nicht ab/  
den Knaben zu züchtigen/ denn wo du  
in mit der Ruten hewest/ so darff man  
in nicht tödten / Du hewest in mit der  
Rute/aber du errettest seine Seele von  
der Hellen/Das ist/er stirbet nicht da-  
von/wenn du in steupest / sondern mas-  
chest in mit der Ruten lebendig / vnd  
rettest in sein leben. Denn / wenn du in  
nicht steupest/so steupt in meister Hans  
das er dauon stirbt.

Als wolte er sagen/Wenn du dei-  
nen Son nicht steupest mit der Ruten/  
dadurch er bey dem leben mag bleiben/  
so bistu sein Mörder / Denn du hilffest  
deinem Kind dazu/ das es zum Buben  
wird/vnd Meister Hans in mit der töd-  
lichen Ruten mus straffen / Darumb  
nim du die Ruten in die Hand/vnd steu-  
pe flugs zu / wens not ist / das er der  
tödlichen Ruten entlauff / So thustu  
ein edles werck der barmhertzigkeit an  
im/ da du sonst / wenn du in seinen ei-  
gen willen leset/ ein Mörder an im  
würdest.

Darumb reimet sichs gar nicht da-  
her / das die Papisten schreien/ Wir le-  
ren wol andere / wie sie nicht richten  
noch verdamnen sollen / wir selbs aber  
thun das widerspiel / straffen/ richten  
vnd verdamnen iderman etc. Denn/wie  
ich droben gesagt hab / was wir hierin  
thun/das thun wir von Amptswegen/  
Dazu hats vmb vnser straffen vnd rich-  
ten solche gelegenheit/ das es niemand  
schadet / sondern nur fromet. Vnd  
müssens wol thun / aus befehl vnser  
HERREN

Don Ampts  
wegen stra-  
ffen/ist auch  
ein werck  
der barm-  
hertzigkeit.

Vnbar-  
mertz-  
igkeit ist  
mehr straf-  
en/wo mans  
schuldig ist.

predigt des  
Evangelij  
mus alle  
Welt straf-  
fen.

**H**ERRN Christi / der Luce am 24. ge-  
boten hat / erstlich buße / vnd darnach  
Vergebung der sünden zu predigen / in  
seinem Namen / vnter alle Völcker auff  
Erden. Vnd Johan. 16. Der heilige  
Geist wird die Welt straffen.

**J**esem befehl nach haben alle Apo-  
stel erstlich die Welt gericht / ge-  
strafft / vnd Gottes zorn vber sie ver-  
kündiget / darnach vergebung der sün-  
den im namen Christi geprediget / Wie  
S. Paulus thut Rom. 1. 3. etc. S. Petrus  
Act. 2. 3. 10. Vnd Christus selbs / da er  
spricht / Johan. 9. Ich bin zum gericht  
auff die Welt komen etc. Welche nu sol-  
che Predige haben angenommen / vnd sich  
dadurch straffen vnd richten lassen / die  
haben durchs Euangelium trost emp-  
fangen / das sie on verdienst / aus Gotes  
gnade / durch die erlösung / so durch  
Ihesum Christum geschehen ist / gerecht  
vnd selig werden / Rom. 3.

Heilsame  
straffe des  
Evangelij.

**S**olchen ist das vrtail vnd die straf-  
fe Christi vnd der Apostel nicht sched-  
lich / sondern nur seer nütz / tröstlich vnd  
heilsam gewesen. Widerumb / die sich  
nicht von jnen haben wollen richten las-  
sen / die sind in jren sünden blieben / ges-  
storben / vnd ewig verdorben / Vnd auch  
leiblich mit der zeit sind jre Stedte / Len-  
der vnd Königreich / darinnen sie gewo-  
net haben / jemerlich verheret vnd zer-  
störet.

**W**ie nu die Apostel dem befehl  
Christi nach geprediget haben / so müs-  
sen wir auch thun / vnd sagen / das alle  
Menschen in sünden empfangen vnd  
geborn / vnd von natur Kinder des  
zorns / vnd verhalben verdampft sind /  
vnd können weder durch jr / noch irgend  
einer Creatur / hülf / rat / werck / ver-  
dienst etc. vergebung der sünden erlan-  
gen noch selig werden. Das heisse ja je-  
derman straffen / richten vnd verdam-  
nen / Vnd thun doch solchs nicht aus  
eignem mitwillen / das wir wolgefal-  
len daran heften / die Leute Sünder  
vnd Gottlos zu schelten / sondern aus  
Christi befehl vnd gebot. Da bey aber  
lassen wirs nicht bleiben / sondern rich-  
ten auff vnd trösten wider / die / so wir  
gestrafft haben / vnd sagen / das Ihesus  
Christus in die Welt sey komen / die Sün-  
der selig zu machen / Auff das ein igli-  
cher / der an jn glaube / nicht verderbe /  
sondern selig werde.

Trost / so  
auff die straf-  
fe des E-  
uangelij sol-  
get.

**D**arumb wissen vns hierinne Gots  
fürchtige Leute keine schuld zu geben /  
Denn sie mercken / das wir jnen nicht  
Menschentand / von kappen etc. son-  
dern das Euangelium von Christo ver-  
kündigen / darumb werden sie fro / vnd  
danken Gott von hertzen / das sie die  
zeit erlebt haben / da sie die liebe wars-  
heit erkennen können / vnd trost dadurch  
für jre gewissen erlangen / vnd nemen  
diese vnser straffe für grosse barmher-  
zigkeit an.

**W**iderumb / der Gottlosen hauffe  
schile vnd verdampft vns / vmb dieser  
straffe willen / für Rezer vnd Aufstür-  
rer / als die beide den alten Glauben vnd  
Gottes dienst / Item / das weltlich Re-  
giment vnd frieden verstören. Das müs-  
sen wir leiden.

**D**och gibet vnser Gewissen vns das  
zeugnis / das sie vns solches mit vnrecht  
aufflegen / Dazu tröstet vns / das wir  
die ersten nicht sind / denen solche  
schmach widerferet. S. Paulus muste  
auch hören von den Jüden vnd Heiden /  
er were ein Gotteslesterer vnd aufstür-  
rer. Ja Christus selbs ward angeklagt  
für Pilato / das er das Volck verführet /  
vnd dem Keiser vngehorsam machte /  
vnd ward auch darumb ans Creuz ge-  
hengt. Mit denen wollen wir gerne Re-  
zer vnd Aufstürzer gescholten werden /  
bis ein mal vnser vnschuld ans liechte  
komet.

**W**enn aber die elenden verstockten  
Papisten der warheit / vnd vns vmb der  
warheit willen / nicht so bitter feind  
wären / köndten sie ja mercken an vn-  
serm leben / das wir vns sein nach dies-  
ser vermanung Christi / Seid barmher-  
zig etc. hielten / Denn wir haben ja vns /  
Gott lob / noch an keinem Menschen  
gerochen / der vns leid gethan hat / Kei-  
nen von Hause / Hofe / Weib vnd Kind  
vertrieben / niemand vmb's Glaubens  
willen ins gefengnis geworffen / viel  
weniger jemand drumm geköpfft / ers-  
aufft / verbrent / gehenckt etc. Wie sie /  
die zarte heilige / viel vnschuldigs bluts  
vergossen haben / vnd hören noch nicht  
auff / Sondern wir haben vns nach dies-  
ser lere vnd vermanung Christi gehal-  
ten / Jren stand vnd Oberkeit geehret /  
mit vnser lere (so ferne sie recht thun)  
bestetiget / für sie gebeten vnd geflehet /  
sonderlich vnd öffentlich / sie auch mit  
schriff

Der Papi-  
sten falsch-  
lesten wis-  
der was.

## Auslegung des Euangelij

schriften freundlich vnd ernstlich von ampts wegen / das vns Gott befohlen hat / treulich vermanet.

**F**ür diese vnser barmhertzigkeit haben wir diesen lohn von jnen empfangen / das sie vns verbannet / verfluchet / verfolget / vnd vnserer Brüder viel von dem irem vertrieben / vnd ermordet haben. Was sollen wir mehr thun? Noch müssen wir den namen tragen / das wir vngedultige / zornige / giffrige / rachsige Leute sind / die alle Welt richten vnd verdammen. Wolan / die schmach müssen wir für der Welt tragen / bis ein mal vnser lieber **HER** Ihesus Christus / der rechte Richter / drein sehen / vnd vns entscheiden wird / vnter des lassen wir sie jmer hin liegen / vns lesten vnd verfolgen / Sie sollens aber / ob Gott wil / ein mal erfahren / wen sie in vns gelestert vnd verfolget haben.

**I**s ist nu in der summa von der meinung dieses Euangelij gesagt / wie wir barmhertzig sollen sein / auch gegen vnsern feinden. Tu solten wir es auch auff vnser leben ziehen / die wir Christen vnd Brüder wollen sein / Denn diese vermanung ist vns auch wol not zu predigen / Denn ob wir schon alle Euangelisch heissen / fürchte ich doch / der meiste teil vnter vns seien Heiden / vnter dem Christlichen namen.

**W**olan / Wie sol man jm thun? den namen mus man allen gönnen / wiewol in wenig mit warheit führen / Denn **S.** Paulus spricht / Der Glaube sey nicht jedermans ding. Vnd Christus klaget selber / das wol viel beruffen sind / aber wenig auserwelet / Darumb habe nu ein jglicher achtung auff sich selbst / der zum Sacrament gehet / vnd sich für einen Christen ausgibt / das er sich nicht betriege.

**D**enn man sibet jzt wol / wie ein scharren / geizen vnd tragen ist vnter denen / die Christen heissen wollen / von dem geringsten stand an / bis in den höchsten / das sünde vnd schand zu hören ist. Vnd jederman gehet sicher dahin / gibe nicht allein nichts / sondern nimet es dazu / wo ers nur kriegen kan / Das also das wort / Gebet / das hie im Euangelio stehet / schier gar verbliechen ist / vnd dafür eitel rauben vnd stelen allent-

halb worden ist. Was sibet man allein für vntrew / nur an Tagionern / Hausgesinde / wie schendlich verdienen die ir Brot / mit mutwilligem / veruntrewen / betriegen / vbersetzen etc.

**W**e werden aber solche Leute bestehen an jenem tage / wenn Christus hie fragen wird / ob sie auch seiner vermanung nach gethan haben? Denn so die Christen auch gegen iren feinden barmhertzig sollen sein / wie Christus hie leret / viel mehr wil es jnen gebüren / das sie alle liebe vnd freundschaft gegen ire Brüder / vnd eben Christen Menschen erzeigen. Vnd so sie iren feinden nicht fluchen sollen / viel weniger sollen sie iren freunden fluchen. Item / so sie sich an den vngleubigen nicht rechen sollen / sondern jnen geben vnd guts thun / viel mehr sollen sie solche wolthat an des Glaubens genossen beweisen.

**I**n / kere das blat vmb / Ranben / geizen / vnd einer den andern vbersetzen / wo mit er kan / das gehet jzt mit gewalt in der Welt. Wolan / hie hörestu im heiligen Euangelio / das es heisset / Gebet / so wird euch wider gegeben. Werden wir vns nicht darnach halten / so wird es heißen / Nemet vnd raubet ir / so wird euch wider genommen vnd geraubt werden.

**D**enn vnser **HER** Gott hat noch wol so viel im verrat / das er kan ein vnglück vber ein Stad vnd Land schicken / wenn man lang gescharet vnd getraget hat / das Bruder Veit komet dem man geben mus / oder er nimet selbst mit gewalt / Denn es wird doch ein mal dahin komen / wenn man des Date vergessen wil / das vnser **HER** Gott ein Rapite draus machen wird. Nach solchem vnglück ringen wir mit allem vleis / Den / wo der **HER** sagt / Gebet / da wollen wir nur Nemen daraus machen. Wolan / Nim / stiele vnd raube / so lang du wilt / Was gilts / das blat wird sich ein mal umbkeren / das dir wider genommen wird werden.

**W**an sibets zwar in allen Historien / wenn ein Königreich / Fürstenthum oder eine Stad auff das höchste gestiegen vnd reich worden ist / so ist jrgent ein krieg komen / oder sonst ein vnglück / das es wider verarmet ist. Also gehets auch zu / mit einzelnen geschlech-

Vermanung aus diesem Euangelio.

Geben vererbet die Welt in lauter Nemen / stelen vnd rauben.

ten vnd personen/wenn sie plötzlich steigen vnd gewaltig werden / fallen sie auch geschwind wider herunter. Ich hab jr schon etliche erlebt/die in grossen gütern gefessen sind / vnd doch in kurzer zeit in grund widerumb verdorben.

Warumb das? das sie nicht haben wollen geben / wie Christus hie vermanet/sondern viel mehr andern genommen/Darumb hat sichs endlich also mit jnen umbgekeret / das jnen wider genommen ist/Wie auch die erfahrung leret/vnd das gemeine sprichwort sagt/ De male questis non gaudet tertius Haeres. Gut/das vbel gewonnen ist / erreicht den dritten Erben nicht. Solches sibet man (sage ich) teglich / in allen Stenden / vnd wens schon ein zeitlang wehret/vnd vom Vater auff den Son reicher/so gehets doch mit dem dritten Erben vnter / Denn es ist ein verfluchtes gut / entweder geraubt oder ergeizet.

Durch solche tegliche erfahrung solten doch auch der Welt Kinder klug werden/das sie gedechten / Was wiltu lang scharren vnd geizen/ du kanst doch das ergeizt gut mit recht nicht besitzen/dazu gedeiet es dir nicht / wie du denn solches an dem vnd jenem erfahren hast. Vns Christen aber sol mehr bewegen/was die heilige Schrift da von leret/ So spricht David im 37. Psalm/ Das wenige/das ein gerechter hat/ist besser/denn das grosse gut der Gottlosen. Solget bald die vrsach / Denn der Gottlosen arm wird zerbrechen / Aber der HERR enthelet die Gerechten / Der HERR kennet die tage der fromen/vnd jr gut wird ewiglich bleiben etc. Als wolt er sagen / Ob ein fromer Man schon wenig hat/wen ers nur mit Gott vnd ehren hat/sol es jm lieber sein/denn alle schezge der Gottlosen / Denn vnser HERR Gott wil seinen segen vber das selbe wenig schlagen/ das es reichen sol/von Kinds Kindern/bis in das tausende gliede. Solches sibet man auch fur augen / Denn heutiges tages findet man viel alter vnd redlicher geschlechter / in den Stedten/da die güter in etliche hundert glied gereicht haben / wo es mit den andern im dritten glied zurunnen ist.

Wer was sol man viel sagen? Niemand wil klug werden/denn mit seinem eigen schaden / Man lesst vnsern HERR

Gott jmer hin verheissen vnd dreyen/Wer fragt aber darnach? Wen man schon lang prediget / Gut hilfft nicht zur zeit des zorns / gerechtigkeit aber hilfft vom Tod. Item / Wer sich auffreichehum verlesst/der wird vntergehen etc. gedenckt ein jglicher dieweil/ Lieber/ sage mir was du wilt/hette ich gelt vnd gut / so were ich aus allen nöten / Die machen vnsern HERR Gott schlechts zum Lügner. Aber sie werdens ehe gewar / denn jnen lieb ist/das sie betrogen sind.

Der Prophet Haggai sagt von den geizigen / das sie in einen löcherten beutel samlen / Als wolt er sagen/ Sie mügen wol samlen / es sol jnen aber nicht zu gut komen / weil sie mit geiz vnd der andern schaden reich wollen werden. Vnd Salomon spricht/ Corrosio in domo Impii. Der Gottlos/ wenn er schon lang samlet gut mit hauffen/hat einen solchen fluch in seinem Hause/das er nicht allein seines guts nicht gebessert ist / sondern jm auch vntern henden verschwindet / als hetts jm der rost gefressen.

Zuor/ da man dem Teufel diene/te/im Papsthum / war jederman barmherzig vnd mild / da gab man mit beidenden henden frölich / vnd mit grosser an dacht / den falschen Gottesdienst zu erhalten. Jzt / da man billich solt mild sein / gern geben vnd sich danckbar erzeigen gegen Gott / fur das heilige Euangelium / wil jederman verderben vnd hungers sterben / niemand nichts geben/sondern nur nemen. Zuor kunde ein jgliche Stad/darnach sie gros war/etliche Klöster reichlich erneeren/wil geschweigen der Messe Pfaffen vnd reichen Stiffte. Jzt / wenn man nur zwey oder drey Personen / die Gottes Wort predigen/Sacrament reichen/Francken besuchen vnd trösten / die jugent ehrlich vnd Christlich vnterweisen / in einer Stad erneeren sol / vnd doch nicht vom eigen/ sondern frembden gut / das vom Papsthum her vberblieben ist / da ist jederman schweer zu.

ES sol aber also sein/das Ihesus mit Maria vnd Joseph/zu Bethlehem kein raum in der herberge habe/ Doch gleich wol findet er ein Krippelin/vnd Maria vnd Joseph einen Stall / darinnen behelffen sie sich kömmerlich / wie sie mögen.

Vnrecht  
gut reicher  
nicht auff  
den dritten  
Erben.

Proverb. 11.

In löcher-  
ten beutel  
samlen.  
Hagg. 1.

Der Welt  
vnd and-  
barkeit ge-  
gen Gottes  
Wort.

## Auslegung des Euangelij

mögen. Aber ehe sie solten hungers not leiden / vnter iren bluts freunden / die sich irer gar nichts annamen / ehe mussten die Heiden aus reich Arabien kommen / vnd dem Kindlin Ihesu / gold / weirauch / vnd mirrhen schencken. Christen verstehen wol / was ich hiemit meine.

**A** lesse vns vnser **HERR** Gott nicht allein durch sein Wort anzeigen / das im vnser geitzen misfalle / vnd das die Schinder irer guts nicht genießen sollen / sondern beweiset auch durch tegliche Exempel. Eins wil ich zur warnung sagen / das newlich geschehen ist / ob sich eeliche wolten daran stossen.

Exempel eines geizigen Dawren / der durch des Teufels betrug sich selbst erhengt /

Anno 1534

**E**s ist nicht weit hie von Wittemberg ein Dawr gewest / der auch sein lebtag auff dem Markt geschunden / vnd die Leute vbersetzt hat / wie sie jtz fast alle pflegen zu thun / Der ist auff seinen bodem gangen / vnd hat zu seinem getreide sehen wollen / Da hat im der Teufel ein solch gespenst für die augen gemacht / das er den boden lehr funden / vnd kein Korn drauff sehen hat können. Der elend geizhals erschrickt / vnd meinet / das Korn sey im heimlich vom bodem gestolen / gehet herab zur Frawen vnd dem Gesinde / mit grossem heulen vnd wehklagen / vnd sagt / man hab im all sein getreide vom bodem gestolen / Weil die Fraw vnd das Gesinde hinauff leufft / vnd darnach sehen wil / hengt sich vnter des der elende Mensch / vnd er würget am strick / ehe sie wider zu im komen / Vnd ist doch des Teufels betrug gewesen / denn das Korn ist noch alles vnuerfert auff dem bodem gelegen / Der Teufel aber hat in also behört / aus verhengnis Gottes / das er kein Körnlin hat sehen können.

**D**ies (sage ich) ist vns für der thür geschehen / vns zu schrecken vnd warnen / Denn ob schon alle nicht so gestrafft werden / wie dieser Mensch / so wird doch ein jglicher / der diese vermanung Christi verachtet / seine verdammnis finden am Jüngsten tage / Vnd ist zwar wol zu verwundern / das wir / mit willen / vnd dazu mit grosser sorge / mühe vnd arbeit (denn einem geizhals wird sein geitzen blut sawr / 1. Timoth. 6.) in vnser Haus erst vnsern eigen schaden

vnd fluch bringen sollen / so wir doch mit leichter arbeit vnd frölichem mut / wenn wir / nach der lere Christi / vnsern Nehesten geben vnd hülffen / wol können reich sein. Denn der gesagt hat / Gebet / so wird euch gegeben / wird gewis seinem Wort nachkommen / vnd denen / so seiner vermanung gehorchen / wider geben / vnd mir reichlich / Denn er spricht ja / Ein voll / gedrückt / gerüttelt vnd vberflüssig mas sol euch wider geben werden.

**W**ere es aber nicht besser / du hettest ein wenig mit Gott vnd mit ehren / vnd gebst vnd hülffest nach deinem vermögen / dem Dürfftigen / vnd hettest dabey ein gut gewissen / vnd dazu den herrlichen trost / das dir Gott dein weniges würde segnen vnd mehren / denn das du hast mit sorge vnd vnruhe / vnd dazu mit bösem gewissen / gros gut / des du nicht allein nicht genießest kanst / sondern auch sein nicht mechtig bist (Denn ein geiziger ist seines Nammons knecht vnd gefangener) vnd noch vber das / weisest nicht allein aus Gottes Wort / ob du dem nicht woltest gleichen / sondern auch aus teglicher erfahrung / das es deinen Kindern oder Erben nicht zu gut sol komen / sondern die schwindliche kriegen / das sie drüber verarmen sollen.

**W**as hastu denn zu legt dauon / du elender Mensch / wenn du lang gescharet vnd gekratet hast / denn / das du dein leben in sünden hast blut sawr lassen werden / vnd das dich der Teuffel / wenn das sündlin komet / in abgrund der Helle hinreisse / vnd kömest also nicht allein schendlich vmb dein gelt vnd gut / des du auch in deinem leben nie fro bist worden / sondern verleurest auch jemerlich Leib vnd Seele / vnd fürrest vber das alles mit deinem verdampften gut / Gottes vngnade vnd fluch / vber deine Kinder oder Erben / Die sein eben so wenig gebessert sollen sein / als du / ja drüber verarmen / vnd in all jamer vnd vnglück komen. Wolan / wer hören wil / der höre. Es wird doch ein jeder seine last tragen müssen / wie S. Paulus sagt.

Trinitatis / Epistel 1. Pet. 3.



**F**rdlich aber  
seid alle  
samt gleich  
gesinnet /  
Mitleidig /  
brüderlich //  
barmhertzig /  
freundlich /

Vergeltet nicht böses mit bösem /  
oder scheltwort mit scheltwort / son-  
dern dagegen segnet. Und wisset /  
das jr dazu beruffen seid / das jr den  
Segen beerbet.

**D**enn wer leben wil / vnd gu-  
te tage sehen / der schweige seine zün-  
ge / das sie nichts böses rede / vnd sei-  
ne Lippen / das sie nicht eriegen / Er  
wende sich vom bösen / vnd thue gu-  
tes / Er suche friede / vnd jage im  
nach / Denn die augen des **HERRN**  
sehen auff die Gerechten /  
vnd seine ohren auff jr gebet / Das  
Angesicht aber des **HERRN** sihet /  
auff die da böses thun.

**U**nd wer ist / der euch schaden  
könne / so jr dem guten nach komete  
Und ob jr auch leidet vmb gerecht-  
keit willen / so seid jr doch selig. Für-  
tet euch aber fur irem trohen nicht  
vnd erschrecket nicht. Heiliget aber  
Gott den **HERRN** in euerm her-  
zen.



**D**hörtu abermal ei-  
ne Predigt von vielen  
vnd grossen guten wer-  
cken / so die Christen thun  
sollen / die nu gleybig  
sind / vnd das Euange-  
lium bekand haben / das man iren Glan-  
ben / als an den fruchten / könne spüren.  
Er teilet aber solche fruchte in zwey  
teil. Zum ersten / der wercke / so Christen  
gegen einander sollē vben. Zum andern /

Von guten  
wercken der  
Christen ge-  
gen ander  
Leute.

so sie auch gegen feinde vnd verfolger  
sollen erzeigen. Denn er hat kurz zuvor  
angefangen zu leren / wie in gemeinem  
stande vnd Haus Regiment / Man vnd  
Weib / mit einander Christlich leben  
sollen / in Liebe vnd freundschaft / das  
eines dem andern seine ehre gebe / vnd  
mit vernunft vnd gedult einander ver-  
tragen etc.

**S**olche vermanung füret er nu wei-  
ter vnter den ganzen hauffen der Chris-  
ten / das sie allesamt vntereinander les-  
ben sollen / in Christlicher liebe / als Brü-  
der vnd Schwester in einem Hause. Und  
fasset einen grossen hauffen der edlesten /  
feinsten tugenden vnd wercke / Malet  
also eine schöne liebliche Kirche / mit  
irem auswendigen schönen schmuck vnd  
zierde / damit sie fur den Leuten leuchten  
sol / das Gott wolgefallen vnd ehre da-  
von habe / vnd beide / Engel vnd Mens-  
chen / freude vnd lust daran sehen mös-  
gen.

Schöne tu-  
gent vnd  
schmuck der  
Kirchen  
Christi.

**D**enn was solt ein Mensch auff Er-  
den höher begeren zu sehen / vnd was fur  
frölicher vnd lieblicher gesellschaft solt  
er lieber suchen / Denn wo er bey solchem  
heufflin sein möchte / da er solche tu-  
gent / einerley hertz / sinn vnd willen / brü-  
derliche liebe / sanfftemut / freundlichkeit /  
gedult / auch gegen feinden / sehet. Sin-  
temal doch auch kein Mensch so böse ist /  
der nicht solches müste loben / vnd gern  
bey solchen Leuten sein.

**D**ie erste tugent ist / dauon offte  
die Aposteln sagen / als S. Pau-  
lus Rom. 12. Habe einerley sinn  
vntereinander. Item Ephe. 4. Seid vleis-  
sig zu halten die einigkeit im Geist /  
durch das band des friedes. Diese Tu-  
gent ist vnter den Christen in gemein  
die furnemeste vnd nötigste / Denn wo  
die andern folgen sollen / liebe / sanffte-  
mut / freundlichkeit / da müssen erstlich  
die hertzen eines / vnd miteinander ver-  
bunden sein. Denn eusserlich in der Welt  
vnd menschlichem leben kan es nicht ei-  
nerley sein / Da müssen bleiben mancher-  
ley vnterscheid der Personen / stende vnd  
werck.

Gleich ge-  
sinnet sein.

**U**nd eben aus solcher vngleichheit  
komet auch in der Welt / das die her-  
E ij gen

## Auslegung der Epistel

Ursach des  
eigenen  
in Fleisch  
vnd blut.

Sey nicht einerley / noch gleich gesinnet  
sind / Denn Fleisch vnd blut ist von nas-  
tur also verderbt / So bald jemand bey  
im fület / das er seiner person halben ed-  
ler / geleter / geschickter vnd tüchtiger  
sey denn ein ander / oder in höherm / ehr-  
lichern stande vnd Ampt / so beginnet er  
im selbs zu gefallen / lesst sich besser dün-  
cken denn andere / ja wil so bald von je-  
derman hoch gehalten vnd gefeyret sein /  
keinem geringern weichen noch dienen /  
Meinet / er hab es fug vnd recht weil er  
mehr vnd besser ist.

WDer solch gemein laster der Welt /  
das der Teufel in seinem grossen hauf-  
fen treibt / vnd damit allen jamer vnd  
vnglück anrichtet / alle stende vnd emp-  
ter verderbt / vnd eitel schedliche / ver-  
worffen Leute / zu guten wercken vns  
tüchtig / macht / vermanen die Apo-  
stel so vleissig die Christen / das sie ei-  
nerley gesinnet seyen / ob sie wol nicht  
gleiche Ampt vnd werck haben / denn  
da mus ein jeder bleiben / wie er ist von  
Gott geordnet vnd beruffen / vnd kön-  
nen nicht alle stende vnd Ampt heissen /  
ein stand oder Ampt. Vnd sonderlich  
ist es vngleich in der Kirchen / da vber  
die eusserliche vnterscheid der Personen /  
stende etc. auch mancherley Göttliche  
gaben sind / einem anders weder dem  
andern zugeteilet vnd gegeben. Aber  
doch sol es also gethan sein / das diese  
mancherley vnterscheid vnd Empter /  
beide / geistlich vnd weltlich / dennoch  
sich lassen fassen in die einigkeit des Gei-  
stes (wie sie S. Paulus nennet) oder  
geistliche einigkeit.

Einigkeit  
des Geistes  
Eph. 4.

Gleich wie die glieder in einem leibe  
mancherley vnterschiedlich Ampt vnd  
werck haben / vnd keines kan des andern  
werck führen / Vnd doch alle sind in leib-  
licher einigkeit einerley lebens. Also  
auch die Christen / wie mancherley vnt-  
terscheid der Personen / Sprachen / emp-  
ter / gaben / vnter jnen sind / doch in der  
einigkeit vnd gleichheit des sinnes / als in  
einem leibe / leben / zunemen vnd erhal-  
ten müssen werden.

Einigkeit  
des sinnes  
aus dem  
Glauben.

Was ist das aller erst vnd nötigst ge-  
bot / nach der Lere des Glaubens /  
ja auch die erste frucht vnd tugent / so  
der Glaube wircken sol vnter den Chris-  
ten / die in einem Glauben vnd Tauffe  
beruffen sind / vnd der anfang der  
Christlichen liebe vnter jnen sein sol /

Denn wo der Glaube recht ist / da mus  
ja daraus folgen solcher sinn vnd ge-  
danken in allen gleubigen / Sihe / wir  
sind alle vnternander durch einerley  
Wort / Tauffe / vnd heiligen Geist zu  
gleicher seligkeit beruffen / vnd zu gleich  
Erben der Gnaden vnd aller güter  
Gottes / Vnd ob wol einer mehr vnd  
größer gaben hat / denn der ander / so ist  
er darumb fur Gott nichts besser / Son-  
dern allein aus Gnaden / on alle vnser  
verdienst / gefallen wir Gott / auff das  
niemand von im selbs fur im zu rhümen  
habe.

Was kan ich mich denn meiner Per-  
son oder gaben / stands oder Ampts  
besser düncken lassen denn ein ander /  
Oder was hat ein ander fur Gott mehr  
zu rhümen von im selbs? Es hat ja kei-  
ner kein ander Tauffe / Sacrament / Chri-  
stum / Gnade vnd seligkeit / weder ich?  
Es kan auch keiner keinen andern Glau-  
ben haben / denn ein jeder Christen / So-  
ret auch kein ander Predige / Absolutio /  
er sey Herr / knecht / edel / vnedel / arm /  
reich / jung / alt / Wahl oder Deudscher.  
Wiltu aber etwas anders oder bessers  
dich düncken lassen / vnd fur andern da-  
her dich brüsten vnd rhümen / so bistu  
freilich nicht mehr ein Christen / Denn  
du hast ja nicht mehr den selben sinn  
noch Glauben / so die Christen haben  
sollen vnd müssen / dieweil ja Christus  
mit seiner Gnade allzeit einerley / vnd  
nicht kan geteilet / noch in im selbs ge-  
trennet sein.

Die lieben Apostel haben dis stück  
nicht vergeblich getrieben / Denn sie wol  
gesehen / was daran gelegen ist / vnd  
was fur vnglück vnd schaden folget /  
wo dieses Gebot nicht gehalten wird.  
Denn da kan es nicht feilen / es müssen  
Spaltungen vnd Rotten eintreiben /  
darob die reine lere vnd Glauben ver-  
derbt wird / vnd der Teufel seinen samen  
set / welcher darnach schwerlich kan  
ausgerottet werden. Denn wo der eigen bet.  
dunckel vberhand nimpt / da einer wil  
gelerter / weiser / besser / heiliger sein wes-  
der der ander / sehet darob an / die andern  
zu verachten / Vnd also die Leute von  
dem eintrechtigen verstand vnd sinn / so  
vns alle in Christo gleich macht / an-  
sich zu zihen / das man seine lere / Predige  
vnd thuen sol fur der andern loben vnd  
preisen / So ist denn schon der schade ge-  
than /

Kein Chri-  
sten kan sich  
fur Gott  
rhümen fur  
den andern.

Trennung  
vnd spal-  
tung der  
Kirchen /  
wo nicht ei-  
nigkeit des  
sinnes blie-

than / der Glaube umbgestossen / die Kirche zerrissen.

Denn wo diese einigkeit getrennet wird / da ist's gewis / das nicht beide teil können die rechte Kirche sein / Es mus eine des Teufels Hure sein / wo die ander from ist. Widerumb / weil die einigkeit des Glaubens vn̄ sinnes bleibt / so bleibt auch da eine rechtschaffene warhafftige Kirche Gottes / ob gleich sonst noch auch schwachheit da ist. Das weis der Teufel auch wol / darumb ist er dieser einigkeit so feind / vnd trachtet allermeist darnach / wie er die selbe zureisse / Denn wo sie solt bestehen (denckte er) o wie würde ich so mat werden / vnd mir so heis vnter augen gehen.

Alle vngleichheit vnd unterschied durch glaychen Glauben veremigt.

Der halben sollen die Christen hie wider deste vleissiger sein / vber dieser tugent zu halten / beide / in der Kirchen vnd weltlichem Regiment / Da wol ist vnd sein mus mancherley vngleichheit / welche doch Gott wil vergleicht haben / durch die liebe vnd einigkeit des sinnes / das ein jeder des / so im von Gott gegeben oder zugeordnet ist / zu frieden sey / vnd was ein ander hat / im auch lasse wolgefallen / Weil er weis / das er eben so reich ist an allen ewigen gütern / weil er hat den selbigen Gott / Christum / Gnade vnd seligkeit / Vnd ober wol ist in einem andern stande / das er doch fur Gott nichts geringer / vnd jener darumb nichts besser vnd mehr gilt.

Solche gleichheit der hertzen vnd sinne kan alle eusserliche vngleichheit in der Welt einig machen. Wie man sonst sibet / bey denen liebe vnd freundschaft ist gegenander / Wie grosse unterschied ist nach eusserlichem wesen / zwischen Man vnd Weibs personen / wesen vnd werck / Item zwischen Herrschafft vnd vnterthanen / Vnd doch / wo eins das ander treulich meinet / sind sie miteinander seer wol zu frieden / vnd können sich vnternander freundlich berragen. Also künde man wol sein friedlich / selig leben auff Erden haben / On / das der Teufel in der Welt solches nicht kan leiden / er mus die hertzen vnd liebe trennen / das niemand an dem andern gefallen habe / Was da etwas ist / gros / hochgeborn / gewaltig / reich / Meinet / es müsse andere verachten / vnd fur eitel Gense vnd Enten halten etc.

Je andern stücke / so S. Petrus foddert / sind auch leichterlich zu verstehen / Mitleidig / brüderlich / barmhertzig vnd freundlich / Vnd leren furnemlich / wie sich die Christen vnternander halten sollen / Denn Gott hat sie alle zu gleich vnter die Liebe geworffen / vnd also verbunden / das sie gar ein hertz vnd seele seien / vnd sich iglicher des andern / als sein selbs / anneme. Sonderlich war solchs auch zu der zeit not zu vermanen / da die Christen greulich verfolget worden / hie ein Pfarherr / dort ein Bürger / in Kercker geworffen / von Weib / Kind / Haus vnd Hoff verjagt / zu letzt hin gerichtet ward.

Mitleidig sein mit den leidenden.

Als jzt auch geschiet / vnd mehr geschehen kan / wo arme Leute vnter Tyrannen geplagt werden / oder vom Türcken weg gefurt / vnd also die Christen hin vnd her ins elend zerstreuet werden. Denn wo Gott durch sein Wort vnd Glauben eine Kirche gesamlet hat / vnd die geistliche einigkeit angehet / das die Christen darob zusamen setzen vnd halten. Da kan abermal der Teufel nicht friede haben / Vnd wo er nicht kan schaffen durch Kotterey / die selbe zu zerstören / greiffet er sie an mit verfolgung vnd Wüterey / das man mus darob wogen vnd zusetzen leib / leben / vnd alles was wir haben.

Je sollen (spricht S. Petrus) die Christen / als die alle ein hertz vnd sinn haben / irer Brüder not vnd leiden / werden aller vnd wo sie auch sind / so mit jnen gleichen Glauben haben / jnen lassen zu helfen gehen / als müssen sie es selbs leiben / vnd dencken / Sibe / diese leiden vmb meines Glaubens vnd schages willen / vnd müssen dem Teufel herhalten / als an der spizen stehend / weil ich noch friede habe / Hie gebüret mir nicht in freuden vnd sprüngen zugehen / vnd sicher zu sein / Denn was meinen lieben Brüdern widerferet / das gilt mir selbs / vnd geschiet eben vmb des willen / das ich habe / Darumb mus ich mich auch jres leidens annemen / als meines leidens / Wie auch die Epistel (Ebre.) 3. vermanet / Gedencket der gebundenen / als die mitgebundene / das ist / als weret jr in den selben banden

Gemein vñ einetley leiden den aller Christen / vmb jres Glaubens willen.



## Auslegung der Epistel

vnd not/dere/ die trübsal leiden/ als die jr auch des selben Leibes glieder seid.

**D**enn wir sind alle also aneinander verbunden/ wie in einem Leibe ein glied mit dem andern/ Wie du an deinem Leibe siehest vnd fühlest / wo ein glied leidet/ (Spricht S. Paulus). Corinth. 14.) so leiden alle glieder mit / Vnd so ein glied wird herrlich gehalten / so streuen sich alle glieder. Siehe / wie der ganze Leib thut / wenn jm etwo ein fus getretten/ oder eine zehe oder finger geklemmet wird/ wie die augen sawr sehen/ die nase sich rümpffet / das maul schreiet/ vnd alle glieder bereit sind/ da zu retten vnd helfen / vnd keines das ander verlassen kan/ Das es heisse/ nicht einen fus oder finger / sondern den ganzen Menschen getretten vnd geklemmet.

**W**iderumb / wo einem glied wol geschiet / das thut den andern allen jansft / vnd wird der ganze Leib davon frölich. Also sol es in der Christenheit auch sein / weil sie auch in einem Leib aus vielen gliedern gesamlet / vnd einen sinn vnd hertz hat/ Denn solche einigkeit natürlich mit sich bringet/ das sich einer des andern/ beide / guten vnd bösen/ als des seine anneme.

Der Welt  
vnbarmher-  
zigkeit/ ge-  
gen die lei-  
denden Chri-  
sten.

**S**olche tugent hat die Welt auch nicht / vnd kan sie nicht haben / weil sie die gleichheit vñ einigkeit des sinnes vnd Glaubens ist/ sondern jederman alleine sibet / was jm wol thue / achtet nicht/ wie es andern / sonderlich den fromen/ gehe. Ja sie kan kein dazü hohn lecheln/ vnd sich künzeln / wo sie die rechten armen Christen sibet in nöten / vnd sie in irem leiden mit essig vnd galle trencken. Du aber solt wissen / so du dich einen Christen rhümeest / das du auch deiner Brüder leiden dir solt lassen zu hertzen gehen / vnd dich erzeigen / als der mit jnen hertzlich mitleiden trage / wo du nicht mehr kanst / doch mit tröstlichen Worten oder gebet/ Denn es gilt dir eben so wol/ als andern / vnd must eben des selben vom Teufel vnd der bösen Welt gewarten.

Brüderliche  
liebe.

**B**rüderlich. Das ist die tugent / so in gemein bey den Christen vnternander gehen sol / das sie alle einander solche liebe vnd trewe erzeigen / wie ein lieber Bruder dem andern / Denn solches ist auch in die Na-

tur gepflantz vnd gebildet / das Brüder gegenander mehr zuwersicht haben/ denn andere / sonderlich in der not / als die ein blut vnd fleisch sind / vnd in gemeinem Erbe / Vnd ob sie auch gleich sonst nicht eines sind / doch wo sie von frembden angefochten werden/ vnd zur not kommet / so nimet sich ein blut vnd fleisch des andern an / setzen zusamen/ Leib/ gut vnd ehre.

**A**lso sollen Christen auch gegenander sonderliche brüderliche liebe vnd trewe haben vnd beweisen/ als die miteinander einen Vater im Himel / vnd einenley Erbe/ vnd weil sie Christen sind/ auch einerley Glauben / hertz vnd sinn haben/ Das keiner den andern verachte/ sondern wo noch vnter vns sind / die beide / an Glauben vnd sitten schwach/ gebrechlich vnd wunderlich sind/ das wir mit den selben mit sanfftmur vnd freundlich handeln / mit trösten / stercken / vermanen / vnd vertragen/ wie in einem Hause Brüder vnd Schwester gegenander thun / wo eines oder mehr/ schwach/ gebrechlich oder dürfftig ist. Wie es denn nicht kan anders zugehen/ wo man miteinander leben sol / va mus man auch mancherley schwachheit/ beschwerung vnd vnlust mit einander tragen / Denn wir können nicht alle gleich stark sein an Glauben/ mut/ gaben/ gütern etc. Vnd ist keiner / der nicht auch viel schwachheit vnd gebrechen an jm habe / die er doch wil von andern getragen haben.

**Barmhertzig / freundlich.**

**D**as gehet nu in gemein / vnd durch den hauffen aller miteinander/ beide/ freunde vnd feinde / Christen vnd verfolger. Es ist des Menschen art vnd natur/ von der Erbsünde her/ das er sich gerne rechet / sonderlich an denen / die jm on vrsach leid thun / Vnd wo er nicht mehr kan / so wündschet vnd fluchet er doch seinem feinde alle vnglück/ vnd wird fro/ wo er höret vnd sibet/ das es jm vbel gehet.

**W**erden die Christen allermeist vnschuldiglich in der Welt verfolgt/ beleidigt / beweldigt vnd beschweret/ auch von denen (wie jzt viel geschiet) die da auch Christen heissen vnd gerhümet werden. Das thut jnen weh/ vnd wenn es solt nach jres fleischs vnd bluts willen

Barmher-  
zig vnd  
freundlich  
sein / gegen  
feinde.

willen gehen / so wolten sie sich gerne auch rechen / wie die Welt gegenander ire rachsüchtig vber / vnd nicht zu frieden ist / sie habe denn jr mütlin gekület.

**Ein Christlich hertz muss sich auch seines feinds erbarmen.**  
**A**ber ein Christen sol vnd kan (wo er ein Christen bleibe) kein vnbarhertzig noch rachsüchtig Mensch sein / weil er Gottes Kind ist worden / vnd von im barhertzigkeit erlanget / vnd der selben auch on vnterlas lebt / Das er solte an des Nehesten schaden vnd vnglück / lust vnd freude suchen / oder ein bitter / hart vnd störrig hertz gegen im haben / Sondern ist viel mehr also gesinnet / das er sich seines Nehesten / auch der im feind ist / erbarmet / vnd jamert in seiner blindheit vnd elends / weil er in sich in Gottes zorn ligen / vñ sich selbst in ewig verderben vnd verdammis führen / das er schon all zu hoch an im gerochen ist / Vnd sol im eben darumb auch freundlich sein / vnd alle gutthat erzeigen (so er es anders leiden vnd annemen wil) auff das er in dadurch möge gewinnen / vnd zur busse bringen.

**Unterschied zwischen barhertzigkeit der Person vnd straffe des Ampts.**  
**D**och mit dem vnterscheid / dauon offte gesagt wird / das dennoch hies mit nicht gewehret ist / der ordentlichen vnd befohlenen straffe / Denn das du solche barhertzigkeit vnd freundlichheit wilt fordern vnd loben / wo man sol sünde vnd böses straffen / das leret dich Gottes Wort nicht / Wie jzt die Welt furgibt / wenn man ire sünde vnd laster straffet / sonderlich der grossen vnd gewaltigen / man rede inen an ire ehre / vnd gebe vrsach zu verachtung ires Ampts vnd der Oberkeit / vnd zu auffrührer etc. Das sey inen nicht zu leiden.

**Ein / nicht also /** Diese Predigt vnterrichtet eines jeden einzele Person / wie er fur sich gegen jederman thun sol / nicht das Ampt / das Gott einem jeden auffgelegt vnd befohlen hat. Vnd must hie die zwey / Ampt vnd Person / wol von einander sondern. Ein Amptman oder Landsfürst (da er sein Ampt vber) ist ein ander Man / den Hans oder Friederich / Ein Apostel oder Prediger ein ander man / denn Petrus oder Paulus / Denn ein Prediger ist er / nicht fur seine Person / sondern von Gottes wegen.

**W**o man nu meine Person vnschuldiglich verfolget / leset vnd verfluchet / dazu sol vnd wil ich Deo gratias sagen / Denn ich habe doch reichen Se-

gen bey Gott dafür. Aber wo man wider meine Tauffe / Sacrament / Predigamt gehet / so mir Gott befohlen hat / vnd also nicht wider mich / sondern wider in selbs geschiet / Da gebürt mir nicht zu schweigen / noch barhertzig vnd freundlich zu sein / sondern vber meinem befohlenem Ampt zu halten / mit vermanen / dreyen vnd straffen (wie S. Paulus sagt) mit allem ernst / beide / zur zeit vnd zur vnzeit / die / so nicht recht leren / glauben / oder nicht jr leben bessern / vngeachtet / wer sie sind / oder wie es inen gefalle.

**J**A (sprichstu) du rürest dennoch mich öffentlich an meinen ehren / machest mir ein böse geschrey etc. Antwort / Warumb redest du nicht mit dem dauon / der mir das Ampt befohlen hat? Meine ehre ist mir auch lieb / Aber es sol mir meines Ampts ehre viel lieber sein. Wenn ich aber schweige / vnd nicht straffe / wo ich schuldig bin / so schmehe ich mir mein eigē ehre / so ich fur Gott verdingen sol / das ich mein Ampt rechte ausrichte / Vnd were werd / sampt dir / das ich mit meiner ehre / vnd deiner dazu / an der liechten Sonne hienge.

**Ein / es gilt nicht also /** das du vom Euangelio solches lernen woltest / das ein Prediger durch Gottes Wort / dir nicht solte deine sünde vnd schande sagen. Was fragt Gott nach deiner ehre / so du fur der Welt suchest / so du da mit wider sein Wort trogest? Fur der Welt magstu sie verteidigē / mit Gott vnd gutem gewissen / Aber fur im hastu nichts denn deine schande zu rhimen / Die soltu auch bekennen / so du wilt fur im ehre haben / Vnd seine ehre lassen mehr sein vnd gelten / denn alle Creatur / Denn das ist auch dein höchste ehre / so du seinem Wort die ehre gibest / vnd dich ledest straffen.

**J**A / du greiffest gleichwol mein Ampt an / dazu ich gesetzt bin. Antwort / Mein / lieber Bruder / das heisst nicht das Ampt angegriffen / wenn man mir vnd dir sagt / das wir in vnserm Ampt nicht rechte thun / oder das selb nicht führen / wie wir solten / Sondern eben darumb straffet vns Gottes Wort / das wir dem göttlichem Ampt die vnehre thun / vnd sein mißbrauchen wider sein Gebot / Darumb darffstu mich hierumb nicht zu reden setzen.

**V**christlich furgeben / man rede den Leuten an ire ehre / so man die laster straffet.

**G**ottes ehre sol vns mehr gelten denn eigen ehre.

**G**ottes Wort straffet nicht das Ampt / sondern den mißbrauch des selben.

## Auslegung der Epistel

SO ich kein Pfarherr oder Prediger bin / noch befehl habe dich zu straffen / so sol vnd wil ich gerne dein vnd jeders mans ehre vngescholten lassen / So ich aber sol ein Götlich Ampt führen / vnd nicht meine / sondern Gottes ehre vertretten / da sol vnd wil ich nicht vmb deiner ehre willen schweigen / Thustu vnrecht / vnd schand vnd vnehre vber dich gehet / so Klage dirs selbs / Dein blut sey auff deinem Kopff / spricht die Schrift.

ES ist ja zu nahe an die ehre geredt vnd gegriffen / so der Richter den Dieb zum Galgen vrteliet. Aber wer hat dir dein ehre genommen / on du selbs mit deinem diebstal / durch Gottes verachtung vnd vngehorsam / Mord etc. das dir Gott auch dafür mus geben / was dir gebüret. Heltestu das für deine schande / das du gestrafft werdest / so halte es auch für kein ehre / das du raubest / stülest / wucherst / vnd öffentlich vnrecht thust / Denn damit / das du Gott seine Gebot vnehrest / schendest du dich selbs.

W/ das ist zufals gesagt / wie man doch allzeit mus die vnterscheid rüren / zwischen des Ampts straffe / vnd eigenem zorn oder rachgir / vmb fleisches vnd bluts willen / welches wil sich allzeit auff die schalcks seiten legen / vnd die vnterscheid nicht ansehen. Es ist ja war / Gott wil / das alle Menschen sollen barmherzig / freundlich sein / vergesben vnd nicht böses vergelten. Aber das Ampt leidets nicht allzeit / so die bösen zu straffen geordnet ist / Dennes ist das weniger teil / so solches thun wollen / Darumb mus Gott hie sein Regiment gehen lassen / vber die / so nicht barmherzig sein wollen / das sie mit vnarmherzigkeit gestrafft werden / Dem mus man seinen gang lassen / doch so ferne / das dennoch auch ein jeder in seinem Ampt zusehe / das er nicht weiter fare / denn sein Ampt fordert / vnd niemand sein eigen rachgir oder neid vnd hafs / vnter dem namen vnd schein des Ampts treibe.

W/ feret S. Petrus fort / vnd streichet solche lere von diesen guten wercken / der sanfftmüt / barmherzigkeit / freundlichkeit / weiter aus / mit schönen Sprüchen der Schrift / vnd andern vermanungen / die Christen dazu zu reizen / vnd spricht /

Vergeltet nicht böses mit bösem / oder scheltwort mit scheltwort / sondern dagegen segnet. Vnd wisset / das jr dazu beruffen seid / das jr den Segen beerbet.

**W**em da gebüre / böses zu vergelten / schelten vnd straffen / vnd wie fern / das ist jzt gesagt / Denn diese Predigt redet nichts von dem Ampt. Denn wo der Richter sagt / Diesen sol man richten als einen Dieb / das heist auch vergolten / affterredet / vnd öffentlich vnd zum höchsten an die ehre geredt / Aber das ist Gottes gericht vnd werck / das hieher nicht gebüret.

Aber ein Christen / der da recht gläubet vnd vnschuldiglich lebet / vnd seine Lere vnd Glauben bekennet / vnd was vnrecht leidet dem selben nicht gemess / nach seinem befehl / straffen wil / der wird den Teufel vnd Welt erzürnen / Vnd auch von denen / die das Ampt haben / die frommen zu schüzen / vnd vnrechte gewalt zu wehren / vnter dem namen des Ampts / vnd Rechts / verfolget / gedrückt vnd geplagt werden / Vnd wo sie nicht mehr thun / werden sie in doch anfechten / hindern vnd wehren / wo sie können.

SO er nu hie kurz angebunden ist / vnd leste sich den zorn vnd vngedult vberleihen / so kan er nichts guts thun / vnd machet nur im selbs ein vnruhgig hertz / das sich frisset vnd zuplagt mit gedanken / wie sichs möcht rechen / vnd wider vergeltē / dem / so in beleidigt hat. Wo das der Teufel mercket / da hat er seine freude / hetzet vnd treibet / nur mehr vnglücks anzurichten / auff beiden seiten. Vnd also dir zweierley schadē thut / nicht allein durch deinen feind / sondern durch deinen eigen zorn / damit du dich selbs marterst / vnd dir deine gute tage verderbest.

Was sollen wir denn thun (sprichstu) so wir müssen solchs leiden / vnd können nicht wehre / noch zu vnserm Rechten komen? Da ist kein ander rat (spricht S. Petrus) denn das du dein hertz zu frieden setze / vnd lassests Gottes befohlen sein / wo die / so es thun solten / dir nicht helffen / noch das vnrechte wehren vnd straffen / oder auch selbs dir gewalt thun / Wird es nicht von Menschen

Das Ampt mus böses vergelten / denen / so nicht gutes thun wollen

Ein Christen mus gewalt vnd vnrecht leiden vber sein Predigt vnd bekentnis.

Vmb der Welt böser willen sollen wir nicht auch böse werden.

Menschen gestrafft / so bleibe es ungestrafft / bis Gott selbs drein sihet / Alsolein das du ein rugig gewissen vnd süsse hertz behaltest / vnd dich nicht laßest beswegen / das du umb des Teufels vnd böser Leut willen / dir dein gut gewissen / friedlich hertz / vnd den Segen / so du von Gott hast / laßest nemen.

Wo dir aber das Ampt befohlen / das vbel zu straffen / oder von denen / so es befohlen ist / schutz vnd recht dir kan widerfahren / das du des selben brauchest / on allen zorn / hass vnd bitterkeit / Jamit solchem hertzen / das du auch segnen vnd guts wünschest vnd gebest / fur scheltwort vnd böses.

Christen beruffen den Segen zu Erben.

Das stehet euch Christen zu (spricht er) Denn jr seid solche Leute / die da zu beruffen sind / das sie den Segen ererben. O das ist ein gros / thewr ding. Es ist schon bey Gott beschlossen / vnd euch zu gesprochen von Gott eitel segnen / das ist / alle reichthum seiner gnade vnd guts / Das ist erwer / vnd sol euch reichlich widerfahren vnd bleiben / beide / an Seele vnd leib / so jr nu den selben behaltet / vnd nicht selbs euch darumb bringet.

Wie thewr woltestu es gerne kaufen (wo es zu kaufen were / vnd nicht on dein verdienst dir umb sonst geschenckte würde) wenn dirs etwo angeboten würde / das du gewis sein möchtest / das du so einen gnedigen Gott hebest / der dich zeitlich vnd ewiglich segnen wolte? Wer würde nicht gerne auch sein leib vnd leben darumb geben / vnd alles mit freuden leiden / wenn sein hertz das möchte on allen zweifel thumen / Ich weis / das ich ein Kind Gottes bin / der mich zu gnaden genommen hat / vnd lebe in der sichern hoffnung / das ich ewiglich sol gesegnet vnd selig sein?

Grosse unterschied zwischen Christen vnd andern.

Darumb dencket doch daran (spricht er) weil jr Christen seid / wie grosse unterschied Gott gemacht hat zwischen euch vnd jenen / Euch hat er gesetzt zu Erben ewiger Gnade / Segens vnd Lebens / Dagegen jene / was haben sie anders ambalje / denn das schreckliche vntheil / das sie Kinder sind des Fluchs vnd ewiger vermaledeung? Wenn vns dis zu hertzen gienge / so were es leichtlich geleret / vnd die Leute beredt / das sie gegen jederman ein freundlich vnd gürtig hertz hetten / nicht aus rathgir böses vnd

schelt wort wider geben / vñ lieber wolten mit ruge vnd friede schaden leiden (wo jnen zu Recht vnd schutz / oder straffe nicht künde geholffen werden) denn das sie solten jren ewigen trost vnd freude verlieren.

Das ist nu ein treffliche vrsach / so die Christen je sol hoch bewegen vnd reizen / das sie gedultig / nicht rathgirig / noch bitter sein / weil sie so reichlich von Gott begnadet / vnd solche herrlichkeit haben / daran man jnen nichts nemen / noch schaden thun kan (wie er hernach beschlesst) wo sie nur selbs dabey bleiben wollen. Dis streichet er nu weiter aus mit einem seer schönen spruch des 34. psalm / damit er deste stercker sie reize / der lautet also /

Dem wer lust hat zum Leben / vnd gute tage zu sehen / Der schwelge seine zunge / das sie nichts böses rede / vnd seine Lippen / das sie nicht triegen / Er wende sich vom bösen / vnd thu guts / Er suche friede / vnd sage im nach. Denn die augen des HERRN sehen auff die Gerechten / vnd seine ohren auff jr gebet. Das angesicht aber des HERRN sihet auff die / so böses thun.

Desen Text hat der Heilige Geist durch den Propheten David vor so langer zeit / zur lere vnd vermanung allen zehiligen vnd Gottes Kindern geschrieben / vnd stellet vns fur / wie er es in seinem leben teglich gesehen / vnd an jm selbs erfahren / dazu auch aus vorigem Exempel der lieben Väter / von anfang der Welt / gehört / vnd von jm gelernet hat. Kommet her / lieben Kinder (spricht er) so jr euch wolt leren vnd raten lassen / Ich wil euch die rechte gute lere geben / wie man sol Gott fürchten / vnd seine Kinder werden. Wer ist / der gerne wolt friede vnd gute tage haben? O wer wolt das nicht gerne (spricht alle Welt) Denn ja jederman darnach trachtet vnd ringet / vnd die Welt / alles was sie treibt / darumb thut / das sie meinet solchs zu erlangen.

Aber es sind zweierley wege dazu / der den die Welt gehet / welche wil also friede

Zweiterley wege friede zu suchen.

301  
 friede slichen / das sie mit gewalt das ire  
 erhalte / vnd zuvor wil alle tod haben /  
 die jr wider sind / vnd niemand leiden /  
 der jr vbel redet / leid oder böses thut.

**Oberkeit**  
 sol durch ge  
 walt vnd  
 straffe dem  
 bösen weh-  
 ren / vnd  
 friede schaf-  
 fen.

Der Jeser weg ist wol dem Schwert  
 vnd gewalt der Oberkeit befohlen / Die  
 sollen mit allem vleys solcher weise brau-  
 chen / dem bösen zu steuren vnd zu weh-  
 ren / so viel sie jmer können / Aber sie wer-  
 dens doch nicht alles straffen noch weh-  
 ren / Es wird noch viel bleiben / sonder-  
 lich das heimlich geschiet / welches mus-  
 sich selbst straffen / entweder hie / oder  
 hernach in der Helle / Aber die Christen /  
 für ire person / werden durch diesen weg  
 auff Erden nichts ansrichten / Denn  
 die Welt ist zu böse / vnd hilffet jnen  
 nicht.

**Der Chri-  
 sten weg /**  
 jnen friede  
 zu schaffen /  
 durchschwei-  
 gen vnd  
 Gott ver-  
 trauen.

Drumb / so du für deine Person / son-  
 derlich als ein Christen / wilt friede ha-  
 ben / so mustu einen andern weg treffen /  
 Der ist dieser / so der Psalm dir weiset /  
 vnd spricht / Schweige deine zunge / das  
 sie nichts böses rede / vnd deine lippen /  
 das sie nicht triegen. Das gehet zwar  
 auch weiter auff die Lere / das man bey  
 dem rechten Gottes Wort bleibe / vnd  
 sich nicht lasse durch falsche lere verfüh-  
 ren / Aber S. Petrus fürets eraws in das  
 eusserlich leben vnd wesen der Christen  
 in der Welt.

Da gehets also zu / das sie dieser  
 vermanung wol bedürffen / ire zunge zu  
 schweigen etc. Weil sie so viel müssen  
 leiden vmb jres Glaubens vnd bekent-  
 nis willen / daher sie Christen heissen /  
 da sie von aller Welt gefehret / verhas-  
 set / verfolget / gedrückt vnd geplagt  
 werden. Wie Christus zuvor jnen ge-  
 sagt / Matth. 10. Ir müisset gehasset  
 werden von jederman vmb meines Na-  
 mens willen etc. Das sie wol möchten  
 sich lassen düncken / vrsach zu haben / wie  
 der böses zu vergelten / Vnd wüsten wol  
 bewegt werde (weil sie auch noch fleisch  
 vnd blüt haben) zu zürnen vnd fluchen /  
 oder von jrem bekentnis vnd Predigt  
 ab zu lassen / vnd mit dem andern hauf-  
 fen / der falschen Kirchen vnd abgöttri-  
 schen lere bey zufallen.

Je vermanet der Psalm / Lieber  
 Christ / das dich solches alles nicht bewo-  
 gen / das du darumb auch böse werdest /  
 fluchest / lesterst vnd wider scheltest / son-  
 dern bleib bey deinem Segen / der dir zu  
 ererben bereit ist / Denn du kanst doch

damit nicht besser machen / noch dir etz  
 was beholffen sein. Die Welt bleibt  
 doch wie sie ist / vnd wird nicht anders  
 thun / denn die fromen vnd glaubigen  
 hassen vnd verfolgen. Was hilffet es  
 denn / das du feindlich darumb zürnest  
 vnd fluchest / Erenckest nur selbs dein  
 hertz mit bitterkeit / beraubest dich dar-  
 ob des grossen seligen schazes / der dir  
 gegeben ist.

Ben des gleichen leret hienon auch  
 Der Spruch des vierden Psalms / so  
 die Heiligen tröstet vnd stercket wider  
 solch ergernis vnd anfechtung / so sie ha-  
 ben müssen von der Welt / zu zorn vnd  
 vngedult. Zörnet jr (spricht er) so sün-  
 diget nicht / Redet mit ewern hertzen  
 auff ewern läger / vnd seid stille.

**Spruch des  
 4. Psalms /**  
 Zörnet jr / so  
 sündigt  
 nicht.

Das ist. Ob jr gleich beweget wer-  
 det / wie es die Natur dieses fleischs vñ  
 bluts gibt / das jr müst sehen / wie die  
 Welt in jrem Gottlosen wesen vnd bos-  
 heit gros glück hat / vnd euch dazu mit  
 stolz vnd freuel trozet / schmehet vnd  
 verfolget / So lasst euch doch nicht so  
 bald entrüsten / Lasset doch das leid / vñ  
 mut / verdries vnd gremen / erauffen blei-  
 ben vnd ligen / auff ewern eusserlichen  
 leben / leib / gütern / vnd nur ins hertz  
 nicht einwurzeln / Sondern stilltet ewer  
 hertz / vnd gebt euch zu frieden / vnd ach-  
 tet solches alles nicht werd / das jr euch  
 darumb ewern schlaff brechen lasset /  
 Vnd so jr wollet Gott recht dienen /  
 vnd gefellige offer thun / so hoffet auff  
 in / im Glauben seines Wortes / das er  
 ewer lieber Gott sey / der für euch sorget /  
 euch erhöret vnd wunderbarlich helffen  
 wil etc.

**Bewar  
 ne Lippen.**

Das er aber hie weiter sagt / Bewar  
 deine lippen / das sie nicht triegen.  
 Das gehet (wie ich gesagt habe) für-  
 nemlich auff die lere / vnd bekentnis der  
 selben / Aber das ist gemeinlich auch  
 dabey / wo man anseheth zu zürnen vnd  
 zu klagen vber leid vnd vñrecht / vnd  
 das hertz mit vngedult eingenomen ist /  
 das machet den Menschen so winder-  
 lich vnd entbrand / das er von der sache  
 (so in ansichtet) nicht kan reden / wie sie  
 an jr selbs ist / sondern machet gewislich  
 einen zusatz.

Je auch im zorn vnd widerschla-  
 gen geschiet / Wenn einer etwo ein we-  
 nig / als mit einer nadel spizen / gewun-  
 det ist / feret er flugs zu / wil dem andern  
 einen

einen schmarren aus dem kopff haben/  
Wo ein teil mit einem wort ein wenig  
gerürt ist / schet es von stund an sein wi-  
derteil auff's eusserst zu schmehen vnd  
schenden.

Zorn vnd  
rachgir kan  
keine maffe  
halten in  
worten vnd  
wercken.

Summa / Ein zornig hertz kan kein  
masse nicht halten / noch mit gleichem  
bezalen / Sondern mus aus einer spliter  
oder kleinem steublin / einen grossen bal-  
cken machen / vnd aus einem füncklin ei-  
nen fewrigen berg auffblasen / mit wi-  
derschelten vnd fluchen / Wil dazu nicht  
vnrrecht gethan haben / sondern wolt  
gerne / wo es künde / eitel mord auff den  
Nehesten bringen / Vnd doch damit  
demselben viel grösser vnrrecht thut /  
denn im von jenem geschehen ist.

So böse vnd vnrrecht ist die Natur /  
wo sie beleidigt wird / das sie nicht an  
gleichem zu frieden ist / sondern vber-  
erit / vnd fur zorn vnd rachgir des Ne-  
hesten ehre / ja auch leib vnd lebens nicht  
schonet / Wie auch Jacob . 1. sagt / Des  
Menschē zorn thut nicht was fur Gott  
recht ist / Das ist / Er leßt den Menschen  
nicht bey seinem Glauben vnd gutem  
gewissen. Das thut des Ampts zorn  
nicht / welcher ist Gottes zorn / der su-  
chet nicht des Menschen verderben / son-  
dern allein das laster zu straffen / wie es  
an jm selbs ist. Aber des Menschen eigen  
zorn vnd rach ist zu böse / vnd kan sich  
nicht setzigen / er gibt zehen / zwenzig  
schlege fur einen / hundert böse wort  
vmb ein scheltwort.

Die zunge  
vnd lippen  
bewarten vñ  
im saum be-  
halten.

Darumb sprichet S. Petrus / Schwei-  
ge deine zunge / vnd halt sie im zaum /  
das sie nicht eraus fare / vnd sich versün-  
dige mit bösen Worten / vnd zwiefeltig  
erger mache / denn dir ist geschehen. Vnd  
beware deine lippen oder deinen mund /  
das er nicht triege / noch zum Lügner  
werde / vber deinem zorn / wider war-  
heit vnd recht / dem Nehesten verleums-  
de / oder leßtere vnd schende / wider das  
achte Gebot. Das stehet einem Christen  
fur Gott vnd den Leuten vbel an / vnd  
bringet in zu dem schendlichsten laster /  
dem Gott zum höchsten feind ist / vnd  
des Teuffels eigen / Daher er auch ein  
Lügner vnd Lestere (Diabolus, oder  
Teuffel) heisse.

W Eiter sprichet der Psalm / Weiche  
vom bösen / vnd thu gutes / Das  
ist / hüte dich / das du nicht vmb eines  
andern bosheit willen auch böse wer-

dest / Denn der zorn vnd rache dencket  
nichts / denn schaden vnd böses zuthun /  
Darumb vleissige dich viel mehr / wo du  
kanst / guts zu thun / damit dein hertz  
den rthum vnd freidigkeit behalte / vnd  
in deiner güte bleibest / nicht aus Gottes  
gnade vnd seinem gehorsam / in des Teu-  
ffels dienst fallest / welcher dir also zuse-  
get / das er dich widerumb in seine stric-  
cke bringe / vnd dein hertz vnd gewissen  
verbittere / das du viel erger werdest /  
denn ander Lente.

Zorn vnd  
rachgir leßt  
den Men-  
schen nichts  
guts thun.

Item / Suche friede (spricht er)  
vnd sage im nach. Das ist eine feine ver-  
manung / vnd ein göttlicher trewer  
Rat / Du darffest nicht dencken (wil er  
sagen) das dir der friede nachlauffen /  
oder die Welt (viel weniger der Teuffel)  
dir in zu Haus bringen wird / Sondern  
das widerspiel wird dir widerfahren / vñ  
friede von aussen wird man dir mit gro-  
ssen Hopffensecken vol zu tragen / vnd  
zorn vnd bitterkeit aus deinem eigē her-  
zen sich entzünden / dich vol ewiger vn-  
ruhe zu machen.

Dem friede  
mus ein  
Christen  
nachjagen.

Darumb / wiltu zu frieden komen /  
so mustu nicht warten / bis dir andere  
Lente dazu helfen / oder du selbs mit ge-  
walt vnd rache dir friede schaffen wer-  
dest / Sondern bey dir selbs mustu es an-  
fahen / das du dich vom bösen zum guten  
wendest / vnd dir darob wehe thust / das  
dein hertz friede habe / vnd erhalte / wi-  
der alles / das dir in nemen wil / Das all-  
zeit also dein hertz stehe / Ich wil nicht  
zürnen noch rache suchen / sondern Got-  
te meine sache lassen befohlen sein / vnd  
denen / so das böse vnd vnrrecht straffen  
sollē / Aber meinem feinde wil ich wünd-  
schen / das in Gott bekere vnd erleuchte.  
Vnd ob ich schon mehr gewalt vnd vn-  
recht leiden sol / wil ich mir dennoch  
den friede aus meinem hertzen nicht  
reißen noch nemen lassen.

Sihe / das were die rechte weise /  
friede zu behalten / vnd gute tage zu se-  
hen / auch zur bösen zeit / mit schweigen  
der zungen / vnd stillen des hertzes durch  
den trost der göttlichen Gnade vnd ses-  
gens / Das man auch eusserlich niemand  
vrsach gebe zu vnfriede / sondern allent-  
halben friede suche / mit guten Worten /  
wercken vnd gebete / dazu im nachjage /  
vnd gleich verfolge mit gutem starcken  
leiden / damit wir in mit gewalt mögen  
erhalten. Denn es wird doch ein Chris-  
sten



Der König Saul meinet auch / er wolte den fromen David mit stam vnd wurzel ausrotten / vnd seinen namen / als eines auffthürischen verfluchten Menschen / vertilgen / Aber Gott vbet hie auch das widerspiel / Denn weil David vber seinem leiden vnd verfolgung / in Gottes furcht vnd vertrauen einfeltiglich dahin gehet / vnd seinem feinde kein leid noch schade begeret zu thun. So hat er auch das gnedige Gottes ange auff in sehend / das er doch mus von seinem feinde vnbeschädigt bleibe. Vnd dagegen das zornige angesicht Gottes bleibet vber dem Könige Saul / das er ehe sichs David versihet / gestürzt dar nider ligt / vnd auch sein ganzes Geschlecht mit im vntergehen / vnd dem verfolgten David seine Krone vnd Königreich lassen mus.

Der Christe  
trost / auff  
Gottes ge-  
wisse hülfte  
vnd schug.

Dis ist der trost der Christen / das mit sie iren Glauben stercken sollen im leiden / das sie in dem gnedigen gesichte Gottes sind / da er seine augen vnd ohren zu inen wendet / Vnd widerumb auff ire feinde vnd beleidiger mit zornigem angesicht sihet / das er inen ins spiel greiffe / das sie müssen entweder auffhören / oder darob zu grund gehen.

Das geschiet auch gewislich also / vnd darff niemand lang leben / er ersehts an im vnd andern Leuten / Dases war ist / wie das Sprichwort saget / Recht findet sich / On / das es vns mangelt am Glauben / das wir des stündlins nicht können erharren / lassen vns düncken / er verzihet zu lang / vnd es gehe vns zu vbel. Aber es ist ein gar kurze zeit / vnd dir wol zu harren vnd zu tragen / so du Gotte glauben kanst / der deinem feinde wol eine zeit lang frist gibet / sich zu bekeren. Aber das stündlin ist schon im gesetzt vnd fur handen / dem er nicht wird entgegen / wo es in on busse vberleitet.

Vnd wer ist / der euch kan schaden thun / so jr dem guten nach kommet / Vnd ob jr auch leidet vmb der Gerechtigkeit willen / so seid jr doch selig.

**D**A habe (spricht er) trefflich grossen vorteil fur allen ewern

Feinden / wer sie auch sind / Weil jr von Gott so reichlich mit ewigem Segen begabt seid / vnd wisset / das er euch schützen / helfen vnd rechen wil / vnd also bey ewerm Glauben vnd ewer frömekeit bleibet / das sie euch keinen schaden damit thun können / ob sie euch gleich etwas zu verdries vnd zu leid meinen zu thun / so viel sie auch thun können.

Denn was kan vnd mag euch solches alles schaden / weil jr dem guten das jr habt / nach strebet / vnd dabey bleibet ? Sie werden euch mit irer bosheit / macht vnd gewalt / ewer frömekeit vnd Gottes gnade / hülfte vnd Segen nicht nemen noch geringern / So habt jr auch des leiblichen vnd zeitlichen Schadens / den sie euch thun können / keinen verlust / Denn je mehr sie euch trachten zu schaden / je mehr sie zu irer straffe eilen / das sie gestürzt werden / vnd euch desto mehr von Gott vergolten wird.

Denn eben damit / das sie euch auff die böse höheste lestern / schenden / verfolgen vnd plagen / damit mehrnen sie euch den Segen bey Gott / vnd fordern die sache / das er desto ehe drein sehen / euch helfen / vnd sie stürzen mus. Solchen lohn vnd gutes müssen sie euch selbst schaffen / mit irem bösen gifftrigen has / neid / zorn vnd wüten / vnd inen dagegen nichts anders / denn das widerspiel / das sie keinen guten tag noch friedliche stunde können in irem hertzen haben / durch jr böse gewissen selbst verdampfen / vnd Gottes zorn vnd straffe wider sich heuffen.

**JA** (spricht er) Ir seid eben deshalb eben desto seliger / beide / zeitlich vnd ewiglich / das jr vmb der gerechtigkeit willen leidet / vnd soltet auch euch dafür achten / vnd Gott darumb loben vnd danken / Weil er es selbst fur die höchste Seligkeit vnd herrlichste ding achtet vnd rhümet / Wie Christus auch Matth. 5. spricht / Selig seid jr / so leidet. euch die Menschen vmb meinen willen schmehen vnd verfolgen etc. Seid frölich vnd getrost / Ir habets grossen lohn im Himmel.

O wie thewer soltens ewre Widersacher küssen / das sie möchten das weinigt hie von sich trösten vnd rhümen /

l ij das

Die böse welt nützet den Christen / vnd schadet ir selbst.

Seligkeit der so vmb gerechtigkeit willen leiden.



## Auslegung der Epistel

das sie ein geringes umb der gerechtigkeit willen gelidten hetten / Wie gerne solten sie den wechsel wünschen (wo sie es verstehen künden / vnd werd weren) das sie das alles / vnd noch viel mehr/denn das / so sie euch je gethan/ oder zu thun gedacht haben / möchten selbs gelidten haben/ Das sie nur möchten so selig sein/ vnd einen trost solcher thewren göttlichen verheissung hören vnd empfinden.

**F**ürchtet euch aber fur irem trocken nicht / vnd erschrecket nicht / Heiliget aber Gott in ewrem herzen.

**D**A gehet er abermal in die Schrift/ vnd füret einen spruch des Propheten Jesaia / am 8. Da er Gottes volck vermanet / das sie sich fur Menschen zorn vnd dreyen nichts entsetzen sollen / sondern dagegen fest vnd getrost Gotte vertrauen / Wie er der gleichen Cap. 52. auch spricht/ Fürchtet euch nicht/wenn euch die Leute vbel reden oder schmehen/vnd entsetzet euch nicht/wenn sie euch lestern.

Als wolt er sagen / Was wolt ir euch das lassen anfechten / was euch Menschen thun können ( sie seien wie gros / gewaltig / schreckliche feinde sie jmer sein mögen) Weil ir also geseligt/ vnd bey Gott so wol dran seid / vnd so gut habt/das euch auch alle Creaturen müssen selig preisen. Zu dem/das ir wisset/das ir ein solchen **JEKKT** habt/ der seine augen zu euch gewendet / vnd seine ohren euch geöffnet hat/das/ was ir begeret vnd bittet/ erhöret vnd geweret ist/ vnd schon mit seinem angesicht zorniglich dreyet ewern Widerfächern. Was sind vnd vermögen alle Menschē/ Tyrannen/ Papsst / Türck / Tartern (ja der Teuffel selbs) gegen vnd wider diesen **JEKKT**/ wenn vnd wo er seine macht erzeigen wil/weder ein schwaches strohalmlin wider einen harten Donnerschlag vnd blitz/ dauon die Erde erbebet?

Darumb solt ir (seid ir anders

Christen/vnd gleybet/das ir einen Gott habt) nichts vberall fur diesen allen erschrecken / Sondern viel mehr frölich vnd mit lachendem mut alle ir trogen/dreyen vnd toben verachten / als das doch euch gar nichts schaden kan / sondern ir eigen verderben ist / weil sie mit irem Kopff lauffen wider die Maiesstet / dasur alle Creaturn erzittern müssen.

**D**As solt ir aber thun/ In solt ir heiligen/das ist/ heilig halten vnd preisen/welches ist nicht anders / denn irem Wort gleyben / das ir an im warhaftig solchen Gott habt / der euch/ so ir umb Gerechtigkeit willen leidet/ nicht vergessen noch verlassen habe/ sondern euch gnediglich ansehe / vnd gedencke selbs zu helfen / vnd an ewern Feinden zu rechen / Denn solcher Glaube vnd bekentnis thut im die ehre / das er warhaftiger Gott ist / vnd kan ir tröstlich vnd frölich anrufen / von ihm hilffte gewarten / vnd alle sein hertz auff ir wol zu frieden stellen / Denn er weis/ das sein Wort vnd verheissung / als die gewisse warheit/ nicht triegen noch feilen kan.

Dagegen die andern/ so nicht gleyben/die können auch nicht Gott heiligen/noch die ehre thun / die im / als einem Gott gebüret/ ob sie schon viel von Gott rhümen / vnd grossen Gottes dienst furgeben / Denn sie Gottes wort nicht fur war halten / sondern jmer im zweifel bleiben/ vnd dencken (wenn sie etwas leiden sollen) sie seien gar von Gott vergessen vnd verlassen/ Darumb murren vnd zürnen sie mit grosser vngedult vnd vngheorsam wider Gott/ faren darob zu / vnd wollen sich selbs durch eigene gewalt schützen vnd rechen.

Damit geben sie sich selbs an tag/ das sie solche Leute sind / die da warhaftig keinen Gott haben noch wissen/als blinde / elende / verdampfte heiden/Als jzt sind der grosse hauffe aller Türcken / Jüden / Papisfen / vnd Glaubloser heiligen / so viel ir in der Welt sind.

Euan 8

Der Glaube sol aller Menschen trogen vnd erschrecken vnd verachten.

Gott heilig gen durch den Glaube

Vnglaube kan Gott nicht heiligen.

Nicht gleyben/ist falschen Gott haben.

Sontag nach Trinitatis / Luc. V.



**E** begab sich da sich das Volck zu Ihesu drang / zu hören das Wort Gottes / Vnd er stund am See

Genesaret / vnd sahe zwen Schiff am See stehen / die Fischer aber waren ausgetretten / vnd wuschen ire Netze / Trat er in der Schiff eines / welches Simonis war / vnd bat in / das ers ein wenig vom lande füret. Vnd er setzte sich / vnd leret das Volck aus dem Schiff.

Vnd als er hatte auffgehört zu reden / sprach er zu Simon / Fare auff die höhe / vnd werffet ewre Netze aus / das ir etnen zug thut.

Vnd Simon antwortet / vnd sprach zu im / Meister / Wir haben die ganze nacht geerbeitet / vnd nichts gefangen / Aber auff dein wort wil ich das Netze austwerffen. Vnd da sie das thaten / beschlossen sie eine grosse menge Fische / vnd ir Netz zureis. Vnd sie winketen iren Gesellen / die im andern Schiff waren / das sie kemen vnd hülffen inen ziehen / Vnd sie kamen / vnd fülleten beide Schiff voll / also / das sie suncken.

Da das Simon Petrus sahe / fiel er Ihesu zu den knien / vñ sprach / HERR / Gehe von mir hinaus / ich bin ein sündiger Mensch. Denn es war im ein schrecken ankomen / vnd alle die mit im waren / ober diesem fischzug / den sie miteinander ges

## Auslegung des Euangelij

than hatten. Des selbigen gleichen auch Jacobum vnd Johannem/ die Söne Zebedei/ Simonis gesellen. Vnd Ihesus sprach zu Simon/ Fürchte dich nicht/ denn von nu an wirstu Menschen fahen. Vnd sie fürreten die Schiff zu lande/ vnd verliessen alles/ vnd folgeten jm nach.

Rettung vñ  
 sterckung  
 des Glau-  
 bens.



**D**ies Euangelium helt vns für zwey stück/ das durch es vermanet zu glauben/ vnd den Glauben stercket/ Denn zum ersten zeigt es/ das die/ so an Christum glauben/ auch zeitlich vnd in leiblichen nöten von jm versorgt werden/ vnd gung haben. Darnach/ das er viel mehr in geistlichen nöten jnen helfen wil/ Damit er das in der that vns zeige/ so S. Paulus 1. Timo. 4. spricht/ Göttseligkeit ist zu allen dingen nützlich/ denn sie hat die verheißung/ beide/ dieses vnd des zukünfftigen lebens/ Wie denn die Schrifft der beiderley verheißungen allenthalben vol ist.

Lere des  
 Glaubens  
 der leiblich-  
 en hülffe.

Denn Glauben zeitlicher vnd leiblicher hülffe besterigt er in dem/ das er S. Petro vnd seinen Gesellen/ so einen grossen Fischzug gibt/ nach dem sie die ganze nacht sich vergeblich gemühet/ nichts gefangen/ vnd nu nicht mehr können sich versehen noch hoffen etwas zu fahen.

Die erstlich  
 nach Got-  
 tes Reich  
 trachten ver-  
 sorget Chri-  
 stus auch  
 leiblich.

Er helt aber hiemit diese ordnung vnd Regel/ so er selbs gegeben vnd gelehret hat Matth. 6. Trachtet am ersten nach dem Reich Gottes/ vnd nach seiner gerechtigkeit/ so wird euch das ander alles mit zugeworffen werden. Diesem Spruch gehet er hie nach/ vnd beweiset des selbigen Exempel vnd erfahrung/ da in das Volck mit hauffen vberfelt/ erstlich sein Wort zu hören/ das er mus vom Land ins Schiff tretten/ vnd jnen predigen. Aber da er sie gelehret hat/ wil er sie auch weiter versorgen/ mit der leiblichen nordurfft/ weil sie not vnd mangel leiden.

Denn ob er wol nicht darumb kommen ist/ noch darumb predigt/ das er wolle des bauches pflegen/ vnd in versorge. Doch vergisset er des selben auch nicht/ wo man zuuor nach seinem Reich

trachtet/ Darumb nimpt er sich hie der armen Fischer not an/ die da haben mit mühe vnd arbeit der ganzen nacht/ nichts gefangen/ aber weil sie jm haben das Schiff geliehen/ vnd in lassen auspredigen/ vnd zugehört/ so schafft er jnen auch/ on jr sorgen/ vnd ehe sie darumb bitten/ so einen reichen fischzug/ Dabey sie gung gelehret sind/ vnd wol verstehen können/ das sie an jm einen solchen Meister haben/ der für sie sorget/ vnd sie nicht lassen wil/ wo sie an seinem Wort hangen/ vnd seine Schüler bleiben.

Damit er auch seine Kirche oder Volcklin der Gleybigen wil getröstet vnd haben/ das er sie wil versorgen/ das sie auff Erden dennoch etwo sollen sein vnd stet finden/ da sie bleiben/ ob sie schon allenthalben verfolget/ jagt/ vnd irer Stet versorgung bey der Welt müssen ungewis sein/ Wie neben diesem vnd desgleichen Exempel/ viel schöner Sprüche sagen/ als Psalm. 34. Die Reichen müssen darben vnd hungern/ aber die den HERRN fürchten/ haben keinen mangel. Vnd Psalm. 33. Des HERRN augen sehen auff die/ so in fürchten/ die auff seine güte hoffen/ Das er jre Seele errete vom Tode/ vnd erneere sie in der thewring. Item Proverb. 10. Der HERR leste die Seele des gerechten nicht hunger leiden etc.

Sonderlich zeigt er mit diesem Exempel/ wie es zugehet bey denen/ da er geben vnd helfen sol/ vnd die weise/ wie er pfelet zu geben vnd anzuhelffen/ Nemlich/ wo es also stehet/ wie mit diesen Fischern/ da man die ganze nacht geerbeitet/ vnd doch alle mühe vnd arbeit verloren/ vnd kein menschlicher rat noch hülffe mehr zu hoffen ist/ Wie denn der Christenheit teglich widerferet/ durch mancherley trübsal/ elend vnd not.

Denn on solche ansedtung/ mühe vnd arbeit gehets nicht zu/ vnd mus dahin komen/ wenn Christus helfen sol/ das es an menschlichem rat/ trost vnd vermögen verzweuelt sey/ Da komet er mit seiner hülffe/ vnd beweiset sich also/ das er noch trost/ rat/ schutz vnd rettung hat vnd geben kan/ wo es vns allenthalben feilet/ vnd alles/ was wir gethan/ gelidten/ vnd noch zuehnen vermögen/ nichts vnd verlorn heisse/ Ja/ das

Gottes hülffe/ wo kein Menschen rat vnd hülffe mehr ist.

das er auch mehr vnd reichlicher (in solchem mangel vnd vntrefften) gibe vnd hilffet / denn man jmer mit menschlichen krefft / kunst vnd hülffe / künde zu wegen bringen.

**W**iderumb zeiget er dennoch auch darneben / das er nicht damit die arbeit vnd werck so vns befohlen / verboten oder nachgelassen wil haben / Sondern auch selbs heisset seine Jünger jr handwerck vben / weil er spricht / Jaret auff die höhe / das jr einen fischzug thut etc. Vnd ist also sein beides beinander gesetzt vnd verwardet / Das es vnser erbeiten vnd thun nicht schaffet / Denn solt erbeit vnd mühe dazu geholffen haben / so hette es hie die ganze nacht auch gethan / vnd mehr geholffen / da sie mehr gethan vnd gehoffet / ehe etwas zu fahen (weil es finster vnd stille war) denn sie jgund thun / da Christus sie heisset das netze einwerffen am lichten tage / Vnd dennoch auff einen zug / auff Christi Wort / so vberflüssig empfahen.

Auff das jederman hieraus sehe vñ lerne / das erbeiten vnd mühe / erneret nimer keinen Menschen / wie gros vnd vngeschwungen die sey / Sondern Gottes seggen vnd gnade / Vnd dabey bleibe / das es heisse / wie man auff deudsch sagt Gott hat beraten. Item Gott bescheeret vber nacht / Welche sprüche von alten fromen Leuten / die solchs wol erfaren / auff vns komet sind / Wie noch teglich erfahrung zeuget / das im mancher leste blut sawer werden / mit engstiger schwerer erbeit / vnd doch damit kaume sein brot erwirbet / vnd nimer aus schulden vnd not komet / Da es einem andern / der da gemacht thut / vnd sich nicht vbertreibet / reichlich zufelle vnd zuflüsset / Das man mus sagen / Es ligt an der erbeit nicht / sondern an Gottes beraten.

Wie auch der 127. Psalm sagt / Wem ers gönnet / dem gibe ers schlaffend / Als wolt er sagen / Es ist doch vergebens / das jr darumb euch tag vnd nacht engstet vnd zuplaget / mit sorgen vnd mühe / bis jr zu wegen bringet / was in ein Haus gehöret / Welches wol viel ist / aber es stehet doch gar nicht in ewern henden vnd erbeit / vnd wird nichts daraus / wo Gott nicht selbs Haus Vater ist / vnd gibe / Das es heisse / vber nacht bescheeret / wie das Korn /

vnd alle narung / aus der erden / ja alles / was alle Menschen habē oder erwerben mögen / mus von Gott gegeben sein.

Denn solches beweiset er auch an den Gottlosen vnd vnchristen / Wie er so manchen bösen Menschen / so keines Gottes nicht achten / doch Haus vnd Hoff leste voll werden / ja für andern vberschuttet mit zeitlichen gütern / nicht aus oder von jrer mühe vnd erbeit / sondern aus lauterem seggen / Wie auch der 17. Psalm sagt / von solchen / De absconditis tuis repletus est uenter eorū. Errette mich von den Leuten dieser Welt (spricht er) welche jr teil haben in diesem leben / welchen du den bauch fülschert. leste mit deinem schatz / Das ist / mit solchen gütern / die da sind deine göttliche verborgene schez / dauon niemand weis / wo sie her komet / noch in seiner gewalt hat / noch im selbs schaffen kan / Sondern die allein von dir beschert vnd gegeben werden.

**H**iermit wil nu Christus die Christen zum Glauben gereizt vnd gestercke haben / vnd gewehret dem leidigen vnglauben / mit seiner frucht / welche ist sonderlich der Geiz / vnd engstige sorge für den Bauch vnd dis zeitliche leben / Welche on das natürlich dem Menschen / als ein angeborne plage / anhanget / die sich reget vnd wütet im fleisch / mit lüsten des vnglaubens wider den Geiß (wie S. Paulus Gal. 5. sagt) Dazu der Teuffel den Glauben hindert / mit seinē anfechtungen vnd eingeben des mistrawens vnd zweuelens an Gott / Vnd auch die Welt mit has / neid vnd verfolgung der fromen / den sie nach gut / ehre / leib vnd leben stehet / vnd gar die füsse an sie wischen wil.

Dagegen (sage ich) sehen wir hie / beide / die krafft vnd den nutz des Glaubens / der sich an Christi Wort helt / vnd darauff erweget / wie hie S. Petrus thut / vñ spricht / Ob wir wol haben die ganze nacht geerbeitet / vnd nichts gefangen / Aber doch auff dein Wort wil ich das netze auswerffen. Dieser Glaube ist / der solchen fischzug thut / damit er beide Schiff lin füllet / Denn on den selben hette er weder das netz ausgeworffen / noch einen fisch gezogen.

Widerumb zeiget die Schrifft allenthalben / was für schaden thut der Geiz vnd sorge des vnglaubens / Denn der

Gott erneeret alle welt aus seinen verborgene schez. Psal. 17

Geiz vnd sorge des vnglaubens.

Krafft vnd nutz des Glaubens.

Schade vnd vnglück des vnglaubens vnd Geizes.

Nicht die erbeit / sondern Gottes seggen erneeret die Menschen.

Gott beret. Gott bescheeret.

## Auslegung des Euangelij

selbe gewislich nichts kan von Gott erlangen/das im nutz oder tröstlich vnd selig were / vnd sich nur selbs Gottes Segen beraubt/das er der leiblichen güter / so er begeret / nicht sat noch fro werden / vnd kein gut noch frölich gewissen haben/kan.

Daher auch Christus die sorge dieser narung heisset Dornen / dafur das Wort Gottes nicht kan zu krefften noch zu fruchten komen. Vnd S. Paulus solches auslegt (was diese Dorne sind) 1. Timoth. 6. vnd spricht / Die da reich werden wollen / die fallen in versuchunge vnd stricke / vnd viel törichter vnd schedlicher lüste / welche versencken die Menschen ins verderben vnd verdammis / Denn Geiz ist eine wurzel alles vbel / welches hat etliche gelüftet / vnd sind vom Glauben irgegangen / vnd machen inen selbs viel schmerzen etc.

Geiz eine wurzel alles vbel. 1. Timoth. 6

**H**alte nu gegenander / was der Glaube gutes bringet vnd schafft / vnd dagegen der vnglaube schaden thut / Denn zu dem / das der Glaube hat Gottes gnade vnd segen / hat er auch die verheissung / das er sol gnug haben / was im not ist / vñ machet ein gut / rüdig / frölich hertz / Das er wol mag heissen / die wurzel alles guten. Widerumb das der Vnglaube mit seinem sorgen vnd Geiz sol auch das zu lohn haben / das er des selben nichts gebessert sey / sonderu fallen mus in mancherley stricke / durch viel schedlicher lüste vnd begirde / dadurch er nichts erlangt / denn ewig verderben / Das er auch nichts anders ist / denn eine wurzel / das alles vnglück aus folget.

Diese beide stücke sibet man zwar auch für augen wol in der Welt / Das die inen lassen gnügen an dem / so inen Gott bescheret / die haben doch ruhe vnd friede / gehen dahin in irem stand frölich vnd guts muts / haben dennoch ir außkomē vnd nordurfft / das sie selbs sagen müssen / Ich bin noch nie keinen abend hungerig schlaffen gegangen / Ob sichs gleich ansibet / als müssen sie kummer vnd mangel leiden (wie hie S. Petro geschehen) die haben diesen nutz dauon / weil sie Gott trawen vnd glauben / das sie nichts dürffen sich mit den Dornen (der bauchsorge) fressen vnd

Friede vnd gut gewissen der Glaubigen.

fragen / noch darinne bestecken vnd verderben / sondern als vnter den rosen im lustgarten sitzen / Wie auch Salomon / Prouerb. 15. sagt / Ein guter mut ist ein teglich wolleben.

Die andern aber / die sich vnter diese Dorne vnd Geizes stecken / vnd nach grossen gut trachten / haben auch das dauon / das sie darob gestochen vnd gekragt werden / vnd fallen müssen / nicht allein in mancherley anfechtung vnd fahr / welches were noch gnedig / wenn es dabey bliebe / Sondern komen auch in die stricke / damit sie gefangen werden / vnd also / das sie darob / beide / in zeitlich vnd leiblich verderben vnd ewig verdammis versinken / daraus sie nicht wider komen können.

Anfechtung vnd stricke das Geizs.

Des sihe tegliche Exempel an der Leute / die da auch sich wollen Christen vnd des Euangelij rhümen / wie allenthalben ist ein tauben / schinden / schagen / wuchern etc. das sie auch vmb eines onnedichtigen pfennigs willen / Gott vñ jr gewissen hindan setzen / Vnd als were das nicht tieff gnug gefallen / das zu sich stercken / vnd fortfahren mit trog vnd freuel / bis sie dahin versinken / das sie auch Gottes Wort seind werden / vnd nicht hören noch sehen können / Da zu so vnseelig vnd verflucht / das sie zu keinem stande dienen / noch etwas heilsams vnd gutes oder nützes thun können / des jemand möchte genießen oder gebessert sein / ja nur schaden / vnglück vnd jamer anrichten vnd führen vber Land vnd Leute.

Das komet alles aus dem (spricht S. Paulus) wo man nur trachtet darnach / wie man reich werde / Denn solch geizen vnd sorgen bringet es gewislich mit sich / das man wil hoch fahren / gross vnd gewaltig sein / vnd der Geiz nur gerne alles wolt zu sich reissen / gehet erstlich an / Ey hette ich dis Haus / dis sen Acker / dis Schlos / dis Dorff etc. vnd wechslet inmer fort vnd fort / vnd wird daraus dein Drachenschwanz / der alles nach sich zeucht. Vnd wo ein mal der Geiz einwurzelt / bringet er teglich hundertereley sorge / mehr guts vnd gelts zu erlangen / Da würet vnd waltet des Menschen hertz / mit vnseheligen vnversettigen lüsten vnd begirde / die doch nirgend zu dienen / denn zu seinem eigen verderben / Vnd sind nur fruchte des /

Stricke vnd verdammis lüste des Geizs.

des/das der mensch ist gefallē vom glau-  
ben/von einer versuchung vnd strick in  
den andern. Denn es ist solche schedliche  
plage/die den Menschen so gar besitzet/  
das er dafür in seinem Ampt oder stand  
nichts gutes oder nütlichs thun kan/  
vnd nimer mehr dencket / weder Gott  
noch den Leuten zu dienen.

Plage vnd  
schmerzen  
der Geiz-  
gen.

Darnach/wenn er nu viel zusammen ge-  
scharret hat/hat er nicht weniger pla-  
ge vnd sorge/wie ers erhalte vnd vertei-  
dinge/Da mus er trachten / wie er krie-  
ge gunst/freundschaft/vnd allerley we-  
ge suchen/das er nicht vmb das seine ko-  
me/felt darüber in hass/neid/vnd man-  
cherley beschwerung/daraus er nicht ko-  
men kan/Vnd ist da nichts/weder eitel  
vnrüge vnd schmerzen (wie S. Paulus  
sagt) des gewissens/vnd ein lauter zel-  
le/darein er sich selbs gefürt hat. Das  
zeucht alles mit sich das leidig vnglück/  
Juncker Geiz/der da on Glauben zu  
Gott/nur dencket durch sich selbs reich  
zu werden/Denn es ist schon die plage  
vnd fluch ober in gesprochen/das er ni-  
mer kan gnug haben/vnd mus all vn-  
glück vnd herzleid dazu haben/in dem/  
das er ergeizet hat / zu seinem ewigen  
verderben vnd verdammis.

WAn sibet an teglicher erfahrung/  
was fur ein schendlich/verflucht la-  
ster der Geiz ist/vnd was er fur schaden  
thut/sonderlich in hohen Eimptern vnd  
stenden / geistlich vnd weltlich. Denn  
wo einem Pfarherr oder Prediger der  
Geizteuffel sein hertz besitzet/das er nur  
darnach trachtet/wie er auch ( wie die  
ander Welt ) möge gros gut fur sich  
bringen/Der ist schon dem Teuffel in sei-  
nen rachen geworffen / wie Judas der  
Verheteer/das er Christum mit seinem  
Wort vnd seiner Kirche auch dürffte  
vmb eines güldens willen verrhaten.

Schade des  
Geizes in  
geistlichem  
Regiment.

Wie der Pappst / seine herrschafft  
vnd reichthum zu erhalten vnd zu ster-  
cken/vnter Gottes vnd der Kirchen na-  
men/ allerley abgötterey vnd öffentli-  
che grewel mit gewalt eingefüret / vnd  
zusehens die Seelen mit hauffen zum  
Teuffel gefüret/dazu die Leute mit fals-  
chem schrecken seines Bannes also ein-  
getrieben/das niemand hat dürffen ein  
wort dawider reden.

Durch des  
Pappsts geiz  
die Kirchen  
zu grund  
verwüßtet.

Wie schedlich ist es in weltlichem  
Regiment/so herrn vnd Fürsten auch  
mit dem schendlichen laster betretten

werden / vnd trachten alles allein zu  
sich zu reissen / vergessen darüber ires  
Fürstlichen ampts/wie sie solten Lan-  
den vnd Leuten helffen / darumb sie  
Herrn sind/das sie möchten mit ehren  
vnd lob aller Leute gerhümet vnd gelie-  
bet werden/ als Peter irer Lande vnd  
Leute/Achten nicht/wie Gottes wort  
gefoddert / die Kirchen vnd Schulen  
versehen vnd versorgt / vnd die Leute  
recht geleret werden / oder wie bey den  
Unterthanen zucht vnd Recht gehal-  
ten/lassen arme Pfarherr mit iren Kind-  
lin/Widwen/Waisen/vnrecht/gewalt  
vnd not leiden/Gehen dieweil mit iren  
Registern vmb/vnd nur trachten / wo-  
her sie gelt mögen ergeizen / das sie ire  
vbermessige vnd vnnütze vntkosten vnd  
pracht mögen erstrecken.

Vnd weil dazu nichts gnug ist/die  
armen Unterthanen/bis auff den grat  
ausschinden vnd schatzen / bis sie sich  
selbs in solchen vnrat vnd beschwerung  
gefürt haben / das sie darob mit Lan-  
den vnd Leuten verarmen vnd verderbē  
müssen/Oder wo sie schon viel ergeizt/  
vnd meinen wol gereichert zu haben/  
darnach/damit sie ir furhaben hinaus  
füren / in mancherley seltsame hendel  
vnd sachen sich stecken vnd flechten/  
darob sie doch zu lezt zur straffe/ in bes-  
chwerung vnd verderben komen.

Was fur grewliche plage vnd ver-  
derben füret jzt vber Deudschland al-  
lein der schendliche / verfluchte Wuch-  
er/der allenthalben so vberhand genos-  
men/das hie kein wehren noch steuren  
ist/weil auch die/ so es wehren solten/  
selbs darin stecken / Da nur jederman/  
wer da kan / mit seinem gelt die an-  
dern ausseuget/ vnd darüber Gott vnd  
gewissen gar hindan setzen / Vnd also  
wissentlich mit bösem selbs verdam-  
pten gewissen zur Helle rennen/ vnd den  
fluch auff sich laden / der schon vber  
den leidigen Geiz gesprochen ist/das sie  
doch ires erwucherten gutes nicht mit  
friede vnd ruge genieffen sollen/sondern  
entweder selbs durch Gottes straffe dar-  
umb komen/oder iren Erben nicht reich-  
chen mus.

Was der  
Geiz fur  
schade thut  
in weltlich-  
em Regi-  
ment.

Fluch vnd  
straffe des  
leidigen Wu-  
chers vber  
Deudsch-  
land.

Denn es mus doch des halben vber  
solch vnchristlich wesen Gottes zorn  
vnd grewliche straffe gehen / Wie wir  
leider lengest allzu hoch verdienet / vnd  
Gott vns schon fur die thür schicket/  
mit

## Auslegung des Euangelij

mit dem Türcken vnd andern schrecklichen plagē/damit er selbs dem vnchristlichen wesen mit gewalt steroret / weil wir sein Wort vnd vermanung nicht hören wollen.

**G**roße reichthum vnd seligkeit eines gienbigen hertzens.

Diesem allen kan ein gienbig hertz entlauffen vnd entfliehen / so mit gutem gewissen vnd Gottes fürcht in seinem stande lebt / vnd im gnügen leset / an dem / so im Gott bescheret / in ruge vnd friede / Gibt sich nicht in fahr der versuchung vnd stricke / darff sich selbs nicht zu plagen mit sorgen vnd angst / noch mit andern Leuten beissen vnd kragen / durch zant / hadder / neid vnd has / Vnd ist ein feiner / seliger / nützer mensch / der da vielen dienen vnd helfen kan / vnd bey Gott vnd den Leuten gnade vnd segen hat / des auch seine Kinds Kinder guts vnd ehre haben.

Gott verbeut vnser sorgen / vnd fordert doch die arbeit.

**S**olches solt vns dis Exempel des Euangelij leren vnd vermanen / das wir lerneten gienben / vnd damit auch in erfahrung solches Glaubens komen möchten / das Gott seine Christen versorge / vnd gibt inen gnug / das sie nicht dürffen mit irer sorge vnd geizen sich selbs zu plagen noch verdamnen. Doch sol man (wie ich im anfang gesagt hab) hie neben auch wissen / wo die sorge vnd geiz verboten wird / das man nicht darumb sol die arbeit anstehen lassen / Wie die Welt hie beides wil vmbkeren / als sie alle Gottes Wort vnd ordnung pflegt zu verkeren.

Sorgen vnd trachten wil sie / woher sie gelt vnd gut zu wegen bringe / welche sorge allein Gott gebüret / vnd er im fürbehalten hat / Aber für die arbeit / die jr befohlen ist / wil sie Gott sorgen lassen / Ja nur jr sorge vnd geizen dahin zu richten trachtet / damit sie der arbeit vnd schweis ihres angesichts entladen sey / So wil Gott das widerspiel haben / das wir die arbeit behalten / vnd die sorge im lassen / So hetten wir das vnser gethan / vnd kündten mit der kurtze dazu komen / das wir on vnser sorge gnug hetten / bey messiger vnd treglich er arbeit.

Gott wil nicht on vnser arbeit / vnd doch nicht vmb der arbeit willen geben.

Denn Christus / da er S. Petro vnd den andern wil geben / thut ers nicht / wie er wol hette können thun / das on ire arbeit vnd Netz die Fisch ins Schiff müsten springen / Sondern er heisset sie auff die höhe faren / vnd die Netze aus-

werffen / Das ist / jr handwerck angreiffen / das sie können vnd gelernet haben / vnd pflegen zu thun / vnd sich stellen als Fischer / Denn er wil der faulen vntrewen / müßiggenger nicht / die nichts thun / was inen befohlen ist / vnd lassen hend vnd füsse gehen. Leret also beider ley / das er nicht on vnser arbeit geben wil / Vnd doch vns zeigen / das es nicht vnser arbeit schuld ist / was wir erlangē / sondern allein Gottes berat vnd segen. Die arbeit soltu thun / aber nicht dich darauff verlassen / was du ausgerichtet / als hettest du es selbs zu wegen bracht.

Summa / vnser arbeit vnd thun schafft noch gibt nichts / vnd ist doch dazu not / das wir dadurch das / so er vns gibt / empfangen / Denn die Jünger müsten dennoch die hende dazu thun / das Netz auswerffen vnd ziehen (wo sie wolten etwas fahen) vnd sich stellen / als die es wolten thun / Aber doch bekennen / vnd sagen / das es nicht jr arbeit gethan hat (sonst hetten sie es wol zuvor on Christum gethan) Darumb leset er sie auch solchs wol versuchen vnd erfaren / das sie die ganze nacht vergeblich vnd vmb sonst arbeiten müssen.

**J**hesus leret er vns noch / durch tegliche erfahrung / in allerley sache / thun vnd Regiment auff Erden / da leset er vns wol oft lang vnd viel arbeiten / das es vns sawer wird / vnd doch damit nichts ausgerichten / Das wir auch müssen sagen vnd klagen mit S. Petro / Wir haben die ganze nacht geerbeitet / vnd nichts gefangen / Auff das wir nicht auff vnser arbeit vns verlassen vnd versprechen / Sondern wissen / das er mus da zu geben / das es heisse / Geraten vnd bescheret / vnd nicht durch vnser mühe / kunst oder vleis gemacht noch erworbe.

Wie grossen vleis / kost vnd mühe hat oft Vater vnd Mutter auff einen Son gelegt / in zu erziehen zu ehren vnd tugent etc. mit grosser hoffnung vnd zuuersicht / als solt er (wie man sagt) ein Engel werden / Vnd doch zusehens ein vngeraten verloren Kind draus wird. Widerumb / manch arm elender Waise / daran wenig arbeit vnd vleis gewand / komet auff / vnd wird erzogē / das man sich wundern mus / vnd sagen / Es lige nicht an vnserm vleis vnd sorgen / sondern am geraten.

Was ist des ganzen weltlichen Regiments

Tegliche erfahrung / das Gottes seggen alles gibt vns schafft.

Verlorne er-  
beit vnd mü-  
he im Welt-  
lichen regi-  
ment.

giments gemeiner klage/ denn vber ver-  
gebliche arbeit vnd mühe / auch wo es  
im schwang vnd mit ernst gehet/ da die  
Leute sind/ die da wollen vnd können  
wol regieren / vnd nicht mangelt an  
weisheit/ verstand/ macht vnd gewalt/  
vnd doch müssen lernen/ wenn sie lang  
haben regieret/ das sie doch nichts da-  
mit ausgericht haben/ Ja/ wie offte ge-  
schiets/ das die besten anschlege / weis-  
sten rete/ vnd schönsten gedanken auff  
aller vbelst geraten/ zu schaden vnd ver-  
derben (wie allezeit die aller weisesten  
Regenten solches erfahren vnd beklagt  
haben) Auff das man ja greiffen vnd ler-  
nen solle / das Gott nicht wil durch  
menschlicher weisheit anschlege vnd  
practiken / glück vnd gedeien geben/ wo  
man sich wil darauff verlassen.

Gott gibt  
kein glück/  
wo man sich  
auff eigene  
weisheit  
verleßt.

Darumb were der beste rat / wenn  
ir die Welt wolt einen albern / einfelti-  
gen Man raten lassen/ das ist / vnsern  
HERRN Gott (der dennoch auch et-  
was erfaren hat/ vnd sich auff Regiment  
verstehet) Das ein jeder in seinem Ampt  
vnd Regiment seine gedanken vnd an-  
schlege schlechts dahin richtete / das er  
erwlich dem nachglinge/ vnd thete im  
Glauben/ was im befohlen ist/ Vnd nur  
auff seine eigen anschlege vnd gedankē  
nichts setze / sondern die sorge Gotte  
liesse befohlen sein / Der würde zu letzt  
wol erfaren / wer da mehr ausrichtet  
vnd schafft/ der Gott vertrauet/ oder  
der/ so durch seine eigen weisheit vnd  
gedanken/ oder macht vnd krafft/ seine  
sache wil hinaus füren.

Gott gibt al-  
lein das ge-  
deien zu  
dem Predig  
ampt.

Im geistlichen Regiment der Kirchs  
den gehets auch also (wie es auch son-  
derlich in dieser Historien gebildet ist)  
Da ich zehen / zwentzig jar geprediget  
vnd gelernt habe/ da sol wol ein ander  
in einem jar mehr geschaffet haben/ oder  
erwo eine Predigt mehr frucht schaf-  
ffen/ denn viel andere / Das es da auch  
nicht thut die arbeit / vleis vnd mühe/  
Sondern es müssen die zwey beynander  
sein/ das ein jeder das seine thue / Vnd  
doch mit S. Petro sage / Meine arbeit  
thuts vnd schaffts nicht / wo du nicht  
das gedeien dazu gibst. Wie auch S.  
Paulus spricht/ 1. Corinth. 4. Ich habe  
gepflanzt / Apollo hat begossen/ Aber  
Gott hat das gedeien gegeben. Item/  
Der da pflanzt / ist nichts / der da bes-  
geusst ist auch nichts (das ist/ er schafftet

mit seiner arbeit vnd mühe nichts) son-  
dern Gott/ der das gedeien gibt etc.

Vnd summa / Es ist das ganze  
Menschliche wesen vnd leben also ges-  
than/ das man offte viel vnd lang mus  
vmb sonst geerbeitet haben / bis so lang  
Gott dazu das gedeien gibt / Vnd sol  
die arbeit nicht darumb nachbleiben/  
noch der Mensch on arbeit erfunden  
werden / Aber von Gott das gedeien  
warten/ wenn ers geben wil / Wie der  
Prediger Salomonis Prouerb. 11. sagt/  
Frühe see deinen Samen/ vnd lass deine  
hand des Abends nicht abe / Denn du  
weissest nicht/ ob dis oder das geraten  
wird etc.

Es ist aber hie auch sonderlich  
angezeigt die vnterscheid/ wenn  
vnd wo die arbeit nütze vnd fruchte  
bar ist / nemlich / so Christus dazu ko-  
met/ vnd heisset das Netz auswerffen  
etc. Das ist/ wo der Glaube ist/ der sein  
Wort vnd verheissung fasset/ vnd dar-  
auff frisch vnd getrost thut was im bes-  
fohlen ist/ vnd durch anrufen vnd ges-  
bet seiner hülffe vnd segens gewartet.

Wo Chri-  
stus dabey  
ist/ da ist die  
arbeit frucht-  
bar.

Das heisset denn mit S. Petro sagen/  
HERR/ ich hab zwar viel gethan/ ge-  
erbeitet/ gelidten/ aber ich weis/ das ich  
damit nichts schaffe/ denn wo du selbs  
dabey bist/ krafft vnd gedeien gibst/ Dar-  
umb wil ich nicht auff mich oder mein  
thun/ sondern auff dein Wort fortfa-  
ren/ vnd dir lassen die sachen befohlen  
sein. Also gehets denn von staten/ vnd  
findet sich in der erfahrung/ das/ wo Chri-  
stus dabey ist/ gibt er mit geringer arbeit  
vnd mühe mehr/ denn jemand hette dür-  
ffen hoffen / Denn wo er seinen Segen  
dazu spricht / da mus es nicht feilen/  
noch on geringe frucht abgehen.

Also sehen vnd erfaren alhie die Jün-  
ger selbs/ was für vnterscheid ist der er-  
beit/ die sie zuvor on den Glauben Chri-  
sti/ die ganze nacht gethan/ Vnd dieser/  
da nu kein hoffnung war/ et was zu fa-  
hen/ vnd doch ist im glauben/ auff Chri-  
sti Wort/ mit einem zug oberflüssig in  
zufelt. Darumb darff mans niemand  
schuld geben / wo wie mit vnser arbeit  
vnd mühe nichts oder wenig ausrich-  
ten / denn vnserm vnglauben / oder je-  
der schwachheit vnser Glaubens. Doch  
ist das auch war/ das Christus offte mit  
seiner hülffe vnd gabe verzeucht / wie er  
hie vnd

frucht der  
arbeit/ im  
glauben  
Christi ge-  
than.



## Auslegung des Euangelij

hie vnd anderswo / Joh. 20. die Jünger  
lessen die ganze nacht arbeiten / vnd  
nichts sehen / Das es scheint / als wolle  
er auch seines Worts vnd Verheissung  
vergessen.

Christus ver  
zeuget die  
hülffe den  
Glauben zu  
stercken.

Aber das thut er auch darumb /  
das er vns treibe / nach seiner hülffe des  
ste stercker zu ruffen / vnd der Glaube ler  
ne sich stercken vnd fest halten / das er  
darumb nicht zweivle oder ablasse zu  
arbeiten / sondern inner fortfare / vnd  
warte / wenn vnd welcher weise er gebē  
wil / Denn er wil die Christen allenthal  
ben also regieren / das sie lernen vnd er  
faren müssen / das sie nicht erneeret wer  
den / noch inen geholffen wird von dem /  
das sie für augen sehen / oder gethan ha  
ben / Sondern von dem / das noch vn  
sichtbar vnd verborgen ist / Darumb er  
es auch heisset (wie droben gesagt / aus  
dem 16. Psalm) seine verborgene Sches  
ze / Das ist / solcher Segē / hülffe vnd er  
lösung / so wir nicht zu vor erschen noch  
ergriffen habē / sondern in seinem Wort  
zugedeckt / vnd durch den Glauben ge  
fasset wird.

Christus der  
3 ERK  
auch leiblich  
cher gñet  
zu erhal  
tung seiner  
Kirchen.

Sihe / das ist das erste stück dieses  
Euangelij / zur lere vnd trost den Chris  
ten geschehen vnd geschrieben / Das  
Christus auch für leibliche not seiner  
Kirchen forget / das sie erneeret vnd er  
halten werde / ob sie wol in die not kom  
met / da sich alles stellet / als wolt es zu  
grund gehen / vnd scheint / als habe sie  
es alles vergeblich gethan vnd gelidde /  
Wie es denn allenthalben vnd allzeit ge  
schiet / wo das Euangelium angehet / da  
bringes es sein armut mit sich / vnd wil  
gehungert / geblöset vnd gearmet sein /  
Aber dennoch zu letzt / wenn der Teuffel  
ein wenig versäuset / vnd der Welt  
schlund vnd Frass gebüset / Kommet Chri  
stus dazu / vnd spricht / Ich bin dennoch  
auch ein 3 ERK auff Erden / Denn es  
stehet geschrieben Psal. 24. Die Erde ist  
des 3 ERK / vnd was darinne ist /  
etc. Item / Psal. 8. Alles hastu vnter sei  
ne füsse gethan / Schaf vnd Ochsen alzu  
mal / Dazu auch die wilden Thier / die  
Vogel vnter dem Himmel / vnd Fische im  
wasser. Das mus dennoch diesem 3 ERK  
auch gehorsam sein / vnd auch mit  
in Christi Reich gehören / das in dens  
noch die Welt auch sampt den seinen /  
mus mit jr dauon essen lassen.

Aber es mus zu vor gehen (wie ich ge

sagt habe) hunger vnd mangel / Das ist  
S. Petri lediger Kahn vnd netz / wenn  
sie lang gearbeitet haben. Doch gibet er  
inen nach solchem verzug deste reichli  
cher / nicht einen Zuber vol ( daran sie  
inen wol gnügen lieffen ) sondern das  
ganze netz vnd zwey ledige Schiff vol.  
Solches thut auch Christus dazu / das  
dadurch auch der glaube der geistlichen  
hülffe gesterckt werde / Wie er denn dar  
vmb dis zeichen S. Petro vnd den an  
dern zeigt / die er wil zum Apostelampe  
beruffen / nicht allein / das sie glauben  
sollen / er wolle auch iren Bauch verfor  
gen / Sondern / das er auch zu frem  
Ampt seine krafft vnd hülffe wolle er  
zeigen / das es nicht sol vergeblich noch  
one frucht sein.

Durch das  
leibliche  
wunder ster  
cket Chri  
stus auch  
den Glauben  
geistlicher  
hülffe.

## II.

Als ander stück dieses Euan  
gelij / ist die hohe lere / von geist  
licher not vnd kampff des ge  
wissens / vnd was in demselben der rech  
te trost sey. Denn nu S. Petrus dis wun  
der werck Christi sihet / vnd so reichlich  
versorget ist / fehet er erst an zu denken /  
was dieser für ein Man sein müsse / vnd  
dagegen zu halten / was er ist. Da Kommet  
er erst in grösser not / aus diesem reichen  
Segen / denn er zu vor nie gewesen in sei  
nem leiblichen mangel / vnd wird nu  
recht arm vnd blos / das er für schrecken  
schier zu boden sincket / vnd heisse Chri  
stum von jm gehen. Denn er fehet an zu  
fülen seine vnwürdigkeit vnd Sünde /  
vnd mus sich selbe bekennen vnd klagen  
einen armen Sünder.

von rechtem  
trost in geist  
licher not  
des gewis  
sens.

Schrecken  
S. Petri für  
Christus wer  
cker vnwür  
digkeit.

Hie sol er nu selbs ein ander Man  
werden / vnd an jm grösser wunder ges  
chehen / weder an dem fischzug / vnd be  
ginnet nuerst die Predigt Christi ( so er  
zu vor aus dem Schiff gethan ) in jm zu  
würcken / Denn zu vor hat er wol Christo  
zugehört / wie die andern / Aber noch  
keine gedanken darauff gehabt / was er  
für eine Person were / noch etwas / wes  
der zeitliches noch ewig gut / gedacht  
von jm zu erlangen. Erschricket auch  
noch nicht für seinen Sünden.

Aber nu / so er gewar wird des wun  
ders vnd segens / vnd durch das gegen  
wertige werck erferet / was dieser Jhes  
sus für ein Man ist / felt er in die grösser  
beide / des guts vnd der person / vnd sei  
ner vnwürdigkeit / vnd erschricket seiner  
sünde

sünde halben / Denn sein hertz sagt jm / das er solche grosse wolthat nicht verdienet / sondern viel mehr zorn und vngnad bey Gott verdienet habe / Und wird jm angst und bange / nicht von wegen leiblicher armut / wie er erneret werde / Denn dawider ist jm nu geholffen / Sondern wie er fur Gott und diesem Man bleiben möge / der jm / vnwürdigen sündigen Menschen / so grosse wolthat erzeiget.

Das ist der anfang und die weise das zu / das er wil S. Petrum geistlich reich machen / an ewigen gütern / das er auch andern / ja der ganzen Wele könne mit teilen. Da gehets jm eben / wie zuvor / das er erslich mus in geistlichen hunger und not komen / das ist / in schrecken und angst des gewissen / ehe er vergebung der sünden und trost erlanget / Das jm beide / das Schiff und die Welt zuenge wird / und nicht weis / wo er bleiben sol fur Christo / den er jm doch nicht schrecklich / sondern freundlich und hilfflich hat erfunden.

Ad hie sifestu / was da ist ein arm elend gewissen / das seine sünde besinnet recht zu fülen / wie es zappelt / leufft und fleucht fur Gott / so er jm nahe komet / das es wol durch hundert welt lieffe / Wie sich auch Adam im Paradis meinet zu verbergen / Da Gott doch freundlich zu jm spricht / Adam / wo bistu ? Denn solch hertz und gewissen ist zu blöde und schüchtern / das es auch wol allein und bey sich selbs all zu seer erschriekt / und fleucht auch fur einem rauschenden blat / als fur dem Donner und blitz / Denn es kan das vtheil des Gesetzes / welches jm seine sünde und Gottes ewigen zorn zeigt / nicht ertragen. Und hilfft hie nichts / den Menschen zu trösten / das man jm furhelt / was jm Gott fur wolthat zuvor erzeiget und gethan / Sondern erschreckt jm viel höher / weil er siset / das er durch sein vndanckbarkeit und sünde nur grössern zorn verdienet hat.

Ja es haben wol mit dieser anfechtung und schrecken auch jmerdar zu kempffen / die / so da schon den trost der gnade Christi empfangen haben durch den Glauben / Denn die güte und gnade ist zu gros und berschwenglich / Und widerumb / vnser hertz viel zu enge und zu schwach dazu / das es in dem

fülen und ansehen seiner vnwürdigkeit solche grosse güte und barmhertzigkeit solt fassen und begreifen können / Sondern viel mehr sich dafür entsetzet / Darumb thut vns Gott auch die gnade / das er solches verhüllet und zudecket im einfeltigen Wort / und vnter grosser schwachheit.

Wer das ist die leidige vnart vnser Natur / das / wo auch Christus mit seiner gnade und trost zu jr komet / das scheucht und fleucht sie fur jrem heisland / dem sie doch billich solt nachlauffen / blos und barfus / bis ans ende der Welt / Windet und ringet sich / suchet eigen werck / und wolt gern zuvor rein und würdig gnug sein / und durch sich selbs einen gnedigen Gott und Christum verdienen / Wie S. Petrus meinet / damit friede zu suchen und der sünde zu entlauffen / das er von Christo leuffet / und zuvor wil etwas bey jm selbs finden / damit er sein werd werde / das er zu jm kome / Und sellet doch damit nur je tieffer in schrecken und zagen / bis in Christus wider mit seinem Wort ersans reisset.

Wer das geschiet alles / und mus wol also geschehen / wo allein des Gesetzes lere und verstand ist / und noch nicht Christus durch das Euangelium recht oder volliglich erkand wird / Denn des Gesetzes erkentnis ist auch natürlich / in aller Menschen hertz geschriben und gepflanget / wie S. Paulus Rom. 2. sagt / das vns leret / was wir thun sollen / und schuldige vnsern ungeshorsam. Und solchs auff mancherley weise thut / nicht allein mit schrecklichem zeichen und fülen der straffe und Gottes zorns / Sondern auch aus allerley gaben und wercken Gottes / die der Mensch siset und höret / welche jm seine sünde und Gottes zorn anzeigen / das er der selben misbrauchet in Gottes verachtung und ungehorsam / Denn er mus selbs daraus schliessen / das die / so Gott fur seine gaben und güter vndanckbar sind / seines zorns und der verdammis werd sind.

Also sind alle Gottes wolthaten / eitel solche lebendige Predigten (wo sie ein hertz treffen) der Busse / die den Menschen zu erkentnis seiner sünde führen / und also in schrecken werffen / Wie auch S. Paulus abermal Rom. 2. den

m vnbus

Stehen und zagen eines armen gewissen.

Größe der gnaden Gottes / menschlichem hertzen unbegreiflich.

Erkenntnis der sünde bringet schrecken / auch aus den wolthaten Gottes.

Erkenntnis der sünde bringet schrecken / auch aus den wolthaten Gottes.

Gottes wolthat sind eitel vermanunge zur Busse.

## Auslegung des Euangelij

vnbusfertigen / verstockten heuchlern sagt / Verachtestu den reichthum Gotteslicher güt / gedult vnd langmütigkeit? Weissestu nicht / das dich Gottes güt zur Bussse leitet?

Der Antino  
met ner-  
richt surge-  
ben.

**D**Arumb ist nichts / das vnser Antinomer aus diesem Exempel oder der gleichen genckeln / man solle nicht durch das Gesetz / sondern durch das Euangelium (oder) wie sie es nennen / Per uiolationem Filij die Bussse predigen vnd treiben / Vnd verkeren die zwey stück / Reuelationem Gratij vnd Reuelationem Irj. Als solt man zuuor von der Gnade predigen vnd trösten / darnach erst mit dem zorn schrecken / Das ist lauter blind vnd nerricht surgeben solcher Leute / die nicht verstehen / weder was zorn noch Gnade / Bussse oder trost der gewissen sey.

Offenbarung  
Gottes zorns ist  
allein des  
Gesetzes  
Predigt.

**E**s ist alles des Gesetzes Predigt / was da von vnsern sünden vnd Gottes zorn predigt / es geschehe / wie oder wenn es wolle. Widerumb ist das Euangelium um solche Predigt / die nichts anders / denn Gnade vnd vergebung in Christo zeigt vnd gibt. Wiewol es war vnrecht ist / das die Apostel vnd Prediger des Euangelij (wie auch Christus selbs gethan hat) die Predigt des Gesetzes bestetigen / vnd an der selbigen anhaben / bey denen / die noch nicht ire sünde erkennen / noch für Gottes zorn erschrocken sind / Wie er Johan. 16. sagt / Der heilige Geist wird die Welt straffen / vmb die Sünde etc. Ja / was ist für ein ernstlicher schrecklicher anzeigung vnd Predigt Gottes zorns vber die Sünde / denn das leiden vnd sterben Christi seines Sons?

**W**er so lange bis alles Gottes zorn predigt / vnd den Menschen schreckt / so ist es noch nicht des Euangelij noch Christi eigene Predigt / sondern Mose vnd des Gesetzes / vber die vnbusfertigen / Denn das Euangelium vnd Christus ist je nicht geordnet noch gegeben zu schrecken noch zu verdammen / sondern die / so erschrocken vnd blöde sind / zu trösten vnd aufzurichten. Vnd folget doch das daraus / das der Mensch / wo das leiden Christi recht in sein hertz feller / wol von im selbs mus darin sehen / vnd fülen den vntreglichen zorn Gottes vber die Sünde / vnd dauon erschreckt werden / das im die Welt zu enge wird / Wie auch

Leiden Christi  
ist das  
schrecklich-  
ste bilde den  
vnbusfertigen.

S. Bernhard zeiget / das im selbs geschehen sey / da er das leiden Christi recht angesehen / vnd spricht / Ah / ich meinete / ich were sicher / vnd wuste nicht von dem vrteil vnd zorn / der vber mich gegangen war / bis das ich sahe / das der einige Gottes Son für mich musste dahin treten etc.

**D**enn es ist dis bilde so schrecklich / das auch die verdampften in der Helle kein grösser pein vnd fülen Gottes zorns vnd verdamnis werden haben / denn von diesem ansehen des sterbens des Sons Gottes / welches sie haben lassen an inen verloren sein / Wie auch Judas der Verrhete / da er nicht wolt des HERRN Christi freundliche vermanung vnd warnen hören noch bedenscken / was er an im thete / zu letzt dens noch / durch diesen blick in solch schrecken getrieben ward / das er selbs im das Gesetz vnd verdamnis predigt / da er sprach / Ich habe das vnschuldige blut verrhaten etc.

**A**l so predigt im auch allhie S. Petrus selbs das Gesetz von seiner sünde vnd Gottes zorn / eben aus dieser grossen wolthat Christi / Denn er kan auch nicht anders / denn zorn vnd schrecken vmb seine vnwürdigkeit gegen Gott / daraus nemen / Denn er hat noch keinen andern verstand in seinem hertzen / denn des Gesetzes / welches zeigt / das Gott den Sünden feind ist / vnd sie straffen wil. Aber von der Gnade Christi weis er noch nichts / welche durchs Euangelium allen Sündern vmb sonst geschenckt wird / hette auch nicht können dazu komen / sondern hette in seinem schrecken verzweueln müssen / wo nicht Christus im ein andere Predigt thete / damit er in eröstet vnd auffrichtet / Denn diese lere vnd verstand kan ein Mensch nicht also von im selbs ergreifen on die offenbarung des heiligen Geistes / durch das Wort des Euangelij.

S. Petrus  
predigt im  
selbs das  
Gesetz aus  
der wolthat  
Christi.

**D**arumb ist der keines recht / das die vnuerstendigen Geister surgeben / das man nicht solle das Gesetz predigen im neuen Testament / oder das man erst durch das Euangelium solle die Leute mit Gottes zorn schrecken / so man zuuor Gnade verkündigt hat / Denn das Euangelium gewislich keinen zorn predigt / noch in schrecken vnd angst füret / Sondern

Sondern komet allein die gewissen zu trösten.

Rechte ordnung Christi licher Predigt erstlich zu schrecken/ darnach zu trösten.

Das ist aber die ordnung / so die Schrift allenthalben zeigt vnd heilt / das allzeit vor dem trost der Vergebung mus die Sünde erkand / vnd schrecken für Gottes zorn empfunden werden / durch die Predigt oder fülen des Gesetzes / auff das der Mensch getrieben werde nach der gnade zu seuffzen / vnd geschickt werde / den trost des Euangelij zu empfangen. Darumb sol man die / so noch on alle furcht Gottes zorns sicher / hart vnd vngebrochen sind / nur auffstärckest mit drewen vnd schrecken des selbst / zur Busse vermanen vnd treiben. Das ist / kein Euangelium / sondern lauter Gesetz / vnd Moses inen predigen.

Erschrockenen gewissen sol man kein Gesetz predigen.

Widerumb / wo nu solche hertzen sind / in welchen das Gesetz sein Ampt gewircket / das sie durch erkentnis ihrer sünde erschrocken / blöde vnd flüchtig sind / denen sol man als denn kein Gesetz mehr / sondern das lauter Euangelium vnd trost predigen vnd sagen / Denn das ist eigentlich das Ampt Christi / da zu er komet ist / vnd das Euangelium hat heissen predigen allen armen Sündern / vnd befohlen dem selbst zu glauben / das er alle anklage / schrecken vnd drewen des Gesetzes auffhebe vnd weg neme / vnd dafür eitel trost gebe / Wie er allenthalben im Euangelio zeigt / vnd aus dem Propheten Jesais sagt / Der Geist des HERRN ist bey mir / darumb hat er mich Gesand / das Euangelium zu predigen / vnd zu trösten alle traurigen. Darumb hab ich oft gesagt / das man sol Moses nicht regieren lassen in solchen gewissen / die in anfechtung vnd furcht für Gottes zorn sich engsten / sondern Moses mit dem ganzen Gesetz schlecht von sich weisen / vnd nicht herten wollen.

Luce 4. Esa. 61.

Predigt des Gesetzes auch den Christen not vmb irdisches willen.

Aber hieneben ist das auch zu wissen / das die lere des Gesetzes / auch bey denen / so Christen sind / dennoch nicht mus gar abgethan werden / Sondern / weil es vmb die Christen noch also gehan ist / das sie noch in fleisch vnd blut leben / welches sich mit sündelichen lusten reget / vnd der halben in teglicher Busse bleiben müssen / So bedürffen sie noch hiezü solcher Predigt vnd vermanung / das sie nach empfangener vergeltung der sünde nicht wider sicher wer-

den / noch dem fleisch wider den Geist raum lassen / Gala. 5.

Also gehets hie auch zu mit S. Offenbarung des Petro / Der hat jzt in diesem schrecken noch gar keine offenbarung oder erkentnis der Gnaden vnd vergeltung der sünde / sondern die offenbarung des zorns in ihm wircket vnd treibt / das er auch für Christo fleuhet / Welches er gewislich nicht thete / wo er in recht kennete. Aber es ist auch Christus jzt in dem werck mit ihm / das er wil einē rechten Christen aus ihm machen / vnd in erfahren lassen / was rechter trost sey des gewissens / da durch des Gesetzes schrecken vberwunden wird / vnd der einen Menschen kan aus der sünden not zu gnaden vnd seligkeit / aus dem Tod ins Leben / aus der Helle gen Himel / heben / Darumb mus er zuvor auch recht schmecken / was des Gesetzes krafft sey / welches nicht Christus / sondern Moses durch die zehen Gebot / in seinem hertzen erregt vnd wircket.

Offenbarung der gnade Christi gegen S. Petro in seinem schrecken.

Je sibe nu / wie Christus solcher erschrockenen hertzen vnd gewissen so freundlich tröstet / Fürcht dich nicht (spricht er) denn von nu an soltu Menschen sehen. Das ist die rechte liebliche stimme dieses Heilands / gegen allen / die da ihrer sünde halben in furcht vnd schrecken sind / Denn wo solche sind / die wil er nicht weiter in furcht vnd angst gesteckt habē / sondern nur schlecht alles erschrecken des Gesetzes von ihnen genommen / Vnd weist sie / das sie vmb ihrer sünde willen nicht von ihm fliehen / sondern mehr zu ihm lauffen sollen / Das man in lerne kennen / als den lieben Heiland / so eben darumb komet / nicht die armen Sünder von sich zu stoßen / sondern zu sich zu locken / vnd sie mit trost vnd hülffe reich vnd selig zu machen / Wie er auch spricht Luce 19. Des Menschen Son ist komet zu suchen vnd selig zu machen / das verloren war. Item / Christus ist in diese Welt komet / die Sünder selig zu machen / welcher ich der fürnemest bin / spricht S. Paulus 1. Timoth. 1.

Christi tröstliche stimme / Fürcht dich nicht.

ER gibt aber nicht allein dem erschrockenen Petro den trost / mit dem freundlichen Wort / damit er ihm seine gnade zuspricht / vnd die Absolution gebe / Sondern feret fort / solchen trost zu stercken

Christus tröstet nicht allein die gewissen / sondern gibt auch reiche gnade vnd gabe.

## Auslegung des Euangelij

cken mit einer grossen verheissung / das er noch viel mehr vnd grössers denn er zuvor von jm empfangen / jm geben / vnd bey jm thun wil / Damit er sein hertz vnd liebe gegen jm spüren vnd erfahren müsse. Von nu an (spricht er) soltu Menschen fahen. Das heisse je reichlich getröstet vnd begnadet / das er seiner vnwürdigkeit vnd sünden halben nicht sol sich erschrecken lassen / Denn er nicht allein vergebung der sünden haben sol / sondern wissen / das Gott auch viel grösser ding durch in ausrichten wil / das er auch andern tröstlich vnd hülflich sey.

**ES** ist viel zu wenig / vnd nichts (wil er sagen) am fischzug / den du jzt gethan hast. Du solt forthin viel ein ander Fischer werden / in einem andern Meer / vnd mit andern netz vnd Schiff / Denn ich wil dich in ein solch Ampt setzen / das da sol heissen / Menschen fahen / Das ist / die Seelen / so weit die Welt ist / aus des Teufels gewalt in Gottes reich bringen. Da soltu erst ein solcher nüglicher Man werden / der da kan allen Leuten helfen / wie dir geholfen ist.

**ALSO** lasst vns nu auch aus diesem Euangelio Christum vnd die krafft seines trosts recht erkennen vnd fassen / damit wir beide / vns vnd auch andere mögen trösten / Das man die gewissen / so in nöten vnd schrecken sind / lere vnd erinnere / bey leib nicht von Christo zu lauffen vnd zu fliehen / sondern viel mehr zu jm fliehen / vnd seines trosts zu gewarten / Denn solch fliehen vnd schrecken ist nichts anders / denn dein eigen heil vnd seligkeit von dir sagen / Denn er ist je nicht darumb da / das er dich schrecken wil / sondern das er deine sünde vnd not von dir nemen wil / Kommet auch nicht zu dir / vnd gehet dir nach / das er dich verjage / sondern das er dich freundlich zu sich locke.

**DARUMB** mustu jm nicht die vnehre thun / das du in von dir schlagest / oder den trost / so er dir bringet / dir selbs zu schrecken vnd verzweinelung wollest verkeren / Sondern viel mehr mie aller zuversicht zu jm zulauffest / So wirstu auch bald hören das fröliche / tröstliche Wort (Fürcht dich nicht) damit er dir vnd allen betrübten gewissen ins hertz redet / Vnd die Absolutio von allen sünden spricht / vnd alles schrecken hinweg

nimet / Ja / das er dich dazu auch viel reichlicher begnaden wil / das du ein heiliger / seliger / vnd nützer Mensch werdest / in seinem Reich / der da auch ander Leute könne trösten / vnd jm zubringen / die da gleich / wie du jzt / auch erschrocken / trosts vnd gnade bedürffen.

**ALSO** siehestu / wie der Mensch aus der geistlichen armut vnd not komet / das ist / vergebung der sünden vnd friede des gewissen erlangt / durch dis Wort Christi / vnd dazu gnade vnd mehrung der geistlichen gaben / on alle eigen verdienst vnd würdigkeit / sondern aus lauter gnaden Christi / Gleich wie in dem leiblichen wunder des fischzugs / Welchen sie nicht vmb jrer arbeit willen erlanget / sondern nicht ehe / denn sie zuvor jre arbeit vnd mühe verloren / vnd daran verzweuelte haben / gegeben wird.

**WER** doch / gleich wie er dort nicht wil die arbeit verboten haben / sondern alle werck heisse sie erst die netze auswerffen / vnd einen zug thun / Also wil er auch hier nicht die werck auffheben / ob wol S. Petrus damit nicht gnade vnd vergebung verdienet / Sondern nu sie jm vmb sonst geschenkt ist / wil er in gleichwol nicht on werck vnd arbeit hin gehen lassen / Ja / er legt jm erst das Ampt vnd werck auff / das er sol ander Leute zu bringen / Vnd gibt jm den trost / weil er jm solch Ampt aufflege / das er jm auch krafft vnd segnen dazu geben wolle / Denn ich (spricht er) wil dich zu einem Menschen Fischer machen. Also ist bei des recht geleeret / der Glaube / der nichts durch werck verdienet / Vnd doch allerley werck seines stands vnd Ampts that / nach Gottes Wort vnd befehl.

### III.

**Die** deutung dieser geschicht des fischzugs S. Petri / hat Christus selbs gezeigt / mit dem Wort / so er spricht / Von nu an soltu Menschen fahen. Das darin furgelbdet ist das geistliche Regiment der Kirchen / welches stehet im Predigampt / Denn das Meer oder wasser ist die Welt / Die fische sind die Menschen / Die faust vnd das netz / damit die fisch gezogen werden / ist das eusserliche Predigampt. Denn gleich wie das netz vnter das wasser geworffen wird / also gehet die predigt vnter die Leute. Aber solch

Blöde gewis-  
sen wil  
Christus zu  
sich gelockt  
haben.

Christeige-  
ne stimme /  
Fürcht dich  
nicht.

Deutung  
des fisch-  
zugs etc.

Zweierley  
Predig-  
ampt.

Solch Predigampt ist zweierley / Eines / das da on Christo wil die Menschen gewinnen / Das ist des Gesetzes Predigt / welches allein fordert vnser werck / vnd ent weder vermessene Heiligen machet / die im wilden weiten wasser wollen frey vngefangen gehen / vnd nicht erzu kommen / Oder die Gewissen / so on das blöde vnd schwach sind / nur erschreckt vnd von sich jaget.

Krafft des  
Predig-  
ampts / so  
Christum  
predigt.

Darumb alle arbeit vnd mühe / der gangen nacht (des Gesetzes) vergeblich vnd verloren ist / bis so lang Christus dazu kommet mit dem andern Predigampt / vnd bringet mit sich den tag vnd offenbarung des tröstlichen frölichen Euangelij / so die hertzen erleuchtet mit erkentnis der gnade Gottes / Vnd heisset als denn das netz auswerffen / vnd einen zug thun. Wo nu solchs auff sein Wort vnd befehl geschiet / da bringets denn grosse reiche frucht / Denn die hertzen nu willig vnd gerne herzu kommen / zum gehorsam des Glaubens Christi / ja sich selbst darnach dringen / leit vnd leben daran setzen / Wie Christus Matth. 11. sagt / Von der zeit Johannis an / leidet das himelreich gewalt / vnd die gewalt thun / reissen es zu sich.

Euangeli-  
um bringet  
beide Jüden  
vnd Heiden  
erzu.

Dieser fischzug ist so reich / das hie nicht das eine Schiff (welches ist bisher gewesen die Kirche des Jüdischen Volcks) gnug dazu ist / den selbst allein eraus zu bringen / vnd zu behalten / Sondern diese müssen auch denen im andern Schiff lin dazu ruffen / das sie inen helfen. Das ist die samlung vnd Kirche aus der Heiden schafft / so durch die Apostel auch angerichtet vnd ausgebreitet ist. Vnd also beide Schiff mit einerley fischzug / das ist / einerley Predigt vnd gleichem Glauben vnd bekentnis / gefüllet werden.

Über dieser fülle fehlet das netz an zu reissen / das etliche eraus fallen / Das

sind die / so nicht rechtschaffen sind / noch bey dem Euangelio bleiben / sondern sich selbst auswerffen / lieber in irem freien wilden wasser dahin faren / denn sich Christo vntergeben / Wie sonderlich vnter den Jüden viel waren / so dem Euangelio nicht gehorchten / vnd widersprachen / Vnd hernach / alle / die da eigen Secten vnd Kotten anrichten / Die müssen vnd können nicht bleiben in der samlung der Kirchen / bey dem rechten heufflin Gottes Volcks / sondern sich selbst an tag geben / das sie vntüchtig sind / Wie S. Paulus 1. Corinth. 11. sagt / Es müssen Kotten vnd Spaltung sein / auff das die / so rechtschaffen sind / offenbar werden / Darumb müssen die selbst ausfallen / weil man die andern aus dem netz zusammen bringet / Welche werden in die beide Schiff gelegt / vnd also in der einigkeit der Kirchen des Glaubens Christi erhalten / das sie nicht wider entfallen / Sonst weren sie in gleicher fahr / das sie zu letzt durch die andern Kotten verführt / mit inen ansfallen müssen.

Kotten / so  
das netz zu  
reissen vnd  
ausfallen.

Vnd ob wol das Predigampt (wie das netz) mus leiden / zu dem / das es im wasser gehet vnd nass wird (durch allerley anfechtung vnd verfolgung der Welt) das es auch zurissen wird / vnd nicht bey allen kan nutz vnd frucht schaffen / So folget doch gleichwol reiche Krafft vnd frucht / bey denen / die da bleiben vnd behalten werden. Das ist auch vnser trost / das wir wissen / wir werden nicht alle Leute from machen / denen wir predigen / noch ob dem Ampt on verfolgung bleiben / Ja / es werden viel auch dere / die wir gewis meinen im netz zu haben / eraus fallen / vnd Christus dennoch die seinen durch vnser Ampt wird erzu bringen vnd erhalten.

# Am sechsten Sonntag nach

Trinitatis / Epistel / Rom. 6.



**W**isset jr nicht / das alle / die wir in Ihesum Christ getaufft sind / die sind in seinen tod getaufft: So sind wir je mit im begraben durch die Tauffe / in den tod / Auff das / gleich wie Christus ist auffgeweckt von den todten / durch die herrlichkeit des Vaters / Also sollen auch wir in einem neuen leben wandeln.

So wir aber sampt Im gepflantzet werden / zu gleichem tode / so werden wir auch der auffstehung gleich sein / Dieweil wir wissen / das vnser alter Mensch sampt im gecreuzigt ist / auff das der sündliche Leib auffhöre / das wir hinfurt der Sünde nicht dienen / Denn wer gestorben ist / der ist gerechtfertigt von der Sünde.

Sind wir aber mit Christo gestorben / so glauben wir / das wir auch mit im leben werden / Vnd wissen / das Christus von den todten erweckt / hinfurt nicht stirbet / Der Tod wird hinfurt vber in nicht herrschen / Denn das er gestorben ist / das ist er der Sünde gestorben / zu einem mal / Das er aber lebet / das lebet er Gotte. Also auch jr / haltet euch dafur / das jr der Sünde gestorben seid / vnd lebet Gotte / in Ihesu Christo vnserm HERRN.



**I**n dieser Epistel leret S. Paulus die Christen von Christlichem leben auff Erden / vnd hengeret daran die hoffnung des andern zukünftigen ewigen Lebens / darauff sie getaufft vnd Christen worden sind / Denn er machet aus diesem leben auff Erden ein sterben / ja auch ein Grab / doch dahin gerichtet / das hinfurt ein ander wesen der auffstehung vnd neues lebens in vns erfinden werde. Vnd komet auff diese lere aus der vrsache / Denn es gehet allzeit also in der Welt / Wenn man predigt von der gnade vnd vergebung der sünden / on alle vnser verdienst / vns geschenckt / so wollen die Leute danon frey werden / vnd keine werck thun / denn was sie gelüftet.

Also gieng es S. Paulo auch / da er die gnade Christi so hoch vnd tröstlich daher preiset / wie er kurz zuvor im 5. Capitel spricht / Je grösser vnd mechtiger die Sünde sey / je mechtiger sey auch die Gnade worden / Das / wo grosse vnd viel sünde sey / da sey vnd herrsche auch grosse / viel vnd reiche Gnade. O ist das war (sprach der rohe hauffe) das auff grosse sünde grosse gnade folget vnd gegeben wird / so wollen wir nur getrost sünde auffladen / vnd leichtlich der sachen helfen / das wir auch desto mehr vnd grösser gnade mögen haben.

Solchen begegnet nu S. Paulus / mit dieser Verlegung / vnd spricht / Es sey nicht die meinung des Euangelij / das es sünde lere oder zu sünden erlenbe / sondern eben das widerspiel leret es / wie man der Sünde vnd des schrecklichen Gottes zorns vber die Sünde / los werde. Welches geschiet nicht also / das wir durch vnser werck solches zu wegen bringen / Sondern das vns Gott aus lauter gnaden die Sünde vergibt / vmb seines Sons willen / Denn er findet auch an vns nichts / denn eitel sünde vnd verdammis. Wie kan denn diese lere vrsach geben oder erlenben zu sünden / So sie vnd doch stracks der Sünde widerwertig ist / vnd leret / wie die selbe getilget vnd abgethan weede.

DEnn

Wie die Gnade durch die Sünde gros wird.

**D**enn S. Paulus hat je nicht geleret / noch gesagt / das die Gnade durch die Sünde erworben werde / oder das vnser sünde gnade bringe / Sondern das widerspiel sagt er / das Gottes zorn von Himel / vber die sünde aller Menschen offenbaret werde / Aber weil die sünde der Menschen / gros vnd schwer vnd seer viel sind / die da weggenommen werden / darumb mus da auch grosse / mechtige / starke vnd reiche gnade sein / welche die selbe alle erseuffe vnd vertilge / Gleich wie man sagen möchte / Wo der durst gros vnd stark ist / da gehöret auch ein grosser stärker trunck zu / Wo das feur gros gewest ist / da haben noch viel grösser vnd stercker wasser güsse sein müssen / dadurch es ist gelescht worden / wo die krankheit gros vnd schwer ist / da ist die erzney viel stercker vnd krefftiger.

**D**araus wird nicht folgen / das du auch der gleichen genckeln wollest / Lassst vns nur getrost / voll sauffen / auff das vns deste mehr nach gutem Wein dürste / Oder vns selbs schaden thun / vnd zu krankheit vrsach geben / auff das die Erzney deste krefftiger vnd hülfflicher sey / Also / vnd viel weniger / kan auch nicht folgen / das man solle der sünden viel aufftragen / vnd heuffen / auff das wir deste mehr vnd grösser gnade haben / Denn die Gnade ist wider die Sünde / vnd frisset sie auff / wie solt sie denn dieselbige stercken vnd mehren ?

**D**arumb sehet er nu diese Predigt an mit dem sechsten Capitel / vnd spricht / Was wollen wir nu sagen ? Sollen wir denn in der Sünde beharren ? / auff das die Gnade deste mechtiger werde ? Das sey ferne. Wie solten wir in sünden wollen leben / der wir abgestorben sind ? Als wolt er sagen / Wie kan das beinander stehen / vnd gesagt werden / weil die Gnade die sünde in euch tödtet vnd würgt / das jr nu solt der selben leben ? Vnd solchs weiter zu verklären vnd auszu streichen / feret er fort / vnd spricht /

Wisset jr nicht / das alle / die wir in Ihesum Christum getaufft sind / die sind in seinen tod getaufft ?

**A**s redet er also mit gemalten / geblümerten worten / das er vns diese sache klar vnd wol einbilde / Sonst were es wol gnug an dem

gewest / So wir der sünde abgestorben sind / wie sollen wir denn in der selben leben ? Das ist / Weil jr durch die Gnade von sünden errettet seid / so würd sie je euch nicht weiter heissen sündigen. Denn sie je darumb da ist / das sie die Sünde tödte.

**W**er er wil vns erinnern mit diesen worten / vnd gleich fur die augen stellen / was Christus vns gethan vnd gegeben hat / Vnd also sagen / Dencket doch hinfurder euch / woher jr Christen seid / Denn jr seid ja getaufft auff Christum ? Wisset jr nu / warumb vnd wozu jr getaufft seid / vnd was es bedeutet / das jr vnter das wasser getaucht / das es vber euch zusammen gangen / Nemlich / nicht allein / das jr da gewaschen vnd gereinigt seid / nach der Seele / durch vergebung der sünden / sondern auch damit ewer fleisch vnd blut zum tode verurteilt vnd vbergeben ist / das es gar ersauffen sol / das hinfurter ewer leben auff Erden / sey ein stetig sterben der Sünde / Denn ewer Tauffe ist auch nichts anders / denn ein würgen der Gnade (oder gnediges würgen) dadurch die Sünde an euch erseuffet / damit jr vnter der Gnade bleibet / vnd nicht durch die Sünde vnter Gottes zorn verderbet.

**D**arumb / so du dich teuffen lest / so gibstu dich in das gnedige erseuffen / vnd barmherzige töden / deines lieben Gottes / Vnd sprichst / Erseuffe vnd würge mich / lieber HERR / Denn ich wil nu fort gerne mit deinem Son der Sünde gestorben sein / auff das ich auch mit jm durch die Gnade leben möge.

**D**as er aber spricht / Die in Christum getaufft sind / die sind in seinen tod getaufft. Item / Wir sind mit jm begraben in den tod / Das ist auff seine paulische weise geredt / von der krafft der Tauffe / welche in jr wircket der tod Christi / Denn wie er durch seinen tod fur vns ser sünde bezalet / vnd also sie weggenommen / das sein tod ist gewest ein würgen vnd sterben der Sünden / das sie kein recht noch macht an jm hat / Also auch wir vmb seines tods vnd sterbens willen vergebung der sünden haben / vnd also auch der Sünde sterben / durch die selbe krafft / das sie vns nicht mus verdamnen / weil wir in Christum getaufft sind / dadurch er vns solche seine krafft mittheilet / vnd in vns wircket.

**J**A (spricht er weiter) Wir sind nicht

m. iij. allein

Werk vnd deutung der Tauffe.

Tauffe ein gnedig töden der sünde.

Der tod Christi wird durch die Tauffe.







## Auslegung der Epistel

noch im vnglaubē/ Gottes verachtung vnd ungehorsam ist/ beide/ in inwendigen vnd auswendigen stücken. Der heisset Alle / nicht der jar halben / denn es kan wol sein ein frischer/ starcker/ junger Mensch / on Glauben vnd Geist/ der Gott nicht achtet/ geizet vnd pranget/ oder lebt in hoffart vnd vermessenheit seiner weisheit vnd gewalt etc. Sondern darumb / das er noch vnbekehrer/ vnd gar nicht anders worden/ denn wie er in der Sünde von Adam komet. Das ist so wol ein Kind von einem tag/ als ein Man von achtzig jaren / Denn wir heissen alle also von Mutter Leib/ Vnd je mehr er viel sünde hat/ je elter vnd vnächtiger ist er für Gott.

Alter Mensch muss gecreuzigt werden.

Dieser alter Mensch / der muss (spricht S. Paulus) schlecht gecreuzigt/ das ist/ gar verdampt/ hingerichtet vnd abgethan sein/ auch noch in diesem leben / Denn wo der noch lebet vnd kreffrig ist / da kan kein Glaube noch Geist sein / vnd bleibe der Mensch noch gar in sünden/ vnter Gottes zorn ersoffen/ vnd in bösem gewissen/ so den Menschen verdampt/ vnd nicht lesse zu Gottes Reich komet.

Neuer Mensch in den Christen.

Widerumb/ Neuer Mensch heisset der / so nu durch die Busse sich zu Gott bekeret / vnd hat nu ein ander hertz vnd verstand / denn zuuor / anders glaubet vnd lebet nach Gottes Wort vnd willen / durch den heiligen Geist. Der muss nu in allen Christen erfunden werden/ wie er denn in jnen anseheth in der Tauffe/ oder sonst in der Busse vnd bekerung/ Das er dem alten Menschen vnd seinen sündlichen lüsten durch den heiligen Geist widerstehe vnd dempffe / wie S. Paulus Gal. 3. sagt/ Die in Christo sind/ die haben jr fleisch gecreuzigt / mit seinen lüsten etc.

Leib der Sünden.

Wo / ob wol in denen/ die nu neue Menschen sind/ der alte Mensch gecreuzigt ist / so bleibe doch noch da an jnen in diesem leben (spricht S. Paulus) der Leib der Sünde. Das sind die vberigen lüste von dem alten Menschen/ so sich noch in fleisch vnd blut regen vnd gefühet werden / vnd gerne wolten dem Geiste widerspenstig sein. Aber weil da das heubt vnd das leben der Sünden getödtet wird / so müssen sie den Christen nicht schaden / Doch also/ das sie gleich wol derselben nicht vnterthan vnd ges

horsam werden / damit nicht der alte Mensch wider auffkome / sondern der neue Mensch die oberhand behalte/ vnd die vberigen sündlichen lüste auch geschwecht vnd gedempffet werden. Darumb dieser Leib auch muss endlich verwesen / vnd zu aschen werden / auff das die Sünde gar darin auffhöre/ vnd nichts mehr sey.

Darumb (spricht er) so ir nu bereit an / beide / nach dem Geist vnd neuen Menschen der Sünden gestorben / vnd dazu auch nach dem Leib dem Tod zugesprochen seid / müsstet ir euch nicht mehr die Sünde lassen vnter jren gehorsam bringen / das sie nicht widerumb euch beschuldigen oder verdammn möge / Sondern also leben / als die nu gar von jr los vnd frey seien/ vnd vber die sie kein recht noch gewalt mehr hat.

Dem es heisset/ Wer gestorben ist/ der ist gerechtfertigt oder los von der Sünde. Das ist von allen toden gesagt. Wer da gestorben ist / der hat für seine sünde bezalt/ vñ darff nicht mehr darumb sterben / Denn er thut nu nicht mehr böse werck vnd sünde. Also/ wenn die Sünde im Menschen getödtet ist/ durch den Geist / vnd dazu auch der Leib oder das fleisch mit seinen sündlichen lüsten stirbet vnd auffhöret / so ist der Mensch nu ganz von sünden los vnd frey etc.

Wer tod ist/ der ist gerechtfertigt von der Sünde.

**S**ie / also fasset S. Paulus der Christen leben vnd wesen auff Erden/ gar in den tod Christi/ vnd stellet sie dar/ als die nu tod vnd begraben im sarck ligen / Das ist / von dem leben der sünden auffgehört / vnd nichts damit zu schaffen haben. Vnd heisset/ jnen die Sünde / vnd widerumb/ sie der Sünde gestorben / weil sie nicht mehr in solchem sündlichen leben der Welt erfunden werden. Ja/ sie sind nu zwey mal oder zwiefachrig gestorben / Ein mal / geistlich der Sünde/ welches ist ein gnedig / tröstlich vnd selig sterben (wiewol es fleisch vnd blut weheth vnd sawr wird) vnd ein lieblicher/ süßer tod / Denner bringet dagegen ein tel himlisch/ rein/ vollkomet / ewig leben/ Zum andern auch leiblich/ welches ist nicht ein tod / sondern mehr ein seuberlicher sanffter schlaff.

Zweyterley sterben der Christen.

Darumb seid ir (wil S. Paulus sagen)

Geistlich sterben der Sünden ein seliger tod. gen) aus der massen selig / das jr schon dem tod (durch solch sterben der Sünde in Christo) entlauffen seid / vnd keinen tod mehr habt / Denn der erste / so euch von Adam angeerbet war durch die Sünde (das ist der rechte bittere/ewige tod) ist schon euch genommen / vnd seid nu mehr deshalb gar on tod. Aber doch müßt jr gleichwol auch noch einen tod haben (weil jr noch auff Erden vnd Menschen seid von Adam her) solt es auch nur ein gemalter tod. sein.

Durch sterben der Sünden die Christen gar vom tode erlöset. Das gehet also zu. Der erste tod von Adam her / der sol abe sein / vnd gewechselt in einen geistlichen tod. / das durch wir der Sünde sterben / also / das die Seele keine sünde willige / vnd der Leib keine mehr thue / Vnd also schon fur den tod / welchen die Sünde vber vns gefüret hatte / das ewige leben in euch angefangen. Weil jr nu von dem schrecklichen verdammlichen tod frey seid / so nemet diesen süßen / heiligen / seligen tod an / so der sünden stirbet / das jr euch fur sünden hütet / vnd jr nicht dienet / Denn dis sol der Tod Christi in euch wircken / darein jr getaufft seid / das solche Tauffe auch einen tod mit jr bringe / weil Christus selbs darumb gestorben / vnd darumb euch zu teuffen befohlen / das die Sünde in euch erseuffet werde.

Leiblich sterben der Christen ein süßser Schlaf. Das ander Todlin / ist nu das eufferlich leiblich sterben (welchs die Schrifft nennet einen Schlaf) diesem Fleisch auffgelegt / darumb / das es nicht auffhöret (weil wir auff Erden leben) dem Geist vnd seinem leben zu widerstreben / Wie S. Paulus Galat. 5. sagt / Das Fleisch gelüftet wider den Geist / vnd den Geist wider das Fleisch. Die selbigen sind widereinander / das jr nicht thut was jr wollet.

Denn der Geist oder Seele sagt / Ich bin der Sünden tod / vnd wil nicht mehr sündigen / Das Fleisch sagt / Ich bin noch nicht tod / Ich mus meines lebens brauchen / weil ichs habe / Der Geist sagt / Ich glaube / das mir Gott meine sünde vergeben / vnd von mir genommen hat / durch Christum / Dagegen sagt der Leib / Was weis ich von Gott vnd seinem willen? Die Seele sagt / Ich mus milde / züchtig / keusch / demüthig / gedültig sein etc. vnd nach dem künfftigen leben trachten / Das Fleisch belfert

dawider / Ey / was Himel? hette ich hie mehl vnd brot / g. le vnd guts gung etc.

Also thut allzeit das Fleisch / so lang es hie lebt / dehnet vnd zuecht die Sünde nach sich / wehret sich / vnd wil nicht sterben / Darumb mus zu letzt Gott das auch hinrichten / das es seinen tod auch habe von der Sünden. Vnd ist doch dieses auch ein feiner sanfter tod / vnd war hafftig nicht anders denn ein Schlaf / Denn es sol nicht im tode bleiben (weil die Seele vnd Geist nicht mehr im tode ist) Sondern wider erfur / ausgereinigt vnd geleutert am Jüngsten tage / wider zum Geist komen / da es wird ein feiner / reiner / gehorsamer Leib sein / on alle sünde vnd böse lust.

Darumb sind diese wort S. Pauli / ein fein schön Christlich gemelde / so vns den Tod nicht schrecklich / sondern tröstlich vnd lieblich furstellet vnd bildet. Denn / wie künde er in lieblicher massen / weder also / das er jm zeigt weggenommen alle seine kräfte vnd schensliche gestalt / Vnd in dem tod leben vnd freude dar gestellet? Was ist bessers vnd liebers / denn los werden der sünden vnd aller straffe vnd jamers der selben / vnd ein fein frölich / rugig hertz vnd gewissen haben? Denn / wo die Sünde vnd rechter Tod ist (das ist / fülen der sünde vnd Gottes zorns) da ist dagegen solch schrecken vnd zagen / das ein Mensch dafür möchte durch eiserne mauren laufen (vnd wie Christus aus dem Propheeten Osea sagt) wünschen vnd bitten / das alle berge vnd hügel auff in fielen vnd in bedecken.

Dieser schrecklicher tod (welchen heisset die Schrifft den andern tod) ist nu hinweg genommen den Glaubigen / durch Christum / vnd verschlungen in seinem leben / vnd dafür gelassen ein klein todlin / ja einen zucker tod / da ein Christ stirbet nach dem Fleisch / das ist / aus dem vnglauben zum Glauben / aus der vberigen sünde zu ewiger gerechtigkeit / aus allem jamer / trawrigkeit / anfechtung / zu aller ewiger freude komet.

Solcher tod ist süßer vnd besser / denn kein leben auff Erden / Denn so frölich kan alles leben / gut / lust vnd freude dieser Welt nicht machen / als mit gutem gewissen sterben / im gewissen Glauben vnd trost des ewigen Lebens / Das wol mit warheit solch sterben

Das Fleisch mus auch der Sünde sterben.

Der Tod den Christen tröstlich vnd lieblich surgebildet.

## Auslegung der Epistel

ben des Leibs heisset nicht anders/denn in einen sanfften / süßen schlaff gelegt/ dazu / das er auff höre von sünden/ vnd den Geist nicht mehr hindere/ noch vn-  
 rugig mache / vnd also auch gereinigt/ der sünden gar los werde/ in dem gehorsam / freude vnd leben des Geistes wider erfur kome / durch die auffserstehung.

Vnuerstand  
 des Flei-  
 sches/ so  
 noch für  
 dem tod er-  
 schricket.

Wer es feilet vns allein daran/das ist das vnuerstendige Fleisch solches nicht begreiffen kan/ erschricket noch für der Laruen des Tods/vnd meinet/es leide noch den alten tod/Denn es verstehet nicht das geistliche sterben der Sünde/ kan nicht anders richten / denn wie es fület vnd sihet / das der Mensch vmb komet / vnd vnter der Erden verweset vnd verzeret wird. Solche scheusliche vnd heusliche laruen für seinen augen/ machet/das es nicht hinan wil/Vnd ist doch allein seines vnuerstands schuld/ sonst würde es sich freilich nichts dafür fürchten noch grawen lassen.

Denn es ist hie der Vernunft gleich wie einem Kind / das mit einem scheusal oder laruen erschreckt ist / vnd dafür nicht kan einschlafen / noch sich einsaufen lassen. Oder wie einem armen Menschen / dem seine sinne verrückt sind / vnd meinet / wenn man in zu bette bringet/ man wölle in ins wasser werffen vnd erseuffen/Denn was man nicht recht verstehet / damit kan man auch nicht recht vmbgehen/ Als/ so jemand einen Rechenpfenning für einen gülden helt / der ist des Zalpffenings eben so fro / als eines güldens/Vnd widerumb/ wenn er den Rechenpfenning verleuret/ wird er eben so betrübt/ als herte er den gülden verloren / nicht / das der gülden verloren sey / sondern das er in dem vnuerstand vnd irthum ist.

Al so ist es auch nicht des sterbens vnd begrabens schuld/das du so vbel das für erschrickest / sondern deines fleischs vnd bluts / das da nicht verstehen kan/ das sein Pestilentz / tod vnd grab nicht anders ist / denn das dich Gott seuberslich / als ein Kind in die wiegen / oder sanffteberlin legt / darin du süßiglich schlaffest / bis an den Jüngsten tag/ Aber also thut Fleisch vnd blut / das es sich fürchtet vnd schewet dafür / das nichts zu fürchten noch zu schewen ist/ Vnd widerumb sich des tröstet vnd fre-

Des Flei-  
 sches ver-  
 gebliche  
 fürcht vnd  
 freude.

wet / das da keinen trost noch freude gibt / Das die Christen müssen sich tragen vnd schleppen mit dem thummen/ tollen Fleisch / so nichts verstehet/ was im gut oder böse ist/ ja damit kempffen/ weil sie leben / mit grosser schwerer mühe / Denn es ist keiner so vollkomen / der solch fliehen vnd schewen des todes vnd grabes nicht füle.

Wie auch S. Paulus Rom. 7. von im selbs (vnd in seiner Person von allen Christen) klage vnd bekennet/ Was ich thue / das verstehe ich nicht / Denn ich thu nicht was ich wil etc. Als wolt er auch hiemit sage/ Nach dem Geist weis ich wol / das mich Gott / wenn dieser Leib sterben sol/ in mein rugetelin vnd süßen schlaff legt / vnd wolt gerne/das mein fleisch solches verstünde / Aber ich kans dazu nicht bringen / Der Geist ist wol willig / vnd begeret des leiblichen todes / als eines sanfften schlaffs. Denn er helts für keinen tod / ja er weis von keinem tode / Sintemal er auch weis/ das er von sünden los ist/ Wo aber keine sünde ist/da ist auch kein tod/sondern etel leben. Aber/ wenn das Fleisch daran sol/so zagers vnd zappelts/hat jmer sorgen / Es müße ewig sterben vnd verderben/ So gar leste sichs nicht zemen/nach zu gehorsam bringen/das es auch dafür hielte / vnd sich darein ergebe/ wie der Geist gienbet vnd weis. Das auch er/ S. Paulus / selbs darüber mus aus engstigem Geist schreien / Ich armer elender Mensch / Das ich doch erlöset were von dem leibe dieses todes.

S. Pauli  
 vnd der  
 ligen Klage  
 vber je  
 Fleisch.

Denn hiebey kan man wol merken vnd fülen / was da heisset/ Das Fleisch gelüftet wider den Geist etc. Das mans mus durch den Geist mit gewalt hernach schleppen vnd zwingen / das es dennoch müße folgen vnd gehorsam sein/wie seer es sich dagegen wehret vnd schreckt / das es auch on seinen danck hernach müße / bis es vberwunden sey. Gleich wie die Mutter das Kindlin / so vnrugig vnd aus dem schlaff komet ist/ mus in die windeln binden / vnd mit gewalt wider in den schlaff bringen.

Die / von diesen sachen redet S. Paulus in diesen worten / da er spricht / Wir wissen / das vnser alter Mensch gecreuzigt ist (das ist / das wir schon

Der Leib  
der Sünden  
mus auffhö  
ren.

schon nach der Seele vnd Geist der Sün-  
de gestorben) auff das der Leib der Sün-  
de auffhöre. Das ist/ Weil er dem Geist  
noch nicht willig vnd gerne folget/son-  
dern noch widerstrebt/ vnd gerne im al-  
ten leben der Sünden bleiben wolte/ ist  
er auch schon dazu geurtheilet/ das er  
hinnach mus/ vnd sich lassen hinrich-  
ten/das die Sünde auch an jm gar mü-  
ße auffhören.

Er saget aber nicht/ das der Leib  
so bald auffhöre nach der Tauffe/ so der  
Mensch ist ein Christen worden/ son-  
dern also/ Das der Leib der Sünden/  
(oder der sündige Leib) auffhöre/ Das  
ist/ da der Leib/der zuvor ist gewest/ wi-  
derspenstig vnd ungehorsam wider den  
Geist/der sol nu anders werden/ das er  
nicht mehr sey ein Leib der sünde/ son-  
dern der gerechtigkeit vnd neuen Les-  
bens/Wie er denn auch spricht/Das wir  
hinfort der Sünde nicht dienen etc.

Sind wir aber mit Christo  
gestorben/ so glauben wir/ das wir  
auch mit jm leben werden/Vnd wi-  
ssen/das Christus von den todten  
erwecket/hinfurt nicht stirbet/ Der  
Tod wird hinfurt vber jm nicht herr-  
schen/ Denn das er gestorben ist/  
das ist er der Sünde gestorben/ zu  
einem mal/ Das er aber lebet/ das  
lebet er Gotte.

Auffste-  
hung vnd le-  
ben in Chri-  
sto.

**D**A füret er vns aus dem tod  
vnd grabe der Sünden/zur auff-  
erstehung vnd leben/ beide/ des  
Geistes vnd des Leibs. So wir beide/  
geistlich den Sünden/ vnd leiblich der  
Welt vnd vns selbs/sterben/ Was ha-  
ben wir denn dauon? Sol es denn mit  
einem Christen nichts anders sein/denn  
gestorben vnd begraben? Nein trawen  
(spricht er) Sondern des sind wir ges-  
wis durch den Glauben/ das wir auch  
leben werden/ gleich wie Christus aus  
dem tode vnd grabe auffstanden ist/  
vnd lebet/Denn wir sind auch mit jm ge-  
storben/oder (wie er zuvor gesagt) mit  
jm in seinen tod gepflanzt. Denn er  
hat durch seinen tod vnser sünd vnd tod  
gewürget/ Darumb werden wir auch  
mit jm der aufferstehung vnd des lebens  
sein/Also/das keine sünde noch tod/we-

der an der Seele/ noch an dem Leibe  
mehr sein wird/ gleich wie an jm gar  
kein tod mehr ist.

Denn Christus/nach dem er ein mal  
gestorben/vnd nu erwecket ist/ stirbet  
nu fort nicht mehr/ vnd ist nu nichts  
mehr/darumb er sterben müste/ Er hat  
es alles ausgerichtet/ die Sünde getil-  
get (darumb er sterben muste) den Tod  
verschlungen/vnd das er nu lebt/das ist  
ein ewige gerechtigkeit/leben vnd herr-  
schafft. Also auch jr/ so jr einmal durch  
beiderley tod/den geistlichen/ so bereit  
der Sünden gestorben/vnd den sanfften  
tod des Leibs/gegangen seid/ so habt jr  
vulthan/das euch kein tod nicht wird  
mehr rüren/ noch vber euch herrschen  
können.

In Christo  
kan der Tod  
nicht mehr  
vber vns  
herrschen

Dis ist nu der trost wider die blö-  
digkeit des armen schwachen Fleischs/  
so noch sich fur seinem tode entsetzet.  
Denn bistu ein Christen/so soltu wissen/  
das dein HERR Christus schon von  
den todten erwecket/nu nicht kan ster-  
ben/ vnd der tod nichts wider jm vers-  
mag/ Darumb sol er auch wider dich/  
(weil du auff jm getaufft bist) nichts  
mehr vermögen. Ja/ es ist hiemit dem  
Tode troz vnd hohn geboten/ das ers  
versuche/ was er an Christo vermöge/  
mit alle seiner macht vnd schrecken.

Dem Tode  
troz vnd  
hohn gebot-  
ten/das er  
vber Christo  
herrsche.

Denn es heisse/ Der Tod wird vber  
jm nicht herrschen. Zürnen/ böse sein/  
sawr sehen/ dreyen/ schrecken mag er  
wol(in vnserm armen schwachē fleisch)  
aber vber Christum sol er nicht herr-  
schen/ Sondern dagegen leiden/ das  
Christus vber jm herrsche/nicht allein in  
seiner eigen Person/ sondern auch in  
vns/die wir in jm schon auch der Sün-  
de ein mal gestorben/das ist/ von des to-  
des stachel/gewalt vnd herrschafft erlö-  
set sind/ Denn Christus hat schon das  
werck ganz ausgerichtet vnd volendet/  
damit er die herrschafft vber den tod er-  
langet/vnd dieselbe vns geschenckt vnd  
gegeben/ das wir in jm auch vber den  
Tod herrschen. Darumb beschleusst  
auch S. Paulus/vnd spricht.

Also auch jr/ haltet euch das  
fur/ das jr der Sünde gestorben  
seid/vnd lebet Gotte/in Ihesu Chri-  
sto vnserm HERRN.

n HAL

Handwritten marginal notes in the right margin, including the word 'HAL' and other illegible scribbles.

## Auslegung der Epistel

**H**altet euch dafür (spricht er) das ist/ Ir/ als Christen / solt solches an euch auch wissen/ vnd euch also stellen mit alle ewerm thun vnd wesen/ als die da schon gar gestorben sind der Sünden/ in Christo/ vnd in dem tod erfunden werden/ auch für der Welt/ das jr der Sünden nicht dienet noch solget/ als herrschete sie vber euch/ Sondern das widerspiel beweiset / das jr nu lebet eines andern lebens/ das da heisst/

Götlich leben/ beide/ innerlich im glauben/ vnd in eusserlichem leben / vber die Sünde herrschend/ bis das Fleisch oder der Leib auch entschlaffe / Vnd also beiderley tod an euch volbracht werde / So wird als denn nicht mehr da sein weder eitel leben / on alles schrecken / fürcht vnd herrschafft des tods.

## Euangelium am sechsten Sonntag nach Trinitatis / Matth. V.



**I**ch sage euch/ Es sey denn ewer gerechtigkeit besser/ denn der Schrifftgelehrten vnd Phariseeer /

so werdet jr nicht in das Himmelreich kómen.

Ir habt gehóret/ das zu den Alten gesagt ist/ Du solt nicht tödten/ Wer aber tödtet/ der sol des Gerichtes schuldig sein. Ich aber sage euch/ Wer mit seinem Bruder zóret/ der ist des Gerichtes schuldig/ Wer aber zu seinem Bruder sagt/ Racha!





im so viel guts gethan habe / vnd gerne das hertz im leib mit geteilet hette. Das ist der danck vnd lohn / damit er mich bezahlet / Solt ich das leiden / vnd solche bosheit also hingehen lassen? Vnd darnach getrost fort gefaren / wo er kan / den Tehesten auff's ergest an zu feinden vnd zu verfolgen / leid vnd schaden zu thun / Vnd sol alles recht gethan sein / vnd er from vnd heilig / ja ein Martirer fur Gott vnd Welt / gepreiset werden.

Des Pappst thum vber seinem toben vñ morden der Christen.

Gleich wie der Pappst mit seiner Kotte / wenn sie die Leute / so ire gewel nicht anbeten wollen / verdammten / verbrennen vnd morden / als der Christlichen Kirchen ungehorsame vnd widerspenstige / das mus eitel Gottesdienst heissen / vnd Gott sol fro werden / das er solcher heiligen würdig wird. Wie auch thun die grossen Juncfern / die so prechtig künne rhimen / Gott vnd aller welt freund / aber der bosheit feind. Ey welche grosse freundschaft ist die / mit Gott vnd den Leuten / Wo sol er fur solchen heiligen bleiben / das er sie hoch gnug gen Himmel hebe?

**J**he / das ist der trefflich grosse heilige Juncfer Zorn / der keine sünde noch vnrecht thun kan / vnd wer es nicht dafür helt / der mus nicht from sein. Darumb ist diese Predigt Christi / gar seltsam vnd unbekand der Welt / im brauch vnd in der that / ob sie wol im Wort gemein ist / vnd oft gehört wird. Denn die Welt helt das fur keine sünde noch vnrecht / das einer zürnet / wenn er vnschuldlich beleidigt wird / Vnd ist auch war / das solcher rechte sachen hat / wider den / so in beleidiget hat / kans auch mit recht bey dem Richter suchen / vnd hülffe anrufen. Das mus man im lassen. Aber so er seinen zorn dazu thun / vnd sich selbs also rechnen wil / da thut er zu viel / vnd stößet ein Recht wider das ander / vnd wird aus Kleinem recht viel grösser vnrecht.

Zorn thut zwifeltig gewalt vnd vnrecht.

Darumb mus man hie die Orgel also stimmen / das die Pfeiffen zusammen lauten / vnd so gereimet werden / das die zwey nicht widereinander gehen. Denn was ist das fur ein Recht / so dich jemand mit einem wort beleidiget / oder eines hellers werd genommen hat / vnd du hingehst / vnd hawest im einen arm ab / oder steckest im das haus an? Vnd

darnach feindlich schreiest / Ey / er hat mir vnrecht gethan / vnd habe gute vrsach etc. Da sol ich vnrecht sein vnd leiden / Vnd dein mordgirtiger zorn / der mir zehnfeltig mehr gewalt vnd vnrecht thut / sol nicht sünde / sondern gerechtigkeit vnd heiligkeit heissen.

Das rede ich nu nicht von frembde / so auffer vns sind / on allein zum Exempel / wie die laster in der welt regieret / Sondern von vns / beide / Meistern vnd Schülern / die sich Euangelisch rhimen / vnd doch wollen recht haben / vñ fers gefallens zu zürnen vnd zu toben / vnd vns nicht lassen straffen noch vnrecht schelten / sondern sol ehe alles drüber zu drümmern gehen / auff das nur wir fur gerecht vnd from gehalten werden / vngeachtet / das man mit solchem schwebichtem bettel Rechte / mehr denn hundertfeltig vnrecht thut.

**D**arumb feret Christus alhie zu / nicht met vnd hebt den zorn ganz vnd hebt auff al gar auff / aus der ganzen Welt / vnd zeucht in zu sich / vnd spricht / Ich sage nicht allein / Du solt nicht todschlagen / noch Rache sagen zu deinem Bruder / sondern du solt gar nicht zürnen / Vnd eins so hoch vnd ernstlich verboten als das ander. Denn es ist dir nicht befohlen zu richten noch rechnen.

Vnd ob du schon rechte vnd gute sache hast / so ist doch der Teuffel mit deinem zorn / wie Jacobus in seiner Epistel spricht / Des Menschen zorn thut nicht was fur Gott rechte ist. Also / das aller zorn rein von vns sol genomē sein / vnd Gott allein zürnen sol / sonst wird es des Teuffels zorn / vnd gehet gewislich nicht on sünde abe. Gleich wie auch diese stück alle drey / Richten / Rechnen vnd Rhimen / vns genommen sind / vnd kein Mensch sich der annemen sol / ob er noch so gut rechte / vnd grosse heiligkeit hette / Sondern Gott sol allein haben / Ehre / Gericht vnd Rache / also auch den zorn.

Tu / das wird nicht von vns (hab ich sorge) so lang wir alhie leben / geschehen / Vnd were noch ein gnade / wenn wir nur also from weren / das wirs doch anfangen. Denn wenn vns ein leid geschiet / so ist so bald alda fleisch vnd blut vnd thut wie fleisch vnd blut / fehet an zu wallen vnd wüten / mit zorn vnd vngedult. Denn es thut natürlich wehe wo

Christus hebt auff al den eigen zorn.

Zürnen / rechnen / richten Gott allein.

Niemand  
sol sein recht  
ausfüren mit  
vnrecht wider  
den Nehesten.

wo vns vnrecht vnd gewalt geschiet/  
Darumb mus man hie wehren vnd wi-  
dersehen / Denn das dirs wehe thut/  
das gehet wol hin / Aber das du dich da-  
zu wilt rechen / so vnd so wider schaden/  
das ist verboten.

Darumb sihe dransff / das du es recht  
auff einander richtest / das ein Recht  
das ander nicht breche noch zerstöre / son-  
dern las es recht zusamen stimmen / das  
beides bleibe / Kanstu dein recht nicht  
ausfüren on grösser vnrecht / so las das  
selb faren / Denn es gilt nicht / vnrecht  
mit vnrecht wehren oder straffen. Vnd  
Gott wil nicht / das vmb deines bittels  
rechts willen der ganzen Welt recht  
vntergehe.

Da wil nu diese Predigt Christi  
hin / vnd so viel gesagt haben / Ir lasset  
euch düncken / wer nicht mit der hand  
schlegt / der hat nicht wider Gottes ge-  
bot gethan / Sondern mag wol zornig  
sein wider den Nehesten / vnd sich rech-  
en / Vnd ist so fern nu gar rechte / vnd kan  
nicht sündigen / Macher also dis Ge-  
bot gar zu nicht / vnd kraftelos / Dennes  
wil nicht / das du allein mit der faust  
nicht sollest tödten / sondern auch nicht  
mit der zungen / noch mit dem hertzen  
schaden oder leid thun / Wo wolt sonst  
das Gebot bleiben / darin gebotē wird /  
das wir auch sollen vnsern feinden guts  
thun / Sol aber das selb bestehen / so mü-  
ssen wir trawen niches wider vnsern Ne-  
hesten thun / Was sind wir sonst besser  
denn Zölnner vnd öffentliche Sünder /  
(spricht Christus selbs) die auch vnters-  
inander Freunde sind / vnd einer dem an-  
dern nicht schaden thut ?

**S**prichstu aber / Wie sol der  
Zorn so rein auffgehaben sein /  
aus der Menschen hertzen / Wie  
sol man dem bösen wehren vnd straf-  
fen / welches te on zorn nicht kan zuge-  
ben ? Oder sol man das vnrecht frey  
vnd ungestrafte gehen lassen / so wird  
bald kein haus / keine Stad stehen blei-  
ben. Antwort / Sie wissen wir / das  
Gott hat sein Richteramt Meister  
Zansen vnd der Oberkeit befohle / Vnd  
darumb Fürsten vnd Herrn gesetzt / das  
sie von Gottes wegen das Schwert füh-  
ren / vnd ir Schwert vnd schneite ist  
Gottes schwert vnd schneite / Sonst  
sind sie für sich selbs / eben wie ander

Der Ober-  
keit Amt/  
das böse zu  
straffen.

Menschen / vnd haben nicht mehr recht  
noch macht zu zürnen denn andere / Das  
aber der Richter oder Meister Hans ei-  
nen zum tod verurteilt oder richtet /  
der im nie kein leid gethan hat / vnd er  
im auch nicht feind ist / das thut er von  
Gottes wegen / als der desselben Ampt  
füret / weil der Vbeltheter ist in Gottes  
vrtail vnd straffe gefallen / Da sol wol  
kein zorn vnd bitterkeit in des Men-  
schen hertzen sein / vnd doch Gottes  
zorn vnd schwert gehen.

Gottes zorn  
vnd rache.

Also auch im Krieg / da man sich  
mus zur gegenwehre stellen / vnd ge-  
trost vmb sich hawen / stechen vnd bren-  
nen / Da gehet wol eitel zorn vnd rache /  
vnd sol doch nicht aus des Menschen  
hertzen komen / sondern aus dem vrtail  
vnd befehl Gottes gehen / das man die  
bösen straffen mus / auff das man für  
inen frieden habe / Widerferet dir auch  
schaden vnd leid drüber / das musstu lei-  
den. Also lies Gott seine zorn vber Jeru-  
salem gehen durch den König von Bas-  
bel. Item / durch die Römer / bis das  
kein stein auff dem andern bleib.

Darumb / wo solcher zorn gehet / so  
heisse er nicht menschē / sondern Gottes  
zorn / Wenn aber auch das unglück zu-  
schlegt / das man in einander brewet  
Menschen zorn vnd Gottes zorn / so ist  
auch der leidige Teufel. Wehrē mus man  
(sage ich) dem bösen / vnd das ampt mus  
von Gottes wegen gefüret vnd ausge-  
richt werden / Wo aber Richter vnd  
Oberkeit nicht from ist / so seinen eigen  
zorn auch darein menger / vnd sich mit  
dem namē vnd deckel des Ampts schmü-  
cket / wo er mit heimlich feind ist / vnd  
schaden zufügen kan / so wil ers von  
Ampts wegen gethan habē / Das heisse  
ein rechte Teufels bosheit / vnd wil doch  
rechte gethan haben / vnd gelobt sein.

Mensch sol  
sein zorn ni-  
cht in das  
Ampt men-  
gen.

So sprichstu / Ja / er hat mir das vnd  
jenes gethan / vnd kan im sonst nicht  
wehren / vnd wo ichs solt leiden / so het-  
te ich nimer friede. Antwort / Wol ist  
nicht recht / das man dir schaden thut /  
ist auch nicht verboten / dich ordentlich  
er weise zu schützen / Aber das gilt nicht /  
das du wilt vnter dem hütlin spielen /  
vnd durch das Ampt deinen zorn ausla-  
ssen / vnd dich rechen / Das man darnach  
sagen solle / Das hat nicht Hans oder  
Peter / sondern der Bürgermeister oder  
Richter gethan / Vnd du rhümen köns-  
t

n. iij. neft

*disser man inre vnd inre p...  
illa q...  
ab...  
vnter dem hütlin spielen...  
Ergo vnter dem hütlin spielen...  
vnter dem hütlin spielen...*

## Auslegung des Euangelij

nest/du habest nicht aus zorn oder has gethan/sondern von Ampts vnd rechts wegen thun müssen.

**Misbrauch**  
des götli-  
chen Ampts  
vnd Rechts.

Sihe/das ist der schendliche vnflat/  
welcher heisse / Menschen / ja Teuffels  
zorn/an Gottes zorn gehengt / vnd in  
einen Fuchen gemenget/welche doch sol-  
ten von einander gescheiden sein/weiter  
den Himmel vnd Erden. Vnd gleich wie  
man wider das ander Gebot / Gottes  
namen misbraucht / mit schweren vnd  
vergleichen/das er mus dienen zur Lüt-  
gen/das sie sich vnter dem schönen/herr-  
lichen namen für warheit verkauffe. Als  
so mus auch hie das Ampt vnd Recht/  
welches Gottes ist/ dienen deinem neid  
vnd has/ vnd in rechtfertigen / das er  
dadurch ausrichte alles / wo mit er denn  
Uehesten zu schaden weis. Vnd gehest  
gleichwol hin/als habstu recht vnd wol  
gethan/vnd bist nu ein zwiefeltiger Sei-  
lig / Ein mal/das dir vnrecht geschiet/  
Zum andern/das du dich nicht rechest  
noch wider schaden thust/für deine Per-  
son/sondern von Ampts vnd gerechtigt  
keit wegen.

Also thun jetz allenthalben vnser  
zarten Heiligen/die Papiſten/Bischove  
vnd Pfaffen/vnd denselben nach / gro-  
ſſe Fürsten vnd Herrn/so die Leute plas-  
gen vnd ermorden / wie sie jr wütiger  
zorn vnd has treibet / vnd mus dar-  
nach alles groſſe heiligkeit vnd Gottes  
dienst heissen.

**Unterscheid**  
menschlich  
vnd götli-  
ches zorns.  
Menschen  
zorn vol  
neids vnd  
has.

Also ist allzeit Menschen zorn vol  
neids vnd has / wider den Uehesten/  
als der vom Teuffel auffbrachte / vnd in  
des Menschen hertz gepflanget ist / son-  
derlich in den Phariſeiſchen Heiligen/  
welche vielfeltig mehr sündigen / vnd  
der verdammis werd sind / denn die an-  
dern / Erstlich / das sie Gott in sein  
Recht vnd Ampt greiffen / vnd das sei-  
ne rauben. Zum andern / das sie wollen  
noch recht haben / vnd für from gehal-  
ten sein. Dagegen aber Gottes zorn/wo  
er gehet / aus vnd nach seinem befehl/  
der komet nicht aus neid vnd has/son-  
dern aus reiner liebe vnd gutem hertzen/  
dem es leid ist / das dem Menschen sol-  
leid widerfahren / vnd doch mus von  
Gottes vnd Ampts wegen / das böſe  
straffen vnd weg thun.

Wenn es ist wol abzunehmen / das A-  
dam seinen son Cain lieb gehabt ha-  
be/als sein erstes blut vnd fleisch / wels

cher auch dazu wolt heilig sein/vnd an-  
sieng Gotte zu dienen mit seinem ersten  
opffer etc. meinete/es würde Gotte viel  
angenemer sein/denn seines Bruders/  
Wolt auch recht haben wider seinen  
Bruder/von wegen der ersten geburt/  
das er müſte der rechte Priester vnd für-  
nemeste für Gott sein / Darauff verlies  
er sich / vnd verachtet seinen Bruder/  
Lies sich auch düncken / er zürnete bil-  
lich / vnd hette rechte vrsach / denselben  
zu verfolgen vnd zu erwürgen/als were  
im vnrecht geschehen/das sein Gottes  
dienst nicht mehr für Gott gelten sol-  
te / Darumb feret er zu / weil er bey sei-  
nem Vater nicht rechte noch beysfall fin-  
det / vnd schleget seinen Bruder selbs  
tod / troget dazu darnach / da in Adam  
im namē vnd an stat Gottes anspricht  
vnd foddert / Was weis ich von meis-  
nem Bruder/sol ich sein Hüter sein?

Nu/wie lieb in Adam hatte / als  
sein natürlich vnd nach Abels tod / sein  
einiges Kind / noch spricht er das hat  
te gewlich vrtail ober in / Die stim dei-  
nes Bruders bluts schreiet zu mir von  
der Erden / darumb verflucht seiestu  
auff der Erden. Item / Vnſter vnd  
flüchtig soltu sein auff Erden. Das  
sind je zornige wort vnd werck / Denn  
hiemit thut er in in den schweresten  
bann/vnd in die höchſte acht dazu / ver-  
bannet in aus Himmel vnd Erden / vnd  
greiffet flugs zur folge / oder vollziehung  
des strengen zorns / verſtößet in von  
sich / das er nirgend kein sichere stat ha-  
ben sol / Das hat er on zweifel nicht ge-  
ne gethan/hette in viel lieber erhalten/  
Aber Gottes zorn mus fort gehen / vnd  
im zusprechen den Tod vnd das helli-  
sche feur dazu.

Also mus die Christliche Kirche  
auch thun/wo sie einen in Bann thut/  
vnd dem Teuffel gibt (wie S. Paulus  
den zu Corintho 1. Corinth. 5) vnd sagt  
im abe die Sacrament vnd alle gemein-  
schafft / auff das sie seiner sünde nicht  
teilhaftig werde. Das ist ja ein schreck-  
lich vrtail vnd gewlicher zorn / vnd  
doch nicht eines Menschen / sondern  
Gottes zorn / Denn sie wolt viel lieber  
das sich der Mensch bekerete / vnd in  
geholfen würde / wie sie auch thut / wo  
er sich bekeret / da nimet sie in auff / als  
jren lieben Son / vnd frewet sich vber  
im sampt allen Engeln / wie Christus  
von

*Ira Cainica et Pharisajica aduersus Abelem  
Ira Adami aduersus Cain.  
"a Dei*

*Ira excommunicationis Ecclesie  
Ira excommunicationis in  
papa vincula penitentia exco-  
illa ex officio a superioribus diuina fit  
hoc ex cupiditate penitentia exco-*

*Adams göt-  
licher zorn  
ober seinen  
Son Cain.  
Gen. 4*

*Der Kir-  
chen zorn vnd  
straffe.*

von dem verloren Schaf vnd verdorren Son sagt / Luc. 15.

Des Pappsts zorn vnd such vnter Gottes namen.

Aber hie mus man auch zusehen/ das man des nicht misbrauche / wie der Pappst gethan hat / wider die / so seine Person oder herrschafft angegriffen haben/ vnd also sein Person ins Ampt gemenget hat / vnd seinen zorn zu Gottes zorn gemacht / damit beides verderbet/ vnd giffte vnter den wein gegossen wird. Denn also hat der Pappst vnter dem namen Göttlichs zorns / die Welt geschrecket / wie er gewolt hat / Keiser vnd Könige bedrewet vnd beteuert vnd doch nicht mehr ausgericht / denn das er seinen eigen zorn vnd groll ausgegossen hat / Darumb heisse auch seine Kirche in der Schrifft/ Eine Kirche der lestertung / Apoc. 13. so die namen der lestertung an der stirn geschrieben füret / in alle jren worten vnd thaten.

Zorn der brüderlich en liebe.

Als ist nu solcher zorn / den wir heissen / Götlichen oder Väterlichen zorn. Darnach ist auch ein ander brüderlicher zorn/ der auch der selben art ist/ vnd aus der liebe gehet/ Als wenn ich also zürne mit einem Menschen (den ich herzlich lieb habe / vnd im alles gutes gan) vnd verdreufft mich/ das er nicht von sünden lesse/ vnd sich bessert/ Also/ das ich alda vnterscheide die Person/ vnd die sünde/ der Person zu helfen/ vnd dem laster zuwehre/ Vnd thue so viel ich kan/ mit vermanen/ warnen/ drowe vnd straffen/ das ich in dauon bringe / Doch das man sich abermal hie wol fur sehe/ das nicht der schalck dahinden sey/ vnd seinen eigen zorn mit lauffen lasse.

Göttlicher zorn oder zorn der liebe.

Denn so rein sol vnser zorn ab sein / das gar keiner erfunden werde/ vnd nichts mehr denn Gottes zorn gehe/ entweder aus dem befohlne ampt oder aus Brüderlicher liebe/ welches ist auch Gottes zorn/ Denn es ist auch Gottes gebot / das wir vns vnternander vermanen/ straffen/ bessern vnd auffhelfen/ das der Ahefften von sünden lasse/ Vnd das er dasselbige gerne vnd zu danck aneme. Das ist der gemeine Christlichen liebe zorn / dauon auch Christus Matth. 18. sagt / Sündiget dein Bruder an dir / so straffe in zwischend dir vnd im allein etc. Vnd heisset nach der Schrifft/ ein feiner göttlicher Züer/ wie S. Paulus 2. Corinth. 11. sagt / Ich eiuere vber euch mit göttli-

chem Züer etc. Denn solcher zorn suchet nicht deine hand oder schadē/ sondern deine ehre vnd besserung/ vnd were im leid/ das du soltest an deiner Seelen heil schaden leiden.

So sagen wir nu/ das Christus nicht predigt von dem Ampt/ so Gottes ist/ auch nicht von der Liebe/ sondern von eines jglichen eigen persönlichem zorn/ so aus vnserm hertzen vnd willen gehet/ wider des Ahefften person/ Der sol gar ab vnd tod sein/ ob vns gleich der schade vnd vnrecht billich wehe thut vnd schmerzet. Als das S. Johannes der Teuffer so schendlich vmbbrachte/ Christus ans Creuz geschlagen / vnd die heiligen Martirer so vnbarmerziglich hingerichtet sind/ das ist on heulen vnd klagen nicht zugangē vieler fromer hertzen/ Denn wir haben vnd sollen auch haben nicht eisern/ sondern fleischern hertzen/ Wie S. Bernhardus sagt / Dolor est. sed contemnitur. Es thut wol wehe/ aber es mus gelidde vnd verschmerzet sein/ Vnd ist viel ein anders/ wehe thun/ weinen vnd klagen/ denn rache suchen/ oder has vnd neid schepffen.

Ira peccata ex simplici ira vindictae Des Menschen zorn sol gar ab sein.

Ira in ira ad opem ubi qd expre. modo ab ira am vindictae Capitulum in informis in ira

Also wil er nu die Gebot/ Du solt nicht tödten/ verstanden haben/ als das so viel foddere/ das kein Mensch sol zürnen. Denn wir sind alle von natur Lügner/ in erbsünd vnd blindheit geboren/ das wir nicht wissen/ wie wir sollen zürnen/ vnd sehen nicht / wie die natur so böse ist/ das sie weder recht zürnen noch lieben kan/ Sondern in allen beide nicht mehr suchet/ denn sich selbs vnd jren eigen nutz/ Weil sie nu so verderbet ist / so ist es beides verboten vnd auffgehoben/ menschlich lieben vnd zürnen/ darin die natur das ire suchet/ Vnd dagegen geboten die Göttliche Liebe / die nicht das ire suchet/ sondern des Ahefften / Vnd solcher zorn/ der nicht vmb seinet willen zürnet/ sondern von Gottes wegen/ als dem gebürt zu straffen vnd rechen/ was wider sein Gebot geschiet / Oder aus liebe/ dem Ahefften zu gut / das er im helffe.

Rechte liebe vnd rechter zorn. non proprio sed proprio persona sed proprio hinc

Also thut die Pharisäische heiligkeit nicht / sondern wie sie keine liebe hat zum Ahefften/ sondern allein sich selbs wil geehret vnd gerühmet / vnd jr gedienet haben / Also kan sie auch nicht mehr/ denn zürnen vnd toben wider die rechten fromen/ vnd wil doch nicht wis-

n iij der dis

Ira fratrum (sive Christiana) discretis profanum et vniu: hanc adiu. detestatur. illam dilectum fratrum persequitur. nunciat ut pndra. Ira Dei in ex officio demandata ipsi male fratrum persequitur. aut ex caritate fratrum persequitur. qui quod sol uel in alio publico in uniuersum delinquentes. vel fratrum delictis proximo delinquentem ex dilectione fratrum in zelatione in amandatione proximi.

der dis Gebot gesündigt haben/ Gleich wie Christo geschach von den Pharis seern vnd Hohenpriestern / die in dem Richter Pilato auffss Creutz opfferten/ vnd wolten doch nicht an im schuldig sein/ sondern das Osterlamb essen vnd heilig bleiben.

Darumb greiffet er frisch in die ganze Pharißeische heiligkeit vnd gerechtigkeit/ versaget jr alle gnade vnd das Himelreich/ vnd verdampft sie zum hellischen feur/ als die für Gott vnd im grund falsch/ vnd zwiefeltige vngerechtigkeit ist/ Darumb sage ich also (spricht er) Wer da mit seinem Bruder zornet/ Ich sage nicht/ wer allein mit der hand todschlegt/ sondern wenn du den zorn im hertzen hast/ so bistu schon schuldig durchs Gericht verurteilt zu werden/ Denn solcher zorn komet nirgend her/ denn von angeborener menschlicher bosheit/ welche nur suchet jr eigen rath oder mutwillen/ oder eigen ehre vnd gut.

Wer mit seinem Bruder zornet/ ist des Gerichts schuldig.

*in manu malicia cordis hominis generat vcl punitur vultu. rati vcl punitur facie propria carnalium.*

*Die vmbliche drey in der vmbliche gey. vcl h. vcl für malicia. sal. minibus vork. in vngestirung legit. mag. hie. hiea. f. un. d. r. l. a. c.*

Vn wil er nicht/ das du dein ehre vnd rechte selbst suchest/ sondern lassets in suchen vnd foddern/ der es suchen sol/ Vnd welchen ers befohlen hat/ nemlich Meister Hansen vnd dem Richter/ welcher vbet nicht sein / sondern Gottes werck / denn er sonst niemand dürffte todten noch straffen. Darumb sehet nur zu (spricht er) das jr für ewer Person nicht zürnet/ vnd schlechts ewern zorn gar lasset anstehen/ es sey ausser oder in dem Ampt/ das er nicht aus ewern hertzen kome.

2. Rache.

**D**as ander stück in diesem text/ Wer zu seinem Bruder sagt/ Rache etc. Das halten wir für allerley zornige zeichen / vnd was man sonst dem Liebsten für tücke beweisen mag/ so nicht mit worten geschiet/ Solcher ist (spricht Christus) schuldig des rats/ Das ist/ da noch nicht beschlossen ist/ was man in thun sol/ aber doch verwickelt hat/ das man in fürstelle / vnd ein vrteil beschliesse vnd fasse/ Als einer/ der schon der that vberwunden ist / das man nur trachte/ wie er gestrafft werde. Das heisse so viel / Das ein solcher nicht kan in Himel komen / sondern schon sein verdammnis verdienet hat/ On das er noch ein wenig weiter von der endlichen straffe ist / denn jener / aber doch auch zur Hellen gehöret.

Des rats schuldig sein

**D**as dritte stück/ Wer zu seinem Bruder sagt/ Du Narr. Das ist auch seer ein gemein laster/ das da heisset/ dem Liebsten seine ehre vnd leumund abschneiden/ es geschehe hinderwerts im rucken/ oder vnter augen/ welches man nennet / Contumeliam vnd Conuitium, Schenden vnd schmehe/ Wer das thut (spricht er) der ist des Hellschen feurs schuldig/ Das ist / da darff man nicht viel disputieren oder für Gericht fordern vnd verklagen/ noch vrteil fassen/ sondern ist schon bereit verurteilt vnd verdampft/ on allein/ das in der Henger hinfüre/ vnd in sein rechte thue. Also wil er gar nicht/ das du einiger weise dich rechest/ weder mit dem hertzen noch mit der faust/ noch mit dem mund/ aus deinem eigen zorn/ Vnd also dem Liebsten keinen Schaden zufügest/ keinen euck beweisest/ kein böse wört nicht gebest/ etc.

Du Narr.

Des Hellschen feurs schuldig sein

**Z**a (sprichstu abermal) Wer kan denn Prediger oder Richter sein / oder je mand verklagen/ So man niemand sol an seine ehre reden/ oder einen Narren schelten? So müssen hinfürt Prediger/ Richter/ Klegel/ Zeugen etc. allzumal still schweigen. Hie (habe ich gesagt) mus man diesen vnterscheid halten/ Das ich/ als ein Prediger dich schelte öf fentlich auff dem Predigstuel / oder heimlich in der Beichte/ Das thue nicht ich/ Sondern Gottes wort / Darumb darffestu hie nicht klagen/ das ich dir an deine ehre rede/ Denn ein Prediger / sein Ampt nach / kan niemand schenden noch schmehen / Es were denn ein Schalk/ der sein eigen grollen vnd hafs in das Ampt mengete.

Vnterschied vnter schulten vnd streffe des Amtes vnd eigenem zorn.

Also kanstu auch nicht sagen zu einem Richter / wenn er seinem Ampt nach handelt/ Du redest mir an meine ehre/ das du mich einen Dieb oder Mörder heissest/ Denn solchs hat nicht der Richter/ sondern Goet geredt. Darumb gilt nicht/ das du woltest sagen/ Es sey deinen ehren zu nahe/ das du gescholten oder gestrafft wirst / Es ist dir freilich zu keinen ehren gesagt / Aber es hats nicht der Mensch / sondern Goet gethan / Solt aber derselbe nicht rechte vnd macht haben von dir zu reden?

Gott hat macht er nem jedem an seine ehren zu schelten.

Wo aber Goet schon durch das Ampt das vrteil gefellet hat / so mag darnach auch ich vnd andere dauon reden

*Handwritten notes and bleed-through from the reverse side of the page.*

den / Denn von Gottes öffentlichen wercken vnd gerichtten mag iderman reden / Vnd ist nu gleich als eine Ziforia oder geschichte / da man allenthalben von sagt / Darumb mus man dennoch hie nicht jederman das maul also stopffen / das man nicht dürffte sagen / Dieser ist ein Dieb oder Schalk / nach dem der Richter solch vrtail gesprochen hat / Denn du kanst niemand nicht mehr ehre nemen noch geben / denn jm Gott gegeben oder genomen hat / Weil nu Gott das vrtail spricht / vnd durch den Richter oder Prediger öffentlich aussprechen leisset / so mag iderman mit gutem gewissen dauon sagen.

Das reue ich abermal darumb / das man jmer des holtswegs wil / wie man predigt / so wil sich jmer decken vnd schmücken / das man sich Gottes wort nicht binden lasse / Also / wenn wir sagen mit Christo / das niemand sol mit dem Tehesten zürnen noch schelten / noch böses wider in reden / so wolt darnach ider man gerne den Predigern das maul stopffen / das man kein öffentliches sünde vnd laster antasten noch straffen sol. Darumb ist das endlich die weis-

nung / Wenn du als ein Mensch / aus deinem eigen furnemen / dem Tehesten an seine ehre redest / vnd also dich kühelst mit seinen Sünden / das ist böse vnd vnrecht / Aber wenn es so weit kommen ist / das es Gott selbs offenbar machet / da gilt nicht / das ich einen öffentlichen buben solt loben / welcher von Gott offenbarlich vberwiesen ist / Denn das were eben so viel / als wolte ich solche bosheit verteidigen oder vberheulffen. Darumb mus mans alles also machen / das wir nichts ansahen noch furnemen von vns selbs / sondern darauffsehen / wenn es Gott heisset / oder von Ampts wegen gethan wird / so hat es Gott gerhan / vnd ist alles recht vnd löblich. Darumb sol man hie nicht das maul zu thun lassen / sondern der warheit vnd gerechtigkeit bey stehen / vnd solch vrtail helfen loben

vnd preisen / andern zum schrecken vnd warnung. Das sey auff dis man gnug von diesem Text.

Wo Gottes vrtail offenbar ist / da wird niemand an seine ehre geredt.

## Am siebenden Sontag nach

Trinitatis / Epistel / Rom. VI.



**L**ch mus menschlich dauon reden / vmb der schwachheit willen ewers fleisches. Gleich wie jr ewre Glieder begeben habt zu dienst der vnreinigkeit / vnd von einer vngerechtigkeith zu der andern / Also beget auch nu ewre Glieder zu dienst der gerechtigkeit / das sie heilig werden. Denn da jr der Sünde knechte waret / da waret jr frey von der Ge-

rechtigkeit / Was hattet jr nu zu der zeit fur Frucht? Welchs jr euch scheinet. Denn das ende desselbigen ist der Tod. Nu jr aber seid von der Sünde frey / vnd Gottes knechte worden / habt jr ewre Frucht / das jr heilig werdet / das ende aber / das ewige Leben. Denn der Tod ist der Sünden sold / Aber die Gabe Gottes ist das ewige Leben in Christo Ihesu unserm HERRN.



Dieser Text solt wol auch etwas höher angefangen sein / Denn S. Paulus ist noch in der angefangenen Predigt der Episteln des nehesten

## Auslegung der Epistel

sten Sonntags/ Da er vermanet/ das wir sollen nu fort/ weil wir in Christum getaufft sind vnd glauben / auch in einem neuen leben wandeln/ als nu der Sünde gestorben/ weil wir in Christo sind/ welcher mit seinem tode vnd auferstehung die Sünde getilget vnd überwunden hat.

Die in Christo sind/ sollen vnd können der Sünden widerstehen.

Solche Krafft des tods vnd der auferstehung Christi/ hat er nu verkeret/ vnd spricht/ Die sünde wird nicht mehr vber euch herrschen können / Sintemal jr nicht seid vnter dem Gesetz / sondern vnter der Gnade / Das ist / Jr können nu wol der Sünden widerstehen / weil jr nu in Christo seid/ vnd die krafft seiner auferstehung habt/ nemlich/ vergebung der sünden vnd Gottes gnade/ das euch das Gesetz nicht als Sünden verdammen/ noch vnter Gottes zorn werffen mus / ob jr auch noch gleich nicht vollkommen nach dem fleisch das Gesetz erfüllet / wie jr soltet.

Hierauff wirfft er abermal die frage ein / so die verkerete Welt erreget/ wenn sie diese Predigt höret. Wie/ (spricht er) sollen wir denn sündigen/ die weil wir nicht vnter dem Gesetz/ sondern vnter der Gnade sind? Das ist der Welt vnart/ wenn man von vergebung der sünden/ on vnser verdienst/ aus lauter gnaden gegeben/ predigt/ das sie ent weder saget/ man verbiete gute werck/ oder wil daraus folgen vnd schliessen/ das man möge fort in Sünden leben/ vnd thun was man wolle / So doch hie billich sol das widerspiel folgen/ das durch diese Lere die Leute willig würden gutes zu thun/ Gotte zu lobe/ danck vnd ehren/ Denn das gibt ja diese Lere/ wo sie recht gefasset wird / das sie den Menschen nicht stolz noch ruchlos/ sondern demütig vnd gehorsam machet.

Ist es doch auch in weltlichen/ bei de/ heuslichem vnd bürgerlichem rechte vnd regiment also/ das / wer da gnade bittet/ der gebe sich selbs schuldig / bekennet seinen irthum/ vnd verheisset sich furder zu bessern/ vnd nicht mehr zu sündigen/ Als/ wenn der Richter dem Diebe/ so den Galgen verdienet/ gnade thut vnd ledig leset / Da heisset das Rechte auffgehoben durch gnade. Wo nu dieser darauff wolt zufaren/ vnd trogen/ Ich bin nu vnter der Gnade / vnd mag nu thun was ich wil/ Denn ich hab nu kein

Der welt vnart/ so aus der Predigt der Gnaden wil freiheit in Sünden nehmen.

Recht/ dafür ich mich fürchten müsse/ Wer wolt solchen leiden?

Denn das Rechte ist nu wol auffgehoben / das er nicht gestraffet wird/ wie er verdienet/ vnd ist durch die gnade erlöset vom strang vnd schwert/ vnd das leben im geschenck / Aber nicht dazu/ das er nu mehr möge frey stelen vnd morden / sondern das er hinfurt from sey vnd recht thue / Wo nicht / so gehet das Rechte wider vber in / vnd straffet in nach seinem verdienst. Summa/ wo das Rechte auffgehoben / vnd gnade geschenck wird / damit wird niemand erleubet / das er darnach möge vnrecht thun / auff solche Gnade/ Sondern viel mehr ist er schuldig / von wegen der erzeigten gnade/ nu fort also zu leben/ das er nicht wider in des Rechts straffe falle.

Solche vnterscheid kan in weltlichen sachen jederman wol sehen vnd geben vnd ist niemand so toll/ der solchen verstand leiden möge/ das gnade solt darumb gegeben werden / das man möge vnrecht thun / On allein diese lere des Euangelij/ von der gnade Gottes vnd vergebung aller sünden/ die mus solche verkerung vnd lesterung leiden / das sie gute werck auffhebe / oder vrsach gebe zu sünden/ Da wir doch höre/ das Gott aus grundloser gnaden das Rechte vnd vrteil auffgehoben / des ewigen Todes vnd hellischen feuers (so wir nach dem Gesetz vnd göttlichem Rechte verdienet) vnd dafür gegeben die freiheit des ewigen lebens. Das nu vnser leben eitel gnad ist / freilich nicht dazu / das wir nu freiheit haben solten/ wider zu leben/ wie wir vor lebten/ da wir in vngnade vnd zorn den Tod verwirckten / Sondern das wir/ als die solch grosse vnaussprechliche wolthat gros vnd werd achtten/ das er vns aus dem ewigen Tod geholffen vnd lebendig gemacht/ nu mehr auch vns hüten / das wir nicht solches Rechte verlieren/ vnd von der Gnade wider vnter das Rechte vnd vrteil des ewigen Todes fallen/ Sondern also leben vnd thun/ wie die thun sollen/ so da lebendig vnd selig worden sind.

Also redet nu S. Paulus hievon/ vnd spricht/ Wisset jr nicht / welchem jr euch begeben zu Knechten / in gehorsam / des Knechte seid jr / dem jr gehorsam seid / Es sey der Sünde zum Tode/ oder

Gnade sol vns leren/ das wir nicht wider sündigen vnter des Rechts vnter des teil fallen.







Das ist ja auch vernunfftig davon geredt / wie Menschen nach irem verstand pflegen zu reden / Vnd wir auch eben das selbige predigen / On das / so wir auff vnser / das ist / der Christenweise / höher vnd mit andern worten davon reden (wie wir denn müssen) so ist es der Welt ergerlich / Denn ob wir wol sagen / man sol nicht räuben / stelen / morden / neiden / hassen etc. so ist es doch damit noch nicht ausgericht / das es durch das Gesetz verboten wird / Sondern es mus durch Gottes gnade geschehen / welche es nicht durch vnser vermögen ausgerichtet / sondern durch den heiligen Geist / in denen / so da glauben. Aber wenn wir also davon reden / so scharret flugs die tolle Welt also daher / O ist das war / das es vnser thun nicht ist / so lasse vns guter ding sein / vnd kein gut werck thun.

Vernunfft  
kan nicht  
lesen / wie  
man recht  
gutes thun  
sol.

Das aber dieser verstand falsch / vnd ein mutwillige verkerung der rechten lere sey / beweiset sich daraus / das wir ja Gottes Gebot / ja auch der Vernunfft lere (so da leret / das man sol gutes thun / vnd böses meiden) loben vnd bestetigen / ja der selben helfen vnd bessern / da sie zu schwach vnd zu wenig ist / weil die Vernunfft nicht kan weisen / wie der sachen zu helfen sey / Denn wenn sie es köndte / so würden die Leute sich nicht durch jr eigen treume vnd falsche lere von nichtigen / vergeblichen wercken (wie des Bapstthums vnd alle falsche Gottes dienst sind) verführen lassen / Welche alle kommen wol aus dem grund / Man solle gutes thun vnd böses meiden / Vnd ist wol dieser heubtspruch recht / des wir alle sampt eins sind / Aber so man sol darauff bawen / vnd sagen / Wie vnd was man thun solle / das gut sey / das scheidet sich / Das zeigt allein Gottes Wort.

Dem Vernunfft wird hie leichtlich geblendet vnd betrogen mit falschem schein / wo man nur etwas Gut nennet / Vnd wenn sie schon alles thut / was sie meint gut sein / so bleibt sie doch bey jr selbs der sachen ungewis / Ja sie findet auch solcher lere keine frucht noch beserung / Denn solch thun doch nicht weiter bringet / denn in eusserliche werck / das man sich für den Leuten from vnd schön machet / aber doch damit der innerlichen bosheit vnd sünde nicht gee-

wehret wird / Bleibt noch gar im vorigem alten wesen gefangen / vnd gehorsam der Sünden vnd iren lusten / Vnd was solcher Mensch thut / thut er doch nicht von hertzen / sondern wolt lieber anders thun / wo er nicht die schande oder straffe fürchten müste.

*ad rem per se formam  
sine pmo.*

Je bringen wir ein höhere Predigt des Euangelij / welche leret erstlich / wie die Sünde in vns getödet vnd begraben werde durch Christum / Also / das wir nu ein gut gewissen erlangen / das der Sünden feind wird / vnd wider sie streitet / vnd kommen nu in einen andern gehorsam / da wir von der sündē erlöset / Gotte dienen / vnd vns vleissen zuthun / was im gefellet / ob gleich keine furcht / straffe noch Zentker oder Richter were.

*Euangeli-  
um leret /  
wie man  
kömme für  
Gott gutes  
thun.*

So nu solches recht gehet / vnd dieser Minor / darob die frage vnd der streit ist / gesetzt ist / wie man der Sünden los wird / vnd zu rechten guten wercken köme / So kommen wir nu recht wider zusammen auff den grund oder heubtspruch / Nemlich / das gute sol man thun / das böse meiden / Vnd setzen zu gleich den Schluss / Tu wir der Sünden los sind / vnd zu Gott bekeret / so sollen wir auch Gotte zu gehorsam das gute thun / vnd nicht mehr in sünden leben.

Sohe / also brauchet S. Paulus des Gesetz vnd menschlicher Vernunfft (so fern sie das Gesetz verstehet) wider die falschen meuler / so die rechte lere verkeren / Das man sehe / da diese lere nicht ist wider gute werck / aber doch viel höher denn die lere von wercken / Denn sie zeigt / wo solches her köme vnd zu wegen bracht werde / nemlich / nicht aus menschlicher vernunfft vnd vermögen / sondern aus der Gnade vnd krafft des heiligen Geistes. Das ist nu / das S. Paulus schlesst / vnd spricht.

*S. Pauli lee-  
re aus der  
Vernunfft /  
wider die  
Lesterer.*

Gleich wie jr etwre glieder begeben habt zu dienste der unreinigkeit / vnd von einer ungerechtigkeit zu der andern / Also beget auch nu etwre glieder zu dienste der gerechtigkeit / das sie heilig werden.

Das leret euch ja die Vernunfft / Weil jr nu nicht mehr der Sünde vnd ungerechtigkeit unterthan seid / das jr auch nicht mehr der selben dienen noch gehorsam sein sollet /

*Handwritten notes at the bottom of the page, including Latin phrases and marginalia.*



habt irs genossen / oder daran gewon-  
nen? Nichts / denn das jr euch selbs  
noch auff diesen tag des schemen müs-  
set / vnd dazu endlich in dem tod hettet  
müssen bleiben. Die zwo köstliche frucht  
vnd nützung habet jr / vnd nichts bessers /  
damit verdienet / denn Schand vnd  
Tod. Ein köstlicher / billicher lohn für  
solchen dienst / da der Mensch wil frey  
sein von der Gerechtigkeit / vnd lebet /  
wie es in gelüstet / Vnd helt solches für  
ein fein / köstlich leben / Denn es thut  
fleisch vnd blut sanfft / welches meiner  
wol also vngestraft zu bleiben.

Wer es komen zwo harte Xuten  
daruff / die eine heisset Schemen / das der  
Mensch / beide / für Gott vnd der Welt /  
mus seine schande bekennen / Gleich wie  
Adam vnd heua im Paradis / nach dem  
sie wolten von Gottes Gebot frey sein /  
vnd folgten der verboten lust / dazu sie  
vom Teufel gereizt waren / mussten sie  
darnach ire schande fülen / vnd sich in ir  
hertz schemen / für Gottes augen zu ste-  
hen. Das ander / ist der ewige Tod vnd  
hellisch feur / so sie müssen zu der schan-  
de haben / darein auch vnser erste Eltern  
gefallen waren.

Wäre es nu nicht feiner / von der  
Sünde vnd irem dienst frey / der Gerech-  
tigkeit dienen? Da jr euch nimer mehr  
durfftet / weder schemen noch schaden  
haben / sondern zweierley nutz vnd fro-  
men dafür kriegt / das jr ein gut frölich  
gewissen habt für Gott vnd allen Crea-  
turn / vnd dadurch heilig seid / das ist /  
sicher vnd gewis / das jr Gotte dienet /  
ja sein eigen seid / Vnd zu dem / habt ei-  
nen reichen / vnuergänglichen lohn / wel-  
cher ist das ewige Leben.

Das heisset nu noch alles menschlicher  
weise geredt / wie die Vernunft verste-  
het / vñ also helt / auch wo kein Christus  
erkand wird / Denn es ist in aller Welt  
also / das die / so böses thun / als Diebe /  
Mörder etc. beide / schande für der  
Welt / vnd den Tod dazu müssen leiden.  
Widerumb / die da gutes thun / bey allen  
Leuten ehre vnd guts dazu haben.

Denn der Tod ist der Sünden  
sold / Aber die Gabe Gottes / ist das  
ewige Leben / in Christo Ihesu vn-  
serm HERRN.

Als ist wol ebentwerlich ge-  
redt / das man denen / so böses

thun / sol noch Sold gebē / als hetten sie  
recht gehandelt / vnd sich wol verdie-  
net / Denn das Wort / Sold / deutet etc.  
was guts / so man denen gibt / die sich  
redlich halten / vnd ritterlich streiten.  
Aber er redet also / eben denen zu ver-  
dries vnd zu wider / so seine Lere verket-  
ren / vnd sagen / ho / S. Paulus predigt  
von eitel gnade / vnd verheisset auch  
Sold / denen / die da sündigen. Ja (wil  
er sagen) rhüme jmer hin / du solt einen  
Sold kriegen / Ich meine den Tod vnd  
hellisch feur / Den soltu wissen vnd ge-  
warten / so du wilt das Euangelium  
dahin deuten / als solt dir Gott noch ei-  
nen sold darumb geben / das du der Sün-  
den dienest.

Wt solchem mehrlichen reden wil er  
deste mehr abschrecken die / so solches  
furgeben / oder sich lassen bereden / als  
solte man Gott dienen können / auch  
mit sünden / vnd noch dazu lohn bey jm  
haben. Wendet also die wort nach iren  
gedanken vnd reden / Ja / wenn irs das  
für haltet / vnd also zu verstehen ist / das  
wer da dienet / sol einen lohn vnd sold  
haben / so kriegstu wol einen sold / der  
heisset Tod vnd helle / den mag jm ha-  
ben / wer da lust dazu hat / vnd für köst-  
lich ding helt.

Widerumb sagt er / Gottes gnade /  
ist das ewige Leben. Da sihe / wie er die  
wort füret. Hie brauchet er das wort  
(Sold) nicht / Den er zu vor geletet / das  
wir das ewige Leben nicht vmb vnser  
werck willen / als einen verdieneten  
lohn / sondern aus lauter gnaden / vmb  
Christi willen erlangen / durch den Glau-  
ben. Darumb heisset er es eine Gabe Got-  
tes in Ihesu Christo etc. welche so der  
Mensch hat / so hat er schon das heubt-  
stück / dadurch der Schlangen kopff ges-  
tödet wird / Vnd nu so reich vnd selig  
ist / das solch leben im niemand nemen  
kan / vnd hat solche krafft / das er nu kan  
die Sünde meiden / vnd jmerdar an sei-  
nem fleisch tödten. Welches durch kein  
Gesetz noch menschlich vermögen kan  
zu wegen bracht werden / sondern es ge-  
höret dazu der Glaube / dadurch wir in  
Christo eingeleibt vñ mit jm gepflantz  
werden / in den tod der Sünden /  
zum ewigen Leben / vnd recht  
schaffenen guten wer-  
cken etc.

# Euangelium am siebenden

Sontag nach Trinitatis / Marc. 8.



**Z** der zeit / da viel Volckes da war / vnd hatten nicht zu essen / rieß Ihesus seine Jünger zu sich / vnd sprach zu inen / Mich samert des Volcks / denn sie haben nu drey tage bey mir beharret / vnd haben nichts zu essen / Vnd wenn ich sie vngessen von mir heim ließe gehen / würden sie auff dem wege verschmachten / Denn etliche waren von ferne komen. Seine Jünger antworten im / Woher nemen wir brot hie in der Wüsten / das wir sie fettigen ? Vnd er fragte

sie / Wie viel habt jr Brots ? Sie sprachen / Sieben. Vnd er gebot dem Volck / das sie sich auff die erden lagerten. Vnd er nam die sieben Brot / vnd dancket / vnd brach sie / vnd gab sie seinen Jüngern / das sie dieselbe furlegten / vnd sie legten dem Volck fur. Vnd hatten ein wenig Fischlin / vnd er dancket / vnd hies die selbigen auch furtragen. Sie offnen aber vnd worden sat / vnd huben die vbrigen brocken auff / sieben förbe. Vnd irer war bey vier tausent / die da gessen hatten / vnd er lies sie von sich.

lere und  
trost / wider  
die bauch-  
sorge.



**D**ies Euangelium gibt uns abermal / beide / lere und trost / wider die ansehung der bauch- sorge oder zeitlicher narung und erhaltung der Kir- chen auff Erden. Und gehöret hie zu der Glaube / Weil Christus ist nicht komen / ein solch Regiment zu ordnen / das da heisse ein weltlich Reich oder heuslich Reich / welches schon zuvor von Gott geordnet / und dazu gegeben ist / was dazu not ist. Und die Vernunft hie selbs leret / wie und woher man möge zu wegen bringen / das ein jeder in sei- nem stande narung / friede und schutz habe / Da man kan fur augen sehen / und zu handen bringen allerley noedurfft / so man bedarfft / dieses regiment zu er- halten.

Christi  
Reich trach-  
tet nicht  
nach der  
Welt güter.

Darumb hat sich Christus des sel- ben nicht angenommen / als das seines stands und Ampts nicht gewesen / Son- dern weil sein Reich solt ein ander Regi- ment sein / darin allen Menschen / in al- len stenden und Regimenten / hohen und nidern / als Sündern und verdamp- ten fur Gott zum ewigen Tod / zu Göt- tlichem ewigem Reich und Leben solt geholffen werden / so must er sich des sel- ben annemen / und der andern beide ent- schlagen.

Daher wolte und muste folgen / das seine Jünger / Prediger und Diener / wülden müssen armut leiden / weil sie vber jrem dienst und Ampt nicht wie die ander Welt / künden fur jre narung trachten / noch hoffen dauon reich zu werden / Zu dem / das sie on das von der Welt wülden verfolgt werden / die sich wider jre Predigt legen / weil sie nicht jrem verstand und dunckel gemess ist / Und also die Christen in der Welt nicht können auff gewissen grund jrer narung oder friedliches wesens und schutzes sich verlassen / Sondern allzeit müssen der Welt halben vngewis sitzen / und auch des / so sie bereit gehabt oder ha- ben möchten / in fahr und wogen schwe- ben / Sollen sie aber auch zu essen und trincken / vnd etwo zu bleiben stet und raum haben / so können sie es von nie- mand / denn allein von Christo gewar- ten.

Das weis nu Christus wol / darumb

rüfset und eröfset er sie mit diesem und der gleichen Exempel und Sprüchen / das sie nicht verzagen / ob wol sein Reich nicht ist / noch zu thun hat mit essen und trincken / bawen und sorgen fur leibs narung / so sollen sie dennoch nicht hun- gers sterben. Und bestetigt also aber- mal diesen Spruch Matth. 6. Trach- tet am ersten nach dem Reich Gottes / und nach seiner gerechtigkeit / so sol euch das ander alles mit zu gegeben werden.

Denn er hiemit beweiset / das / die im nachlauffen / seiner Predigt zu hören / und so starck / das sie auch drey tage in der Wüsten bey im beharren / das sie nicht wol künden on hungers not wis- der eraus komen (und also in armut / mangel und kommer sind / vmb seines Worts willen) Doch / weil da am ersten gesucht ist Gottes Reich / und Christus zuvor gepredigt / gebetet und ausge- richte hat / wae Gottes gerechtigkeit bes- trifft / da mus auch das leibliche folgen und hernach komen / Auff das sie lernen glauben / das es daran nicht mangeln sol / und sie von im auch solches gewar- ten sollen / was zu erhaltung dieses leib- lichen lebens auff Erden seine Kirchen not ist.

Es haben zwar allzeit der Kirchen Armut und grossen schaden gethan / und thuns noch / diese zwey / Armut und Reich- thum. Denn erstlich / wo man hat ges- hen die Aposteln und rechte Bischoue und Prediger / so arm / das jnen nie- mand nichts gegeben / und selbs auch nichts haben können erwerben / da hat jederman fur solchem Ampt schew ge- habt / vnd niemand hinan gewolt. Zum andern / Da sie auch sind vberreich wor- den / von grossen stiftungen und Pres- benden / vnd darin geseffen in aller fülle / haben sie selbs das Predigampt und Seelsorge lassen anstehen / und sich der herrschafft gebraucht.

Also auch jnt / da rechte Pfarrher und Prediger so gehalten werden / das jnen niemand nichts gönnet / vnd dazu jnen / was sie haben / vor dem maul hin- weg genommen wird / von der schend- lichen vndanckbarn Welt / Fürsten / Adel / Bürger und Bauern / das sie müs- sen mit jren armen Weib und Kindern not leiden / vnd elende verstoffene Wid- wen und Waisen nach jnen lassen. Das

o ij mit

Tröstung  
der Chri-  
sten / das  
Christus  
auch fur je  
labliche not  
durfft sor-  
ger.

Armut und  
gros reich-  
thum / bet-  
des der Kir-  
chen schad-  
lich.

## Auslegung des Euangeli

Viel seiner Leute durch armut vom predigamt geschreckt.

mit werden auch gar viel gutherzige vnd seine geschickte Leute / je lenger je mehr / abgeschreckt / Pfarherr oder Prediger zu werden / Denn sonst alle künste / handwerck vnd Stende / dazu dienen / das man sich hungers vnd armut erwehre / Aber mit diesem Ampt gehet das widerspiel / das / wer des treulich wil warten / der mus sich in fahr vnd armut geben.

Daraus wird denn folgen zurstörung der Kirchen / das die Pfarren ledig stehen / die Predigestül verseumet werden / Oder werden wider solche Prediger kommen / die da nicht mit trewen nach Gottes Wort vnd Christi Reich trachten / sondern denken / wie sie predigen / was die Leute gerne hören / damit sie mögen dabey on fahr bleiben / vnd wider reich werden / Damit es abermal nicht gut wird / Darumb auch ist die grossen vnd gewaltigen (sonderlich der Adel) dencken / ire Pfarherr vnd Prediger vnter den füssen lassen ligen / das sie nicht wider reich werden vnd ober sie herrschen / wie sie zumor erfahren / vnd nu gebrand sind / Aber damit werden sie es nicht dazu bringen / dahin sie gedenden.

Je sol man denn nu den sachen thun / vnd woher wil man Prediger vnd Pfarherrn haben / das Christi Reich erhalten werde? Denn es ist bei des der Kirchen nicht gut / Eitel armut / hunger vnd kummer können die Prediger nicht leiden / Gros gut vnd reichthum kan man nicht ertragen. Armut helet die Personen auff / Reichthum wehret irem werck vnd Ampt. Aber gleichwol / wo es also zugehet / das man jnen auch nicht vnterhaltung geben wil / vnd Predigestüle vnd Pfarrampft ledig gelassen werden / so wird die Welt auch sehen / was sie des geniessen wird.

Denn so ein jeder nur wil sein Haus bedencken / vnd trachten / wo er sich erneere / vnd niemand darnach fragen / wo Gottes Wort vnd Predigamt bleibe / So wird Gott eben also dazu sagen / wie er im Propheten Haggai thut / da das Volk auch Gottes Haus lies wist ligen / Gottes Wort vnd dienst im Tempel anstehen / das die Priester vnd Diener musten Ackerwerck treiben / vnd ander ding lernen / damit sie sich erneereten / weil jnen nichts gegeben ward zu irem Ampt vnd dienst.

Darumb spricht er daselbst / Weil jr in gewelbeten Hausern wonet / vnd lasst mein Haus vngewarret stehen / So schawet wie es euch gehet / Ir seet viel / vnd bringet wenig ein / Ir esset / vnd werdet doch nicht sat / Ir trincket / vnd werdet doch nicht truncken / Ir kleidet euch / vnd künd euch doch nicht erwermen / Vnd welcher gelt erwirbet / der leget in einen löcherten beutel. Item / Ir wartet wol auff viel / vnd wird euch wenig / vnd ob irs schon heim bringet / so zerstenbe ichs doch. Warumb das? Darumb / das mein Haus so wüst steht / vnd ein jglicher eilet auff sein Haus. Darumb hat der Himel ober euch den tau verhalten / vnd das erdreich sein gewechs / Vnd ich habe die Dürre geruffen / beider / ober land vnd berge / ober Korn / most / Ole / vnd ober alles was aus der erden komet / Auch ober Leut vnd Viehe / vnd ober alle erbeit der hende.

Die / das ist die straffe solcher verachtung des Predigamptes / wo sie angnedigsten ist / wie sie noch zu der zeit gewest / vnd wolt Gott / das es dabey bliebe. Aber wenn man Gottes Wort so gar enhindern setzet / vnd die Priester oder Prediger also helt / das sie müssen von irem Ampt lassen / vnd durch ander erbeit ir brot suchen / vnd damit auch andere danon abschreckt / die sonst dazu geschickt vnd geneigt weren / So schicket er nicht allein thewring vñ andere grosse landbeschwerung (wie jzt fur augen) das niemands beuel nichts behalten kan / vnd kein segen noch vorrat bleibe / sondern nimpt das Wort vnd rechte lere gar hinweg / vnd leset da fur Rotten Geister vnd falsche Lerer / von den man verführet vnd betrogen wird / ehe man sichs versihet / vmb seel vnd gut / vnd dafür jnen nur reichlich vnd mit hauffen zutragen mus.

Darumb were hie der Welt zu raten / wenn sie ir wolt sagen lassen / Herrn / Stärken / Landen / Steden / vnd allen in gemein / das sie dazu theten / vnd Gottes Haus vnd Reich auch ein wenig bestelleten / zur notdurfft / wie man doch in andern Emptern vnd künsten thut / mus / das / die der selben warten sollen / auch ir brot dauon mögen haben / welches ist viel mehr von nöten im predigamt der Kirchen / Denn wo es an einem

Sag.

Gottes Wort vnd straffe wo man Gottes Haus vnd predigamt nicht erhalt.

Straffe der verachtung Gottes Wort.

Die Obere zeit schicklich vnd predigamt stüle zu erhalten.

einem Amtman oder Richter gnug ist/ Item/ ein Jurist oder Medicus kan wol eine Stad oder mehr / vnd zu weilen ein ganz Land bestreiten / Da mus man in manchem Land (darnach der Kirchspiel vnd Pfarren viel sind) wol tausent Prediger haben / Denn es werden teglich Kinder geboren / die man reuffen mus vnd auffziehen/ das sie auch Gottes Wort lernen vnd Christen werden. Woher wil man solche nemen/ wo man sie nicht erneeret noch auffzeucht? Da müssen entweder die Kirchen ledig stehen / vnd das Volck zurstrewet vnd irre gehen/ oder grobe Esel vnd verführer haben vnd leiden.

Schrecklich  
verel vber  
die so das  
Predig-  
amt hñ  
dern.

Wer weh denen allen/ so hie zu geholfen/oder nicht gehindert haben/das Gottes Haus mus wüfte werden. Viel mehr aber denen/ die auch andere abschrecken / vnd wehren / das sie nicht können dazu komen oder dabey bleiben / Denn solche sind erger / denn Juden oder Türcken. Wiewol auch darumb nicht entschuldigt sind / die / so vmb armut willen sich lassen davon schrecken/Denn es feilet jnen allermeist am Glauben / das Christus dennoch jnen auch jr brot vnd leibs narung geben wolle / Welches / ob es gleich kömmerlich zugehet/ vnd sawr wird / So mustu dagegen dencken / wie gar viel grösser gut es sey / das ein Mensch ein stück brots in die hand kriegt / wunderbarlich vnd durch Gottes segen / denn alles reichthum vnd fülle der Welt.

Darumb solt doch sonderlich das Regiment auch dencken / etwas hiez zu thun / vnd hülflich zu sein auff vnser Kinder vnd Nachkommen/vnd nicht also die hand abzihen / vnd mit jrem Exempel andere auch daran hindern vnd abschrecken / vnd der Christenheit unuerwindlichen schaden thun. Wie wiltu es gegen Gott verantworten / so du durch deinen verfluchten Geiz ein einige Seele verseumet oder verhindert hast an jrer seligkeit? Ich wil schweigen / so du ein ganze Stad oder Land daran hinderst / das sie nicht mögen Gottes Wort vnd Predige haben.

Verfluchter  
Geiz/dere  
so nicht  
Gottes  
Wort für-  
dern.

Vnd es mus je ein grausamer vnbarmherziger / verfluchter Mensch sein/wer seinen eigen Kindern nicht das zu hilfft/viel mehr/so ers wehret. Denn

so wir Christen sein wollen/ sollen wir ja wissen / das wir dazu beruffen sind/ vnd Gottes gebot ist/ das wir alle das zu thun / mit beiden henden vnd allen Kressen/ das Gottes Haus nicht wüft/ noch die Predigstüle ledig stehen/ vnd sein Reich nicht auffhöre/damit nicht beide / wir selbs vnd das junge Volck der seligkeit beraubt werden.

War im alten Testament war es durch Mosen einem jeden auffgelegt vnd geboten / dazu den Lebenden zu geben von allem einkomen. Wie viel mehr sollen wir Christen zu dem thun / welches am nötigsten ist / vnd on das niemand auff Erden nichts dazu gibt noch thut / das Christi Reich gebawet bleibe/Das wir seine Diener auch lassen mit vns essen / auff das wir auch in dem selben Reich Gottes bleiben / vnd solche gnade vnd seligkeit auch auff vnser Kinder erben mögen / Thun wirs nicht / so wird er zu lohn vnser vndanckbarkeit/ vnserm Geiz vnd frass auch steuren/ das vns bald selbs zerrinnen wird/Denn so viel haben wir nicht guts vnd vorrats/er kan eine Kost darein komen lassen (durch theurung/Türcken/Krieg oder ander Landplage) das es in einem jar alles verzeret / verheret oder sonst verderben mus.

Also wil vns nu Christus erstlich hie durch sein eigen Exempel vermanen/das ein jeder auch Gottes Reich vnd Wort helffe furdern/ mit zeitlichen leiblichen gütern/ so er nicht selbs kan oder wil ein Prediger sein. Darnach auch die / so im Ampt sind / hiemit tröset / das sie sich nicht ergern oder abschrecken lassen / durch gegenwertigen mangel oder armut/ Sondern wissen / das Christus für sie sorget / vnd sie in jrem armut erneeren wil / vnd nicht jmerdar lassen not vnd mangel leiden / sondern zu letzt desto reichlicher speisen / Ja er hat schon alles zuuor dazu bedacht vnd bestellet/ ehe sie daran dencken / woher sie es nemen sollen.

Exempel  
Christi/das  
wir der Rie-  
chen auch  
mit leibli-  
chen gütern  
dienen sollē.  
Trost für  
die / so im  
Predig-  
amt ar-  
mut leiden.

Denn er zeigt ja in diesem Exempel gewaltiglich an/das er ist ein reicher gewaltiger Herr vnd Schaffner / ja selbs ein reicher Müller vnd Becker / besser denn keiner auff Erden/ der das hand-  
werck

Christus ein  
reicher  
Speismet-  
ter.



## Auslegung des Euangelij

werck seer wol gelernet / Ja er richtet gar viel handwerck auff ein mal aus / vnd on einigs Menschen hülffe / pflüget / erndt / driffchet / mahlet vnd beset / fast in einem augenblick. Denn es ist je ein wunder / vnd der Vernunfft vn- begreifflich / so viel tausent Man / on Weiber vnd Kinder / speisen mit sieben broten / das sie alle sampt gesettiget werden / vnd noch vberbleibet / Noch hat ers so bald gethan mit einem wort / da er nur das brot anrühret / vnd dahin gibe aus zu teilen / Da ist schon fur so viel tausent Menschen / vnd noch mehr / gemalen / gebacken vnd alles bereit. Das mus ein feiner König sein (sagen die fünff tausent / so er auch der gleiche speiset / Joha. 6.) den möchten wir haben / Der solt einen hauffen Volcks zu feld führen vnd versorgen / da man künde allzeit in einen Korb / oder in die tasschen greiffen / vnd den ganzen hauffen reichlich speisen vnd besolden.

W / das kan er / vnd solchen König haben wir an jm / Wo er hin greiffet / da ist es alles voll / vnd wo er geben wil / da mus alles gnug vnd vberflüssig sein. Also heisset er Petrum Matth. 17. hin gehen / vnd aus des Fisches munde einen Stater nemen. Wer hat jm da silber bestellet oder gemünzet / oder wer wolte da im wasser / vnd eben in des Fisches munde / gelt suchen? Aber er kan es machen / vnd nemen / wenn / wo vnd wie er es haben wil / Ja auch aus stein brot vnd wasser bringen / damit er die ganze Welt speiset / Denn man in der ganzen Welt sibet teglich in also thun / vnd alles was sie hat / durch eitel solch wunder gehet / die nicht geringer sind (wie auch S. Augustinus sagt) denn dieses.

W / Ir sinds zwar also gewonet / das das Korn jerlich aus der erden wechset / vnd durch solche gewonheit so geblendet / das wir solches wercks nicht achten / Denn was wir teglich sehen vnd hören / das haltē wir nicht fur wunder / Vnd ich doch ja so gros / ja wenn man recht dauon reden sol / wol gröffer wunder / das er aus sand vnd stein das Korn gibt / als das er hie mit sieben broten den hauffen speiset / Denn was ist ein durrer sand anders / denn eitel zumalmeter stein / oder ein stein anders / denn vnzu- ribner sand oder Erden? Wie kan aber

aus einem stein brot werden / das man essen könne? Vnd wechset doch allein aus sand vnd erden / Der gleichen alles / was da wechset / vnd was alle Thier vns geben / ein jedes nach seiner art / wo komet es her / denn aus erden vnd sand?

Das sind eben die wunder / so von anfang der Wele gestiftet / vnd teglich gehen / das wir damit gar vberschüttet sind / One das / weil sie so gemein sind / das sie vnser augen vnd sinne füllen / so mus Gott zu weilen (wie er hie thut) nicht ein grössers / aber doch ein sonder- lichs machen / das nicht nach gemeinem lauff gehet / damit er vns auffwecke / vnd durch solch einzel sonderlich wunder wei- se vnd füre / in die tegliche wunder der weiten Welt.

Kan doch kein ackerbawer nicht anders sagen / denn / das sein Korn aus lauter stein wachse / Wie auch Mose im 5. Buch am 32. sagt / Gott hab das Volk in das Land geleitet vnd gesezet / das es honig saugete aus den felsē / vnd ole aus den harten steinen / Was ist das ges- sagt? Wie kan honig vnd ole aus fels vnd stein wachsen? Tu geschiet es ja also / das beide / Korn vnd bewme / so die süssesten fruchte tragē / sind gesezet auff stein oder sand / vnd da heraus wachsen / vnd nirgend anders her je safft vnd Krafft empfaben. Wo das jzt fur vnsern augen geschehe / das ole oder honig aus einem Pfeiler heraus flüsse / da würde alle Welt von wunder vber wunder sa- gen / Aber da wir teglich lauffen vber land vnd acker (da es fur vns wechset) da sehen noch verstehen wir nichts.

W / il wir nu Gottes tegliche werck / die eitel wunder sind / so in wind schlagen / so mus er vns mit diesem son- dern / vnd dieses gleichen das mau- auffsperrē / vnd fur sonderliche wun- der lassen predigen. Das doch ein Christen die selben lasse seine Schrifft vnd Buch sein / daraus er lerne alle Gottes werck vnd wunder ansehen / vnd sein herz darauff zu frieden setze / vnd dencke / Was sol ich fur meinen bauch vnd narung mich engsten vnd sorgen? Woher gibt er das Korn auff dem feldē / vnd alle fruchte? Da die Welt mit alle irer weisheit vnd macht nicht vermöchte ein helmlin / ein blet-  
lin /

Christus speiset die Welt teglich aus stein vnd erden.

Tegliche wunder- werck Christi.

Sondere werck Gottes / vber die tegliche wunder.

König vnd ole aus fels vnd stein / Deut. 32.

lin/ein blümlin eraus zu bringen. Thut denn Christus mein HERR vnd Gott solches teglich/was wil ich denn sorgen oder zueueln / ob er mich auch könne oder werde erneeren?

**H**ie sprichstu / Ja / Wie gehets denn zu/ weil er ein solcher König ist / so alle Welt reichlich speiset/ Warumb leste er seine Christen so offte not vnd armut leiden in der Welt? Denn er solte je billich für allen andern sein eigen Volck reichlich versorgen?

Warumb  
Gott offte  
lest die Chri-  
sten armut  
leiden.

**A**ntwort/ hie mus man wissen/wie das Reich Christi gethan ist / Denn er wil hiemit vns zeigen / wie ich droben im anfang gesagt habe/erflich/das sein Reich auff Erden nicht ist ein weltlich Reich/das da stehe in dem/wie man hie auff Erden esse/trincke/haus halte/des leibs warte / dazu alle nordurfft dieses lebens müsse geordnet vnd für handen sein / Sondern er hat ein solch geistlich Reich geordnet / darin man götliche ewige güter sol süchen vnd finden/ vnd das selbe auch also bestellet / das es mit Gottes Wort / Sacramenten / krafft vnd gaben des heiligen Geistes reichlich versorget ist vnd bleibt / vnd gar nichts mangelt an dem / so das ewige Leben zu haben vnd erhalten dienet.

**W**arumb leste er die Welt in irem Regiment ire nordurfft vnd verrat haben vnd hin nemen / vnd damit sich reichlich versorgen / Aber seine Christen heisset er ir Datum vnd trost nicht auff dis zeitlich segen / sondern nach Gottes Reich trachten / darin sie ewig gnug haben vnd reich sollen sein. Das ist eines.

Von Chri-  
sto mus die  
Kirche ire  
nordurfft  
gewarten.

**V**om andern/ Wil er seine Christen lehren / den Glauben zu vben auch in diesem stück / so dis zeitliche leben vnd leibliche güter belanget / also / das sie auch hierin im in die hende sehen / vnd von im auch solche nordurfft dieses lebens gewarten/ Denn so die Kirche auff Erden seine Kirche sein vnd bleiben sol/ so mus er jr auch für iren leib/essen/trincken/kleider/raum/stet/vnd ander nordurfft schaffen. Ja / er hat wol alles/was die Welt hat vnd treget / vmb der fromen Christen willen geschaffen/gibt vnd erhelte es auch noch allein vmb der selben willen / so lang die Welt stehet/ das sie wol solten auch in diesem leben

reichlich des genieffen/vnd keinen mangel haben. Aber weil der Teuffel in der Welt herrschet / vnd Christi vnd seiner Kirchen feind ist/vnd weil sie selbs auch nicht nach dieser Welt güter trachten/ So müssen sie leiden / das inen das / so inen gehöret / für dem man weg genomen vnd geraubt wird.

**H**ie mus nu Christus auch seiner Kirchen helfen vnd geben/was sie mangel vnd not leidet/das sie bleiben könne/ Also/das es heisse/wunderbarlich gegeben / vnd die Christen erkennen/das es von im gegeben sey / Vnd solch sonderlich wunderwerck stets in seiner Christenheit beweise / das sie dennoch mus zu essen vnd trincken etc. haben / ob jr schon die Welt nicht gibt noch gönnet/ sondern nimet / oder je vmb das / so jr Gott gibt/neidet vnd hasset.

Christus  
mus selbs  
sein Aitane  
wunderbar-  
lich erhal-  
ten.

**S**ie / das sollen wir nu auch lernen glaubē/ Das wir einen solchen HERRN an Christo haben / der auch für vnsern bauch vnd zeitlich leben sorget/ vnd damit die sorge des vnglaubens wegschlagen vnd vberwinden. Denn er durch so mancherley Exempel zum Glauben vns reizet / als der gerne wolte/das wir solche Leute würden/ die da gar on sorge weren / für vnser Person/ beide / was geistlich vnd leiblich oder zeitlich vnd ewig leben betrifft (Denn hie wird nicht geredt von der sorge des Ampts oder Arbeit / so einem iglichen von Gott befohlen vnd auffgelegt ist/ darin trewlich vnd vleissig zu sein) Auff das wir mit frölichem hertzen vnd vertrauen auff ihn/theren/was vns befohlen ist / sonderlich in dem / so zu Gottes Reich gehöret.

Reizung  
zum glau-  
ben zeitlich  
er güter.

**W**ad ob vns not vnd mangel für die hand stiesse/ das man solches im lieffe befohlen sein / vnd ein Christ sich also tröstet vnd stercket/ Ich weis / vnd hab es gelernet aus dem Euangelio / das ich habe einen solchen HERRN / der da kan aus einem brot so viel / als er wil/ machen/vnd dazu bedarff/ weder acker/bawer/ müller noch becker/ vnd mir geben/wenn vnd wie viel mir nur not ist/ ob ich gleich nicht weis noch verstehe/ ja auch nicht daran dencke / wie oder wenn/vnd woher es komen solle.

**D**as zeigt nu auch der Text des Euangelij / wie sich Christus

## Auslegung des Euangelij

Wie hertz-  
lich Chri-  
stus die not  
des Volcks  
bedencket.

stus stellet vnd redet / da er das Volck  
sibet / so im nachfolget / vnd nu on hun-  
gers not nicht wider heim komet an /  
Da er die Jünger zu sich fordert / vnd  
helt einen rat mit inen / sehet an / vnd  
spricht / **N**ich jamert des Volcks.  
Vnd setzt die vrsache dazu / Denn sie  
haben (spricht er) nu drey tage bey  
mir beharret / vnd haben hie nichts  
zu essen etc.

**J**e sage mir / wenn das Volck selbs  
zu Christo hette eine Botschafft ge-  
schickt / ire notdurfft an zu zeigen / ob  
sie es auch so wol hetten können wer-  
ben / als er es selbs bedencket / vnd auch  
seinen Jüngern furhelt / Denn wie wol-  
ten oder künden sie es besser austrei-  
chen / vnd stiercker vrsachen furwenden /  
in zu bewegen / denn das sie also sagten /  
**A**h lieber **HERR** / las dich doch ja-  
mern des armen grossen Volcks / beide /  
**M**an / Weib vnd Kinder / die dir so weit  
nach gezogen sind / dich zu hören. Zum  
andern / Dencke doch / das sie nu drey ta-  
ge bey dir blieben vnd geharret. Zum  
dritten / Das sie nichts zu essen haben /  
denn sie sind hie in der Wüsten etc. Zum  
vierden / Wenn du sie vngeessen von dir  
lessst / so müsten sie doch vnter wegen  
verschmachten / ehe sie heim komet / son-  
derlich / was da sind / schwache Leute /  
Weiber vnd Kinder. Zum fünfften /  
Dencke doch / das etliche sind von ferne  
komet etc.

Christus be-  
dencket alle  
vnsere not /  
besser / denn  
wir sie kün-  
nen furtra-  
gen.

**S**iehe / das bedencket er alles selbs /  
ehe es im jemand sagt / Vnd hat selbs  
das Gebet (so sie in irem hertzen gerne  
wolten fur in bringen) so wol gemacht /  
das es niemand so wol in sein hertz tra-  
gen künde. Ja / er ist schon darumb be-  
kümert / ehe sie dencken / in zu bitten /  
Vnd ire not ernstlich mit den Jüngern  
beredet / vnd dauon ratschlegt / wie im  
zuthun sey.

**W**as ist das alles anders / denn eitel  
lebendige Predigt / beweisung vnd zeng-  
nis / das er es so wol vnd hertzlich mit  
vns meinet / vnd zuuor / ehe wir im kün-  
nen etwas furbringen / vns ins hertz  
sibet / besser denn wirs selbs können re-  
den / das kein Mensch dem andern hertz-  
licher künde einreden. Denn er harret  
nicht / bis jemand zu im sagt / **A**h  
**HERR** / las dich des Volcks jamern /

Dencke doch / wie lange sie geharret /  
wie weit sie heim haben etc. **E**y spricht  
er / **E**s jamert mich schon / vnd habe  
schon alles gedacht. Aber lasse doch jr  
euch auch hören (spricht er zu den Jün-  
gern) Was ratet jr dazu / wie man im  
thue / das dis Volck gespeiset werde?

**A** mit den Jüngern geschiet erstlich  
darumb / das da sein hertz vnd gedan-  
cken offenbar werden / Denn es mus  
nicht heimlich bleiben / allein in seinem  
hertzen verborgen ligend / das er sich ja-  
mert / vñ bekümmert ist vmb das Volck /  
sondern offenbar an tag komet / damit  
man es höre vnd sehe / Vnd wir doch  
glauben lernen / das auch wir den selben  
Christum haben / der sich vnsere (auch  
leiblicher) not noch jmerdar hertzlich  
annimet / vnd jmer diese wort (**N**ich  
jamert meines armen Volcks) in seinem  
hertzen mit lebendigen buchstaben ge-  
schrieben / in der that vnd im werck er-  
zeigt / Das er auch gerne wolt / das wir  
nur solches auch erkennen / vnd dis  
wort des Euangelij also hören / als  
redet ers noch zu dieser stunde vnd teg-  
lich / wo wir vnsere not fülen / ja viel eher /  
denn wir selbs anfahen die selbe zu kla-  
gen.

**D**enner ist je noch / vnd bleibt auch  
ewiglich / der selbige Christus / vnd hat  
eben das selbige hertz / gedanken vnd  
wort / gegen vns / wie er zu der zeit ge-  
west / vñ gehabt / Vnd ist weder gestern  
noch niemal anders worden / wird auch  
heute noch morgen nicht ein ander Chri-  
stus werden. Vnd stehet hie ein recht  
schön Bilde vnd Tafel / so vns den ab-  
grund seines hertzen abmalet / das er ist  
ein trewer / barmhertziger **HERR** /  
dem vnsere not zu hertzen gehet / vnd tie-  
ffer darein sibet / denn wir thüren bitten  
oder im furbringen. **P**fü der schande vns-  
ers leidigen vnglaubens / das wir sola-  
ches hören vnd sehen / vnd doch so gar  
nicht im darumb vertragen können.

**J**a / das ist eben auch eine vrsach / Die ander  
darumb er solch gesprech anfehet / vnd vrsach des  
die Jünger vmb rat fragt / das wir  
doch vnsere vnglauben vnd torheit se-  
hen sollen / vnd an vns selbs straffen /  
Denn hie sibestu / wie er viel besser vnd  
weiter die not bedencket / vnd dauon  
ratschlegt / denn wir selbs thun können /  
Vnd kein Mensch in seiner eigen fahr  
oder

Warumb  
Christus (et  
ne Jünger  
ratsfragt.  
Das Christi  
hertz gegen  
vns offen-  
bar wird.

Christi stim-  
me / **N**ich  
jamert des  
Volcks.

Die ander  
vrsach des  
gesprechs  
Christi mit  
den Jün-  
gern.

Oder not selbs kan jm also raten / wie jm möchte eraus geholffen werden. Vnd wiewol er schon bedacht vnd beschloffen / was er thun wil / doch fragt er sie rats / damit sie sehen / wie er fur sie sorgt / vnd was sie selbs dazu raten können.

Da findet sich / was Menschen raten können / so sie sollen Gottes vnd Christi ratgeber sein. Hie stehen sie alle / wie die Pfeiffer / so den rantz verderbt haben / faren aus irer menschlicher Klugheit daher / vnd vberlegens mit Salpfeningen. Da sind allein vier tausent Man / vnd wol so viel Weiber vnd Kinder / woher solt man denen gnug zu essen nemen / sonderlich in der Wüsten / sie wolten denn gras vnd hew essen?

Da hörestu die antwort menschlicher weisheit / wenn es zu irem rat komet / vnd wie weit sie ist von dem Glauben / Denn hie zu weie sie nichts anders zu sagen / denn schlecht vnd dürre schleusst / Es sey nicht möglich der sache zu helfen. Das ifts / das allzeit Natur vnd Vernunft mit sich bringet / wo not oder mangel ist / Da sie solt Gott vertrauen / vnd von im rat vnd hülffe gewarten / Sellet sie flugs nach irer blindheit auff das lesterliche wort / Ey / es ist nicht möglich / Es ist verloren etc.

Wenn tods not vnd fahr daher gehet / dencket vnd schleusst sie flugs / Es sey nicht möglich zu leben / Wo kein brot im Hause ist / da sey schlecht vnd möglich / sich des hungers zu erwehren / Vnd also nichts / denn eitel verzweueln bey jr ist / wo sie nicht so bald fur augen sibet vnd ergreifen kan / damit der sachen zu helfen sey / Ist nicht so klug / das sie dencken kan / das er noch rat vnd hülffe wisse / weil er sich selbs darumb annimet / vnd nicht daran verzweueln / sondern also redet (wie er hie thut) als der da wil der sachen geraten vnd geholffen haben / vnd nicht geschehen lassen / das das Volck solt ungeessen von im gehen / vnd unterwegen verschmachten. Ja / sie ist auch nicht so from / das sie im doch die ehre there / vnd glaubte / das er wisse zu raten vnd zu helfen / mehr denn sie verstehet vnd weis / vnd iren vnuerstand oder vnvermögen bekennete / vnd also im die sache wider heim trüge / vnd seines rats vnd hülffe begerte.

Das machet / das wir solche Narren sind / vnd wollen die sache (so Gott mit vns handlen sol) schlecht rechnen vnd messen nach vnserm vermögen vnd krefften / Darumb / wo solchs wil feilen / da müssen wir wol verzweueln / Wie hie die Aposteln aus irem verstand rechnen vnd messen ire speise vnd vorrat / gegen dem grossen hauffen / vnd die not gegen irem vermögen. Da kan nichts anders folgen / denn das sie müssen sagen / Hie ist kein ander rat / denn das wir sie lassen hingehen / wohin sie wissen / da sie mögen speise kuffen vnd finden / mögen in des thun wie sie können / verschmachten oder lebend bleiben.

Also sibestu auch in den Jüngern vnser vnd Aposteln Christi vnsern grossen tieffen vnglauben / wie gar vnuerstendige grosse Narren wir sind / gegen Gottes rat vnd wercken / vnd so gar nicht glauben / wenn es nicht gehet nach vnsern gedanken vnd sinnen / vnd meinen / er wisse auch keinen rat / vnd thue auch nichts bey vns / wo wir nicht können zu vor sehen vnd ausrechnen / wie es möglich sey / So er doch eben darumb also mit vns handelt / vns zu zeigen / wo vnser rat / weisheit vnd vermögen auffhöret / das er viel höhers thue / denn wir können gedencken / vnd fur möglich halten / oder auch bitten vnd wünschen durffen / Das / wenn er auch nicht anders mit vns handlen solte / weder nach vnsern gedanken vnd rat / so würde er niemmer kein götlich werck thun oder beweisen können / vnd müssen wir on Gott alle augenblick verzweueln / vntergehen vnd verderben.

Darumb ist auch viel besser / das er on vnsern rat / ja wider vnsern rat / fort fare vnd thue / als der HERR vnd Gott aller Creatur thun sol / Denn wir doch nicht anders dazu raten noch sagen würden / denn hie die Aposteln zur sache reden / das es unmöglich vnd verloren sey / solch gros Volck zu speisen. Wiewol er dennoch sich also freundlich erzeiget / das er sie rat fragt / vnd lesst zur sache reden / Vnd kan mit inen gedult haben / lesst sie also anlauffen / das sie hernach selbs müssen sehen / wie sie genarret / vnd sich ires vnglaubens schemen / da sie sein wunderwerck erfahren vnd fur augen sehen.

3 Jeraus

Die Not  
von im  
da es  
nicht  
ist  
die Not

Menschliche  
rät in  
Gottes  
sachen

Verzweueln  
alles in  
not vnd  
mangel

Die Not  
von im  
da es  
nicht  
ist  
die Not

vnser vnd  
glaube in  
den Apo-  
steln geseigt

Gott hand-  
let mit vns  
vber vnsern  
rat / ver-  
stand vnd  
wünschen

## Auslegung des Euangelij

**H**ieraus solten wir doch auch lernen vnserm vn glauben feind werden vnd widerstehen/der sich allzeit in nöten vnd fahr regt / vnd bald an allem trost vnd hülffe verzweueln wil. wo er nicht hülffe vnd rat fur sich sibet / in vnser macht / Vnd vns gewenen doch zu demcken / das Christus mehr vnd grössers vermöge / vnd auch thue / denn wir ver stehen oder glauben können.

Übung des Glaubens der Christen auff Christi rat vnd hülffe.

**D**enn vnser feuste vnd macht sind freilich nicht dazu geschaffen / das sie solten in teurung vnd mangel zu korn vnd brot / im tod zum leben / helfen / vnd aus nichts etwas machen. Aber Er ist der **HER** / der solches kan vnd thut / als sein rechte eigen werck. Darumb wende auch (spricht er) deine augen vnd gedanken von deiner faust vnd vermögen / auff Mich / Meine finger sind dazu geordnet / das sie solches thuen / Allein glenbe du / vnd wo es nicht möglich ist nach deinem rat / so lass es doch nach meinem rat vnd meiner krafft möglich sein.

**S**olchs leret er allenthalben in allen seinen miraceln / vnd noch in teglichen wundern / so er in seiner Kirchen thut / Noch kan er nicht bey vns erheben / das wir mit starckem vertrauen vnd sicherem mut / vnser not in seinen rat vnd macht heimstelleten / vnd im lieffen befohlen sein / Dadurch vns / beide / aus not vnd mangel / vnd von dem engstigen sorgen vnd zagen (durch welche wir vns die not grösser vnd schwerer machen / denn sie an jr selbs ist) geholffen würde / Vnd hetten dafür zweierley nutz vnd gewin / ein friedlich / rugig hertz vnd geswissen / vnd dazu trost vnd hülffe / zu dem / das wir im damit das beste Opfer vnd Gottes dienst theten.

Nut des Glaubens / vnd schade des vn glaubens.

**D**agegen / so wirs nicht thun / kan es im auch nicht lieb sein noch gefallen / Vnd ist auch der schade niemand / denn vnser / das wir vns selbs engsten vnd plagen / vnd nichts damit erlangen / Denn wir müssens doch in seiner macht lassen bleiben / vnd kan vnser keiner kein blets terlin vertreiben / ob er sich darob zu tod sorgete.

**E**s ist aber dennoch vns auch gut / das er vns solchs lesse versuchen vnd erfahren / durch vnsern vergeblichen rat vnd anschlege / zappeln vnd zweueln / vnser not leret erkennen / Sonst dechten

wir nicht / das wir sein bedürfften / vnd lerneten nimer / weder glauben noch bes ten / Darumb zeigt vnd offenbaret er auch hie den Jüngern gegenwertigen mangel vnd not / ehe sie selbs daran dencken.

**D**Er gleichen er vns auch zu weilen / anfechtung / schrecken / vn glück vnd leiden zuschickt / das wir die not fülen / vnd inne werden / wie wir hie selbs vns wes der raten noch helfen können / Aber doch also / das wir auch lernen / nicht nach vnserm fülen schlecht dahin faren vnd sagen / Ah / Wo nu hin? hie ist ver loren. Woher sollen wirs nemen? Das Wohin vnd Woher / aus deinem mund vnd hertzen / vnd dafür hieher zu Christo gelauffen / vnd gewartet / was er dir sagt vnd geben wil / Denn das du die not fülest / das schadet dir nicht / Aber dar umb lesse er dich solches fülen / das du auch seine hülffe / wolt hat vnd rettung erfarest vnd fülest / vnd also glauben vnd vertrauen lernest.

Gott lesse vns in not komen / das wir lernen zu Christo zulauffen.

**D**as ist von der Summa vnd theubelere dieses Euangelij genug gesagt. Weiter sind auch in der geschichte viel guter stück angezeigt. Als erstlich / Das Christus fragte / wie viel brot sie haben / Vnd dieselbe sampt wes nig fischlin nimer / dafür Gott dancket / vnd den segen spricht / gibte sie den Jün gern / vnter das Volck aus zu teilen vnd fur zu tragen. Da leret er erstlich / das wir sollen des / so Gott vns bescheret / gaben sol brauchen / wie wenig es ist / vnd mit danck sagung annemen / Vnd wissen / das Christus solches auch segnen wil / das es sol wol gedeien vnd reichen / ja auch vnter handen mehrten.

das fur Gottes wir sollen des / so Gott vns bescheret / gaben sol brauchen / wie wenig es ist / vnd mit danck sagung annemen / Vnd wissen / das Christus solches auch segnen wil / das es sol wol gedeien vnd reichen / ja auch vnter handen mehrten.

**D**enn solches gefellet jm / wo man seine gaben erkennet / vnd jm dafür dancket / vnd gibte seinen Segen dazu / das solchs besser bekömet vñ weiter reichet / denn gros reichthum vnd vberflüssig gut der Vnglaubigen / Wie auch die Schrifft sagt / Psalm 36. Es ist besser das wenige / das ein gerechter hat / denn gros gut vieler gottlosen. Item / Pro verb. 10. Der Segen des **HER** machet reich / das ist / was von Gote gegeben / vnd mit Glauben vnd gutem gewissen empfangen wird. Vnd S. Paulus auch solches auslegt / 1. Timoch. 6. Es ist

Gottes se ge / wo man mit danck sagung se ner gaben brauchet.

Es ist ein grosser gewin/wer Gott selig ist/vnd lesse im gnügen etc.

Denn/was haben die / so da viel vnd gros gut haben / on Glauben vnd Christo/vnd was gewinnen sie? on das sie Gottes vnd seines segens sich beramben/sind Abgötische/ des Mammons gefangene/so da jr eigen gut nicht dürffen angreifen/vnd andere auch nicht brauchen lassen/oder je nicht mit gutem gewissen brauchen/Das sie des bissens/ so sie essen/ nicht fro werden / fur irem Geitz vnd bösem gewissen / damit sie nur denken/ jmer mehr vnd mehr zusamen kragen / mit allerley bösen hendlen vnd tücken / vnd doch jmer müssen in fahr vnd sorgen sitzen/ das sie weder fur Gott noch den Leuten nicht friede haben / Müssen viel sehen vnd hören/ vnd erleben in irem grossen gut / vnd an iren eigen Kindern / vnd sonst / das jr hertz krencket / Vnd also in eitel sirtcken des Teufels vnd schmerzen sich selbs geworffen haben ( wie er daselbs auch sagt ) daraus sie nicht komen können .

Da gegen ( spricht S. Paulus ) heisset der billich ein reicher Man / der da Gott fürchtet / vnd im Glauben lebet / vnd bey solcher Gottseligkeit im auch lesset gnügen an dem/das im Gott gibt / vnd solches hat mit Gott vnd ehren/ on vnrecht vnd jemandis nachteil / Denn er hat einen seer grossen Schatz / der da heisset / Gottes Segen/ auch in seiner armut/ das er doch mus gnug haben / Denn er weis / das wir doch alle nicht mehr dauon bringen/ denn essen vnd trincken/ vnd ( wie man sagt ) hüllen vnd füllen/ Vnd das doch nicht ligt an dem engstigen sorgen vnd erbeiten / wo Gott das gedeien nicht gibt.

Wie der 127. Psalm sagt/ Es ist vergeblich früe auffstehen / vnd lange sitzen/vnd sein brot essen mit sorgen/Denn seinen Freunden gibt ers schlaffend/ Vnd Christus selbs Luc.12. spricht/Niemand lebet dauon/das er viel güter hat etc. Darumb sol im ein Christen viel lieber lassen sein einen güldē/den im Gott gibt/denn alle grosse schezge der reichen Geitzwenste auff Erden/ Denn er hat diesen schönen Schatz im Hause / der da heisset Gottseligkeit vnd gnug has

ben / ober im gnügen lassen / das ist / ein friedlich / rugig hertz haben auff Gott.

Also sagt auch der 112. Psalm / von solchen fromen gottseligen Menschen/Wol dem/ der da Gott fürchtet/ der grosse lust hat an seinen Geboten/ des Samen wird gewaltig sein auff Erden / Das geschlecht der Fromen wird gesegnet sein/Reichtum vnd die fülle wird in irem Hause sein etc. Was ist das für Reichtum vnd Herrlichkeit vnd fülle? ( spricht die gottlose Welt ) Was sind etwo zween gülden in eines armen Christen Hause vnd Hofe / der dazu das Haus vol Kinder hat / gegen einem/ der zehen/zwenzig/fünffzig tausent gülden in seinem Kasten hat?

Reichtum vnd fülle bey den fromen. Psal. 112.

Ja/ wo rechnest du aber das hin/ das solcher fromer Mensch Gottes seggen hat / welchen du weder vmb deine hundert tausent gülden kuffen / noch mit aller Welt gut nicht erlangē kanst/ Das ein gülden mit gutem gewissen / in seinem Hause / schöner vnd herrlicher leuchtet fur Gott / vnd im besser ist / denn aller Keiser Krone vnd Königreich / welche doch irer grosser güter nicht geniessen mit guter ruge vnd frolichem gewissen/Vnd zu letzt doch nicht mehr dauon bringen / denn der armeste Bettler .

Aber das wil die Welt nicht gleuben/ob sie es schon fur augen sibet / fetret jmer fort mit irem scharren vnd geirgen / vnd wil niemand im gnügen lassen / vnd jederman mehr haben/ denn andere/vnd solches suchen ( wie es denn geschehen mus ) mit rauben / stelen / beschwerung der Armen/ Daher auch folget/das kein Segen noch gedeien dabey ist/sondern eitel Gottes fluch / plage/ vnglück vnd hergleid.

Im andern / Das Christus Die sieben  
befiehlt den Jüngern/das brot dem  
Volck fürzutragen/damit zeigt er/  
das er sein Werck vnd Gaben dennoch  
durch mittel vnd dienst der Menschen  
wil geben/ Vnd wird denen gesagt/die  
ein Ampt oder befehl haben (sonderlich  
des Predigampts ) vnd andern furstet  
hen sollen/das sie darin Christo zu  
horsam vleissig vnd trewlich den Leu-  
ten  
ten  
nen .

Die sieben brot/durch die Apostel ausgeleitet.

Wer ein Ampt hat/ sol darn trewlich den Armen dienen .

Ein reicher Man/ der im an Gottes Gaben gnügen lesse

Grosser Schatz der Gottseligen Gottes Segen vnd gnügen in irer armut.

## Auslegung des Euangelij

ten dienē/gerne vnd mildiglich von sich geben/vnd andern mitteilen / was jnen von Gott vertrawet vnd gegeben ist/ Sonderlich dem armen hauffen der Christen mit jrem guten Exempel / bei de / des Glaubens vnd der Liebe / nützlich vnd tröstlich sein / auch jren Glauben zu stercken etc.

Gottes Segen vnd ge-  
deihen bey  
trewem  
Ampt.

Denn er hiemit zeigt / wie er dazu auch reichen Segen gibt/vnd gebe wil/ das solch Ampt vnd dienst viel gutes vnd frucht schaffe/ Wie es hie zugehet/ da sie nicht mehr/denn die sieben brot/ vnd wenig fischlin von Christo genossen/vnd an fahen auszuteilen/ wird es jnen vnter den henden jmer mehr vnd mehr/vnd reichet so reichlich/ das auch noch viel vberig bleibet.

Durch milde  
Almosen  
werden Got-  
tes Gaben  
nicht gerin-  
ger.

Auff das wir auch lernen/das das durch die Gaben vnd Güter / so Gott gibt/nicht geringert werden / so dauon mit milden Almosen den Armen geholffen wird/Wie Christus auch verheisset/ vnd spricht/Gebet/so wird euch gegeben/Ein vol / gedrückt / gerüttelt vnd vberflüssig mass wird man euch geben/ etc. Vnd solchs auch die Erfahrung vieler fromer Leute allzeit gezeuget/ dere / so vor vns milde Almosen zu Predigampt/ Schulen / erhaltung der Armen / etc. reichlich gestiftet vnd gegeben / vnd Gott jnen auch dafür gute zeit / friede vnd ruge gegeben hat / Daher auch dis Sprichwort vnter die Leute komen/ vnd solches bestetigt / Kirchen gehen sumet nicht / Almosen geben armet nicht/ Vnrecht gut wudelt nicht etc.

Daher man auch jzt in der Welt das widerspiel sihet / Weil solch vnser fettiget geizen vnd raub gehet / das niemand Gotte noch dem Nehesten nichts gibt/sondern nur / was von andern gegeben/ zu sich reissen / dazu der Armen schweis vnd blut ausaugen/ gibe vns auch Gott wider zu lohn/ then rung/ vnfried vnd allerley vnglück / bis wir zu lezt selbs vnternander vns aufffressen müssen / oder sempelich / reiche mit den Armen/ grosse mit den kleinen/ von einem andern müssen auffgefressen werden.

Die vbrige  
broden auff  
heben.

**D**as letzte stück ist auch zu merken/so da leret die vbrigen broden samlen vnd auffheben. Denn

er wil/das man sol Gottes Gaben nicht vnnützlich verschwenden / sondern das mit ratsam sein/vnd der fülle/ so er gebet / wol brauchen / zu nutz vnd notdurfft/auch auffe zukünfftig/wo mans weiter bedarff.Das heisset das liebe brot ehren/vnd die renffelin vnter dem tisch nicht ligen lassen / Wie die Alten aus diesem Exempel jre Kinder geleret haben/vnd dazu das Sprichwort gesagt/ Wer da helt wenn er hat / der findet wenn er darff.

Denn es ist auch ein feindselig/ schendlich laster vnd grosse verachtung der Gottes Gaben/ das die Welt jzt so gar alles verschwemmet mit vbermachtetem Koffen/prachten/gelt verschütten/ in allerley sachen. Daraus denn wol folgen mus solch rauben/stelen/wuchern/schazgen vnd zwacken/dauon Land vnd Leute/zern vnd Vnterthanē zu grund müssen verderben/zur straffe / das hierin niemand wil weniger sein/denn der ander/vnd weder die Herrn in solchem jnen steuren lassen/noch andern steuren können/ Denn weil sie heuffen / ein laster vber das ander / so mus auch eine straffe vber die ander vber vns gehen.

S. Paulus spricht 1. Timoth. 6. Der lebendige Gott gibe vns allerley reichlich zu genieffen. Das ist gewislich war/Wenn wirs auch also brachten/ das es hiesse/Ad fruendum, zu genieffen/ vnd nicht das / so wir vberflüssig haben/vnd nicht genieffen können/weder zur not noch zur lust/ schendlich verschütten vnd verderbeten / vnd wenn solches vnchristlich verschwend/ verhetzet vnd vmbbracht ist/darnach dem Armut ~~and~~ das jre dazu mit vnserm schlund/fras vnd geiz/ auch aus den zee- nen wegriessen/ Damit wir verdienen/ das vns Gott auch des nicht leste genieffen/das wir vberig vnd zu viel ertragen/erschinden vnd erzucken.

Denn es ist vns schlechtes nichts genug / den vnsetzigen Kellerachen zu erfüllen. Kein Herr hat so viel Land vnd Leute/kein Land so viel gelts/ das jzt einen Fürsten mehr neeren könne/ Da mus ein Fürst viel mehr haben / allein zu verpanctieren / zu verspielen/ verkleiden etc. denn seine Land vnd Leute vermögen. Ein Geizwanck dem Fürsten mehr abschazgen / denn eine ganze Stadt

*h. Anon. Pauli. Sec. Corin.*

Stad geben kan/des doch kein Mensch genussit noch gebessert ist / Vnd da alles auff einen hauffen verschlungē wird/ da es sonst allenthalben mangelt / was man zu erhaltung der Kirche vnd Schulen / zu regierung vnd gemeinem nutz/ zun ehren/zur narung vnd notdurfft haben solt.

Summa/ Es kan nicht mehr heissen/ Gottes gaben genießen/ wie er sie doch dazu reichlich vnd vberflüssig gibt/ wenn auch die Elbe vnd Rein mit eitel gold flüsse / vnd Herrn vnd Fürsten alle ire Land zu eitel silbern bergen machen künden/ Denn man wil es auch

nicht brauchen Gottes zu danck / vnd zu genießen/ sondern allein zu Gottes versachtung/ vnd verderben der gegebenen güter / Dencket niemand auch etwas zu rat zu halten auff vnser Nachkomen/ sondern also leben/ als wolten wirs gerne alles auff ein mal verderben / Dazu wird er vns auch helfen/ weil wir nicht anders wollen.

Die deutung dieser geschicht ist in der Postillen des Sontags Letare gnug gehandelt/ daher magstu sie widerholen.

## Am achten Sontag nach

Trinitatis / Epistel / Roma. VIII.



**S**ind wir nu liebe Brüder / schuldener / nicht dem Fleisch/ das wir nach dem Fleisch leben/ Denn wo jr nach

dem Fleisch lebet / so werdet jr sterben müssen. Wo jr aber durch den Geist des fleisches geschaffte tödter/ so werdet jr leben. Denn welche der Geist Gottes treibet / die sind Gottes Kinder. Denn jr habt nicht einen knechtlichen Geist empfangen/ das jr euch abermal fürchten müsstet / Sondern jr habt einen kindlichen Geist empfangen/ durch welchen wir ruffen / Abba / lieber Vater/ Derselbige Geist gibet zeugnis vnserm Geist/ das wir Gottes Kinder sind. Sind wir denn Kinder / so

sind wir auch Erben/ nemlich/ Gottes Erben/ vnd Miterben Christi/ So wir anders mit leiden / Auff das wir auch mit zur Herrlichkeit erhaben werden.



**D**iese Epistel ist abermal eine vermanung zu Christlichem leben vnd wercken / gleich der nehest vorgehenden / one das sie andere wort fürret/ Denn es ist diese vermanung auch not mancherley weise zu treiben bey denen / so nu Christen sind worden / vmb der leidigen plage willen / damit der Teuffel sein vnglück anrichtet in der Welt / Wo Gott durch seine gnade / on vnser verdienst/ vergeltung der Sünde vns schencket/ da wir sie nicht dürffen küssen / noch selbs erwerben / das man so bald wil daraus sicher daher faren / vnd sagen / O so dürffen wir nu nicht mehr gutes thun/ Das er neben der Lere des Glaubens von der Gnade / mus jmer hie widerfechten / das bis gar nicht die meinung sey / Denn die Sünde wird je nicht da

Vermanung zu Christlichem leben.



## Auslegung der Epistel

**Vergebung der Sünde** ist nicht erleubung der Sünde. zu vergeben / das man sie thun sol / sondern das sie auffhören solle / Sonst hies es billicher / nicht Vergebung / sondern Erleubung der Sünde.

Vnd ist je ein schendliche verkerrung der heilsamen Lere des Euangelij / vnd ein grosse verdampfte vndanckbarkeit / fur die empfangene grundlose gnade vnd seligung / nu nicht wollen gutes thun / So wir doch nu erst durch solches solten beweget vnd getrieben werden / Gotte zu danck vnd ehren / mit höchsten vleis zu thun / alles was wir wüsten vnd vermöchte / das da gut vnd im gefellig heisse.

Des erinnert vnd vermanet vns allhie S. Paulus / mit schlechten / einfeltigen / aber ernsthen vnd wichtigen Worten / darin er vns furhelt / was wir Gotte schuldig sind / fur das / so wir von im empfangen / vnd was wir des fur schaden haben müssen / so wir solches es nicht achten noch thun / vnd spricht.

**Wir sind schuldener / nicht dem Fleisch / das wir nach dem Fleisch leben.**

**W**eil wir von dem verdammnis / so wir zuvor mit vnser sünde verdienet / erlöset sind durch Christum / vnd nu das leben habē / durch den Geist Christi / so in vns wonet (hat er vor diesen wortē gesagt) So sind wir nu auch schuldig dem nach zu leben / wie er auch in der nehesten Epistel gesagt / Weil wir von der Sünden frey worden / so sind wir nu Knechte worden der gerechtigkeit / das wir Gotte gehorsam seien.

Christen sind schuldig nach dem Geist zu leben.

Also (spricht er) seid ir schuldener / Das ist / Es foddert solches von euch eben ewer newer beruff / stand vnd wesen / dazu ir komen seid / weil ir seid Christen worden / vnd nu den heiligen Geist habt / das ir auch also lebet / wie euch der Geist weiset vnd leret. Vnd stehet nicht in ewer freier wilkür / solches zu thun oder zu lassen / sondern wo ir euch wollet der Gnade vnd des Geistes rhümen / so müffet ir euch auch schuldig bekennen gemes zu leben / nicht dem Fleisch / welches nur jmer wil in Sünden forefaren / sondern dem Geist / welcher euch weiset

set / nach dem ir getaufft seid / vnd von der Sünde erlöset / das ir von der sünde zum neuen leben der gerechtigkeit lauffet / nicht widerumb von jenem leben zu der Sünde.

**Denn wo ir nach dem Fleisch lebet / so werdet ir sterben müssen.**

**D**as ist däre vnd kurtz das vrtail gesprochen / vber solch furgeben der törichten Leute / so durch die freiheit der Gnade wollen dem Fleisch raum geben / Damit er sie von solchem irigen dunckel abschrecket / das sie nicht fur das Leben vnd Gnade / der sie sich rhümen / widerumb ewigen zorn vnd Tod vber sich führen. Es reimet sich gar nicht / wil er sagen / weil ir einmal vom ewigen Tod errettet vnd gefreiet seid / das ir wollet forder ewigem Fleisch nach leben / Denn wo ir das thut / so dürffet ir nicht dencken / das ir werdet das Leben behalten / sondern seid des Todes vnd verdampft zur Hellen.

Vrtail des Todes vnter damnis / das so nach dem fleisch leben.

Denn ir wisset / das ir eben vnter der Sünde willen seid vnter Gottes zorn gelegen / vnd in den Tod gefallen / vnd damit die verdammnis verdienet / das ir nach dem fleisch gelebt habt / So ist Christus auch gewislich nicht fur die gestorben / so da wollen in jren Sünden bleiben / sondern denen von Sünden zu helfen / die gerne davon erlöset weren / vnd doch sich selbs nicht kundten davon erretten.

Darumb / wer nu ein Christen ist / der mache mir solches allfengen nicht viel / Ich bin frey vom Gesetz / darumb mag ich thun / was mich gelöstet / Sondern das widerspiel sage vnd treibe er / Weil er ein Christen ist / so fürchte vnd hüte er sich fur Sünden / damit er nicht wider von seiner freiheit in die vorige gefengnis der Sünde vnter dem Gesetz vnd Gottes zorn / gerate / noch von seinem angefangen Leben / wider in den Tod falle. Weil er hie höret das ernstlich vrtail / So ir nach dem Fleisch lebet / so werdet ir sterben / Als wolt er sagen / Es wird euch nicht helfen / das ir das Euangelium gehöret / von Christo rhümet / die Sacrament empfangen / wo ir nicht auch durch empfangenen Glaus

Glauben vnd Geist ewer sündliche Lüste des Gottlosen wesens/ Gottes verachtung/ Geizes/ bosheit/ hoffart/ hasz vnd neids etc. dempffet.

Denn was nach dem Fleisch leben heisse/ ist nu offte gesagt/ vnd wol zu verstehen/ nemlich/ das Fleisch nicht allein ist/ die grobe vnflätige lust der Hurerey/ oder ander vnzucht/ Sondern alles/ was der Mensch von der Mutter bringet/ das ist nicht allein haut vnd har/ sondern auch die Seele vnd alle Krefte der natur/ eusserlich vnd innerlich/ in vernunfft willen vnd sinnē/ so on Geist vnd nicht nach Gottes Wort gerichtet ist/ Vnd sonderlich auch die stücke/ so die vernunfft nicht für Sünde ansihet noch helt/ als hingehen in vnglauben/ abgötterey/ verachtung Gottes worts/ vermessenheit vnd trog auff weisheit/ gewalt/ ehre etc. Was solches ist/ das mus alles von den Christen (welche nu den Heiligen Geist haben/ vnd vrteilen können/ was fleischlich ist) gemieden vnd geflohen werden/ als solche schedliche giffte/ so den Tod vnd verdammnis bringet.

Wo jr aber durch den Geist des Fleisches geschaffte tödtet/ so werdet jr leben.

**D**A bekennet er/ das auch die Christen haben noch des fleisches Lüste/ die sie tödten müssen.  
 An inen haben/ das da müsse getödtet werden/ Das sind allerley anfechtung vnd luste/ wider alle Gottes gebot/ so sich in der Natur regen vnd reizen zu Sünden/ welche er hie nennet/ Geschaffte des Fleisches/ als da sind gedanken des Vnglaubens vnd misstrawens/ fleischliche sicherheit vnd vermessenheit/ wider Gottes furcht/ kalte vnd trege sein zu Gottes Wort vnd gebet/ vngedult vnd murren im leiden/ zorn/ rachgir/ oder neid vnd hasz wider den Liebsten/ sorge des Geizes/ vnzucht etc.

Denn solche neigung/ weil sie im fleisch vnd blut sind/ hören nicht auff/ den Menschen zu bewegen vnd anzufechte/ Ja in dieser menschlicher schwachheit zu weilen den Menschen vberzeilen/ da er sich nicht vleissig gnug hütet/

das er zu viel thut/ vnd zu weit feret/ das sie in auch vberweldigen/ wo er nicht dagegen sich wehret/ vnd wie er hie sagt/ solch geschaffte des Fleisches tödtet.

Darumb gehöret hie zu ein heftiger streit vnd kampff/ der nicht ablasse noch auffhöre/ dieweil wir leben/ Vnd mus ein Christen hie nicht faul noch lass sein/ sondern sich selbs durch den Geist erwecken/ das er nicht dem fleisch raum lasse/ vnd also jmerdar daran tödte/ damit er nicht von im getödtet werde/ wie er gesagt hat/ Wo jr nach dem fleisch lebet/ so werdet jr sterben/ Vnd widerumb hiemit tröstet/ Wo jr des Fleisches geschaffte tödtet/ so werdet jr leben/ Denn dazu ist im der heilige Geist gegeben/ das er nu solche sündliche luste tödten sol vnd kan.

Dis tödten aber der Sünde durch den Geist gehet also zu/ das der Mensch seine Sünde vnd schwachheit erkenne/ vnd wo er solche sündliche luste fület sich regen/ bald in sich selbs schlahe/ vnd sich erinnere Gottes Worts/ vnd durch den Glauben der vergebung der sünden dawider stercke/ vnd also jr widerstehe/ das er nicht darein willige/ noch sie ins werck komen lasse.

Denn dis macht die vnterscheid zwischen denen/ so da Christen vnd heilig sind/ vnd den andern/ so on Glauben vnd Geist sind/ oder denselben lassen faren vnd verlieren. Denn ob wol die Gelnbigen auch noch sündliche luste des Fleisches an inen haben (so wol als die andern) Doch bleiben sie in der Busse vnd furcht Gottes/ vnd behalten den Glauben/ das inen ire Sünde durch Christi willen vergeben werden/ weil sie denselben nicht raum geben/ sondern widersehen/ Darumb bleiben sie vnter der Vergabung/ vnd ist inen solche vbrige schwachheit nicht tödlich noch verdamlich/ wie den andern/ so on Busse vnd Glauben sicher hingehen/ vnd iren lusten fursetzlich wider ir gewissen folgen/ vnd also/ beide/ Glauben vnd Heiligen Geist von sich stossen.

Darumb erinnert S. Paulus seine Christen/ das sie dencken/ was sie empfangen/ vnd wozu sie gesetzt sind/ nemlich/ weil sie vergebung der Sünden/ vnd den Heiligen Geist haben/ das sie

Streit der Christen wider das Fleisch.

Wie die sünde durch den Geist getödtet wird.

Vnterscheid zwischen heiligen vnd vnheligen.

## Auslegung der Epistel

auch solches nicht widerumb verlieren /  
Sondern des selben brauchen zum streit  
wider die sündlichen luste des fleisches /  
Vnd sich des trösten / das sie haben den  
Geist / das ist / hülffe vnd stercke / damit  
sie können der Sünden widerstehen /  
vnd sie tödten / Welches die andern /  
so on Glauben sind / nicht haben noch  
vermögen. Darumb spricht er auch wei-  
ter .

Denn welche der Geist Gottes  
treibet / die sind Gottes Kinder.

**S**aint Paulus hat zu thun ge-  
habt / gleich wie auch wir / mit  
zweierley hauffen / der rechtschaf-  
fenen / vnd falschen Christen / Denn  
von den Widersachern der Lere / als  
vns von dem Papstum / ist nicht so gro-  
sse fahr / weil sie es so offenberlich ma-  
chen / das man sich wol für inen kan hā-  
ten. Aber da der Teuffel auch vnter vns  
seinen Samen setet / dere / so auch Chris-  
ten heissen / vnd sich des Euangelij rüh-  
men / da gehöret zu auffsehē / nicht auff's  
maul / sondern auff die werck / dere / die  
sich Christen rühmen / nicht was sie re-  
den / sondern was sie thun.

Denn von Gott / Christo vnd Geist /  
ist leicht zu rühmen. Aber daran bewei-  
set sich / ob solcher rühm rechtschaffen  
sey / so der Geist auch in dir wircket vnd  
kressig ist / also / das er die Sünde in  
dir dempffet vnd tödret. Denn wo der  
Geist ist / da ist er auch gewislich nicht  
müßig noch on krafft / sondern beweiset  
sich also / das er den Menschen regieret  
vnd treibet / vnd der Mensch im auch  
gehörchet vnd folget . Vnd solcher  
Mensch hat diesen trost / das er Gottes  
Kind ist / vnd Gott in im regieret vnd  
wircket / das er nicht im Tod ist / sondern  
das Leben hat.

Also heisset nu vom Geist Gottes  
getrieben werden / ein solch hertz haben /  
das da Gottes Wort gerne höret / vnd  
an Christum gleubet / das er in im habe  
gnade vnd vergebung der Sünde / vnd  
solchen glauben bekennet / vnd auch be-  
weist für der Welt / suchet vor allen  
dingen Gottes ehre / das er on ergernis  
lebe / vnd andern Leuten diene / gehor-  
sam / gedülteig / züchrig / keusch / milde /  
gütig etc. Vnd ob er schon etwo vbers

eilet ist / vnd gestrauchelt hat / doch bald  
wider auffstehet / durch die busse / vnd  
auffhöret zu sündigen. Denn solches al-  
les leret vnd weist in der Heilige Geist /  
so er das Wort höret vnd annimet / vnd  
nicht selbs mutwilliglich dem Geist wi-  
derstrebet.

Widerumb / der Teuffel / welcher  
ist auch ein Geist / treibet auch der welt  
herzen / aber also / das man wol sihet /  
das es nicht ein guter noch Gottes  
geist ist. Denn er treibet nur die seinen  
zum widerspiel des / dazu Gottes geist  
treibet / das sie keine lust haben / Got-  
tes Wort zu hören / noch demselbigen  
zu folgen / Gott verachten / stoltz / hof-  
fertig / geizig / vnbarmerzig wer-  
den etc.

Darumb sehe hie ein jeder auff sich /  
damit er nicht sich selbs betriege / Denn  
viel wollen Christen heissen / die es doch  
nicht sind / Das merck vnd sihet man  
dabey / das sie nicht alle durch Gottes  
geist getrieben werden / Denn einen  
Geist müssen sie haben / der sie treibet /  
Ists nicht Gottes geist / der sie treibet  
wider das fleisch / so mus es sein der  
ander böse Geist / der da treibet zum  
fleisch vnd seinen lusten / wider Got-  
tes geist. Darumb müssen sie auch sein  
entweder Gottes eigen vnd seine liebe  
Kindlin / Sömlin / vnd Töchterlin /  
zum ewigen Leben vnd Herrlichkeit be-  
ruffen / Oder widerumb von Gott ver-  
worfen vnd abgesondert / des Teuffels  
Kinder / vnd mit im Erben des ewigen  
fews.

Nu / von diesem wort / so er sagt /  
Gottes Kinder / nimet S. Paulus vrs-  
sach weiter zureden / vnd komet auff ei-  
ne schöne / tröstliche Predigt / das aus zu  
streichen / was diese Kindtschafft sey /  
vnd für herrlichkeit habe / Welches er in  
diesem Text nur ansehet / vnd spricht.

Denn jr habt nicht einen knecht-  
lichen Geist empfangen / das jr euch  
abermal fürchten müßet / Sondern  
jr habt einen kindlichen Geist em-  
pfangen / durch welchen wir ruffen /  
Abba / lieber Vater.

**D**as ist ein trefflicher / tröstli-  
cher Text / vnd billich mit gülden  
enen Buchstaben zu schreiben.  
Weil jr nu den Heiligen Geist habe / wil  
er so

Christen sol-  
len nicht mit  
worten son-  
dern mit  
dem leben  
sich bewei-  
sen.

Vom Geist  
Gottes ge-  
trieben wer-  
den.

Des bösen  
Geistes treib-  
ben.

Erlösung  
von furcht  
vnd schreck  
des Gesetzes.

er sagen) durch den Glauben / vnd von  
im getrieben werdet / so seid jr nu nicht  
mehr vnter der Knechtschafft / wie jr  
vnter dem Gesetz gewest seid / das jr  
euch fürchtet müßet / fur desselben schre-  
cken vnd fordern / als wolt euch Gott  
vmb ewer vnwürdigkeit vnd vberige  
schwachheit des fleisches verdamnen  
vnd verstossen / Sondern habt den trost  
das jr nu durch den glauben göttlicher  
gnaden gewis seid / vnd können Gott  
fur ewern Vater halten / vnd als seine  
Kinder / in anruffen etc.

Helt also gegenander die zweierley  
werck / so aus der zweierley Predigt  
oder Lere komet / nemlich / des Gesetzes/  
vnd des Euangelij / welche auch die vnt-  
terscheid machen zwischen den Christen  
vnd allen andern / so on glauben vnd er-  
kenntnis Christi sind / Denn welche nicht  
mehr denn Gesetz haben vnd wissen / die  
können nimermehr dazu komen / das sie  
rechte hergliche zuuersicht vnd trost zu  
Gott möchten haben / wenn sie gleich  
viel thun / vnd mit grossem ernst im Ge-  
setz sich vben.

Denn wenn es mit seinem rechten  
glantz inen vnter die augen schleget / da  
sie sehen / was es von inen fordert / vnd  
wie weit sie noch sind von der erfüllung  
des selben / vnd Gottes zorn inen zei-  
get / so ist da nichts denn eitel schreck-  
en / scheuhen vnd fliehen fur Gott / dar-  
vnter sie müssen zu letzt vntergehen / wo  
inen nicht durch das Euangelium ge-  
holffen wird. Das ist / so er hie nennet  
einen Knechtlichen geist / der da nur  
schrecket vnd flüchtig machet fur Gott.

Widerumb aber / wo das hertz die  
Predigt des Euangelij fasset / welches  
da sagt / das vns on vnser verdienst vnd  
würdigkeit / Gott die Sünde vergibt  
vmb Christi willen / so wir an in glau-  
ben / Da kriegt es trost / wider des Ge-  
setzes schrecken / auff Gottes gnade /  
vnd wircket also in im der heilige Geist /  
das es in solcher zuuersicht zu Gott be-  
stehen kan / vnd des trostes sich helt /  
vnd in solchem glauben Gott von her-  
zen anruffet / ob es gleich sich noch  
schwach vnd sündlich fület vnd bekenn-  
et / Das heisst denn einen Kindlichen  
geist empfangen.

S. Paulus nennet aber also ein  
Knechtlichen vnd Kindlichen geist /

nach der weise / so noch zu seiner zeit ge-  
wönlich war / da Knechte vnd Megde  
im Hause eines Herrn gar eigen waren /  
wie eine Kue / vmb sein gelt gekaufft /  
das er mit inen mochte vmbgehen / wie  
mit seinem eigen Vieh / das sie sich mus-  
sten fur irem Herrn fürchten / vnd der  
streich / gefengnis vnd straffe bis auff  
den tod / gewarten / vnd nicht kunden  
sagen / an des Herrn gut hab ich so viel /  
das mir gehöret / vnd er mir geben mus  
etc. Sondern mussten also dencken / Hie  
mus ich allein vmb brot dienen / vnd  
nichts denn der schlege gewarten / vnd  
dazu leiden / das mich mein Herr außstös-  
set / vnd einem andern wider verkaufft /  
wenn er wil. Vnd also nimer kein gewis-  
se hoffnung kunden haben / von solchs  
er furcht vnd gefengnis vnd zwang los  
zu werden.

Solchen knechtlichen / gefangen /  
engstlichen / vngewissen Geist (spricht  
er) habe jr nu nicht / das jr iner müßet  
in sorgen des zorns / vnd verdammis le-  
ben / wie Moses Volck / vnd was vnter  
dem Gesetz ist / Sondern jr habe nu ei-  
nen feinen / freien / gewissen / getrosten  
Geist / als ein Kind hat gegen seinem  
Vater / da jr nicht dürfftet fürchten /  
das Gott mit euch zürnen / oder euch  
verstossen vnd verdamnen wolle / Denn  
jr habe den Geist seines Sons (wie er  
droben / vnd Galat. 3. auch sagt) in ew-  
rem hertzen / das jr wisset / das jr im Hau-  
se bleibet / vnd das Erbe euch folgen  
sol / vnd euch des / als des ewern / trös-  
ten vnd rühmen müget.

Von diesem Kindlichen geist / item /  
was da heisse / da er spricht / durch  
welchen wir schreien / Abba / lieber Va-  
ter / hab ich weiter gesagt vber die Epi-  
stel / Galat. 3. da er auch gleich der sel-  
ben wort brauchet. Kurzlich / Es ist  
hiemit beschrieben die krafft des Reichs  
Christi / vnd das eigentlich werck / vnd  
der rechte hohe Gottes dienst / so in den  
Glaubigen der heilige Geist wircket /  
Nemlich / der trost / dadurch das hertz  
von schrecken vnd furcht der Sünde  
erlöset / zu friede gesetzt wird / Vnd das  
hergliche anruffen / so von Gott im  
glauben erhörung vnd hülffe wartet /  
Welcher durch das Gesetz vnd eigene  
heiligkeit keines kan geschehen / Denn

Leibigen  
Knechte vñ  
Megde.

Kindlicher  
Geist.

Schreien  
des Geistes  
Abba / lie-  
ber Vater.

Knechtlich-  
er Geist aus  
dem Gesetz.

Trost vñ zu-  
uersicht ge-  
gen Gott  
aus der Pre-  
digt des  
Euangelij.

## Auslegung der Epistel

damit komet der Mensch nimmermehr dazu / das er künde rechten gewissen trost schepffen der Gnaden vnd liebe Gottes gegen im / bleibt jmer in sorgen vnd engsten des zorns vnd verdammis / vnd weil es in solchem zweuel stehet / fleucht es für Gott / vnd kan in nicht anruffen.

*Zweiterley werck des H. Geistes / Trost vnd anruffen.*

Aber widerumb / wo der Glaube Christi ist / da wircket der Heilige Geist im hertzen / beide / solchen trost vnd gewisliche kindliche zuversicht / die nicht zweueln an Gottes gnedigem willen vnd erhörung / Weil er / beide / gnade vnd hülffe / trost vnd erhörung zugesagt hat / nicht auff vnser würdigkeit / sondern auff Christi / seines Sons / namen vnd verdienst. Von diesen beiden wercken des Heiligen Geistes / Trost vnd anruffen / saget auch der Prophet Zacharias am 12. Das Gott wolle eine neue Predigt vnd werck im Reich Christi anrichten / da er werde ausschütten den Geist der Gnaden vnd des Gebets / Das ist eben derselbige Geist / der vns versichert / das wir Gottes Kinder sind / vnd vnser hertz treibet / das wir zu im schreien mit hertzlichem anruffen.

*Geist der Gnaden vñ des Gebets. Sach. 12.*

*Abba lieber Vater.*

Das Ebreische wort (Abba) welches heisset (wie er selbs deutet) Lieber Vater / ist das ruffen / wie ein junges Kindlin / so der Erbe ist / aus einfeltiger / kindlicher zuversicht mit seinem Vater lallet / vnd im ruffet / Ab, Ab, Denn es ist das leichteste wort / so ein Kind kan reden lernen / oder wie die alte Deudsche Sprache auch schier leichter geredt hat / Etha / Etha.

Solch einfeltig kindlich wort redet auch der Glaube zu Gott durch den Heiligen Geist / aber aus tieffem hertzen / vnd (wie er hernach sagt) mit vns aussprechlichem seufftzen / sonderlich / wenn er im kampf vnd nöthen ist / wider das zweueln des Fleisches / vnd des Teuffels schrecken vnd plagen / Das er sich dagegen wehren mus / vnd sagen / Ah / lieber Vater / Du bist ja mein lieber Vater / denn du hast ja deinen einigen lieben Son für mich gegeben / darumb wirstu ja nicht mit mir zürnen / noch mich verstoffen / Item / Du siehest meine not vnd schwachheit / darumb wollestu mich helffen vnd retten etc.

Der selbige Geist gibt zeugnis vnserm Geist / das wir Gottes Kinder sind.

**D**as wir Gottes Kinder sind / vnd vns gewislich dafür halten mögen / das haben wir nicht von vns selbs / noch aus dem Gesetz / Sondern es ist des Heiligen Geistes zeugnis / der wider das Gesetz vnd das füllen vnser unwürdigkeit solches zeuget in vnser schwachheit / vnd vns des gewis macht.

Solch zeugnis gehet also zu / das wir die krafft des Heiligen Geistes / so er durchs Wort in vns wircket / auch füllen vnd empfinden / vnd vnser erfahrung mit dem Wort oder Predigt vber ein stimmet / Denn das kanstu je bey dir füllen / wo du in not vnd angst trost empfehest aus dem Euangelio / vnd damit solchen zweuel vnd schrecken vberwindest / das dein hertz festiglich schliessen kan / du habest einen gnedigen Gott / vnd nu nicht mehr für im fleuchest / sondern in solchem Glauben ja frölich anruffen kanst / vnd hülffe von im gewarten / Vnd wo solcher Glaube bestehet / so folget auch die erfahrung / das dir geholfen wird / Wie S. Paulus Rom. 8. sagt / Gedult bringet erfahrung / Erfahrung bringet hoffnung / Hoffnung aber lesse nicht zu schanden werden.

Das ist das rechte innerliche zeugnis / dabey du erkennest / das der Heilige Geist in dir wircket / Daneben hastu auch innerliche zeugnis vnd warzeichen / das er dir gibt sonderliche gaben / feinen geistlichen verstand / gnade vnd glück zu deinem beruff etc. Das du lust vnd liebe hast zu seinem Wort / das selbe für aller Welt bekennest / mit fahrleibes vnd lebens / Item / das du dem gottlosen wesen vnd Sünden feind werdest vnd widerstehest etc. Welches alles nicht thun noch vermögen die vnchristen / so den Heiligen Geist nicht haben. Wiewoles war ist / das auch noch dieses bey den Heiligen in grosser schwachheit zugehet / aber doch der Heilige Geist in solcher schwachheit die Christen regieret / vnd solch zeugnis stercket / Wie abermal S. Paulus saget / Der Geist hilfft vnser schwachheit auff etc.

Sind

Sind wir denn Kinder / so sind wir auch Erben / nemlich Gottes Erben / vnd Miterben Christi / So wir anders mit leiden / auff das wir auch mit zur Herrlichkeit erhaben werden.

Der Christe  
hohe ehre/  
vnd herrlich  
keit / Gottes  
Kinder sein.

**D**u hörestu der Christen hohen rhum / ehre vnd herrlichkeit / Las der Welt ire prachte / hofart vnd ehre / welche ist nichts anders / (wenn es zum höchsten vnd letzten kommet) denn / das sie des Teuffels Kinder sind. Aber rechne du selbst / was dis sey / das ein armer elender Sünder sol diese ehre haben bey Gott / das er heisse / nicht ein Knecht oder Diener Gottes / sondern Gottes Son vnd Erbe.

Solt doch ein Mensch / ja alle Welt wünschlen / wenn es möchte erwünschlet werden / das sie möchte Gottes Kue oder Frossch heissen / damit sie nur den rhum möchte haben / das sie Gott angehört / vnd sein eigen were. Denn wer wolt nicht gerne dieses **HE** **RR** vnd Schepffers sein? Tu / spricht er / das wir / die an Christum glauben / sollen nicht seine Knechte vnd Meyde / sondern seine eigen Söhne / Töchter vnd Erben sein. Wer wil das gnug preisen vnd aussprechen? Ist es doch nicht aus zu reden noch zu begreifen.

Aber hie findet sich die grosse menschliche schwachheit in vns / Denn wenn wir das recht vnd ungezweuelt glauben / wo fur wolten wir vns fürchten / vnd wer wolt oder künde vns schadē thun? Denn wer da kan von hertzen sagen zu Gott / Du bist mein lieber Vater / vnd ich dein Kind / Der wird freilich allen Teuffeln aus der Hellen trog bieten / vnd aller Welt drevnen vnd pochen frölich verachten / Denn er hat ja an diesem Vater einen solchen **HE** **RR** / dafur alle Creaturen erzittern müssen / vnd on seinen willen nichts vermögen / So hat er auch solch Erbe vnd Herrschafft / dar an im keine Creatur kan schaden noch abbruch thun.

Er setzet aber alhie auch das stücklin dazu / So wir anders mit leiden / Da mit wir wissen / das wir auch müssen als

so leben auff Erden / vnd vns beweisen / als frome gehorsame Kinder / die dem Fleisch nicht folgen / vnd umb dieser Herrschafft willen leiden / was vns widerferet / vnd dem Fleisch wehethut / Wenn wir das thun / so sollen vnd mögen wir vns des herrlich trösten / vnd mit warheit wol frewen vnd rhümen / Wie er gesagt hat / Welche der Geist Gottes treibet ( das sie nicht dem Fleisch folgen ) die sind Gottes Kinder.

Gottes Kinder müssen auch leiden / das ist / dem Fleisch nicht folgen.

**O** welches ein gros ding ist es umb einen Menschen / der da nicht folget seinen lusten / sondern denselben widerstehet / mit starckem Glauben vnd leiden. Es heisset ein grosser Adel / ehre vnd herrlichkeit auff Erden / eines mechtigen berümeten Königes oder Keisers Kind sein / wie viel höher were es / wenn sich jemand künde warhafftig rhümen des höchsten Engels Son? Aber was ist das alles / gegen dem / der da heisset / vnd ist von Gott selbst genennet vnd erwelet / ein Son vnd Erbe der hohen Götterliche Maiestat? Denn solche kindschafft vnd Erbe mus freilich ein grosse vnaussprechliche Herrlichkeit vnd Reichthum / gewalt vnd ehre bringen / vber alles / was im Himmel vnd Erden ist.

Diese ehre ( wenn wir auch sonst nichts denn solchen namen vnd rhum dauon hetten ) solt vns ja allein bewegen / das wir diesem sündlichem leben auff Erden feind würden / vnd mit allen krefftten dawider strebeten / solten wir auch alles darob lassen vnd leiden / was ein Mensch leiden kan. Aber es gehet ins Menschen hertz nicht / vnd ist zu gar vber sinne vnd gedanken / was solche ehre vnd herrlichkeit sey / dazu wir sollen mit Christo erhaben werde. Wie S. Paulus solches im folgenden Text weiter ausfüret / da er spricht / Ich halte es dafur / das dieser zeit leiden / der Herrlichkeit nicht werd sey / die an vns sol offenbart werden etc. Wie wir droben am vierden Sonntag gehöret haben.

Herrlichkeit / dazu die Christen solten erhaben werden.

# Euangelium am achten

Sontag nach Trinitatis/  
Matth. VII.



**S** Het euch  
für / für den  
falsche Pro  
pheten / die  
in Schafs  
kleidern zu  
euch komen/  
inwendig  
aber sind sie reißende Wolffe / An  
jren Früchten solt jr sie erkennen.  
Kan man auch Drauben lesen von  
den Dörnen? Oder Feigen von den  
Disteln? Also ein jglicher guter  
Baum / bringet gute Früchte / Aber  
ein fauler Baum bringt arge fräch  
te. Ein guter Baum / kan nicht ar  
ge Früchte bringen / vnd ein fauler  
Baum kan nicht gute Früchte brin  
gen. Ein jglicher Baum / der nicht

gute Früchte bringet / wird abge  
hawen / vnd ins feur geworffen/  
Darumb / an jren Früchten solt jr  
sie erkennen.

Es werden nicht alle / die zu  
mir sagen / HERR / HERR / in  
das Himmelreich komen / sondern die  
den willen thun meines Vaters im  
Himmel. Es werden viel zu mir sa  
ge / an jenem tage / HERR / HERR /  
haben wir nicht in deinem Namen  
geweissaget? Haben wir nicht in dei  
nem Namen Teuffel ausgetrieben?  
Haben wir nicht in deinem Namen  
viel thaten gethan? Denn werde  
ich jnen bekennen / Ich habe euch  
noch nie erkand / Weichet alle von  
mir / jr Vbeltheter.

Warnung  
für falscher  
Lere.



**D**ies stück des Euange-  
lij hat vnser **HER**  
Christus gepredigt / zu  
beschliessen die lange Pre-  
digt auff dem Berge/  
Denn da er seine Jünger  
alles geeret hatte / was  
sie solten wissen / feret er zu / vnd warnet  
sie / das sie sich je hüten wollen für fal-  
scher lere / Wie denn alle gute Prediger  
pflegen vnd sollen thun / wenn die Pre-  
digt gethan ist / das sie das Volck ver-  
manen / bey der rechten Lere zu bleiben /  
vnd sich für falschen Lerern hüten.

Als auch S. Paulus gethan hat /  
Act. 20. da er von Epheso abscheiden  
wolte / sprach er vnter andern / So has-  
bet nu acht auff euch selbs / vnd auff die  
ganze Herde / vnter welche euch der hei-  
lige Geist gesetzt hat zu Bischouen / zu  
weiden die gemeine Gottes / welche er  
durch sein eigen blut erworbe hat. Denn  
das weis ich / das nach meinem abschied  
werden vnter euch komen schwere Wol-  
ffe / die der Herde nicht verschonen wer-  
den / Auch aus euch selbs werden auffste-  
hen Menner / die da verkerete lere reden /  
die Jünger nach sich selbs zu zihen / Dar-  
umb seid wacker / vnd dencket daran /  
das ich einen jglichen / drey jar / tag vnd  
nacht / mit thronen vermanet habe.

Also thut er hin vnd wider in allen  
seinen Episteln / allzeit hinzu eine ver-  
manung / das sie sich fürsehen / für an-  
dern Lerern / Wie auch S. Petrus war-  
net in seiner andern Epistel / da er also  
sagt / Es waren aber auch falsche Pro-  
pheten vnter dem Volcke / wie auch vnt-  
ter euch sein werden falsche Lere / die  
neben einführen werde verderbliche Ses-  
cten / vnd verleugnen den **HER** /  
der sie erkauft hat / vnd werden vber  
sich selbs führen ein schnell verdammis /  
vnd viel werde nachfolgen irem verder-  
ben / Durch welche wird der weg der  
warheit verlestert werden / vnd durch  
geitz mit ertichten Worten werden sie  
an euch hantieren / vber welche das vr-  
teil von langes her nicht seumig ist / vnd  
ir verdammis schlefft nicht.

Auff diese weise hat hie auch Chri-  
stus gethan / Daer ausgepredigt hatte /  
warnet er seine Jünger vnd das Volck /  
vnd vermanet sie / das sie je blieben in  
dem / das er jnen gesagt hatte / vnd sich

wol vorsehen / das sie nicht verführet  
würden von falschen Propheten / vnd  
spricht.

Sehet euch vor / für den fals-  
schen Propheten.

**H**eraus haben wir erstlich zu  
nemen / das wir vns des müssen er-  
wegen / vnd jmerdar so gehē mus /  
das nach den rechtschaffenen Predigern  
die falschen komen / Ja sie werden noch  
wol neben mit einlauffen / vnd sich mit  
vntermischen. Was were es sonst von  
nöten / das vns Christus so erewlich  
warnete / als er spricht / Sehet euch für /  
nemet ewer war / wenn er gewust het-  
te / das es alles solte rein bleiben / Dar-  
umb so gibt er vns die warnung / das  
wir gewis seien / wir werden falsche Pro-  
pheten haben / nach der rechtschaffenen  
reinen Lere.

Denn solchs auch zuvor allzeit ges-  
chehen / das nach den rechten / trewen  
Predigern / Propheten vnd Regenten  
im volck Gottes / andere neben ein-  
men sind / so die reine Lere / Glauben vnd  
Gottes dienst verderbet haben / Wie  
auch das Buch der Richter schreibet /  
da die dahin waren / die Gott dem  
volck zu Lerern vnd Richtern gegeben  
hatte / die da wusten / was Gottes wil-  
le war / was im gesiel / vnd was im mis-  
siel / als bald sieng das Volck Israel an /  
vnd wandte sich von Gott vnd seinem  
Wort / Einer ehret diesen Abgott / der  
ander einen andern Gözen / vnd zertren-  
ten sich / das sie von der rechten Lere sie-  
len / vnd aus der ban irer Väter traten.

Also ifts auch gegangen zur zeit der  
Aposteln / da war es noch rein / Aber da  
die hinweg kamen / die vber der reinen  
Lere hielten / funden sich die falschen  
Aposteln vnd Kottenmeister / die es al-  
les umbkereten / vnd woltens alles an-  
ders machen / Wie die Episteln S. Pauli  
gnugsam anzeigen. Dierweil nu dem also  
ist / vnd wir nichts anders zu warten ha-  
ben / so warnet vns hie Christus vnser  
**HER** / wie ein trewer Hirte vnd Bis-  
choff thun sol / das wir vns eben vorse-  
hen / auff das / wenn wir das Euange-  
lium rein vnd lauter gepredigt haben /  
das wir feste drob halten / vnd weichen  
nicht dauon / Es gelt hals oder bauch /  
Denn es kan nicht anders sein / Es blei-  
bet Got

Allzeit sind  
den sich fals-  
sche Lere  
nach den  
rechtschaffe-  
nen.

Allzeit ist fal-  
sche Lere  
nach dem  
reinen Got-  
tes Wort ko-  
men.

Jud. 2

2. Pet. 2.



## Auslegung des Euangelij

bet Gottes Wort nicht jmer dar / noch bey allen rein vnd vnuerfelschet.

Es wird bey vns auch also zugehelt / Das Euangelium haben wir vnd andere mehr (Gott lob) rein vnd reichlich / als nie gewesen ist sint der Apostel zeit / Aber wenn wir vnd andere / die es jzt helffen handhaben / nu dahin sind / so wird man andere falsche Prediger gnug finden / Wie jr denn bereit viel an gefangen / vnd sich regen. Vnd denn wol denen / die sich nach diesem Euangelio vleysig fursehen / vnd nicht werden gleuben / wo ein iglicher wind her komet / sondern was sie gelernet haben / in demselbigen bestendiglich bleiben. Das leret hie Christus am ersten mit dem wort / Sehet euch fur / seid gewarnet / Als solt er sagen / Ir werdet sie gewis haben.

Vrsach/warumb Gott leset falsche Lerer auff komen.

1. Corinth. II

**I**n Je sprichstu / Warumb leset denn Gott falsche Propheten vnter die fromen / vnd nach den rechtschaffenen Predigern komen? Ist er nicht so mechtig vnd stark / das ers künde wehren / auff das also das Euangelium rein vnd in seinen kreffteln bliebe. Ja / er künde es wol / Darumb aber leset ers geschehen / auff das er die seinen prüfe vnd bewere / vnd die vndanckbarn bezale. Denn als S. Paulus sagt / Es müssen Kotten / Secten / vnd falsche Lerer sein / auff das die / so bewerd sind / offenbar werden / Das ist / auff das die / so eines bewerten Glaubens sind / erfur an den tag kome / auff das jr geist vnd wort erscheine / vñ sich beweiße / das sie rechtschaffen seien.

Denn wenn er vns sein Wort / seinen Geist vnd seine gabe gibt / so wil er nicht / das wir faul / schlefferig vnd müßig sein sollen / Sondern wenn du das rechte Wort hast / vnd einen rechten verstand / so wird sich auff einer seiten die Welt wider dich setzen / Auff der andern seiten / wird dich der Teuffel wöllen dauon reißen / nicht allein durch die weltliche Tyrannen / so es mit dem schwert verfolgen / sondern auch durch vnser eigen vernunft / vnd die klügsten auff dieser Welt. Zie wil dich Gott mit seinem wort vben / vnd dem Geist / den er dir geschendct hat / zu schaffen geben / damit du lernest / das Gottes weisheit klüger sey / denn der Welt / das Gottes sterke stercker sey / denn die sterke vnd gewalt dieser Welt / welches

Christe müssen streiten vnd kempfen / das Wort zu behalten.

du außserhalb diesem Kampff nicht lernen wirst.

Woer nu dem Teuffel verhenget Kotterey / da wil er dich auff wecken / spricht / Wehre dich / greiff das Wort an / vñ lerne Gottes weisheit vnd krefft erfahren / wider der Welt klugheit vnd des Teuffels lügen. Das also die sterke vñ weisheit Gottes worts erfur kome / auff das du lernest / das es nicht mit gewalt vnd weisheit vberwunden wird / sondern vberwindet / vnd alle gewalt / klugheit vnd weisheit / die sich dawider setzet / zu schande mache. Dis ist eine vrsache / warumb Gott Kotten vnd Secten vnter vns schicket / die gleich vber querch eingehen / als weren sie nüt / vnd dienenen dazu / auff das sich das Wort / die Wahrheit vnd der Geist besser vnd klarer an tag gebe / wiewol sonst Kotten vnd Secten nicht gut sind.

**D**ie ander vrsache ist / das er die vndanckbarn straffe / die das Wort nicht wöllen annemen / das sie bekeret vnd selig würden / Wie auch Christus zu den Jüden sagt / Joh. 5. Ich bin komen in meines Vaters namen / vnd jr nemet mich nicht an / So ein ander wird in seinem eigen namen komen / werdet jr annemen. Vnd S. Paulus sagt / 2. Thessalon. 5. Darumb / das sie die liebe der Wahrheit nicht haben angenommen / wird inen Gott krefftige irthum senden / das sie gleuben der Lügen / auff das gericht werden alle / die der Wahrheit nicht gegleubet haben / sondern haben lust gehabt an der vngerechtigkeit.

Also hart straffe Gott diese Sünde / die wir doch so geringe achten / mit blindheit vnd irthum / welches auch die höchste vnd schwersten sünde sind. Man helt es für ein leicht ding / das wir das Euangelium jzt / von Gottes gnaden / wider haben / Aber wie viel ist jr / die Gott einmal darumb danck sagen / Wir vergessens / schlähens in wind / werden faul vnd vnachtsam / es gehet niemand ein / niemand schmeckt es / niemand hebt seine hende auff / vnd ist Gott darumb danckbar / Ja / wir sind so gar reichlich mit dem Euangelio vberschüttet / das wir sein nur vberdrüssig werden / Vnd wil fast also wider vns gehen / wie S. Paulus geweißt sagt / 2. Tim. 4. Es wird eine zeit sein / das sie die heilsame Lere nicht werden vertragen / sondern nach jren

Gott wil die Christe auff wecke durch Kotterey.

2 Straffe der vndanckbarn.

Blindheit vnd irthum die gewlichste straffe.

ihren eigen lüften werden sie inen selbs Lerer auffladen / nach dem inen die ohren jücken / vnd werden die ohren von der warheit wenden / vnd sich zu den falseln keren.

Gottes zorn  
über die ver-  
achtung sei-  
nes Worts.

Das wir ja hin vnd wider in der ganzen Schrifft sehen mügen / wie es Gott so hoch verdreufft / vnd das ers für die größte sünde helt / wenn sein Wort verschmehet wird / welches so thewr vñ köstlich ist / das es in seines lieben Söns blut gestanden hat / vnd wir schlahens so gering in den wind / Darumb schicket er auch die ergesten plagen / die nicht zu vergleichen ist mit andern plagen in der Welt / das die Menschen so verstockt / verblendet / vnd durch falsche Propheeten verführt werden / Vnd also inen der Himmel wird zugeschlossen / die Helle auffgethan / das ewige Leben verloren. Was ist / wenn du gleich mit dem schwert des Türcken oder Tyrannen umb komest / so du nur in rechtem erkentnis Gottes Worts vnd rechtem Glauben stirbest / denn ein seliger / gewündschter tod? Aber die Seele ewiglich dem Teufel vbergebē / das ist ein ewiger zorn / eine ewige plage vnd Helle.

Gott hat jzt angefangen mit mancherley schweren / zeitlichen oder leiblichen / plagen vns heim zu suchen / Aber viel eine ergere wird für handen sein / wenn nu das heilige Euangelium aus Deudschland weg genommen wird / oder anders falsche Lerer komē / da einer wird dis / der ander jenes leren / Da wird der Himmel zu geschlossen sein / vnd die falsche Prediger lassen in nicht auff thun. Derhalben were wol von nöten / das wir ernstlich beten. Aber vnser hertzen sind noch zugar kalt dazu / das macht / vnser wende brennen noch nicht / vnd wir fülen den schaden nicht. Nichts desto weniger hat der Teufel im sinn / er wolle das ganze Deudschland im blut erseuffen / vnd das Euangelium wegnehmen / wird im nicht zu vor gekommen / vnd mit gebet fromer Christen gewehret.

Die in Schafs kleidern zu euch komen / inwendig aber sind sie reisende Wolfe.

Niemand sendet sie / sie komen von inen selbs. Vnd das ist die rechte art der falsche Propheeten / das sie sich selbs eindringen zu predigen /

Etliche / das sie den hauch möchten erneeren / welches ich nicht so gar hoch achte / wiewol sie es auch nicht gut werden machen. Die sich aber mit dem rhum eindringen / das sie sagen / sie thun es umb Christlicher liebe willen / von der warheit wegen / vnd das sie der heilige Geist dazu dringe / vnd der Seelen seligkeit zu gut thun / vnd nichts anders / denn der Seelen heil suchen / für denen hüte dich / die hat gewis der Teufel gesand / vnd nicht Gott. Denn welche Gott sendet / die werden dazu beruffen / oder dazu gezwungen / Dieselbigen rhümen sich nicht viel / was sie aber rhümen / das beweisen sie mit der that. Darumb so hütet euch für solchen (wil der HERR sagen) wo ir sehet / das sie nicht gesand oder geruffen / sondern selbs komen / vnd der Teuffel fordert sie.

Prediger / so  
von inen  
selbs komen

Ich rhümen sie doch / sie haben den heiligen Geist? Antwort / Welcher dich das vberreden wil / das in der heilige Geist habe beweget / vnd er thue es aus Christlicher anregung / zu dem soltu sagen / Die weil du so viel vom Geist rhümeest / so gib mir ein zeichen her / Denn du gibst von dir selbs zeugnis / vnd die Schrifft hat mir verboten / ich sol dir / so du allein von dir zeugest / nicht glauben / Denn auch Christus / der lebendige Gottes Son / wolt von im selbs nicht zeugen / wie im Euangelio / Johan. 5. vnd 8. stehet / Er gab aber zeichen daneben / dabey man erkennen mochte / das er von Gott gesand war / vnd sein Wort vnd lere recht schaffen waren / Weil du denn sagest / du habst den heiligen Geist / so gib zeugnis von deinem Geist / Beweise es mit warzeichen / das man dir glenbe / Denn hie ist eines göttlichen zeugnis von nöten / den Geist Gottes zu beweisen / also / das ewer zween sind / du vnd Gott. Wo du dis nicht thuest / so sol man dich auch nicht hören noch glenben.

Zwey lere  
sol man  
nicht annehmen / on  
göttlich  
zeugnis.

Denn ich setze es dahin / es sey im alle so / das solcher ein rechter Geist sey / vnd den rechten heiligen Geist habe / Dennoch soltu in nicht hören / Denn Gott hat dir geboten / du solt seine ordnung halten / das du fragest nach zweien zeugen / vnd lassst dir seines be-ruffs beweisung vnd erkund geben. Derhalben sprich / Ich wil dich auff dein fürgeben vnd rhümen nicht hören /

## Auslegung des Euangeli

ren / wenn du gleich den rechten Geist hettest / Denn Gott wil mich also versuchen / ob ich in der ordnung wolle bleiben. Darumb ist ers auch zu frieden / vnd gefellet im wol / das du solche Geist nicht annimest / Denn er spielet also mit vns / vns zu versuchen / ob wir bey seinem Wort bleiben / Wie ein Vater / der mit einem Kindlin spielet / dem er einen apffel gegeben hat / vnd in jm wis dertinet.

Unberuffene Prediger sind nicht zu hören.

Darumb / wo dir etwo ein Geist von jm selbs furkomet / vnd etwas newes bringet / so wisse dich zu hüten / vnd sprich / Ich frage nicht darnach / was du predigest / sondern / ob du gesand bist / oder ob du kömest / kömestu von dir selbs / so höre ich dich nicht / wenn du auch schon den heiligen Geist hettest / Denn der Teuffel im Euangelio kan auch sagen / Was haben wir mit dir zu schaffen / Ihesu von Nazaret? Ich weis / das du der Heilige Gottes bist.

Also spricht der Pöffel auch / Hie ist das rechte vnd warhafftige Wort Gottes / das dieser prediget / den wollen wir hören. Ja / sihe vorhin / von wann er kome / Der Teuffel kan auch predigen / thuts aber darumb / das er jm raum mache / vnd ein anhang gewinne / als denn bricht er heraus / vnd set seine gifte auch mit vnter / das es viel erger wird / denn es von anfang war. Darumb warnet vns Christus so vleissig / für denen / die selbs komen.

2. Beruffung durch Wens leben.

Die ander beruffung ist / wenn einen die Gemeine / oder Oberkeit von der Gemeine wegen / dazu bittet. Das ist eine beruffung / so aus der liebe schuld vnd pflicht her gehet / Denn wo man mein zum Predigamt bedarff (so ich dazu geschickt bin) vnd foddert mich / so bin ich schuldig zu thun / Denn Gott gebet mir / das ich meinem Nehesten sol dienen. Darumb bedarff dieser beruffung keines zeichens / dieweil es die also wollen haben / vnd das Wort Gottes mich dazu zwinget. Dis heisse geholet / beruffen vnd gerieben. Aber jene beruffung (wie Christi vnd der Aposteln) komet on mittel von Gott / vnd heisse gesand / da der heilige Geist zeichen mit gibt. Die andern / sie rhümen Geist oder fleisch / soltu nicht hören. Wie denn jet rhümet vnser Schwermergeister / die den heiligen Geist mit feddern vnd mit

allen haben gefressen / sprechen / der heilige Geist habe mit jnen vom Himmel herab geredt / vnd viel sonderlichs offenbaret / vnd der gleichen. Ich kan mich nicht viel rhümen vom Geist / sie werden mir all zu bald Geist. Ich rhüme mich des Geistes der Liebe / sonst bin ich ein armer fleischlicher sündler / sonst solt ich ja auch etwas darumb wissen / von dem Geist / des sie sich rhümen / Aber sie sind mir viel zu hoch durchgestet.

Was ist aber das / das er sagt / Sie komen in Schafskleidern / Diese Schafskleider sind / das sie alles eufferlich zu einem schein führen / was die rechten Christen vnd Prediger leren / Denn wir tragen die Schafswollen / die wir Scheslin Christi sind. Das sind nu nicht allein die werck / das scheinbarlich / gleichend leben das sie führen / das sie viel besetzen / grawe röcke antragen / mit nidern geschlagenem heubt gehen / viel fasten vnd strenge leben / Sondern das da ist das aller ergeste / das sie das Wort Gottes vnd die heilige Schrifft führen / welche in den Propheten genant wird Gottes wollen vnd linwad.

Dem Predigen / Item Vermanung / vnd Sprüche der Schrifft / das sind die rechten kleider / damit sie sich zieren vnd schmücken wollen / vnd sprechen / Hie ist Christus / hie ist die Tauffe / hie ist Gottes namen / hie ist der / der die Schrifft führt / welche Gottes Schrifft ist. Vnd ist alle jr furgeben nichts anders / denn Gottes namen / Gottes Geist / vnd Christi.

Das heisse nu in Schafskleidern komen / nemlich / also predigen / vnd also die Schrifft führen / das es für die rechte lere geacht wird / Denn er spricht ja nicht / die zu euch komen in Wolffshauten / oder mit spießen vnd zeenen / Sie predigen keine gifte öffentlich / oder on Schrifft / sonst möcht man sie kennen / Wie sie erwa Aristotelem auff den hohen Schulen gepredigt haben / Auch nicht das weltliche Recht oder Keiserlich Recht / das sie sagten / Es were kein Gott in der Christenheit / Sondern schmücken sich / nicht allein mit wercken / sondern auch mit der heiligen Schrifft / damit Gott vnser Seelen bekleidet vnd anzeucht / Denn wo sie das nicht theten / so würden die vndankbar

In Schafskleidern komen.

Schafskleider der der salphen Propheten.

barn nicht also verblendet / noch von ihnen verführet.

*Kezerey be decket sich alheit mit der Schrift*  
 D Erhalten ist es war / wie man sagt / die heilige Schrift sey ein Kezereybuch / Das ist ein solch buch / das sich die Kezerey am meisten anmassen. Denn kein ander buch ist / das sie so viel misbrauchen / Ja / sie wissen auch kein anders zu thun / Und ist noch nie keine Kezerey so arg oder grob gewest / die sich nicht mit der Schrift hette wollen flicken vnd zudecken. Gleich wie man auch schlechte Gort / darumb / das sich der größte hauffe in der Welt des Gottes anmen / Nicht das ire schalckheit von ihm sey / oder im gefalle / sondern das sie seines heiligen Namens also misbrauchen. Also mus die heilige Schrift ein Kezereybuch sein / nicht das es ire schuld sey / sondern der buben / die ir so schendlich misbrauchen.

DEgleichen pflegt man zu sagen im Sprichwort / In Gottes namen hebe sich alles vnglück an / das ist auch war. Ey (sprichstu) so wil ich Gottes namen nicht brauchen / vnd mich dafür hüten. Was ist das geredet? Was kan der name dazu / welcher darumb da ist / das ich selig werde / Die buben vnd schlechte wird er wol finden. Also ist die Bibel ein Kezereybuch / Aber darumb wil ich sie nicht hinwerffen / sondern deste mehr darinne studieren vnd lesen / das ich mich für der andern misbrauch wisse zu hüten.

SO sey nu ein iglicher geschickt vnd gerüst / das er sich nicht so leichtlich lasse verführen mit scheinendem fergeben der falschen Lerer / ob sie dir auch gleich die Schrift einführen / Denn es ligen gewislich reissende Wolffe darunter / Vnd wenn du meinest / sie speisen vnd setzten dich / so zurreissen sie / würgen vnd fressen dich. Aber dis wird niemand so bald vrtellen oder richten können / denn mit geistlichen augen / Der Pöfel vnd gemeine Man thut es nicht / Denn der größte hauffe verachtet das Euangelium / sind vndanckbar / vnd das Kleinsten heufflin nimets an / vnd kan es spüren. Vnd ist hieder größte vnd schwereste streit / das man mit Schrift wider abschlagen vnd im zuvor komen / die wehre aus der hand reissen / vnd mit seinem eigenen schwert erwürgen / welches

niemand thut / denn wer mit dem heiligen Geist erleuchtet ist / das er diesen schalck sehe.

Ich hab offte gesagt / was die aller gewisste lere vnd regel / die Geister zu probieren / sey / Als nemlich / wie S. Johannes in seiner ersten Epistel sagt / Ir lieben / gleybet nicht einem iglichen Geiste / sondern prüfet die Geister / ob sie von Gott sind. Ein iglicher Geist / der da bekennet / das Ihesus Christus in das Fleisch komen ist / der ist von Gott. Widerumb / welcher Geist Ihesum Christum nicht bekennet / ins Fleisch komen / der ist nicht von Gott. Vnd S. Paulus Rom. 12. Hat jemand weissagung / so sey sie dem Glauben ehlich / das ist / Alle lere sol sich auff den Glauben reimen vnd zu treffen / das ja nichts anders denn Glaube geleret werde. Wer nu den Glauben nicht hat / der erkennet Christum nicht / der kan auch keine lere nicht recht vrtellen / Denn hie zu gehören nicht fleischliche Leute / die weise vnd weltgescheid sind / sondern frome geistliche hertzen.

Man findet ir viel / die da wol sagen / Christus ist Gottes Son / geboren von einer keuschen Jungfrawen / gestorben / vnd vom tode wider auffstanden / vnd so fort an / Glauben aber nicht / das er Christus sey / das ist / das er für vns gegeben sey / on alle vnser wercke / on alle vnser verdienst / vns den Geist Gottes erworben hat / vnd machet zu Kindern Gottes / auff das wir durch in einem gnedigen Gott / vnd dazu das ewige Leben / haben / Das ist der Glaube / der da heisset / Christum erkennen. Das ist der prüfstein / das richtscheid / vnd die wage / damit man alle Lere sol abweg / prüfen vnd vrtellen.

Darumb ist nicht gnug / das ein Lerer vnd Prediger wisse Christum auch zu nennē / wie er Gottes Son sey / gestorben / vom tode wider auffstanden / vnd so nacheinander. Das sind alles wol Schafskleider. Aber auff den Knoten hab achtung / Wenn sie sagen / Christus ist für vns gestorben / begraben / auffstanden / vnd der gleichen / so müssen sie auch schliessen / das wir nicht durch vnser werck / Gottes gnade / vergebung der sünden vnd ewigs leben verdienen.

Diesen punct rüren vnd treiben gewislich auch die falschen Geister nicht /

## Auslegung des Euangelij

fliehen dafur / wie der Teufel fur dem  
weltrauch / oder fur dem Creuz / wie man  
sagt / Er leste sie wol predigen / wie Chri-  
stus geboren sey / gestorben vnd wider  
auffgestanden / gen Himmel gefaren / vnd  
sitz zur Rechten seines himlischen Va-  
ters / Aber doch / das sie daneben auch  
anders mit einfuren / Also vnd also mus-  
stu thun / dis oder das saltu lassen / wiltu  
selig werden / vnd Gotte gefallen /  
Das ist der Teufel / der seine giffte mit  
einschnecket.

Lere in des  
Papsts B<sup>u</sup>-  
chern vnd  
Bullen.

Wie solchen Schafskleidern deckt  
sich der Papst auch / das vns Christus  
durch sein sterben / durch sein blut ver-  
gieffen / wol verdienet habe / das wir  
Kinder Gottes vnd selig wurden. Er  
thut aber hinzu / Welcher nicht gehor-  
sam ist der Römischen Kirchen / der ist  
ein Kind der ewigen verdammis / Wel-  
cher aber gehorsam ist / der wird das  
durch selig / vnd feret von mund auff gen  
Himmel. Wil nicht der Papst sein ding so  
starck gehalten haben / als das Euange-  
lium? Haltet aber gegenander / Wenn es  
der tod Christi thut / so können ja mei-  
ne werck nicht thun. Viel ein ander ding  
were es / wenn er also prediget / Du solt  
mir aus Christlicher liebe gehorsam  
sein / aber nicht dadurch selig werden /  
sondern durch das blut Christi. Das  
nüsslin wil er nicht beiffen.

DArumb lerne dich hie wol fursuchen /  
vnd alle lere recht ansehen / ob sie dis  
heubestück vnd den grund recht furen  
vnd treiben / Das ist / ob sie Christum  
recht vnd rein predigen / Denn das wir-  
stu gewislich finden an allen Kotten  
vnd Geistern / das sie allzeit diesen Art-  
ckel entweder gar fallen lassen / oder je-  
etwas daneben auffwerffen / darauff sie  
die Leute furen / als sey es ein sonderlich  
nötig werck zur seligkeit / Wie unsere  
Schwermereister vnd Bilde stürmer /  
am ersten den Pöfel auch an sich zogen  
mit solchem furgehen / als were nichts  
nötiger / denn solch Bilde stürmen / Wer  
ein Bilde zerbricht / oder ein Tafel ein-  
reisset / der thut ein gut werck / der be-  
weist sich / das er ein Christ sey. Bald  
fiel der Pöfel zu / burde / burde / mit hau-  
ffen / wolten alle Christen sein / gleich  
als Kündren es Jüden / Heiden vnd Tür-  
cken / vnd dazu die aller ergesten Buben /  
nicht auch thun.

Denn die zunericht vnd vertrauen

auff vnser wercke / nemen solche Schwermereister nicht weg / sondern stercken  
sie noch viel mehr / Aber wo rechtschaf-  
fene Lerer sind / die predigen also / das  
sichs mit dem Glauben reimet / Ist es  
denn dem Glauben ehlich / so wird  
Christus nicht auffgelöset noch zerbro-  
chen / sondern bleibet ganz in seinem er-  
kenntnis / wie er ist / Vnd ob sich der Teufel  
schon also stellet / als predige er auch  
Christum durch seine Apostel / so glaub  
im nicht / er suchet dich mit listen / vnd  
wil dich betriegen. Wolan / das ist genug  
sam gewarnet / es hilfft aber nicht / bey  
denen / die da nicht wollen hören / Je  
doch hilfft es die / so da gebessert sollen  
werden. Tu folget weiter die dritte  
probe vnd weise / die Geister zu erkens-  
nen / die lauret also.

An jren fruchten solt jr sie erken-  
nen.

**D**ie ganze eufferliche wesen  
vnd wercke sind die fruchte / so  
der lere folgen. Die gehören aber  
gar geistliche augen zu / das man die  
rechten guten werck wol lerne erkennen /  
welche S. Paulus erzelet zu den Galat. 5.  
tern / da er also spricht / Die fruchte aber  
des Geistes / ist / liebe / freude / friede / ge-  
dult / freundlichheit / gütigkeit / treu /  
sanfftemut / keuscheit / messigkeit. Die  
sind die rechte fruchte des Geistes / Aber  
die wercke des Fleisches sind / ehebruch /  
hurerey / vnkeuscheit / geilheit / abgötter-  
rey / zerberey / feindschafft / hader / euer /  
zorn / zank / zwotracht / Secreten / hase /  
mord / sauffen / fressen vnd der gleichen.

Je vnterscheide die werck wol von  
einander / so wirstu in allen jren wercken  
nicht ein fündlin des Geistes finden /  
Denn erstlich wirstu gewislich bey sol-  
chen keine rechte fruchte des Glaubens  
noch wercke der liebe spüren / Sondern  
das wird man wol finden / das sie vnter  
jren Kotten freundlich sind / heiffen ein-  
ander Christliche Brüder / Aber eitel  
giffte vnd Teuffel ist in jnen. Was jrer  
Kotterey nicht ist / da ist keine barmher-  
zigkeit / keine gedult oder freundschafft /  
sondern kündren sie solche verderben an  
leib vnd seele / in einer stunde oder in ei-  
nem augenblick / so theten sie es / Die  
fruchte sibet Fleisch vnd blut nicht /  
tragen in des gleichwol grawe rücke /  
sind

sind eines stillen ordens / halten einerley weise vnd wesen.

Das sind nicht werck der liebe / sondern das heissen werck der liebe / die man vbet gegen dem nordürfftigen / vnd auch gegen vnsern feinden / das man sich auch der Sünder erbarmet / die vnwissenden vnterrichtet vnd leret / den armen mit leib / gut vnd ehre dienet / wie sie Christus im Mattheo erzelet / Diese wercke wirstu in keinem falschen Propheten finden / Er mag sich wol stellen / als ein geistlicher Man / mit sonderlichen geberden / wie die Barfüßer vnd Carthusier / Was hilfft mich aber das? Es hat alles einen schein / vnd ist an zu sehen / als sey es etwas / es ist aber kein nutz darinne. Die Liebe aber wil solche werck haben / die da nützen.

Matth. 25.

Kortengeister on liebe vnd barmherzigkeit gegen dem Nehesten.

Item / weiter wirstu sehen / wie solche Geister stolz vnd hoffertig sind / die allein sich wollen geehret vnd angebetet habē / dazu voller geiz vnd vnbarms herzigkeit / die nicht allein niemand geben / sind auch den armen nicht behülfflich / sondern auch haben freude vnd lust in dem / wenn es dem Nehesten vbel gehet / Wenn irgēd einer zu schanden wird / dem helfen sie nicht mit iren ehren / das er aus der schande keme / sondern stecken in viel tieffer hinein / breiten weiter aus / singen ein liedlin von jm / lachen sein noch dazu in die faust hinein / Item / so einer in sünden gefallen ist / da haben sie kein sanffttes hertz / sondern ein verstocktes hertz / das sich mit des Nehesten vnfall künzelt vnd schmücket sich alleine damit. Vnd / was sol man viel sagen? Es sind rohe / bittere / vergiffte hertzen / die allein haben eine schwarze vergiffte zungen / können jederman zur fleischbanck harwen / müssen einem iglichen ein huffeisen auffschlagen / niemand vngetadelt lassen / richten / verdammē vnd verschmehen jederman / verachten eines iglichen schanden. Darumb spricht er von solchen /

Kan man auch Drauben lesen von den Dörnen / oder Feigen von den Disteln? Also ein iglicher guter bawm bringet gute fruchte / aber ein fauler bawm bringet arge fruchte etc.

Herbey ist zu mercken / das er spricht / An iren fruchten werdet ir sie erkennen / spricht nicht / aus iren fruchten werden sie gut oder böse werden. Denn wo ist je aus einer pirn ein pirnbawm gemacht / oder aus einer Kirschen einen Kirschbawm? Natürlich aber geschiet es also / das der bawm macht die fruchte / ein apffelbawm bringet den apffel / vnd der gleichen. Der bawm wird wol aus den fruchten erkand / er wird aber nicht daraus gemacht. Gleich wie Abraham / da er seinen Son Isaac opfferte / war er vorhin from / Dennoch wird zu jm gesagt / Tu erkenne ich / das du Gottfürchtig bist / sprich nicht / Jgt bistu Gottfürchtig worden / sondern durch das werck wird es kund vnd offenbar / das du Gott fürchtest.

fruchte machen nicht den bawm / sondern zeigen was der bawm sey.

Gene. 20.

Darumb so sind es zwey ding / etwas sein oder werden / Vnd etwas erkand sein / oder offenbar werden. Es ist viel dinges / das Gott alleine vnuerborgen ist / wenn es aber eraus bricht / so wirds von den Menschen auch erkand. Vnd Christus spricht / die fruchte dienen dazu / das man den bawm daran erkenne / ob er böse oder gut sey / wie Abraham ist durchs werck erkand worden / das er Gott fürchtet / from vnd gerecht war / Derhalben ehe denn die fruchte offenbar werden / müssen sie vorhin aus dem bawm wachsen / auff das also offenbar werde / wie der stam ist / Aber offenbar machen ist viel ein anders / denn ein ding selbs da sein. Also helfen die werck nichts dazu / das ich für Gott from vnd gerecht werde / Sondern machen kund vnd offenbar den Schatz / vnd das hertz / darinnen er verborgen ligt. Denn diesen schatz / der im hertzen verborgen ligt / wil Gott bekand machen / vnd nicht dahinden lassen.

Unterschied zwischen Person vnd werck.

Also ferne machē vns auch die werck from / rein vnd heilig / eusserlich für den Menschen / aber nicht inwendig für Gott / Denn da mus es thun allein Christus vnd der Glaube. So hastu es richtig vnd vnterschiedlich gesagt. Wo aber jemand so halsstarrig vnd störrig were / der sich nicht wolt lassen weisen / den selbigen lese man farē / Denn solche können wir nicht bedeuten / es wird inen auch nicht geprediget / Sondern die ja

Rom. 4.

## Auslegung Des Euangelij

rigen hertzen suchen wir / die da gerne wolten from sein / vnd es recht verstanden / diese lassen inen auch sagen / vnd diesen predigen wir auch. Darumb saget er ferner /

Darumb / an jren fruchten solt jr sie erkennen.

**S**as widerholet er abermal / vns zu leren vnd warnen / das wir vns fur solchen wissen zu halten / vnd wol acht geben (damit wir sie recht kennen mögen) nicht auff ire namen vnd rñmen / welchs ist eitel warheit / geist / seelen seligkeit etc. sondern auff ire fruchte / Denn sie kómen gewislich alle geschmückt mit dem namen Christi / der Kirchen vñ Gottes Wort / damit den Leuten ein geplerr vnd gespenst fur den augen zu machen / das die vnuerstendigen mit solchem namen erschreckt / sich nicht dawider können wehren noch auffhalten.

Namen vnd rñmen sol man nicht achten.

Gemeiner misbrauch göttlicher vnd heiliger namen.

Galat. 1.

Wer kere euch nicht daran (spricht Christus) was sie furgeben vnd rñmen / Denn solches kan alles triegen / vnd ist nichts gemeiners / denn das man der namen / Gottes / geists / warheit / Kirche etc. misbrauchet / das auch S. Paulus mus sagen / Wenn er selbst (der doch den rñm mit warheit füret / das er sey ein Apostel / von Christo gesand) ja auch ein Engel vom Himmel herab keme / vnd ein ander Euangelium leret / so sol man in doch nicht hören / sondern fur verbannet vnd verflucht halten.

Solten nu nicht andere der trefflichen namen misbrauchen? oder nicht mögen triegen vnd verführen / was man im namen der Kirchen furgibt vnd rñmet? so doch niemand zu glauben ist / der etwas anders wolt leren / ob er gleich keme mit dem zeugnis / das er ein Apostel / ja auch ein Engel vom Himmel were / ich wil schweigen der Kirchen / welche noch nicht so hohen verstand vnd erleuchtung / noch so vollige reinigkeit vnd heiligkeit hat / als die Engel im Himmel.

Auch kein Engel zu horen / so er newe lere bringet.

Darumb ist hie von nöten / so man nicht wil durch solche herrliche namen vnd rñm verführt werden / da die Christen erslich (wie ich gesagt habe) die rechte lere Christi haben vnd wissen / vnd nach der selben von alle ander lere

richten / ob sie jr gemess seien / vnd auff den rechten grund gebawet / oder nicht / Denn weil er seine Christen heisset sich fur falschen Leren hüten / vnd damit sie zu Richtern machet / vnd Macht / ja auch befehl / gibet / alle lere zu prüfen vnd vrteilen / So fordert er auch / das sie weis se vnd verstendige Christen sein sollen / die da wissen / was rechte Lere ist / vnd zwischen der selben vnd andern falschen vnterscheiden können.

Christen sol len verstendig sein / vnd wissen / was die rechte lere ist.

Denn solch richten vnd vrteilen der lere mus nicht nach jren gedanken / oder auff jr eigen Klugheit oder rñm des Geistes / heiligkeit etc. geschehen / Wie der Paps im felschlich zumisset mit seinen Concilijs allein alles zu vrteilen / vnd jederman verpflichtet / seinem vrtell zu folgen / aus dem grunde / das sie sagen / sie haben den heiligen Geist / vnd können nicht irren etc. Sondern es mus eine gewisse klare Regel haben / darnach es richte / welches heisset / Christi Wort / Das sol hie allein das richte scheid vñ die probe sein / wie nu offte gnug gesagt ist.

Wail aber hie der hauff / dore / die da zuhören / nicht alle so verstendig vnd berichte sind / das sie können solch vnterscheid treffen vnd richten / Vnd die Kotten sich wol ein zeit lang bergen vnter den rechten Scheslin / vnd mit der selben wolle decken / vnd furgeben / sie halten es auch mit den rechten Christen / vnd wollen nicht anders / leren / denn Gottes Wort / so die rechte Kirche helet.

Darumb leret Christus allhie noch ein stück / dabey man sie spüren vnd kennen solle / nemlich / an den fruchten / Vnd warnet dich / das du nicht bald zu plassest vnd darauff fallest / was dir furgegeben wird / als Gottes Wort / sondern dich zu vor wol furschest / vnd darnach fragest vnd forschest / ob es dem rechten Wort Gottes gemess sey / Wie die Thesalonicher Act. 17. thaten.

Item / Das du darnach sehest / was solche lere fur fruchte mit sich bringet / Denn die selbige wird sich doch die lere nicht bergen / sondern sich müssen erzeigen vnd sehen lassen / wie hie Christus sagt / Ban man auch von Dörnen Drauben lesen / oder Feigen von den Disteln? Item / Ein fauler bawm bringet arge fruchte etc.

Er redet aber hie nicht furnemlich von

Von solchen Früchten/die da so grob vnd greifflich sind / das sie ein jeder / auch nicht ein Christen/leichtlich richen vnd kennen kan / als öffentliche / auch fur der Welt verdampfte sünde vnd laster/ Sondern eigentlich von den Früchten falscher lere / so nicht öffentliche werck böses oder strefflichs lebens fur der Welt mit sich bringet / sondern schönen schein furgibt (sonst würde damit niemand leichtlich betrogen) vnd doch wider Gottes Wort strebet / Solche sind einem Christen nicht schwer zu erkennen vnd vrteilen / so er darauffachtung gibet vnd nach Gottes Wort vnd gebot hievon richtet.

Früchte der falschen lere so fur der Vernunft grossen schen haben.

Denn es ist hie nicht die Vernunft allein gnug/diese sachen zu örtern/Sondern es mus ein geistlicher verstand sein/der da könne vnterscheiden/was den ges wissen vnd klaren lere der Schrift gemess sey / oder nicht / Sonst wird der Mensch betrogen durch schönen schein der vernunft vnd menschlicher weisheit / damit sich alle Kotten zum höchsten schmücken vnd verkenffen / das man auch die Früchte / vnd das leben/so auff falsche lere gebawet ist / fur eitel heiligkeit helt.

Nach Gottes Wort wird allein von den Früchten recht geurteilt.

Also haben des Papstthums (ja auch des Mahmets) Möncherey vnd Gottes dienst einen trefflichen schein/das es heisse ein heilig leben / also daher gehen in sonderlicher weise vnd geberden/nicht essen/trincken/kleiden/wie die andern / Vnd wird fur grosse streng/ernst vnd zucht gehalten / heisset Gotte gedienet / vnd gen Himmel gerachtet. Mit diesen namen vñ schein Gottes dienst/heiliges lebens/ grosse andacht vnd guter meinung/wird die Vernunft leichtlich geblendet vnd gefangen / das sie nicht richten kan/das solches böse Früchte sein solten.

Darumb gehöret hie mehr zu / denn der Vernunft verstand vnd vrteil/nemlich / das man alles leben / so die falsche Geister fur gut furgeben / ansehe / vnd halte gegen Gottes Wort vnd gebot/welches ist die Regel aller werck vnd lebens / so da sol gut vnd Gott gefellig heissen. Dieses zeigt die vnterscheid zwischen heuchlischen wercken vnd Früchten der falschen lere / vnd zwischen guten / rechtschaffen wercken der rechten lere / Denn es findet sich gewislich/

das der heuchler vnd falschen lere werck vnd leben / Gottes Wort nicht gleich vnd gemess sind.

Also zeigt vnd straffet Christus selbst der Phariseer vnd Schriftgelehrten lere vnd leben / an solchen Früchten / das sie liessen Gottes gebot anstehen / vnd dafür jr eigen werck vnd Gottes dienst auffworffen / Ja / das sie auch schlecht Gottes gebot auff huben/vmb irer Menschen sagung willen. Gleich wie das Papstthum auch gethan hat/so nicht allein eines / sondern schier alle Gottes gebot auff gehaben / Vnd dafür nicht allein anders gelernet vnd auffgeworffen / das man der selben nichts achtet hat / vnd eigen werck viel höher gehalten / Sondern auch stracks dawider zu leben gelernt vnd gelebt / Wie ich anderswo solches reichlich beweiset habe.

Phariseische lere wider Gottes gebot.

Denn das ist gewislich aller Kotten geister art / vnd können nicht lassen / sie müssen etwas eigens vnd anders bringen / neben Gottes Wort / vnd das selbst also auffblasen / das es viel größer ansehen vnd schein habe / vnd damit Gottes Wort vnd gebot dahinden bleibe. Das ist schon ein gewis warzeichen/das solche lere nicht rechtschaffen ist / Als das der Papst mit seiner lere / sein eigen Gottesdienst / heilig leben preiset / das sein geistlicher stand vnd Klöstererey sol viel höher vnd besser sein / denn der andern leben vnd wercke / in gemeinen sünden/so nach Gottes Wort leben / Item ertichten etliche Werck / die sie nennen Opera supererogationis / vberlenge oder vbermessige werck / die da solle viel löblicher vnd höher sein / denn die werck der Sehen Gebot Gottes.

Des Papstes Möncherey vnd eigen Gottes dienst wider Gottes Gebot.

Also thun auch alle andere Geister / außser der rechten lere der Schrift / des Türcken / Mahmet / der Jüden Thalmud / Item vnser Widerteufferey (so fast dem selbst gleichet) Alle lassen sie die rechten werck vnd leben / so Gottes Gebot fordert vnd treibet / saren vnd anstehen / vnd dafür von andern heuchlischer heiligkeit geifern / in sonderlichen wercken vnd auffsetzen / grawe röße tragen / sawr sehen / nicht wein trincken / dem leibe wehe thun / mit sonderlichem fasten / viel vnd lange gebet sprechen etc.

Türckische vnd Jüdische heilige Geir.

Darumb / sage ich / mus jm hie niemand



## Auslegung des Euangelij

mand lassen das man auffsperrt/nach ein geplet für die augē machen/ mit falschem schein vnd irrewischen grosser trefflicher wercke / heiligkeit etc. sondern mit solchen fruchten hieher lauffen zum rechten Licht/ welches ist Gottes Wort / Daraus man mus gelernet haben vnd wissen / was Gott haben wil/ vnd recht vnd wol gelebt heisse/ Vnd darnach schliessen / was beide/ ein guter bawm vnd gute fruchte / oder das widerpiel sey/ Es gilt hie nicht/ was dich gros / schön vnd köstlich düncket/ Sondern dahin musu Kommen / wiltu nicht iren vnd betrogen werden/ das du nicht dunkelst / sondern hörest vnd wiffest/ was Gott sagt / das da recht/ gut vnd im gefellig sey.

Als ist in gemein gesagt von den fruchten falscher lere / die da wol köstlichen schein haben / vnd doch im grund nicht gut sind/ Aber hierüber sind noch andere / die da gröber vnd bas zu kennen sind. Vnd haben die Christen diesen vorteil/ das sie solche auch öffentlich vnd greiflich spüren vnd vber weisen können / als an rechten eigentlichen fruchten des Teufels lere vnd lägen.

Dennes hat ein igliche Kotterey allzeit etwo einen oder mehr sondere stücke vnd Artikel/ die da öffentlich vnd recht vnd wol zu kennen sind/ das sie vom Teufel sind / welche sie öffentlich leren / treiben vnd verteidigen / als recht / gewis vnd nstzig zu glauben oder zu halten/ Denn es kan sich doch der Lügengeist nicht also bergen/ er mus zu legt mit seinen klawen erfur ragen/ daran man den reissenden Wolff spüren vnd mercken kan.

Des magstu Exempel vnd zeugnis nemen/ an allen bekandten Kotten vnd falschen Geistern / Als zu vnser zeit die Widerteuffer/ von welchen offenbar ist/ das sie nicht von Christo/ noch glauben vnd Sacramenten recht leren/ halten die Tauffe für ein schlecht bloß ledig zeichen/ verachten das eusserlich mündlich Wort vnd Schrift / geben für sonderliche offenbarung / on zeugnis Gottes Wort/ schenden vnd zureissen den Ehestand / weil sie leren / Ein Man möge sein Weib wol verlassen / so nicht seines Glaubens ist/ vnd andere/ ein oder mehr zu sich nemen/ Item / alle güter gemein machen wollen / keine Oberkeit noch

Regiment erkennen noch billichen/ denn was ires Glaubens ist etc. Gleich wie vor zeiten die Manicheer Ketter auch fast mit solchen stücken vmbgiengen.

Daher als denn mus folgen / das solche auch mit groben stücken heraus saren/ dabey man iren Geist greiflich spüren kan / Denn weil sie geleret/ es könne keine Oberkeit sein/ denn die da sey heilig vnd Christen (das heisst/ ires Glaubens) damit haben sie sich schon aus allem gehorsam gezogen / vnd wollen recht vnd fug haben / sich wider die Oberkeit zu setzen / ja die selbe auch mit gewalt zu verstossen / vnd sich an die stat zu setzen / Wie Thomas Münzer vnd die Münstertischen Propheten sich aus diesem grund öffentlich vntersunden.

Also auch/ weil sie alle güter wollen gleich in gemein ausgeteilt haben/ Item/ das sie mögen ire Weiber verlassen vnd andere nemen. Daraus folget hernach auch/ das sie in ander Leut gut vnd habe mögen greiffen / rauben vnd nemen / was sie wollen vnd können. Item/ das sie ire Weiber/ so oft sie selbst wollen / von sich stossen/ andere nemen vnd wider verlassen/ vnd also vnternander mit solchem wechsell/ alle vnzucht/ schand vnd laster treiben. Sibe/ da sibe/ stu beide / an der lere vnd leben nichts denn böse / faule / arge fruchte/ welche doch nicht kan sich bergen / sie mus sich zu legt an tag gebē/ das man den bawm daran kennen könne.

Der gleichen fruchte wiffen gewislich finden bey allen andern leren vnd Glauben / so nicht das reine Gottes Wort sind. Ich wil hie nicht reden von des Mahdes Mahmers Alkoran / Denn der mahdets Alchets gar zu grob/ mit greiflichen/ lesterlichen/ schendlichen lägen/ dazu mit erlaubung öffentlichs mords / hurerey/ vnzucht / zureissen des Ehestands/ on alle andere schendliche grewel vnd betrug. So were auch viel zu lang zu sagen/ von den leidigen fruchten des gangen Papstthums/ vnd ist anderswo reichlich gehandelt.

Denn ich wil schweigen der stücke irer lere / so etwas subtiler sind / das sie die Zehen gebot nicht recht geleret/ vnd aus dem / so die selben fordern / nichts denn Kete gemacht haben / die niemand

Recht vrtel von allerley lere vnd lere aus Gottes Wort.

Sonderliche böse fruchte einer jeden Kottengeisterey.

Der Widerteuffer lere/ die schendliche Artikel.

Grobe greifliche böse stücke / so an der Widererteuffer lere folgen.

Schendliche fruchte der lere des Papstthums.

Des Pap-  
stes verke-  
rung wider  
die lere des  
Glaubens.

mand für Gott schuldig sey zu thun/  
denn wer da wil volkommen sein/ vnd etc.  
was sonders zur vbermas thun etc. Des  
gleichen/ das sie auch niches rechts vom  
Euangelio vnd Glauben Christi gelet  
haben/ das man doch in der Kirchen  
furnemlich wissen vnd treiben sol/wie  
die hergen rechten gewissen trost mögen  
haben/Sondern stracks wider den Glauf  
ben vnd den trost Christi / haben die  
Leute dahin geführt/das/ wenn sie schon  
an Christum glaubten/vnd alles gethan  
hätten/ solten vnd müßten sie dennoch  
zweiueln an der Gnade.

Öffentliche  
Abgötterey  
das Pap-  
sthum.

Item/ich wil nicht sagen/was sie  
auch für öffentliche schendliche / vn-  
christliche gewel vnd Abgötterey mit  
iren Messen / todter heiligen anrufen/  
Abblas / Segfews lügen vnd eriegerey  
getrieben/Welches doch alles solche  
früchte sind / daran der bawm wol zu  
kennen ist / als da ja nicht süsse drauben  
noch feigen/ sondern eitel saure / bittere  
beerling/dornschlehen oder hainbutten  
sind.

Öffentliche  
lere wider  
Gottes Ge-  
bot.

Wer sibe allein die groben stücke  
an/die sie selbs nicht beschönten können/  
wie sie wider Gottes Wort vnd Gebot  
öffentlich vnd vnverschampt faren/Als  
das sie die Kinder aus irer Eltern ges-  
walt vnd gehorsam frey sprechen/ so  
bald sie nur furgeben Pfaffen/ Mönche  
oder Nonnen zu werden / Item/das sie  
wider der Eltern willen Ehe gelübd bes-  
stetigen oder wider zurreissen/ Des glei-  
chen / das sie jungen Leute / die sie zur  
Pfafferey vnd Closter leben gereizt / die  
Ehe verboten / vnd gezwungen / on  
hoffnung des Ehestands zu leben/ vnd  
damit die Welt vol schendlicher/vnsäg-  
licher vnzucht / schand vnd laster gefül-  
let / vnd die Seelen in des Teufels strick  
vnd verderben versencket / Daher auch  
S. Paulus solche Ehe verbot vmb sol-  
cher frucht willen verdampt / vnd Teuf-  
fels lere heisset.

r. Timoth. 4  
Teufels lere  
im verbot  
der Ehe etc

Wid das noch schendlicher ist zu  
hören in der Christenheit / faren sie zu/  
wollen noch solches vnverschampt ver-  
teidigen / mit selbs verdampftem ge-  
wissen / vnd noch heutiges tages sagen  
dürffen/es sey jr öffentliche hurerey vnd  
schandleben nicht so böse / als das ein  
armer Priester ein Eheweib nimet/ das  
mit er nicht in vnzucht vnd bösem ver-  
dampftem gewissen leben müsse. Ja /

das alles bestetigen sie noch dazu mit  
verfolgung / mord vnd blut vergiessen/  
an armen / fromen/ vnschuldigen Leu-  
ten/allein darumb/ das sie ehelich wor-  
den / oder das sie das Sacrament nach  
Christi einsetzung brauchen / vnd nicht  
alle des Papsts lügen vnd gewel/wi-  
der Gottes Wort/anbeten/Wollen das  
zu in solchem allen recht gethan haben/  
Heubter der Christlichen Kirchen/oder  
je gehorsame glieder heissen/ Vnd die  
solches straffen oder dawider sagen/ als  
die ergsten Beger verdammen / verflus-  
chen/vnd heissen mit schwer vnd sewor  
verderben.

Je sage du mir/ ob das nicht sind/  
Öffentliche / kendlliche früchte des bösen  
bawms/ welchs ist die rechte widerchris-  
tische lere vnd Regiment / die grund-  
suppe aller hellischen gifft des Teufels/  
Denn was kan es anders sein / denn des  
Teufels Rotte/die da vnter dem namen  
der Kirchen die Leute verdammen vnd  
mordē/ vmb keine andere vrsache / denn  
das sie Gottes Wort predigen oder bes-  
kennen / vnd nach dem selben thun/vnd  
dennoch wil recht gethan haben? Denn  
Gott hat ja frome / vnschuldige Leute  
nicht geheissen verfolgen noch mordē/  
sondern loben/ehren vnd wolthun/son-  
derlich / die da Gottes Wort vnd Ges-  
bot halten/ Das thut vnd helt auch die  
Christliche Kirche on allen zweivel/Dar-  
umb ist hie einem jeden Christen/ leicht  
zu kennen vnd vrteilen/was solches für  
Geister seien / vnd bedarff keiner hohen  
kunst / noch weiter fragens oder dispu-  
trens / so man allein vnterscheidet den  
rhum oder namen/ vnd die früchte.

Je solten wir auch für vns  
selbs antworten / auff der Papi-  
sten schreien vnd lestern / wider vn-  
ser Lere / welche sie auch aus diesem  
Euangelio wollen taddeln / an den  
früchten/Vnd schliessen/ Weil man bey  
vielen auff vnser seiten auch böse fruch-  
te sibe/so sey auch vnser lere falsch vnd  
vnrecht. Die bösen früchte aber heissen  
sie / das wir nicht / wie sie/ wollen dem  
Papst gehorsam sein / vnd alle seinen  
Teufels stanck seiner Decret vnd Mön-  
chen lere halten / welches doch nichts  
sind / denn vnrichtige früchte des faul-  
len bawms / welcher ist lauter Mens-  
schen tand / ja Teufels lere / darob sie  
vns

Öffentliche  
verfolgung  
der Chris-  
ten/so Got-  
tes Wort  
bekennen.

Antwort  
auff der Pa-  
pisten schre-  
en was vn-  
ser Euange-  
lium für  
früchte bring-  
et.

## Auslegung des Euangelij

vns verfolgen / vnd gerne alle ermorden / Oder wo sie können etwo erschen / das vnter vns auch böse buben sind / die da nicht leben wie sie solten / rauben / stelen / ehebrechen etc. oder das etliche aus vnserm hauffen / so es erslich mit vns gehalten / hernach ergernis / Kotten oder Kegererey anrichten.

Zwar / die Papisten sind nicht werder halben / hierauff zu antworten / Denn wir haben wider sie gung bewiesen / das / beide / jr lere nicht gut ist / dazu auch das leben / so sie für heiligkeit halten / eitel böse fruchte sind / weil es wider Gottes Wort ist. Zu dem / das sie auch jr öffentliche Abgötterey / lügen vnd schendlich leben wollen für recht vnd öffentlich verteidigt haben / Darumb sind sie schon durch dis Euangelium / als ein böser / vntüchtiger bawm / mit iren fruchten verdampft / Vnd wir sollen von inen nicht leiden / das sie / so selbs öffentlich verdampft / von vnser lere oder der selben fruchten urteilen wollen / Denn sie sind die Richter nicht / die es thun können oder sollen / Sondern / wo sie vns gleich zum höchsten tadeln kündten / so thun sie doch nicht mehr / denn das sie den splitter in vnserm auge suchen / vnd den halsen in irem auge nicht sehen wollen.

Fruchte vnser lere des Euangelij.

1. Rechter Glaube vnd trost des gewissens.

2. Lere von rechten guten wercken

Wer dagegen können wir für aller Welt beweisen / das vnser lere nicht vnser eigen ertichter tand oder trawm / sondern die Schrift vnd das klare Gottes Wort sey / Leren auch nichts anders an zu nemen / noch zu glauben oder zu halten / als zur seligkeit not. Hierauß beweisen sich auch die guten fruchte / so der lere gemess sind / vnd sich reimen mit vnser Tauffe vnd Glauben / Denn wir halten vnd wissen / das wir in der Tauffe durch Christi blut gereinigt / vergebung der sünden vnd Gottes gnaden empfangen / Vnd durch solchen Glauben auch empfinden trost vnd freude des gewissens / wider das schrecken der Sünde vnd des Tods / Vnd sehen für augen / das (Gott lob) viel fromer hertzen in solchem trost vnd Glauben frölich da hinsterben / vnd den selben öffentlich mit irem bekenntnis vnd tod bezeugen. Das ist ja eine frucht des heiligen Geistes vnd Glaubens.

Darnach leren wir auch / wie ein jeder in seinem stande leben vnd thun solt /

nach Gottes Wort vnd Gebot / das er sich für sünden hüte / Gott gehorsam / züchtig / gedültig etc. sey / vnd dem Nehesten diene vnd guts thue. Solche lere kan je an jr selbs kein böse fruchte bringen / Vnd sich ja niemand billich daran ergern / sondern ja etliche sich bessern müssen. Das aber nicht alle darnach leben / vnd viel noch böse / vnd danckbar / vnd falsche Christen vnter vns sind / das kan man nicht dem Euangelio zumessen / Denn es ja nicht das böse erleubet / sondern straffer vnd wehret / sondern ist des schuld / das der Teuffel / wie er allzeit gethan / bey der rechten Kirchen vnd Gottes Kindern auch sein vnkraut setzet vnter den rechten Samen.

Wer darumb wird der gute samen vnd seine frucht / das ist / beide / Gottes Wort vnd die rechten Christen / nicht böse. Gleich wie ein guter apffelbawm darumb nicht böse wird / ob wol das vnzifer vnd raupen geschmeis etliche seiner fruchte verderbet / Sonst müßtestu auch Christi vnd der Aposteln lere tadeln vnd verdammen / das auch vnter inen ein Judas / vnd viel irer Jünger falsche Apostel vnd Kotten geister worden / Wie S. Paulus zu vor verkündigt / das aus inen selbs würden aufstretten verkerete Lerer / Vnd S. Johannes von solchen bekennet / Sie sind von vns ausgegangen / aber sie sind nicht von vns gewesen / Sonst weren sie ja bey vns blieben.

Darumb wird es felschlich dem Euangelio schuld gegeben / das erwo vnter denen / da es gepredigt wird / Kotten vnd Kegererey entstehen / oder viel des selben misbrauchen / Vnd ob wir solchs müssen vnter vns leiden / wie auch S. Paulus in seinen Kirchen hat leiden müssen / so billichen noch erleuben wir es doch nicht / sondern straffen vnd wehren so viel vns möglich / das wir entweder bessern / oder auch von vns thun / alles was der heilsamen lere wider ist. Das thun nicht vnd können nicht thun / weder Papisten noch andere Kotten / welcher lere an jr selbs nicht gut noch rechtschaffen ist / vnd derhalben auch keine gute frucht kan bringen.

Es werden nicht alle / die zu mir sagen / Herr / Herr / in das Himelreich

Das etliche böse sind vnter dem Euangelij misbrauchen / ist nicht der lere schuld.

1. Johan. 1.

Euangelij um erleubet nicht böse sondern strafft.

reich kómen / sondern die den willen thun meines Vaters im Himmel.

**W**as ist auch eben / das er ist gesagt hat / das es nicht ligt an dem rhum / vnd niemand sich daran keren sol / was man fúrgibt der schönen heiligen namen / Gottes / Christi / Gottes Reich / Gottes ehre / Gottes dienst etc. Denn das heisset alles mit worten gesagt / *Herr / Herr / Sondern darnach sol man sehen / was Gott selbst sagt vnd haben wil / Denn wer im Himmelreich oder Gottes Reich wil erfunden werden / der mus nicht allein die namen vnd wort sáren / so man davon sagen vnd rhúmen kan / Sondern er mus auch thun / was Gott in seinem Reich wil gethan haben.*

Nach Gottes willen sol man fragen / nicht nach dem rhum vnd namen.

Sollen wir aber seinen willen thun / so müssen wir gewis wissen / was der selbst sey / vnd wie er gethan werde / Das leret vns nicht vnser eigen weisheit vnd gedanken / sonst kúndtens alle Menschen / Heiden vnd Türcken wol / Vnd würde ein jglicher Kottengeist kómen / was im gefiele / fúrgen für Gottes willen / Wie bisher vns die Mönche geletet haben / das hiesse / Gottes wille (der dich ins Himmelreich bringe) das du ein grawe kappen tragest / S. Christofel / Franciscum / Barbaram / oder andere anbetest etc.

Allein Gottes Wort zeigt vns seinen willen.

Darumb müssen wir hienon allein Gottes Wort hören / Das offenbaret vnd zeigt vns / was Gottes des Vaters wille sey. Erstlich / das er seinen eingebornen Son in die Welt gesandt habe / für vnser sünde mit seinem tod Gott zu versónen / vnd durch sein blut vns zu reinigen / vnd zu seligen / on vnser verdienst etc. Vñ leste solches durchs Euangelium jederman verkúndigen / vnd fordert / das du es gleubest vnd an nemeest. Wie solches auch Christus selbst sagt mit klaren worten / Das ist der wille des / der mich gesandt hat / das / wer den Son sáhet / vnd gleubet an in / habe das ewige Leben.

1. Gottes wille erstlich an Christum gleuben. Johan. 6.

2. Um andern / Wenn wir nu solche gnad vnd seligkeit empfangen haben / auff Christum getaufft sind / vnd gleuben / So wil er / das wir auch darnach leben sollen / Gotte gehorsam sein / vnd thun was vns befohlen in den Sehen geboten / ein jeder in seinem stand / Gottes

2. Nach Gottes wille leben.

Wort bekennen / ehren / fúrdern / sünde meiden vnd fliehen / gütig / gedúltig / zúchtig / keusch / milde / warhastig vnd trew sein etc.

Solches wil er nicht allein gepredigt oder mit dem munde gesagt / sondern von herzen vnd mit dem werck gethan haben / Darumb / wer solches leste anstehen / oder das widerspiel leret / gleubet vnd thut / der sol auch wissen / das er Gottes willen nicht gethan / Vnd hat schon sein vrtail / das er nicht ins Himmelreich gehóret / weil er on Glauben vnd liebe ist / Vnd sol in nicht helfen / das er von Christo rhúmet / als habe er im viel gedienet / viel gepredigt vnd gros wunder gethan.

Widerumb / so du nach solchem willen Gottes mit ernst thust / Gottes Wort gerne hórest vnd gleubest / vnd lebest in seinem gehorsam / im zu ehren / vnd dem Nehesten zu nutz / Vnd ob du auch etwo gestrauchelt / doch wider auffstehest / vnd nicht vnbusfertig fort fereest / deine sünde zu verteidigē / wider Gottes Wort zu trozen / oder mutwilliglich den Nehesten zu beleidigen / So magstu kúnlich vnd frólich für Gott sagen / *Herr / Herr* / vnd dich des Himmelreichs / dir von Gott geschenckt / trósten.

Wer da recht mag sage / *Herr*.

Ob dich darob die Welt schilt vnd verdampft / oder in Damm thut / auch in Gottes namen vnd der Christlichen Kirchen / das lass dich nichts anfachten / Denn hie hórestu / das Gott nichts fragt / vñ nicht wil gesehen haben nach dem rhum vnd namen / wer da sagt / *Herr / Herr* / sondern nach der that vñ frucht / wer da den willen Gottes thut. Da richte dich selbst nach / vnd halte das gegen alle lere vnd leben / so dir mit Gottes namen vnd rhum fúrkómen / wiltu nicht betrogen werden.

Es sind mir selbst manche vnd viel Geister fúrkómen (auff das ich hie meine eigen erfahrung bekenne) die mich wol versucht / mit grossen treflichen worten / mich auff ein ander bahn zu fúren / vnd zu weilen so scheinbarlich fúrgelagt / das ich schier darob gestúrt / vnd wo ich mich nicht fúrgesehen / auch wol verfúret were.

Je hab ich nichts anders kónnen thun / damit ich vnbetrogen bliebe / vnd solch Teuffels gespensst verlegte / Denn / wie auch der Prophet Dauid Psalms

## Auslegung des Euangelij

Rechte  
prob/ alle  
Geister zu  
urteilen.

Psalms 109. leret/ Dein Wort ist meiner  
füsse leuchte / vnd ein liecht auff meis-  
nem wege/ das ich zu diesem liechte gelo-  
ffen/ so mich leret was Gottes wille ist/  
vnd dagegen solcher schwezer vnd thü-  
mer geisterey gehalten / ob sich reimet  
mit der gewissen lere / der Zehen gebot/  
vnd des Glaubens Christi/ Wo ich sol-  
ches nicht funden / hab ich sie bald von  
mir gewiesen / vnd frisch auff diese ver-  
manung Christi / an argen vntüchtigen  
früchten geurtheilet vnd verdampft/ als  
einen faulen bawm.

Also thu du auch / vnd bleibe nur  
in der gewissen prob / alle lere zu urteis-  
len/ welche ist Gottes Wort vnd gebot/  
so kanstu nicht irren noch feilen/ vnd als-  
ler falscher Geister rhümen vnd surges-  
ben niederschlagen. Denn Christus mit  
diesem Spruch / so er sagt/ Nicht wer  
da spricht / Ich Err / Ich Err/ sondern wer  
meines Vaters willen thut / vns weisset  
vnd füret/ allein zu seinem Wort/  
das wir wissen/ das das allein  
rechte früchte sind/ so nach  
dem selben gehen.

## Am neunenden Sonntag nach

Trinitatis / Epistel / 1. Corinth. 10.



**D**as ist aber  
vns zum  
furbilde ge-  
schehe/ Das  
wir nicht  
vns gelü-  
sten lassen  
des bösen/  
Gleich wie jene gelüftet hat. Werdet  
auch nicht Abgöttische / Gleich wie  
jener etliche worden. Als geschrieben  
siehet/ Das Volck satzte sich nieder/  
zu essen vnd zu trincken / vnd stund  
auff zu spielen. Auch lasset vns  
nicht hurerey treiben / Wie etliche  
vnter jenen hurerey trieben/ vnd sie-  
len auff einen tag drey vnd zwenz-  
zig tausent. Lasset vns aber auch  
Christum nicht versuchen / Wie et-  
liche von jnen in versuchten / vnd  
worden von den Schlangen umb-  
bracht. Murret auch nicht/ Gleich  
wie jener etliche murreten/ vnd wor-  
den umbbracht durch den Verder-  
ber.

Solches alles widerfur jenen  
zum furbilde / Es ist aber geschrie-  
ben vns zur warnung / auff welche  
das ende der Welt komen ist. Dar-

umb wer sich lesse düncken / er siehe/  
mag wol zuschen / das er nicht fal-  
le. Es hat euch noch keine / denn  
menschliche versuchung / betreten.  
Aber Gott ist getrew / der euch nicht  
lesse versuchen ober etwer vermü-  
gen / Sondern machet/ das die ver-  
suchung so ein ende gewinne / das  
irs künd ertragen.



**D**as ist seer ein ernstliche  
vermanung / vnd so ein  
harte Schrift / als S. Paul.  
Paulus sein lebtage ge-  
chan hat / so er doch  
schreibt an die gerauffte  
Christen / welche je die Kirche Christi  
sind / Vnd helt jnen fur etliche Exem-  
pel/ die fur war schrecklich sind/ auch des  
Volcks Gottes/ vnd der Kirchen / so er  
sonderlich erwelet/ aus dem volck Israel

Und ist dis die ursache vnd meinung  
dieser Epistel / Weil die Corinthen beset vnter  
gunden sicher zu werden / darauff / das  
sie hatten Christum/ die Tauffe/ Sacra-  
ment / meineten / es künde jnen nichts  
mehr feilen / furen zu vnd richten Secte  
vnd Trennung an / vnter jnen selbs/  
vnd verachteten einander / vergassen  
der liebe / jr leben vnd böse werck nicht  
besserten noch büßerten / sondern dabey  
nur sicherer worden / theten was sie  
wolen/ also/ das sie auch geschehen lies-  
sen/ das einer seines Vaters Weib öf-  
fentlich

fentlich bey sich hatte etc. Vnd wolten doch Christen sein/vnd sich des Euangelijs von den hohen Aposteln jnen gepredigt/rhümen vnd brüsten.

Darumb mus auch S. Paulus jnen so eine harte Epistel schreiben / vnd solche Laudes lesen/als er sonst nirgend gethan/das es auch schier zu viel scheint/den Christen also zu schreiben/ vnd wollette mögen schwache/ blöde gewissen so hart getroffen haben/das sie es nicht hetten mögen ertragen/Wie er hernach in der andern Epistel / da er sibet / das sie durch solche ernste schrift etwas betrübt sind/ solches wider lindert / vnd mit denen/ so nu zur busse bewegt sind/ seuberlich feret. Er zeigt aber gnug in diesem stück/aus den trefflichen Exempeln der Schrift/ das wol not sey solcher ernster vermanung / denen / so da wollen auff die empfangen gnade erst fleischlich sicher werden/ vnd nicht bey irer angefangen busse bleiben.

Es solt aber dieser Text mit dem anfang des zehenden Capitels angehen/ (welches sonst in der Epistel des Sontags Septuagesime gelesen wird) da er also anfehlet/ vnd spricht/ Ich wil euch lieben Brüder/nicht verhalten/ das vns der Vater sind/alle vnter den Wolcken gewesen/ vnd sind alle durchs Meer gegangen/ vnd alle vnter Mosen getaufft/ Vnd haben alle einerley geistliche speise gessen / vnd einerley geistlichen tranck getruncken etc. Aber an jr vielen hatte Gott kein wolgefallen / Denn sie sind niedergeschlagen in der wüsten. Darauff folget nu dieser Text / Das ist aber vns zum fürbilde geschehen etc.

Vermanung an die Christen/das sie der empfangen gnade nicht misbrauchen.

Diese vermanung thut er (wie gesagt) an die/ so nu Christen sind/ damit sie wissen/ob sie wol auff Christum getaufft/ vnd alle seine wolthat aus lauter gnaden/ on jr verdienst empfangen haben / das sie dennoch schuldig sind hinfurt in seinem gehorsam zu leben/nicht wider in stolzieren vnd poschen / noch seiner gnade misbrauchen. Denn das wil er dennoch auch von vns haben/ob wir wol daher nicht für im gerecht werden/ noch gnade verdienen/ Gleich als die Braut / damit das sie keusch lebet / vnd irem Eheman trew vnd gehorsam ist/nicht verdienet / das sie Braut vnd ehelich wird / Sondern daher des Breutigams worden / das sie

im gefallen hat/ob sie schon zuvor eine Zure gewest were/ Doch wil er haben/ weil sie von im zu ehren bracht ist / das sie hinfurt ire Ehe rein vnd keusch halte / Wo nicht / so hat der Breutigam recht vnd macht sie wider von sich zu stossen.

Vnd gleich/wie etwo ein armer/ elender Waife / Zurenkind oder Sünderling/von einem fromen Man zum Sohn angenommen wird/vnd in das Erbe gesetzt/das er nicht verdienet hat / wenn er wil für solche wolthat ungehorsam vnd widerspenstig werden / wird er billich von solchem Erbe wider entsetzt vnd verstoßen. Also hatten die Jüden auch nicht verdienet durch ire frömmkeit/ das sie Gottes volck würden oder bliessen/wie jnen Moses solches oft in die ohren reibet/das sie allezeit widerspenstig vnd halsstarrig wider in gewest sind/Aber doch/da sie Gott erwelet hatte/vnd aus Egypten gefurt / befahl er jnen auch ernstlich/das sie solten in dienen/ vnd seinem Wort gehorchen / Da sie es aber nicht thaten / straffet er sie auch so greulich / das sie es fülen mußten.

Das Exempel helt nu S. Paulus für mit großem ernst aller Welt / zur warnung für fleischlicher vermessenheit vnd sicherheit/auff Gottes empfangene gaben vnd wolthat / Streichet es aus/ vnd bewiegt auffss höchste/wie es dem ein trefflich/gros-wichtig/sonderlich Exempel ist / Vnd so mans recht ansihet/ ist freilich kein grösser wunderbarer geschichte von anfang der welt in keiner Schrift (allein ausgenommen das höchste wunderbarlichste werck/des todes / vnd auferstehung des Sons Gottes) denn diese historia / wie Gott das Volck aus Egyptenland gefürt/ vnd durch die Wüsten ins gelobte Land bracht hat/Dennes ist vol eitel grosser sonderlicher wunder werck Gottes/vnd trefflicher Exempel/beide/ seines zorns vnd grosser gnade.

Hie von sehet er nu an/vnd spricht/ Irhaltung Seid jr Christen vnd getaufft etc. so solt jr auch das wissen/vnd wo irs nicht wüsstet oder nicht daran gedencet / mus ichs euch nicht vnangezeigt lassen / das jr doch hinder euch sehet vñ zu rück dencket/wie die Schrift vns fürhelt / das es denen gegangen ist/die da auch Got-

Ernstliche vermanung S. Pauli.

des grossen Exempels des volcks Gottes.

## Auslegung der Epistel

tes volck waren/ Das sind gewesen vnsere Veter/ ein trefflich schöner grosser hauffe vnd gemeine/ welcher vber sechs mal hundert tausent gezalt worden/ an ettel erwachsenen Mans personen/ on ire Weiber vnd Kinder.

**Gottes wolthat vnd wunder bey dem Volck Israel.**  
 Diese (spricht er) waren vnd hießen alle das heilige Gottes Volck/ denn Gott hatte sich irer aller angenommen/ hatten auch Gottes wort/ Verheissung vnd Sacrament/ durch Mosen/ welcher er war ir Bischoff vnd Papt. Vnter diesem worden sie alle (spricht er) getaufft/ da er sie durch das Meer/ vnd hernach vnter der Wolcken füret/ da sie teglich vnter dem schatten giengen/ in der grossen hitze/ Des nachts aber hatten sie ein schöne fewrige Seul/ das war ein grosser/ heller strall/ oder liecht/ wie ein blitz/ Dazu teglich ir brot vom Himel inen gegeben ward/ Item/ wasser aus dem Felsen truncken/ Das waren ire Sacrament vnd zeichen/ dabey sie sahen/ das Gott bey inen war/ vnd sie schützen wolte/ Gleubten auch an den verheissen Christum/ Gottes Son/ der sie in der Wüsten füret vnd leitet/ vnd waren also treffliche hochbegnadete vnd heilige Leute.

**Des Volcks Israel grewlicher fall/ in vnglaube vnd Gottes verachtung.**  
 Aber wie lange wehret solcher glaube bey dem grossen hauffen? Nicht langer/ denn bis sie in die Wüsten kamen/ Da begunden sie bald Gottes wort zu verachten/ vnd wider Mosen vnd Gott zu murren/ Abgötterey zu treiben etc. Da schlug auch Gott vnter sie/ also/ das von dem ganzen grossen Volck/ so aus Egypten gezogen war/ vnd den hohen trefflichen Leuten/ so mit Mose das Volck aus Egypten gefüret/ vnd regieret hatten/ nicht mehr denn zwö personen aus der Wüsten ins Land kamen/ Damit er ja greifflich gnug anzeigete/ das er an den vielen grossen hauffen nicht wol gefallen hatte/ vnd sie nichts halff/ das sie Gottes volck/ heilige Leute/ hießen/ bey denen Gott so grosse wolthat vnd wunder beweiset hatte/ weil sie Gottes Wort nicht gleubten noch gehorchten.

Nam. 14

Es sieng sich zwar wol an/ da sie mit so grossen herrlichen wunder von iren feinden erlöset worden/ vnd das Gesetz vnd schöne Gottesdienst von Gott am berge Sinai empfangen hatten/ das sie solten jzt ins Land schreiten/

vnd schon fur dem thor warē/ Aber eben in demselben erzürneten sie Gott also/ das sie mussten sich zu rüch wenden/ vnd vierzig ganzer jar in der Wüsten irren zihen/ bis sie alle darin storben vnd verdorben.

Das kam alles aus der leidigen hoffart/ darauff sie trozten/ wider Gottes Wort/ das sie Gottes volck weren/ vnd solche grosse wolthat teglich von Gott empfiengen. Siehestu nicht (sprachen sie) das alle diese Gemeine heilig ist/ vnd Gott hie daheimen ist/ der teglich solch gros wunder bey vns thut?

Dieser trotz vnd stolz machte sie so halsstarrig vnd hart/ das sie nicht auffhöreten/ wider Mosen zu schreien vnd lestern/ vnd widersprechen/ wie er es mit inen machte/ Vnd damit Gottes zorn teglich vber sich erweckten/ das er sie auch mit vielen grossen schrecklichen plagē musste angreifen/ noch kund er das Volck nicht demütigen/ bis so lang sie alle auffgereumet waren/ Vnd hetten offtemals zu einem mal alle müssen zu grund vntergehen/ wo nicht Moses gegen sie fur Gott gefallen/ vnd mit ernstem hefftigen bitten vnd flehen/ den zorn abgewendet hette/ Das er deshalb wol der armest/ elendest/ geplagteste Man gewesen ist/ wie in die Schrifft nennet/ das er hat müssen sich teglich mit solchem trotz/ vngheorsam vnd widerprechen des grossen Volcks allein schlagen/ dazu auch müssen sehen vnd tragen die ganze vierzig jar/ so viel grosser schrecklicher plagen seines Volcks/ die sein hertze geengstet vnd zu martert haben/ vnd on vnterlas sich wider Gottes zorn hat müssen setzen.

Siehe/ ist nu das nicht schrecklich/ von solchen trefflichen grossen Leuten/ vnd diesem Volck/ so da Gottes eigen ist/ darin er vnd Christus selbs sich offenbaret/ sie regieret vnd füret mit seinen Engeln/ vnd mit so trefflichen wundern von Gott geehret/ deaglichen von keinem Volck auff Erden nie gehöret/ Wie Mose selbs zeuget/ Deut. 4. Wo ist so ein herrlich Volck/ zu dem sich Götter also nahe thun/ als der HERR vntser Gott/ so oft wir in anruffen? Das dennoch diese alle sampt/ so aus Egypten gegangen waren/ vnd die trefflichen Gottes wunder/ beide/ an inen vnd iren feinden/ gesehen/ so grewlich fallen vnd

Nam. 12

Grosse dinn des volcks Israel.

vnd Irrendigen / nicht durch geringe menschliche gebrechen oder schwachheit / so auch in heiligen vnd gelnbigen bleibet / Sondern durch mutwillige Gottes verachtung vnd ungehorsam / im vnglauben verbertet vnd verstockt / solche schreckliche straffe vber sich füren / bis sie darob zu grund gehen.

**E**rzelet aber etliche stück vnd sünde / damit sie Gottes zorn verdienet haben / damit er zeigt / wie sie von dem Glauben gefallen / vnd wider Gottes Wort gelauffen sind. Zum ersten spricht er in gemein / Das an vielen Gott keinen wolgefallen hatte. Das war der grosse hauffe / vnd sonderlich die furnemesten / Fürken vnd Obersten der Gemeine / grosse treffliche Leute / so für die besten vnd heiligsten gehalten / die auch selbs gros ding gethan hatten.

Dieser viel sielen zu ruck / vnd worden Henschler / vnter dem rhum göttlichen Namens / Ampts vnd Geistes / Wie Chore mit seiner Kotten / zwey hundert vnd zwenzig Obersten der gemeine that / Num. 16. welche wolten auch des Priesterthums vnd des Regiments so gut recht haben / als die beide / Mose vnd Aaron / mit so grossem schein vnd troz / das auch hie niemand kund Richter sein / denn Gott allein / vnd muße sich also beweisen / das er an diesen vnd irem hauffen nicht gefallen hatte / (wie sie doch rhümeten) das sie alle die erde lebendig verschlang / vnd ein grosser hauffen der andern / so es mit inen hielten / vnd vmb sie murreten / durchs feur verzeret worden etc.

**N**ach feret er weiter / vnd nennet die laster / darumb die geschlagen ist in der Wüsten. Als zum Volck von Gott gestraffet vnd ersten / Das sie sich gelüsten lieffen des bösen / da sie bald im andern jar des auszugs / da sie schon an das gelobte Land kamen / der wolthat vnd wunder vergassen / so inen Gott erzeiget hatte / vnd nu vberdrossen worden / begerten wider zu ruck in Egypten / das sie nur möchten bey den fleischtopffen sitzen / vnd murreten wider Gott vnd Mosen / Das Gott auch zufaren mußte / vnd mit solcher straffe solchem lüstern vnd murren

steuren / das das feur vom himel ein teil des Volcks verzere / vnd der andern / ehe sie das fleisch auffgeffen hatten / ein grosse menge mit grossen plagen geschlagen worden / Daher auch dieselbige stet Lustgreber genennet ward etc.

Das war der lohn / damit inen die lust gelüstet ward / welches S. Paulus alhie recht heisset / Sich gelüsten lassen des bösen / Denn es ist gewislich nichts anders / denn nach Gottes zorn vnd grewlicher straffe gelüstet / wenn man aus vergessen / vnd danckbarkeit vnd vberdrus der gnaden vnd wolthaten Gottes etwas neues suchet / Wie ist die Welt auch solches lüsterns vol wird / da der grosse hauffe des Euangelij müde vnd vberdrüssig / sonderlich / weil es nicht nützen wil zu des fleisches vorteil / gewalt / reichthum / wollust etc. begern nu wider des alten vorigen wesens / des Papstums / da sie doch auffs höchst beschwert vnd gedrückt gewest / nicht weniger / denn das volck Israel in Egypten / Aber zu letzt solche lust des bösen auch schrecklich vnd grewlich werden bezalen müssen / wie sie darnach ringen.

**I**m dritten / Kommen nu erst die rechten grossen Knoten. Das ist erstlich Abgötterey / wie er spricht / Werdet nicht Abgöttisch / wie jener etliche worden etc. Das sind gewest nicht schlechte geringe Leute / sondern auch die besten vnd furnemesten / so die andern registierten / Denn wie diese vorgehen / so gehet der hauffe hinnach / vnd folget irem Exempel / Also / das auch Aaron / Mose Bruder / der Hohepriester / selbs durch solche vbertaubet / inen weicher vnd folget / vnd das guldene Kalb auffrichtet / (Erod. 31.) weil Mose auff dem Berge verzog / Das wol zu wundern ist / von solchen hohen / trefflichen Leuten / so Gottes wort vnd wunderwerck so reichlich gehört vnd gesehen / das sie sollen so bald dahin in Abgötterey vnd falschen Gottesdienst fallen (als weren sie Heiden / vnd hetten kein Gottes Wort) das da niemand wehret noch widerstehet / Das viel weniger zu wundern ist / das sonst die blinde Welt allezeit in Abgötterey ligt.

Wer es gehet also / Wo man Gottes wort nicht hat / oder nicht achtet /

r ij das

Gott hat nicht wolgefallen an allen / die sich in rhämen

Die Kotte Chore vnd der Obersten der Gemeine.

Lüstern des Volcks. Num. 11.

Des bösen sich gelüsten lassen.

Abgötterey des Volcks.



## Auslegung der Epistel

Abgötterey  
in eigen Got-  
tesdienst/  
von Men-  
schen erwe-  
let.

das Menschliche weisheit jr selbst eigen  
Gottesdienst welet vnd machet / vnd  
daran jr wolgefallen hat / vnd für köst-  
lich ding helt / so doch solchs durch Got-  
tes wort zum höchsten verboten / vnd  
für jm ein Greuel heisset / Denn mensch-  
liche vernunft meinet / sie möge mit  
göttlichen sachen spielen / wie sie es gut  
düncket / vnd wie es jr gefellet / also sol  
es Gott auch gefallen / Darnach solche  
Abgötterey zu erhalten vnd verteidin-  
ge / schmücket sie auch mit Gottes wort /  
das mus sich dazu reimen vnd lencken  
lassen / das man jm ein feine / schöne ges-  
talt vnd farbe mache / als sey es demsel-  
ben nicht zu wider / Wie auch das Pap-  
stum alle seine greuel / der Messe / Mön-  
cherey / heiligen diensts geschmücket vnd  
geferbet hat / Vnd jzt die Welt wider  
suchet solche Abgötterey zu ferben vnd  
schmücken / das es neben Gottes wort  
auch stehen bleibe etc.

Exod. 22  
Das gülden  
Kalb durch  
Aharon auff  
gerichtet.

Also thut hie auch der Hoheprie-  
ster Aaron / da er dem Volck das gülden  
Kalb machet / ein bilde vnd zeichen jres  
Opfers vnd Gottesdiensts / vnd einen  
Altar dazu bauet / vnd lesset anrufen  
des JEKKA fest / der sie aus Egi-  
ptenland gefüret hat / Das es hiesse /  
dem rechten Gott gedienet / aus grosser  
andacht vnd schöner guter meinung /  
mit irem Opfer (welche durchs Kalb  
angezeigt) auff das sie auch einen fei-  
nen geordneten Gottesdienst hetten.

**A**us diesem folget nu / das der Tert  
Exod. 22. sagt / vnd hie S. Paulus  
anzeiget / Da sie jr Opfer vnd Gottes-  
dienst gethan / Darnach sagt sich das  
Volck nider zu essen vnd zu trincken /  
vnd stund auff zu spielen / Das ist / Es  
wird frölich vnd guter dinge / weis sich  
sicher / das es solchen Gottesdienst ge-  
than hat / als hette es wol gehandelt /  
feret zu / vnd thut nu was es gelüftet /  
als könne Gott nicht mit jm zürnen /  
Vnd also gar frey / vngesangen vnd vn-  
gestraffet durch Gottes wort / wil nach  
seinem gefallen leben / wie daselbs die  
Schrift sagt / das Aaron das Volck  
frey gemacht hatte etc.

Sicherheit  
vnd ruchlos  
wesen / so der  
Abgötterey  
folget.

Also thut allzeit die Abgötterey /  
das sie nicht wil sünde sein / sondern sich  
vermisset / gnade zu verdienen / rühmet  
sich der freiheit des volcks Gottes / vnd  
gehert doch hin / on busse / vnd sicher /

auch in öffentlichen lastern / meinet es  
sol umb irer heiligen Gottesdiensts wil-  
len alles bey Gott schlecht vnd verge-  
ben sein / Wie bisher vnd noch des Pap-  
stums Pfaffenvolck ire schädliche hure-  
rey / vnzucht / vnd alle bekandte lasier-  
mit den namen der Kirchen / vnd des  
heiligen Gottes diensts der Messe etc.  
schmücket / ja stercket vnd verteidigt.

**Z**um vierden / Lasset vns (spricht er)  
Christum nicht versuchen / wie jr et-  
liche in versuche haben etc. Das ist  
auch ein schwere schreckliche sünde /  
wie solches die gewaltliche straffe wol zei-  
get / dauon Num. 21. sagt / Da sie nu vier-  
zig jar in der Wüsten gezogen / vnd jnen  
Gott hindurch gehoffen hatte / vnd  
sieg gegeben wider ire Feinde / das sie nu  
wider hart am gelobten Land waren /  
Da ward das Volck verdröffen vnd vn-  
gedültig auff dem wege / das sie umb  
das Land der Edomiter zihen solten /  
welche sie nicht wolten lassen durch ir  
Land zihen / vnd siengen an wider Gott  
vnd Mosen zu reden / das er sie ausgefü-  
ret hatte etc. Vnd Gott schickte vnter  
sie fewrige Schlangen / von denen sie ge-  
bissen worden / vnd ein grosser hauffen  
Volcks vmbbracht ward.

Dis reden wider Gott / nennet er  
hie / in versuchen / das sie sich mit vnglau-  
ben wider Gottes wort setzen / vnd la-  
stern / als sey Gott vnd sein Wort lau-  
ter nichts / weil er es nicht mit jnen ma-  
chet / wie sie es wollen haben / Denn das  
heisse eigentlich Gott versuchen / das  
man nicht allein seinem Wort nicht  
glaubt / sondern dawider sich auffich-  
net / vnd nicht wil lassen recht sein / was  
er sagt / sondern das selb meistern / durch  
vnsere weisheit vnd gurdüncken / vnd als  
so auff vns selbst wider in trogen / wie  
S. Paulus auch 1. Corin. 10. sagt / Wols-  
len wir den JEKKA trogen? sind wir  
stercker denn er?

Also that das Jüdische volck auch /  
Wie jnen Gott verheissen vnd zuge-  
sagt / er wolte jr Gott sein / bey jnen sein  
vnd jnen helfen in allen nöten / sie sol-  
ten allein jm glauben vnd vertragen /  
Dazu solchs auch mit teglicher that bes-  
weiset / durch sonderliche wunder vnd  
wolthaten / Doch halff es nicht / son-  
dern so bald es nicht gieng / wie sie wols-  
ten vnd gedachten / oder etwo mangel  
vnd

Gott versu-  
chen.

Gottes ver-  
suchung des  
Jüdischen  
volcks.

vnd not sein wolt/ siengen sie an wider Mosen/ das ist/ das Ampt vnd Wort/ so er von Gott empfangen/ zu schreien/ Warumb hastu vns aus Egypten gefüret? Als solten sie sagen/ Were es Gottes wort vnd befehl/ das du furgibest/ vnd er wolte solch gros ding bey vns thun/ so lies er vns nicht also not leiden. Summa/ wie es Gott mit inen machte/ das musste nicht sein Wort noch werck sein/ vnd er solte es machen durch Mosen/ wie sie es im furschlügen/ oder er musste nicht Gott sein.

Also thaten sie bald im anfang/ da sie aus Egypten in die Wüsten kamen/ vnd jzt gesehen/ wie sie Gott wunderbarlich im Roten meer erhalten/ vnd von den Feinden erlöset/ dazu brot vnd fleisch empfangen hatten/ huben sie an zu murren vnd zanken mit Mose vnd Aaron/ das er sie in die Wüsten gefüret/ da sie kein wasser fänden/ Vnd darob heraus fuhren/ vnd sagten/ Ist der JEKX vnter vns oder nicht? Exod. 17. Sihe/ das heisse ( wie es auch der text daselbs nennet ) Gott versucht/ das ist/ das sie Gottes Wort vnd wunder so reichlich haben/ vnd doch nicht wollen glauben/ er mache es denn/ wie sie wollen etc.

Solch widersprechen vnd Gott versuchen trieben sie/ weil sie in der Wüsten waren/ bis ins vierzigste jar/ Wie Gott selbs sagt zu Mose/ Num. 14. Dis Volck hat mich nu zehen mal versucht/ vnd meiner stimme nicht gehorhet/ Das ward bald im andern jar/ nach dem sie ausgezogen waren/ Aber jzt/ ob sie wol solten nu gedemütigt sein/ so lange zeit/ vnd gesehen hatten/ wie sie ( so da noch lebten ) die vierzig jar lang wunderbarlich erlöset/ das sie nicht sampt den andern vmbkomen waren/ vnd nu an das Land bracht/ Da sahen sie erst auff's new an/ mit grosser vngedult vnd bitterkeit zu widersprechen/ Warumb hastu vns aus Egypten gefüret/ das wir sterben in dieser Wüsten etc. Wolten abermal gerne sagen/ Du sagest vns viel/ du habest Gottes befehl/ vnd hast vns gros ding verheissen/ Wie fein fürestu vns ins Land/ das wir noch weiter müssen vmbziehen/ vnd alle in der Wüsten sterben etc.

Es ist aber zu mercken/ das S. Paulus dis versuchen Gottes also deutet/

vnd spricht/ Sie haben Christum versucht/ Damit zu zeigen/ wie eben dieselbe Person/ der ewige Son Gottes/ von anfang bey seiner Kirchen/ vnd in dem Volck gewesen/ welche die verheissung von im hatten/ von den ersten Vtern empfangen/ das er solt Mensch werden/ vnd also/ eben wie wir geglaubet haben/ Wie S. Paulus auch droben im anfang gesagt/ das Christus sey der Sels gewesen/ der da mitfolget etc.

Darumb gibt er hiemit zu verstehen/ das dis versuchen vnd widersprechen eigentlich wider den glauben Christi/ oder die verheissung von im/ gegangen sey/ das dawider Mose hat müssen von inen hören/ Ja/ du rühmest wol einen Messia/ der da selbs Gott sey/ der bey vns sey/ vnd vns furgehe/ der sich den Vtern offenbaret/ vnd vns verheissen/ das er selbs aus vnserm blut vnd fleisch geboren werden/ vns zu erlösen/ vnd aller Welt zu helfen/ vnd darumb vns zum Volck angenommen/ vnd in das Land bringen/ wil. Ja/ Wo ist er? Wie fein hilfft er vns? Solt das vnser Gott sein/ der vns gantzer vierzig jar leste in der Wüsten vmbher ziehen/ bis wir alle sterben vnd verderben?

Das solches die Sünde vnd lesterung gewesen/ gibt auch das ein anzeigung/ das Mose hernach in der gewaltigen straffe/ da sie von den fewrigen Schlangen gebissen worden vnd starben/ aus Gottes befehl eine ehernen Schlangen zum zeichen auffgerichtet/ das/ wer dieselbe ansehe/ der solte genesen etc. Damit er Christum in dem Zeichen inen furgebildet/ der da solte ein opffer werden/ dadurch denen/ so gesündigt/ solt geholffen werden/ Das sie wissen solten/ das gleich wie sie damit Gottes zorn vnd straffe verdienet/ das sie wider in gelestert/ Also were kein ander rat/ inen von solchem zorn vnd verdammis wider zu helfen/ denn das sie wider an den Christum anfangen zu glauben etc.

Das letzte stück ist fast dem vorigen gleich/ so er heisset/ murren wider Gott/ das ist/ aus vnglauben vnd zweiueln an Gottes Wort/ öffentlich heraus faren/ wider Gott/ mit zorn vnd vngedult zu rück prallen/ vnd nicht gehorchen wollen/ wo es nicht nach stes

Christum haben die Jüden versucht.

Lesterung der Jüden wider Christum.

Die ehernen Schlang/ Christ bildt an dem sich die Jüden verständig.

Murren wider Gott.

## Auslegung der Epistel

sches vnd bluts willen gehet / vnd bald sagen / Gott sey jnen feind / wolle jnen nicht helffen etc. Wie sie / die Jüden / oft vnd schier on vnterlas thaten / das sie Moses nicht stillen kündte / Vnd doch allzeit worden vbel darob gestraffet vnd geschlagen / das sie billich solten sich dafür gehütet haben / noch machen sie es jmer mehr.

Warnung  
S. Paulus  
dem Exem-  
pel des Jüdi-  
schen volcks

**W**ie dieser erzehlung wil nu S. Paulus alle die sich Christe vnd Gottes volck rühmen / gewarret haben ( wie wir weiter hören werden ) vnd dis Exempel wol eingebildet / das ein jeder dencke / vnd in Gottes furcht bleibe / vnd sich hütet für sicherheit / Denn Gott ja mit solchen grewlichen straffen schrecklich gnug aller Welt zeigt / das er nicht wil scherzen / noch zu gut halten ( wie sich die Welt vnd Fleisch düncken lesst ) das man vnter seinem Namen vnd rühm / wil sein Wort verachten oder meißtern / vnd aus eigener vermessenheit vnd vertragen eigener weisheit / heiligkeit vnd göttlicher gaben / eigenen gurdüncken / klugheit vnd lüsten folgen / vnd sich felschlich trösten mit solchen gedanken / Ey / Gott zürnet mit dir nicht / der du bist ein solcher trefflicher Man / so hoch für andern von jm erfür gezogen vnd geehret etc.

Denn hie hastu gehört / das er des ganzen Volcks / so aus Egypten gezogen / vnd so viel trefflicher grosser Leute / die vnter jnen waren / auch des geschlechts Christi im stam Juda / nicht verschonet / Sondern auch die grossen Fürsten vnd furnemesten / im Priesterlichen vnd andern geschlechteen / am grewlichsten für allem Volck straffet / Bey welchen er doch so viel / gross / trefflich wunder gethan / nicht allein durch Moses aus Egypten leiblich erlöset / sondern auch durch sein Ampt geistlich getaufft vnd geheiligt / vnd Christum jnen gegeben / der mit jnen geredt / vnd sie geleitet / verteidiget vnd geholffen hat / vnd so freundlich mit jnen spielet als ein Vater mit seine Kindern / Vnd doch hernach so grewlich vnter jnen rumort vnd tödtet / weil sie wolten der gnaden misbrauchen / vnd keine fruchte des Glaubens bringen / sondern darauff stolz werden vnd pochen / das

sie weren Gottes volck / Abrahams Kinder / beschnitten vnd Christus allein jne verheissen were / darumb kündte jnen Gottes Reich vnd gnade nicht teilen.

Ist nu solch schrecklich / grewlich vrtail vnd straffe gangen vber die grossen trefflichen Leute / Lieber / so lasset vns nicht stolz vnd vermessen sein / ( spricht S. Paulus ) die wir noch lange nicht jenen gleich sind / vnd nu fort zu dieser letzten zeit der Welt / in so trefflichen gaben vnd grossen herrlichen wunden nicht gleich werden mügen / Sondern lasse vns an jenen spiegeln / vnd jr Exempel ein wigung sein / das wir dencken / so wir vns Christi / der vergebung der sünden / vnd Gottes gnaden rühmen / das wir auch zusehen / vnd dabey bleiben / vnd nicht wider verlieren / was wir empfangen haben / vnd also in Gottes straffe vnd verdammis fallen / Denn wir sind noch nicht gar hindurch noch hinüber / da wir hin sollen / sondern gehen noch vnterwegen / da wir müssen jmer fortfaren in dem angefangen kampff wider alle fahr vnd hindernis / so vns anstößet.

Die Erlösung ist wol angefangen / aber noch nicht gar an vns volendet / Aus Egypten bistu komen / durchs Roste meer gegangen ( das ist / aus des Teuffels gewalt durch die Tauffe Christi / in Gottes Reich gefürt ) Aber du bist noch nicht durch die Wüsten in das gelobte Land / vnd kanst noch vnterwegen versehen / das du geschlagen werdest / vnd deiner Erlösung feilest.

An Gott mangelts freilich nicht / Denn er hat vns schon gegeben sein Wort / Sacrament / Gnade / Geist vnd gaben / so wir bedürffen / vnd wil vns auch fürder helffen / Allein / das wir nicht dauon fallen / vnd die Gnade von vns schlagē / durch vnglauben / vnd anckbarkeit / vngheorsam vnd verachtung seines Wortes etc. Denn es heisset ( wie Christus sage ) nicht wer da anfehret / sondern wer da beharret bis ans ende / der wird selig. Das ist nu / das hie der Apostel weiter spricht.

Solches alles widerfür jenen zum furbilde / Es ist aber geschriben vns zur warnung / auff welche das ende der Welt komen ist.

W. Lm

Der Jüden  
schreckliche  
straffe / sol  
vns eine warnung sein.

Der Jüden  
Exempel/  
vns zur war-  
nung ge-  
schrieben.

**W**enn du diese Historia vnd Exempel liehest / oder hörest / wie das Jüdische volck in der Wüsten so gewlich gestrafft ist / so dencke nicht / das es sey ein todte Historia / so nu niemand mehr angehet. Denn es ist je nicht jenen geschrieben / die nu tod sind / sondern vns / die wir leben / das wir vns daran stossen sollen / Vnd solches ansehen / als ein ewig Exempel / der ganzen Kirchen futgestellt / Denn es ist eben einerley werck vnd Regiment Gottes in seiner Kirchen / von anfang der Welt / bis ans ende / wie es auch allzeit einerley Gottes Volck oder Kirche ist.

Suchilde  
der Kirchen  
zu aller zeit  
an dem Jü-  
dische volck.

Die Kirche  
wunderbar-  
lich regieret  
vnd erhalte

Vnd ist diese Historia nicht allein ein bilde der Kirchen / zu jeder zeit / sondern auch ein gros stück derselben ( vnd fast das furnemeste ) so vns zeigt / wie allzeit die Kirche auff Erden stehet vnd gehet / nemlich / das sie allzeit on Menschliche macht vnd hülfte wunderbarlich von Gott regieret vnd erhalten wird / durch mancherley anfechtung / ergernis / leiden vnd schwachheit / Vnd nicht ist noch bleibt in einem stetten gefassen vnd geordnet Regiment / nach menschlicher weisheit / das es alles an einander hange / vnd fur vnd fur dar nach gehe / Sondern hin vnd wider geworffen vnd zurstrewet / dazu auch vnter jnen selbs geschwecht / durch mancherley zerruttung vnd straffe / Vnd der grosse vnd furnemeste teil / so den Namen vnd ansehen der Kirchen füret / dahin fallen / vnd solch vnglück anricht / das Gott nicht schonen kan / er mus so schwere vnd schreckliche straffe gehen lassen / durch Kotterey oder ander verwüstung / das das kleinste heuff. in rechte schaffen bleibet.

So nu solchs jenem Volck widerfaren ist / welches Gott zum ersten mal zu einem Volck erwelet / vnd so gros offentlich wunder bey jnen gethan / der gleichen hernach nie mehr geschehen / Was sollen oder dürffen wir bessers gewarten? Ja / wie viel grosser fahr vnd vrsach haben wir / das wir vns wol furs sehen vnd hüten / das vns nicht auch also vnd noch viel erger ergehe.

Das ende  
der Welt  
auff vns ko-  
men.

Das erinnert vnd zeigt vns auch S. Paulus selbs / so er spricht / Es sey geschrieben vns zur warnung / Auff wel-

che das ende der Welt komen ist / etc. Das ist / wir sind nu in der letzten vnd bösesten zeit / welche gar viel grösser vnd schwerer fahr / vnd viel gewlicher straffe mit jr bringet / Denn es in der Schrift zu vor verkündigt / vnd durch Christum vnd die Aposteln geweissagt ist / das da würden gewliche schwere zeite komen / darin grosser abfall von der rechten lere / vnd schreckliche verwüstung der Kirchen geschehen würden / Wie leider fur angen / das beide / durch so viel Ketzerey / vnd hernach durch den Mahmet vnd das Papsthum / allzu gewlich erfüllet ist.

**W**olan / diese letzte zeit hat sich bereit dazumal bey den Aposteln angefangen / Denn nach Christi Himmelfart / sind wir Christen das letzte stück von der Welt / vnd das vbrige heuff. in / so gen Himmel gehören / Vnd wir beiden mitten vnter dem grossen vnzehelichen hauffen der gottlosen bösen art in der weiten Welt / müffens auch viel erger haben / denn die Jüden / welche alle vnter Mose / Gesetz vnd Gottes Wort / in seiner eusserlicher zucht / vnd einerley geordnetem Regiment lebten / Aber wir sind eben in die Welt komen / so jzt am ende auff irer gruben gehet / vnd am aller böseste ist / Vnd doch der grosse hauffe allermeist sich Christen rhümen / Als die erfahrung zeigt / wie hoch vnd trefflich der Papp seine Kirche gerhümet hat / das auffer jm keine Christen auff Erden weren / vnd alle Welt schuldig were / in / als das oberst zeubt der Kirchen auff Erden / zu halten etc.

Die letzte bö-  
seste zeit /  
dartin wir le-  
ben.

Vnd ist ja war / das vnter jm alle auff Christum getaufft / zu Gottes Reich beruffen / Sacrament vnd den namen Christi haben / Aber was thun sie? on das sie vnter solchem trefflichen Namen vnd rhum / Christi Wort vnd Reich vnterdrücken / vnd die Kirche verwüstet haben / nu mehr denn tausent jar / vnd bis auff diese stunde auffs gewlichste die Kirche verfolget / Dazu auch auff den andern seiten die grosse Lender vnd Königreich / die auch haben wollen Christen sein / vnd doch des Glaubens vnd der rechten lere nicht geachtet / durch den Türcken gestrafft vnd verwüstet / vnd dafür des schendlichen Mahomets stanck vñ vnflac vol gesteckt sind.

Des Paps-  
tums abfall  
vnd verfol-  
gung der  
Kirchen / vn-  
ter dem na-  
men Christi.

## Auslegung der Epistel

Es ist wol ein grosse schreckliche straffe vnd scheinert/das kein schrecklicher plage zu fürchten sey/ denn vber das Jüdische volck in der Wüsten gangen/ Aber dennoch sind es noch leibliche straffen gewesen/ Vnd ob wol so grosser hauffe vnter inen/ durch fren vnglauben vnd Gottes verachtung/ in ewig verdammis gefallen/ So ist dennoch Gottes Wort durch Mosen/ vnd die rechte Kirche/bey den andern blieben.

Schreckliche straffe dieser letzten zeit.

Aber diese letzte straffe der letzten zeit ist viel gewulicher/da Gott lest die reyne Lere hinweg nemen / vnd Krefsteige Wirkung des irthums sendet/ auff das sie glauben müssen der Lügen/vnd ewig verloren werden/die/ so da die liebe der warheit nicht angenommen haben / 2. Theff. 2. Also sind wir leider bisher bezaleet / vnd all zu gewulich gestraffet / Vnd wo wir nicht anders danckbar sind/ fur die gnade / so vns Gott durch sein Wort / als den letzten funcken des Lichtes/ so jzt verleschen wil/ gegeben/ so werden wirs viel schwerer bezalen müssen.

Darumb / wer da stehet / mag wol zusehen/das er nicht falle.

Niemand sol sicher sein/ als Föner nicht fallen.

**D**as ist der Schlus vnd die Summa / so vns solche Exempel sollen leren / Vnd eine Predigt wider die sichern Geistern / Wie vnter den Corinthern waren / die sich rhümeten/der hohen Apostel Schüler/ so auch den heiligen Geist empfangen / richteten Secten an/ vnd solt alles recht sein/ was sie theten. Solchen sagt er/ Klein/ lieber Bruder/ las dich nicht zu gewis vnd sicher düncken/das du stehest/ Denn wenn du dich meinst am festen stehen/ so bistu wol dem fall am nehesten / vnd möchtest also fallen/das du nicht wider köndtest auffstehen. Es sind jene in der wüste ja so treffliche Leute gewesen / vnd haben seer wol angefangen / gros ding gethan/vnd doch so gewulich gefallen/ vnd zu grund gegangen.

Darumb sihe dich fur / vnd las

dich den Teuffel nicht betriegen / Es darff auffstehens / Du hast das Fleisch am halse / welches on das wider den Geist streitet/ vnd den Teuffel zu feind/ vnd allenthalben fahr vnd not bey dir selbs/das du nicht wider verlierest/was du empfangen hast / Denn du hast erst angefangen / vnd doch nicht das ende erreicht / Darumb mustu hie sorgen/ kempffen vnd wacker sein / das du ( wie S. Paulus sage) mit fürcht vnd zittern dein eigen heil erstreitest/ Philip. 2

Es hat euch noch keine / denn menschliche versuchung betretten/ Aber Gott ist trew / der euch nicht lesset versuchen vber euer vermögen.

**I**ch mus euch dennoch nicht zu hoch erschrecken ( wil er sagen ) sondern auch etwas trösten / Denn jr habt bisher noch nicht hohe anfechtung gehabt / denn von fleisch vnd blut. da einer den andern verachtet vnd vns recht thut/ hurerey vnd ander ergernis mit vnterleufft / Das ist wol nicht gut vnd fein / Darumb müffet jr zusehen/ das jr euch bessert/ damit es nicht erger mit euch werde.

Denn solt euch der Teuffel selbst recht angreifen / mit falscher lere vnd Geisterey/ vnd hohen geistlichen anfechtungen / als mit Gottes versuchen/wie jene/ vnd auch der heiligen viel angefochten sind ( wie S. Petrus vnd andere ) so würdet jr nicht können bestehen/ Denn jr seid noch zu schwach/ vnd newe vnueruchte Christen/ Darumb dancket Gott/ der es noch mit euch so machet/ das irs ertragen künd/ vnd vber euch helt / das euch zum besten reichet/ vnd darumb durch sein Wort vermanet/ das jr euch fur sehet/ auff das jr nicht weiter in versuchung fallet.

Euan



**I**HEESUS sprach zu seinen Jüngern / Es war ein reicher Man / der hatte einen Haushalter / der ward für ihn berücktet / als hette er ihm seine Güter umbbracht. Vnd er fordert ihn / vnd sprach zu ihm / Wie höre ich das von dir? Thu rechnung von deinem Haushalten / Denn du kauft hinfurt nicht Haushalter sein. Der Haushalter sprach bey sich selbst / Was sol ich thun? Mein Herr nimmet das Ampt von mir / Graben mag ich nicht / so sehe ich mich zu betteln. Ich weis wol

was ich thun wil / wenn ich nu von dem Ampte gesetzt werde / das sie mich in ire Heuser nemen.

Vnd er rief zu sich alle Schuldener seines Herrn / vnd sprach zu dem ersten / Wie viel bistu meinem Herrn schuldig? Er sprach / Hundert tomen öles. Vnd er sprach zu ihm / Nim deinen Brieff / setze dich / vnd schreib flugs funffzig. Darnach sprach er zu dem andern / Du aber / Wie viel bistu schuldig? Er sprach / Hundert malter weizen. Vnd er sprach zu ihm / Nim deinen Brieff / vnd schreib achzig. Vnd der Herr lobete den ungerichten Haushalter / das er klüglich gethan hatte / Denn die Kinder dieser welt sind klüger denn die Kinder des Liechts / in irem Geschlechte.

Vnd

## Auslegung des Euangelij

Und ich sage euch / Macht euch Freunde mit dem unrechten Mammon / Auff das / wenn jr nu darbet / sie euch auffnehmen in die ewigen Hütten .



**D**ies Euangelium / wo es on Geist mit blosser Vernunft angesehen wird / ist ein rechte Pfesfisch und Mönchisch Euangelium / das für den Geiz vnd zu eignen wercken auffzurichten nützlich were. Denn da Christus spricht / Macht euch freunde mit dem vngerechten Mammon / auff das / wenn jr nu darbet / sie euch auffnehmen in die ewige hütten / Zwingen sie drey stücke heraus / wider vnser lere vom Glauben / nemlich / Auffss erste haben wir geleret / das alleine der Glaube gerecht mache vnd von sünden helffe. Auffss ander / das alle gute werck sollen dem Nehesten aus freier liebe vmb sonst geschehen. Auffss dritte / das wir auff der Heiligen oder anderer verdienst nichts stellen sollen.

Bepstliche lere aus diesem Euangelio erzwingen.

Wider das erste lautet / das hie der Herr sagt / Macht euch freunde mit dem vngerechten Mammon / gerade / als solt das werck vns zu freunden machen / die wir vorhin feinde weren. Wider das ander lautet / das er sagt / Auff das sie euch in die ewigen hütten nemen / gerade / als solten wir das werck vns zu nüt / vnd vmb vnser willen thun. Wider das dritte lautet / das er sagt / die freunde mögen vns auffnehmen in die ewigen hütten / gerade / als solten wir den Heiligen vmbs Himels willen dienen / vnd vns auff sie verlassen. Hierauff müssen wir vmb der schwachen willen antworten. Auffss erste.

**Das allein der Glaube from vnd Gottes freunde mache.**

Allein der Glaube machet Gottes freunde.

**D**er grund mus man on alles wancken lassen bleiben / das der Glaube on alle werck / on allen verdienst / den Menschen versüne mit Gott / vnd from mache / Wie S. Paulus sagt zu den Römern am 3. Wir haltens / das der Mensch gerecht werde on zuthun der werck des Gesetzes / allein durch den Glaube. Vnd Rom. am 4

Abraham ist sein Glaube zur gerechtigkeith gerechnet / als auch vns. Item Rom. am 5. Durch den Glauben sind wir gerecht / vnd haben friede mit Gott / durch vnsern HERRN Ihesum Christum. Item Rom. 10. Von hertzen glibet man / so wird man gerecht. Diese vnd dergleichen Sprüche viel mehr / mus man fest halten / vnd darauff sich verlassen vnverrückt / das dem Glauben je als ein / on allen zusatz der wercke / werde zugeeignet die vergebung der sünden vnd rechtfertigung.

Vm für dich dis gleichnis / welches Christus Matth. 7. setzet / Ein guter bawm / bringet gute fruchte / Ein fauler bawm / bringet arge fruchte. Da sibestu / das nicht die fruchte den bawm gut machen / sondern on alle fruchte / vnd für allen fruchten / mus der bawm vorhin gut sein / oder gut gemacht werden / ehe er fruchte treget / Wie er auch sagt Matth. 12. Setzet entweder einen guten bawm / so wird die frucht gut / oder setzet einen faulen bawm / so wird die frucht faul / Denn an der fruchte kennet man den bawm. Ir Otterngezichte wie künd jr gutes reden / dicweil jr böse seid.

Die person mus vor den wercken from sein oder Gott gefallen.

Also ist es stracks war / das der Mensch / on alle gute werck / vnd vor allen guten wercken / mus zuvor from sein. Das es klar ist / wie vnmöglich es sey / das er durch die werck solte from werden / wo er nicht zuvor from ist / ehe er die guten werck thut / Denn Christus bestet fest / da er sagt / Wie künd jr guts reden / weil jr böse seid? Also auch / Wie künd jr guts thun / weil jr böse seid?

Darumb schlenst sich hie mechtiglich / das etwas grössers vnd köstlicher da mus sein / denn alle gute werck sind / dadurch der Mensch from werde vnd gut sey / ehe er guts wircke / Gleich wie er leiblich mus zuvor gesund sein / ehe er erbeite vnd gesunde werck thut. Dasselbige grosse vnd köstliche ding / ist das edle Wort Gottes / das im Euangelio / Gottes gnade in Christo vns prediget vnd anbeut. Wer das höret vnd glibet / der wird dadurch from vnd gerecht / Darumb heisse es auch ein Wort des lebens / ein Wort der gnade / ein Wort der vergebung. Wer es aber nicht höret noch glibet / der kan sonst in keinem wege from werden.

Glaube der gnade vnd vergebung in Christo / machet die person gerecht.

Also sagt S. Petrus in der Aposteln geschichten/ das Gott die hertzen durch den Glauben reinige/ Denn welcher art das Wort ist/ der art wird auch das hertz/ das daran gleubet vnd hanget. Tu ist das Wort lebendig/ gerecht/ warhafftig/ rein vnd gut/ also wird auch das hertz/ das daran hanget/ leben dig/ warhafftig/ gerecht/ rein vnd gut. **W**as wollen wir denn nu zu den Sprüchen sagen/ die so hart auff die werck dringen/ als da der **3** **L** **R** **R** hie spricht/ Machtet euch freunde mit dem vnrechten Mammon. Item/ Matth. 25. Ich bin hungerig gewesen/ vnd jr hat mich nicht gespeiset etc. Vnd dergleichen viel mehr/ die allzumal lauten/ als müssen wir durch wercke from werden. Wir sollen also antworten.

Sprüche von wercken straffen den falschen erachteten glauben.

Es sind etliche/ die das Euangelij hören oder lesen/ vnd fallen schwinde drauff/ vnd heissen das gleuben/ das sie dencken. Sie dencken aber nicht weiter/ denn Glaube sey ein ding/ das in irer macht stehe zu haben oder nicht zu haben/ als ein ander natürlich menschlich werck/ Darumb/ wenn sie in irem hertzen einen gedanken zu wegen bringen/ der da spricht/ Warlich/ die Lere ist recht/ vnd ich gleube/ es sey also/ so bald meinen sie/ der Glaube sey da. Wenn sie denn nu sehen vnd fülen an jnen selbs/ vnd an andern/ das keine anderung da ist/ vnd die wercke nicht folgen/ vnd bleiben wie vorhin im alten wesen/ So düncket sie/ der Glaube sey nicht gnug dazu/ es müsse et was mehr vnd größers da sein.

Siehe/ so fallen sie denn daher/ schreien vnd sagen/ Ey/ der Glaube thuts nicht allein. Warumb? Ey darumb/ sind jr doch so viel/ die da gleuben/ vnd thun nichts mehr denn vorhin/ finden sich auch gar nichts anders gesinnet/ denn vorhin. Das sind die/ welche Judas in seiner Epistel Treumer heisset/ die sich mit irem eigen trawm betriegen/ Denn was ist solcher irer gedanken/ den sie Glauben heissen/ anders/ denn nur ein trawm/ vnd ein nachtbilde vom Glauben/ das sie selbs von eigener krafft/ on Gottes gnade/ in irem hertzen gemacht haben? Die werden darnach erger/ denn sie vorhin waren. Dennes gehet jnen/ wie der **3** **L** **R** **R** Matth. 9. sagt/ Das

Falscher trawm des Glaubens.

sie Most fassen in alte Schlenche/ vnd zureissen/ Das ist/ Gottes Wort hören sie/ vnd fassens nicht/ darumb zureissen sie vnd werden erger.

Aber der rechte Glaube/ da wir von reden/ leste sich nicht mit vnsern gedanken machen/ sondern er ist ein lauter Gottes werck/ on alles vnser zuthun in vns/ wie S. Paulus sagt zum Römern 5. Es ist Gottes gabe vnd gnade durch einen Menschen/ Christum/ erworben. Darumb ist er auch gar ein mechtig/ thetig/ vnrüdig/ scheffig ding/ der den Menschen gleich vernewert/ anderweie gebirt/ vnd gang in eine newe weise vnd wesen füret/ also/ das vnmöglich ist/ das derselbige nicht solt on vnterlas gutes thun.

Denn wie natürlich der Baum fruchte tregt/ so natürlich folgen dem Glauben gute wercke. Vnd gleich wie keine not ist dem baum zu gebieten/ das er fruchte trage/ also ist dem gleubigen kein gebot gesetzt/ wie S. Paulus 1. Timoth. 1. sagt/ Ist jm auch kein not dazu das er gutes thut/ Sondern er thuts von jm selber/ frey vnd ungezwungen/ Gleich wie er on gebot von jm selber schleffet/ isset/ trincket/ kleidet/ sibet/ höret/ redet/ gehet vnd stehet.

Rechter lebendiger Glaube.

Wer nu diesen Glauben nicht hat/ der ist ein vnütziger Schwelger/ vom glauben vnd wercken/ weis selbs nicht/ was er saget/ oder wohin sichs zeucht. Denn er hats nicht empfangen/ vnd treibet also lögen spiel/ vnd deutet die Schrift/ die vom Glauben vnd wercken redet/ auff seinen trawm vnd falsche gedanken/ der nur ein menschlich werck ist/ So doch die Schrift beide/ Glaube vnd gute werck/ nicht vnser krafft/ sondern allein Gott zueignet.

Ists aber nicht ein verkeret blind Volk? Sie leren/ wir können kein gut werck von vns selber thun/ vnd fahen an/ vermessen sich das aller höchste werck Gottes/ nemlich/ den Glauben/ von jnen selbs zu machen/ aus iren falschen gedanken? Darumb habe ich gesagt/ wir sollen an vns selbs verzagen/ vnd Gott bitten/ wie die Apostel theten/ umb den Glauben. Wenn wir den haben/ so dürffen wir keines dinges mehr/ Denn er bringet den Heiligen Geist mit sich/ derselbige leret vns denn nicht allein allerley/ sondern thuts auch mechtig



# Auslegung des Euangelij

mechtiglich dahin / vnd furet vns auch durch Tod vnd Helle/gen Himmel.

**Antwort**  
auff die sprache  
von den  
wercken.

*man blisset  
für den glauben  
bezeugen vnd  
bezeugen, gleich  
wie die frucht  
den Baum  
zeugnis geben.*

Nu mercke / das wir zur vorigen antwort komen / Vmb solcher Trenner vnd ertichten glaubens willen / furet die Schrifte solche Sprüche von den wercken / nicht das man durch die werck from solle werden / sondern das man da mit eusserlich beweise vnd vnterscheid neme / zwischen dem falschen vnd rechten glauben / Denn wo der Glaube recht ist / da thut er guts / thut er nicht guts / so ist es gewis ein trawm vnd ein falscher wahn vom glauben. Darumb / gleich wie die fruchte am Baum / den Baum nicht gut macht / aber sie beweiset vnd bezeuget dennoch eusserlich / das der Baum gut sey / Wie Christus sagt / Ein iglicher Baum wird an seinen fruchten erkand / Also sollen wir den Glauben auch an seinen fruchten erkennen.

**Glaube machet from / wercke be weisen den glauben.**

**A**us dem siehestu nu / das es eine grosse vnterscheid ist / from sein / vnd from erkand sein / Oder from werden / vnd fromkeit beweisen. Der Glaube machet et from / aber die wercke beweisen den Glauben vnd fromkeit. So helt nu die Schrifte die gemeine weise zu reden / die vnter den Leuten gehet / Als wenn ein Vater zu seinem Son spreche / Gehe hin / vnd sey barmherzig / vnd gütig / vnd freundlich / dem oder dem armen / Damit heisse er in nicht barmherzig / noch gütig / noch freundlich werden / sondern weil er schon gütig vnd barmherzig ist / wil er / das ers inen auch eusserlich mit der that erzeige vnd beweise / Auff das er die gute / die er bey im selber hat / auch andern lasse bestand werden vnd zu gute komen.

Also solten auch alle Sprüche der Schrifte von den wercken deuten / das Gott damit wil / das wir die empfangene fromkeit im glauben sollen lassen ausbrechen / sich beweisen / vnd andern nutz werden / auff das der falsche glaube erkennet vnd ausgerottet werde. Denn Gott gibt niemand seine gnade also / das sie sol stille ligen / vnd keinen nutz mehr schaffen / Sondern das sie wuchern sol / vnd durch erkentnis vnd offentliche beweisung auswendig jederman zu Gott reizen / wie Christus sagt / Matth. 5. Lasset ewer liechte leuchten für den Leuten / das sie ewre gute werck sehen / vnd ewren Vater im Himmel preis

*quando scilicet per  
vultu de bonis operibus  
bono per se  
quia profana placita  
et bona  
sicut in dicitur  
natura  
die: quicquid igitur  
operis in deo operatur  
in op. in deo operatur  
in deo. Operatur  
namque scilicet in  
filiis eius operatur  
filiis eius operatur in im-*

sen / Sonst were es / wie ein verborgener Schatz vnd verholene weisheit / Was sind die alle beide nutz?

Ja / damit wird die fromkeit nicht allein andern bekand / sondern auch jr selbs gewis / das sie rechtschaffen sey / Denn wo nicht werck folgen / kan der Mensch nicht wissen / ob er rechte glaube / ja er ist gewis / das sein glaube ein trawm vnd nicht recht sey. Also ward Abraham seines glaubens vnd Gottes furcht gewis / da er seinen Son opfferte / Wie denn Goet sagt durch den Engel zu Abraham / Tu weis ich / (das ist / nu ist offenbar) das du Gott fürchtest / vnd hast deines einigen Sons nicht verschonet vmb meinen willen.

Gen. 22.

So bleibe nu darauff / das der Mensch inwendig im geist / für Gott / allein durch den glauben / on alle werck / gerecht wird / Aber eusserlich vnd öffentlich für den Leuten vnd für im selber / wird er gerecht durch die werck / das ist / er wird bekand vnd gewis dadurch / das er inwendig rechtschaffen glaubig vnd from sey. Das du also mügest eines neuen / eine offenbare oder eusserliche rechtfertigung / das ander ein inwendige rechtfertigung / Also doch / das die offenbare rechtfertigung nur eine frucht / folge vnd beweisung sey der rechtfertigkeit im hertzen / das der Mensch dadurch für Gott nicht gerecht wird / sondern zuvor gerecht für im sein mus.

Gleich wie du des Baums fruchte magst nennen / eine offenbare gute des baums / die da folge / vnd beweise seine innerliche / natürliche gute. Das meint S. Iacobus in seiner Epistel / da er spricht / Der glaube on werck ist tod. Das ist / Weil die werck nicht folgen / ist es ein gewis zeichen / das kein glaube da sey / sondern ein todter gedanke vnd trawm / den sie felschlich glauben nennen.

Also verstehen wir nu das Wort Christi / Machtet euch freunde mit dem vnrechten Mammon / das ist / beweiset offenbar / mit eusserlichem geben / ewren glauben / damit jr freunde vberkomet / das die Armen ewres offenbarn wercks zeugen sein können / das jr rechtschaffen glauben habe. Denn das eusserlich geben von im selber / möchte nimmermehr freunde machen / wo es nicht aus dem glauben geschehe / Sincemal Christus

Gute werck sollen zeugen sein vnsers glaubens.

Matth.





viel/Daraus wird denn Mammon oder Mammon/das ist/die Menge des gutes oder reichthums.

Vnrecht Mammon.

**A**Vffs ander/heisse es vnrecht Mammon/nicht das es mit vnrecht oder wucher erworben sey/Denn von vnrechttem gut kan man kein gut werck thun/sondern sol es wider geben/wie Jesaias sagt/Jesa. 6). Ich bin ein Gott/der dem Opfer feind ist/das vom raube komet. Vnd Salomon spricht/Pro. 3. Gib almosen von dem/das dein ist. Sondern darumb heisse es vnrecht/das es in vnrechten brauch ist/Gleich wie

Tage sind böse etc.

S. Paulus sagt zum Ephesern/das die tage böse sind/so sie doch Gott geschaffen hat/vnd gut sind/Aber darumb sind sie böse/das böse Menschen jr vbel brauchen/viel sünde/ergernis vnd fehrigkeit den Seelen anrichten.

Also ist der reichthum auch vnrecht/dieweil sein die Leute vbel vnd zu vnrecht brauchen/Denn wir sehen/worreichthum ist/da gehets/wie man spricht/Gut macht nut. Da krieget man vmb/da leuget man/da heuchlet man/da thut man alles böses wider den Nehesten/das man gut erwerbe/dabey bleibe/größer mache/vnd der reichen freundschaft habe.

Vnrechter brauch des Mammons das dem Nehesten nicht damit gedienet wird.

**S**Onderlich aber ist für Gott darumb ein vngerechter Mammon/das man dem Nehesten nicht damit dienet/Denn wo mein Nehester darff/vnd ich im nicht gebe/das ich wol habe/so halte ich im das seine mit vnrecht auff/Sin-temal ich im schuldig bin zu geben/nach dem natürlichen Gesetz/Was du wilt/das man dir thue/das thue du auch. Vnd Christus sagt Luce am 6. Gib jederman/der dich bittet. Vnd S. Johannes in seiner Epistel spricht/So jemand dieser Welt güter hat/vnd sihet seinen Bruder darben/vnd schlenst sein hertz für im zu/wie bleibet die liebe Gottes bey im. Vnd dis vnrecht an dem Mammon sehen wenig Leute/denn es ist geistlich/auch an dem gut/das auff alle redlichst erworben ist/welchs auch sie betruaget/das sie meinen sie thun niemand vnrecht/weil sie nicht grob euffers

1. Johan. 3.

lich vnrecht thun/mit rauben/stelen/vnd wuchern.

**A**Vffs dritte/haben sich jr viel bekümmert/wer der vngerechte Haushalter sey das in Christus so lobet. Aber kürzlich vnd einfeltiglich ist hie die antwort/Das Christus vns den Haushalter nicht furhelt vmb seines vnrechts/sondern vmb seiner weisheit oder klugheit willen/das er mitten in vnrecht so weislich seinen nutz schafft.

Als wenn ich wolt jemand zu waschen/beten vnd studiern reitzen/vnd spreche/Sihe/die Mörder vnd Diebe waschen des nachtes/das sie rauben vnd stelen/Warumb woltestu denn nicht waschen/das du betest vnd studierest? Hie lobet ich nicht die Mörder vnd Dieberes vnrechten/sondern die weisheit/das sie so weislich zu irem vnrechten kometen. Item/wenn ich spreche/Ein vnzüchtig weib schmücket sich mit gold vnd seiden/das sie junge Knaben reizet/Warumb woltestu nicht auch dich geistlich schmücken im Glauben/das du Christo gefallest? Hie lobet ich die Zure nicht/sondern den vreis/den sie vbel anlegt.

**A**Vff diese weise vergleichet S. Paulus Adam vnd Christum/vnd spricht/Adam sey ein bilde Christi gewesen/So wir doch von Adam eitel sünde/vnd von Christo eitel gnade haben/die vnmesslich widerinander sind. Aber die gleichnis vnd das bilde stehet in der folge oder geburt/nicht in der eugent oder vntugent/In der geburt/das/gleich wie Adam ein Vater ist aller Sänder/also ist Christus ein Vater aller gerechten/Vnd wie alle Sänder von einem Adam kometen/also kometen alle gerechten von einem Christo. Also ist hie der vngerechte Haushalter vns auch furgesbildet/nur in seiner klugheit/das er seinen nutz so wol schafft/das wir vnser Seelen auch also bedencken sollen/mit vnrecht.

Dabey wollen wirs jzt lassen bleiben/vnd Gott vmb Gnade bitten.

s ij Am

# Am zehenden Sonntag nach

Trinitatis / Epistel 1. Corin. 12.



In den geistlichen Gaben aber wil ich euch / lieben Brüder / nicht verhalten.

Ic wisset / das ic Hei-

den seid gewesen / vnd hin gegangen zu den stummen Hören / wie ic geführt wurdet. Darumb thu ich euch kund / Das niemand Ihesum verfluchet / der durch den Geist Gottes redet. Vnd niemand kan Ihesum einen HEKKN heissen / on durch den heiligen Geist.

ES sind mancherley Gaben / Aber es ist ein Geist. Vnd sind mancherley Empfter / Aber es ist ein HEKKN. Vnd es sind mancherley krefften / Aber es ist ein Gott / der da wircket alles in allen. In einem iglichen erzeigen sich die Gaben des Geistes / zum gemeinen nutz. Einem wird gegeben durch den Geist zu reden von der Weisheit. Dem andern wird gegeben zu reden von dem Erkentnis / nach dem selbigen Geist. Einem andern der Glaube in dem selbigen Geist. Einem andern die Gabe / gesund zu machen / in dem selbigen Geist. Einem andern / Wunder zu thun. Einem andern Weissagung Einem andern Geister zu unterscheiden. Einem andern mancherley Sprachen. Einem andern die Sprachen aus zu legen. Dis aber alles wircket der selbige einig Geist / vnd teilet einem iglichen seines zu / nach dem er wil.



Diese Epistel redet von geistlichen sachen / die am meisten betreffen das Predigamt / vnd die / so der Kirchen fürstehen.

Diese vermanet S. Paulus / wie ein jeder in seinem Ampt seiner Gaben / so er hat / sol brauchen / zu nutz der andern / vnd damit dienen zur einigkeit vnd erbarung der Kirchen / Denn das ist das leidige ergermis / so das bösest angesicht hat in der Christenheit / das sie nicht bleibet on trennung vnd Kotterey / Daran sich denn stossen / sonderlich die weisesten vnd besten in der Welt / vnd schreien / Ja / were die lere recht / so blieben sie selbs wol eines / nu aber neiden / beissen vnd fressen sie sich selbs vntereinander. Denn ob wol die Welt ihren eigenen grossen balcken im auge treget / so kan sie doch vnsern splitter vngerichtet nicht lassen / sich damit zu schmücken / als were sie rein vnd schön.

W / wir könnens nicht wehren / Es müssen Rotten vnter euch sein (spricht S. Paulus / 1. Corin. 11.) auff das die / so rechtschaffen sind / offenbar werden. Wo Gottes Wort ist / da mus der Teufel allzeit durch seine Rotten / seine Tabern vnd Hurhaus neben Gottes Tempel oder Kirchen bawen / Wie er zum ersten im Paradis gethan / vnd in Adams Hause / da er nur selb vierde eine Kirche hatte angericht / Also hat er hernach allzeit gethan / vnd wird hinfirt auch wol also bleiben. Wer nu sich wil hieran ergern / vnd wo er solches sieht / bald wil vrtellen / Es sey da keine Kirche / der wird zu lezt / beide / der Kirchen vnd Christi feilen / Denn so reine wirsin keine Kirche finden / da es alles gar eintrechtig / on alle zwispalt / lere oder glenbe vnd lebe.

Dis ist S. Paulo auch widerfaren / an der schönen berühmten Kirchen im lande Achaia zu Corinthe / die er selbst gepflantzet hatte / vnd zwey jar da gelebet. Aber bald hernach / da er weg war / begunden sie vber ihren Predigern vns eins zu werden / vnd sich an die Personen

Kirchen bleibt nicht on trennung vnd Kotterey etc.

zuracht vnd seten in der Kirchen zu Corinthe.

nen zu hengen / dieser an Paulum / der ander an Petrum / oder Apollo etc. Welche hatten wol recht vnd eintrechtiglich geleret / Vnd doch weil etwo einer mehr oder andere gaben hatte / besser reden konnte / oder grössers ansehens war nach der Person / fand er etliche / die jm allein anhangen wolten / Vnd vnter denen / so Prediger waren der Kirchen / wo einer etwo ein sondere gaben oder Ampt hatte / der wolte mehr vnd besser sein / denn die andern / Daraus muste vneinigheit vnd zwitteracht / hafs / zancf vnd neid folgen / damit der Kirchen grosser schade vnd zurrückung wider feret.

Darumb mus man allhie wehren / so viel man jmer wehren kan wider solch vnglück / ob mans wol nicht kan gar verkommen oder auerotten / Denn wo man auch gar nicht wehren wolt / so würde der Teufel die oberhand nemen / vnd eitel zwitteracht machen / Wo man jm aber widerstehet / da gibt dennoch Gott gnade vnd segen / das etwas frucht vnd bessermng folget / Vnd ob man nichts kund schaffen / so sollen doch trewe Prediger nicht still schweigen / wo sie nicht wollen faule Nietlinge sein / so fur dem Wolfe fliehen / Joh. han. 10.

Also thut nu S. Paulus auch in diesem Text / fehet an von den geistlichen gaben zu predigen / vnd vermanet sie / wie sie sich darin halten sollen / Denn solche gaben / je grösser vnd schöner sie sind / je mehr fleisch vnd blut geneigt ist zu Kottrey vnd seiner eigen ehre / Wo einer die Schrifft wol verstehet / vnd kan auslegen / oder kan wunder thun etc. lefft er sich bald gutdüncken / vnd meinet / es sol in jederman feiren / wil den hauffen allein an sich hengen / vnd niemand neben jm gelten lassen. Vnd wil also die lere trennen oder vngleich machen / als bringe er etwas bessers / denn die andern geleret haben / das sie gegen jm nichts / oder je gering müssen sein.

Gleich wie es zu diesen zeiten auch gangen / vnd noch gehet / vber vnserm Euangelio / nach dem es durch Gottes gnade wider ans liecht bracht / die Leute recht vnterweiset vnd eintrechtig gemacht sind / Da kund der Teufel nicht feiren / er muste sein Kotten geschmeis vnd eigensinnige Köpffe erwecken / die

da auch wolten gerühmet sein / das sie treffliche Leute weren / grossen Geiſt hetten / köndten auch predigen / schreiben / vnd die Schrifft auslegen / besser denn andere (Da sie ein wenig von vns geleret hatten) vnd furgaben / Es were wol etwas / das vnser Euangelium hette angefangen / vnd die lere ein wenig geleutert / Aber es were noch nicht gang / man müſte bas drein greiffen / vnd viel höher komen etc. So sie doch nit irer lere je nicht können einen andern grund setzen (Wie S. Paulus). Corinth. 3. sagt) noch einen andern Christum leren / weder das Euangelium lesret / Sondern eben damit / weil sie furgaben / etwas höhers vnd bessers zu leren / die rechte lere hindern vnd wider verkeren / das es nicht kan heissen / fort gebawet / sondern mehr den grund auffgehaben vnd zuströret / vnd die Leute wider in irthum vnd blindheit gefüret. Darumb fehet nu S. Paulus diese vermanung also an.

Ir wisset / das ir Heiden gewesen seid / vnd hingegangen zu den stummen Götzen / wie ir gefüret worden.

Womit helt er jnen fur / was sie zuvor gewesen sind / ehe sie Christen sind worden / auff das sie zu rück dencken / vnd sich erinnern / das sie solche gaben vnd was sie nu haben / nicht von jnen selbs / noch umb ire würdigkeit vnd verdienst empfangen / Damit sie nicht stolz werden / noch darob zancfen noch sich trennen / oder furgaben / etwas anders oder bessers zu leren vnd anzurichten in der Kirchen / Gibt damit auch den andern eine schlappen / die sich daran ergern wolten / das die Christen vnternander selbs vneins worden.

Lieber / dencket doch alle gleich zu rück (wil er sagen) Was seid ir gewesen / ehe ir zu Christo komen? Eitel blinde Heiden / die ir kein erkentnis Gottes hatten / sondern lieſſet euch bey der nasen führen / wo man euch nur von einem Gott saget / Vnd war alle ewer wesen nichts anders / denn eitel zutrenneter Gottes dienst / da ein jeder / wo er sich hin wendet / da muste er einen eigen Götzen haben / auch das Kind in der wie-

## Auslegung der Epistel

Pantheon  
zu Rom/ist  
Mars ro-  
tunds.

Stummer  
Götzen-  
dienst.

gen/so es der Mutter milch saug / Wie  
S. Augustinus zehet / das allein die  
Stad Rom mehr denn vier hundert  
Götter gehabt / Dazu eine Kirche ge-  
bawet/die noch stehet / vor zeiten Pan-  
theon genant / aller Götter in der  
Welt.

Da seid jr' mit hauffen hingelauffen/  
wie man euch nur fürere/ daselbs ge-  
bet/geopffert / vnd ewer hertz gehenget  
an eitel stumme Götzen / die euch weder  
lernen/raten/trösten/ geben noch helfen  
künden / vnd nichts dauon hattet/wes-  
der das jr ein blind/ elend/ jemerlich zu-  
trennet Volk waret / vnd kundet euch  
keines irthums erwahren / liesset euch  
von jederman zureissen / wie ein armer  
hauff zurstreweter Schafe von den  
Wolffen.

Waber seid jr aus solcher vielfelti-  
ger Abgötterey zu einem einigen rechten  
Gottes dienst gebracht/ durch Gottes  
Wort erleuchtet / dazu euch in Christo  
solche herrliche grosse gaben/ verstand  
der Schrift/ mancherley sprachen/ vnd  
wunderthaten gegeben / welcher die  
Welt keine nicht hat / noch zu wegen  
bringen kan/ Das man sehen vnd grei-  
ffen mus / das jr habe den rechten war-  
haftigen Gott / der da nicht/ wie die  
stummen Götzen / euch lesse on Wort in  
der jre gehen / nach ewern eigen gedan-  
cken / sondern als ein lebendiger Gott/  
mit euch redet / das jr wisset / was jr  
euch zu jm versehen sollet / vnd bey euch  
wircket / auch öffentlich vnd sichtbar-  
lich.

Mancher-  
ley zutren-  
nung der  
Abgötter-  
ey.

DArumb solt jr nicht wider nach  
heidnischer weise vnter euch trannung  
machen / wie jr sehet in der grossen Ba-  
bylon/ verwirrung vnd zutrennung der  
Welt / da es keiner mit dem andern  
helt/ einer zu diesem/ der ander zu jenem  
Götzen leufft / vnd wil ein jglicher der  
best sein/ Sondern weil jr wisset / das jr  
alle einen warhaftigen Gott / vnd  
Gottes Wort habe / solt jr euch auch  
also zusamen halten / in einerley Glaus-  
ben vnd sinn/ vnd nicht vnter euch selbs  
trennen lassen / als hettet jr mancher-  
ley Gott/ Glauben/ Tauffe/ Geist vnd  
seligkeit.

Klüglinge  
vnd Kotten  
Geister ha-  
ben selbs kei-  
ne gewisse  
eintrethige  
lere.

Er redet sonderlich nahe / beide/ den  
Klüglingen vnd naseweisen Splitter  
Richtern der Christen/ vnd auch den an-  
dern Kottischen Köpffen (so er sagt/ Ir

gienget nach den stummen Götzen / wie  
jr geführt wordet) welche flugs daher  
vrcailen vnd taddeln/ beide/ die lere vnd  
leben der Kirchen / weil sie/ darin noch  
sehen etliche gebrechen/ oder auch spal-  
tung vnd vngleichheit / So sie doch das  
neben auch öffentlich sehen / das sie ha-  
ben das reine Gottes Wort/ erkentnis  
Christi / ein grosses lichte vnd verstand  
von Gottes willen vnd gnade / rechten  
trost der gewissen in allen nöten / dazu  
offenbarliche werck des heiligen Geistes/  
Dauon solche vnzeitige selbgewachsene  
Klüglinge selbs gar nichts wusten zu  
sagen / wo sie es nicht bey dem heufflin  
der Christen/ die Gottes Wort vnd des  
heiligen Geistes gaben haben / gesehen  
vnd gehört hetten.

Denn diese sind ja auch (vnd wol für  
nemlich) solche Leute gewesen/ die sich  
haben bey der nasen lassen führen / wie  
man sie gewisset hat / vnd für köstlich  
gehalten / was man sie geleret vnd für-  
gepredigt hat / wie man Gott dienen  
solle / Vnd sind nichts anders/ denn ei-  
tel stummer Götzen Diener gewesen/ die  
kein Gottes Wort noch zeugnis jres  
Glaubens oder thuns gehabt / sondern  
wie es ein jeder aus seinem eigen Kopff  
erdacht/ oder von Menschen für gut an  
gesehen/ also hat er geglaubt vñ gelebt/  
Vnd hat keiner auch nichts gewisses  
noch beständiges kond lernen/ damit ein  
hertz hette können zu frieden sein/ vñ dar-  
auff gründen vnd stehen/ Sondern jmer  
von einem auff's ander gefallen sind/  
wo jemand etwas newes fürgegeben  
für Gottes dienst vnd gute lere etc.

Also hat die Welt von anfang all-  
zeit eitel stumme Götzen gehabt / in so  
viel mancherley vnzehelige Gottes dien-  
sten / von Menschen erdacht vnd auff-  
geworffen/ da man so viel Götter ange-  
betet / vnd jnen bilder gemacht / vnd  
Göetliche ehre gethan/ die auch nie ge-  
lebt haben / bis sie auch allein die bloß-  
sen namen allerley vnglücks / vnfalls/  
vnd seuche/ vnd zu legt auch vnzifer / ja  
auch knoblauch vnd zwibbel/ angebetet  
haben/ Vnd doch / wenn sie alle solche  
Abgötterey getrieben (so sie für grosse  
heiligkeit gehalten) vnd ein jglicher sei-  
nem Götzen geopffert/ hat keiner nimer  
können wissen noch sagen / ob er in hö-  
ret vnd helfen wolte/ Denn da war kein  
Wort noch zeugnis Göetliches wil-  
lens

Stummer  
Götzen-  
dienst der  
Welt.

lens oder wercks/sondern eitel nichtiger  
trawm vnd wahn menschliches dün-  
ckels/der im solche Götzen selbst erdacht  
vnd gemacht hatte.

Des Bap-  
stums Gö-  
tzendienst.

Was haben wir bisher gethan vn-  
ter dem Bapsthum (Auff das wir vns  
selbst bey der nasen zihen) Wie haben  
wir vns auch lassen führen/wie man vns  
nur mit Gottes vnd Heiligen namen  
geweiset hat. Ich bin selbst auch ein from-  
mer Mönch vnd Priester gewesen/ alle  
tag Messe gehalten/vnd darin S. Bar-  
baram/ Annam/ Christofel angebetet/  
vnd andere Heiligen/ mehr denn im  
Kalender gezeichnet/ von denen doch  
niemand wuste/ wer sie gewesen sind/  
Denn ich wuste nichts von Christo/was  
ich mich sein trösten vnd zu ihm verset-  
hen solte/ fürchte mich für ihn/ wie für  
dem Teufel selbst/ als der nicht mein Het-  
land/ sondern nur ein ernster Richter  
sein wolt.

Stummer  
Götzen-  
dienst vnter  
dem Bap-  
sthum.

Und wie viel war des schendlichen  
lauffens vnd wallens zu rechten todten  
hölzen vnd steinern Götzen/ Marien/  
vnd der Heiligen bildern? Item/ zu den  
grebern vnd todten beinen/ die sie nen-  
nerten Heilighum/ Welches war ei-  
tel öffentliche trügerey/ von vnuer-  
schampren buben ertichtet/ vnd denn  
noch Bapst vnd Bischoue solchs beste-  
tigen vnd Ablass dazu geben.

Item/ Wie viel ertichten die Mön-  
che teglich newer Heiligen/ Bruders-  
schafften/ Marien Rosenkrenz/ Ma-  
rien Psalter/ Kronen etc? Summa/ es  
musste alles/ was einem jeden Mönch  
getrewmet hatte/ ein sonderlicher Got-  
tes dienst sein/ Vnd fragte niemand  
darnach/ ob auch einig Gottes Wort  
da were. Vnd wenn wir alles gethan  
hätte/ wusten wir nicht/ ob es Gott ge-  
fiel/ oder nicht. Was war das anders/  
den für den lebendigen Gott eitel stum-  
me Götzen angebetet? die da nicht kön-  
nen mit vns reden/ keinen gewissen ver-  
stand noch trost geben/ lassen die Leute  
in ewigem zweifel stecken vñ verderben.

Christen ha-  
ben einen le-  
bendigen  
Gott.

Solchen todten stummen Gott ha-  
ben wir/ Gott lob/ nicht (sagt S.  
Paulus) wollen auch keinen haben/  
Sondern haben einen Gott/ der da re-  
det vnd lebt/ gibt vns sein gewisses  
Wort/ vnd wissen/ wie er gegen vns ge-  
sinnet/ vnd was wir vns zu ihm versehen  
sollen/ Nemlich/ das wir durch den

Glauben an Christum/ vergebung der  
sünden haben/ vnd seine liebe Kinder  
sind/ vnd des zu warzeichen haben seine  
Taufe vnd Sacrament/ Ampt vnd ga-  
ben des heiligen Geistes/ dadurch er in  
vnsern hertzen wircket. Item/ wir wüs-  
sen/ das vnser werck vnd leben in dem  
selben Glauben Christi im gefellet/ vnd  
das er vns/ wo wir im vnser not vnd  
schwacheit klagen vnd in anruffen/ er-  
hören vnd helfen wil.

Wo solcher verstand vnd Glaube ist  
in den hertzen/ da wird auch wol einig-  
keit bleiben/ vnd wird sich freilich nie-  
mand lassen auff ander mancherley lere  
der stummen Götzen führen/ Wo aber  
vneinigheit/ secten vnd trennung sind/  
das ist ein gewis zeichen/ das entweder/  
die solche spaltung anrichten/ der gewis-  
sen rechten lere nicht achten/ oder nicht  
recht verstehen/ vnd schon auch dazu  
geschickt sind/ das sie sich von allerley  
wind der lere (wie S. Paulus sagt) las-  
sen wehen vnd treiben/ Wie gewislich  
diesen Klägern auch geschiet/ so umb  
etlicher willen/ so in der Kirchen tren-  
nung machen/ die Kirche vnd ire lere  
verdammten.

Eph. 4.

Denn sie eben damit anzeigen/ das  
sie selbst nicht haben die rechte eintrech-  
tige gewisse lere/ vnd keine andere kön-  
nen zeigen/ Wollen nicht sehen/ das an-  
derswo/ wo diese lere nicht ist/ eitel  
blindheit/ vnd zutrennet/ zurissen ding  
ist/ in so mancherley irehum vnd secten/  
der keine mit der andern eins ist/ vnd  
jede wil besser sein/ denn die ander.

Ausser rech-  
ten erkent-  
nis des E-  
uangelijs/  
sind eitel  
Secten vnd  
Kotten.

Wie bisher gewesen/ so viel Mönche  
Kotten/ des Bapsts vnd seines Gottes  
des Teufels Heiligen/ der keine mit der  
andern eines gewesen/ sondern jede sein ei-  
gene weise vnd wege hielte/ vnd wolte  
heiliger sein denn die andern/ Vnd doch  
der Bapst die alle bestetigt/ vnd gro-  
ssen Ablass zu solcher Kotten Bruders-  
schafft gab/ Ich wil schweigen/ was  
sonst für vneinigheit im Bapsthum/  
Seiffen/ Pfarren/ vnd dieser mit den  
Clöstern/ allenthalben gewesen/ Da sie  
sich on vnterlas miteinander gezanck-  
gebissen vnd gekrazt haben/ Wie es  
denn nicht kan anders sein/ wo man hei-  
ligkeit vnd Gottesdienst setzet in solch  
eufferlich selberdachte werck vnd weise/  
vnd sol ein jedes das rechte sein/ vnd ig-  
lichem das seine gefellet/ da kan man ni-  
s iij mer



## Auslegung der Epistel

mer mehr eines werden / welches das rechte vnd das beste sey etc.

VON solcher mancherley zutrennung vnd Abgötterey seid jr nu erlöset / (spricht S. Paulus) vnd wisset / das jr habe das rechte Gottes Wort vnd Glauben / einen Gott vnd **HERN** anbetet / einerley gnade vnd Geist vnd seligkeit habt / Da jr nicht dürfft andere wege vnd weise suchen noch furnemen / als zur seligkeit not / weiße oder grawe Kappen tragen / dis oder jenes nicht essen oder antüren / Vnd keine vngleichheit mancherley eufferlicher werck / personen / Empter vnd stende die einigkeit in Christo verhindert.

Leret sollen vber der einigkeit halten / vnd darin bleiben.

Darumb solt jr auch nu denken / das jr in dieser einigkeit bleibt / vnd fest darob haltet / Denn jr solt ja nu mit ewerm schaden gewigige sein / das jr hinfurt klug seiet / vnd euch hütet / das jr euch nicht wider lasset von solchem einigem gewissen sinn vnd Glauben / in die vorige blindheit führen / Welches euch gewislich widerfaren würde / wo jr solcher gnade vergesset / vnd vber der lere vnd gaben / so jr durch den heiligen Geist habt / ewer eigen ehre vnd rhum suchet / vnd einer den andern verachtet / als hettet jr nicht einerley / sondern mancherley Gott / Christum vnd Geist etc. Welcher doch nicht anders kan sein / den einerley / mit allem das er gibt / Vnd niemand kein ander noch besser Euangelium / Tauffe etc. kan geben / denn dem andern / Summa / Es sol alles in dem einigen Christo sein / oder wird gar kein Christus / Gott noch S. Geist / gnade noch seligkeit sein / wie folget.

Darumb thu ich euch kund / Das niemand Ihesum verflucht / der durch den Geist Gottes redet / Vnd niemand kan Ihesum einen **HERN** heissen / on durch den Geist Gottes.

Warauff rechte lere vnd Glaube der Kirchen stehet.

**W**AS wollet jr nu trennung vnd vngleichheit machen / in der lere vnd Glauben der Kirchen / welche stehet gar auff dem einigen Christo / da jr ja alle müßet eines sein (seid jr anders recht Christen) Vñ alle zu gleich ein iglicher mit seiner gabe müßet den selben preisen / Vnd ja nicht kan den heiligen Geist haben / wer jnen nicht für ei-

nen **HERN** helt / viel weniger so er in verdampft / Denn wo jr den grund auff hebt / so ist es alles auffgehoben / vnd ist da kein Gott noch Geist mehr / vnd alles nichts / was jr furgebet / leret oder thut. Das müßet jr wissen / vnd möget euch darnach richten / Der zweier mus eines sein / Entweder Christum angenommen vnd geglaubt / gelobet vnd gepreiset als den einigen **HERN** / oder den selben verflucht / Es ist hie keines mittelns.

Darumb ist nu leicht zu richten von einem jeden / so ein Ampt hat in der Christenheit zu reden / das man sich nicht darff darob rotten / oder im zweuel hieher oder dorthin gassen / auff diese oder jene Person oder gaben / von welchem mehr zu halten sey. Sondern auff diese Predigt / als das heubtstück / mus man sehen vnd hören / was vnd wie er von Christo sage vnd lere / Denn redet er aus dem heiligen Geist / so mus er gewislich Christum nicht verfluchen / sondern preisen vnd rhümen / Vnd so er das thut / so wird er damit freilich keine Ketterey noch trennung leren machen / noch vrsach dazu geben / Wo aber nicht / so kanstu gewislich schließen / das er nicht rechtschaffen ist / noch aus dem Geist Gottes redet.

Al so stößet er hiemit der Rotten thür Der Rotten thür men vnd trogen / auff jr Ampt oder gaben rhümen vom Geist. / als seien sie voll Geistes / vnd furgeben / sie wollen die Leute recht leren / Es sey nichts mit S. Paulo vnd andern / Man müsse die andern höhern Apostel hören / vnd zu der selbigen Tauffe sich halten. Item / man müsse höher in Geist komen / es sey nicht gnug / das man nichts mehr denn mit dem Glauben / Sacramenten vnd eufferlichem Predigampt vmbgehe etc.

Wolan (spricht er) du magst rhümen von grossem Geist / wie du wilt / Aber das ist je gewis / das / wer da aus dem Geist redet / der wird Ihesum nicht verfluchen etc. Das ist / Es wirds das rhümen des Geistes nicht thun / sondern darauff mus gesehen sein / was du von diesem Christo haltest vnd lere / Denn solches mus entweder Ihesum gescholten vnd verflucht / oder gepreiset vnd für deinen **HERN** bekand heissen / Sindet sich nu / das dein leren vnd predigen nicht auff Christum weist / sondern Warauff vnd prob des rechten vnd falschen Geistes.

der et was anders fürgibt / vnd gleichwol hoffertiglich vom Geist rhümet / so hastu schon das vrteil / das dein Geist nicht ist der warhafftige heilige Geist / sondern ein falscher Lügengeist / den man nicht hören / sondern in abgrund der Hellen verfluchen sol / Wie S. Paulus vrteilet / Gala. 1. So euch jemand / (auch ein Engel vom Himmel) ein ander Euangelium predigt / das sey verflucht.

Der Christum verflucht.

Denn das er hie heisset / Ihesum verfluchen / ist nicht allein / das man Christi namen oder person öffentlich lesere vnd verfluchet / wie die Gottlose Jüden oder Heiden thaten / Denn mit solchen hat S. Paulus nichts zu schaffen / vnd solche wolten trawen die Corinthher nicht sein / Sondern da man vnter den Christen den heiligen Geist rhümet / vnd doch nicht Christum recht prediget / als den grund vnser seligkeit / sondern solches lassen anstehen / vnd von jm weisen auff et was anders / so sie furbgeben / das es vom heiligen Geist / vnd viel nötiger oder besser sey / denn die gemeine lere des Euangelij.

Diese thun alle im grund vnd mit der that nicht anders (ob sie wol den namen Christi auch führen und rhümen) denn das sie Christum verdammen / schelten vnd verfluchen / Denn so man sein Wort vnd Predigt verachtet / vnd an seine stat ander ding auffwirffet / das durch man könne den heiligen Geist vnd ewiges Leben erlangē / oder das je nicht weniger dazu helffe vnd not sey / Was ist das anders / denn Christum verschmecket vnd vernichtet / ja (wie die Epistel zum Ebreern sagt) abermal gecreuziget / vnd das blut des Sons Gottes mit füssen getretten.

Ebr. 6. 10.

Der heilige Geist verfleret vnd preiset Chiren.

Christus deutet selbs des heiligen Geistes Ampt vnd Predigt / was er lesen vnd reden solle in der Kirchen / Johan. am 16. Der selbige (spricht er) wird zeugen von Mir. Item / Der selbige wird Mich verkleren / denn von dem meinen wird er es nemen. Solch einfeltige zunge vnd mund sol er haben vnd führen / das er nichts anders wisse zu predigen / denn den einigen Christum. Sol er von Christo zeugen vnd in verkleren / so mus er nicht ander ding auffbringen / damit er vertunfelt / vnd in sein ehre genommen wird. Vnd wer solches thut /

der redet gewislich nicht aus dem heiligen Geist / Ob er gleich grosse gaben hat / vnd heisset ein Lerer / Bischoff / Papst / Concilium / oder auch ein Apostel vnd Engel vom Himmel / Als vnter den Corinthhern / die da lieffen anstehen / allein Christum zu predigen / vnd dafür auff der Aposteln person weiseten / vnd ire person erfur zogen / einer Cephama / der ander Apollo / der dritte Paulum etc.

Wie auch vnser Möncherey / welche wol den namen Ihesu mit worten hoch gepreiset / geehret vnd gefeiret / vnd vber alle iren Lügentand vnd Abgötterey gezogen / als das sie Mariam die Mutter / Annam die Gromutter Ihesu nennen / vnd vmb seinen willen preisen / Vnd doch eben damit die hertzen von Christo gerissen / die ehre / so jm allein gebüret / Marie vnd den heiligen zugewendet / vnd sie leren anrufen / als Mittler vnd Furbitter / so vns für dem Teufel in der tods stunde / schützen vnd behüten solten etc. Das heisset an Christi stat einen stummen Götzen gesetzt / (Denn ja keine heiligen je solchs geredt / viel weniger in Gottes Wort befolhen) vnd damit Christum geschmehet vnd verflucht.

Falsche ehre des namen Ihesu.

Solch verfluchen Christi treibt der Papst in seinem ganzen Regiment / davon er rhümet / es sey die Christliche Kirche / darumb haben sie gewislich auch den heiligen Geist / vnd was sie setzen vnd ordnen / das müsse man halten / Davon kan sie niemand bringen / Eitel rhümen des Geistes führen sie / vnd ist doch darunter eitel verfluchen / nicht allein der person Christi / sondern seines Worts vnd Sacramenten / weil sie die lere des Euangelij / das wir on vnser verdienst / allein in Christo vergebung der sünden habē / Item den brauch des Sacraments / nach Christi befehl vnd ordnung / öffentlich verdammen vnd Kezerey schelten / vnd darob die Leute ermorden.

Verfluchen Christi im Papsthum.

Vnd summa / der Papst hat nichts zu verfluchen an vnser lere / denn Ihesum Christum / welcher ist der grund vnd das Heubestück der selben / in seinem Wort vnd Sacrament. Andere Kotten / als Widerteuffer / vnd ires gleichen auch also / was thun sie / denn das sie die Tauffe vnd Sacrament Christi schenden

## Auslegung der Epistel

schenden vnd leſtern Leben in dem / das sie ſurgeben / Lufferlich Sacrament vnd Wort nützen der Seelen nicht / Es muß ſe es allein der Geiſt thun etc.

**H**erwider haſtu abermal das gewiſſe Urteil / zur ſtercke deines Glaubens / das ſolche des Papiſts vnd andere Kotte nicht iſt die Kirche Chriſti / wie ſie ſich rühmet / ſondern des Teufels verdampfte Kotte / Denn die rechte Kirche / als die fromme Braut Chriſti / wird freilich nicht können Chriſtum verfluchen / noch ſein Wort verfolgen.

**W**id ſol niemand bewegen / ob man viel vnd gros von Chriſto rühmet / wie die falſche Apoſtel auch thaten / das ſie der rechten Apoſtel Chriſti Jünger weren / vnd etliche Chriſtum ſelbs geſehen hatten. Denn Chriſtus vns ſelbs ſur ſolchen gewarnet / da er ſagt / Es werden viel Kommen / vnd in meinem Namen wunder thun etc. Item / Nicht alle / die zu mir ſagen / **H**err / **H**err / werden ins Himmereich Kommen etc.

Iheſum et  
nen **H**errn  
nennen.

**E**ben das wil auch das ander ſtück / ſo S. Paulus ſagt / Niemand kan Iheſum einen **H**ERRN heißen / on durch den heiligen Geiſt. Iheſum einen **H**ERRN nennen / iſt / ſich für ſeinen Diener bekennen / vnd allein ſeine ehre ſuchen / als der von jm geſand / oder ſein Wort vnd befehl hat. Denn er redet hie furnemlich von dem Ampt / ſo von Chriſto predigt / vnd ſeinen befehl bringt / Wo ſolch Ampt gehet / vnd auff Chriſtum weiſet (als auff den **H**ERRN) das iſt gewiſſlich des heiligen Geiſtes Predigt / ob auch gleich der / ſo ſolch Ampt füret / für ſein perſon den heiligen Geiſt nicht hat / Denn das Ampt iſt on mittel des heiligen Geiſtes. Vnd gilt hie nicht heuchelns vnd meuchelns / ſondern muſ redlich vnd auffrichtig gehandelt ſein / wiltu des gewiſſ ſein / das du Chriſti Prediger oder Apoſtel ſieieſt / vnd ſein Wort füreſt / Das wirſtu nicht thun / denn durch den heiligen Geiſt.

**D**Es gleichen auch / das ein jeder Chriſten in ſeinem werck oder ſtand Chriſtum mit ernſt ſeinen **H**ERRN nenne / das iſt / gewiſſlich ſchlieſſe / das er jm damit diene / Das kan auch nicht on den heiligen Geiſt geſchehen. Das verſuche wer da wil / nur einen tag / vom morgen bis zum abend / ob er könne gewiſſlich

allzeit ſagen / was er thut / das er darin Gottes vnd Chriſti Diener ſey.

**F**rage dein eigen hertz / wo du eine Predigt thuſt / oder höreſt / ein Kind tauſteſt / oder bey der Tauffe ſteheſt / oder daheim deines ſtands vnd beruffs werck thuſt / ob es ſolche Glauben habe / das es vngeweiſelt (nicht aus heuchley oder gewonheit) ſich könne rühmen / vnd wo es not were / darauff ſterben / das du damit Chriſto dienſteſt / vnd jm daran gefallen thueſteſt (Denn das heiſſt alles Chriſtum einen **H**ERRN heißen) Denn du wirſt gewiſſlich hie oft fühlen / dein hertz darob zweiveln vnd zapeln.

**I**n Papiſtum ſind wir gar hieran <sup>Zweivels lere</sup> verhindert / ja abgeſchreckt / durch <sup>reim Papiſtum.</sup> verdampfte zweivels lere / das niemand hat können noch thären ſagen / Ich weiſ / das ich bin ein Diener vnſer Anecht Chriſti / vnd mein thun jm gefellet. So ſind wir on das zu ſchwach / nach fleiſch vnd blut / ſolchen thum zu erhalten / Darumb gehöret der heilige Geiſt hies zu / Denn Vernunfft vnd vnſer eigen hertz ſchreiet dawider / Ah / ich bin viel zu böſe vnd vnwürdig / Wie ſolt ich ſo ſtolz vnd vermessen ſein / mich dieſes **H**errn Iheſu Chriſti Diener zu rühmen? Ja / wenn ich ſo heilig were / als S. Petrus / Paulus etc.

**E**s hat mich ſelbs oft gewundert / <sup>S. Ambroſio</sup> ſo S. Ambroſio / das er ſo künne gewes <sup>ſus thum.</sup> ſen / vnd in ſeinen brieuen ſich pflegt zu ſchreiben / Einen Anecht Iheſu Chriſti / Denn ich meiner / wir ſolten alle als ſo erſchrocken ſein / das niemand (on allein die Apoſtel ſelbs) ſolches möchte rühmen. Tu müſſen wir ja alle zu Chriſto ſagen / Du biſt mein **H**ERR / vnd ich dein Anecht / Denn ich glenbe an dich / vnd meine dich mit allen trewen / in deinem Wort vnd Sacrament / Oder er wird vns auch nicht für ſeine Chriſten erkennen.

**S**tehers doch auch im erſten Gebot / Du ſolt Gott deinen **H**ERRN anbeten / vnd jm allein dienen / **M**atth. am 4. Da fordert er von vns / bey verluſt des ewigen Lebens / das wir in für vnſern **H**errn rühmen / vnd vnſer leben dahin richten / das wir wiſſen / das wir jm darin dienen. Darumb auch S. Petrus lere / **1. Pet. 4.** Was in der Chriſtenheit gerede oder gethan wird / das es gerede

es geredt vnd gethan werde / nicht als vnser wort vnd werck / sondern das es von jm her fließe / vnd heiße Gottes Wort / vnd solch werck oder thun / das da gehe aus dem vermögen / das Gott darreichet / Auff das in dem selben allen Er gepreiset werde. Das mus je on zweifel durch den heiligen Geist geschehen.

Falscher  
rhum der  
Heuchler  
vom Geist.

Darumb scheiden sich vber diesem stück die rechten vnd falschen Christen / Heuchler vnd Kottengeister rhümen trefflich vom Geist vnd göttlichem Ampt etc. Aber das nichts dahinden ist / beweiset / das sie nicht bey der Predigt bleiben / so Christum preiset / sondern dafur auff ander ding leiten vnd verföhren / ja die rechte Lere vnd Glauben Christi verdamnen vnd verfolgen / Dazu / das sie kein zeugnis können haben / noch die Leute des gewis machen / das sie selbs / oder die / so jnen folgen / Christo dienen.

Von solchen hörestu hie S. Pauli durren Spruch vnd vrtail / das sie keinen heiligen Geist haben / Vnd sind hie mit schon abgesondert von der rechten Kirchen vnd Christen. Darumb vermanet er / sich für solchen zu hüten / Vnd wil die Christen alle zusamen in einen Glauben bringen / vnter einen **HERN** vnd Geist. Vnd leret nu / wie man der mancherley gaben recht brauche / in solcher einigkeit / zu gemeinem dienst der Kirchen.

Es sind mancherley gaben / aber es ist ein Geist etc.

**B**uor / da jr Heiden waret / da hattet jr wol mancherley Götzendienst / Empter vnd Geister / Es war aber eitel zutrennet ding / vnd dazu eitel irthum vnd blindheit. Jzt habt jr dagegen andere mancherley schöner / Göttlicher gaben vnd Empter / sie hangen aber aneinander / Gehen vnd fließen alle / nicht von menschlichem dunckel vnd vermögen / sondern von dem einigen / warhafftigen Gott / welches krafft vnd werck sie sind.

Einigkeit  
in mancher  
ley gaben /  
Emptern  
vnd Kress-  
ten.

Darumb / ob gleich solche gaben / Empter vnd Kresssten vngleich sind / in einem sonst / im andern so / viel oder wenig / gros oder klein / schwach oder stark / Doch sol mandarumb nicht den Geist / Gott vnd Glauben trennen / noch Kotten machen / vnd diesen oder

jenen vmb seiner gaben willen allein auffwerffen / vnd die andern verachten / Denn sie sind alle zu gleich von einem Gotte / **HERN** vnd Geist / vnd werden alle aus einerley ursache gegeben / nemlich / die Leute zu dem erkentnis des einigen Gottes zu bringen / vnd die Kirche in solcher eintracht des Glaubens zu erbawen / Darumb solt jr auch alle sampt in dem selben eintrechtlich Gotte vnd der Kirchen dienen. Dis ist kürzlich die Summa des gantzen folgenden Texts.

**J**. Paulus setzet vnterschiedlich drey stück / Mancherley gaben / aber ein Geist / Mancherley Empter / vnd ein **HERN** / Mancherley Kressste / vnd ein Gott / Küret on zweifel damit den Artikel der Dreifaltigkeit oder dreier Personen des göttlichen wesens / Vnd zeigt / das beide / Christus vnd der heilige Geist warhafftiger Gott / vnd doch nach den Personen vom Vater / vnd vnternander vnterschieden sind / Wie er 1. Corinth. 8. auch sagt / Es sind wol viel Götter / vnd viel Herrn / Wir aber haben einen Gott / von welchem alles / vnd einen **HERN** / Ihesum Christum / durch welchen alles etc.

Artikel der  
Dreifaltig-  
keit geheret

Also hie auch vnterscheidet er die drey / Einen Gott / **HERN** / vnd Geist / vnd gibt jedem sein eigen werck / dadurch er sich erzeiget / Das ein ander Person sey Gottes (des Vaters) von dem / als dem vrsprung vnd der ersten Person / alle Kressste herkommen / Ein andere des **HERN** / das ist / Christi / des Sons Gottes / von dem / als dem heubt der Kirchen / alle Empter gehen / Ein andere des Geistes / welcher alle gaben in der Kirchen wircket vnd austeillet / Vnd doch diese drey alle eines Göttlichen / allmechtigen / ewigen wesens / Das sie nach dem selbigen alle drey heißen vnd warhafftig sind / Einer / wie denn Gott mus ein einig / vnzertrenlich wesen sein.

Des Ennes wird von einer jeden in Götliche sonderheit gesagt / was der einigen göttlichen Maieestet allein zustehet / Denn wie der warhafftiger Gott ist / von dem alle Kressste sind / nicht allein was in der Kirchen / sondern in allen Creaturen geschiet / Also mus auch / der **HERN** / von welchem alle Empter / Des gleichen auch der Geist / welcher alle gaben

werck vnterschiedlich  
gestalt  
einer jeden  
Person gege-  
ben.

ben

## Auslegung der Epistel

ben gibt/warhafftiger Gott sein/Denn geistliche Empfter vnd geistliche gaben geben / das stehet keiner Creaturn zu/ vermag es auch niemand / weder Gott alleine. Vnd sind doch die drey/Gott/ **HERR** vnd Geist / nicht mancherley Götter/ sondern einerley göttlichs wesens / Der **HERR** kein ander Gott/ denn Gott der Vater / Der Geist auch kein ander / denn beide / Gott vnd **HERR**. Aber hienon ist anderswo mehr gesagt.

**Erzelung**  
geistlichen  
gaben.

**W**As die gaben sind vnd heissen/erzelet er hie selbs/als/reden von weisheit/von Erkenntnis/Weissagung/Die Geister vnterscheiden / Sprachen vnd Auslegung / Sonderliche gaben des Glaubens/ Item/wunder zu thun etc. Von weisheit reden / heisse die Lere/ so da leret Gott erkennen/ vnd zeigt/was sein wille/rat vnd meinung ist/ begreiffet alle Artickel / was man glauben sol/wie man fur Gott gerecht wird etc. Davon die Welt gar nichts weis/ vnd ist die furnemeste vnd höchste gabe des Geistes.

**Erkenntnis.**

**V**on erkenntnis reden/heisse die lere/ so da sagt von dem eusserlichem leben vnd wesen der Christen / wie man sich darin gegen jederman halten sol / das man der Lere rechte brauche/wie es nach jeder zeit/person/not oder nutz ist/vnd darin klüglich handle / beide / gegen schwache vnd starcke / blöde vnd halsstarrige etc.

**Weissagung.**

**W**eissagung ist / das man die Schriffe recht deuten vnd auslegen kan / vnd daraus gewaltiglich die lere des Glaubens erweisen/ vnd falsche lere umbstossen/Item/durch die selbige die Leute vermanen / dreyen oder stercken vnd trösten / mit anzeigung zu künfftiges zorns/straffe vnd rache vber die vngleubigen vnd vngehorsamen/ vnd widerumb / der götlichen hälffe vnd belohnung gegen den gleubigen vnd fromen / Wie die Propheten aus Gottes Wort/ beide/ des Gesetzes vnd der verheissungen/ gethan haben.

S. Paulus redet hie von solchen Gaben / so nicht jederman in gemein/ sondern etlichen gegeben werden / vnd einem anders denn dem andern/ Wie er spricht / Einem andern der Glaube/einem andern Wunder zu thun / einem andern Weissagung etc. Darumb heis-

set hie der Glaube / nicht der gemeine Glaube an Christum / dadurch man fur Gott gerecht wird / vnd vergebung der sünden erlanget / Denn der selbige mus in allen Christen sein / ob sie gleich die sondern gaben / so er hie erzelet/ nicht haben / Sondern er nennet also ein sondere tugent oder krafft des Geistes/ so er wirket in der Kirchen/ das etliche können gros trefflich ding thun/ aus grossem ungezewueltem mut / wie er hienon im 13. Capitel dieser Epistel auch redet / Wenn ich allen Glauben hette/das ich auch berge versetzen könnete etc.

**Glaube**  
ein sonderer  
gabe.  
  
1. Corin. 12.  
Glaube/tee  
ge zu verset-  
zen.

**D**enn solches zu thun / da gehöret freilich ein grosser / starcker/ gewisser Glaube zu/der da on alles wancken vnd zweiueln faich / vnd mit grossem mut/etwas sonders thue auff den namen vnd krafft Christi / Obes wol sein kan/ das solcher fur sein Person nicht rechte busse/noch rechten Glauben hat/der vergebung der sünde vnd gnade in Christo/ sondern ein heuchler vnd falscher heilige ist. Wie Christus Matth. 7. sagt / Es werden viel zu mir sagen an jenem tage / **Herr / Herr /** haben wir nicht in deinem namen geweissaget? haben wir nicht in deinem namen Teufel ausgetrieben? haben wir nicht in deinem namen viel thaten gethan? etc.

Den Glauben/wunder thaten zu thun/kan ein heuchler haben.

**D**enn das ist war/das solche gaben vnd thaten gewislich in dem namen Christi geschehen / vnd niemand/ denn der Kirchen Christi / gegeben werden/ Vnd doch die Personen / so solche haben/nicht alle gerecht sind/ sondern können wol falsche Christen sein/ Denn solches nicht ist der Personen/ sondern des Amptes / oder wirkung des Geistes/ so der Kirchen gegeben wird/ Das sie in dem Ampte vnd von wegen der Kirchen viel vnd grosses thun / das nicht inen/ sondern andern nützet.

Von solchem allen sagt er nu/ Es sind mancherley gaben / aber einerley Geist/ zu vermanen / das man nicht sol darob Secten machen/ Denn der selbige Geist wirket so wol durch den/ so wenig vnd geringere gaben hat / als durch den / so die größten vnd meisten hat. Wie es nu ist mit den gaben/ also ist es auch beide/ mit den Krefften vnd Empthern.

**K**refte sind die werck/ so Gott durch etliche in sonderheit ausrichtet / das sie etwas

sie etwas grosses thun vnd schaffen/das durch andere nicht geschiet / Als das er S. Paulo gibt/das er viel weiter leufft mit seinem Predigamt/ viel mehr Leute bekeret/mehr wunder thut vnd frucht schafft/denn ander Aposteln etc. Wie er selbs von jm sagt/das er durch Gottes gnade mehr geerbeitet habe / denn die andern alle / 1. Corinth. 15.

Empfter.

Was Empfter sind/ist leicht zu verstehen/Denn ein Amt heisset ein geordnet ding / so in einem jeden Regiment sein mus / das es mancherley bestellet vnd befohlne werck habe / von wegen des/ der die herrschafft hat / oder einer ganzen Gemeine/das damit den andern gedienet werde. Also sind in der Kirchen auch mancherley Empfter/als das einer ein Apostel/ein ander ein Euangelist / ein ander ein Lerer etc. ist/ wie S. Paulus Ephe. 4. erzelet / Item / wie er am 14. cap. dieser Epistel sagt / das einer das Amt hat / die Schrifft zu lesen in mancherley sprachen / der ander zu deuten vnd auszulegen / wie es das zu mal geordnet war in der Kirchen/ Also sind igund geordnete vnd vnterschiedene Amt/Pfarrherrn/Prediger / Diener oder Priester / die da beicht hören/Sacrament reichen etc.

Solche Empfter können vnd sollen nicht alle/die da Christen sind/in gemein führen vnd oben/sondern allein die/denen es befohlen wird / Darumb sind sie vnterschieden von den andern beiden stücken/die er nennet / Krefte vnd Gaben/Denn es sind allzeit in der Christenheit viel gewesen/die da haben den Heiligen Geist gehabt/die doch nicht in solchem Amt gewesen sind / als auch Jungfrewlin vnd Weiber / Sagnes/Anastasia etc. vnd viel Merterer/deren viel auch wunder gethan/vnd ander Gaben gehabt.

Wiewol es war ist/das furnemlich beide / die Gaben vnd Krefte / vmb der Empfter willen in der Christenheit gegeben werden / Denn das man dieselben (sonderlich das Predigamt/welchs ist das höchste vnd furnemeste) führen vnd ausrichten möge/da gehören auch Leute zu/die für andern geschickt seien / die Schrifft verstehen vnd auslegen / der sprachen kündig seien vnd reden können etc. So müssen auch dabey sein die Krefte oder thaten/so Gott wircket/das sie

etwas schaffen vnd ausrichten/Vnd können also alle drey stück zusammen vber einerley göttlichem regiment in der Kirchen / das Christus ist der HERR/des die Empfter sind / vnd dieselben ordnet vnd erhalt / vnd dazu Gott seine Krefte / vnd der Heilige Geist Gaben gibt.

WElil aber solche Empfter auch mancherley vnd vngleich sind (gleich wie die Gaben) eines grösser / das ander geringer/als / ein Apostel ist mehr denn ein Lerer oder Ausleger/ Teuffen ist geringer denn predigen/ So sol man doch wissen vnd ansehen (spricht S. Paulus) das sie alle eines einigen HERRN sind / vnd der ein grösser oder höher Amt hat/sich nicht darumb besser düncken lasse/noch andere verachte / Sondern wisse / das sie alle einem HERRN dienen/der geringste so wol als der grösseste / Vnd der in geringerm Amte ist / darumb nicht weniger bey seinem HERRN ist/widerumb auch/ wer ein höher Amt füret/darumb auch nicht für jm mehr gilt / Denn er ist vnd bleibt allzeit ein HERR aller zu gleich / vnd ist eines so wol als das ander / sein ordnung vnd befehl / Darumb wil er auch vber solchen keine trennung noch Seecten gemacht haben/sondern viel mehr durch solch mancherley Gaben/Empfter etc. zur einigkeit gedienet haben.

So ich predige / vnd du zuhörest/da ist wol nicht einerley Gabe oder Amt/aber doch dienest du Christo mit zuhören/so wol als ich mit predigen/ Denn es ist einerley Christus/der durch dich oder einen andern predigt/die Schrifft verkletret/teuffet/tröstet etc. vnd gebet alles aus ordnung vnd befehl des selben (der mir so wol befohlen / sein Wort zu hören / als dir zu predigen) vnd in einerley Glauben vnd Geist / Vnd preisen hie alle zu gleich einen HERRN / Du sprichst / Das Wort / so ich höre/ist das rechte Gottes Wort / So sage vnd beweise ich / als ein Prediger / auch eben daselbige.

Also wenn ich teuffe / Sacrament reiche / vnd absoluire / vnd du solches empfehest oder annimpst / da sind wir beide in eines HERRN dienst / vnd richtē seinen befehl aus/vnd gebet einig vñ ein trechtiglich zu / ob wol ich vñ du/nach dem Amt vnd Gaben/zweierley sind.

f

Das

Gaben vnd Krefte furnemlich zu den Empfern der Kirchen gegeben.

Empfter sind vñ alle eines HERRN.

## Auslegung der Epistel

**Christen er-  
kennen al-  
lein Gottes  
gaben.** **W**as ist aber auch der Christen eigene  
Kunst/ vnd das furnemest/ so sie vnd  
die Heiden scheidet/ das sie wissen vnd  
erkennen/ das solche gaben/ empfer vnd  
kressse/ Gottes vnd des **J E R R A**  
Christi/ vnd heiligen Geists sind/ Denn  
solches erkennet vnd sihet die Welt  
nicht/ ob sie gleich auch Gottes gaben  
hat/ vnd brauchet aller seiner Creatu-  
ren/ nicht anders/ denn wie eine Saw/  
die zu irem Trog leufft/ vnd mit allen  
vieren drein felt/ dencket nicht mehr/  
denn wie sie darin fresse vnd wäle/ kan  
nicht ein mal ire augen oder gedanken  
erheben/ wo her sie es habe/ vnd wem  
sie dafür danken solle.

**Die Welt  
ein stal vol-  
ler Sew/ zu  
schlachten  
verordnet.** Das solcher Mensch/ so nicht ein  
Christen ist/ der wird für Gott gar vie-  
hisch vnd sewisch/ vnd die Welt nicht  
anders/ denn ein grosser Sewstal/ so  
nach Gottes Reich nicht fragen/ noch  
dencken im für seine reiche güter vnd ga-  
ben an Leib vnd Seele zu danken/ son-  
dern nur trachten nach irem Trog vnd  
Trebern/ darauff sie ligen als die Mast-  
sew zur schlachtung/ wie Jeremias am  
12. sagt von den Gottlosen/ so die fro-  
men verfolgen/ mit grossem glück/ Du  
lessst sie frey gehen/ wie die Schafe/  
das sie geschlachtet werden/ vnd sparest  
sie/ das sie gewürget werden.

Also gibt er manchem grosse Kö-  
nigreich/ reichthum/ land/ haus/ Keller  
vnd boden voll/ vnd machet in gros  
vnd fett/ Aber wenn die Saw wol ge-  
mestet vnd fett gnug ist/ so reufft man  
sich vmb den speck vnd würste/ vnd kö-  
met etwa ein Speckschneiter vñ Würst-  
macher/ der solche Saw schlachtet/ auff  
irem Koben/ Land vnd Leute vnd als  
les verwüfset vnd umbkeret/ Denn sie  
wolten Sew sein/ vnd nichts anders/  
darumb müssen sie auch wie Sew hinge-  
richtet werden/ Ja wenn gleich die welt  
solche straffe höret vnd sihet/ feret sie  
doch imer fort/ weil sie kan/ bis so lang  
das der Schlachter auch vber sie kö-  
met/ Denn die Saw bleibt eine Saw/  
vnd hat die gabe/ das/ wenn gleich eine  
ander für iren augen geschlagen wird/  
so bleibt sie doch sicher vber irem Trog  
stehen/ vnd fraget nichts darnach.

Aber die Christen/ ob sie wol müs-  
sen vnter solchen Sewen leben/ vnd  
sich eine zeitlang von jnen mit füssen  
treten/ vnd mit iren ruffeln stossen la-

ffen/ So haben sie doch ein andere treff-  
liche Herrlichkeit/ das sie können ire au-  
gen empor heben/ vnd recht ansehen/ bei-  
de/ iren **J E R R A** vnd seine Gaben/  
Darumb gehören sie nicht vnter den  
Sewstal/ die allein zu schlachten geord-  
net/ sondern wissen/ das sie Gottes Kin-  
der sind/ vnd von im mit gnaden vnd ga-  
ben geschmückt/ nicht allein zeitlich/ son-  
dern/ weil er jnen leib vnd leben gege-  
ben/ welches sie nicht von jnen selbs ge-  
habt/ so werde er jnen auch weiter ge-  
ben/ was sie bedürffen/ vnd auch ewig-  
lich versorgen.

Diese können Gottes gaben/ auch  
so man für die geringsten schaget/ recht  
thewr vnd werd achten/ nicht allein  
vmb seines/ des Gebers willen/ sondern  
auch nach dem/ wie sie an inē selbs sind/  
Denn es ist keiner/ der auch die leiblich-  
en gaben Gottes erkennet/ der da der  
ganzen Welt gut mit einem auge noch  
geringerm glied an seinem leib lösete.  
Wie viel höher vnd thewrer sind aber  
die geistliche gaben/ danon hie S. Paulus  
redet/ so vns zum ewigen Leben ge-  
geben werden. Es scheint nicht/ wenn  
ein Kindlin getaufft/ oder ein betrübter  
Mensch von Sünden los gesprochen  
wird/ Aber wenn mans recht känd anse-  
hen vnd austreichen/ beide/ das Ampt  
vnd den Schatz/ so da gegeben wird/  
So ist aller Könige vnd Keiser ampt/  
macht vnd alle güter/ so die Welt hat/  
dagegen ein lauter nichts.

Wenn du die person ansiehst/ des  
Teuffers (welche mag wol ein armes  
Weib sein) vnd des getaufften/ so ist es  
wol gering/ Denn des Menschen pers-  
son schaffet vnd machet hie nichts herr-  
lichs/ sondern der/ so da heisset ein Gott/  
ein **J E R R A**/ vnd ein Geift/ Vmb des  
willen ist das Ampt vnd deselbe krasse  
so gros/ vber alle Keiser/ Könige vnd  
Herrn/ wie gering auch die Person ist/  
Denn damit werden dem Teuffel die  
Seelen abgewonnen/ aus der Helle ge-  
rissen/ vnd zu ewigen heiligen vnd seli-  
gen gemacht. Person vnd Ampt mag  
gering heissen/ aber es ist gleichwol  
Gottes ampt/ welcher ist nicht ein ge-  
ringer Man/ sondern mehr/ denn hun-  
dert tausent Wele/ vnd wircket solch  
ding/ das die Welt nicht begreifen  
kan/ vnd alle Engel nicht vermögen zu  
geben.

Denn

Der Christe  
herrligkeit/  
das sie Got-  
tes gaben  
erkennen.

Herrligkeit  
der gaben  
Gottes in  
der Chri-  
stenheit.

Welt feret  
sich nichts  
an die straf-  
ffe/ so sie für  
augen sihet.

Empfer zu men setzten/ so künden sie keine Tauffe geben der Kirchen Fan keine Creatur geben noch stifften

Denn ob gleich alle Creaturen zusammen machen/ Vnd wenn alle Welt zusammen solte ein Kindlin teuffen/ so würde es dasselbe doch nicht helfen/ wo es nicht dieser HERR vnd Gott befohlen hette. Las den Türcken viel tausent mal stercker vnd gewaltiger sein/ denn er jgund ist/ so kan er doch mit alle seinem gut/ Land vnd Leuten/ weder in selbs/ noch einigen Menschen von der geringen sünden entbinden/ noch die Absolution spreche. Gott hat dir deine sünde vergeben. Denn er hat nicht die Gabe/ Ampt noch werck ( ja er weis auch nichts davon ) welche sind Gottes allein/ vnd doch durch Menschen mund vnd hende ausgerichtet werden.

**I**he/ darumb preiset vnd rühmet S. Paulus/ das Gott solch gross ding wircke vnd gebe in der Christenheit/ auff das sie solchs erkennen/ vnd im dafür danken/ vnd darin mit demut einer dem andern diene/ in gleichem glauben vnd liebe/ Vnd ein jeder lerne nur herrlich preisen/ wo er sibet solch ampt/ gaben vnd wercken in der Kirchen gesehen/ vnd so hoch halte/ als er von Gott selbs helt/ Denn wo er sie nicht selbs geordnet vnd gegeben hette/ so würde freilich niemand der keines haben.

Wie haben wir vnsern eigen thand auffgeworffen vnd erhaben/ Walfart vnd lauffen zu den Todten/ in die Wildnis/ Klöster/ stricke vnd Rappen etc. Aber was hat es geholffen/ vnd was hattē wir davon/ wenn wir schon lang lieffen/ das vns die ferschen bluteten/ wacheten/ fasteten/ vnd marterten vns zu tod? Es mag wol heissen ein heiliger stand/ göttlich leben/ Aber es heisset noch alles nicht Gottes gabe/ werck/ oder Ampt/ Darumb ist dabey kein Gott/ HERR noch Geist/ Denn er hat es ja nirgend geheissen noch bestetiget/ sondern wir haben es von vns selbs erdacht/ Darumb mögen wir vns selbs lohnen vnd helfen/ von im können wir vns hierin weder rühmen noch trösten.

Rhum auff Gottes befehl vnd Ampt von Christo geordnet.

Aber hie kanstu köstlich rühmen vnd sagen/ Das ich getaufft/ absoluiert bin etc. das hab ich nicht selbs/ noch ein ander Mensch erdacht noch geordnet/ sondern mein HERR Christus/ Denn da stehet sein befehl/ damit er

solch Ampt geordnet/ Gehet hin/ Ieret alle Vöcker/ vnd teuffet sie im namen des Vaters/ Sons/ vnd Heiligen Geistes. Auff dis Ampt/ werck vnd gaben kan ich mich brüsten vnd trozen/ im Glauben/ wider den Teuffel vnd seine helle Pforten/ da ich sonst keinen augenblick wider in bessehen köndte/ Denn er fürchtet sich für mir vnd meinen wercken nicht/ ob ich gleich rühmen kan/ Ich habe siebenzig jar im Heiligen orden gelebt/ alle tage vnd stunde Gott gedienet/ gebetet/ gefastet etc.

Hie reisset er/ beide/ person vnd werck in abgrund der helle/ wie er sie findet/ Denn so er fraget/ wo Gott solches befohlen oder gestiftet habe/ so kanstu nichts mehr darauff antworten/ Aber wenn er höret dich rühmen/ aus gewissem glauben Gottes Worts vnd befehls/ ich hab die Tauffe/ Absolutio etc. empfangen/ von Christo meinem HERRN/ des bin ich gewis/ Item/ das ich thue/ das thue ich aus seinem befehl vnd seiner krafft/ Da mus er bald von dir ablassen/ vnd fleuchte nicht deine person oder thun/ sondern Christi ampt vnd gabe/ die er bey dir findet.

Solches helt vns S. Paulus für/ das wir doch lernen erkennen/ was wir Christen von Gott haben/ an diesen dreien stücken/ für allen Menschen auff Erden/ auff das wir auch dafür dankbar werden/ vnd also derselben brauchen in Christlicher liebe/ das/ wer solche gaben hat/ damit den andern diene/ Vnd ein jglicher Gotte in den gaben/ die er sibet einem andern gegeben/ seine ehre gebe/ vnd dieselben thewr vnd werd halte/ als die da heissen/ nicht vnser thun/ werck oder geschicklichkeit/ sondern Gottes Empfer/ kreffte vnd gaben/ Das ist nicht geringe schlecht ding/ wie es für der Welt scheinet ( weil es nicht grossen pracht vnd rhum füret ) Denner gibt nicht blosser zalpfennige/ oder taube nüsse/ vnd ledige hülßen/ Sondern was er thut vnd schencket seiner Kirchen/ das mus solch vnaussprechlich ding wircken/ dadurch die Seelen aus des Teufels rachen/ zu ewigem Leben vnd herrlichkeit gebracht vnd gesetzt werde.



# Euangelium am X. Son-

tag nach Trinitatis /  
Luc. XIX.



nd als er nahe hinzu kam / sahe er die Stad an / vñ weinet ober sie / vñ sprach / Wenn du es wüßtest / So würdestu auch bedencken zu dieser deiner zeit / was zu deinem Friede diene / Aber nu ist es fur deinen augen verborgen. Denn es wird die zeit ober dich komen / Das deine feinde werden vmb dich / vnd deine Kinder mit dir / eine Babylon schlagend / dich belegern / vnd an allen orten engsten / vnd werden dich schleiffen / vnd keinen Stein

auff dem andern lassen / Darumb das du nicht erkennest hast die zeit / darinnen du heimgesucht bist.

Vnd er gieng in den Tempel / vnd sieng an auszutreiben die drinnen verkaufften vnd kaufften / vnd sprach zu men / Es steht geschrieben / MEIN Haus ist ein Bethaus / Ir aber habts gemacht zur Mördergruben. Vnd leret täglich im Tempel. Aber die Hohenpriester vnd Schriftgelehrten / vnd die Furnemesten im Volck trachten im nach / das sie in vmbbrechten / Vnd funden nicht / wie sie im thun solten / Denn alles Volck hieng im an / vnd höret in.



**D**ies Euangelium ist auff den Palmtag geschehen/ da der HERR einreit gen Jerusalem/ da ist er bald in den Tempel gegangen/ vnd darin drey tage nach einander geprediget/ welches er vor nie gethan hatte. Die Summa vnd der inhalt dieses Euangelij ist/ das er sich bekümmert/ vnd beflaget den jamer deren/ die das Wort Gottes verachten. Denn hie leret er nicht/ was das Wort Gottes sey/ was es mit sich bringe/ vñ was es für Schuler habe/ Allein wird angezeigt die straffe vnd jamer/ der vber die Jüden gehen solt/ von wegen des/ das sie die zeit irer heimsuchung nicht erkand haben.

Vnd lasse vns eben darauff sehen/ denn es gilt vns auch. Werden die gesuffte/ die nicht erkennen/ das sie sind heimgesucht/ Was wird denen geschehen/ die das Euangelium vnd Wort Gottes wissentlich verfolgen/ lestern/ vnd schenden? Wiewol er hie sagt allein von denen/ die es nicht erkennen.

Es sind zweierley weise zu predigen/ wider die Verächter des Wortes Gottes. Zum ersten mit drawen/ wie Christus drawet Matth. 11. Weh dir Corazin/ weh dir Bethsaida/ weren solche thaten zu Tyro vnd Sidon geschehen/ als bey euch geschehen sind/ sie heten vorzeiten im sacke vnd in der aschenbusse gethan/ Doch sage ich euch/ Es wird Tyro vnd Sidon treglicher ergehen am Jüngsten gericht/ denn euch. Vnd du Capernaum (welche seine Stad war/ da er am meisten wunder that) die du bist erhaben bis an den Himmel/ wirst bis in die Helle hinunter gestossen werden/ Denn so zu Sodoma die thaten geschehen weren/ die bey dir geschehen sind/ sie stünde noch hentigs tags. Doch ich sage euch/ es wird der Sodomers land treglicher ergehen am Jüngsten gericht/ denn dir. Dis sind drawwort/ damit er sie erschreckt/ das sie das Wort/ welches inen Gott schicket/ nicht also in wind schlagen sollen.

Die ander weise/ zeigt der HERR an/ da er hie weinet vnd erbarmet sich vber die armen blinden Leute/ schilt vnd drawet inen nicht/ als den verstockte vnd verblenten/ sondern verschmilzt

in der liebe/ vnd erbarmet sich vber seine feinde/ vñ aus grossen herzlichem mit leiden vnd klagen zeigt er an/ was inen widerfahren werde/ Wolt es gerne abwenden/ aber es ist verloren.

Erbar-  
mung Chri-  
sti vber das  
verderben/  
dere/ so ma-  
cht hören  
wollen.

Zum ersten/ als er zu der Stad nahet/ giengen sie im vor vnd nach/ sun- gen mit grossen freuden/ vnd sprachen/ Hosianna dem Son David/ legten kleider auff den weg/ hieben zweige von den betumen/ streweten sie auff den weg vnd gieng ganz herrlich zu/ Mitten in der freude hebt er an/ vnd weinet/ lesse alle Welt frölich sein/ im aber giengen die augen vber/ da er die Stad sahe/ vnd sprach.

Wenn du es wüsstest/ So würdestu auch bedencken/ zu dieser delatner zeit/ was zu deinem Friede dienet/ Aber nu istis für deinen augen verborgen.

**W**as wolt der HERR sprechen/ O wüsstest du/ was dazu dienete/ das du nicht zerstört/ sondern stehen bliebest/ vnd beide/ zeitlichen vnd ewigen friede behalten möchtest/ du würdest es noch heute bedencken. Irgund were es zeit/ das du dein bestes erkennest/ Aber du bist blind/ vnd wirst die zeit verseumen/ so wird denn weder hülffe noch rat da sein. Ist stehestu da/ wol gebawet/ vnd sind gewaltige Leute in dir/ die sind sicher vnd frölich/ meinen/ es habe kein not/ Aber es ist noch etwo vmb vierzig jar zu thun/ so wird es aus sein mit dir. Das verkleret er noch weiter mit diesen worten.

Denn es wird die zeit vber dich komen/ Das deine Feind werden vmb dich/ vnd deine Kinder mit dir/ eine Wagenburg schlagen/ dich belegeren/ vnd an allen örten engste/ vnd werden dich schleiffen/ vnd keinen Stein auff dem andern lassen/ Darumb/ das du nicht erkennet hast die zeit/ darinne du heimgesucht bist.

**D**ie Jüden stunden steiff/ ver-  
liessen sich auff die zusagung Gottes/ das sie nicht anders meineten/ denn sie solten ewiglich bleiben/ waren sicher/ vnd dachten/ Wir haben

Sicherheit  
der Jüden.

e iij einen

Wessagung  
der gewalt-  
chen straffe  
vber verach-  
tung Gottes  
Worts.

Drawen  
Christi/ wie  
der die ver-  
ächter.

## Auslegung des Euangelij

einen Tempel/hie wonet Gott selbs/ so haben wir treffliche Leute/gelt vnd gut genug/trotz wer vns thue. Denn es haben auch die Römer vnd der Keiser/nach dem er die Stad gewan / selbs bekant/die Stad sey so wol erbawet vnd so fest gewesen/das es vnmüglich were/sie zu gewinnen/wo es nicht Gott sonderlich gewolt hette. Darumb stunden sie auff irem eigen rhum/sagten jr zuversicht auff falschen wahn / Das hat sie auch betrogen.

Der HERR aber sahe tieffer/denn sie/da er sagte/ O Jerusalem/wüstest du was ich weis / du würdest nach deinem friede trachten (Friede heisset in der Schrifft / wo es allenthalben wol gehet) Du meinst/du habest gute tage/Wüstest du aber / wie dich deine Feinde vmblegern/ enngsten vnd treiben an allen ortern/alle heuser einreissen / schleiffen/vnd keinen stein auff dem andern lassen/werden / du würdest das Wort wol annemen/welches dir brechte rechten friede vnd alles gutes.

Jemerliche Historien der zerstörung Jerusalems.

**D**ie jemerliche Historien der zerstörung Jerusalems magstu anderswo lesen / Daraus / wer da wil / wird das Euangelium wol verstehen/Denn Gott hat es eben also geschickt/das die Stad belegert ward auff die Osterliche zeit/darinne die Jüden aus allen landen gen Jerusalems zusammen kamen / Vnd sind bey einander gewesen (als Josephus schreibet) fast bey dreissig mal hundert tausent Man. Das ist ein greulich gross Volck/were noch genug/wenn jr ein mal hundert tausent gewesen weren / Die hat Gott zusammen gebacken / in einen hauffen schmelzen vnd schmiden wöllen. Denn die Aposteln vnd Christen waren alle heraus gezogen / in Herodis land/Samaria/Galilea/vnd vnter die Heiden zerstreuet. Also hat Gott das Korn heraus genommen / vnd die spreue auff einen hauffen geschüt. Der war ein solch grosse menge / das sie ein Königreich ausgeessen hette/ich wil geschweigen eine Stad.

Sie kamen auch in solchen jamer vnd hungers not / da sie alles verzerten/vnd nichts mehr hatten/das sie die sehnen von den Armbrüsten/vnd die riemen vnd lappen von den schuhen mußten essen. Vnd zu legt ein Weib für großem hunger jr eigen Kind schlachtet/

welches jr doch die Kriegsknechte namen/die den braten von ferne rochen/Taubendreck brauchten sie für köstliche speise/vnd der galt viel gelt. Summa/es war ein solcher jamer / vnd ein solch blutuergießen / das es ein stein nicht erbarmet haben / Das niemand hette können glauben / das Gott künde so greulich zürnen/vnd ein Volck so jemerlich verderben. Es lagen die heuser vnd gassen vol todten / die hungers halben gestorben waren/nach waren die Jüden so todt/trugten auff Gott / vnd wolten sich nicht ergeben/Bis das der Keiser mit gewalt dazuthet / vnd sie sich auch lenger nicht in der Stad künden enthalten/vnd also die Stad eröbete.

Da aber der Jüden etliche so schalckhaftig waren / vnd frassen gelt / das man es ihnen nicht nemen solte / meinet die Kriegsknechte/sie hettten alle gelt gefressen/Darumb schnitten sie wol bey tausent die beuche auff / vnd suchten gelt bey ihnen. Da ward ein solch schlachten vnd würgen/das es auch die Heiden erbarmete/vnd der Keiser befehlen mußte/sie nicht mehr also zu würgen / sondern gefangen zu nemen vnd verkaufen. Da waren die Jüden so wolfeil/das man jr dreissig vmb einen grosschen kaufte/ worden also in die ganze welt zerstreuet/vnd für das aller vercheueste Volck gehalten/wie es auch noch heute des tages das vercheueste Volck auff Erden ist/allenthalben zerstreuet/haben kein eigene Stedre noch Land / vnd können nicht zusammen komen / vnd nicht mehr jr Priesterthum vnd Königreich / wie sie doch meinen / widerumb werden können auffrichten. Also hat Gott den tod Christi vnd aller Propheten gerochen / Also ist ihnen vergolten/das sie nicht erkennen haben die zeit ihrer heimsuchung.

**I**ch lasset vns lernen / denn es gilt der Jüden vns/vnd jzt gangem Deudschen an de. (Es ist kein scherz / wir dürfen auch nicht dencken / wo wir nicht anders thun/denn sie/das es vns anders gehen werde/Die Jüden wolten es auch nicht glauben/bis sie es erfuren vnd inne worden. Wir werden jzt auch also heimgesucht von Gott/Er hat vns eine schatz auffgethan/sein heiliges Euangelium/dadurch wir seinen willen erkennen/vnd sehen / wie wir in des Teuffels gewalt

Rache des tods Christi vnd der verfolgung des Euangelij.

wale gesteckt haben/Aber niemand wil es mit ernst annemen/Ja/wir verachtens dazu/vnd habens fur einen spot/Keine Stad/kein Fürst ist dafür Gotte danckbar/vnd das noch erger ist/der mehrteil verfolgens vnd verschmehens.

Gott ist gedultig/sihet vns eine weil zu/Versehen wirs aber ein mal/das er das Wort wider auffhebet/so wird eben der zorn/der vber die Jüden gieng/vber vns auch gehen/Denn es ist gleich ein Wort/eben derselbige Gott vnd Christus/den die Jüden gehabt haben/Darumb wird gewislich die straff an leib vnd an seele auch gleich sein/Vnd wird/hab ich sorg/nach dazu komen/das Deudschland auff einem hauffen wird ligen/Vnd die plagen/so wir bis her vnd noch haben/nur ein vorlauff vnd ein drawung sein/damit er vns wil schrecken/das wir vns fürschen sollen/Es ist noch nicht mehr/denn ein fuchs schwanz/kömet er mit der rechten peitschen hernach/so wird er gar redlich drein schmeissen.

Anfang des  
endlichen  
zorns Got-  
tes/durch  
falsche lere  
vnd Kotte-  
rey.

Grosse gna-  
de vnd schatz  
Gottes  
wort haben

Wir werden aber auch eben thun/wie die Jüden/werden es nicht achten/bis vns weder zu raten noch zu helfen sein wird. Ist möchten wirs verkommen/igund were es zeit/das wir vnser bestes erkennenet/vnd das Euangelium mit friede annemen/weil vns die gnade furgetragen/vnd friede angeboten wird/Aber wir lassen einen tag nach dem andern/ein jar nach dem andern hingehen/thun weniger dazu/denn vor/nemen es nicht zu hertzen/meinen/wir sind sich er/vnd sehen nicht den grossen jamer/der schon ergangen ist. Wie Gott die vndanckbare Welt straffet mit falscher Lere vnd Secten. Das ist aber erst ein anheben/wiewol schrecklich vnd greulich gnug. Denn es ist kein grösser hertzleid vnd jamer/denn wo Gott Secten vnd falsche Geister schickt.

Widerumb ist das Wort Gottes so ein grosser schatz/das es niemand gnugsam begreiffen kan/Denn Gott selbs achtet solches mechtig gros/vnd wenn er vns heimsucht mit gnaden/wolt er gerne/das wirs mit liebe vnd danck von vns selbs annemen/wil vns nicht dazu zwingen/wie er wol thun möchte/Sondern wil/das wir mit lust vnd mit liebe gern folgen/Wiewol er nicht harret/bis wir komen/sondern kö

met vns zuuor/dienet vns/stirbet fur vns/stehet widerumb auff/schicket vns den Heiligen Geist/gibt vns sein Wort wider/ehut den Himmel so weit auff/das es alles offen stehet/Gibt vns dazu reiche verheissung vnd zusagung/das er vns wölle versorgen/zeitlich vnd ewiglich/hie vnd dort/vnd schüttet seine gnade gang vnd gar ans/Darumb ist die gnadenreiche zeit jzt hie/wir aber verachtens/vnd schlahens in wind/Das wird er vns nicht schencken/vnd kans vns nicht schencken.

Denn so wir sonst vbertretten vnd sündigen/kan er noch besser schonen/vnd durch die finger sehen/Das wir jm aber sein Wort verachten/da gehöret die letzte straffe zu/die wird vns auch treffen/Vnd je heller das Wort ist/je grösser die straffe wird sein/Das ich fürchte/es werde gang Deudschland kosten/Gott wölle/das ich ein falscher Prophet sey in der sache/Es wird aber allzu gewis geschehen/Denn er kan die schendliche verachtung seines Wortes ungerochen nicht lassen/Wird auch nicht lang zusehen/Denn das Euangelium ist so reichlich geprediget/das es so klar nicht ist gewesen/sint der Apostel zeit/als es jzt/Gott lob/ist.

Straff vber  
Deudsch-  
land furhan-  
den.

Wir/die wir das Euangelium lang gehört haben/solten Gott hertzlich bitten/das er wolte lenger friede geben. Fürsten vnd Herrn wölle es allein mit dem Schwert hinaus führen/greifen Gott zu frech in den bart/der wird sie auch auff das maul schlagen/Darumb were es hohe zeit/Gott mit ernst zu bitten/damit das Euangelium weiter möcht komen in Deudschland/zu denen/die es noch nicht gehöret haben/Denn wo die straffe so bald vber vns komet/so isst schon aus/So bleiben denn viel Seelen dahinden/ehe das Wort zu jnen kömet.Darumb wolt ich/das wir das Euangelium/den köstlichen schatz/nicht so vbel verachteten/nicht allein von vnsern/sondern auch von deren wegen/die es noch sollen hören.

Not vmb  
riede zu be-  
ten.

Aber wir thun gleich wie die Jüden/die hatten mehr acht auff jren bauch/denn auff Gott/haben sich mehr ge-  
vliessen/wie sie den Geiz fülleten/denn  
wie sie solten selig werden/Darumb ha-  
ben sie die beide verloren/vnd ist jnen  
recht geschehen/dieweil sie das ewige  
Leben

Verachtung  
Gottes  
zeitliches  
worts vmb  
nugs willen

## Auslegung des Euangelij

Leben vnd friede nicht wolten annemē/  
hat inē Gott den bauch dazu genomen/  
das sie nu leib vnd seele verloren haben/  
haben auch gleich die vrsach furgewand/  
wie jezund die vnsern / Wir wolten  
das Euangelium gerne annemen/  
wo nicht drauff stünde fehrlichkeit leibs  
vnd des guts / wo es nicht kostet Weib  
vnd Kinder / Denn wo wir an in glaubē  
(sprachen sie) so kōmen die Römer / vnd  
nemen vns Land vnd Leute / wie denn  
nicht deste weniger geschehen ist / Denn  
was der Gottlose fürchtet / das wird  
im zu teil / spricht Salomon.

Proverb. 10.

Dis hat die Jüden verhindert/  
das sie Gott nicht glauben wolten / vnd  
haben nicht angesehen die grossen reich-  
chen zusagung / die inen Gott gethan  
hat. Also gehen wir auch fur vber / vnd  
sehen nicht die mechtigen / tröselichen  
verheiffungen / die vns Christus thut /  
als da er sagt / Ich wil dir hundertzels-  
tig wider geben / vnd dort das ewige Le-  
ben / Las Weib vnd Kind faren / ich  
wils wol erhalten / oder auch wider ge-  
ben / Woge es nur frisch auff mich / Vnd  
ob dir hie genomen wird / wol dir / Him-  
mel vnd Erde ist mein / ich wil dich frei-  
lich wol bezalen.

Vber diese vnd der gleichen viel  
Sprüche gehen wir fur vber / verach-  
tens dazu / sehen nur was wir im Kasten  
haben / vnd wie vns die Taschen vol wer-  
den / vnd sehen nicht / das vns Gott auch  
dis / das wir haben / gegeben hat / vnd  
wil vns noch mehr dazu geben / Sehen  
auch nicht / wenn wir Gott verlieren /  
das der bauch auch hinweg mus / Dar-  
umb geschiet vns eben recht / das wir bei-  
de verlieren / Gott vnd die Creaturen  
dazu.

Vnglaube  
Gottes  
Worts / ver-  
leuret zeitli-  
ches vnd  
ewiges.

Die aber glauben / die wogens auff  
Gott / vnd setzen alles dahin in Gottes  
gewalt / das er es mache nach seinem lge  
fallen / vnd dencke also / Gott hat dir  
hans / hoff / Weib vnd Kind gegeben /  
du hast selber nicht gezeugt / Diweil es  
denn Gottes ist / so wil ichs auff in wo-  
gen / er wirds wolerhalten / Wil er mich  
hie haben / so wird er mir wol anders ge-  
ben / Denn er hat verheiffen / gnug zu ge-  
ben / hie vnd dort ewiglich. Wil er mich  
nicht hie haben / so bin ich im einen tod  
schuldig / wenn er mich fordert der mich  
zum ewigen Leben bringet / so woge ichs  
frölich von seines Worts wegen.

Wer nicht also thut / der verleugnet  
Gott / vnd mus gleichwol verlieren bei-  
de / zeitlich vnd ewigs Leben. Der stin-  
ckend bauch / der vnser Gott ist / macht /  
das wir dem Wort Gottes nicht anhan-  
gen. Das Euangelium spricht / Vertra-  
we Gott / so wil ich den bauch auch wol  
versorgen / vnd gnug geben. Vnd wenn  
ich nur zehen gülden habe / so machen  
sie mir einen mut / das ich gedencke / ich  
habe zehen tage zu essen / verlasse mich  
auff solchen nichtigen Vorrat / vnd ver-  
trawe Gott nicht / der mich bisher er-  
neeret hat / das er mich morgen auch  
versorgen werde. Pfu dich des schendli-  
chen vnglaubens / Sol ein grosschen bey  
mir mehr gelten / vnd mir grössern mut  
machen / denn Gott selbs / der Himmel  
vnd Erde vnter im hat / der vns othem  
vnd leben / Korn vnd alle ding gibet.  
Warumb denckestu nicht / Der Gott /  
der mich erschaffen hat / wird mich wol  
erneeren / wil er mich lebendig haben /  
Wil er nicht / Ly / so werde ich viel ein  
bessers haben.

Wolan / wo diese plage angehet vnd  
vberhand nimet / das man vmb  
des bauchs vnd kleines zeitlichen nutz  
vnd vorteils willen / den tag / da vns  
Gott durch sein Wort vnd gnade heim  
suchet / mutwilliglich verachtet / So  
mus auch darauff folgen die endliche  
straffe vnd zorn / der es gar ausmachtet /  
vnd dem fass den boden ausstößet /  
Land vnd Leute zu grund vmbkeret /  
das man beide / zeitlich vnd ewiges ver-  
lieren mus.

Endliche  
straffe vber  
die verach-  
tung der  
heimsuch-  
ung Gottes

Denn was sol er auch anders vns  
thun / vmb solche lesterliche vndanck-  
barkeit / fur so grosse liebe vnd wolhat /  
so er vns erzeiget durch die gnedige heim-  
suchung. Wie sol oder kan er vns mehr  
hülffe von vns schlagen / vnd imer fore  
nach zorn vnd verderben ringen vnd  
streben ? Denn so die der straffe nicht  
frey sind / so das Gesetz vbertreten /  
vnd wider die zehen gebot sündigen /  
Wie viel weniger wird er vngestrafset  
lassen / die / so das Euangelium seiner  
gnade lestern vnd verachten ? Sincemal  
das Gesetz noch lang nicht so viel gutes  
bringet als das Euangelium.

Wöllen wir des frölichen tags nicht  
haben / den er vns zu gnaden vnd selig-  
keit gibt / so kan er vns auch da für eitel  
finstere

Wer die  
gnade ver-  
achtet/dem  
Fomet der  
S.uch.

finstere vnd betrübe nacht alles jamers  
vnd vnglücks lassen sehen vnd fñlen.  
Vnd weil wir dis liebe Wort vnd die  
Predigt des frieds nicht wollen hören/  
So werden wir dafür müssen hören des  
Teuffels mordgeschrey / zu allen seiten  
zun ohren schallen. Jzt ist die zeit / das  
wir solten den tag erkennen / vnd des  
reichen gülden Jars wol brauchen/weil  
wir den Jarmarckte für der thür haben/  
vnd sehe/das er vns heimsuchet/ Verste-  
hen wirs/vnd lassens für ober gehē/ So  
dürffen wir auch keines bessern tages  
noch friedes mehr hoffen vnd warten/  
Denn der **HER** wird auch nicht  
mehr da sein/der da ist der **HER** des  
Friedes.

Wo man  
Christum  
nicht leiden  
wil/da sol  
auch nichts  
mehr blei-  
ben.

Wenn aber Christus nicht mehr da  
ist/ So sol vnser ding auch nicht mehr  
bleiben / Vnd wo man diesen lieben  
Gast verstoffet/vnd seine Christen nicht  
mehr leide wil/ So sol auch Regiment/  
friede vnd alles zu grund gehen. Denn er  
wil auch mit essen vnd regirē/vnd gnug  
geben/Er wil aber auch erkent sein für  
solchen **HER** / das wir im danck-  
bar sein/vnd lassen auch diesen Gast vnd  
seine Christen mit vns essen / vnd den  
Zinsgroschen für in geben/Wo nicht/so  
werden wir es müssen einem andern ge-  
ben/der vns also dafür danken vnd loh-  
nen wird / das wir keinen bitten brots  
vnd keinen pfennig mit friede behalten.

Aber das mus die welt nicht glau-  
ben/wie es die Jüden auch nicht glau-  
beten/bis sie es erfare/vnd der Glau-  
be inen in die hand komet/Denn es ist ja  
von Gott beschlossen/ das dieser Chris-  
tus sol der **HER** vnd König sein  
auff Erden/dem es alles vnter die füsse  
gethan/vnd wer es gut vnd friede has-  
sen wolle/müsse im hñden vnd gehor-  
sam sein / oder sol wie ein töpffen zu-  
schmettert werden/Psal.2.

## Das ander teil

des Euangelij.



**V**N er gieng in den  
Tempel/vnd fieng an  
auszutreibē/die dar-  
inne verkaufften vnd  
kaufften/Vnd sprach

zu inen/Es stehet geschriben/Mein  
Haus ist ein Bethaus / Ir aber  
habes gemacht zu einer Mörder-  
gruben.

**H**ie zeigt er / warumb es im zu  
thun ist/vnd was im zum höchsten  
danligt/welchs im auch vrsach sei-  
nes weinens gegeben. Vnd ist wol ein  
ebenthewrliche historia / das der jzt  
aus grossem mitleiden vnd erbarmung  
geweinert/so bald sich wandelt/vnd mit  
grossem zorn daher feret/Denn er bren-  
net/der liebe **HER** / für grosser an-  
dacht vnd euer/vnd also hinein in den  
Tempel gehet/als in einem sturm / vnd  
greiffet mit der faust drein / als der  
**HER** des Tempels/streulich aus treff-  
lichem heissem Geist / in dem er ent-  
brandt ist / vnd die heubt vrsach sibe-  
des jamers vnd verderbens/ dauon er ge-  
sagt/vnd darob geweinet hat / Nem-  
lich/das in dem furnemesten Regiment/  
das da sol Gottes eigen sein / vnd sein  
Tempel heisset/alles verkeret vnd ver-  
wisset ist / Gottes Wort vnd rechter  
Gottesdienst gar vnterdrückt vnd zu-  
stört / eben durch die / so die heubter  
vnd Lerer sein sollen / vmb jres schen-  
lichen Geitz vnd eigen ehre willen. Als  
wolt er hiemit sagen/ Ja/ das ist/ das  
wird den jamer gar anrichten / vnd als  
es ein ende machen in diesem Volck.

Vrsache het-  
de/ des wei-  
nens vñ des  
zornus Chri-  
sti.

Darumb/ so barmherzig vnd mit-  
leidig er sich erzeiget gegen dem armen  
hauffen des Volcks / die so jemerlich zu  
jrem verderben verführet werde. So gros-  
sen zorn erzeiget er wider die/so solches  
verderbens vrsach sind. Sonst hat er  
nicht viel also selbs mit der faust drein  
gegriffen vnd rumort/ wie er hie thut/  
das es wol zu wundern / von einem sol-  
chem trefflichem/ gütigen Man vnd so  
voller liebe. Aber es thut es die grosse  
mechtige brunst vnd hize des Geistes/  
der da sibe / woher aller jamer vnd  
hergleid komet/nemlich / das man den  
rechten Gottesdienst so zustört / vnd  
den namen Gottes so schendet / so man  
zum schein fürwendet.

Denn der Tempel vnd das ganze  
Priesterthum war dazu geordnet / das  
man solt Gottes Wort treiben / sein  
Gnade vnd barmherzigkeit preisen etc.  
vnd

## Auslegung des Euangelij

Verkerung  
des rechten  
Gottes-  
diensts bey  
den Jüden  
vmb jres  
geiziges wil-  
len.

vnd mit dem eusserlichen Gottesdienst  
des Opffers solches bezeugen / vnd jm  
dafür dancken / Dafür lereten sie nicht  
Gott loben vnd dancken / sondern mach-  
ten auch ein Mönchische wercklere dar-  
aus / das man mit solchem Opffer Got-  
tes gnade verdienete / vnd wenn sie nur  
viel opfferten / so würde jnen Gott den  
Himmel vnd alles guts auff Erden dafür  
geben / Baweten also alles / so sie von  
Gott warten solten / aus lauter gute  
vnd gnade / auff jre werck vnd verdienst /  
Vnd dazu in des Teuffels namen dahin  
gerieten / das sie aus jrem geiz da im  
Tempel gesetzt hatten Wechselfrische  
vnd bencke / vnd Kremer mit Tauben /  
vnd allerley Vieh / so man zum Opffer  
brauchet / Das die / so aus fernen Lan-  
den vnd Stedten dahin kamen / solches  
da gnug funden zu keuffen / oder so sie  
nicht gelt hetten / bey diesen auff wech-  
sel nemen oder borgen mochten / Das ja  
das Opffer gros vnd viel würde.

Das heisset eben vnter dem namen  
Gottesdiensts / den rechten Gottes-  
dienst vmbgekeret vnd getilget / Aus  
Gottes gnade vnd gute vnser verdienst /  
aus seinem Geschenck vnser werck ge-  
macht / die er müsse von vns annemen /  
vnd vns dafür dancken / Vnd sich müsse  
lassen für einen Gözen halten / der es  
müsse machen / wie es vns gefellet / zür-  
nen oder lachen / darnach wir wollen /  
Vnd dazu mit solcher Abgötterey jren  
schendlichen geiz füllen / vnd vnuerse  
met einen öffentlichen jarmarck treibē.

Des Pap-  
sthumis Rit-  
chen Regi-  
ment alles  
zum geiz  
verkeret.

Leich wie vnser Papsts hauffe / Pfa-  
ffen vnd Mönche / auch gethan / so  
nichts anders gelernt / denn auff vnser  
werck trawen / vnd darauff alles gericht  
tet in jrem Kirchen regiment / das man  
jnen solches abteuffen muste / vnd einen  
teglischen jarmarck gestiffet in aller  
Welt / Da ist nichts vberblieben / das  
jnen nicht zu jrem Geiz hette müssen  
dienen / vnd für gelt feil getragen we-  
re / Gott / Christus / Sacrament in der  
Messe / Absolutio vnd vergebung der  
Sünde / lösen vnd binden . Item / dar-  
über auch jr eigen ertichter Menschen-  
thand / so sie für Gottesdienst fürgege-  
ben / als der Mönchen bruderschaft /  
vnd jre vbrige verdienst / ja auch Kap-  
pen vnd stricke den Todten anzulegen /  
Des gleichen der Bischone vnd Pfaffen  
garstiger Chresem / allerley Todtenbein /

welchs sie Heilighum hießen / Butter  
briue / Eheweiber / Pfaffenkinder etc.  
Das hat alles teglich müssen jnen gelt  
tragen vnd geben.

Vnd sonderlich der grossen Kä-  
ten König zu Rom / mit seinem Judas  
beutel / der ist erst der gelt schlind / so vn-  
ter dem namen Christi vnd der Kirchen  
aller Welt güter zu sich gerissen / Denn  
er jm die gewalt fürbehalten / alles was  
er gewolt zu verbieten / vnd widerumb  
gelt zu erlauben / auch Königreich zu ne-  
men vnd zu geben / wem vnd wie offte er  
wolte / vnd die Könige vnd herrn ge-  
schatz / wie er gewolt hat.

Das heisset viel schendlicher vnd vn-  
uerschampter aus dem Tempel Gottes  
ein Kauffhaus / ja Mördergruben ges-  
macht / denn diese zu Jerusalem gethan  
haben / Wie denn dem Endchrist gebü-  
ret / als von jm geweissaget ist / das er  
würde der Welt schere erheben / vnd zu  
sich bringen / Vnd S. Petrus / 2. Pet. 2.  
von solchem hauffen sagt / Durch Geiz /  
mit ertichten worten / werden sie an-  
euch hantieren etc.

Darumb zürnet Christus hie bil-  
lich vber solche entheiligung seines Tem-  
pels / dieser Geizwense / so nicht allein  
den rechten Gottesdienst verachte vnd  
nachlassen / sondern auch vmbkeren vnd  
mit füßen treten / Vnd also warhafft  
rig aus dem Tempel / den Gott geord-  
net / das man solt die Leute Gottes  
Wort leren / vnd gen Himmel bringen /  
nichts anders / denn eine Mördergru-  
ben gemacht / da eitel verderben vnd see-  
len morden geschiet / weil man Gottes  
Wort schweiget / dadurch die Seelen so  
lig werden / vnd dafür auff des Teuffels  
lügen weist et .

Das ist die rechte Heubtsünde vnd wo man  
ursach / damit sie verdienet / das sie mit  
Tempel vnd allem masten zu scheitern  
gehen / Denn weil sie Gottes Reich  
selbs zuffören / so wil er jres auch nicht  
lenger bawen / Darumb spricht er / heil.  
Weil jr zuffaret / vnd für mein Reich  
des Teuffels Reich bawet / so wil ich  
mit euch wider also faren / vnd alles zu  
grund zuffören / was ich an euch geba-  
wet habe . Des hat er dieses tages / da er  
also im Tempel vnter jnen rumoret /  
das Vorspiel angefangen / eben zur le-  
zte vor seinem abschied / Welches hers-  
nach / wenn er hinweg were / die Römer  
solten

solten recht ausführen/ Nemlich/ das sie solten also mit allem/ was sie hatten/ auffgereumet werden/ wie er sie da aus dem Tempel reumet / Das sie weder Gottesdienst / Tempel noch Priestertum / Land noch Leute mehr haben würden.

Zusatzung  
des Pap-  
stums.

Es hat/ Gott lob/ jzt auch angefangen/ vnsern Gözen vnd Larven / des Papstums lesterlichen Treudelmarkt nider zu legen/ vnd seine Kirchen zu reinigen / durch sein Euangelium / auch zum vortpiel / das man sehe / das er es mit inen auch ein ende machen wil/ Wie es fur augen schon angefangen zu fallen / vnd teglich mehr vnd mehr fallen mus / Vnd viel gewlicher wird zu bodem gestossen werden / vnd ewiglich zu grund gehen müssen / denn die Jüden zuströret vnd vertilget sind / Dieweil es auch viel ein schendlicher grewel ist/ Das sol sich erst recht anfahen/ wenn nu das Euangelium hinweg ist / vmb der schendlichen / gewlichen lesterung willen/ Aber zu lezt mit dem Jüngsten tag erst recht sein endliche vnd ewige zerstörung nemen.

Deutschland / so Gott lob/ jzt das Euangelium hat/ mag zu sehen / das es in nicht auch also gehe/ wie sich schon leider allzu starck dazu anlesset / Denn wir dürfen nicht denken/ das die verachtung vnd vndanckbarkeit / die bey vns ja so gros/ als bey den Jüden / vber hand nimet / werde vngestraftet bleiben. Darnach wird er auch die gottlose Welt lassen klagen vnd schreien/ Were das Euangelium nicht komen/ so were vns solches nicht widerfahren/ Gleich wie die Jüden zu Jerusalem/ alle ire plage dem schuld gaben / das die Aposteln predigten / vnd selbs vber iren hals weisagten / wo der Christus würde mit seinem Euangelio fortfahren / so würden die Römer komen/ vnd inen Land vnd

Leute nemen etc. Also auch hernach/ die Römer irer zerstörung diesem neuen Gott vnd der neuen Lere schuld gaben/ Gleich wie man jzt sagt / weil das Euangelium auffkomen sey / sey es nie gut gewest.

Aber es sol auch der Welt also gehē/ das sie vber das/ so sie Gottes wort verachtet vnd verfolget / auch so verstockt vnd verblindet werde/ das sie die vrsach vnd verdienst ires verderbens niemand denn dem lieben Euangelio aufflege / Welches doch allein erhelt/ (Gott lob) was noch gehalten wird/ sonst lege es schon lenger auff einem hauffen / Noch mus es die schuld tragen/ alles des / so der Teuffel vnd seine Schuppen ausrichten / Weil man denn also fortferet zu lestern / vnd nicht erkennen wil vnser eigen verdienst / vnd die gnade vnd wolthat / so wir vom Euangelio haben / So mus Gott solche Lesterer auch also bezalen / auff das sie ire eigen Propheten seien / vnd fur zwifeltige bosheit auch zwifeltige lohn empfahen.

Des ist schon das vortpiel auch angefangen/ on das es noch auffgehalten wird / vmb weniger fromen willen/ Gleich wie er mit den Jüden mit diesem Exempel vorgespielet hat / da er die Verkeuffer vnd Reuffer aus dem Tempel stößet / vnd darnach selbs in Tempel gehet / vnd zur lezte noch leret/ bis auff den tag seines leidens / Vnd noch ein zeitlang auffgehalten hat / so lang er Kunde / vnd hernach durch seine Aposteln / bis man sie nicht mehr leiden wolte/ Also auch jzt wir noch auffhalten/ so lang wir leben/ die an Christo hangen / Aber wenn die auch das heubt legen/ so mag denn die Welt sehen/ was sie gehabt hat.

Das Euangelium helt noch auff die künfftig vnd lang verdienete straffe.

Der Welt  
Klage vber  
das Euangelium.

Am



# Am XI. Sonntag nach

Trinitatis / Epistel I. Co-  
rinth. XV.



**I**ch erinne  
re euch aber  
lieben Brü  
der / des Eu  
angelij das  
ich euch ver  
kündiget  
hab / welches  
es jr auch  
angenomen  
habet / in  
welchem jr  
auch stehet  
/ durch wel  
ches jr auch  
selig werdet  
/ Welcher  
gestalt ich  
es euch ver  
kündiget habe  
/ so irs be  
halten habt  
/ Es were  
denn / das  
irs vmb  
sonst geg  
leubet he  
tset.

**D**enn ich habe euch zu fod  
derst gegeben / welches ich auch em  
pfangen habe / Das Christus ge  
storben sey fur vnser Sünde / nach  
der Schrift / vnd das er begraben  
sey / vnd das er auffgestanden sey  
am dritten tage nach der Schrift /  
Vnd das er gesehen ist worden von  
Kephas / darnach von den Zwöl  
ffen. Darnach ist er gesehen wor  
den von mehr denn fünff hundert  
Brüdern auff ein mal / der noch viel  
leben / Etliche aber sind entschlaf  
fen / Darnach ist er gesehen wor  
den von Jacobo / darnach von al  
len Aposteln.

Am letzten nach allen / ist er  
auch von mir / als einer vnzeitigen  
Geburt / gesehen worden. Denn

ich bin der geringste vnter den Apo  
steln / als der ich nicht werd bin /  
das ich ein Apostel heisse / darumb  
das ich die Gemeine Gottes verfol  
get habe. Aber von Gottes gna  
den bin ich / das ich bin / vnd seine  
Gnade an mir ist nicht vergeblich  
gewesen / Sondern / ich habe viel  
mehr gearbeitet / denn sie alle / Nicht  
aber ich / sondern Gottes gnade die  
mit mir ist.

**D**iese Epistel ist reichlich aus  
gelegt in den Predigten vber  
dis ganze Capitel / sonderlich  
ausgangen / Wer da wil / mag sie da  
selbs lesen. Sie redet ganz von der auff  
erstehung der todten / darumb sie bil  
lich solt vmb die Ostern gelesen vnd ge  
handlet werden. Aber das dieses stück  
eben auff diesen Sonntag ist geordnet  
worden / scheint daher geschehen / das  
sich das letzte stück reimet mit dem Eu  
angelio dieses Sonntags / Denn S. Pau  
lus / ob er wol ein hoher Apostel war  
vnd in seinem Ampt mehr gearbeitet  
hatte / denn die andern alle / doch rüh  
met er nicht sein eigen werck / wie der  
hoffertige Phariseer / sondern gleich  
dem armen Zöllner / bekennet seine sün  
de vnd vnwürdigkeit / Vnd was er ist  
allein zu schreibet Gottes  
gnaden / der in / da er  
ein Verfolger war / zu  
einem Christen vnd  
Apostel ges  
mache  
hat.

Im 1. Teil  
der Bücher  
Lutheri.

tags nach Trinitatis / Luce 18.



**D**Er HERR sagt zu / etlichen / die sich selbs vermaßen / das sie from weren / vnd verachteten die andern / ein

solch Gleichnis / Es giengen zween Menschen hinauff in den Tempel zu beten / Einer ein Phariseer / der ander ein Zölner. Der Phariseer stund vnd betet bey sich selbs also / Ich dancke dir Gott / das ich nicht bin wie die ander Leute / Reuber / Vngerechte / Ehebrecher / Oder auch wie dieser Zölner. Ich faste zwier in der wochen / vnd gebe den Zehenden / von allem das ich habe.

Und der Zölner stund von ferne / wolte auch seine augen nicht auffheben gen Himmel. Sondern schlug an seine Brust / vnd sprach / Gott / sey mir Sünder gnedig. Ich sage euch / Dieser gieng hinab gerechtfertigt in sein Haus / für seinem. Denn wer sich selbs erhöhet / der wird ernidriget werden / Vnd wer sich selbs ernidriget / der wird erhöht werden.



**I**n diesem Euangelio werden vns furgestellet zwo sonderliche Personen / oder zweierley Leute / in dem hauffen / der da heisse / Gottes Volck /

die da wollen Gottes Diener sein / vnd für in Kommen / vnd gerechtigkeit suchen / Vnd wird also auch zweierley gerechtigkeit furgelildet / so da gefunden

*Zweierley gerechtigkeit.*

u

wird

## Auslegung des Euangelij

wird auff Erden / Eine / die den grossen schein hat für aller Welt vñ Menschen augen / vnd doch für Gott nichts ist / vnd dazu verdampft wird / Die ander / so für den Menschen nicht erkant wird / vnd doch für Gott gerechtigkeit heisset / vnd im gefellet. Eine ist des schönen hoffertigen Heiligen / des Pharisäers / Die ander des armen / demütigen / betrübten Sünders / des Zöllners.

*Zweiterley  
vnter  
wertig  
der Ver-  
nunft.*

Da hören wir auch zwey wunder-  
barliche / seltsame vnter / ganz vnd gar  
widerwertig menschlicher weisheit vnd  
dunkel der Vernunft / ja aller Welt  
schrecklich / Das die grossen Heiligen  
verdampft / als vngerecht / vnd die ar-  
men Sünder angenommen / gerecht vnd  
heilig gesprochen / werden. Er redet  
aber von solchen Heiligen (wie der Text  
selbs zeigt) die sich vermessen / bey jnen  
selbs vnd in jrem eigen leben vnd wer-  
cken / gerechtigkeit zu finden / die da  
Gott ansehen müsse / Vnd widerumb  
von solchen Sündern / die da von her-  
gen begeren von jrer sünden los zu wer-  
den / vnd nach der vergebung vnd Gots  
tes gnaden seuffzen. Denn es wird hie  
nicht gesagt von dem andern grossen  
hauffen in der Welt / die da weder dies-  
sem Zöllner / noch dem Pharisäer gleich  
sind / weder sünde noch gnade gar  
nichts achten / sondern dahin gehen /  
sicher vnd rucklos / fragen nach keinem  
Gott / Himel noch Helle.

*Pharisäer  
frome ehr-  
liche Leute.*

Was die zweierley personen / Phari-  
säer vnd Zöllner / bey den Jüden  
geheissen / haben wir zu vor in andern  
Euangelien gnug gehort / Nemlich /  
das der name / Pharisäer / deutet die al-  
ler feinsten / erbarsten / frömsten Leu-  
te / so mit allem ernst haben sich gevlies-  
sen / Gott zu dienen / vnd das Gesetz zu  
halten / Wie S. Paulus von jm selbs  
auch rühmet / das er vor seiner bekerung  
auch ein solcher gewesen sey / Phil. 3.

*Zöllner ni-  
chts besser  
denn öffent-  
liche Hei-  
den.*

Widerumb / der name Zöllner / hat  
bey jnen gedeutet einen solchen Mens-  
chen / der in öffentlichen sünden vnd  
lastern lebet / weder Gott noch der  
Welt dienet / vnd nur sich vleisset zu  
rauben / schinden / vnd den Nehesten zu  
beschadigen / Wie solche in jren Amp-  
ten / die sie von den Römern vmb gros-  
gelt bestanden / thun mussten / wo sie  
wolten der selben wol genießen. Vnd

summa / es waren solche Leute / die  
nichts bessers gehalten worden / denn  
öffentliche / vnglebige / Gottlose Hei-  
den (ob sie gleich von Geburt Jüden wa-  
ren) Wie sie auch Christus den selben  
vergleicher / Matth. 23. Höret er die Ges-  
meine nicht / so halte jm / wie einen Hei-  
den vnd Zöllner etc.

Wists wol ein wunderlich / das wunder-  
Christus solche zwey personen zusammen <sup>wunder-</sup>  
setzet / die so ganz vngleich vnd auff <sup>barlich ver-</sup>  
weitest von einander sind / Vnd noch  
viel wunderlicher / dazu auch ergerlich /  
das er so ebentheurliche vnter sprichet /  
den Pharisäer ganz verdampft / vnd  
den Zöllner gerecht spricht. Wiewol er  
dennoch deutlich also von beiden redet /  
das er daneben zeigt / das er dennoch  
nicht verwirret / noch verworffen ha-  
ben wil / solche werck / die der Pharisäer  
hie rühmet / Denn er wil in selbs also  
darstellen vnd malen / als einen schönen <sup>Des Phari-  
säers werck  
nicht zu schel-  
ten / sondern  
loblich.</sup>  
Heiligen / mit solchen wercken / die gar  
nicht zu schelten noch zu straffen / son-  
dern gut vnd zu loben sind / Widerumb  
kan er den Zöllner von seinem leben vnd  
wercken nicht loben noch rühmen / wie  
er auch selbs mus für Gott bekennen /  
sich selbs verdammen als einen Sünder /  
vnd keines guten wercks gedenden  
kan.

Vnd doch Christus sie beide also aus-  
forschet / prüfet vnd suchet / das er in  
dem heiligen Pharisäer nichts guts fin-  
det (ob er gleich viel köstlicher werck  
hat) nicht der werck halben / welche an  
jnen selbs nicht strefflich sind / sondern  
darumb / das die person nicht gut vnd  
voller vnreinigkeit ist. Widerumb an  
dem Zöllner / der bisher ein öffentlicher /  
verdampfter Sünder gewesen / ist einen  
rechten guten bawm vñ fruchte findet /  
ob er gleich nicht mit grossen wercken  
des Pharisäers scheineth. Darumb lasse  
vns beide personen ein wenig ansehen.

**L** Klich mustu den Pharisäer  
recht eraus streichen vnd schmü-  
cken / wie Christus selbs in ma-  
let / mit seinem schönen leben / Denn hie  
hörestu einen solchen Man / der da thut <sup>Des Phari-  
säers thum  
für Gott.</sup>  
für Gott erretten / vnd für jm sein leben  
rühmen (Das mus je nicht ein falscher  
rhum / sondern ernst vnd warheit sein)  
Vnd damit anff in selbs sich beruffen /  
vnd zu einem zeugen füren / Vnd wil  
sich

sich für im erzeigen / vnd finden lassen in dem rechten Gottesdienst / vnd rechnung geben von seinem ganzen leben / das es dahin gerichtet sey / das es in seinem gehorsam gehe.

Si Zehet an mit dem höchsten vnd ersten Gebot / erzeige sich als der den rechten / einigen Gott anbetet / vnd für allen dingen nach seinem Reich trachte / vnd seinen willen suche / Bekennet / das er alles von Gott habe / das er ist vnd lebt / treges im hiemit heim / vnd dancket im für alles / was er im gegeben hat / sonderlich aber für diese sonderne gnade vnd wolthat / das er in behütet für sünden vnd schanden / das er nicht ist / wie die öffentliche Sünder vnd Zöllner / Vnd betet / das in Gott wolle darbey erhalten / vnd fürder seinen segnen vnd guts dafür gebē. Da sibestu eitel schöne werck der ersten Tafel / vnd aller dreier Gebot / Denn er helt hiemit auch den Sabbath / weil er darumb in den Tempel gehet / da er allein mit Gott handeln vnd beten wil etc.

Das Pharisäers gebet.

Rhüm des Pharisäers von den Geboten der andern Tafel.

Darnach gehet er weiter in die andern Tafel / vnd reiniget sein gewissen für Gott vnd der Welt / das er nicht ist ein vngerechter / reuber / ehebrecher etc. wie der grosse hauffe anderer Leute / Da sind die andern fünff Gebot alle zusammen gefasset / Das er ist ein solcher Mensch / der sich für aller Welt rhümen kan / das er niemand vnrecht / gewalt noch leid gethan / noch beschweret oder beleidigt habe / wider das fünffte / sechste / siebend vnd achte Gebot / vnd dar auffchar jederman trotz bieten / wer in könne eines andern zeihen.

Alle wochen zwier fasten.

Dazu habe er auch das sechste Gebot gehalten / nicht die ehe gebrochen / noch in vnzucht lebe / ja auch seinen leib also in der zucht vnd zamm halte / das er vber das auch alle wochen zwey mal fastet / Das ist gewesen nicht eine lügenfasten (wie vnser Pfaffen vnd Mönchen Volcks das mehr teil gewest) sondern ein recht fasten / wie es die Jüden gehalten / von morgen bis an den abend / da die Sonne vntergangen war.

Den Zehenden geben zu Gottes dienst.

Item / vber das / das er nicht allein kein vngerechter noch reuber ist / an des Nehesten gut oder ehren / So gibt er auch den Lebenden von allem / das er hat redlich vnd ehelich gewonnen / Leistet damit auch Gott seinen gehorsam /

das er zu erhaltung des Gottesdiensts vnd Priester Ampts / reichet von allem was im Gott gegeben hat / vnd nichts daran erkarget / oder innen helt.

Summa / da sibestu alle Gebot auff einem hauffen / vnd einen ausbund eines feinen fromen / vnd (wie es für der Welt scheinet) gottfürchtigen / heiligen Mans / der aller Welt ein spiegel vnd Exempel zu rhümen ist / Das man wol möchte wünschen / vnd ja wol zu wünschen were / vnd gar fein in der Welt stehen solt / wenn man solcher Lent viel haben möchte.

Je gegen halte nu den andern Zöllner / so wirstu gar nichts finden / dem heiligen Pharisäer zu gleichen / Denn auch der name anzeiget / das bey solchen nicht viel tugent noch ehre sein könne / Vnd kan in niemand dafür halten / das er viel nach Gott oder seinen Geboten frage / Vnd nicht allein nichts von dem seinen gibe / Gotte zu seinem dienste / Sondern dazu dem Tehesten öffentlich raubt vnd stulet / Vnd kurz / ist ein solcher Mensch / der mit seinem sündlichen leben / ein öffentlich / bekand Exempel ist / Wie in der Pharisäer auch also anzeucht / als der gar verrücht / sein gewissen in die schand geschlagen / vnd nichts guts mehr an im zu hoffen ist.

Wie / wie gehets denn so wider / vnmisch zu / das er von Gott verdampft / vnd der Zöllner recht gesprochen wird / Wil er nu selbs wider sein Gesetz sprechen vnd vrtellen / nach welchem je billich / der darnach gelebt vnd from ist / des selben genieffen / vnd für gezogen wird / denen / die öffentlich dawider in sünden leben / Oder ist nu Gott ein solcher Man / der da lust habe zu solchen / die da kein gut werck thun / sondern nichts / denn reuber / ehebrecher / vngerechte sind / Trawen nein / Sondern es ist allhie ein ander höher gericht / denn Welt oder Blut vnd Fleisch verstehet / das da tieffer hinein sibet in die ser beider hertzen / vnd findet an dem Pharisäer ein gros böse stück / das es als Phariseer ein gros böse stück / das es als les verderbt (was da sonst gut heissen möchte) so der Euangelist heisset / Auff sich selbs verlassen / vnd dazu andere verachten.

Der Welt = art / auff sich selbs verlassen / vnd andere verachten.

Das ist der tadel an diesem feinen man /

u ij man /

## Auslegung des Euangelij

man / vnd der Schalck / der da gros ist in der Welt / Vnd wolt Gott / das es dieser allein gewest were / vnd nicht so viel Kinder vnd Erben hinder im gelassen hette. Denn die ganze Welt / wo sie am besten / oder jrgend etwas guts ist vnd hat / gar in diesem laster ersoffen ligt / Wils vnd kans nicht lassen / wo sie etwas guts an jr weis / sie mus sich des vermessen / vnd andere / die es nicht haben / verachten / Das ist / sich vber Gott vnd den Aebsten erheben / vnd also eben damit / das sie Gottes Gebot vermeinet zu halten / vbertrit sie es. Wie S. Paulus selbs von seinen Jüden sagt / Rom. 9. das sie eben damit / das sie nach dem Gesetz der Gerechtigkeit streben / haben sie die Gerechtigkeit nicht erlanget.

Die das Gesetz vermessen zu halten / die halten es nicht.

Was ist das für ein wunderlich wesen? das / welche sich vleissig halten an das Gesetz / vnd haben so viel Gottes dienst / die sind nicht die es halten / Wie er auch Galat. 6. sagt / Welche sich beschneiden lassen / die halten das Gesetz nicht etc. Das sind je seltsame heiligen / welche eben in dem / das sie nach dem Gesetz thun / halten sie es nicht / sondern vbertreten das selbe. Welche sollen es denn sein die es halten? Also auch dieser Pharisæer / oder seines gleichen / mit seiner schönen zucht vnd ehre / die er hat / welches ist je ein feine / herrliche / schöne gabe / die man mus loben / vnd hoch heben in der Welt / vber alle ding auff Erden / als die höchste Gottes gabe / viel schöner / denn alle schöne vnd schmuck / golt vnd silber / ja Sonn vnd liecht.

Weltliche fromkeit / et ne schöne Gottes gabe.

Diesem (sage ich) wird hie das vrteil gesprochen / das er für Gott erger sey / denn kein reuber / mördere / ehebrecher etc. Wo wollen wir mit dieser lere hin / in dem grossen hauffen der Welt? den wir doch selbs verdammen / vmb ire offentliche Gottes verachtung vnd alle bosheit / wider Gott vnd die Leute / welche auch gen Himmel schreiet / vnd so hoch vberhand nimet / das es schier die erde nicht mehr kan ertragen.

Wolan / ich habe zuvor gesagt / das hie nicht gescholten noch verdampft wird / das der Pharisæer die werck des Gesetzes thut / Sonst müste man Gottes gaben vnd sein eigen Gesetz verdammen /

vnd das widerspiel des selben loben. Aber also sage ich / das hie die Person für Gottes gericht gestellet wird / vnd sich anders findet / denn die Welt vrtheilet / das / ob er wol etliche schöne / löbliche gaben hat / doch ein grosser schandfleck daran klebet / das er solcher gaben misbrauchet / vnd damit gar für Gott verderbt.

Wenn hie wird im schuld gegeben / das er damit wider Gott vnd Menschen / in einer Summa / vnd wider die Gebot beider Tafeln sündigt. Denn im ersten Gebot ist sonderlich vnd zum höchsten verboten die vermessheit / das ein Mensch nicht sol sich auff sich selbs / oder auff seine gaben / verlassen / noch an im selbs gefallen haben / Wie dieser Werckheilige thut / der sich der gaben / so er von Gott empfangen / selbs daher brüstet vnd künzelt / machet einen Abgott daraus / vnd betet sich selbs an / als sey er der treffliche heilige Mann / den Gott müsse allein ansehen / vnd hoch heben.

Des Pharisæers sünde vnd verachtung aller Gottes Gebot.

Das ist schon die höchste sünd vnd laster / damit er stracks wider Gott leuffet / aller ding blind vnd verstockt / als ein vnglenbiger Heide oder Türcke / der nichts von Gott weis / Ist on alle busse / ja für grosser heiligkeit wil von keiner sünde wissen / Keinen zorn Gottes fürchtet / vermisst durch sein eigen werck dawider zu bestehen / Sihet gar nicht / das er vnd alle Menschen / auch die warhafftige heiligen / mit alle irer gerechtigkeit vnd leben für Gott nicht bestehen / sondern seines zorns vnd verdammis schuldig sind. Wie David selbs Psalm 130. zeuget / **HERR** / So du wilt sünde verrechnen / wer kan bestehen? Vnd Psalm 143. Gehe nicht ins gericht mit deinem Knechte / denn für dir ist kein lebendiger gerecht / Darumb er auch keine gnade noch vergebung der sünden suchet / noch sich düncken leßt / das er der bedürffe.

Der Pharisæer gang on Gottes furcht vnd busse.

Wail er nu so schenslich wider das erste vnd höchste Gebot leuffet / mit schendlicher vnd grewlicher abgötterey / vermessheit vnd trogen auff seine eigen heiligkeit / Vnd hie keine Gottes furcht noch vertragen oder liebe ist / sondern nur sein eigen ehre vnd thum suchet / So ist wol zu rechnen / das er auch

falsch Gebet und Gottesdienst.

er auch der andern Gebot keines rechtschaffen vnd von herten helt / Vnd alles falsch vnd lügen ist / was er furbigt mit seinem beten vnd Gottesdienst / ja eben damit zum höchsten Gottes Namen misbrauchet vnd schendet / seine lügen zu schmücken / vnd damit nur Gottes zorn vnd schwere verdammis wider sich reizet / wie denn Gott gesagt / Er wölle den nicht vngestraft lassen / der seinen Namen vergeblich füret.

Gewaltige Gottes leistung des Pharisäers.

Denn was ist anders / denn die hohe Maieret geleistet vnd hohn gesprochen / das er daher betet vnd sagt / Ich dancke dir Gott / das ich so heilig vnd from bin / das ich deiner gnade nit gend zu bedarff / sondern so viel bey mir selbs finde / das ich das Gesetz gehalten / vnd du nichts an mir taddelst / vnd so viel verdienet / das du mir solche wider vergelten vnd belohnen must / zeitlich vnd ewiglich / wiltu anders die ehre behalten / das du ein rechter warhaffter Gott seiest etc.

Satz vnd vnbarmer eigket wider den Nehesten.

**E**s gleichen sihe / wie er auch in die ander Tafel rumpelt vnd Tobet wider seinen Nehesten / Denn da ist auch gar keine Christliche liebe noch treu / dabey man spüren köndte / das er des Nehesten ehre oder seligkeit sichte oder im gönnet / Sondern schlecht zuferet / vnd in gar mit füßen tritt / durch sein schendliche verachtung / vnd nicht eines Menschen werd achtet / Ja / da er solte seinem Nehesten helfen vnd retten / das im kein leid noch vnrecht geschehe / thut er im selbs das höchst vnrecht.

Denn da er siset vnd weis / das sein Nehester sündigt wider Gott / dencket er nicht / wie er in bekeren oder retten möge / aus Gottes zorn vnd verdammis / das er sich bessere / hat keine erbarmung noch mit leiden in seinem herten vber eines armen Sünders elend vnd jammer / Achtet / es geschehe im recht vnd billich / das er in verdammis vnd verderben bleibe / Entzeucht im alle schuldige pflicht der liebe vñ dienstes / so im Gott geboten / das er fur allen dingen seinen Nehesten von seinen sünden vnd verdammis / auch zu Gottes Reich bringen möge / mit leren / vermanen / straffen / bessern etc. Ja / das noch das ergeste ist /

er ist fro vñ guts muts darüber / das sein Nehester in sünden vnd Gottes zorn ist / Dabey man ja spüren kan / was er fur lust vnd liebe an Gottes Geboten hat / vnd wie feind er dem laster sey.

Denn was kan solcher Mensch in Gottes Reich nütze sein / der sich auch noch frewen kan / ja künzelt vnd herglichen wolgefallen hat an der sünde vnd vngesorsam aller Welt / wider Gott / Vnd were im leid / das jemand von herten from were / vnd Gottes Gebot hielte / das er auch vngerne wolte / wo ers vermöchte mit dem geringsten / im dazu helfen / oder des Nehesten vbel vnd verdammis abwenden / Was solt man bey dem gutes suchen oder hoffen / der auch so verböset ist / das er seinem Nehesten die seligkeit nicht gönnet kan ?

Es wissen die Heiden selbs von keinem ergeren grösser bosheit zu sagen / noch einen Menschen zu malen / denn der so heffig vnd neidisch ist / das er nur freude vnd lust davon hat / wenn es seinem Nehesten vbel gehet / Wie etliche so böse sind / das sie auch selbs gerne schaden leiden / das nur ein ander grösser unglück habe. Solch Teufelische hellische bosheit mus in keinem so gros sein / als in solchem falschem Heiligen / der da wil allein die ehre fur Gott vnd der Welt haben / vnd daher rein vnd heilig sein / das die ander alle stincken vnd vnflätig sind.

Wenn man in leiblichen sachen etwas von einem solchen Arzte sagte / der da wolte ein fromer erbarer Man heissen / vnd so er zu einem todfranken Menschen keme / dafür / das er im raten vnd helfen solte von seiner krankheit zu komen / nichts anders thete / denn des armen Menschen lachete vnd spottet / Wer wolt solchen anders halten / denn fur den verzweifelsten Böfewicht / so die Erde tragen möcht / das er den elenden Menschen in seinen höchsten nöten / nicht allein seine hülfle entzöge / sondern auch / an des selben unglück sich künzelt / vnd sein müelin külete.

Wie viel grösser bosheit ist das von solchem heuchelischen Heiligen / der da siset seines Nehesten Seele in fahr vnd not der ewigen verdammis ligen / da er schuldig were / sein Leib vnd leben daran zu setzen / das er im heraus hülfle / Vnd nicht allein das selbige nicht

## Auslegung des Euangelij

thut / wenn er in auch mit einem wort  
oder seufften retten künde / sondern das  
zu auch im solches auffsetzet / vnd seine  
freude daran hat / vnd so viel an im ist /  
gerne wolte noch viel tieffer in verdams  
nis stecken.

Was solt ein solcher thun oder gön  
nen / dem / so sein feind were / oder im leid  
gethan hette / welche er doch auch schül  
diß ist zu lieben vnd zu helffen / so fern  
er im wil göts thun lassen / Wie würde  
er da erans faren / mit zürnen / fluchen /  
schlagen / das er auch den eodschlag für  
keine sünde / sondern für heiligkeit hielt  
te / sonderlich an dem / der da nicht wol  
te in für from vnd heilig halten / Wie  
der heilige Brudermörder Cain an sei  
nem Bruder that / vnd allzeit seine kind  
er noch thun / Wie Christus selbs von  
solchen sagt / Es kömet die zeit / das  
wer euch tödtet / wird meinen / er thue  
Gott einen dienst daran.

Des Zehnd  
lers laßer  
wider die lie  
be des Te  
hesten.

Eben so wenig wirstu bey solchem  
finden / das er der andern Gebot eines  
von hertzen halte / Denn er eben so we  
nig wehren würde / das seines Nehesten  
Weib vnd Kind ungeschendet bliebe /  
oder helffen / das sie bey ehren erhalten  
würden / Ja wenn es geschehe / würde  
er es auch fro sein / vnd in die faust la  
chen / oder wo er raum dazu hette / würd  
er es wol selbs thun / oder je dazu helffen /  
Denn das er solch vnd der gleichen öf  
fentlich böse werck merket / thut er frei  
lich nicht aus liebe der tugent / oder Got  
te zu gehorsam / Vnd so er seines Nehes  
ten seelen not vnd jamer nicht schonet /  
wie solt er denn seiner oder der seinen  
ehre schonen? Viel weniger würde in ja  
mern / oder dencken ab zu wenden des  
Nehesten schaden / an seinem gut / das  
im nicht das seine geraubt / gestolen /  
oder sonst verderbt würde / sondern viel  
mehr sich auch des frewen / vnd sagen /  
es geschehe im recht. Ich wil schweis  
gen / das er im solte mit seinem gut in sei  
nem armut helffen / oder vmb sonst ges  
ben.

Also auch würde er gewislich nicht  
wehren / wenn er hört / das sein Nehes  
ter an seinem guten gericht belogen  
vnd verleumbdet were / noch mit seinen  
ehren des selben vnehre zu decken vnd  
schmücken / sondern viel mehr fro sein /  
vnd selbs helffen / in beliegen vnd zur  
banck hawen auffß ergesse / wie solche

Heiligen sonderlich gerne thun / Wie die  
ser hie für Gott den armen Zölnner vnd  
andere Leut belenget / die ser doch nicht  
mit warheit beschuldigen kan.

Sthe nu / was für ein schendlicher /  
schendlicher Teuffel in solchem schönem  
Heiligen stecket / vnd sich decken kan /  
mit einem kleinen schein etlicher werck /  
die er für den Leuten thut / Vnd was er  
machet mit seinem Gottes dienst / dan  
cken vnd beten / da er die hohe Maifestet  
mit freuel vnd trotz vnter augen lestert  
vnd schmebet / das er mit solchen schend  
lichen lastern thar für Gott sich thü  
men / vnd daher trogen / als müsse er in  
darumb für einen trefflichen Heiligen  
halten / vnd im aus schuld vnd pflicht  
geben den Himel vnd alles was er nur  
bitten darff / Oder wo er wüßte / das ers  
nicht thun wolte / vnd den armen Zöl  
ner für im wolt annemen / so ist er mit  
solchem zorn vnd hass / auch wider  
Gott / entbrand / das er im dürffte öf  
fentlich ins maul greiffen / vnd sagen /  
das er nicht Gott / sondern der Teuffel  
aus der Hellen were / Wolt in auch gere  
ne / wo er künde / von seinem Stuel her  
ab stürzen / vnd sich selbs an die stat set  
zen / Vnd wil noch in solchem von nie  
mand gestraffe sein / sondern wol ge  
than haben / Da er doch verdienet / für  
allen andern Gottes lestern mehr denn  
all zu hoch / das in Gott des augen  
blicks die erden lebendig verschlingen  
liesse.

Da siehestu / was da ist vnd thut  
ein Mensch / der da aus seinem eigen  
freien willen oder vermögen der Natur  
feret. Denn dieser Pharisier ist von  
Christo zum höchsten Exempel gesetzt /  
des / das ein Mensch aus seinen krefften  
nach dem Gesetz thun kan / Vnd gewis  
lich alle Menschen von natur vñ Adam  
her nichts bessers sind / vnd eben solche  
lasten sich an inen erzeigen / wenn sie wol  
len für Gott heilig sein / vnd besser denn  
ander Leute / Das da nichts ist / denn  
Gott vnd alle Menschen freuelich ver  
achten / lust vnd freude haben / wo man  
wider Gott sündigt.

Solche sind zwiefeltig / ja vielfeltig  
erger / denn der Zölnner vnd seines glei  
chen öffentliche Sünder / weil sie nicht  
allein Gottes Gebot nicht halten / son  
dern wollen auch nicht / das es von je  
mand gehalten werde / Nicht allein  
keinem

Des Pharis  
seers schen  
liche Gottes  
lestern.

Schwer  
und wüßte  
was er  
wollte

Der Zöl  
ner ist  
ein  
Pharisier

Bilde aller  
Menschen /  
so da wollen  
selbs für  
Gott heilig  
sein.

Keinem Menschen helfen noch gut thun/ sondern dazu fro werden jres verdambens vnd verdambnis/ Vnd vber dieses alles sich noch dazu schmücken/ vnd wollen trefflich heilig sein/ vnd dürfen für der Mäiestet nie verdampfen gewissen leßern vnd liegen/ sie seien nicht wie ander Leute/ vnd haben Gottes Gebot gehalten/ das dafür der Himmel Erachen möchte.

Des Zöllners hertz vnd gedanken für Gott.

**W** siehe dagegen auch diesen Zöllner an/ welcher komet auch in den Tempel zu beten/ aber mit viel andern gedanken vnd andern gebet/ weder der Phariseer/ Denn er hat erstlich das vorteil/ das er sich selbs erkennen mus einen Sünder/ durch sein eigen gewissen vberzeugt vnd verdampft/ das er hie nichts für Gott oder der Welt kan rühmen noch stolzieren/ sondern sich selbs schemen mus/ vnd also das Gesetz sein hertz getroffen/ das er sein elend vnd not fület/ für Gottes gericht vnd zorn erschrocken vnd geengstet/ von hertzen seuffzet/ des selben los zu werden/ findet aber dazu nirgend Keinen rat/ vnd kan für Gott nichts anders bringen/ denn eitel sünde vnd schande/ Damit ist er also beschweret vnd gedruicket/ das er seine augen nicht thar aufheben/ Denn er verstehet vnd fület/ das er nichts anders denn die Helle vnd ewigen Tod verdient hat/ vnd sich selbs für Gott verdammen mus/ wie er des zum zeichen vnd bekenntnis für Gott/ an seine brust schlegt.

Erkenntnis der sünde vnd rechte reue des Zöllners.

**S**umma/ es ist hie warhafftig nichts denn eitel sünde vnd verdambnis/ vnd wol so gros für Gott/ als des Phariseers/ on das jener seinen vnflut nicht erkennet/ sondern noch wil reinigkeit daraus machen. Dieser aber seine sünde also fület/ das er nicht dafür bleibet kan/ mus bekennen/ das er Gott teglich erzürnet hat mit seiner schendlichen vndanckbarkeit/ verachtung vnd vngeshorsam/ für alle seine wolthat vnd gute/ das er in/ bis auff diese stunde hat leben lassen/ Darumb kan er sich nicht auff sich selbs verlassen/ noch seiner werck trösten/ sondern mus an jm selbs gang vnd gar verzagen/ wo er nicht bey Gott gnad vnd barmherzigkeit findet.

**S**o kan er auch keinen Menschen

verachten/ noch sich vber jemand erheben/ denn er allein sich fület am tieffsten verdampft/ vnd alle andere für seliger vnd frömer helt/ vnd sonderlich diesen Phariseer/ der doch für Gott voller vnflats ist. Summa/ du siehest hie schon den anfang einer rechten busse/ eines solchen Menschen/ der da hergliche reu vnd leid hat vber seine sünde/ vnd hergliche begirde der selben los zu werden/ vnd bey Gott gnade vnd barmherzigkeit suchet/ dazu von hertzen dencket sein leben zu bessern.

**I**he aber hie zu/ wie dieses Zöllners wort vn gebet klinget/ so er spricht/ Gott sey mir Sünder gnedig. Woher hat er gelernet/ also für Gott zu reden/ oder wie thar er solche Wort führen/ ordnen vnd setzen? Denn nach der Vernunft vnd menschlichem vrtail reimet sich nicht zusammen/ vnd kan kein Mensch aus seinem eigen hertzen vnd gedanken solch gebet erzwingen/ wie kurz es auch geredt ist. Des Phariseers wort/ Ich dancke dir Gott/ das ich nicht bin wie ander Menschen/ vngerechte etc. die kan ein from man wol reden/ vnd sol sie auch reden.

Des Zöllners wunderbarlich gebet.

**D**enn es mus niemand so ein lügner sein/ der jm nichts bewusst ist/ das er sich einen reuber/ ehebreyer etc. schuldig gebe/ Sondern mus die warheit sagen/ vnd den rhum des guten gewissens jm nicht nemen lassen/ Vnd mus ja ein from man sein/ der solches mit warheit sagt.

**W**iderumb kan auch wol ein Schelck diese wort reden/ Gott sey mir Sünder gnedig/ wie sie denn wol mehr von Schelcken denn von rechten busfertigen fromen Leuten geredt werden/ ja/ wer wolt sie sonst reden/ denn ein sündiger/ verdampfter Mensch? Noch keret sich hie das vrtail vmb/ vnd wil zu beiden seiten falsch werden/ man kere vnd wende es wie man wolle.

**W**er es ist im grund zu reden/ ein solche rede vnd Exempel/ die da gehört in die Schule vnd Theologia der Christen (so die Welt kezerisch heisset) Denn wie ich gesagt habe/ das wird kein Vernunft zusammen reimen/ noch kein Mensch/ er sey wie hoch/ weise/ geleert er wolle/ vermögen/ das der Zöllner hie zusammen reimet/ vnd ein gebet

Des Zöllners Theologia/ vber Menschen vermunfft.



## Auslegung des Euangelij

gang aus widerwertigen worten zusamen fasset vnd schlenst / Gott sey mir Sündler gnedig. Ja / es ist freilich die heubekunst / die gang vnd gar auffer / vnd hoch vnd weit vber Menschen verstand ist.

Das erste Gottes Wort zeigt allheit zorn vnd straffe vber die sünde.

**D**enn es hat noch nie also geklungen / da sich Gott am ersten hat lassen hören / vnd mit dem Menschen geredt. Im Paradis lautet es also (sage die Schrift) das Gott sprach zu dem Menschen / Zu welcher stunde du wirst essen von dem verboten baum (das ist / welche stunde du wider mein Gebot sündigst) wirstu des tods sterben müssen. Am berge Sina / da Gott das Gesetz gabe / klang es auch also / Ich der HERR dein Gott / bin ein starcker Eurerer / das ist / ein zorniger Gott / der da heimsuchet die missethat der Väter an den Kindern / bis in das dritte vnd vierde geschlecht etc. Das man kurz umb sol wissen / das die Sünde verdampft / vnd Gottes zorn vnd straffe drüber gesprochen ist.

Zöllners gebet reimet Sünde vnd Gnade zusamen.

**I**n diesem klingen vnd reimet sich doch gar nichts / das ein solcher / sündiger / verdampfter Mensch sol für Gott dürfen komen vnd beten / Sey mir Sündler gnedig / Denn die zwey / Sünde vnd Gnade / sind ja widerinander / wie wasser vnd feur / Gnade gehört ja nicht da Sünde ist / sondern zorn vnd straffe. Wie komet denn dieser Man zu der kunst / das er die zwey zusamen tragen vnd vereinigen kan / vnd für seine sünde darff gnade begeren vnd ruffen? Wie gehört mehr zu / denn das Gesetz vnd zehen Gebot wissen / die der Phariseer auch wuste / vnd ist ein ander kunst / dauon jener gar nichts wuste / vnd alle Menschen von jnen selbs nicht wissen.

Euangelium zeigt allein gnade vber die sünde.

**D**as ist die Predigt des lieben Euangelij von Gottes gnade vnd barmhertzigkeit in Christo / welche den verdampften Sündern verkündigt vnd an geboten wird / on alle jr verdienst. Diese mus dieser Zöllner auch gehört haben / vnd der heilige Geist / sein hertz damit gerüret vnd geerrieben (da er seine sünde durch das Gesetz gefület) das er für Gott tritt / vnd solch gebet thut / Das er gewislich glaubet vnd dafür helt / wie er aus Gottes wort gehört / das Gott den armen Sündern wolle die sünde vergeben vnd gnedig sein / das ist / seinen zorn vnd ewigen tod von jnen wenden /

Des Zöllners Glaube.

umb des verheissenen Messia seines Sons willen. Solcher Glaube hat diese zwey widerwertige stück in das gebet also zusamen geknüpft vnd gebunden.

**W** / diese Predigt des Euangelij wird wol von vielen gehört / vnd scheinet ein leichte kunst solches zu sagen / Ist aber nicht so gemeine / wie man meinet / das es jederman könne / vnd verstes hets niemand besser / wie schwer es sey / denn die wenige / die daran lernen / vnd damit umbgehen / das sie es möchten auch dem Zöllner nach glauben / vnd beten. Das machet / das der frome Schalck vnd heuchler / der Phariseer / noch in vns steckt / der hindert vnd wehret / das wirs nicht also können zusamen bringen.

**J** / es mus auch nicht sein / nach dem eufferlichem / weltlichem wesen vnd seiner fromkeit / Da mus man nicht anders sagen noch leren / Denn dem Sündler gehört nicht gnade / sondern zorn vnd straffe etc. Sonst künde niemand auff Erden leben / vnd würde Gott seine Maieestet nicht können verteidigen / wo er nicht drüber hielte / das die sünde gestraffet würden / vnd gute werck belohnete / Denn es würde bald jederman sagen / Lass vns nur getrost sündigen / so haben wir deste mehr gnade. Noch komet sichs allhie also gar vmb / in seinem geistlichem Reich / das / wer ein Schalck ist / der kriegt gnade / vnd wird from gesprochen / vnd wer da from heisst / der ist ein Schalck / vnd wird verdampft.

Für der Welt gebet auf die sünde nicht gnade / sondern straffe

**A**ber es ist hierumb also gethan / Das Gottes Richterthum vnd der Welt gerichte sind zweierley / vnd so weit von einander gesondert / als himel vnd Erden. Für der Welt mus es also sein / Bistu from / so soltu es genieffen / Bistu ein Dieb / so hengeret man dich an den galgen / mordestü / so schlegt man dir den kopff abe / vber diesem Regiment mus Gott selbs halten / sonst bliebe kein friede auff Erden. Aber in seinem eigen Regiment / da er selbs allein HERR vnd Richter ist / on alle mittel / da gehets also zu / das er allein gnedig ist den armen Sündern / Denn da findet sich auch nichts denn eitel Sünde / vnd ist für in niemand vnschuldig / wie die Schrift sagt.

Für Gott sind alle Menschen Sündler / vnd leben nur der Gnade

**D**och ist dis auch war / das die Sündler

Unterschied  
zwischen  
dreierley  
Sünder.

1.  
Offenliche  
vrecke / vn-  
busfertige  
Sünder.

der nicht alle gleich sind / Das man hie  
abermal mus unterscheiden vnd aus-  
malen / welche für seinen Richter vnd  
zur gnade gehören. Denn es sind etliche  
grobe vnd freche Sünder / Reuber/  
Mörder / Diebe / Schelcke / Zurer / die  
es so grob machen / vnd in sünden ersof-  
fen / jmer fortfaren / das sie nimer dar-  
nach dencken noch fragen / wie sie mö-  
gen einen gnedigen Gott haben / gehen  
hin on sorge / als habs kein not vmb sie.  
Diesen predige S. Paulus also / 1. Co-  
rinth. 6. Lasset euch nicht betriegen/  
Zurer / Ehebrecher / Abgöttische / Die-  
be / Geitzigen / Reuber etc. werden Gots  
tes Reich nicht besigen. Vnd Christus  
Luc. 13. Ich sage euch / Wo jr nicht bus-  
se thut / so müßet jr alle verloren sein.  
Denn solche sind nicht diesem Zöllner  
gleich / weil sie gar on busse vnd ruck-  
los dahin gehen / Gehören noch nicht  
vnter Gottes / sonder in das erste Welt  
regiment.

2.  
Zechler  
vnd falsche  
Büsser.

Darnach sind auch andere Schelcke /  
welche wollen diesem Zöllner nach emē/  
die auch das Vater vnser beten / haben  
diese Wort gehört / das Gott wolle  
gnedig sein den armen Sündern / lernen  
die selben also nach reden / Können auch  
die brust schlagen / vnd mit Worten vnd  
geberden sich so demütig vnd busfertig  
stellen / das man solt drauff schweren /  
ja sie selbs auch drauff schwören / sie we-  
ren eben wie dieser Zöllner / vnd ist doch  
falsch vnd triegerer / Denn sie sind ni-  
chtes besser / denn jener Phariseer / vnd ist  
jnen auch Gott also gnedig / gleich wie  
dem selben / also / das sie seinen zorn nicht  
fülen / vnd er nicht mit Knütteln vnter  
sie schlegt vnd straffet / sondern leßt sie  
buben bleiben.

Falsche  
Christen / so  
nicht wollen  
durch Gots  
tes Wort  
gestrafft  
sein.

Als heissen falsche Christen / oder  
Kotten vnd falsche Brüder / deren auch  
ein grosser hauffe in vnser Gemein-  
schafft sind / Können auch die wort res-  
den / vnd viel vom Euangelio vnd Gots  
tes gnade preisen / bekennen sich für ar-  
me Sünder / aber wenn es dazu komet /  
das man sie antastet vñ straffet / so wol-  
len sie es nicht hören noch leiden / fahen  
an zu zürnen / sagen / man rede jnen an jre  
ehre / beschwere jr gewissen / Oder wo  
sie nicht mehr können / doch allerley  
böse thut vben wider das Euange-  
lium.

Diese mögen sich mit Worten vnd

schein für diesen Zöllner fürgeben / aber  
im grund sind sie dieser Bösewicht / der  
Zechler / Denn sie allein darumb also  
reden / vnd sich stellen / das man sie für  
from halten müsse / vnd thar sie nies-  
mand anders heissen / bis so lang sie  
Gott ein wenig angreiffet / es sey durch  
Teufel / Welt / oder durch sein Wort /  
Da sind sie so zart / das sie nichts vber-  
all leiden können / schreien vber gewalt  
vnd vnrecht etc. Vnd summa / Da sie  
zuor arme Sünder waren / da sind sie  
jzt lauter Heiligen / vnd so stolz / das  
niemand mit jrer heiligkeit austömen  
kan.

Solcher wird jzt allenthalben die  
Welt voll / sonderlich der grossen / ges-  
waltigen Jünckerlin / vnd Blüglinge /  
ja auch beide / Bürger vnd Baur / die  
solchs gelernet / aus vnserm Euange-  
lio / das sie sich wollen des annemen  
vnd trösten / das Gott den Sündern  
gnedig sey / vnd doch von niemand wol-  
len gestrafft noch Sünder gescholten  
sein / da sie es doch also machen / das  
Gottes Wort nicht kan dazu schweis-  
gen / Wollen Gottes Wort / so die sün-  
de straffet / auff andere deuten / vnd da-  
neben sagen / gleich wie dieser Phari-  
seer / Ich bin nicht also / wie die andern /  
Vnd wer es von mir saget / der thut mir  
vngütlich. Vnd wo man jnen beginnet  
zu sagen / was sie vnrecht thun / so geben  
sie für / man rede wider die Oberkeit /  
vnd gebe vrsach zu zurruttung etc. Vnd  
summa / man sol nur predigen / was sie  
gerne hören / wo nicht / so sol es nicht  
mehr das Euangelium gepredigt heis-  
sen. Vnd sind solche Leute / wie alle  
falsche heuchliche Heiligen / die da  
wol selbs können sagen / sie seien arme  
Sünder / wollen aber nicht / das mans  
für die warheit halte / Denn wenn es  
andere auch sagen / so können sie es nicht  
leiden.

Wolan / diese beiderley Kotten könn-  
en allein vnd all zu wol die beide stück  
zusammen reimen / Ich bin ein Sünder /  
vnd / Gott ist mir gnedig. Aber hier  
über sind die dritten / die es sollen vnd  
gerne wolten rechtschaffen sagen / des  
nen wird es am aller schweresten / diese  
beide wort zu gleich von hertzen zu brin-  
gen / vnd solche beicht vnd absolution  
zusammen fassen.

Den dawider haben sie bey sich selbs  
zwey

Zechler / so  
sich für den  
Zöllner dar-  
geben / doch  
nicht wollen  
Sünder ge-  
scholten  
sein.

Die dritte /  
die sich dem  
Zöllner  
gleich / war-  
haftig für  
Sünder er-  
kennen .

## Auslegung des Euangelij

Zwey hinders  
denis / des  
Zöllners  
bericht vnd  
getet von  
hergen zu  
bringen.

zwey starke hinderis / Auff einer seiten ist noch zu viel in vns / wie ich gesagt habe / des alten Schalcks / des Pharisers / das wir für Gott gerne wolten from vnd gerecht / vnd besser sein denn andere / Das thut dem hertzen sanfft / vnd were die süßeste freude / so es kan zu wegen bringen / Da wolten wir alle gerne hin / das Gott müße ansehen / was wir gethan / vnd im lassen gefallen / Wolten zu worten auch im dazu danken / vnd bekennen / das solchs sein göttliche gabe sey. Aber es ist hie ein pflöcklin furgesteckt / vnd der weg verlegt / gleich wie der Engel mit dem fewrigen schwert für das Paradis gestellet / das hiezu niemand sol komē / noch den rthum für Gott bringen.

Widerumb / auff der ander seiten / wo der Zöllner mit eitel sünden vnd schanden für Gott komen mus / alle seines rthumes entblößet / nichts denn voller vnflats / Da ist aber angst vnd mühe / das er dis wort / Sey mir gnedig / ergreiffe / vnd auff sich zibe / Denn da wehret vnd hindert abermal / vnd noch viel stercker / beide / sein eigen blödigkeit / vnd aller Menschen weisheit / ja / der Teufel selbs / durch Gottes Gesetz / Welches er hie füret vnd treibt / da er nicht sol / den Menschen in not vnd zu verzweuelung zu bringen.

Darumb ist es wol eine kunst vber aller Menschen kunst / ja das wunderlichste ding auff erden / das ein Mensch die gnade habe / das er sich warhafftig für einen Sünder erkenne / Vnd doch wider also herumb schlahe / Gottes zorn aus den augen setze / vnd eitel gnade fassen könne. Denn solch hertz / das recht die sünde füllet / das kan nicht anders dencken noch schliessen / denn / Gott sey im vngnedig vnd zornig / Wie Judas / da er sahe / das er Christum zum tod veruraten hatte / fieng er so bald an / vber sich selbs zu schreien / vnd thut seine vernunft vnd hertz / wie es pflegt / setze im für eitel ewigen Gottes zorn vnd verdammis / Das vermag kein menschlich hertz zu umbgehen / Denn da stehet Gottes Gebot vnd Gesetz / das dich zum tod vrteilet / vnd der Teuffel dich zur Helle treibet vnd sechet.

Wie ist es denn möglich / solch wort des Zöllners zusammen zu fassen / wider das Gesetz / wider sein eigen vernunft

vnd sülen / welche nichts anders dem hertzen fürbilden / denn zorn vnd vngnade / Tu kan es doch auch in kein hertz komen / das es die sünde bekenne / es habe denn die zehen Gebot / welche zeigen allein / was sünde sey / vnd warum es sünde sey. Darumb müssen hie zu gleich widerinander gehen die zwey widerwertige stück / Die zehen Gebot hören / die da verdammnen zum tod vnd der Hellen / Vnd die selben wider verlieren / vnd sich eraus wircken / vnd also aus der Hellen hinauff gen Himmel fallen.

Darumb lerne nu auch / wer da lernen kan / an dieser hohen weisheit / vnd sey dieses Zöllners Schüler / Das er auch könne die beide stück recht vnterscheiden / das nicht der zorn auff der sünde bleibe noch hafte / sondern versonnung vnd vergebung ergreiffe / Das ist / das er nicht nach Menschen verstand / weder nach dem Gesetz hie von richte / sondern des Euangelij trost vnd lere von Christo fasse / durch den Glauben / Welcher allein leret diese wunderbarliche vereinigung / das man könne die zweierley wort zusammen stimmen / die doch weiter von ander sind / denn Himmel vnd Helle. Denn was ist anders gesagt / Ich bin ein Sünder / denn / Gott ist mir feind / vnd verdampt mich / Vnd ich hab auch nichts anders / denn ewigen zorn / fluch vnd verdammis verdient.

Wo es nu dir dazu kommet / das du solches fülest / Denn es thut hie nicht / das man es mit brustschlagen vnd mit eigenen wercken / hieraus zwingen wolle / Sondern es kommet wol selbs / so dich das Gesetz recht trifft / das wird dich wol leren / brustschlagen vnd demütigen / Wo du nu hie (sage ich) nicht mehr kanst / denn also sagen / O ich bin ein Sünder / so bistu verloren / Denn die zehen Gebot treiben vnd stossen dich schlecht zur Helle / das dein hertz mus sagen / Du seiest des Teuffels / vnd Gott wolle dein nicht / vnd anfehest / für im zu fliehen / vnd lieffest wol / wenn du kündtest / durch hundert Welt / das du nur entfliehen möchtest.

Je istis zeit / das du in solcher flucht vnd schrecken den lauff brechest / dich wendest vnd sagest / Das leret mich mein liebes Euangelium / vnd der fromme Zöllner

Groffe  
Kunst / sich  
recht einen  
Sünder fühlen / vnd  
doch gnade  
ergreifen.

Glaube kan  
allein sünden  
vnd Gottes  
gnade zusammen  
bringen.

me Zöllner / das dis für Gott die höchste weisheit ist / wissen vnd glauben / das er also gesinnet ist / vnd ein solch Reich durch Christum gestiftet / das er wil gnedig sein vnd helfen / den armen verdampten Sündern. Vnd also die zwey aneinander Knüpfest in ein Wort vnd bekentnis / Ich bin ja ein Sünder / Aber doch ist mir Gott gnedig / Ich bin Gottes feind / aber er ist nu mein freund / Billich würde ich verdampt / aber doch weis ich / das er mich nicht wil verdampten / sondern selig vnd einen Erben im Himmel haben. Ja / das wil er / vnd hat mir es lassen predigen / vnd befohlen zu glauben / vmb seines lieben Sons willen / den er für mich gegeben.

Exempel  
der hohen  
Theologia  
an den Zöll-  
ner.

So / also hastu an diesem Zöllner ein schön Exempel / der rechten Christlichen busse vnd Glaubens / vnd ein trefflich Meisterstück der hohen geistlichen weisheit oder Theologia / dauon der Pharisäer / vnd was seines gleichen ist / nie keinen schmack noch ruch empfangen haben. Zu dem / sihestu die rechten Früchte / die da dem Glauben folgen / das er nu ein ander Mensch / ander sinne / gedanken / rede vnd werck füret / denn zuvor / Gibt Gott allein ehre vnd preis / seiner göttlichen gnade / Küffet vnd beset in an von herten / vnd in rechten vertrauen auff sein Wort vnd zusage / Sonst hette er diese wort weder denken noch beten können / Vnd also im rechten angenehmen Gottesdienst leisset / vnd den rechten Sabbath helt.

So hat er nu auch ein solch hertz / das der sünden vnd ungehorsam feind ist / frewet sich nicht der selben / sondern ist im leid / das er wider Gottes Gebot gelebt / vnd nu mit ernst vnd ganzem herten trachtet dauon ab zu lassen / niemand mehr zu beleidigen / betriegen / beligen / noch vnrecht oder gewalt thun / Wolt gerne / das auch jederman also lebte.

Bilde der  
rechten vnd  
falschen  
Kirchen.

Es ist das gemelde dieses Evangelij / der zweierley Leute / vnter denen / die da Gottes Volk heissen / welcher eines ist die groste Botte der falschen Kirchen / die doch den schein vnd namen führen / als seien sie allein die frömsten vnd heiligsten Gottes Diener / Das ander das klein

ne heufflin / dere / die da rechtschaffen Glieder der Kirchen / vnd warhafftige Gottes Kinder sind / ob sie wol nicht den rhum vnd grosses ansehen für der Welt haben. Was nu zwischen denen für vnterscheid sey / dadurch jeder teil zu kennen / an seinen eigenschafften vnd Früchten / damit man den schein vnd namen von rechtschaffenem wesen sondern möge / das hastu gnug gehöret.

Darumb sihe nu fort / das du auch diesem Zöllner recht folgest / vnd im gleich werdest / Nemlich / Zum ersten / das du nicht ein falscher / sondern ein rechter Sünder seiest / das ist / nicht mit Worten allein / sondern im grund vnd von ganzem herten dich für Gottes zornes vnd ewiger verdammis schuldig erkennest / Vnd also mit warheit dis Wort (Mir armen Sünder) für in bringest / Aber in dem selben flugs auch das ander wort (Sei mir gnedig) ergreiffest / damit du dem Gesetz seine spitze vnd scherffe können stumpff machen / das ist / das vrteil der verdammis / so die zehen Gebot auff dich treiben wollen / von dir wenden vnd keren.

So kanstu denn aus dieser vnterscheid zwischen zweierley Sündern / zu beiden seiten solch richtig vrteil fassen / Gott ist wol vngnedig vnd feind den Sündern / ja denen / die da nicht wollen Sünder sein / das ist / die sich nicht für Gottes zorn fürchten / sondern noch sicher hingehen / vnd wollen vngestraft sein. Widerumb wil Gott gnedig sein den armen Sündern / die da ihre sünde fülen / vnd sich selbs für Gottes Gericht verdampt klagen vnd bekennen.

Also / das sichs allhie gar vmbkeret / auch nach Gottes Wort vnd vrteil / nach dem die Personen sind / Das die zehnten Gebot diese Glosa gewinnen / vnd mit irem vrteil gehen / vber die / so da wollen heilig / oder je nicht Sünder gescholten sein / vnd nicht dencken / das sie solch vrteil treffe / Das Euangelium aber vnd vrteil der Gnaden vnd trostes / gehe vber die / so in schrecken vnd furcht des zorns ligen.

Vm andern / musiu auch dem Zöllner in diesem gleich sein / das du hinfür von sünden lassst / Denn es wird nicht von im gesagt / das er also blieben sey /

Wie man  
des Zöllners  
Exempel  
folgen sol.

Unterschied  
welchen  
Sündern  
Gott gne-  
dig ist / oder  
nicht.

Vrteil des  
zorns gehet  
allein vber  
die / so da  
nicht wollen  
Sünder  
sein.

Der Zöllner  
leret dich  
von sünden  
ablassen.

## Auslegung des Euangeli

sey/wie er zuvor war/sondern hingegan-  
gen / vnd die Gnade heimgebracht/das  
in Gott gerecht gesprochen / Wie der  
Tert sagt / Dieser gieng gerecht hinab  
in sein Haus etc. Diese wort bringen  
nicht mit/das er in sünden blieben / wie  
er denn auch nicht darumb in den Tempel  
gegangen vnd gebetet / Denn wer  
also bleiben wil / der kan nicht vmb  
gnad vnd vergebung bitten / Sondern  
wer da also betet / der wünschet vnd  
begetet gerecht / vnd der sünden gar los  
zu werden.

Das mustu auch wissen / damit du  
dich nicht selbs betriegest / Denn es sind  
viel/die allein das ansehen/das der Zöln-  
er / als ein Sünder / gnade vnd verge-  
bung empfehet / dencken aber nicht/das  
Gott haben wil / das sie der sünden ver-  
gessen / vnd hinfurt die gegebene gnade  
in jnen müsse krefftig sein / Wollens als  
so verstehen / als wolle Gott die Sün-  
der also gerecht vnd selig machen/das  
sie doch in sünden vnd vngerechtigkeit  
bleiben.

Darumb ist hie zu beiden seiten not  
den Christen / wider den Teufel vnd jr

eigen Fleisch zu Kempffen / Denn so sie  
anfahen busse zu thun / vnd nu gerne  
wollen ander Leute werden / Da fñlen  
sie erst den Teufel / wie sich der reger/  
hindert vnd wehret/das sie nicht sollen  
fortsaren / sondern in der alten haut  
bleiben etc. Widerumb / wenn sie das  
nicht hindern kan / vnd dem Teufel zu  
wider / zu Gott sich keren/vnd in anruf-  
fen / so sichtet er sie an mit Kleinmut  
vnd blödigkeit. Dort machet er die sün-  
den all zu gering / setzet sie all zu weit  
aus des Menschen augen vnd hertzen/  
das man sie verachtet / vnd der gnade  
nicht begetet/oder je die busse verzeucht.  
Zie machet er sie dagegen allzu gros/  
das er auch aus einem funcken ein sewer  
kan auffblasen / grösser denn Himmel vnd  
Erden / Das man abermal schwerlich  
die vergebung ergreifen / noch die  
Wort / Gott sey mir gnedig / vber das  
hertz bringen kan / Das es wol ist vnd  
bleibt ein hohe kunst / vnd wir diesen  
Zölnern mit seinem Exempel wol mügen  
für vnsern Meister vnd Doctor halten/  
vnd von jm lernen/vnd Gott anrufen/  
das wir auch mögen das ziel erreichen.

Ansehung  
des Teufels  
bede / zu  
sicherer  
vnd Klein-  
mut.

## Psm XII. Sonntag nach Tri-

nitatis / Epistel / 2. Corinth. 3.



In solch ver-  
trauen/aber  
haben wir  
durch Chri-  
stum zu Gott  
Nicht das  
wir tüchtig  
sind von vns  
selber / etwas zu dencken / als von  
vns selber / Sondern das wir et-  
was tugen / ist von Gott. Welcher  
auch vns tüchtig gemacht hat / das  
Ampt zu führen des neuen Testa-  
ments / nicht des Buchstabens / son-  
dern des Geistes. Denn der Buch-  
stab tödtet / aber der Geist machet  
lebendig.

Ed aber das Ampt / das

durch die Buchstaben tödtet / vnd  
in die Steine ist gebildet / Klarheit  
hatte / Also / das die Kinder Israel  
nicht kundten ansehen das ange-  
sicht Mose / omb der Klarheit willen  
seines Angesichtes / die doch auff-  
höret / Wie solte nicht viel mehr  
das Ampt / das den Geist gibt / Klar-  
heit haben ? Denn so das Ampt /  
das die verdammis prediget / Klar-  
heit hat / Viel mehr hat das  
Ampt / das die Gerechtigkeit pre-  
dig / vberschwengliche Klarheit.  
Denn auch jenes teil / das verfle-  
ret war / ist nicht für Klarheit zu  
achten / gegen dieser vberschweng-  
lichen Klarheit. Denn so das klar-  
heit hatte / das da auffhöret / Viel  
mehr

mehr wird das Klarheit haben/ das da bleibet.

**D**iese Epistel lautet ganz frembd vnd seltsam / denen / so nicht der Schrifft vnd S. Pauli reden gewohnt sind / das ein vnerfahren ohre vnd hertz / sich nichts darein richten kan / Wie sie auch bisher im Papsttum gar vnerstanden / gelegen ist / ob gleich die wort auch gelesen sind.

Summa die  
ser Epistel.

Das wir aber dazu komen / müssen wir erstlich die Summa fassen / davon S. Paulus reden wil / Das ist diese / das er wil das Ampt vnd die Predigt des Euangelij / so er füret / loben vnd preisen / wider der falschen Apostel vnd Prediger nichtiges rhümen ires Geistes / oder sonderlicher Kunst vnd Gaben etc. Wie im denn sonderlich das widerfur in dieser Kirchen zu Corintho / die er durch seinen mund bekeret / vnd zum Glauben Christi bracht hatte / das der Teuffel bald nach seinem abschied seine Kotterey vnter sie füret / dadurch sie von solchem rechtem verstand vnd sinn abgewendet / vnd auff ander ding verleitet worden.

Wie diesen hat er sich müssen schlagen / vnd seine beide Episteln dahin gerichtet / die Corinthen auff dem rechten wege zu behalten / das sie bey der reinen Lere blieben / die sie von im empfangen hatten / vnd sich fur solchen falschen Geistern hüteten. Vnd ist fast die heubt ursache gewesen / die in bewegt / diese ander Epistel zu schreiben / das er mus sein Apostel ampt vnd Predigt rhümen / vnd inen einbilden / Damit der andern rhümen / so sie mit grossen Worten vnd schein furgaben / nider zu schlagen.

Das sehet er kurtz vor diesem Tert an / vnd komet also darauff / das er von dem Predigampt des Euangelij herrlich daher redet / vnd gegen einander setzt vnd helt die beiderley Ampt oder Predigt / so man in der Kirchen predigen kan (wo man anders Gottes wort predigen wil / vnd nicht falschen Menschen thand vnd des Teuffels lere) Eine / des alten / die andere / des newen Testaments / Oder Mose vnd des Gesetzes Ampt / vnd das Predigampt des Euang-

S. Paulus  
preiset das  
predigampt  
des Euange-  
lij.

gelij von Christo / zeigt / was dieses herrlichkeit vnd krafft sey / gegen jenem / das doch auch Gottes wort ist / Das er damit zu ruck stosse der verführichen Geister predigt vnd furgaben / welche / (wie er newlich zumor gesagt) Gottes Wort felschen / viel von Gottes Gesetz rhümen / wenn sie es auff's beste machen / doch nicht deselben rechten brauch leren / sondern damit nur auff eigen werck von dem glauben Christi / abfüren.

**E**r spinnet aber diese wort aus dem vorigen / so er im dritten Capitel angefangen / darumb mus man dieselben erzu holen / da er also spricht.

Heben wir denn abermal an / vns selbs zu preisen / oder bedürffen wir / wie etliche / der Lobe briue an euch / oder Lobe briue von euch / Ir seid vnser Brieff / in vnser hertz geschrieben / der erkand vnd gelesen wird von allen Menschen / Die ir offenbar worden seid / das ir ein Brieff Christi seid / durchs Predigampt zubereitet / vnd durch vns geschrieben / nicht mit tinten / sondern mit dem Geiße des lebendigen Gottes / nicht in steinern Tafeln des hertzens.

**I**r begeren nicht / Ich vnd meine Mitaposteln vnd gehülffen (spricht er) Briue vnd Siegel / damit wir von andern an euch / oder durch euch an andere / verschrieben würden / Dadurch wir möchten bey euch oder andern Kirchen angesehen werden / vnd die Leute verführen / wie die falschen Aposteln thun / Vnd noch wol geschiet von vielen / die auch briue vnd zeugnis von rechtschaffenen Predigern vnd Kirchen ausbringen / vnd darnach ire Kotterey darauff anfahen / das man inen glauben solle. Solcher briue bedürffen wir / Gott lob / nicht / dürffet auch nicht euch besorgen / das wir euch mit solchen betriegen möchten. Denn ir seid selbs der Brieff / den wir selbs gemacht / vnd vns des rhümen mögen /

Lobebriue /  
dadurch die  
falsche Apo-  
stel die Kir-  
chen betro-  
gen.

## Auslegung der Epistel

vnd für jederman fürlegen / Denn es öffentlich vnd kund ist / das jr seid von vns geleret / vnd durch vnser Predigamt zu Christo bracht.

Die Kirche der Corinthen ein Brieff Christi durch Paulum geschrieben.

Umb solches öffentlichen wercks vnd zeugnis willen / das sie selbs wissen / wie er sie durch sein Predigamt zu eigner Kirchen zugerichtet hat / heisset er sie einen Brieff / durch in selbs geschrieben / aber nicht mit tinten oder rubriken / auch nicht auff papier oder holz / noch in harten stein gegraben (wie Moses seine zehen Gebot auff steinern Tafeln geschrieben / dem Volck fürlegte) sondern in ire fleischerne weiche hertzen / mit dem Heiligen Geist. Das ist die tinte oder die Schrift / ja auch der Schreiber selbs / Der griffel aber oder feder vnd die hand des Schreibers / ist das Predigamt S. Pauli.

Ins hertz schreiben.

Es ist aber solche rede / von dem Brieff vnd schreiben / aus der Schrift weise genommen / Denn also befiehlt auch Moses im 6. vnd 11. Capitel des 5. Buchs / das sie sollen die zehen gebot schreiben allenthalben / wo sie gehen vnd stehen / an die Pforten vnd Thüren in iren Husern / vnd allezeit für augen vnd im hertzen haben / Item Proverb. 7 sagt Salomo / Behalt mein Gebot vnd mein Gesetz / wie deinen angapffel / Binde sie an deine finger / vnd schreibe sie auff die tafel deines hertzes. Denn er redet wie ein Vater mit seinem Kinde / wenn er jm etwas auff's vleissigst befiehlt zu behalten / vnd spricht / Liebes Kind / Das merck vnd vergis nicht. Item / Das behalte in deinem hertzen.

Des Menschen hertz ein brieff oder buch.

Also spricht auch Gott im Propheten Jeremia am 31. Ich wil mein Gesetz in iren sinn geben / vnd in jr hertz wil ich sie schreiben. Sie heisset des Menschen hertz / ein brieff oder eine Tafel / oder ein buch / darauff man schreibt / das Wort / so gepredigt wird / vnd das hertz fassen vnd fest behalten sol. Also haben wir auch (spricht S. Paulus) durch vnser Predigamt geschrieben ein Büchlin oder Brieff in ewre hertzen / das jr glenbet an Gott den Vater / Son vnd Heiligen Geist / vnd wisset / das jr durch Christum erlöset vnd selig werdet etc. Das ist die Schrift / die in ewrem hertzen steckt / welche sind buchstaben / nicht mit tinten noch kreiden gemalet / sondern lebendige gedan-

cken / flammen vnd bewegunge des hertzens.

Es ist aber auch in diesen worten zu mercken / das er von seinem Predigamt sagt / das sie dadurch zubereitet / vnd ire hertzen beschrieben sind / das sie seien ein lebendiger brieff Christi / wider der Schwermergeister traum vñ blindheit / die da on das mündlich Wort / den Heiligen Geist suchen / vnd inen erwecken / wenn sie etwo in einen winckel kriechen / vnd mit iren gedanken wollen den Geist ergreifen / Weisen die Leute von dem gepredigten Wort oder ewerlichem Predigamt / davon doch S. Paulus sagt / das der Geist durch seine Predigt gewircket / in iren hertzen / also / das Christus lebet vnd krefftig ist etc. Aus diesen worten bricht er nu aus / vnd fehet an zu preisen das Predigamt / helet gegenander Mosi brieff oder Predigt / vnd seine oder der Apostel / vnd spricht nu weiter.

Kraft des ewerlichen Predigamts.

Ein solch vertrauen haben wir durch Christum zu Gott / Nicht / das wir tüchtig sind von vns selber etwas zu dencken / als von vns selber / Sondern das wir etwas tügen / ist von Gott.

**L**X sticht vnd harwet hienit umb sich / auff die falschen Aposteln vnd Prediger / Denn er ist mörderlich feind solchen tropffen / die da gros ding sagen vnd furgeben / das sie doch selbs nicht haben / noch thun oder vermögen / Rhümen viel Geistes / vnd wollen aller Welt raten vnd helfen / brüsten sich darauff / das sie können etwas neues erdencken / vnd sol nur vber köstlich himlisch ding sein / was sie aus irem kopff ertröwen / Wie vnser Papsst vnd Mönche trewme bis her auch gewesen sind.

Der falschen Apostel vermessenheit vnd thömen.

Das thun wir nicht (spricht er) wir trawen vnd bawen nicht auff vns selbs oder vnser weisheit vnd tüchtigkeit / predigen auch nicht / das wir selbs erdacht haben / Sondern darauff pocht vnd trawen wir durch Christum / für Gott / das wir euch zu einem götlichen Brieff zugerichtet haben / vnd in ewer hertz geschrieben / nicht vnser gedanke / sondern Gottes Wort. Damit rhümen wir nicht vnser eigen thun vnd vermögen /

gen / sondern des / der uns zu solichem Ampt gefordert vnd tüchtig gemacht / von dem ist es alles / was jr gehört vnd geglaubt habt.

Vertrauen  
vnd rhum  
der Prediger  
in Christo.

Denn diesen rhum sol ein jeder Prediger haben / das er gewis sey / vnd sein hertz auch in dem vertrauen stehe / vnd könne sagen / Diese zumerichte vnd demut hab ich zu Gott / in Christo / das meine Lere vnd Predigt ist warhafftig Gottes Wort / Also auch wenn er andere Ampt in der Kirchen füret / ein Kind teuffet / einen Sünder absoluiert vnd tröstet / das mus auch in diesem gewissem vertrauen geschehen / das es Christi befehl sey.

Wer solches nicht rhümen kan / vnd wil doch in der Kirchen leren vnd regieren / dem were besser / wie Christus sagt / das er mit einem Mälstein am halse / ins tieffe Meer gesenckt würde / Denn er predigt vnd schafft nichts anders / denn des Teuffels lügen vnd Tod / Wie bisher vnser Bepfilinge / wenn sie lang vnd viel geleret / ertichtet vnd selbs gethan hatten / dadurch sie meineren selig zu werden / so stund doch allzeit jr hertz vnd gedanken in solchem zweiuell / Wer weis / ob es Gott gefellet / oder nicht. Also ist aller Kezer vnd Kottengeister lere vnd werck gewislich nicht solch vertrauen auff Christum / sondern nur jre Lere fordern mit eigenem rhum / vnd mit gesuchtem loben vnd preisen der Leute.

Nicht sind wir tüchtig (spricht er) von vns selbs etwas zu dencken / als von vns selbs. Das redet er alles / wie gesagt / wider die falschen Geister / Die halten sich selbs so trefflich tüchtig / vnd sonderlich dazu geschaffen vnd erwelet / das sie sollen den Leuten helfen / meien / was sie sagen vnd thun / das sol eitel wunder auerichten. Aber wir wissen / das wir ja deselben thons vnd leims sind / daraus sie gemacht sind / ja wir haben wol größern beruff von Gott / Den noch können wir nichts rhümen / das wir etwas vermögen aus vns selbs / den Leuten zu raten oder helfen / ja auch nicht zu dencken / damit inen geholffen were. Denn es ist ja nicht vnser ding noch vermögen / noch aus vnserm kopff her geflossen / was da betrifft diese sache / wie man für Gott bestehe / vnd zum ewigen Leben come.

In Gottes  
sachen ist vnser  
tüchtig-  
keit nichts.

In andern dingen / so zeitlich leben vnd wesen betriffe / da magstu rhümen vnd surgeben / was dich deine Vernunft leret / vnd aus deinem kopff erdencken kanst / als / wie man sol schuch vnd kleider machen / haus / hoff / vieh regieren / Da vbe deine gedanken / so wol als du kanst / das sich das tuch oder leder dehnen vnd schneiden lasse / wie der Schneider oder Schuster gedencket. Aber in diesen geistlichen sachen / da gehöret warlich nicht Menschen gedanken hin / sondern andere gedanken / kunst vnd vermögen / die Gott durch sein Wort selbs zeige vnd gebe.

Denn von welchem Menschen ist es je erdacht oder ergründet / das drey personen des ewigen Göttlichen Wesens / ein einiger Gott sind / vnd die ander Person / Gottes Son / hat müssen Mensch werden / von einer Jungfrawē geborn? Vnd kein ander weg zum Lebē hat können sein / denn das er für vns gekreuzigt würde? Es were freilich noch nie gehöret noch gepredigt / vnd würde auch in ewigkeit nimer erfahren / erlernet noch geglaubt werden / so es nicht Gott selbs offenbaret.

Darumb sind es ja grosse / blinde Narren vnd verdriesliche Leute / die in diesem hohen thun sich selbs wollen gerhümet haben / vnd meinen / es sey das mit den Leuten geholffen / wenn sie predigen / was inē eingefallen / oder erdacht haben / Wie bisher in der Kirchen ein jeder geleret vnd aufgebracht hat / was im gut gedaucht / Die Mönche vnd Pfaffen teglich newe Heiligen / Walsarten / sonderliche gebet / werck vnd opffer / die sünde zu tilgen / die seelen aus dem Fegewer zu lösen etc.

Selbge  
wachsene Le  
rer vnd Hei  
ligen.

Das sind nicht solche Leute / die je vertrauen zu Gott haben / durch Christum / Sondern beide / wider Gott vnd Christum trogen / vnd nichts denn eitel Teuffels dreck vnd lügen in der Menschen herten (darin Christus allein sein solt) stecken vnd schreiben / Noch meinen sie / sie sejen allein tüchtig zu allem / was man leren vnd thun sol / Selbge wachsene Doctores vnd Heiligen / die on Gott vnd Christum / alles miteinander können.

Sondern das wir tüchtig sind / das ist von Gott.

ij

Von



## Auslegung der Epistel

**I**n vns selbs / das ist / aus vnser weisheit vnd krafft / können wirs nicht zu wegen bringen / sinden noch leren / damit wir vns oder andern raten vnd helffen kündē / Sondern das wir et was gutes bey euch schaffen / vnd in ewer hertz schreiben durch vnser Predigt / das ist Gottes eigen werck / Welcher vns solchs ins hertz vnd mund gibt zu reden / vnd durch den h. Geist auch weiter in ewer hertz drücket / Darumb können wir vns hievon nichts zu schreiben / noch vnsern rhum damit suchen (wie die Selbgelehrten vnd hoffer tigen Geister) sondern müssen allein Gott die ehre geben / vnd dauon rhümē / das er durch seine gnade vnd krafft in euch / durch das Ampt / so er vns gegeben / zur seligkeit wirket.

Gottes werck ist allein / was in der Kirchen nützlich ge leret oder gethan wird

Das redet er nu alles darumb / Das man in der Kirchen nichts sol predigen noch thun / on allein / was gewis Gottes Wort ist / Denn es gilt hie nicht auff Menschen gutdüncken et was handeln oder furnemen / Kein Mensch sol hie nichts vermögen / kein gedanken noch krafft gelten / denn was von Gott selbs hergeheth / Wie auch S. Petrus saget / wer da redet / der rede es als Gottes Wort / Wer da ein Ampt hat / der thu es / als aus dem vermögen / das Gott darreichet. Summa / wer da wil klug sein / grosse kunst / gaben vnd krafft rhümen / der thu es in andern sachen / hie bleibe er damit daheimen / vnd lasse sein rhümen vnd furgaben anstehen / Denn es ist nicht darumb zu thun / das man sehe / was du kanst oder bist / Sondern das die armen Seelen des gewis seien / wie sie Gottes wort vnd werck bey inen haben / dadurch sie selig werden mögen.

Welcher auch vns tüchtig gemacht hat / das Ampt zu führen des neuen Testaments / nicht des Buchstabens / Sondern des Geistes / Denn der Buchstabe tödtet / Aber der Geist machet lebendig.

**S**ehet er an zu preisen das Predigampt des Euangelij / vnd seine krafft / wider der falschen Apostel rhum / vnd aller andern Lere / auch des gesetzes Gottes / Wir sind ja nicht tüchtig / vnd haben nichts zu rhü-

men von menschlichem thun / denn das ist vnd schafft doch nichts / wenn es gleich zum höchsten strebet nach dem / das Gottes gesetz selbs leret vñ fordert / Wir haben aber viel ein bessers zu rhümen / das nicht vnser thuns ist / sondern das wir von Gott tüchtig gemacht sind / zu einem trefflichen Ampt / das da heißt / des neuen Testaments / Welches ist nicht allein hoch vnd weit besser / denn alles / was Menschē aus irer weisheit / kunst vnd vermögen / leren vnd geben können / Sondern auch herrlicher / denn die Predigt vnd Ampt / welche heißet das alte Testament / so zu vor durch Mosen den Jüden gegeben. Denn dieses ist ein solch Ampt / das nicht allein wie ander lere / bey dem Wort bleibet / das da geleret oder dargegeben wird / Sondern der Heilige Geist wirket auch das durch im herten / Darumb heißet er es / nicht ein Ampt des Buchstabens / sondern des Geistes.

Predig ampt des neuen Testaments.

Dieser Text vom Geist vnd Buchstaben ist bisher bey vns gar ein vnbesandte sprach gewesen / dazu durch vnsern Menschenthand gar verkeret vnd verbliechē / Das ich / da ich schon solt ein gelehrter Doctor der heiligen Schrifft sein / nichts danon versünd / kund michs auch niemand leren / Vnd noch heut das ganz Bapstum nicht kan sagen / was es gesagt sey.

S. Pauli wort bisher vnuerstandt.

Ja es haben auch die alten Lere / Origenes / Hieronymus vnd andere / S. Pauli meinung nicht getroffen / Vnd ist zwar auch nicht wunder / Denn es ist auch an jr selbs ein hohe Lere vber Menschen verstand / vnd wenn die Vernunft mit iren Menschen gedanken darein komet / wird sie irre / vnd weis nicht / was sie daraus machen sol / Denn sie weis nichts mehr / denn von dem Gesetz vnd Zehen geboten / Die ergreiffet sie vnd bleibt dabey / Schleusst darnach nicht weiter / denn / Wer also lebet vnd thut / wie die Zehen gebot fordern / dem ist Gott gnedig / Weis nichts von dem jamer der verderbten Natur / das niemand Gottes gebot vermag zu halten / vnd alle Menschen vnter der sünde vnd verdampft sind / das inen nicht anders zu helffen gewesen / denn das Gott hat müssen seinen Son für die welt geben / vnd ein ander Predigt stifften / dadurch vns gnad vñ versönnung verkündigt würde.

Wec

Wer nun diese hohe sache nicht ver-  
stehet/davon S. Paulus redet/ der mus  
auch wol des rechten verstands seiner  
wort feilen. Viel mehr hat solches vns  
müssen widerfaren/die wir die Schrifft  
vnd S. Pauli Episteln haben vnter der  
Banc ligē lassen/vnd dafur / wie die  
Gew in jren Trebern/in vnserm Mens-  
schenthand gewälet / Darumb müssen  
wir wider daran leutern/vnd S. Pauli  
rede lernen recht verstehen.

Paulus) Das eine/das nur Knechte ma-  
chet (welches eben ist / das er hie das  
Ampt des Buchstaben nennet) Das an-  
der/das da füret zur freiheit/ oder (wie  
er hie sagt) das Ampt des Geistes / so  
da lebendig machet/Vnd die zween Sö-  
ne/sind die zweierley Leute / oder Völ-  
cker/deren eines allein bey dem Gesetz  
bleibt/das ander das Euangelium fas-  
set vnd gleybt.

Das ist wol ein ander deutung/  
denn die geschicht vnd der Text an im  
selbs lauret/wie S. Paulus selbs sagt/  
Es sey eine Allegoria/ das ist / ein ver-  
dackte rede / oder heimliche deutung/  
Aber das sagt er nicht/das darumb der  
Text an im selbs sey der Buchstabe / der  
da tödte/vnd die Allegoria oder heim-  
liche deutung der Geist sey/Wie sie als  
lenthalben in der Schrifft furgeben/  
der Text oder Historia an im selbs / sey  
nichts/denn ein todter buchstabe/ Aber  
ire deutung sey der Geist / Vnd haben  
doch solche deutung nicht weiter gefü-  
ret/ denn auff die Lere des Gesetzes/  
Das doch nichts anders ist / denn eben  
das S. Paulus den Buchstaben heisse.

Heimliche  
deutung/  
heisse nicht  
der Geist in  
S. Paulo.

Denn er brauchet des worts Buch-  
staben gleich verachtlich von dem Ge-  
setz (welches doch auch Gottes Wort  
ist) gegen dem Ampt vnd Predigt des  
Euangelij/Vennet also die Lere der Je-  
hen gebot/wie man sol Gott gehorsam  
sein/Vater vnd Mutter ehren/den Nes-  
hesten lieben etc. vnd also auch alle die  
beste Lere/ die da ist in allen Büchern/  
vnd Schulen oder Predigten etc.

Was S.  
Paulus  
Buchstaben  
heisse.

Denn das wort/ Buchstaben / heisse  
er alles/ was da geleret/ geordnet/ ge-  
schrieben wird/Also/das es bleibt wort  
oder Schrifft/ oder auch gedanken/die  
man malen/schreiben/ reden kan / aber  
nicht ins hertz geschrieben/ oder im hertz  
gen leben / Als da ist das ganz Gesetz  
Mosi oder Zehen gebot (welches doch  
ist die höchste Lere) sie werde gelesen/  
gehört oder gedacht / Als wenn ich si-  
ge / vnd dencke an das erste Gebot/ Du  
solt nicht ander Götter haben/ vnd als  
so fort/das ander/dritte etc. Das mag  
ich lesen/schreiben/reden/vnd trachten  
mit alle meinen sinnen/Gleich als wenn  
ich des Keisers/oder des Landsherrn ge-  
bot höre/das da sagt/ Das soltu thun/  
das soltu lassen. Das heisse S. Paulus  
alles den Buchstaben / oder ( wie wirs  
s ist sonst

Vnrechter  
verstand die  
ser wort/  
Geist vnd  
Buchstabe.

Buchstaben vnd Geist hat man also  
verstanden aus Origene vnd Hiero-  
nimo ( S. Augustinus ist dennoch ein  
wenig hinein komen ) das Buchstabe  
heisse ( wie sie reden ) den schriffelichen  
sinn vnd verstand/ Das were wol noch  
nicht vnrecht geredt/ wenn sie dieselben  
wort recht deuteten/ Denn schriffelichs  
en sinn heissen sie/ die erzehlung einer ges-  
chichte / wie sie da ligt in der Schrifft/  
nach den worten/vnd in dem verstand/  
den die wort natürlich geben. Geistlich  
sinn aber heissen sie/wenn man vnt-  
er den worten einen andern heimlich-  
en verstand gebe.

Als das die Schrifft sagt/ Wie die  
Schlange das Weib vberredet / das sie  
von der frucht des verboten baroms ge-  
essen/ vnd jren Man auch gegeben/ das  
er darein gebissen hat etc. Das ist ( sagen  
sie ) der Buchstabe / Geist aber ist die  
geistliche auslegung/ das die Schlange  
deutet die böse ansehung/ die da reizet  
zu Sünden/ Das Weib ist die fleischlich-  
e sinligkeit/ darin sich solche ansech-  
tung vnd reizung regen vnd fülen/  
Adam/der man/ ist die Vernunft / das  
oberste teil ( sagen sie ) des Menschen.  
Wo die Vernunft nicht willigt den  
eufferlichen sinnen/ so hat es nicht not/  
Aber wo sie sich auch leste bewegen/vnd  
jren willen darein gibt / so ist der fall ge-  
schehen.

Origens  
deuteley in  
der Schrifft

Also hat am ersten Origenes in der  
Schrifft gespielet/ vnd viel andere nach  
im gezogen/das dis fur die höchste kunst  
gehalten ist / wer nur solches deuteln  
viel kunde machen/vnd damit die Kir-  
chen gefüllet/ Haben in dem S. Paulo  
wollen nach ömen/der da / Gal. 5. deut-  
ter die geschichte/das Abraham hat ge-  
habt zween Söne/einen von der freien/  
oder Frayen im Hause/den andern von  
der Magd / also / das die zwo frayen  
sind die zwey Testament ( spricht S.

S. Pauli  
heimliche  
deutung.

## Auslegung der Epistel

sonst genennet haben) einen schriftlichen Sinn.  
 Predigt des Evangelij ein Ampt des Geistes.

Dagegen ist nu ein ander Lere oder Predigt/ welche er heisset das Ampt des newen Testaments vnd des Geistes/ welche nicht leret/ was du thun solt (denn das hastu zornor gehört) Sondern zeiget dir an/ was Gott dir thun vnd geben wil/ ja schon gethan hat/ dadurch/ das er seinen Son Christum gegeben fur vns/ weil wir vmb vnsern vngheorsam wider das Gesetz / welches kein mensch erfüllet/ vnter Gottes zorn vnd verdammis waren/ Das er fur vnser sünden bezalete/ Gott versönetet / vnd vns seine gerechtigkeit schencket etc.

Da hōrestu nichts von vnserm thun/ sondern von Christi wercken / der da allein von einer Jungfrawen geboren/ fur die Sünde gestorben/ vom tode aufferstande/ welchs kein ander Mensch hat thun können. Das ist die Predigt/ die allein durch den Heiligen Geist offenbart wird/ vnd den Heiligen Geist auch mit sich bringet/ Also / das er dadurch wircket in der Menschen hertzen/ so diese Predigt hören vnd annemen / Darvmb heisset sie ein Ampt oder Predigt des Geistes.

Warumb S. Paulus diese wort/ Geist vnd Buchstaben brauchet.

**I**n diesen beiden worten/ Buchstab vnd Geist / wil er nu die zweierley Predigt gegenander bilden/ vnd weiter austreichden sein Ampt / vnd deselben nutz/ gegen der andern allen/ die sich thūmen treffliche Lere/ vnd grossen Geift furgeben / Denner zu vleys also redet/ das er die beide Predigten nicht nennet mit irem namen / Gesetz vnd Euangelium / sondern gibt einem jeden den namen von seinem werck / so es schafft/ Gibt dem Euangelio einen seer herrlichen namen/ das er es heisset ein Ampt des Geistes / Widerumb / das Gesetz schier schmechelich zunamet/ als wolt er jm die ehre nicht thun / das er es doch Gottes Gesetz oder Gebot nennete/ wie es doch ist/ vnd hernach selbs bekennet/ das es mit grosser herrligkeit Mōsi gegeben/ vnd den Kindern Israel befohlen sey.

Das Gesetz gleich verachtlich ein Buchstabe genennet.

Warumb thut er das? Sol man denn Gottes Gesetz verachten / oder nicht halten? Ist es nicht ein fein/ schön ding/ vmb frōmkeit / zūchtig vnd ehrlich leben? Welches ja Gott in die Verwūst gepflanget/ vnd alle Bücher prei-

sen/ vnd die Welt mus damit regieret werden.

Antwort/ Es ist S. Paulo alles zu thun/ das er der falsche Prediger thum vnd furgeben niderschlage / vnd sie lere die krafft seiner Predigt des Euangelij recht verstehen vnd ansehen / Wenn die Jūden hoch herfahren mit irem rhum/ (wil er sagen) des gesetzes Mōsi/ das sie haben das Gesetz empfangē von Gott/ auff zwo steinern Tafeln geschriben/ vnd desgleichen alle geleerte/ heilige Gesetz Predigen/ Juristen etc. rhāmen/ das sie viel gethan/ gelebt haben etc.

Was ist das alles gegen der Predigt des Euangelij? Wol mag es heissen ein seine Predigt vnd wol geleeret / Aber es ist doch nicht mehr / denn geleeret vnd geredt oder geschriben/ In diesen worten bleibt/ Du solt Gott liebe von ganzem hertzen. Item/ deinen Nehesten als dich selbs/ Mehr wird nicht draus/ vnd wenn es lang vnd viel gethan vnd gelebt ist/ so ist es nichts gethan/ Vnd sind lauter ledige hūlsen on Erbesen / vnd schalen on kern/ Denn es ist vnmöglich/ das Gesetz halten on Christum / es sey denn das der Mensch vmb ehre oder gutes willen/ oder aus fürchte der straffe/ sich eusserlich from stellen mus.

Denn wo Gottes gnade in Christo nicht erkand wird/ da kan sich das hertz nicht zu Gott wenden/ noch im vertragen/ oder liebe vnd lust zu seinen Geboten haben / sondern strebt nur dawider/ Denn es kan die Natur nicht willig gezwungen sein / vnd wil niemand gerne in Ketten gefangen gehē / Vnd wo er sich mus vnter des Henckers schwert oder rute vnd straffe dücken vnd brechen/ so hat er doch keinen willen dazu/ wird nur mehr entzündet wider das Gesetz/ vnd stehet jmer sein hertz also / Ah / das ich nur möchte frey seelen/ ranben / greizen/ meiner lust folgē etc. vnd wo mans jm mit gewalt wehret/ wolt er lieber/ das kein Gesetz noch Gott were.

Das geschiet nu noch in dens wesen/ da man die lere treibet auff den eusserlichen Menschen/ vnd dennoch damit eine leibliche zucht eraus zwinget. Aber viel grewlicher zeiget sich solcher vngheorsam inwendig/ wenn das hertz recht mit dem Gesetz getroffen wird/ da es fur Gottes gericht stehen mus / vnd fület das vrteil der verdammis vber sich gehen/

Buchstabe ist das nur geschriben oder geleert/ vñ nicht gethan wird.

Widerstreben des hertzens wider das Gesetz.

gehen/Wie wir hören werden im folgen den stück / da der Apostel sagt / Der Buchstabe tödtet.

Zeitlicher  
hafs vnd  
feindschafft  
des herzen  
wider Got-  
tes gebot.

Da finden sicherst die rechten gro-  
ssen Knoten/ wie die Natur wider das  
Gesetz tobet vnd würet/ mit den inwen-  
digen lastern vnd fruchten des hasses  
vnd feindschafft wider das Gesetz / Da  
sie fur Gott fleucht/ vnd schrecklich zür-  
net wider Gottes gericht / sehet an zu  
disputieren / ob er auch recht regiere/  
das ist/ ob er rechter Gott sey/ Vnd mit  
solchen gedancken imer tieffer felt in  
zweinel / murren / vngedult / bis sie zu  
legt (wo jr nicht wider durch das Euan-  
gelium geholffen wird) gar verzweiuelt  
wie Judas oder Saul / vnd wol er aus-  
feret mit lastern vnd fluchen wider  
Gott vnd alle Creaturen. Das heisset  
S. Paulus Rom. 7. furnemlich die sün-  
de / so durch das Gesetz erregt werden  
in des Menschen herzen/ vnd den Men-  
schen tödten.

Sünde  
durch Ge-  
setz erregt/  
Rom. 7

Sihe/dabey kanstu sehen / warumb  
das Gesetz heisse der Buchstabe/das ist/  
ein solche Lere/ welche / ob sie wol fein  
vnd gut ist/ so bleibt sie doch nur aus-  
wendig/ Komet nicht ins hertz / das sie  
darin lebet vnd gethan würde / Denn  
die Natur ist so böse/wil vnd kan nicht  
sich dem Gesetz eben machen / Vnd das  
menschliche geschlecht so verderbt / das  
niemand zu finden ist/der nicht alle Got-  
tes gebot vbertrette / wenn jm gleich  
reglich gepredigt vnd furgehalten wird  
Gottes zorn/ vnd sein ewig verdammis/  
Ja wenn er rechte damit gedrückt wird/  
so sehet er nur danon an/ deste gewalt-  
licher da wider zu wüten.

Gesetz pre-  
digt ein lau-  
ter Buchsta-  
be.

Darumb ist die Summa / Wenn  
man gleich alle Gebot zusammen bringe/  
lobet vnd hebt solche Predigt auff  
höchste/wie sie denn zu loben ist / So ist  
sie doch nicht mehr denn Buchstabe/  
Das ist solch ding/ das nur gelert / ge-  
sagt / aber nicht gethan wird / Denn  
Buchstabe heisse vnd ist allerley gebot/  
Lere vnd Predigt/die allein im Wort/  
oder auff dem papier vnd brieff ligen  
bleibt / vnd nichts darnach geschiet/  
Gleich als wenn ein Fürst oder Rat/  
lesse ein gebot ausgehen/wo es nicht ge-  
halten wird/so ist es vnd bleibet nichts  
mehr/denn ein offener Brieff/ da es ge-  
schrieben siehet/ was da geschehen sol/  
aber nichts darnach folget.

Also auch Gottes gebot / weil es  
nicht gehalten wird/ob es wol die höch-  
ste Lere vnd Gottes ewiger wille ist/ so  
muss es doch leiden/ das man einen lau-  
tern ledigen Brieff oder ledige hülsen/  
darans machet / da es on hertz vnd  
frucht kein leben noch seligkeit bringet/  
Vnd mag wol heissen/ ein rechte Lasse-  
tafel/das ist/ darein geschrieben vnd ge-  
zeigt wird/nicht was man thut / son-  
dern was man lesset/ vnd (wie die welt  
sagt) ein Herrn gebot / das vngelalten  
vnd vngethan bleibt. Also hat es auch  
S. Augustinus verstanden/ vnd gesagt/  
vber Psal. 17. Was ist Gesetz on gnade/  
denn Buchstabe on geist? Denn die na-  
tur kan vnd vermag es nicht zu halten/  
wo nicht Christus mit seiner gnade da  
ist.

Widerumb / das S. Paulus das Euan-  
gelium heisse ein Ampt des Geistes.  
Geistes/ das thut er/ anzuzeigen dessel-  
ben krafft/weil es viel ein anders wir-  
cket/denn das Gesetz/ in der Menschen  
herzen/Nemlich/das es mit sich bringe  
den Heiligen Geist/ vnd ein ander  
hertz machet / Denn wo der Mensch  
durchs Gesetzes predigt in schrecken vnd  
angst getrieben/diese Predigt höret/die  
jm nicht mehr sagt/ was Gott von jm  
fordere/ sondern was er fur jm gethan  
habe/ vnd weist nicht auff seine werck/  
sondern Christi/ Vnd heisse jm glauben  
vnd gewis sein/das er wolle vmb dieses  
seines Sons willen jm die sünde verges-  
sen/ vnd zu seinem Kind annemen.

Solche Predigt/wo sie der Mensch  
annimet vnd gienbet / richtet so bald  
das hertz auff/ vnd gibt jm trost / das es  
nicht mehr fur Gott fleucht / sondern  
sich nu zu jm keret / Vnd weil es solche  
gnade vnd barmherzigkeit bey jm fin-  
det vnd sälet/beginnet es jm wider hold  
zu werden/ sehet nu an jm von hertzen an  
zuruffen/ vnd fur seinen lieben Gott zu  
halten vnd ehren/Vnd je mehr solcher  
Glaube vnd trost gestercket wird/ je  
mehr auch zunimet lust vnd liebe zu sei-  
nen geboten vnd gehorsam/ Dazu denn  
Gott das wort des Euan-  
gelij imer wil  
getrieben haben/ damit des Menschen  
hertz zu erwecken/ das es solches erken-  
ne/ vnd sich selbs erinnere der grossen  
Gottes gnade vnd wolthat / vnd also  
der Heilige Geist imer kreffziger vnd  
kreffziger werde.

Wirkung  
des Heiligen  
Geistes durch  
den glaub.

## Auslegung der Epistel

Ein gleubig  
hertz/ des  
heiligen Gei-  
stes/ lebendig  
buch.

Sihe/ das ist alles nicht des Ge-  
setzes oder Menschen Krafft vnd werck/  
sondern ein newe himlische Krafft des  
Heiligen Geistes/ der Christum mit sei-  
nen wercken ins hertz drucket/ vnd ma-  
chet ein recht Büchlin draus/ das nicht  
buchstaben vnd blosser schrift/ sondern  
warhafftig leben vnd that ist.

Öffentliche  
zeugnis der  
Krafft des  
heiligen Gei-  
stes bey der  
Apostel Pre-  
digt.

Solches hat Gott auch zuvor ver-  
heissen/ durch die newe Predigt des  
Euangelij zu geben/ als Joel 2. vnd an-  
derswo/ Vnd darnach auch in öffentli-  
chen Exempeln vnd erfahrungen bewie-  
sen/ vber der eufferlichen Predigt des  
Euangelij/ Als am Pängstag/ vnd her-  
nach/ da die Aposteln/ S. Petrus vnd  
andere/ anfiengen zu predigen/ das der  
Heilige Geist sichtbarlich vom Himmel  
herab fiel auff die Zuhörer/ Act. 8. vnd  
10. Welches zuvor niemand gehört noch  
gesehen hat/ wie lang die Predigt des  
Gesetzes getrieben war/ Das man muß  
sehen vnd greiffen/ das dis viel ein ande-  
re Predigt war/ welcher solche Krafft  
vnd Wirkung folgete/ Vnd doch nicht  
mehr sagte/ denn also/ wie S. Paulus  
Act. 13. spricht/ Durch diesen wird euch  
verkündigt vergebung der Sünden/  
von dem allen/ so jr nicht habt können  
durchs Gesetz gerecht werden/ Aber in  
diesem werden alle/ die da gleuben/ ge-  
recht.

Da sihestu nicht mehr die ledigen  
buchstaben vnd eitele hülsen oder scha-  
len des Gesetzes/ welches jmer treibt vnd  
sagt/ das soltu thun vnd halten/ vnd  
doch nichts gethan noch gehalten wird/  
Sondern den rechten kern vnd die Krafft  
so Christus mit seiner fülle des Geistes  
bringet/ das/ die dem Wort des Euang-  
gelij gleuben mit rechtem ernst/ auch  
derselben fülle genießen/ vnd jnen zuge-  
rechnet wird/ als hetten sie die Zehen ge-  
bot erfüllet/ Wie Johan. 1. sagt/ Von  
seiner fülle haben wir alle empfangen/  
gnade vmb gnade/ Denn das Gesetz ist  
durch Mosen gegeben/ aber die gnade  
vnd warheit ist durch Christum wor-  
den.

Gesetz durch  
Mosen gege-  
ben/ Gnade  
durch Jhesu-  
sum Chri-  
stum wor-  
den Joh. 1.

Durch Mosen (spricht er) ist wol  
das Gesetz gegeben/ Aber was ist vnd  
thut das? Ein köstliche Lere ist es/ vnd  
malet wol ein schön köstlich bilde/ wie  
der Mensch gegen Gott vnd allen Men-  
schen sein sol/ Vnd ist ja ein schöner  
Buchstaben vnd schrift/ bleibt aber le-

dig/ vnd komet in kein hertz nicht/ Dar-  
umb heisse es vnd bleibe es Gesetz/ on  
Krafft vnd erfüllung/ weil nicht mehr  
da ist.

Sol aber eine erfüllung werden/  
so mus ein ander Man komen/ denn  
Moses/ vnd ein anders bringen/ das  
nicht heisse/ das Gesetz gegeben/ son-  
dern gnade vnd warheit geschehen oder  
geworden/ Denn es ist zweierley/ Gesetz  
geben/ vnd warheit werden/ gleich wie  
zweierley ist/ leren vnd thun/ Moses le-  
rets vnd sagt wol/ aber selbs kan er  
weder erfüllen/ noch andern geben/  
Aber das es geschehe vnd gethan wer-  
de/ da gehöret Gottes Son zu mit sei-  
ner fülle/ Denn er es beide für sich selbs  
gethan vnd erfüllet/ dazu vns auch das  
selbige gibe vnd schencket in vnser ledig  
hertz/ das wir auch zu der fülle komen  
mögen.

Aber das geschiet also/ das wir <sup>Gnade vmb</sup>gnade empfa- <sup>gnade.</sup>  
de vmb gnade empfangen/ das ist/ das  
wir seiner genießen/ vnd vmb deselben  
willen/ der eitel volle gnade bey Gott  
hat/ auch zu gnaden genommen werden/  
ob wir gleich in vns selbs nicht volligen  
gehorsam des Gesetzes haben/ Vnd dar-  
nach/ so wir solchen trost vnd gnade  
empfangen haben/ auch durch seine  
Krafft den Heiligen Geist kriegen/ das  
nicht in vns eitel ledige buchstaben blei-  
ben/ sondern nu auch zur warheit kos-  
men/ vnd ansahen Gottes gebot zu er-  
füllen/ Doch also/ das es jmer heisse/ aus  
seiner fülle geschepffet/ vnd aus diesem  
Bornquel getruncken.

Also redet auch S. Paulus/ Ro. 5.  
da er gegenander helt Adam vnd Chri-  
stum. Adam (spricht er) ist auch ein born-  
quel gewesen/ der durch seinen ungehor-  
sam im Paradis die Welt erfüllet hat  
mit sünden vnd tod/ das durch dieses ei-  
nigen Sünde die verdammis vber alle <sup>fülle vnd</sup>  
Menschen komen ist. Aber widerumb <sup>rechthum</sup>  
ist Christus mit seinem gehorsam vnd <sup>Christi vber</sup>  
gerechtigkeit auch vns ein quell vnd fülle <sup>die Sünde/</sup>  
le worden/ das wir aus derselben auch <sup>damit die</sup>  
gerecht vnd gehorsam werden. <sup>Welt gefül-</sup>

Vnd ist mit dieser fülle also ge-  
set. <sup>let.</sup>  
than/ das sie viel reichlicher vnd vber-  
schwenglicher gehet denn jene/ Denn ob-  
wol durch eine Sünde eines Menschen/  
Sünde vnd Tod vber alle Menschen ge-  
gangen/ vnd das Gesetz dazu komen  
ist/ dadurch die Sünde viel mechtiger  
vnd

vnd stercker worden / Aber dagegen ist die gnade vnd gabe in Christo so vber reich vnd mechtig/das sie nicht allein eine sünde des einigen Adams (die da zu vor alle Menschen in tod versenckte) sondern alle sünde überschwemmet vnd tilget/das nu viel mehr die/ so da empfangen die fülle der gnaden vnd gaben/ (spricht er) zur gerechtigkeit/ herrschen im leben / durch den einigen Ihesum Christum etc.

Also siehestu nu/was da ist die vnterscheid zwischen der zweierley Predigt / vnd warumb S. Paulus die Predigt des Euangelij preiset / vnd heisset ein Ampt des Geists/vnd dagegen das Gesetz einen lautern ledigen Buchstaben/Damit er seinen falschen Aposteln vnd Predigern iren trog niederlege / den sie füreten auff ir Judenthum vnd Moysi gesetz / vnd den Leuten mit grossen worten furgaben/vnd sagten / Lieber/ lasse Paulum predigen was er wil / Er wird dennoch Moses nicht umbstossen/ der das Gesetz von Gott empfangen hat auff dem berg Sinai / welches ist se Gottes vnwiderrufflich gebot / vnd mus gehalten werden/so jemand wil selig werden.

Gleich wie zu vnser zeit / Papisten/ Widerteuffer/vnd andere Kotten/ wider vns schreien / Was ist es / das ir viel prediget vom Glauben vnd Christo? Was werden die Leute dauon besser? Es mus warlich gethan sein. Solch furgaben hat wol einen schein/ als sey es etwas/ aber wenn mans beim liecht besihet/ so ist es ein lauter ledig/ nichtig gewesch/Denn so man von thun vnd werken wil reden / so sind schon die Zehen gebot da/welche wir ja so wol leren vnd treiben/als sie/Vnd were wol gnug daran/wenn man sie kündte also predigen/das sie auch so bald gethan würden.

Aber dauon ist die frage/ob es auch geschehe/wie man predigt/Das es nicht allein wort vnd (wie S. Paulus sagt) buchstaben bleiben / sondern aus den buchstaben auch leben vnd Geist werde/ Der Predigt sind wir eines / vnd ist kein zweifel/das man die Zehen gebot leren / vnd viel mehr auch thun / sol/ Aber das sie nicht geschehen/das ist vnser Klage.

Darumb mus man etwas mehr hiezu haben/damit man auch wisse/wie

mans dazu bringe / das sie geschehen/ Was ist vns sonst mit solcher Predigt geholfen/ das Moses vnd das Gesetz nur sagt/Das soltu thun/das wil Gott von dir haben? Ja lieber Mose/Das höre ich wol / vnd ist ja recht vnd war/ Aber sage mir doch ein mal / Woher sol ichs nemen/das ich leider nicht gethan habe/noch thun kan? Es ist nicht gut gelt zelen aus lediger taschen/ vnd trincken aus lediger kandel / Sol ich aber meine schuld bezalen / vnd in meinem durst getrencket werden/So schaffe mir auch rat dazu/das ich einen vollen beutel/vnd volle kandel habe. Zie wissen diese Wescher nichts von zu sagen / faren nur fort mit treiben vnd plagen des Gesetzes/lassen die Leute stecken in iren sünden/vnd spotten ir zu irem schaden.

Also malet hie mit S. Paulus die falschen Apostel/vnd alle dergleichē schädliche Kottengeister/die sich so hoch rühmē/ sie wissen alles besser vnd viel mehr zu leren/denn die rechten Prediger des Euangelij/vnd wenn sie sich zum höchstē beweisen / gros ding furggegeben vnd angerichtet haben mit irer Predigt so ist es doch nichts anders/denn lauter lediger buchstabe/ja noch lang nicht so gut / als Moses Predigt / Welcher ja auch ein trefflicher Prediger war / vnd grösser ding gethan / denn solche alle thun können/vnd dennoch mit des Gesetzes Predigt vnd seinem Regiment nicht weiter bracht / denn das es buchstaben vnd alt Testament blieben / Das Gott hat müssen ein ander Predigt vnd new Testament geben/welchs auch den Geist gebe.

Daselbige predigen wir (spricht S. Paulus) vnd habē wol einen andern rühm/wenn es sol rühmens gelten/vnd können jenen allen wol trog bieten/das sie auch nicht allein leren / was man thun sol (welches doch sie selbs nicht thun) sondern auch weisen vnd dazu bringen/das es gethan vnd gelebt werde/Darumb billich vnser Predigt nicht das alte Testament/des todten buchstaben/sondern des newen Testaments vnd lebendigen Geistes Predigt heisset/ Das wird gewislich kein Kottengeist nicht thun noch vermögen / wenn er schon auch grosse wort von eitel Geist rühmet/des darffestu keine sorge.

Denn sie wissen nichts mehr / vnd können

Der falschen Prediger rühm von dem Gesetz.

Des alten Testaments Predigt.

Gesetz wird nicht gethan wo nicht das Euangelium ist.

Predigt des newen Testaments.

Kein Kottengeist kan das neue Testament predigen.

## Auslegung der Epistel

Können nicht weiter Kommen / denn das sie dich auff dein werck weisen / Ja/ ob sie gleich auch von Christo sagen / doch nicht mehr denn sein Exempel furhalten / das man also im leiden gedultig sein sol etc. Summa/ es kan on die Predigt des glaubens Christi kein new Testament gepredigt werden / noch der Geist ins hertz nicht Kommen / Sondern bleibt alles/was man leret / furnimet/ dencket/ thut vnd vermag / eitel buchstaben / on gnade / warheit vnd leben/ Vnd das hertz so wenig on Christo geändert/ gebessert oder lebendig wird/ so wenig das Buch/ darin die Zehen gebote geschrieben/ oder die Steine / darin sie geschawen/ dieselben erfüllen mügen.

Denn der Buchstabe tödtet/  
Der Geist aber machet lebendig.

**D**ies ist noch herter wider den Ruhm der Gesetz predigt geredt/ vnd das Ampt des Euangelij viel herrlicher gepreiset. Vnd ist wol der Apostel allzu küne/ das er thar also das Gesetz angreifen/ vnd sagē/ es sey nicht allein ein lediger Buchstabe / sondern auch ein solche Predigt / die da nichts thut / denn tödtet. Das heisset je nicht ein gute / nützliche / sondern ein lauter schedliche Predigt.

Wer dürffte also reden / der nicht wolte aller Welt ein verfluchter Beger sein/ vnd hingerichtet werden / als ein Gotteslesterer / wenn es S. Paulus nicht selbs thete? Tu mus er ja das Gesetz oder Gottes gebot selbs loben / vnd sagt/ das es gut vnd köstlich sey / vnd müsse nicht verachtet noch nachgelassen/ sondern bestetigt vnd erfüllet werden (wie Christus auch sagt) das nicht ein tütel davon vntergehe. Wie Kommet er denn dazu / das er so vbel vnd gleich schmechelich vom Gesetz redet/ das es im grund nichts anders heisse / denn eitel Tod vnd gifft?

Wolan/ es ist ein hohe Lere/ so vernunfft nicht verstehet / vnd die Welt/ sonderlich die da wolle heilig vnd from sein/ gar nicht Können leiden / Denn es nicht anders gesagt ist / denn das auch alle vnser werck / wie köstlich sie seien/ nichts sind/ denn tod vnd gifft. Aber S. Paulus wil auch eben hiemit der falschen Lerer vnd Heuchler rhum gewalts

tig umbstossen / vnd anzeigen / was sie Predigt ist vnd thut / wenn sie auch am besten ist/ da man allein das Gesetz hat/ vnd Christus nicht gepredigt noch erkand wird. Da sagen vnd rhümen sie wol herrlich/ Wenn du also lebest / dich vleisest die Gebot zu halten / vnd viel guter werck thust/ so wirstu selig. Aber das solches nichts sey denn vergebliche wort/ ja dazu ein schedliche lere/ das findet man hernach / wenn man nichts denn solche Lere gehöret / vnd sich darauff verlassen hat/ da kein trost noch leben/ sondern zwiueln/ angst/ ja tod vnd verderben folget.

Denn wenn der Mensch sibet das er Gottes gebot nicht gehalten hat/ vnd dasselb doch jmer fort vnd fort auff in treibt/ vnd solche schuld von ihm fordert/ helt im nichts anders fur/ denn schrecklichen Gottes zorn vnd ewige verdammis / so mus er dahin sincken/ vnd verzwiueln in seinen Sünden/ Das mus folgen/ wenn man nichts anders/ denn das Gesetz leret/ vnd der meinung thut/ das man damit wil gen Himmel Kommen.

Gleich wie das Exempel zeigt ein Exempel nes grossen Einsidlers in Diris Partrum/ der da bis vber 70. jar auffso strengste gelebt / vnd viel Jünger gemacht/ die im nachfolgeten/ da die zeit kam/ das er sterben solte / sieng er an zu zittern / vnd lag in solcher angst drey ganzer tage/ vnd da seine Jünger in trösteten vnd vermaneten / warumb er nicht gerne wolte sterben/ so er doch so heiliglich gelebt hette/ da sprach er/ Ah/ ich hab ja mein ganz lebenlang Gottes gedienet/ vnd strenge gelebt/ Aber Gottes gericht vnd vrtail ist viel anders/ denn der Menschen.

Sihe/ dieser trefflicher Man / der so heilig gelebt hat / weis vnd kan kein andern Artickel/ denn von Gottes richte nach seinem Gesetz / Vnd ist da kein trost des Euangelij von Christo/ Sondern da er lang nach Gottes geboten gelebt/ vnd dahin gerichtet / das er möge selig werden/ so ist das Gesetz da/ vnd tödtet in / durch sein eigen werck/ das er mus sagen/ Ah / wer weis / was Gott dazu sagen wil? Wer wil fur seinem Gerichte bestehen? etc.

Das heisse durch sein eigen gewissen im selbs den Himmel abgesprochen / vnd hilff

Ergerliche rede nach der vernunfft vom Gesetz.

Gesetz vnd werck on gnade vnd Glauben/ et tel tod fur Gott.

Töden des Gesets.

Exempel des Einsidlers der an seinem heiligen leben versagen mußte.

Der Einsidler on trost des Euangelij durchs Gesetz getödtet.

hilffte in nichts/was er gethan vnd gelebt/sondern steckt in nur tieffer in tod/weil er den trost des Euangelij nicht hat/Da etwo ein ander / als der Schercher am Creuz/oder Zölnner/der sein lebtag in öffentlichen sünden gelegen / den trost des Euangelij / das ist / der vergessung der sünden in Christo / ergreiffte / vnd dadurch Sünd vnd des Gesetzes vrtail vberwindet / vnd durch den tod ins ewige leben komet.

Das Euangelium tröstet vnd machet lebendig.

Daraus verstehet man nu auch das widerspiel / was da heisset / der Geist machet lebendig etc. Das ist nichts anders/denn das heilige Euangelium/ein heilsame/ selige Predigt / vnd lieblich/tröstlich Wort / welches das betrübte hertz tröstet / erquicket / vnd gleich aus des Todes vnd der Hellen rachen reisset / vnd versetzet in gewisse hoffnung des ewigen Lebens / im Glauben Christi / Denn der selbe / wenn das ständlin komet / vnd der Tod vnd Gottes gericht im vnter augen trit / da setzet er nicht seinen trost auff seine werck / sondern wenn er gleich auch auff aller beste gelebt / spricht er doch / wie S. Paulus / Ich bin wol mir nichts bewußt / aber darumb bin ich nicht gerecht.

1. Corin. 4.

Das heisset schlecht von im selbs / vnd seinem gangen leben gefallen / ja sich selbs auch getödet / so das hertz spricht / Ich bin dadurch weder gerecht noch selig / Welches ist ja nichts anders denn des Todes vnd verdampft sein. Aber widerumb der Geist sich eraus reißt vnd hebt / durch den glauben des Euangelij / der da spricht (Gleich wie S. Bernhards in seiner todstunde auch gesagt) Lieber HERR Ihesu / Ich weis / wenn ich auff das beste gelebt habe / so hab ich doch verdammlich gelebt / Aber des tröste ich mich / das du für mich gestorben / vnd mich besprengest hast mit deinem Blut / aus deinen heiligen Wunden / Denn ich ja auff dich getaufft / vnd dein Wort gehört habe / durch welches du mich beruffen / vnd mir gnade vnd leben zugesprochen / vnd mich heissen glauben / Darauf wil ich dahin faren / nicht in dem ungewissen engstigen zweifel vnd gedanck / Ah / wer weis / was Gott im Himmel vber mich vrtellen wil?

Glaube tröstet sich allein Christi.

Nein / also solein Christen nicht sagen / Denn das vrtail vber meine werck vnd leben ist schon lengest gesprochen /

durch das Gesetz / Da mus ich mich selbs schuldig vnd verdampft bekennen / Aber ich lebe nu des gnedigen vrtails / das Gott vber vnd wider des Gesetzes vrtail von Himmel gegeben hat / Wer an den Son Gottes gienbet / der hat das ewige Leben / Johan. 3.

Wo nu solcher trost des Euangelij ist / vnd das hertz aus dem Tod vnd angst der Hellen reisset / Da folget als denn auch weiter des Geists krafft vnd werck / das nu auch Gottes gebot in des Menschen hertzen ansehet zu lebē / Denn er nu lust vnd liebe dazu kriegt / vnd die selben beginnet zu erfüllen / vnd also die das ewige Leben ansehet / bis es in seinem leben volendet wird / vnd ewiglich bleibet.

Also siehestu nu / wie viel herrlicher vnd besser das Ampt oder Predigt der Apostel / des newen Testaments oder des Euangelij ist / weder aller andern / die nichts anders / denn von grossen wercken vnd heiligkeit der Menschen / predigen / on Christum. Vnd dieses sol vns vermanen / vnd reizen / die Predigt des Euangelij gerne zu hören / vnd Gotte dafür frölich zu danken / Diereil wir hören / das es ist so ein kreffteige Predigt / das sie den Menschen das Leben bringet / vnd ewiglich / aus dem Tode hilffte / vnd die Verheissung hat / das gewislich dabey ist / vnd dadurch gegeben wird der Heilige Geist ins hertz / denen / so daran glauben etc.

Das Euangelium wird zu halten.

So aber das Ampt / das durch die Buchstaben tödtet / vnd in die Steine ist gebildet / klarheit hatte / also / das die Kinder Israel nicht kundten ansehen das angesichte Mose / vmb der klarheit willen seines Angesichtes / die doch auff hören / Wie solte nicht viel mehr das Ampt / das den Geist gibt / klarheit haben? Denn so das Ampt / das die verdammis predigt / klarheit hat / Viel mehr hat das Ampt / das die gerechtigkeit predigt / vber schwengliche klarheit etc.

Sanct Paulus ist truncken / vnd gehet vber mit worten / für lust vnd freude / das Euangelium



## Auslegung der Epistel

Gesetz eine  
predigt des  
Tods vnd  
verdamnis.

lium zu preisen. Gehet abermal grob vnd vn sauber mit dem Gesetz vmb/ das ers nennet/ ein ampt oder Predigt des Todes vnd der verdammis / Wie künde er scheuslicher Gottes Gesetz nennen/ denn das ers heisset eine Predigt des Tods vnd der Hellen & gleich wie ers zum Galat. 2. vnd 3. auch nennet eine Predigt oder dienst der Sünden/ Item eine Predigt des Fluchs/ da er spricht/ Die mit des Gesetzes wercken vmbgeben/ die sind vnter dem Fluch etc. Das mit ist je gewaltig gnug beschloffen/ das Gesetz vnd werck niemand können für Gott gerecht machen / Denn wie solt das/ so nichts denn Sünd/ Tod vnd verdammis predigt / gerecht vnd selig machen?

Wolan/ S. Paulus mus also reden/ wie droben auch gesagt ist/ vmb der schendlichen vermessenheit willen / beide/ der Lerer vnd Schüler / da Fleisch vnd Blut schlecht wil mit dem Gesetz bulen / vnd wil seine eigen werck für Gott bringen / vnd darauff trogen/ vnd doch so jemerlich vnd vbel sich selbs betreuget / zu seinem eigen verderben/ Denn wenn es recht vnter augen gehet/ vnd (wie er hie sagt) seine Klarheit gesehen wird/ so thut es nichts / denn den Menschen tödtet vnd in verdammis versenket.

Lere wider  
des Teuffels  
treiben auff  
das Gesetz  
vnd vnser  
werck.

Darumb mag ein Christen wol diesen Text S. Pauli lernen / beide / wider der falsche Lerer rhum / vnd des Teuffels plagen vnd anfechten/ so er treibet auff das Gesetz/ das man gerechtigkeit sūche in eigen wercken / vnd das herg mit solchen gedanken engset/ bis auff den tod/ Siche/ das vnd das mustu warlich gethan haben/ wiltu selig werden/ Das man in solchem kampff könne dem Teuffel sein eigen schwert nemen / vnd sagen/ Was plagstu mich mit dem Gesetz vnd meinen wercken? Was ist es anders/ wenn du mir lang dauon predigst/ denn eine Predigt / die nur Sünde/ Tod vnd verdammis auff mich treibet/ Was sol ich denn darin meine gerechtigkeit für Gott suchen?

Klarheit  
des Gesetzes  
Exo. 20. 34.

Als er saget von der Klarheit des Gesetzes/ dauon die Jüdischen werckler rhümeten/ das ist genomen aus der Historia/ wie das Gesetz gegeben ist/ da Gott herab vom Himmel gefaren mit grosser maiestet vnd herrligkeit / das es

donnerte vnd blizet/ vnd der Berg mit ten im feur stund/ etc. Item/ da Moses wider von dem Berge kam / vnd das Gesetz brachte / da glenget sein angesicht dauon/ vnd gab einen solchen stral von sich/ das das Volck im nicht künde te vnter augen sehen / vnd er muste ein decke für sein angesicht hengen etc.

Aus solchem irem rhum feret S. Paulus wider sie / vnd spricht / Es war ja eine Klarheit / das ist / herrlich vnd maiestetisch/ Aber was thut sie anders/ denn das sie treibet/ für Gott zu stihen/ vnd in den Tod vnd Helle jechet? Wir aber haben vnd rhümen wol ein andere Klarheit vnser Amptes/ dauon die Historia des Euangelij sagt/ das Christus solche Klarheit auch offenbarlich seine Jünger hat sehen lassen/ da sein angesicht leuchtet wie die Sonne etc. vnd Moses sampt Elia auch da waren / dafür die Jünger nicht flohen/ sondern mit wundern vnd freuden anschawete/ vnd sprachen / HERR/ hie ist gut bleiben / Hie wollen wir dir vnd Mosi wonung machen etc.

Klarheit  
des ange-  
sichts Chri-  
sti/ Matth. 17

Diese zweierley bilde halt gegenander/ so wirstu wol verstehen/ was er sagen wil/ Denn das ist die Summa davon (wie gesagt) Das das Gesetz machet eitel schrecken vnd tod / wenn es mit seinem glantz an die hertzen stößet/ vnd recht erkand wird. Widerumb/ das Euangelium gibet trost vnd freude. Was aber das gedeckte vnd das helle auffgedeckte angesichte Mosi sey / das were hie zu lang weiter zu sagen.

Es ist auch ein sonderlich tröstlich wort/ so er sagt/ das das Gesetz/ Ampt vnd Predigt/ sey ein solch Ampt / das da auffhöret/ Denn wo das nicht were/ so were da nichts/ denn ewige verdammis. Das auffhören aber geschiet als denn / so des Euangelij Predigt von Christo angehet/ Dem sol Moses weichen/ vnd alleineram lassen/ also / das er nicht mehr sein schrecken in dem gewissen der Glaubigen treibe / sondern wenn es die Klarheit Mose fület/ das es zappelt vnd jaget für Gottes zorn/ Da ist zeit/ das Christi Klarheit mit seinem süßen/ tröstlichem liecht ins hertz scheine/ So kan man denn Moses vnd Eliam auch leiden. Denn des Gesetzes Klarheit/ oder auffgedeckte angesicht Mosi/ sol nicht lenger leuchten/ denn bis du gedemüctigt

Das Gesetz  
mus auffhö-  
ren/ vnd dem  
Euangelio  
weichen.

demütigt / vnd also getrieben werdest / das liebliche angesicht Christi zu begeren. Wenn du zu diesem komest / so soltu denn nicht mehr den Mosen hören noch leiden / der dich schrecke vnd engste / sondern also / das er vnter dem Herrn Christo bleibe / vnd dir den trost vnd freude seines angesichtes vnertunckelt lasse.

Denn auch jenes teil (spricht er zum beschluss) das verkeret war / ist nicht für klarheit zu achten / gegen dieser überschwenglichen klarheit.

**D**as ist / wenn man recht diese klarheit vnd heiligkeit ansieht / die wir in Christo haben / durch die Predigt des Euangelij / so ist jenes teil der klarheit des Gesetzes (welches nur ein klein / kurze vnd auffhörende klarheit ist) auch nicht klarheit / sondern eitel tuncfel Wolcken / gegen dem liecht Christi / so vns jzt aus Sünde / Tod vnd Helle / zu Gott vnd ewigem Leben leuchtet vnd scheint.

## Euangelium des XII. Son- tags / nach Trinitatis / Marc. 7.



**V**N D da er wider ausgieng von den grenzen Tyri vnd Sydon / kam er an das Galileische Meer / mitten vnter die grenze der zehen Stedte. Vnd sie brachten zu im einen tauben / der stumm war / vnd sie baten in / das er die hand auff in legte. Vnd er nam in von dem Volck besonders / vnd legt in die finger in die ohren /

vnd

## Auslegung des Euangelij

und spüzet / und rüret seine zunge /  
und sahe auff gen Himmel / seuffzet /  
und sprach zu im / Hephethah / das  
ist / Thu dich auff. Und als bald tha-  
ten sich seine ohren auff / und das  
band seiner zungen ward los / und  
redet recht.

Und er verbot ihnen / sie soltens  
niemand sagen. Je mehr er aber  
verbot / je mehr sie es ausbreiteten /  
und wunderten sich über die mass /  
und sprachen / Er hat alles wol ge-  
macht / Die tauben macht er hö-  
rend / und die sprachlosen redend.



Leich wie allenthal-  
ben das Euangelium vns  
sern **HERRN** Chri-  
stum vns so fürbildet /  
das er sey ein barmher-  
ziger / gnediger Man / der  
jederman bereit sey zu helffen / mit wor-  
ten und wercken / an leib und seele. Also  
dis Euangelium auch / bildet vns für /  
wie willig er diesem armen Man / der  
stum und taub war / geholffen habe /  
Auff das es vns reize zum Glauben / das  
wir vns alles gutes zu im versehen sol-  
len / Und er vns damit ein fürbilde und  
pel der liebe **Exempel** für stelle / dem ein jeder Christ  
sol nachfolgen / und seinem Nehesten  
auch also helffen.

*Lere des  
Glaubens /  
und Exem-  
pel der liebe  
an Christi  
wercken.*

Denn ein Christlich leben stehet gar  
darin / das wir zum ersten vnserm Hei-  
land Christo glauben und vertrauen /  
und des ja sicher sind / das wir von im  
vnerlassen sein / es falle not und fahr  
ein / wie sie wolle. Zum andern / das ein  
jeder Christen Mensch sich auch also  
schicke / gegen seine freunde und feinde /  
wie er sihet / das Christus so willig ist /  
jederman zu helffen. Wer dis thut / der  
ist ein Christen / Wer es aber nicht thut /  
mag sich wol einen Christen lassen heis-  
sen / aber er ist nicht. Denn die zwey las-  
sen sich nicht scheiden / Es mus die

*Frage / war-  
umb Chri-  
stus sonder-  
liche weise  
mit diesem  
stummen  
und tauben  
füret.*

Frucht des Glaubens folgen / oder der  
Glaube ist nicht recht. Dis ist die Sum-  
ma dieses Euangelij.  
ND hat es etliche bewegt / das in dies-  
sem miracel oder wunderwerck / dis  
für andern stehet / das der **HERR** Chri-

stus den armen Menschen nimpe / und  
beiseit füret vom Volck / und helt ein-  
sonderlich gepreng / legt im die finger  
in die ohren / und spüzet / und rüret seine  
zungen / sihet auff gen Himmel / seuffzet  
und füret ein eigene sprach / So er doch  
zu vor andern stummen / und sonst vielen  
geholfen hat / on einig solch gepreng /  
allein mit einem wort.

Dies alles / sage ich / hat etliche be-  
wegt / das sie es dahin gedeutet haben /  
das Christus auff dis mal habe gedacht /  
wie der selb Mensch / dem er jetz hulffe /  
würde noch zukünftig sündigen / mit  
seiner zungen und ohren / Darumb hab  
er mitleiden mit im gehabt / das diese  
sünde nach solchem grossen werck / noch  
sollen geschehen / und seine wolthat so  
vbel angelegt sein / das aus einer stum-  
men zunge / ein Gottsefterliche zunge  
solt werden / die nicht allein den Teuf-  
sten verleumbden / sondern auch Gott  
im Himmel droben schenden würde / und  
die ohren / die darumb auffgethan sind /  
das sie Gottes Wort hören solten / als  
lerley irrige und falsche lere lieber / denn  
Gottes Wort / hören würden. Dis / sa-  
gen sie / sey die ursach gewesen / das er ge-  
seuffzet / und gen Himmel auffgesehen  
habe.

Diese meinung wollen wir nicht ver-  
werffen. Aber man mus gleichwol Chri-  
stum nicht so enge spannen / das er nur  
auff eine person sehe / und mus in bas an-  
sehen / denn das er sich allein dieses  
Menschen hie anneme. Denn so sagt  
vns die ganze heilige Schrift / und son-  
derlich die Propheten und Psalmen /  
das er sey gesand dazu / das er sich hat  
sollen herglichen annemen aller not des  
ganzen menschlichen geschlechts. Und  
das Christus sey die sonderliche auser-  
welete Person / die für allen Heiligen sol  
das hertz gegen vns haben / das er sich  
aller vnser not so sol annemen / als were  
sie seine eigene not / Wie er im vierzig-  
sten Psalm sagt / von vnsern sünden /  
Es haben mich meine sünden ergriffen /  
das ich nicht sehen kan / Und im ein und  
vierzigsten / **HERR** sey mir gnedig /  
heilige meine Seele / denn ich hab an dir  
gesündigt.

*Christus  
hat sich al-  
ler mensche-  
lichen not herglichen  
angenommen*

Je redet der barmherzige **HERR**  
in vnser Person / und tregt vnser sünde /  
als weren sie sein / und als hette er sie  
selbs

selbs gethan. Vnd mehr/ am neun vnd sechzigsten/ Gott/ du weisse meine torheit / vnd meine schulde sind dir nicht verborgen. Item/ Esaië am drey vnd funffzigsten / Der HERR warff aller vnser sünde auff in. Item/ Er trug vnser krankheit / vnd ludte auff sich vnser schmerzen/ Die straffe ligt auff im/ auff das wir friede hetten etc. Vnd so fort an zeigen andere schriften auch.

Christus hat die straffe der sünden für uns getragen.

DEnn so sol der HERR Christus gemallet sein / das er sey die einige person / die nicht einer Stad oder eines Lands vnglück auff sich neme / sondern der ganzen Welt. Wie in auch S. Johannes teuffet/ Sihe/ dis ist das Lamb Gottes/ das der Welt sünde treget/ So er aber die sünde treget / folget/ das er auch tragen hat müssen / alles was zu der sünde gehöret / vnd auff die sünde folget/ als Teuffel/ Tod vnd Helle.

Herzlich ja meyn Christi über vns sein schaden.

Darumb hat er hie also geseuffzet/ als die person/ die es thun solte/ vnd von welcher die Propheten lange zu vor verkündiget hatten/ das er sich würde herzlich jamern lassen alles schadens/ des ganzen menschlichen geschlechtes. Das es im nicht ist zu thun gewest vmb der einigen zungen vnd ohren willen dieses armen Menschen / Sondern ist ein gemein seuffzen gewest vber alle zungen vnd ohren / ja vber alle hertz/ leib vnd seele / vnd alle Menschen von Adam an bis auff den letzten Menschen/ der noch sol geborn werden / Also / das er nicht furnemlich darumb seuffzet/ das dieser Mensch noch viel sünde zukünfftig thun würde / Sondern das ist das furnemste / das er hat gesehen in den ganzen Klumpen/ fleisch vnd bluts / Wie der Teuffel das selbe in mörderlichen schaden im Paradis gebracht/ die Menschen stum vnd taub gemacht / vnd also in den tod vnd hellisch feur gesteckt hat.

Diesen blick hat Christus hie für augen gehabt / vnd weit vmb sich gesehen / welchen grossen schaden der Teuffel durch eines Menschen fall im Paradis angerichtet habe / Vnd sihet nicht allein auff die zwey ohren/ sondern auff den ganzen hauffen / so von Adam her kommen ist / vnd noch kommen sol. Das also dis Euangelium Christum malet/ das er der Man sey/ der sich dein vnd

mein / vnd vnser aller also anneme/ wie wir vns vnser selbs sollen annemen / als stecket er in den sünden vnd schaden/ darin wir stecken / Vnd das er seuffzte vber den leidigen Teuffel / der den schaden zu wegen gebracht hat.

Wt dis ist gewislich die ursache/ das er sich mit solchem ernst hie annimmt / vnd sonderer weise vnd geberde füret/ Als wolte er sagen/ Es gehet mir ewer jamer / das jr so in sünden vnd tod gefangen seid/ ist sonderlich zu hertzen/ das ich für lauter gedanken sonderlich geberden mus. Denn er stellet sich so ebentherlich/ wenn man es gegen andern seinen wercken helt / das es gleich zu wundern ist. Andere hat er oft gesund gemacht / oder Teuffel von inen ausgetrieben/ mit einem wort/ Ja hat auch wol etlichen geholffen / zu denen er nie komen ist / als des Heubtmans knecht / Matth. 8. Hie aber füret er vmb der zweier gebrechen willen (zungen vnd ohren) gar sonderliche geberde / als lege im etwas sonders dran/ Damit er vns anzeigt / das er dazumal einen sonderlichen blick oder gedanken von dem menschlichen geschlecht gehabt habe.

Sonderlich geberde Christi aus sonderlichen gedanken.

DEnn man mus Christo vnserm HERRN vnd Gott dis auch zulassen/ wie alle andere menschliche art (die sünden ausgenommen) das er nicht allzeit gleich gesinnet / gleich geschickt/ oder gleich brünstig sey gewesen / Sondern hats mancherley gehabt / eben wie die andern heiligen. Darumb / wie sein hertz vnd gedanken / ist etwas sonderlich gewest sind / also füret er auch sonderliche geberde / Das man sehen mus/ wie er ein warhafftiger Mensch gewesen sey / an leib vnd seel/ der nicht allzeit gleich gesinnet gewesen ist / wie in auch nicht zu gleich allzeit hungert oder geschleffert hat / sondern wie sich solches mit vns Menschen endert/ so hat es sich auch mit im geendert / Wie S. Paulus sagt / Philip. 2. Er nam eines Knechtes gestalt an / vnd ward gleich wie ein ander Mensch / vnd an geberden erfunden/ als ein ander Mensch etc. Vnd dis mus man verstehen / nicht allein eufferlich/ sondern auch an der seelen/ vnd gedanken seines hertzens / Das er ist brünstig gewest / ein andere zeit noch brünstiger etc.

Christus hat auch mancherley gedanken / vnd bewegunge gehabt.

## Auslegung des Euangelij

**Christus** **seuffzet** **für** **aller** **Menschen** **sünde.**  
 Das ist nu eins / warumb Christus hie diese weise füret / Nämlich / das er sey ein warhafftiger Mensch / doch in der Person / das er hat für alle Menschen da gestanden / vnd sich zu gleich angenommen dieses Menschen vnd aller Menschen gebrechen. Das ander ist wol auch recht / das er sich bekümmert habe darumb / wenn er diesen Menschen würde gesund machen / das er noch viel hernach sündigen möchte. Aber es ist zu eng gezogen / das sie es allein auff die künstrigen sünden dieses Menschen deuten.

**Apoc. 13.**  
 Denn Christus vnser **HER** **und** **Gott** / hat sich nicht allein sollen bekümmern vnd leiden vmb eines einigen Menschen sünde / sondern wie in Apocalypsi stehet / für alle sünde / so von anfang der Welt / von Adam bis auff vns / gleiches haben würden / bis auff den letzten Menschen / der vor dem jüngsten tag solt geborn werden. Darumb ist es viel zu eng / das sie es allein auff künstrige sünde ziehen / so dieser Mensch noch thun würde. Wiewol er sonst auch an andern orten angezeigt hat / wie er auff das künstrige leben etlicher person gesehen habe / als da er sagt zum gichtbrüchtigen / Johan. 5. Du bist nu gesund / sündige nicht mehr / das dir nicht ergers widerfare.

Denn der liebe **HER** Christus ist so ein freundlich hertz / das es in leid ist / das ein Mensch sol sünde thun. Denn er weis wol / das die sünde nicht kan vngestrafte bleiben / Darumb weinet er auch vber die Stad Jerusalem / denn er sahe / das ire sünde muste gestrafte werden. So ein freundlich / lieblich hertz ist es / das nicht lust dargen hat / wo es vbel zugehet.

**Christus** **endert** **für** **nemlich** **der** **Menschen** **zungen** **vnd** **ohren.**  
 ER nimet aber sonderlich die zwey geslied für sich / Ohren vnd Zungen / Denn das Reich Christi gegründet ist auff das Wort / welches man sonst weder fassen noch begreifen kan / on durch diese zwey gliedmas / ohren vnd zungen / vnd regieret allein durch das Wort vnd Glauben / im hertzen der Menschen. Das Wort fassen die ohren / Vnd das hertz gienbet / Die zunge aber redets oder bekennets / wie das hertz gienbet / Darumb / wenn man die zungen vnd ohren hinweg thut / so bleibet kein mercklich

unterscheid zwischen dem Reich Christi vnd der Welt.

Denn ein Christ gehet in eusserlichem leben daher / wie ein vnglenbiger / Er hawet / ackert / pflüget / eben wie andere / nimpt kein sonder thun noch werck für / weder in essen / trincken / erbeiten / schlaffen noch andern. Allein diese zwey gliedmas machen einen vnterscheid vnter Christen vnd vnchristen / Das ein Christ anders redet vnd höret / Ein Christ vnd hat eine zunge / die Gottes gnade preiset / von dem **HER** Christo predigt / das er allein sey der Seligmacher etc. Das thut die Welt nicht / die redet von geiz vnd andern lasten / predigt vnd preiset iren pracht.

Dagegen sind auch zu beiden teilen sonderliche ohren / Der Christen ohren haben eben das selbige Wort / das die zunge redet / vnd das hertz gienbet / Die Welt aber höret lieber / wenn man redet von irer weisheit / vernunfft / ehre vnd pracht. Also sind ohren vnd zungen der Christen vnterschieden von der Welt oder vnchristen ohren vnd zungen / Fragen nach keinem silber noch gold / sondern allein darnach / was man von Christo sage / vnd wie man von Christo reden vnd predigen sol.

ER hats freilich wol gesehen / der liebe **HER** / was für schaden vnd jamer / durch zungen vnd ohren noch geschehen solte. Es ist ein grosser schaden / das man die Christen verfolget / erretzet / verbrennd vnd erhencket / vnd die Welt mit der fauff wider das Wort sich setzet. Aber dieser schaden reisset nicht durch / gewinnet auch zu letzt nicht. Denn wenn man höret / das man den Leuten so gar vnrecht thut / so werden sie nur Eck vnd mützig dauon / vnd verachten solche marter vnd leiden. Darumb ist das nicht der größte schade / so der Christenheit von den Tyrannen wird zugefüget. Sondern das stücklein fleisch / das hinder den zeenen streckt / das thut den größten schaden dem Reich Christi.

Ich rede jzt nicht dauon / das man einander belanget vnd vbel nachredet / Ich rede von diesen hohen sachen / das nach dem Christus die zunge hat los gemacht / vnd jr das Euangelium gegeben / das sie darnach solchen mercklichen grossen schaden thut / Es scheinete wol der schade

*miza lingue paraphrasis*

*¶ paraphrasis Lütstrana.*

*h. Simo. Pauli, Corin. 13. nativ. 87, fol. 37. b.*

Schaden  
falscher le-  
re.

der schade nicht. Vnd hat viel ein erger ansehen / wenn man einem den kopff abhawet / denn so ein falscher Prediger oder Schreiber aufftritt / Aber eine falsche Predigt / ja ein falsch wort / das da komet geflogen in Gottes namen / das hawet einen hauffen Seelen hinweg / das wol eine ganze Stad vnd Land hinnach sol fallen.

Ds ist nu eine plage / darumb Christus gesuffzet hat. Als solt er sagen / Sehet zu / hütet euch für falschen zungen / die in die Schrift geraten / Nicht die im Weinhaufe oder Krenschmer sind / die thun wol auch schaden / Aber hie / wenn die zungen beginnen zu reden / die ich habe los gemacht / vnd können sich Christen rühmen / Hüte dich für den selben etc.

Verfolgung  
des Worts  
von den fal-  
schen Chris-  
ten.

Vnd zwar / es ist wol klagens werdt / das die / die das Wort haben / vnd wissen viel davon zu plaudern / dennoch das Wort mit zungen vnd faust verfolgen. Der Türck thut der Christenheit auch schaden / aber es geschiet allein mit dem Schwert / vnd ist nirgend gleich dem schaden / so die Kottengeister thun / Das einer noch wol seuffzen möchte vber solche zungen / die so viel Leute verführen / vnd dennoch wollen Christen heißen / vnd die Christliche Kirche gebessert haben. Das ist eins / das der Teufel (nach dem die zunge los ist / vnd die Leute wissen zu predigen / was Christus sey) dennoch die lere umbwendet / vnd das durch schaden thut.

Falsche oh-  
ren / so sich  
von der war-  
heit abwen-  
den.

Darnach sagt Er / findet man auch schendliche ohren / die ich geöffnet habe / die wollen nichts anders hören / denn solche falsche / schendliche zungen / Wie S. Paulus sagt / 2. Timoth. 4. Es wird eine zeit sein / da die heilsamen lere nicht leiden werden / sondern nach iren eigen lüsten werden sie inen selbs Lerer auffladen / nach dem inen die ohren sücken / vnd werden die ohren von der warheit wenden / vnd sich zu den falsch beln keren etc. Die Prediger / die also leren / sind Schelcke vnd des Teufels Apostel / Nu solten die andern so from sein / vñ sagen / Dere zungen wil ich nicht hören / Ja / sagt S. Paulus / sie wollen die seligen zunge nicht hören / vnd suchen eine andere / die finden sie auch / Gleich wie es ist mit vnsern Kotten gehet.

Darumb sagt S. Paulus / wie sie die

ohren sücken / so wird er inen Prediger schicken / die sie mit gewalt in irthum führen / Wie wir vnter dem Bapsthum gesehen haben / das kein Mensch dem geringsten irthum kundte wehren / Sondern ir ertichtet Seggewir / Abblas / Polstergeist / vnd was nur etwas neues war / hielt man balde für einen Artikel des Glaubens / Also trawet inen der Teufel die ohren / das sie solchen betrug viel lieber hören / denn Gottes Wort.

Itz gebets auch also / vnser **HERREN** Kotten / so Gott hat die ohren auffgethan / das sie das rechte Euangelium gehöret haben / Aber wo nur ein Kottengeist hinkomet / pläzen die Leute so balde darauff / vnd werden so toll / vnd den andern rechten Predigern so feind / das mich wundert / das solche feine hertzen / den ich leib vnd seele vertrauet hette / vns so gifftrig feind können werden / als weren sie voller Teufel / Vnd sündigen viel erger mit zungen vnd ohren / denn ehe sie das Euangelium hatten / Das es viel besser were / sie weren vom **HERREN** Christo nie gesund gemacht / vnd hetten sein Wort gar nicht gehöret.

Kotten / so  
von der rei-  
nen lere fal-  
len / werden  
erger denn  
am ersten.

Das ist nu hie das seuffzen Christi / das er nicht allein hat für sich genommen alle gebrechen der natur von anfang der Welt her / sondern geklagt / das nach dem Euangelio / sein Reich solt einen solchen schaden nemen / eben durch die / denen er geholffen hette / Vnd das sein Reich solche pässe vnd riss leiden solt / die sonst nicht geschehen weren / wo den Leuten nicht zuvor durch in geholffen were. Wolan / er mus es leiden / vnd wir müssen es auch leiden / Er wird aber darumb nicht umb sonst gesuffzet haben.

Christi seuff-  
zen vnd ge-  
danken.

Vnd ob es wol hie nicht ausgedrückt ist / was für seuffzen es gewesen sey / Denn man kan es auch nicht schreiben / wie S. Paulus sagt / das sich solch seuffzen nicht mit buchstaben schreiben / oder mit worten reden lassen / Dennoch gleichwol / weh denen / die solchen schaden thun / vnd dis seuffzen so gering achten / vnd gehen noch hin / als hetten sie gar wol gethan.

Rom. 8.1.

Denn Christus hat hierob gar viel andere engstige gedanken gehabt / Nemlich diese / Wolan / so viel gestehets mich / mus so viel angst vnd marter tragen / bis ich die Leute dahin bringe

y iij ge/

## Auslegung des Euangelij

Ge/das sie mein Wort predigen vnd hören / vnd sie sollen es noch so schendlich fälschen vnd umbkeren / vnd mir so mercklichen schaden an meinem Reich thun / Diese vndanckbarkeit gegen dem Wort / mus einem jeden Christen Menschen weh thun / Darumb ist es nicht wunder / das es den HERRN Christum auch so beweget hat / das er sonderliche weise vnd geberde hie füret / weil in dieser gedanken zu der zeit sonderlich getroffen hat.

Verma-  
nung aus  
diesem E-  
uangelio.

SO sollen wir nu aus diesen Ceremonien vnd geprenge / so Christus hie füret / das lernen / wie Christus vnser HERR sich vnser so herzlich annimet / vnd vleissig achtung darauff geben / das wir die ohren vnd zungen so behalten / wie er sie vns gegeben hat / Vnd vns fur dem Teufel vnd Menschen fursehen / das sie vns die zunge vnd die ohren nicht umbkeren. Zum ändern / das wir vns auch danckbar fur diese wolehat / gegen seinem Wort / ein iglicher in seinem stand / erzeigen / Das ein Fürst in seinem lande / Ein Prediger auff der Cangel / Vater vnd Mutter im hause / sein Ampt recht ausrichte / Die ändern / das sie es hören / vnd die ohren offen behalten / wie sie Christus geöffnet hat / vnd vleissig darauff sehen / wie er hie vber diesem Menschen geberdet habe / das es inen auch so ernst sey / vnd dasur Gott dancken.

Vndanck-  
barkeit ge-  
gen Gottes  
Wort.

BEy vns / Gott lob / ist die zung so weit komen / das wirs rein reden / vnd die ohren es gerne hören / Denn es sind allenthalben viel fromer Leute noch / die mit lust Gottes Wort hören / Aber daneben gehet auch bey vns grosse vndanckbarkeit vnd gewolliche verachtung des Wortes Gottes / Ja wol ein heimliche verfolgung / vnd heimlichs leiden. Andere Fürsten verfolgen es öffentlich / Aber hie sitzen wir vnter dem schug / wie in einem rosengarten / vnd sind jr doch heimlich so viel / Bürger vnd Baur / vnd der Jünckhern in den gelen Beten / welche gerne alle Pfarherr vñ Prediger ausbissen / wo sie es nur thun künden. Das ist ein anzeigung / das man das Wort verachtet / vnd im heimlich feind ist / Wie man sibet das es gehet / Wo man das Wort öffentlich verfolget / da wil es nur sein / vnd wo es frey vnd öffentlich ist / da wil mans nicht haben.

Wer vnser HERR Gott wird gewislich nicht umb sonst geseuffzet haben / Man meinet wol / weil er so dazu still schweiget / es werde ewig so bleibe / Aber es ist seer bald geschehen / das sich ein Predigstuel endert / Darumb wil vnser HERR Gott vns hie gewarnet haben / wie es auch durch S. Paulum ge-<sup>Warnung</sup>  
weissagt ist / das wir vns dasur fursehen / Die zungen werden sich verkeren / vnd die ohren werden die Leute sücken / nach falschen Predigern / Wie es vnter dem Bapsthum gieng / da man so vleissig vnd brünstig war / zu hören vnd zu thun / wo nur jemand kam / der da durffte et was neues sagen / wie vngereimet vnd wunderlich es mochte furggeben werden / Were einer da komen vnd her-<sup>Christi fur</sup>  
te geprediget / man solte eine Kirche in die Elbe hawen / so hette man es gethan.

W aber / so man das Wort in die Lere vnd auff die Cangel bracht hat / das man Gott vertrauen / vnd dem Nehesten dienen sol / so wil es im leben nirgends hernach / Das ist der leidige Teufel / Wir sind aber damit nicht entschuldiger. Nach dem denn die Lere in ein gestalt vnd form gebracht ist / das man recht predigt / was man glauben sol / vnd die zungen nu los / vnd die ohren auffgethan sind / so sollen wir vns auch darumb annemen / das es auch in das leben kome.

Wer ich besorge / es geschehe nicht <sup>Christi zu</sup>  
ehe / denn / wie S. Paulus sagt / der bliz <sup>kaufft</sup> auff  
vnd donner dreinschlage / Er hat schon <sup>den bliz</sup>  
angefangen mit dem Bapst / vnd den <sup>des Euange-</sup>  
Endechrist durch den bliz des Euangelij / <sup>lij / mus der</sup>  
welches ist der Geist <sup>Welt ein er-</sup>  
nes munds / der da jet offen ist vnd <sup>de mach-</sup>  
det / vnd noch jmer vnter die Gottlosen schlegt / Aber ich besorge / die Lere wird nicht also hernach gehen im leben / bis er kome / vnd alles vollend zu boden schlage / vnd des Gottlosen wesens ein ende mache / durch die erscheinung seiner herrlichen zukunfft / 2. Thess. 2.

WEl in die Lere so vollkommen ins werck / vnd leben bey vns nicht wil komen / wie es wol solt sein / besorge ich / es werde vnser HERR Gott / wo der Jüngste tag nicht drein schlegt / die straffe nicht setzen lassen / Denn es wil bey vns mit dem leben doch gar nicht folgen / auch in dem geringsten nicht / das man dem Nehesten diene / welches doch  
ja nicht

ja nicht weit gesetzt ist / denn man darff nicht gen Rom / noch zu S. Jacob laufen / oder gelt vnd gut darumb geben / Gib allein deinen willen dazu / Weil wir aber so verzweuelte Leute sind / vnd doch zuvor vnter dem Papsst zu viel gethan haben / jzt aber nichts thun / so mus entweder der Jüngste tag drein schlagen / oder vnser **HEXX** Gott

wird Kotten schicken / das wir widerumb thun / das nicht von nöden ist / Denn **HEXXVI** Christo ist es hefftig angelegen / das sein Wort so solt veracht vnd verfolgt werden / Darumb werden es die nicht so weg tragen / so vrsach dazu geben. Das sey jzt gnug von diesem Text.

## Am XIII. Sonntag nach

Trinitatis / Epistel / Gala. 3.



**I**ch wil nach menschlich / er weise reden / Verachtet mandoch eines Menschen Testament nicht (wennes besietigt ist) vnd thut auch nichts dazu. Nu ist je die Verheissung Abrahams vnd seinem Samen zugesagt. Er spricht nicht / Durch die Samen / als durch viele / Sondern als durch einen / Durch deinen Samen / welcher ist Christus. Ich sage aber davon / das Testament / das von Gott zuvor besietigt ist auff Christum / wird nicht auffgehoben / das die Verheissung solte durchs Gesetz auffhören / welches gegeben ist vber vierhundert vnd dreissig jar hernach / Denn so das Erbe durch das Gesetz erworben würde / so würde es nicht durch Verheissung gegeben. Gott aber hats Abraham durch verheissung frey geschenkt.

Was sol denn das Gesetz? Es ist dazu komen / vmb der Sünde willen / Bis der Same keme / dem die Verheissung geschehen ist. Vnd

ist gestellet von den Engeln / durch die hand des Mittelers. Ein Mittler aber ist nicht eines einigen mittelers / Gott aber ist einig.

Wie? Ist denn das Gesetz wider Gottes verheissen? Das sey ferne. Wenn aber ein Gesetz gegeben were / das da künde leben dig machen / so keme die Gerechtigkeit warhafftig aus dem Gesetze. Aber die Schrift hat es alles beschlossen vnter die Sünde / Auff das die Verheissung keme / durch den Glauben an Ihesum Christum / gegeben denen / die da glauben.



**D**ies ist auch eine scharffe Epistel / die dem gemeinen Man vnuerstendlich lauter / Aber es macht auch / das diese Lehre bisher nicht geübt vnd getrieben worden ist / Darumb sie auch nicht hat können verstanden werden / So ist sie auch zu lang vnd zu reich / in der kurz gar zu handeln / Sie ist aber reichlich ausgelegt / in dem ganzen Comment vber diese Epistel zum Galatern / weres lesen wil.

ES gehet die Summa dahin / das S. Paulus allhie / wie in der gangen Episteln gerne wolt die Christen gewaltiglich vnterrichten / wie sie sollen vnterscheid fassen zwischen der gerechtigkeit des Glaubens / vnd der gerechtigkeit der werck / oder des Gesetzes. Vnd treibet

y iij bet

Summa  
dieser Epist.



## Auslegung der Epistel

bet der Apostel in diesem Text (auff das wir ein wenig die Hauptpunct fassen) zwey stück. Das erste sagt von dem Artikel / das wir gerecht werden allein durch den Glauben / vnd bewehret das vber viel vrsachen vnd beweisungen / auch daher / das er anzeigen vnd spricht.

Daßbey solt jr ja mercken vnd greiffen / das niemand (weder die Jüden / noch viel weniger andere Heiden) durch werck oder Gesetz gerecht wird. Denn das Gesetz ist erst vier hundert vnd dreissig jar hernach gegeben / nach dem Abraham (der doch solte der Vater sein des ganzen Volcks Gottes) Christus verheissen vnd zugesagt war / in dem selben alle Menschen zu segnen / Vnd schon von im gezeuget war / das er durch den Glauben für Gott gerecht gesprochen.

Vnd wie er ist gerecht worden / vnd im der Segen zugesprochen / vmb seinen Glauben / Also sind gewislich seine Kinder vnd nachkommen auch gerecht worden / vnd haben den verheissenen Segen erlanget / durch den selben Glauben an diesen Samen / vmb welches willen der Segen aller Welt verheissen war / Denn Gott hat allzeit also gehandelt mit den Jüden / vnd aller Welt / das er inen hat zugesagt seine gnade vnd vergebung der sünden (das heisst für Gott gesegnet werden) da noch kein Gesetz (das durch sie furgeben gerecht zu werden) gegeben / noch Moses geboren war.

Daßbey kan je das Gesetz / welches diesem Volck gegeben ward / erst vber so lange zeit / nicht dazu gegeben sein worden / das sie solten dadurch gerecht werden / Sonst hette ers wol zuvor gegeben / Oder so es zur gerechtigkeit not were / weren Abraham selbs vnd seine Kinder / bis auff die zeit / nicht gerecht gesprochen etc. Ja / Gott hat es eben darumb also geordnet / das er das Gesetz so lange hernach gegeben hat / welches er wol bette lengest zuvor können geben den Vtern / Als wolte er also mit der that zeigen vnd leren / das es nicht dazu gegeben würde / das Gottes gnade vnd Segen daher keme / Sondern aus der lautern barmherzigkeit Gottes / welche so lang zuvor verheissen vnd auch gegeben war / Abraham vnd andern / die glaubig gewesen waren.

Daßbey schlesst nu S. Paulus /

Wie hat das Gesetz können zur gerechtigkeit helfen / denen / so vor Mose gegeben / weil er ist der erste gewesen / durch den es gegeben / so doch vor im auch heilige vnd selige Leute gewesen? Woher haben sie solches gehabt? nicht daher / das sie zu Jerusalem geopffert / oder das Gesetz gehalten / sondern / das sie geglaubt haben dem Wort / dadurch inen Gott verheissen / sie zu segnen in dem zukünfftigen Samen Christo. Darumb sind auch die / so hernach gelebt / nicht durch das Gesetz gerecht worden / Denn sie haben nicht auff ein ander weise Gottes gnade empfangen / weder die vorigen. So hat je Gott seine Verheissung des Segens / die er on Gesetz vnd vmb sonst verheissen vnd gegeben / hernach durch das Gesetz nicht auffgehoben noch widerrufen etc.

Wie möchte jemand klügeln / vnd S. Paulo einreden / vnd sagen / Ja / ob wol die Vtern nicht Mose Gesetz gehabt / so haben sie doch auch eben das selbige Gottes Wort gehabt / das die zehen Gebot leret / welches auch von anfang der Welt in der Menschen hertz gebildet ist / Daher man es auch heisset das Gesetz der Natur / oder Natürliches Gesetz / On allein / das es hernach dem Jüdischen volck öffentlich gegeben / vnd in die zehen Gebot verfasst ist / Vnd möchte wol gesagt werden / das Moses die zehen Gebot von den Vtern genommen / wie Christus auch von der Beschneidung sagt / Johan. 7. Denn es ist ja gewis / das die Vtern von anfang die selben geleret vnd getrieben haben bey sten Kindern vnd nachkommen. Wie reimet sich denn / das S. Paulus wil schliessen / das die Vtern nicht durchs Gesetz gerecht worden sind / weil es erst vber vier hundert jar nach Abraham gegeben ist / Gleich als hetten die Vtern zuvor kein Gesetz gehabt?

Daßbey kurz zu antworten / mustu auff S. Pauli meinung sehen / wohin er redet / Denn er sibet eigentlich auff der Jüden rhum / das sie auff's Gesetz pocheten / als das inen durch Mosen von Gott gegeben / dazu / das sie solten Gottes eigen Volck sein / Darumb meineten sie dadurch für im gerecht zu sein / halten sie sich vliessen / das selb zu werten. Warumb solt es Gott sonst gegeben haben

Beweisung des Artikels / Das man allein durch den Glauben gerecht werde

Gesetz ist erst lang nach der Verheissung der gnaden gegeben.

Gesetz nicht zur gerechtigkeit für Gott gegeben.

Die Vtern vor Mose sind nicht durchs Gesetz gerecht worden.

Der Jüden trog auff das Gesetz.

haben (sagten sie) vnd vns damit von allen Heiden unterschieden / wenn wir nicht solten vmb des Gesetzes willen für Gott mehr gelten vnd angenehmer sein / denn andere / die es nicht haben? etc.

Die Jüden hielten Gottes Verheißung von Christo für nichts gegen dem Gesetz.

Woffden trotz vnd rhum stunden sie so gar / das sie der Verheißung des Segens in dem zukünftigen Samen / welche ihren Vetern gegeben / gar nichts achteten / noch dachten / das sie der selben bedürfften / dazu / das sie im Glauben der selben müssen gerecht werden / Vnd als so im grund dafür hielten / als were sie von Gott auffgehoben / vnd nichtig gemacht / on das sie dennoch die Verheißung des Segens eufferlich dahin deuteten / das Messias kommen würde / vnd ihnen vmb jres Gesetzes vnd frömmkeit willen / die herschafft der Welt / vnd ander grosse belohnung geben.

Solchen nichtigen wahn vnd rhum zu verlegen / vnd zu beweisen / das sie nicht durch das Gesetz gerecht noch Gottes Kinder worden sind / füret er dis ein / das die heiligen Patriarchen / ihre Veter / bis ins 430. jar / nicht sind / weder durch das Gesetz / dauon sie rhumen / gerecht worden (weil es noch nicht gegeben war) noch durch einige ihre werck (sie heissen das Natürlich Gesetz oder die zehen Gebot) Denn Gott hat je keine Verheißung des Segens vnd der seligkeit / auff ihre werck / mit ihnen gemacht / Sondern aus lauter gnaden ihnen den Segen (das ist / gnad oder gerechtigkeit / vnd alle ewige güter) zu gesagt vmb sonst zu schencken / auff den zukünftigen Samen / Welcher auch zu vor den ersten Eltern verheissen war / on jr verdienst / ja da sie durch vbertretung in Gottes zorn vnd verdammis gefallen waren.

Verheißung des Segens nicht auff werck gestellet.

Durch Gesetz vnd werck sind die Veter nicht gerecht worden.

Darumb / ob wol die Veter auch das erkenntnis des Gesetzes / oder Gottes Gebot gehabt / hat sie es doch nicht dazu geholfen / das sie für Gott gerecht würden / Sondern haben müssen die gnädige Verheißung Gottes hören / vnd mit Glauben fassen / welche nicht auff werck / sondern allein auff den zukünftigen Samen / gestellet / Denn on das / wo sie hetten mögen durchs Gesetz oder werck gerecht werden / were es gar on not gewesen der Verheißung des Segens in Christo etc.

SO nu Abraham vnd die Veter nicht haben mögen durch werck gerecht werden / auch nicht worden sind / So sind eben so wenig ihre Kinder vnd Nachkommen durchs Gesetz vnd werck gerecht worden / Sondern nicht anders / denn durch den Glauben vnd Verheißung / Abrahams vnd seinem samen gegeben / das in nicht allein die Jüden / sondern alle Heiden solten (durch gleichen glauben) gesegnet werden.

Jesús treibet vnd gründet nu S. Paulus weiter / eben auff diese zwey stück / Nämlich / Gottes Verheißung / vnd lauter gnade oder geschenck / zu wider dem rhum des Gesetzes vnd eigens verdiensts. Zum ersten füret er erzueinen Spruch / von dem recht vnd krafft / so ein jedes Testament haben sol / oder Verheißung des letzten willens etc. Wie es denn auch Gottes ordnung ist / aus dem vierden Gebot. / das der Eltern letzter wille sol gehalten werden / von den Kindern vnd Erben. Dauon spricht er nu / Zelt mans doch in Menschen Testament also / wenn es bestetigt wird (das geschiet durch des Menschen tod) so thar es niemand endern / noch dazu oder dauon thun. Wie denn die Juristen sagen / das es auch ein Götlich gesetz ist / das niemand des Menschen letzten willen sol brechen / Wie viel mehr sol denn Gottes Testament vnuerbrochen vnd vnuerändert bleiben.

S. Paulus grund auff Gottes Verheißung oder Testament.

Testament oder letzter wille sol nicht geändert werden

W hat Gott auch ein Testament gemacht / welches sol sein endlicher letzter wille sein / das er wolle segnen alle Völker durch den Samen / den er am ersten den Vetern verheissen / Das hat er beschlossen vnd zugesagt Abraham / vnd in jm aller Welt vnd vns allen / vnd dazu bestetigt durch den tod dieses Samens / seines eintigen Sones / der darumb hat müssen Mensch werden / vnd darob sterben (wie solches Abrahams in seinem eigen Son Isaac zu vor gedenket / da er zum tod geopffert ward) Auff das die Erbschafft des Segens vnd ewigen Lebens vns gegeben würde etc. Das ist sein letzter wille / vnd wil keinen ändern machen / Darumb kan vnd sol den selben niemand endern / oder et was dazu thun.

Gottes Testament in Christo bestetigt.

DAs heisse aber dazu gethan / oder den selben gebrochen / vnd widerrufen / So man jzt nu solch Testament eröffnet /

net /

## Auslegung der Epistel

net / vnd der Segen angekündigt ist aller Welt / erst wil surgeben / das man den selbigen durchs Gesetz müsse verdienen / Gleich als solte es on das / krafft seiner Verheissung vnd willens / nicht gelten.

**S**umma / dis Testament (schleusst S. Paulus) ist ein lauter Verheissung des Segens / vnd der Kindschafft Gottes / darumb gilt da kein Gesetz / das man thun solte / den Segen zu verdienen / Es gilt hie nichts / denn der wille / der da verheisst vnd spricht / Ich wil nicht ansehen ewer thun / sondern verheisse euch den Segen (das ist / gnade vnd ewiges Leben) die jr in sünden vnd tod erfunden werdet / Das wil ich bestetigen durch den Tod meines Sons / der sol euch solch Erbe verdienen vnd zu wesgen bringen.

**W**eil denn Gott solch Testament erstlich on Gesetz gestiftet / vnd also bestetigt / So hat das Gesetz / welches lang hernach öffentlich gegeben vnd bestetigt ist / nicht können dem selben etwas abbrechen / viel weniger auffheben vnd widerrufen. Vnd wer solches wil sagen oder leren / das man müsse durchs Gesetz gerecht werden / das ist / Gottes Segen erlangen / der thut nichts anders / denn das er Gott in sein Testament greiffet / vnd seinen letzten willen zureißt vnd zu nicht machet. Das ist ein grund S. Pauli / aus dem Wort Verheissung oder Testament / der da wol zu verstehen ist / Denn niemand so grob ist / der nicht könne vnterscheiden zwischen den zweien / Gesetz oder Gebot vnd Verheissung.

Durch Gesetz wollen gerecht werden / ist die Verheissung der gnaden nichtig machen.

2. Gottes geschenck leidet keinen rhum vnser werck.

**Z**um andern gründet S. Paulus auch auff dis Wort / Abraham hat es Gott geschencket etc. Da ist auch leicht einem jeden / der da Vernunft hat / zu richten / das viel ein ander ding ist / etwas geschencket haben / vnd etwas verdienen / Denn was verdienet ist / das wird aus pflicht vnd schuld gegeben / als ein lohn / vnd hat sich der / so es empfehet / zu rhümen (mehr / denn der es gibt) vnd sich auff sein recht zu berufen / Was aber umb sonst / vnd (wie S. Paulus hie redet) frey oder aus gnaden geschencket wird / da ist kein rhum des verdiensts noch rechtes / bey dem / der es empfehet / Sondern er mus allein die güte vnd mildigkeit rhümen / des /

von dem er solch geschenck empfangen hat etc.

**A**lso schleusst auch nu hie S. Paulus / Gott hat Abraham den Segen vnd das Erbe durch die Verheissung frey geschencket / Darumb hat ers je nicht durch werck verdienet noch im beslohnnet / viel weniger seinen kindern. Das ist je deutlich gnug / vnd kan es auch ein kind verstehen / das die zwey nicht zu gleich bestehen / sondern müssen gescheiden werden / Was durch werck verdienet als ein lohn / Vnd aus gnaden vnd lautern freien willen umb sonst / verheissen oder geschencket wird.

**W**id hat Gott hiemit das mau gestopft der ganzen Welt / vnd zuor komen / das sie nichts zu rhümen hat / als habe sie umb des Gesetzes willen Gottes gnade empfangen / Weil er die selbe vor dem Gesetz vnd irem verdienst / umb sonst verheissen vnd gegeben hat / Denn er ja mit seinem eigen Volk / Abraham vnd seinen nachkommen / also gehandelt / das er erstlich verheissen / in vnd sein ganzes geschlecht zu segnen / vnd nichts meldet von keinem Gesetz / werck oder lohn / sondern stellet alles allein auff den zukünftigen Samen.

**D**ieser Verheissung haben sie gelebt / vnd sind darauff auch gestorben / er selb Abraham / vnd seine kinds kinder / bis vber 430. jar / da sehet er erst an / vnd gibt das Gesetz / ordnet einen eusserlichen Gottesdienst / Priestertum etc. wie sie leben vnd sich regieren sollen / so sie nu ein eigen Volk worden / von frembder herrschafft erlöset / vnd in ir land gebracht sind / das sie müssen auch ein eigen eusserlich Regiment haben. Nicht / das sie dadurch erst solten vergebung der sünden vnd Gottes segnen erlangen. Das ist die Summa des ersten stücks in dieser Epistel / das S. Paulus wil leren wol vnterscheiden in dieser sache / so man leren sol / wie man fur Gott gerecht werde / die zweierley stück / Verheissung vnd Gesetz / Item / Gabe oder geschenck / vnd verdienst oder lohn.

**W**o man nu solches leret / das Gott aus lauter Gnade / umb kein Gesetz vnd verdienst / vergebung der sünd vnd ewigs Leben schencket / So fellet bald die frage ein / Wo zu

Gerechtigkeit wird aus gnaden geschencket / nicht als lohn verdienet.

Frage/wozu  
zu das Ge-  
sez gege-  
ben.

Wozu ist denn das Gesetz gegeben oder  
nutze? Sol man denn kein gute werck  
thun? Warumb leret man denn die zehē  
Gebot? Darumb komet nu S. Paulus  
auch darauff/ das er selbs so bald die fra-  
ge herfürer. Wozu sol denn das Gesetz?

Vnd also anseheth weiter nach der lenge  
zu handeln/ was des Gesetzes ampt vnd  
brauch sey / vnd zeiget den vnterscheid  
desselben vnd des Euangelij. Davon  
droben vnd anderswo reichlich  
gnug gesage ist.

## Euangelium am XIII. Son- tag nach Trinitatis / Luce 10.



**L**ESUS wandte sich  
zu seinen  
Jüngern /  
vnd sprach  
in sonder-  
heit / Selig  
sind die Augen die da  
sehen / das jr sehet / Denn ich sage  
euch / Viel Propheten vnd Könige  
swolten sehen / das jr sehet / vnd ha-

bens nicht gesehen / vnd hören das jr  
höret / vnd habens nicht gehöret.

Vnd sihe / Da stund ein Schrifte  
gelerter auff / versuchte in / vnd  
sprach / Meister / Was mus ich  
thun / das ich das ewige Leben er-  
erbe? Er aber sprach zu im / Wie  
siehet im Gesetz geschrieben? Wie  
liesest du? Er antwortet / vnd sprach /  
Du solt Gott deinen **HERREN**  
lieben / von ganzem hertzen / von  
gantzher Seele / von allen Krefftten / vñ  
von

## Auslegung des Euangelij

von ganzem Gemüte. Vnd deinen Nehesten als dich selbst. Er aber sprach zu ihm / Du hast recht geantworret / Thu das / so wirstu leben.

Er aber wolt sich selber rechtfertigen / vnd sprach zu Ihesu / Wer ist denn mein Nehester? Da antwortet Ihesus / vnd sprach / Es war ein Mensch / der gieng von Jerusalem hinab gen Jericho / vnd fiel vnter die Mörder / Die zogen in aus / vnd schlugen in / vnd giengen dauon / vnd lieffen in halb tod ligen. Es begab sich aber one gesehr / das ein Priesier die selbige Strasse hinab zoch / Vnd da er in sahe / gieng er fur vber. Des selbigen gleichen auch ein Leuit / da er kam bey die Stet / vnd sahe in / gieng er fur vber.

In Samariter aber reisete / vnd kam dahin / Vnd da er in sahe / jamerte in sein / Gieng zu ihm / verband ihm seine Wunden / vnd goss drein Ole vnd Wein. Vnd hub in auff sein Thier / vnd fürete in in die Herberge / vnd pflegt sein. Des andern tages reisete er / vnd zoch eraus zween Grosschen / vnd gab sie dem Wirte / Vnd sprach zu ihm / Pflege sein / Vnd so du was mehr wirst darthun / wil ich dir bezalen / wenn ich wider kome.

Welcher düncket dich / der vnter diesen dreien der Nehest sey gewesen / dem der vnter die Mörder gefallen war? Er sprach / Der die barmhertzigkeit an ihm that. Da sprach Ihesus zu ihm / So gehe hin / vnd thue des gleichen.

Drey stück dieses Euangelij.



Das Euangelium hat furnemlich drey stück / Zum ersten / das der HERR preiset die zeit des offenbaren vnd vera

kündigten Euangelij / welches man recht vnd billich heisset die zeit der Gnaden. Zum andern / Leret es / was da sind rechtschaffene gute werck / nach Gottes gebot / Vnd zeiget das / durch ein schön Exempel oder geschicht des Samariters / vber dem verwundten. Darin er auch das dritte stück fursettel / als in einem leiblichen gemelde / ein Bilde des Reichs Christi / das ist / der Gnaden / so die Predigt des Euangelij verkündiget. Das erste ist / da er spricht.

Selig sind die augen / die da sehen das jr sehet / vnd die ohren die da hören / das jr höret / Denn ich sage euch / Viel Propheten vnd Könige wolten sehen / das jr sehet / vnd habens nicht gesehen / vnd hören das jr höret / vnd habens nicht gehöret.

Das redet er (spricht der Euangelist) zu seinen Jüngern in sonderheit / vnd eben zu der zeit / da er sonderlich bewegt war / mit freuden im Geist / oder geistlicher freude / vnd darüber seinem himlischen Vater von hertzen dancket / vnd preiset / für die offenbarung des Euangelij. Da bey man sihet / das im solchs sonderlich angelegen mit den Jüngern zu reden / als daran auch inen ire seligkeit gelegen.

Was ist solche rede nichts anders / denn ein preis des Euangelij / das sie die zeit erlebet (vnd nu hören vnd sehen) der offenbarung des selben / welches bringet der Welt erlösung vnd seligkeit / von sünden vnd allem jamer. Von welcher zeit oder offenbarung / die lieben Propheten zu vor herrlich geweißt sagt / vnd aus der massen hertzlich darnach gesenfftet vnd geruffen haben (wie sonderlich im Psalter / vnd im Propheeten Jesaia gesehen wird) Daher seid jr (spricht er) selig vnd vber selig / denn jr habt nu das rechte galden jar / vnd eitel gnadenreiche vnd selige zeit / Darumb sehet nur zu / das jr die behaltet / vnd jr wol brauchet.

Denn es ist solch preisen / ein trewe vermanung / Ja auch ein ernste Klage rede / Denn er vermanet zur danckbare zeit / für solche gnade / vnd widerumb Klage

Die offenbarung des Euangelij von Christo mit großem ernst geprediget.

Ernst vermanung Christi zur danckbare zeit für das Euangelium.

Plagt vber die grosse vndanckbarkeit der Welt / das so wenig Leute sind / die solchs erkennen vnd annehmen / vnd so viel die es verachten. Darumb / spricht er / habe sich Christus in sonderheit gewandt zu den Jüngern / vnd sie gepreiset / Als wolt er sagen / Ja / ir seid wol selige augen vnd ohren / die ir es sehet vnd höret / Denn leider dagegen so viel sind / der augen vnd ohren / die es nicht sehē noch hören wollen / ob sie es gleich für augē vnd ohren haben. Zeigt damit das / wie gross vnd vberschwenglich der schatz sey / vnd tröstlich gepredigt werde / müsse es doch bey dem grossen hauffen nichts / denn verachtung vnd verfolgung haben.

Vnd wendet sich jzt die zeit also / Da zuvor die lieben Väter vnd Propheten gerne ir Leib vnd Leben dafür gegeben herten / das sie solchs herten mögen erleben / vnd wo es ihnen widerfahren were / hette ir Herz im Leibe gegrünet für freuden / vnd sich lassen düncken auff eitel rosen gehē. Wie der frome alte Simeon / da er den Zeiland auff seinen armen hatte / da er als ein Kindlin noch nichts reden noch thun kunde / mit allen freuden sein leben dahin gab / vnd dasselb vnd alles was darin ist / nicht mehr begeret.

Die liebe Mutter Zeybat vnd schrey auch wol darnach / vnd ward fro / da ir Gott iren ersten Son gab / denn sie meinet / er würde es sein. Aber noch viel engstlicher verlangte sie darnach / da ire hoffnung an diesem gefeilet hatte. Vnd hernach desgleichen aller Väter Herz darnach gehangen / vnd geseuffzet hat / bis so lang er komen ist / vnd sich hat lassen sehen vnd hören. Da solt erst alle welt mit grossen freuden in angenomē / vnd sich selig gerühmet haben / wie er denn darumb selbs solche gnade preiset.

Wie frölich vnd von gangem brünstigem Herzen / dancket Gott der frome David / da er am ersten von dem Propheten Nathan höret Gottes verheissung / 2. Reg. 7. das er im nicht allein ein Haus vnd beständig Königreich auff seine Erben bawen wolte / Sondern auch Christus von seinem Leibe wolt lassen geboren werden / vnd ein ewig Königreich stifften / seiner gnade vnd barmhertzigkeit. Das er auch für grossen freuden nicht weis / was er für Gott sagen / vnd wie er im dancken solle / Vnd so viel schöner Psalmen (sonderlich den 89.) davon

gemacht / Dazu in seinen letzten worten vnd Testament diese wolt hat auff's herrlichste preiset / vnd spricht / Das ist alle mein heil / vnd alle lust etc. 2. Reg. 23.

Aber nu die liebe selige zeit komen ist / keret sich (sage ich) also / das sie solche Leute erlebet vnd findet / die diese vmb sonst geschenckte reiche gnade vnd höchste wolt hat Gottes weder sehen oder hören / noch wissen vnd leiden wollen. Gleich wie man jzt auch sihet vnd greiffet / das / die da wollen die Kirche sein / vnd Christen heissen / Bapst / Bischof / mit irem hauffen / die da solten die hende gegen himel heben / vnd Gott dancken / das sie aus iren finsternis vnd blindheit erlöset / das helle liecht des Euangelij möchten haben / Die tragen feur vnd wasser zu / weizen schwert vnd woffen / das sie die / so es leren vnd bekennen / aus der welt jagen.

Desgleichen sind vnter vns so viel vndanckbarer falscher Christen / die es auch auff's sicherst verachten / Zuvor / da wir vnter des Bapsts gefengnis steckten / beschweret mit den Lügenpredigen des Ablass / Segfews / vnd aller Mönchen trewne / wie war da ein seuffzen vnd verlangen aller Welt / nach rechtschaffener Predigt ? Wie gerne hette man da alles gegeben / gethan vnd gelidten / was da were möglich gewesen / das man hette etwo mögen rechten vnterricht vnd trost hören / vnd von der engstigen marter der Beicht / vnd ander tyranney des Bapsts / mit gutem gewissen ledig werden. Vnd wie fro worden des am ersten viel fromer Leute / die solches erkennen / vnd Gott dafür danckten ? Jzt aber / wie viel sind ir / die sich des von hertzen freuen vnd erkennen / wie selig sie sind / das sie solches hören vnd sehen mögen / Wie bald werden sie des seligen schatzs vberdrossen / vnd darnach anders suchen / dadurch sie vergessen alles was sie empfangen haben / vnd die Welt wider mit Rotterey vnd falscher Lere gefüllet wird ?

Wolan / an dem sehen vnd hörē ligt es gar / Es ist reichlich offenbaret / vnd sehet klar am liecht für augen vnd ohrē / Aber es ist der grosse hauffe der welt / die können nicht sehē noch erkennen / obs ihnen gleich in die augen stößet / vnd on vnterlas in die ohrē klinget vnd klappet / Denn wo sie künden et was da

Der welt vndanckbar-keit für das offenbarte Euangelium.

Der heiligen Väter sehnē vnd seuffzen nach der offenbarung des Euangelij.

Der Väter verlangen nach Christo.

Dauids freude vñ thum von dem verheissen Christo.

Sonderliche gnade wo jemand Christus sehen vnd hören kan.

## Auslegung des Euangelij

von hören vnd sehen/so würde es ja bey jnen auch etwas schaffen vnd bessern/ das sie verstendiger würden / vnd der warheit nicht also widerstünden.

*Rotten vnd Klüglinge können nichts vom Euangelio verstehen.*

Was hat es geholffen alle Pharisaeer/ das Christus selbs jnen das Euangelij um geprediget hat? Vnd was hilfft es noch alle vnser Rotten vnd Klüglinge/ wenn es noch so helle gepredigt würde/ wie man vergebung der sünde erlange/ vnd rechten trost des gewissen/ Item / wie in jedem stand ein Christen leben vnd wissen solle / das er Gott gefalle/ davon sie zuvor nichts vberall gewußt noch gehöret/ Das sie selbs bekennen/ es sey ja ein feine Lere/ bleiben aber gleichwol star vnd stock blind dabey/ vnd gehet nicht in jr hertz / das sie darnach sich richten oder leben kündten/ ist jnen alles frembd/ was sie davon hören/ lesen/ oder selbs reden.

Denn sie sind zu gar erstarrtet vnd ersticket in andern gedanckē jres eigen dünkels/ vnd gefallens an denen dingen/ davon sie viel halten / das sie nichts dafür sehen noch hören können. Wird also an jnen erfüllet / wie zuvor durch die Propheten vnd Christum dem Jüdischen volck vnd allen jres gleichen gesagt/ das sie sollen mit sehenden augen nichts sehen/ vnd mit hörenden ohren nichts hören/ auff das sie sich nicht bessern noch selig werden. Das ist die höchste/ greulichste vnd schrecklichste straffe / die sie selbs vber sich führen/ vnd also geplaget werden/ das sie teglich müssen Gottes Wort vnd werck sehen vnd hören/ welches allen Menschen zu heil vnd seligkeit gegeben/ Vnd doch nicht die gnade haben/ das sie es kündten annemen/ sondern nur daran jren verdries hören vnd sehen/ vnd also dawider erbittert werden / das sie lieber wolten den Teuffel aus der Hellen hören vnd sehen.

*Große gnade vnd nutz was das Euangelium recht verstanden wird*

Widerumb ist es auch ein trefflich große gnade vnd schatz/ wer diese Lere kriegt/ das er sie recht sibet vnd höret/ das man solche wol mag selig sprechen. Denn solch gesicht vnd gehöre/ wo es in ein hertz kömet/ so vol vnd reiche güter bringt vnd gibt/ an verstand / erleuchtung / trost / stercke vnd zunemen des Geistes/ freude vnd leben/ das es sein nimmer gnug hören vnd sehē kan/ vnd auch nichts dafür begert zusehen / zu lernen noch zu wissen/ was man mag predigen/

lernen/ singen oder sagen / dazu / das es solt helffen zur seligkeit. Ja/ es lefft alle ander ding fur über gehen / als höre vnd sehe es nicht / ob es wol nach dem eusserlichen regiment vnd lebē viel mus sehen vnd hören/ hanget doch allein an diesem Lichte vnd erkentnis / welches ist so gros/ das es das herze vnd augen gar erfüllet / vnd alle ander ding vertunfelt vnd blendet.

Gleich wie die Sonne/ wenn sie auff gehet/ so gar mit irem liecht die Welt / das man Monden vnd Sternen nicht mehr sibet noch achtet / die doch des nachts auch jr liecht geben. Also las man hie auch leuchten was da kan / es heißen Gelerte / weise / heilige Leute/ auch Mosen / Propheten / Veter / vnd S. Johannem den Teuffel selbs / so sollen sie doch alle Christo weichen / Ja zeugnis geben / das er allein sey das Lichte/ von dem alle Menschen erleuchtet werden/ vnd sie selbs auch desselben müssen teilhaftig werden / Vnd in der Christenheit alles liecht / weisheit vnd lere ausser Christo auffhöre / oder allein in jm sich finden lasse.

*Des Euangelij liecht vertunfelt alle andere lere.*

Deagleichē sol auch der schöne klang/ der Chresten vnd die liebliche Musica des Euangelij / von Christo / also die ohren einnemen/ vnd füllen/ das man dafür auch kein anders nicht höre/ Gleich als eine große Glocken oder Heerpaucken vnd Posanen die lufft so vol schallet vnd dohnet/ das man nicht dafür höret / was man sonst redet / singet vnd schreiet / Also/ das in alle vnserm leben vnd thun/ alle zeit die Wort die oberhand habe im hertzen/ durch den Glauben / vnd von keinem andern trost / gerechtigkeit vnd heil wisse.

*Der Chresten ohren sollen nicht einnemen/ denn das Euangelium höret.*

Das weren wol selige augen vnd ohren/ die der seligen zeit des Euangelij kündten also brauchen / vnd erkennen/ was jnen darinne Gott gegeben / Denn solche angē vnd ohrē helt Gott selbs fur einen trefflichen thewren schatz vnd heiligtum/ mit aller Welt nicht zu bezahlen/ wenn sie auch viel mehr vnd heller Lichte vnd Sonnen hetten.

Das ist die vermanung Christi an seine liebe Jünger vnd Christē/ Ja auch ein trost vñ reigung gerne bey dem Euangelio zu bleibē/ weil er es so hoch vnd theur achtet vnd preiset. Aber wie solches bey den andern geachtet wird/ die da nicht

*rechte*





## Auslegung des Euangelij

Wiewol sichs doch alhie nur ein wenig anseheth in den Christen/ Aber in jenem Leben werden wirs jmer vnd ewiglich fur augen vnd hertzen haben / vnd des selben leben.

Kurz es ist viel zu hoch vber alle menschen verstand/ hertz vnd sinne/ was diese wort heissen/ Gott lieben von ganzem hertzen/ allen krefftten/ von ganzer seele vnd gemüte. Denn es erferets doch niemand/ on ein wenig die/ so das Euangelium haben/ vnd Christum durch den glauben gefasset / in nöten vnd ansechtungen in anruffen / desselben trost vnd stercke empfaben / vnd also einen schmack dauon empfinden / Aber doch selbs fülen vnd klagen / wie alle Heiligen vnd S. Paulus selbs / das sie noch fern dauon sind/ vnd ir fleisch vnd blut nichts denn sünde vnd tod sälet/ welchs freilich nicht geschehen würde / wo dis Gebor also im leben gienge.

Darumb ist es ja ein schendlich verdrieslich ding / vmb solche hoffertige heillose Geister/ wie dieser Schrifftgelehrter/ die so sicher dahin gehen/ das sie gar nichts achten/ weder des hohen ernstest gebot Gottes / noch von der Lere des Euangelij hören oder wissen wollen/ Lassen sich düncken/ es sey gnug daran/ wenn sie die wort/ Du solt Gott von ganzem hertzen lieben/ vnd deinen Nehesten als dich selbs/ gehört haben vnd reden können/ Sehen nicht / das Gott nicht wil solche Lere allein gehört vnd geredt / sondern gethan haben/ Vnd wo man solchs nicht achtet/ damit viel höher vnd vntreglicher verdammis auff sich ladet/ wie Christus Luc. 12. sagt/ Der Knecht / der seines Herrn willen weis/ vnd thut in nicht / der wird beste mehr streiche leiden müssen etc. Darumb gibt im auch Christus kein ander antwort darauff/ denn diese.

Du hast recht geredt / Thu das/ so wirstu leben.

Bestettung des  
segs lere/  
Thu das.

Das heisse recht das Gesetz gepredigt/ vnd ein gute starke Leccion auff gegeben/ Ja in durch sein eigen wort gefangen/ vnd bey dem rechten ort ergriffen/ da er im kan zeigen / woran es im mangelt. Die Lere (spricht er) ist köstlich vnd recht/ aber lieber thue es auch/ den Theter wolt ich gerne sehen/ Da sey meister/ vnd las deine kunst sehen/ Denn

geredt/ geschriebe hab vnd wisset ir sie alle/ bedurfft deshalb kein anders. Aber daran feilet dir vnd den andern/ das ir sie nicht auch thut / meinet es sey gnug die wort sagen / vnd dencken/ Nein/ dauon wird niemand leben noch selig werden/ Es mus gehalten vnd gethan sein/ oder wird auch nicht das Leben/ sondern Gottes zorn vnd ewiger Tod auff euch bleiben.

Das ist das vrteil vber solche Klüglinge/ die da viel wollen wissen/ vnd derman lernen/ wie man selig werde/ <sup>Verteil vber die so das Gesetz thun men.</sup> vnd doch nichts mehr denn von vnserm thun vnd wercken / vnd die Lere des Euangelij verachten. Das solch fugeben nichts ist/ denn lauter los/ ledig vnd nichtig gewesch/ da nichts nachfolget/ Wie auch S. Paulus von solchen Gesetz vnd Werckleren sagt/ Gal. 6. Sie selbs/ so sich beschneiden lassen/ die halten das Gesetz nicht/ Das man inen billich sagen mag/ wie hie Christus diesem / Lieber Meister/ Thue du selbs / was du ander Leut lere/ vnd heissest/ Vnd wie auch S. Paulus Rom. 2. sagt / Du thümest dich einen Meister vnd Lerer der vnuerstendigen etc. Tu lere/ vnd le rest dich selber nicht/ Khümest das Gesetz/ vnd schendest Gott/ durch vbertretung des Gesetzes etc.

Also sibet man an allen bepftischen Sophisten/ Kotten/ vnd was nicht der reinen Lere des Euangelij ist / was sie fugeben von grossen trefflichen wercken/ vnd sich zum höheste damit schmäcken/ wie bisher die heiligsten Mönche/ So ist es doch nichts gethan / ja nur Gottes gesetz vbertretten/ vnd dawider gethan/ Wie sich an solchen beweiset/ vnd Christus in der folgenden gleichnis zeigt/ das niemand vnbarhertziger/ heffiger/ vnd aller dinge on liebe des Nehesten ist (viel mehr on die liebe zu Gott) denn solche Zenchler.

Ja es ist die wort Christi (Thue das) die ewige Leccion vnd Predigt/ die da allen Menschen (auch den Heiligen) gepredigt vnd gesagt wird/ vnd sie schuldig/ das sie nicht können noch mügen fur Gott thumen/ irer werck / vnd dienst vnd heiligkeit halben / Sondern müssen (wo sie es recht erkennen / vnd fur Gott stehen sollen) sich selbs mit irem leben verdammten/ Das hie kein Zeilige

Das wort  
(Thue das)  
schuldig  
le: Newthom  
fur Gott.

Exempel aller Heiligen

lige je hat Königen darauff bestehen/weder im alten noch neuen Testament/  
Müssen sich alle spiegeln in dis wort/  
Thue das/welches heisse nichts andere/  
Denn so viel gesagt / Siehe / das hastu  
noch nicht gethan noch erfüllet.

Moses.

Wie Moses selbs/der doch den rhum  
hat/das er trew gewesen sey im ganzen  
haufe Gottes/vnd Gott heisset in sei-  
nen freund/mit dem er selbs mündlich/  
vnd von angesicht zu angesicht redet/  
noch mus er zu Gott sagen / Exod.24.  
Ab HERR Gott/aller Geister vnd al-  
les fleischs/der du bist barmherzig/ gne-  
dig vnd gedültig/vnd von grosser güte/  
vergißst mißthat / vbertrettung vnd  
sünde/vnd ist für dir niemand vn-  
schuldig. Da wirfft er beide / seine vnd aller  
Menschen heiligkeit hin/vnd schuldige  
sie für Gott.

Jesaja.

Desgleichen der Prophet Jesaja 6.  
Da er für Gott siehet vnd sibet seine  
herrlichkeit/ bekennet er / das er unrein  
ist/vnd mus von einem Engel getrüß  
werden/das seine sünde von im genomē  
seien etc. Vnd Jerem.17. Da er für Gott

Jeremia.

betet vnd rühmet (wider seine Verfol-  
ger) HERR/du weißest / was ich ge-  
predigt habe/das ist recht vnd dir gefel-  
lig. Da ist er heilig vnd wol daran/ vnd  
doch so bald umbkeret vnd spricht/Sey  
du mir nicht schrecklich / meine Zuversicht.  
Jerem 10. Züchtige mich HERR/  
doch mit masse (das ist in gnaden) vnd  
nicht in deinem grim/auff das du mich  
nicht auffreibest. Wo ist hie der frome  
vnd heilige Man/mit welchem je Gott  
nicht zürnet/Warumb fürcht er denn/  
das er in wolle zu nicht machen?

Daniel.

Also auch Daniel 9. seine vnd des  
ganzen Volcks sünde bekennet / vnd  
spricht/Wir ligen für dir mit vnserm  
Gebet/nicht auff vnser gerechtigkeit/  
sondern auff deine grosse barmherzig-  
keit. Vnd David selbs/da er vergebung  
der sünden/vnd gewissen trost empfan-  
gen/das er einen gnedigen Gott habe/  
Vnd offte rühmet/sonderlich in dem 118.  
Psalm/Wie er gethan habe/ was recht  
vnd Gott gefellig ist etc. Vnd Gott  
selbs solches von im zeuget / er habe ei-  
nen Man funden/nach alle seinem her-  
zen/Doch betet vnd singet er die engst-  
lichen Psalmen / Ab HERR / straffe  
mich nicht in deinem zorn/vnd züchtige  
mich nicht in deinem grim etc. Jerem/

David.

Ab HERR gehe nicht ins gericht mit dein-  
nem Knecht/denn für dir ist kein lebens-  
diger gerecht.  
Desgleichen auch S. Petrus Act. 17. Petrus.  
Thut den mund getrost auff/vñ spricht  
von dem ganzen Gesetz/ Was versucht  
ir Gott / mit auffliegen des sochs auff  
der Jünger helfe/ welches weder vnser  
Vater noch wir nicht haben mügen tra-  
gen etc. Das sage er von allen Heiligen/  
Vatern/Propheten/Aposteln/vnd solt  
wol mit der weise/sie alle aus dem Hie-  
mel schliessen (wie es denn geschehē müs-  
ste/des Gesetzes vnd ires thuns halben/  
wo sie nicht vnter dem Himmel der gna-  
den blieben weren) Wie er auch weiter  
sagt/Wir glauben durch die gnade des  
HERRN Ihesu Christi selig zu wer-  
den/gleicher weise/ wie auch jene wor-  
den sind. Vnd S. Paulus Act. 13. Auch Paulus.  
wird verkündigt vergebung der Sün-  
de/durch diesen/vnd von dem allen/das  
durch ir nicht kundet im Gesetz Mosi  
gerecht werden / Wer aber an diesen  
glaubet/der ist gerecht.  
So nu solchs auch die Heilige müssen  
bekennen/die doch die gnade vnd Heiligs  
gen Geist haben/Was wollen oder dürs-  
ten sich die andern blinden elenden Gei-  
ster vermessen/ vnd däncken lassen/die  
gebot Gottes gehalten zu haben/wenn  
sie inen selbs einen menschlichen gedan-  
cken machen vnd erwehnen / sie lieben  
Gott vnd den Nehesten? So sie doch so  
weit dauon sind/das sie noch nicht ver-  
stehen noch wissen/was Gottes gebot  
fordert/oder wie es gethan werde.  
Das beweisen sie damit/wenn es sol  
zum treffen gehen/da sie sollen die Lie-  
be gegen Gott vnd dem Nehesten recht  
sehen lassen/Als wenn sie vmb Gottes  
willen sollen etwas leiden / schaden/  
schmach/entweder von Menschen/oder  
wenn sie Gott selbs angreiffet mit sei-  
ner ruten/Da sibet man/das ir gemach-  
te gedanken lauter niches sind / Ja sie  
nur das widerspiel thun / wider Gott  
zürnen/murren/fluchen vnd lestern/als  
thue er inen vnrecht etc.  
Des gleichen auch gegen dem Nehes-  
ten/wo sie nicht wissen eines andern zu  
genießen / oder nutz vnd ehre dauon zu  
haben/sondern sollen vmb soust dienen  
vnd helfen den armē (wie dieser Sama-  
riter dem verwundten) oder auch scha-  
den vnd vndanck dafür gewarten / Da  
3 iij

Ab HERR gehe nicht ins gericht mit dein-  
nem Knecht/denn für dir ist kein lebens-  
diger gerecht.

Desgleichen auch S. Petrus Act. 17. Petrus.

Thut den mund getrost auff/vñ spricht  
von dem ganzen Gesetz/ Was versucht  
ir Gott / mit auffliegen des sochs auff  
der Jünger helfe/ welches weder vnser  
Vater noch wir nicht haben mügen tra-  
gen etc. Das sage er von allen Heiligen/  
Vatern/Propheten/Aposteln/vnd solt  
wol mit der weise/sie alle aus dem Hie-  
mel schliessen (wie es denn geschehē müs-  
ste/des Gesetzes vnd ires thuns halben/  
wo sie nicht vnter dem Himmel der gna-  
den blieben weren) Wie er auch weiter  
sagt/Wir glauben durch die gnade des  
HERRN Ihesu Christi selig zu wer-  
den/gleicher weise/ wie auch jene wor-  
den sind. Vnd S. Paulus Act. 13. Auch Paulus.  
wird verkündigt vergebung der Sün-  
de/durch diesen/vnd von dem allen/das  
durch ir nicht kundet im Gesetz Mosi  
gerecht werden / Wer aber an diesen  
glaubet/der ist gerecht.

So nu solchs auch die Heilige müssen  
bekennen/die doch die gnade vnd Heiligs  
gen Geist haben/Was wollen oder dürs-  
ten sich die andern blinden elenden Gei-  
ster vermessen/ vnd däncken lassen/die  
gebot Gottes gehalten zu haben/wenn  
sie inen selbs einen menschlichen gedan-  
cken machen vnd erwehnen / sie lieben  
Gott vnd den Nehesten? So sie doch so  
weit dauon sind/das sie noch nicht ver-  
stehen noch wissen/was Gottes gebot  
fordert/oder wie es gethan werde.

Das beweisen sie damit/wenn es sol  
zum treffen gehen/da sie sollen die Lie-  
be gegen Gott vnd dem Nehesten recht  
sehen lassen/Als wenn sie vmb Gottes  
willen sollen etwas leiden / schaden/  
schmach/entweder von Menschen/oder  
wenn sie Gott selbs angreiffet mit sei-  
ner ruten/Da sibet man/das ir gemach-  
te gedanken lauter niches sind / Ja sie  
nur das widerspiel thun / wider Gott  
zürnen/murren/fluchen vnd lestern/als  
thue er inen vnrecht etc.

Des gleichen auch gegen dem Nehes-  
ten/wo sie nicht wissen eines andern zu  
genießen / oder nutz vnd ehre dauon zu  
haben/sondern sollen vmb soust dienen  
vnd helfen den armē (wie dieser Sama-  
riter dem verwundten) oder auch scha-  
den vnd vndanck dafür gewarten / Da

Untregliche  
last des Ge-  
setz.

Auch Paulus.

Zuehler ha-  
ben gar ni-  
chts der lie-  
be Gottes  
noch des Ne-  
hesten.

## Auslegung des Euangelij

ist nicht allein kein Stücklin der Liebe/ sondern so bald rache suchen/ geben die Leute den Teuffel gar/ meinen dazu / sie thun recht daran/ vnd seien nicht schuldig/ solche zu lieben.

Eben in dem sinn ist dieser blinder Zechler auch / dencket vnd fraget gar nichts darnach/ was er Gott vnd dem Nehesten schuldig sey/ vnd wil doch heilig vnd from gehalten sein/ darumb/ das er ein Schriftegelerter heisse / vnd weis vom Gesetz zusagen/ Vnd ob er wol die schlappen von Christo empfangen/ vnd wol verstehet/ das er das Gesetz nicht gehalten/ Ist er gleichwol noch so sicher vnd frech/ Gottes wort zu verachten/ das er sich noch wil schön machen vnd hell hören/ vnd sehet an zu fragen.

**Wer ist denn mein Nehester?**

**E**r fület/ das er sich selbst verredet/ vnd das maul zu weit wider sich selbst auffgethan / vnd nu beschlossen vnd verrigelt ist durch des **HELV** antwort/ vnd in ein pflock lin für die Zungen gesteckt/ das er nicht zu rück kan. Noch ist er nicht so from/ das er Christo vnd Gotte die ehre thete / sich demütigte vnd bekenete die warheit/ das er solch Gebot leider nicht gethan etc. Sondern zuseret/ wil geschehen sein/ als habe er alles gethan / sonderlich gegen Gott. Darumb dencket er auch nicht zu fragen/ ob er Gotte etwas mehr schuldig were zu thun / Sondern begert allein im zu zeigen/ wer sein Nehester sey/ dem er noch sollte etwas schuldig sein/ vnd nicht gethan haben.

Das ist ein schendliche vermessenheit solcher Teuffels heiligen / das sie sich so gar sicher wissen für Gottes Gesetz gerürt/ vnd wenn sie schon durchs Gesetz gerürt/ vnd inen gnug gezeigt wird/ das sie es nicht thun / Noch keren sie sich nicht daran/ bis so lang sie ein mal rechte Gottes vrrteil vnd zorn triffe/ das sie es fühlen müssen.

Aber gleichwol ist hie mit gnug solcher Zechler lügen vnd schande auffgedeckt (ob sie gleich nicht wollen beschemen sein/ noch dafür rot werden) das sie auch selbst mit irem bekenntnis müssen zeugen/ das sie noch nicht verstehē/ was Mose vnd das Gesetz fordert. Dieweil solche/ die doch wollen der Schrifte mei-

ster sein/ selbst sich schuldig geben/ das sie nicht wissen/ oder se nicht achtē/ wer ir Nehester sey/ so doch solchs klar gnug in Mose vnd diesem Gebot gesagt ist. Darumb auch Christus solches diesem klar vnd deutlich gnug zeiget / nicht durch Schrifte/ sondern durch ein grob gleichnis vnd bilde/ das er selbst greiffen mus/ vnd das vrrteil vber sich fellen / zu seiner schande/ das er es nicht hat wollen wissen noch verstehen.

Es war ein Mensch/ der gieng von Jerusalem hinab/ gen Jericho/ vnd fiel vnter die Mörder etc.

**D**a höret er erst den rechten Text/ der in vnd alle seines gleichen Zechler zu schanden machet/ vnd öffentlich vberzeuget / das er noch nie das Gesetz gehalten / ja nicht verstanden habe/ auch in dem geringste Gesetz. Stück/ gegen seinem Nehesten / Weil er noch zweivelt vnd nicht weis/ wen er für seinen Nehesten halten solle / sonst sey er von hertzen geneigt den Nehesten zu lieben. Aber also gehets billich/ den die da wollē diesen Man vnd sein Wort meistern. Vnd weil sie ja wollen mit dem Gesetz an in komen / vnd meinens im hoch vnd scharff für zu legen/ so finden sie in hie gegen auch scharff/ Das sie mit schanden müssen abziehen / vnd sehen/ das er auch weis vom Gesetz zu sagen / vnd anders darein greiffet / vnd Mose vnter augen sihet/ denn sie.

Summa / Er zeigt hienit das er nicht wil noch kan mit fragen vnd disputiren des Gesetzes gefangen werden/ vnd solchs niemand schendlich ist / denn denen/ so sich selbst darein lassen/ vnd damit verwirren/ das sie nicht eraus können. Denn das geschiet gewislich allen/ so mit dem gesetz vmbgehen/ ausser dem glauben vnd verstand des Euangelij. Denn wo Moses allein mit seinem glantzenden/ liecht vnd stralen (das sind die hörner aus seinem angeficht gehend) vnter augen schlegt/ so kan dafür niemand bestehen. Vnd kurz/ wer sich lesst in Mosen treiben/ vnd wil mit dem Gesetz zu thun haben/ der ist verloren / Das auch hie die Christen zu kempffen haben / bis sie wie wider eraus komen/ vnd wider in Christum sich wickeln vnd schließen/ davon anderswo mehr gesagt ist.

Nu/ in der torheit vnd blindheit sind alle

Der Zechler vermessenheit für Gott.

Des Zechlers vermessenheit vor dem Gesetz.

Christus lesst sich nicht mit dem Gesetz.

Des Zechlers zeugnis wider sich selbst.

Ausser Christus ist kein redeman vom Gesetz ge-

Heuchelische  
heiligen ver  
hebe nichts  
vom Gesez.

alle dieses gleichen heuchelische Heiligen/  
das sie nicht allein nichts thun vom Ge  
setz wie hoch sie davon rhümen/sondern  
auch im grund nichts davon verstehen/  
noch wissen/wie sie sich darein schicken  
sollen/on allein/das sie davon die wort  
lernen nach reden/wie die Tolen. Wie  
S. Paulus auch von ihnen sagt ). Timo. 1.  
Sie wolle des Gesezes oder der Schrifft  
meister sein/ vnd verstehen nicht / was  
sie sagen/ oder was sie setzen. Ja es ist in  
der warheit also/das kein Mensch auff  
erden (on durch den Geist Christi) weis  
weder was Gott ist/das ist/wie er in ih  
ren vnd danken sol/nach was sein Lieb  
hester ist.

Denn gleich wie alle Welt einen ei  
gen Gott machet/vnd doch nimer den  
rechten trifft/sondern sich zutrennet in  
vneheliche Abgötterey / Also ist sie hie  
auch blind/das sie nimer trifft iren Lieb  
hesten / den sie doch imer für augen sit  
het. Lestt denselben für vber gehen/nor  
vnd hunger leiden / dem sie solt dienen  
vnd helfen/da sie sonst viel gibe / vnd  
thut viel grosse werck.

Vnd sonderlich ist hiemit gestrafft  
vnd verworffen die Jüdische heucheli  
sche glose/die den Liebhesten ausmalen/  
vnd ortern nach irem dünnel / vnd als  
lein den dafür halten/welchen sie wolle  
len/das ist/der da freund / wol verdie  
net/der wolthat vnd liebe würdig ist/  
des sie genossen haben/ oder noch zu ge  
niessen hoffen / Meinen / sie seien nicht  
schuldig / frembden / unbekandten / vn  
würdigen / vnd dankbarn / feinden zu die  
nen noch zu helfen etc.

Der solche Heuchelei antwortet  
Christus/ mit dieser Historia des  
armen verwundten Menschen/ der vn  
ter die Mörder gefallen/ vnd halb tod  
gelegen/ des sich allein der Samariter  
annimet/vnd im dienet vnd hilfft / da  
beide/Priester vnd Leuiten fürüber ges  
hen/vnd in ligen lassen / Hie mus der  
Schrifftegelerte selbs antworten / das  
nicht der Priester noch Leuit sey dieses  
Menschē liebesten gewesen/ sondern der  
die wolthat an im gethan hat (Der  
Heuchler darff den Samariter nicht nen  
nen/denn die Jüden/denselben ire Nach  
barn bitter feind waren / hielten sie für  
die ergesten leute / als bey vns Zeger  
oder verleugnete Christen) Damit mus  
er on seinen danck / ja wider sein eigen

meinung / die warheit bekennen vnd  
sprechen / wer des andern Liebesten sey.

Vnd lautet wol ebentheurlich/das  
der Liebesten sol heißen/der da dem an  
dern wol thut vnd liebet / da man sonst  
(auch nach der Schrifft vnd dieses ge  
botts weise zu reden) den Liebhestē heisse/  
der da der wolthat bedarff / oder dem  
da sol gedienet vnd liebe erzeiget wer  
den / Aber es gehöret beides zusammen/  
vnd begreiffe sie alle beide (als in Predica  
mento relationis) bindet vns alle zusam  
men/das ein jeder des andern Liebesten  
ist. Aber solch Liebesten sein vnternan  
der ist zweierley / Ein mal allein nach  
dem namen vnd mit worten/Das ander  
mal im werck vnd mit der that.

Also war diese Samariter/des ver  
wundten Liebesten / nicht der Priester  
noch Leuit/die es doch gleich so wol sol  
ten sein vnd schuldig waren. Denn hie  
in alle Menschen einander verpflichtet  
sind / als die alle gleich vnter einens  
Gott sind / vnd einerley gebot haben/  
Du solt deinen Liebhesten lieben etc. das  
deshalbē kein vnterscheid ist. Vnd kurz  
dieses Exempels meinung die ist / wie  
Christus aus diesem Heuchler zwinget  
zu bekennen/nach aller Menschen ver  
stand / Das da sind Liebhesten / die für  
Gott zusammen gehöre/wo einer der hül  
ffe bedarff/vnd der ander helfen kan/  
vnd hie niemand entschuldigt noch ge  
freiet ist/er heisse Priester oder Leuit.

Vnd ist hie Christus zumal staches  
lich vnd verdrieslich/das er die Priester  
vnd Leuiten (das sind die heiligsten leu  
te vnd eigene Gottes diener) antastet/  
vnd so schuldiget/ setzt den Samariter  
inen zu schanden vnd hohn/dafür sie als  
für einem verdampften menschen grew  
el vnd eckel haben.

Aber damit zeigt er / das es als  
so gehet/das die/ so da die furnemesten  
sind/vnd rhümen Gottes gebot zu hal  
ten / vnd andere leren / vnd mit guten  
Exempeln fergehen solten / Summa/  
die hoch / klug / gewaltig vnd die bes  
ten gehalten sind / die haben der lie  
be gegen dem Liebhesten am wenigsten/  
(sonderlich gegen die armen/verlassen/  
verfolgten Christen/ vmb Gottes vnd  
seines Worts willen) Denn sie sehen  
auff jr eigen heiligkeit / klugheit vnd  
hohe Gaben / Meinen / jederman sey  
schuldig/inen zu dienen/dencken nicht/  
3 iij das

Alle sind  
wie vntern  
ander Lie  
sten.

Jüdische glo  
se von dem  
Liebhesten.

Des ver  
wundten  
Liebesten.

Die liebe  
des Liebe  
sten am we  
nigsten bey  
den scheinen  
den heilic  
gen.

## Auslegung des Euangelij

das jnen allein dazu von Gott gegeben ist/was sie haben/das sie ire heiligkeit/weisheit/ehre vnd gut den dürfftigen/vnweisen / Sündern / verachten sollen dienen lassen.

Darumb wird billich dieser Samariter gerühmet zu ewigen schanden den Priestern vnd Jüdischen Heiligen (auch diesem Zuchler) der diesem frembden verwundten Menschen solche liebe vnd wolthat erzeiget (welcher on zweivel auch ein Jude gewest) so in doch seine Priester/Leuit vnd Schrifftgelehrten in seinem elend vnd jamer ligē/ vnd so viel an jnen ist/sterben vnd verderben lassen.

Christus wil  
selbs vnser  
Tehester  
sein.

Aber das Christus den Samariter zum Tehesten machet/dem / der dann ter die Mörder gefalle war/Damit wil er sonderlich zeigen/das er selbs sey vnd sein wil der Tehest/der das gebot recht erfüllet/vnd seine Liebe beweiset gegen die armen/elenden/für Gott verwundten vnd verderbten gewissen vnd hertzen/aller menschen. Vnd damit auch das Exempel gibet/das seine Christen des gleichen thun sollen/wie er thut/der für aller Welt/sonderlich den grossen heiligen/seinen eigen Jüden/ für einen Samariter gehalten/ Das sie des gleichen/ (weil es doch ander Leute nicht thun) auch sich der armen/ verlassen / hilflos sen not annemen / vnd wissen / was sie denselben thun / das haben sie Christo/ als irem Tehesten gethan.

Christi wol-  
that an den  
Samariter  
surgebildet

**A** diesem Samariter bildet vnd zeigt nu Christus die wolthat / hilfße vnd trost / so er thut in seinem Reich/ durch das Euangelium/ welches ist eben das/dauon er anfenglich den Jüngern gesagt hat/Selig sind die augen/die da sehen/das ir sehet etc. Malet auffß tröstlichste/was der Glaube an im habe vnd wie fern sein Euangelium von der Lere des gesezes (welches die Priester vnd Leuiten auch haben) vnterschieden sey/das non bisher reichlich gesagt. Allein das man solchs in diesem bilde ansehe / wie vns/die wir in sünden wider Gottes gebot gefallen / vnter Gottes zorn gelegen/müsten des ewigen todes sterben/durch in ist wider geholffen / das wir Gottes gnad / trost vnd leben des gewissens empfaben / vnd auch anfahen das Gesez zu halten.

Das ist vnser heubtartickele der Lere des Glaubens/der vns sagt/ das wir

nicht vns selbs können helfen / noch kein werck noch Gesez lere / Sondern er mus es anfahen in vns / der nicht mit Gesez auff vns treibet/so wir vnser sünde vnd elend sülen (denn dasselb gehöret den sichern Geistern / wie dieser Schrifftgelehrter/die nicht wollen sünd der gescholten sein) Sondern sich vnser herzlich erbarmet/dazu freundlich vnd tröstlich ist/durch sein Wort / vnd selbs den verwundten verbindet / vnd auff sein Thier leget / pfleget vnd wartet / Denn er hat allein durch sich selbs vnser Erlösung müssen ausrichten / vnd für vns dahin tretten/auff seinem leibe vnser sünde vnd not tragen / Selbs auch solches vns verkündigt / vnd das tröstliche Wort gibt / dadurch wir verbunden vnd geheilet werden.

Das heisse Wein vnd Ole in die wunden gegossen / welches beides ein gute erzney ist der verwundten. Denn Wein vnd heldt das fleisch rein vnd frisch / das die wunden nicht faulen vnd eitem. So ist sonderlich dem Jüdischen land gegeben der Balsam (das ist das edleste vnd köstlichste Ole) welcher ist für allen dingen heilsam zu allerley scheden. Das ist die Predigt des heiligen Euangelij/welchs die beide stück thut/Behelt die reuigen gewissen in der erkentnis irer sünde gebrechens/das sie nicht sicher werden/ noch auffhören der Gnade zu begeren/ Vnd daneben sie tröstet der gnade vnd vergabung/vnd also auch jmerdar / besser machet mit dem Mensch/bis das er wider gesund wird/vnd nu wider eines gesunden werck beginnet zu thun.

Dazu brauchet er nu auch des Amptes vnd diensts der Kirchen / welche er besihlet solcher zu warten vnd zu pflegen/ durch dasselbe Ampt vnd Geist / so er ir gibt / Vnd heisse sie bey solchen vleis thun/mit allerley/was zur stercke vnd besserung dienet / trösten / vermanen/ anhalten / straffen / etc. Vnd sagt ir/was sie daran thun vnd arbeiten / das wolle er auch vergelten.

Sihe/das ist die Lere vnd krafft des Euangelij/vnd der Schatz / dauon wir selig sind / welches vns dazu bringet/das wir auch anfahen das Gesez zu erfüllen. Denn wodie grosse grundlose Liebe vnd wolthat Christi erkand vnd geglaubet wird / da quillet auch heraus die Liebe / beide / zu Gott vnd dem

dem Nehesten. Denn durch solch erkenntnis vnd trost/bewegte der Heilige Geist das hertz/das es Gott hold wird / vnd jm zu lob vnd danck / auch gerne thut/was es sol/hütet sich für sünden vnd vngedorsam/vnd gibt sich willig dahin/jederman zu dienen vnd helffen / Vnd wo es in dem noch schwachheit fület/wider sein fleisch vnd den Teuffel streitet/mit anrufung Gottes etc. Vnd also jmer in dem Glauben hinauff sich helt an Christum / wo es für sich selbs dem Gesetz nicht gnug thut/erlöset sich des/das er es erfüllet/vnd jm seine fülle vnd sterke schencket vnd mittheilet / Vnd also bleibet allezeit vnser Gerechtigkeit/Erlösung/Heiligkeit etc.

Das ist die rechte weise dazu zu kommen/das das Gesetz gehalten werde/dan von dieser blinder Blügeling nichts weiß/Aber Christus hiemit sein zeigt/das man dis müsse zuvor haben/nemlich/das Euangelium hören / vnd an Christum glauben / ehe man zu erfüllung des Gesetzes komet / Sonst ist nichts denn heuchelei/vnd lauter lediger rhum vnd wort vom Gesetz / on hertz vnd leben.

Antwort  
auff der So-  
phisten lä-  
gen/von  
wercken der  
vbermasse.

Je solten wir auch denen antworten/so dieses Euangelij zu jrer lesterlichen Lere misbrauchen / da Christus sagt vom Samariter / der den Kranken dem Wirte befehlet / vnd da er in die zween grossen gibe / zu jm spricht / So du etwas drüber wirfst dorthin/wil ich dir bezalen/wenn ich wider kome.

Denn daraus haben die Mönche vnd Sophisten ire lägen erdacht von den wercken/die sie heissen/Opera supererogationis, Werck der vbermasse / oder vberlunge werck / da ein Mensch mehr thue/denn jm von Gott geboten/das er sonst nicht schuldig were. Vnd solche lägen mit ander lesterung besterigt / da sie aus der Predigt Christi/da er die Zehen gebot auslegt / Matt. 5. Rete gemacht haben / Vnd darnach solches auff ire Möncherey gedeutet / als weren sie die grossen Heiligen/denen es viel zu gering Gottes gebot zu halten/sondern darüber viel vnd grosse vbermessige werck theten in jrem Orden / dafür er nicht allein jnen viel mehr denn den Himmel schuldig were zu geben / sondern auch andern Leuten / welchen sie solche ire vberlunge werck wolten mittheilen / das

ist / ire lägen vnd lesterung vmb gelt verkeuffen .

Solchs hat dazu jr Gott der Papst besterigt/vnd solche seine Heiligen Canonisirt vnd erhaben/als die hiemit seine Gottheit vnd gewalt auch vber die Todten im Fegewr gestercket. Das ist doch gar zu grobe vnverschempfte lesterung/weit vber dieses Schrifte geleerten vnd seines gleichen blindheit vnd vermessenheit/Denn sie nicht allein gerhümet sein wollen/Das sie Gottes gebot gehalten(der sie doch keines verstehen/nach das kleinste mit ernst zu halten dencken) Sondern wollen viel höher vnd mehr gethan haben/denn alle Heiligen/die Gott selbs in der Schrifte rühmet/Welche doch alle bekennen/das sie für sich selbs das Gesetz nicht gehalten/vnd müssen vmb das/ so sie nicht erfüllet/gnade vnd vergebung bey Christo suchen vnd bitten.

Pfui der schanden/das man in der Kirchen Christi thar sagen / von wercken oder stendē/die da sollen vberlunge sein/vnd mehr gethan heissen/denn Gottes gebot fordert / So doch Christus öffentlich von aller Menschen leben sagt / Luc. 17. So jr alles gethan habt / was euch befohlen ist / so sprecht / Wir sind vnnütze Knechte / wir haben gethan/das wir zuthun schuldig waren.

Da hörestu / das es eitel schuld vnd pflicht ist/wenn auch schon jemand das ziel erreicht(das doch kein Heilige auf erden thun kan)das er alles gethan hetete/vnd nichts danon zu räumen hat. das jm Gott dafür dancken müste.

Was wil man doch für besser vnd höher werck finden oder nennē die da nicht sollen von Gott geboten sein? Denn ob sie schon lange griffen von der Jungfrawschafft/so frage ich/ob solch werck könne besser sein / denn das da heisset / Gott lieben von ganzem hertzen? Ja / ob es auch ausser demselben gebot könne gehen oder gethan werden / sol es anders gut vnd Gott gefellig sein? Wie ist denn möglich/die vbermasse zu treffen / oder et was bessers zu thun?

Denn / was kanstu gutes thun / das du nicht entweder Gotte oder dem Menschen thust / aus der liebe / die du schuldig bist/bey deiner ewigen verdammnis? Was kan ein Vater vnd Mutter mehr thun gegen jrem Kinde / Ja / was

Vnverschempfte lägen der Papisten.

Alles so wie Gotte thun können/sind wir aus seinem Gebot schuldig.

Vnmöglich ist / mehr oder bessers für Gott zu thun/denn die Zehen gebot leren.

was

## Auslegung des Euangelij

was kan Gott selbs vnd Christus mehr gegen vns thun/denn das er vns liebet? Was ist denn/solche schendliche lügen vnd narrentuendigung surgeben / von etlichen wercken/die da vbermas seien vber die gebotenen / so doch niemand das mas der Zehen gebot völliglich auff erden erlanget?

*Neue glose der Papisten von vbermas der Lere.*

Zwar die Papisten schemen sich nu selbs solches geifferns/des sie doch alle ihre Bücher vol geschut haben / können aber gleichwol ihre lesterung nicht lassen / vnd nu sie sehen / das diese lügen nicht bestebet / fallen sie auff ein ander glose/die doch eben so lesterlich ist als jene / Zihen diese wort (Was du mehr dar thun wirst) von dem leben vnd wercken / auff die Lere / sagen also / Man müsse nicht allein halten / was die Schrifft leret / sondern auch hören / was die Kirche drüber lere vnd ordne. Denn es sey den Aposteln vnd Bischonen befohle / mehr dar zu thun vber die zween grosschen / das ist / vber das alte vnd neue Testament.

Siehe doch / wie der Teuffel genckelt / vnd sich verdrehet / mit seiner Sophisterey vnd blinden griffen / das er seine Lügen schmücke vnd fer be. Sie haben etwo von vns gehöret vnd gelernt / das diese Gleichnis von den zween grosschen gehet auff das Predigamt in der Kirchen / Denn Christus redet von dem Ampt / damit man des Branden warten vnd pflegen sol / vnd im darreichen / zu sterckung vnd besserung / Da sind die zween grosschen / die heilige Schrifft / oder viel mehr das Pfund / (wie es Christus anderswo nennet) das ist / der verstand der Schrifft / vnd masse oder gaben des Geistes / die einem iglichen gegeben sind / Welches doch alles einerley vnd gleicher verstand ist / on das denselben einer reichlicher hat vber der ander.

Das wollen diese Sophisten zihen auff iren lügengrund / das man in der Christenheit müsse mehr lere / glauben / vnd sur nötig zur Seligkeit haleē / denn was vns Christus gegeben vnd befohlen hat zu lere. Ein blind / toll / verkert Volck / das jmer anders vnd mehr suchet / beide / zu thun vnd zu lere / denn jnen Gottes wort zeiget / vnd doch das nicht thut noch lere / sondern leset anstehen / das er wil gelernt vnd gethan habē.

*Zween grosschen sind das gegeben predigamt vnd verstand der Schrifft.*

Darumb sagen wir jnen hie abermal / wie zuvor / Lieber / Was können oder wisset jr doch bessers vnd nödigers zu lere / denn was Christus gelernt vnd zu lere befohlen hat? Vnd was bedarff man mehr / der gewissen zu warten / mit allem das jnen not ist / zu vnterrichten / vermanen / trösten / stercken / bessern vnd kurz / zu irer Seligkeit / denn die Lere der Schrifft / das ist / beide / des Gesetzes oder Euangelij? Wie S. Paulus auch zeiget / 2. Timoch. 3. Alle Schriffe von Gott eingegeben / ist nützlich zur Lere / zur straffe / zur besserung / zur züchtigung in der gerechtigkeit / das ein Mensch Gottes volkommen sey / zu allem guten werck geschickt.

*Alles ist in der Schrifft verfasst / was in der Kirchen zu lere.*

Zie hörestu / das es alles die Schrifft reichlich hat vnd gib / was da dienet zu allem guten leben vnd wercken / Was wiltu denn anders surgeben oder suchen / das noch darüber oder daneben zu lere sey? Lieber / lege zuvor die zween grosschen an / die Christus gibt / vnd treibe die Lere wol / so wollen wir darnach sehen / was du mehr darlegen oder lere könnenst.

Denn diese vbermas oder darlegen vber die zween grosschen / mag man on fahr vnd nach der Schrifft meinung / also deuten / das es sey / das zunemen vnd vbung in der Lere / vnd derselben verstand / Wie S. Paulus 2. Tim. 4. vermanet / haltet an mit lesen / mit vermanen / mit lere / Las nicht aus der acht die Gabe / die dir gegeben ist etc. Solchs warte / damit gehe vmb / auff das dein zunemen in allen dingen offenbar sey. Denn je mehr man die lere der Schrifft treibet vnd vber / je gelernter / reicher vnd gewaltiger man darin wird / wie auch in andern künsten geschiet. Darumb das darlegen solcher vbermas ist / wo man solche Lere jmer fort treibet bey den Leuten / wie einem jeden von nöden ist / vnd darnach er schwach oder stark / mehr tröstens / vermanens etc. bedarff / denn ein ander.

*Rechte denung des Darlegens vber die zween grosschen.*

Aber es ist nicht solcher Sophisten meinung vnd ernst / das sie wolten so crew vnd vleissig sein / das sie die zween grosschen wol anlegte / das ist / mit vleis lereten / das jnen Christus befohlen hat / Denn sie solches nicht können / noch wiffen wollen / hüten sich fur der Schrifft wie fur dem Teuffel / verstehē auch nicht /

was

Sophisten  
wollen nur  
Menschen le  
re wider  
Gottes  
Wort darle  
gen.

was des Gesetzes oder Euangelij lere sey/ Sondern allein mit irem thand vnd Menschen lere die Kirche füllen/ Verkeren vnd felschen Gottes wort / wie sie der Teuffel leret/ Das dis darlegen vber die zween grosschen / inen mus heissen/ etwas anders leren/weder das Euangelium leret / Wie sie denn nichts thun/ denn ander vnd widerwertige Lere/ires verdampren Lügenthands wider den glauben Christi in die Leute treiben.

Summa/ Weil Christus selbs vnd die Aposteln allenthalben verbieten/ andere Lere einzufüren/ so kan nicht bestehen / das man aus dieser Gleichnis oder Allegoria/ solches bestetigen/ wolle/ So wil auch Christus des Krancken nicht anders gewartet/ vnd im gegeben haben/ denn er im selbs gibt / Vnd mus das/ so da mehr kan dargelegt werden/ nicht etwas anders / sondern eben des

selben gleichen oder einerley sein / mit dem/ das er im selbs hat gegeben.

Aber das mag sein/ das einer solches mehr vnd stercker treibet / denn der ander/ vnd also mehr darlegt/ Wie S. Paulus von im selbs sagt/ das er mehr geerbeitet vnd gethan habe / denn die andern alle. Vnd S. Ambrosius dis darlegen auch also von S. Paulo deutet/ vnd spricht / Er habe mit seinem predigen vnd schrifte (welches sind je nichts anders/ denn was im Christus befohlen zu leren) sein mas vber reichlich erfüllet/ vnd damit weiter gereicht/ denn die andern/ Aber von im selbs vnd andern/ Predigern spricht er/ Wolt Gott/ das wir das künden wol anlegen vnd berechnen / so wir von Christo empfangen haben.

S. Paulus  
darlegen fun  
den andern  
Aposteln.

## Im vierzehenden Sontag

nach Trinitatis / Epistel / Gal. V.



**I**ch sage aber/ Vaudelt im Geiste / so werdet jr die luste des fleisches nicht volnbringē.

Denn das Fleisch gelüstet wider den Geist / vnd den Geist wider das Fleisch / Dese selbige sind widernander / das jr nicht thut/ was jr wöllet. Regieret euch aber der Geist / so seid jr nicht vnter dem Gesetz.

Offenbar sind aber die werck des fleisches / als da sind/ Ehebruch/ Hurerey/ unreinigkeit / Vnzucht/ Abgötterey/ Zauberey/ Feindschafft/ Hader / Reid / Zorn/ Zanck / Zwi tracht / Kotten/ Hass/ Mord / sauffen/ fressen / vnd dergleichen. Von

welchen ich euch habe zuuor gesagt/ vnd sage noch zuuor/ Das / die solches thun/ werden das Reich Gottes nicht erben.

Die frucht aber des Geistes ist/ liebe/ freude/ friede / gedult / freundlichigkeit/ gütigkeit/ glaube/ sanfftemut/ keuscheit. Wider solche ist das Gesetz nicht. Welche aber Christum angehören / die creuzigen jr fleisch/ sampt den lusten vnd begirden.



**D**iese Epistel ist auch reichlich gehandelt in der ganzen Auslegung. Sie vermanet zu guten werckē oder fruchtē des Glaubens / die/ so nu den Heiligen Geist durch den Glauben haben / Vnd treibt solchs also/ das man sehe/ das nicht die meinung ist dieser Lere / gute werck verbieten/ oder böse erleuben vnd nicht straffen/ oder das Gesetz nicht mehr zu predigen. Sondern zeigt klar/ das Gott wil ernstlich haben / das die Christen des Gleiches



## Auslegung der Epistel

Fleisches lüste fliehen vnd meiden / so sie wollen im Geiſt bleibē. Also / das nicht beyinander ſtehen können die zwey / Geiſt vnd. Glauben haben vnd behalten / vnd doch des Fleiſches lüſte voln bringen.

Denn die zwey (ſpricht er) ſind widerinander / vnd iſt zwiſchen inen ein hefftiger ſtreit / das keines neben dem andern ſich leidet / ſondern eines muſ die ſberhand behalten / vnd das ander auſſtoſſen. Darumb nennet er klar etliche werck des Fleiſches / welche offenbar vnd wol zu kennen / das ſie nicht vom Geiſt ſind / Vnd ſchleuſt ſtracks / das welche dieſelben volnbringē vnd thun / die ſind nicht in dem ſtand / Gottes reich zu ererben / vnd haben den Heiligen Geiſt vnd glauben verloren.

Er zeigt aber auch / woher die Chriſten ſolche krafft haben / das ſie des Fleiſches lüſten können widerſtehen / Nämlich / das ſie haben den Geiſt empfangen / durch den glauben / vnd wiſſen / das ſie einen gnedigen Gott haben / daher jr hertz luſt vnd liebe gewinnet / Gotte gehorſam zu ſein / vnd ſich für Sünden zu hüten / Darumb widerſtehen ſie / vnd folgen nicht des Fleiſches lüſten / auff das ſie nicht wider Gott erzürnē / Vnd ob ſie in ſolchem ſtreit noch ſchwachheit fülen / ſo könne ſie doch das Geſetz nicht verdamnen / weil ſie durch den glauben in Chriſto ſind vnd bleiben.

## Euangelium am XIII.

Sontag nach Trinitatis /  
Luc. VII.





**V**D es begab sich / da er reisete gen Jerusalem / zog er mitten durch Samariam vnd Galileam. Vñ

als er in einen Markt kam / begegneten im zehen aussätzige Männer / die stunden von ferne / vnd erhuben ihre stimme / vnd sprachen / Ihesu lieber Meister / erbarm dich vnser. Vnd da er sie sahe / sprach er zu ihnen / Gehet hin / vnd zeigt euch den Priestern. Vnd es geschach / da sie hingien / worden sie rein.

Erzuer aber vnter ihnen / da er sahe / das er gesund worden war / Kerret er umb / vnd preiset Gott mit lauter stimme / vnd fiel auff sein Angesicht / zu seinen füßen / vnd dancket im / Vnd das war ein Samariter. Ihesus aber antwortet / vnd sprach / Sind jr nicht zehen rein worden? Wo sind aber die neume? Hat sich sonst keiner funden / der wider vmbkerret / vnd gebe Gott die ehre / denn dieser Frembdlinge? Vnd er sprach zu im / Stehe auff / gehe hin / dein Glaube hat dir geholffen.



**S**inet Lucas hat das gehalten für den andern Euangelisten / das er nicht allein Christi werck vnd lere / wie die andern / sondern auch die ordnung seiner reisen vnd wege beschreibet. Also weist sein Euangelium bis ins dreizehend Capitel / wie Christus zu predigen vnd zeichen zu thun angefangen habe zu Capernaum / dahin er von Nazareth gezogen war / vnd da wonete / das die selbige Stad im Euangelio wird genant seine Stad. Vnd von der selbigen gieng er aus / auff alle orter / in

die Stedte vnd Dörffer / prediget vnd thet wunder. Da er nu das alles ausgericht / vnd das Land vmbprediget hatte / macht er sich auff / vnd reisete gen Jerusalem.

**W**elche reise / wie er auff der selbigen geprediget vnd gewundert hat / bis gen Jerusalem / beschreibet er vom ende des neunenden Capitel an / bis ans ende. Denn die selbige reise ist seine letzte / vnd am ende seines lebens im letzten jar volbracht / Das meinet er hie / da er sagt / Ihesus sey gen Jerusalem ggangen / mitten durch Samariam vnd Galileam. Das ist so viel gesagt / dis wunder hat er gethan auff der reise gen Jerusalem.

**W**ist das nicht die richtige strasse von Capernaum gen Jerusalem / Denn Galilea ligt von Jerusalem gegen mitternacht / vnd Samaria ligt Galilee an der seiten / gegen dem morgen / Capernaum aber ligt mitten in Galilea. Vnd wil der Euangelist mit sonderm vleis anzeigen / das er nicht die richtige strasse gezogen sey / da er Samariam vnd Galileam nennet / vnd dazu sagt / er sey mitten durch hin gezogen / nicht an der grenze auff dem nehesten wege. So ist Christi reise von Capernaum gegen dem morgen zum Jordan / vnd in Samariam / von Samarien gegen dem abend vñ Galileam / von Galilea gegen Mittag gen Jerusalem / ein langsame / weite / vmblesseige reise / vnd hat im musse vnd weil dazu genommen.

**D**enn nicht vmb seinen willen hat er also gereiset / sondern das er viele predigen / vnd vielen helfen möchte. Darumb zeucht er auch mitten durch die Lande / das er öffentlich wandele / jederman bereit sey / das sie auff allen seiten möchten zu im komen / in hören vnd helfen lassen / Denn dazu war er gesand / das er jederman dargegeben were / vnd jederman frey seiner güte vnd gnade genießen möchte. Vñ beschreibet der Euangelist das mirakel / vnd spricht /

Vnd da er in einen markt kam / begegneten im zehen aussätzige Männer / die stunden von ferne / vnd erhuben ihre stimme / vnd sprachen / Ihesu lieber Meister / Erbarm dich vnser.

**W**acht jemand den Euangelisten fragen / wie diese Aussätzige von

Christi letzte reise vor seinem leiden.

Christi vmb her zihen / jederman zu dienen vnd helfen.

Christi vmb her zihen / jederman zu dienen vnd helfen.

## Auslegung des Euangelij

ge von ferne gestanden / vnd ire stimme erhebt haben / so doch die Aufferzigen natürlich nicht laut reden können / derhalben sie die peitsche oder Klappern brauchen müssen. Er wird freilich antworten / das sie keine meile weg von jm gestanden / Sondern das sie nicht so nahe zu jm getreten sind / als die mit jm giengen / auch sind nicht alle aufferzige so gar stimlos / das sie nicht ferne möchten gehört werden. Aber hie mit wil der Euangelist / nach gewonheit der Schrift / nur anzeigen den grossen ernst irer begirde / das ires hertzen stimme sey gros gewesen / welche sie hat gezwungen auch leiblich zu ruffen / so viel inen möglich ist gewesen.

Es ist aber dis ganze Euangelium eine schlechte leichte historia oder geschichte / die nicht viel auslegens darff. Aber wie schlecht sie ist / so gros ist das Exempel / das vns darinne wird angezeigt. In den Aufferzigen leret es vns glauben / in Christo leret es vns lieben. Nu ist Glaube vnd Liebe das ganze wesen eines Christen Menschen / wie ich offte gesagt habe. Der Glaube empfehet die Liebe gibt. Der Glaube bringet den Menschen zu Gott / die Liebe bringet in zu den Menschen. Durch den Glauben lefft er jm wol thun von Gott / durch die Liebe thut er wol den Menschen.

Denn wer da glaubet / der hat alle ding von Gott / vnd ist selig vnd reich. Darumb darff er hinfurt nichts mehr / sondern alles was er lebe vnd thut / das ordenet er zu gut vnd nutz seinem Nehesten / vnd thut dem selbigen durch die liebe / wie jm Gott gethan hat durch den Glauben. Also schepffet er gut von oben / durch den Glauben / vnd gibt gut von unten durch die Liebe. Wider welches wesen die Werckheiligen mit iren verdiensten vnd guten wercken / die sie nur in sich selbs zu gut thun / gewilich streiten / Denn sie leben nur inen selbs / vnd thun gut on Glauben. Diese zwey stück / den Glauben vnd die Liebe / lasse vns nu sehen / in den Aufferzigen / vnd Christo.

Vm ersten / ist die natur des Glaubens / das er sich vermisset auff Gottes gnade / vnd schepffet einen guten wahn vnd zuversicht gegen jm / on zweifel / vnd dencket / Gott werde in ansehen / vnd nicht lassen. Denn wo solcher

wahn vnd zuversicht nicht ist / da ist kein rechter Glaube / da ist auch kein Glaube (so er aber ist / da machet er kün vnd thürstigtig / das der Mensch frey thar seine not wider den zweifel. Gott furlegen / vnd mit ernst vmb hülffe bitten. Darumb ist nicht gnug / das du glaubest / es sey ein Gott / vnd betest viel wort / wie jst der leidige brauch ist. Sondern sihe hie in den Aufferzigen / wie der Glaube sol gestalt sein / wie der selbige on alle Meister recht fruchbarlich beten leret.

Du sihest hie / das sie von Christo einen guten wahn vnd tröstliche zuversicht gegen jm gefasset haben / vnd festiglich sich vermuten / er werde sie gnediglich ansehen / das selbige vermuten machet sie kün vnd thürstigtig / Das sie frey ire not jm furlegen / vnd mit ganzem ernst vnd grosser stimme hülff begeren. Denn wo sie nicht einen solchen wahn vnd vermuten hetten zuvor zu jm gewonnen / werten sie wol daheim bliebt / oder hetten je nicht jm entgegen gelauffen / hetten ja auch nicht mit erhabener stimme gebeten / Sondern der zweifel hette inen also geraten / Was wollen wir machen? Wer weis / ob ers gerne hat / das wir in bitten? Er sihet vns villicheicht nicht an.

O / solches wancken vnd zweifeln bittet faul ding / erhebt nicht die stimme / leufft auch nicht entgegen. Es mummelt wol viel wort / vnd plerret viel gesang mit grossen vnlust / Aber es bittet nicht / es wünschet nur / wolte gerne zuvor gewis sein / ob es erhört würde / welches nichts anders ist / denn Gott versuchen. Aber der rechte Glaube zweifelt nicht am guten gnedigen willen Gottes / Darumb ist sein gebet starck vnd fest / wie der Glaube ist. Das S. Lucas nicht vergebens drey stück von inen sagt. Das erste / das sie jm entgegen gelauffen sind. Das ander / sie stunden. Das dritte / sie erhuben ire stimme. Mit den dreien ist ir starcker Glaub gepreiset / vnd vns zum Exempel furgebildet.

Das gegenlauffen / ist die künheit / welche getrieben wird von der tröstlichen zuversicht. Das stehen / ist die festigkeit vnd auffrichtigkeit wider den zweifel. Das ruffen ist der grosse ernst zu bitten / der aus solchem vermuten erwachst. Aber der onmachtige zweifel / leufft

Die aufferzigen ruffen zu Christo.

Summa eines Christlichen Lebens / Glaube vnd Liebe.

Des Glaubens natur vnd art.

Glaube (so er aber ist / da machet er kün vnd thürstigtig / das der Mensch frey thar seine not wider den zweifel.

Glaube (so allein recht beten.

Art des  
glaubens.

läufft nicht / stehet nicht / rüffet nicht / sondern wendet vnd krümlet sich / schlegt den kopff inder / fasset das heubt in die hand / sperret das maul auff / vnd lalset inder daher / wer weis? wer weis? wenns gewis were / wie wenn es feilet? vnd des gleichen zaghafteige wort / Denn er hat keinen guten wahn noch vermuten zu Gott / versihet sich nichts zu jm / darumb wird jm auch nichts. Wie S. Jacobus 1. sagt / Wer da bitten wil / der bitte im Glauben / vnd zweuel nicht / Denn wer da zweuelte (spricht er bald drauff) der dencke nur nicht / das er etwas von dem **HERN** empfangen werde. Darnach komen sie wie die törichtten Jungfrawen / die das öle verschütten / mit iren leeren lampen / das ist / mit iren wercken / vnd meinen / Gott sol jr pochen hören vnd auffmachen / Aber er wird nicht thun.

Rechter  
Christlicher  
Glaube ist  
wacker vnd  
thetig.

**S**ie / ein solcher guter wahn oder tröfliche zunerficht oder freye vermutung gegen Gott / oder wie du es inder nennen wilt / das heisse ein Christlicher Glaube / vnd gut gewissen in der Schrifft / dahin man komen mus / wil man selig werden. Aber man kommet nicht dahin mit wercken vnd leren / wie wir sehen werden in diesem exempel / Vnd on solch hertz ist kein gut werck. Darumb sihe dich fur / es sind viel schwerer / die vom Glauben vnd gewissen leren wollen / vnd wissen weniger danon denn ein grob Flog. Sie meinē / es sey ein schlaffend / müffig ding in der seelen / sey gnug / das das hertz glaube / Gott sey Gott. Aber hie sihestu / das gar ein lebendig / gewaltig ding ist vmb den Glauben / Er machet gar ein ander hertz / einen andern Menschen / das er sich zu Gott aller gnaden versihet / Darumb treibt er zu lauffen vnd zu stehē / machet künē zu ruffen vnd bitten fur alle not.

**D**ie andere art des Glaubens ist / das er nicht wissen / noch zuvor versichert sein wil / ob er der gnaden würdig sey / vnd erhört werde / Wie die zweueler thun / die nach Gott greiffen / vnd versuchen in / Gleich wie ein blinder nach der wand tappet / also tappē die selbigen auch nach Gott / vnd wolten in gerne zuvor fülen vnd gewis haben / das er inder nicht enlauffen müge.

**D**ie Epistel zun **EBREERN** 11. spricht / Der Glaube ist eine gewisse zunerficht /

des / das man hoffet / vnd nicht zweueln an dem / das man nicht sihet. Das ist / der Glaube helet sich an die ding / die er nicht sihet / fület noch empfindet / weder an leib noch seele / Sondern wie er eine gute vermütung hat zu Gott / ergibt er sich darein / vnd erweget sich darauff / zweuelte nicht / es geschehe jm / wie er sich vermutet / so geschiet jm auch gewislich also / Vnd kömet jm das fülen vnd entfinden ungesucht vnd unbegert / eben in vnd durch solch vermuten oder Glauben.

**D**enn sage mir / Wer hatte diesen aufsezigigen brieff vnd siegel geben / das sie Christus würde erhören? Wo ist hie das empfinden vnd fülen seiner gnade? Wo ist die kundschafft / wissenschafft oder sicherheit von seiner güte? der keines ist hie. Was ist denn hie? Ein frey ergeben vnd frölich wagen / auff sein vneempfindliche / vnersuchte / vnerkandte güte. Da sind keine fusstapffen / darinne sie spüren möchten / was er thun wölle / Sondern alleine seine blossē güte wird angesehen / vnd machet in inder ein solch vermuten vnd wagen / er werde sie nicht lassen.

**W**oher hatten sie aber erkentnis seiner güte? denn sie musten je vorhin das von wissen / wie vnersuchen oder vnempunden sie inder sein sol? On zweuel / aus dem geschrey vnd Wort / das sie viel guts von jm hatten gehört / aber doch noch nie empunden / Denn Gottes güte mus durchs Wort verkündigt / vnd also auff sie / vnnersucht vnd vnempunden gebawet werden / wie hernach folgen wird.

**D**ie dritte art des Glaubens / das er kein verdienst furtregt / wil auch nicht mit wercken Gottes gnade künfften / wie die zweueler vnd gleisner thun / Sondern tregt fur eitel vnverdienst / hanget vnd verlesst sich blösllich auff die blossen vnverdienete güte Gottes / Denn der Glaube mag nicht neben sich werck vnd verdienst leiden / so ganz vnd gar ergibt / erweget vnd erschwinget er sich in die güte / der er sich versihet / kan fur derselbigen seine werck vnd verdienst nicht achten / Ja er sihet / das die güte so gros ist / das alle gute werck nichts sind / denn sünde / gegen sie geschezt. Darumb findet er eitel vnverdienst an sich / das er würdiger were des

Glaube aus  
dem geho-  
ren Wort.

Glaube su-  
chet kein ei-  
gen ver-  
dienst.

## Auslegung des Euangelij

zorns / denn der gnaden / Vnd das thut er on alles heuchlen / denn er sihet / wie es im grund vnd warheit nichts anders sey.

Das beweisen diese auffezigen allhie gar fein / die on alles verdienst / sich der gnade zu Christo versehen. Was hatten sie im je guts zuvor gethan / hatten sie in doch nie gesehen / schweig denn gedienet. Auch waren sie auffezig / das er sie billich vermeiden hette nach dem Gesetz / vnd sich jr geuffert / wie es billich vnd recht war. Denn es war im grund vnd warheit vnuerdienst vnd ursach da / das er nichts mit inen / vnd sie nichts mit im / solten zuthun haben. Darumb stehen sie auch von ferne / als die ire vn-würdigkeit wol erkennen.

Der auffezigen vn-würdigkeit aus dem Gesetz.

Also stehet der Glaube auch ferne von Gott / vnd laufft im doch entgegen / vnd rufft / Denn er kennet sich im grunde der warheit / das er vnwürdig sey seiner güte / vnd habe nichts / darauff er sich verlasse / denn seine hochberühmte vnd ausgeruffene güte. Vnd eine solche Seele sucht auch seine güte / die da ferne stehe / vnd lehr sey / denn sie kan doch gar nicht neben sich leiden / vnser verdienst vnd werck / Sie wil lauter vnnd sonst komen / wie Christus / in diesen Markte / zu den Auffezigen / auff das jr lob frey vnd rein bleibe.

Gleichheit der gnade vnd des Glaubens.

Sihe / also stimmt es fein ineinander / das die liebe Gottes ire güte frey vmb sonst gibe / nichts dafür nimet noch sucht / Vnd der Glaube sie auch ja so blos vmb sonst empfehlet / das er nichts darumb gibe / vnd kömet also der reiche vnd der arme zusammen. Das bezeugen auch ire wort / da sie sagen / Erbarme dich vnser. Wer erbarmen sucht / der kuffet noch wechselt freilich nicht / sondern sucht lauter gnade vnd barmherzigkeit / als der jr vnwürdig ist / vnd wol viel anders verdienet habe.

Sihe / das ist ein fein rechte lebendig eigentlich Exempel des Christlichen Glaubens / das vns gnugsam leret / wie man sich dazu stellen mus / wenn man gnade finden / from vnd selig werden wil. Ober diese Lere folget nu die reizung zum Glauben / das wir gerne solten glauben / wie wir jzt geletet sind zu glauben. Die reizung aber stehet darinnen / das wir sehen / wie solcher Glaube

nicht feilet / das im geschiet wie er gleubet / vnd wird erhöret gewislich.

Denn S. Lucas schreibt / wie gnugsam diglich vnd williglich sie Christus angesehen vnd erhöret habe / vnd sprichet also /

Vnd da er sie sahe / sprach er zu inen / Gehet hin / vnd zeiget euch den Priestern.

**W**ie gar freundlich locket der **W**IE gar in diesem Exempel alle herten zu sich / vnd reizet sie an in zu gleuben / Denn es ist nicht zweifel / er wölle jederman thun / wie er diesen Auffezigen thut / so wir vns nur frey aller güte vnd gnade zu im versehen. Wie denn thun sol vnd thut / ein rechter Glaube vnd Christlich hertz / wie auch thun / vnd vns leren zu thun / diese Auffezigen. Denn wie gerne ers habe / das man sich frölich vnd frey erwege auff seine güte zu bawen / ehe man sie erferet oder fület / hat er hie gnugsam bezeugt / das er sie erhöret so williglich / on allen verzug / Das er nicht zuvor sagt / er wolle es thun / sondern als sey es schon geschehen / habe inen gethan / was sie wolten.

Reizung zum Glauben durch die freundlichkeit Christi

Denn er spricht nicht / Ja ich wil mich ewer erbarmen / jr solt rein sein / sondern schlechts / Gehet hin / vnd zeiget euch den Priestern. Als solt er sagen / Es darff nicht bittens / ewer Glaube hats schon erlanget vnd erworben / ehe jr anfienget zu bitten. Ir seid schon rein fur mir gewesen / da jr euch solches zu mir anhubt zu vermuten. Es ist nicht mehr not / denn gehet nur hin / vnd zeiget ewer reinigkeit den Priestern / Wie ich euch achte / vnd wie jr gleubet / so seid jr / vnd solt so werden. Denn er hette sie nicht zu den Priestern gesand / wo er sie nicht fur rein geachtet / vnd also mit inen faren wolt / das sie rein würden.

Sihe / also mechtig ist der Glaube / alles bey Gott zu erwerben / was er wil / das fur Gott geacht wird / als geschehen / ehe es gebeten wird. Davon hat Jesa. 65. gesagt / Es sol geschehen / ehe denn sie ruffen / wil ich inen antworten / vnd ehe sie anreden / wil ich sie erhören. Nicht / das der Glaube oder wir des würdig sind / sondern das er seine vnaußsprechliche güte vnd willige gnade erzeiget / das

Christus hat zeit zu gebeten / ehe wir bitten.

ge / damit er vns reize jm zu glauben / vnd tröstlich alles guts zu jm versehen / mit frölichem / vnwanckendem gewissen / das nicht nach jm tappe / noch in versuche.

Also sihestu auch hie / das er diese Auffezige erhöret ehe sie ruffen / vnd bereit ist / ehe sie ausreden / zu thun / alles was jr hertz begeret. Gehet hin / spricht er / ich sage euch nichts zu / es ist weiter mit euch komen / denn das zusagens bedürffe / Habt was jr gebeten habt / vnd gehet hin. Sind das nicht starcke reizunge / die ein hertz frölich vnd tützig machen können? Sihe / als denn fület sich / vnd leste sich tappen seine gnade / ja sie tappet vnd triffet vns. Das sey von dem ersten teil gesagt.

Exempel  
der liebe an  
Christo.

**W** müssen wir hie das ander teil dieses Exempels des Christlichen wesens auch ansehen. Die Auffezigen haben vns gelert glauben / Christus leret vns Lieben. Die liebe thut in dem Nehesten / wie sie sihet / das Christus vns gethan hat / wie er sagt / Joh. 13. Ein beyspiel hab ich euch gegeben / das jr thut wie ich euch gethan habe. Vnd bald hernach spricht er / Ein new gebot gebe ich euch / das jr euch vnternander liebet / wie ich euch geliebet habe / Das bey wird jederman erkennen / das jr meine Jünger seid / so jr liebe vnternander habt.

Was ist das anders gesagt / denn so viel? Jr habt nu durch mich im Glauben / alles was ich bin vnd habe / Ich bin ewer eigen / Jr seid nu reich vnd sat durch mich / Denn alles was ich thu vnd liebe / das thu vnd liebe ich / nicht mir selbst / sondern euch / das ich nur dencke / wie ich euch nützlich vnd behülfflich sey / vnd erfülle / was jr bedürffet vnd haben solt. Darumb gedencket jr dem Exempel nach / das jr auch einer dem andern thue / wie jm von mir gethan ist / Vnd dencke nur / wie er seinem Nehesten hinfurt zu nutz lebe / vnd thu was er sihet / das jm nützlich vnd not sey. Ewer Glaube hat an meiner liebe vnd gute gnug / Also sol ewer liebe auch den andern geben.

Sihe / das ist ein Christlich leben / vnd kurz verfasst / darff nicht viel lere noch bücher / es siehet ganz vnd gar in diesen zweien. Also sagt auch S. Paulus Gal. 6. Einer trage des andern

last / so werdet jr das Gesetz Christi erfüllen. Vnd zum Philippern 2. sagt er also / Ein jglicher sehe nicht auff das seine / sondern auff das des andern ist. Vnd setzt vns daselbs Christum zum Exempel / Welcher / ob er wol Gott war / sey er dennoch vnser Knecht worden / hat vns gedienet / vnd sey eines schendlichen todes fur vns gestorben. Diesem Christlichen / leichten / lustigen leben ist der böse Geist feind / vnd thut jm mit keinem ding so grossen schaden / als mit Menschen leren / wie wir hören werden. Denn warlich / einem Christen ist künzlich sein leben gesagt / nemlich / das er ein gut hertz zu Gott / vnd einen guten willen habe zu den Menschen / das hets hers gar vnd alles innen.

Das gute hertz vnd Glaube leret in von jm selbst / wie er beten sol. Ja / was ist ein solcher Glaube / denn eitel gebet? Denn er versihet sich götlicher Gnade on vnterlas / Versihet er sich aber jr / so begeret er jr aus ganzem hertzen. Vnd das begeren / ist eigentlich das rechte gebet / das Christus leret vnd Gott fordert / welchs auch erwirbet vnd vermag alle ding. Vnd darumb / das es nicht auff sich / seine werck oder würdigkeit / sondern auff Gottes lauter gute / bauet / sich verlesst vnd tröstet / so geschiet jm auch / wie er gleubet / begeret / trawet vnd bittet / Das wol der Prophet Zacharias den Geist nennet / einen Geist der gnade vnd gebets / da Gott sagt / Zacha. 8. Ich wil ausgießen vber das Haus David / vnd vber die burger zu Jerusalem einen Geist der gnade vnd gebets. Darumb / das der Glaube Gottes gnade erkennet / vnd begeret on vnterlas.

Widerumb / die Liebe leret in / von jm selber / wie er gute werck thun sol / Denn gute werck sind allein / die dem Nehesten dienen vnd gut sind / Ja / was ist solche liebe anders / denn eitel wircken / on vnterlas / gegen dem Nehesten? Also / das auch das werck der Liebe namen hat / wie der Glaube des gebets. Also sagt Christus / Johan. 15. Das ist mein gebot / das jr euch vnternander liebet / gleich wie ich euch geliebet habe. Niemand hat grössere liebe / denn die / das er sein leben leset fur seine freunde.

Als solt er sagen / So gar habe ich  
Als ij alle

Woher  
recht gebet  
come.

Christi liebe  
ist ein Exem-  
pel / das wir  
vns auch lie-  
ben sollen.

## Auslegung des Euangelij

Liebe Fan  
nicht on  
werck sein.

alle werck euch zu gut gethan/das ich  
auch mein leben fur euch gebe / welches  
die aller größte liebe (das ist/das größte  
werck der liebe) ist/zette ich eine größte  
re liebe gewußt/ich wolt sie euch auch ge  
than haben/darumb solt jr auch lieben/  
vnd einer dem andern alles guts thun/  
Nicht mehr fordere ich von euch/Sage  
nicht / das jr mir Kirchen bawen/wal  
len/fasten/singen/Mönche oder Pfaff  
werden / diesen orden / den stand an  
men solt/sondern daz hut jr meinen wil  
len vnd dienst / wenn jr euch vnternan  
der wolt hut / vnd niemand auff sich  
selbs / sondern auff den andern acht ha  
be/Da ligt gar vnd alles innen.

Christus  
auch seiner  
feinde  
freund.

WtD er nennet sie Freunde / damit  
wil er nicht / das man die feinde nicht  
lieb sol haben / denn er spricht. Eerlich  
also/ Der sein lebē gibt fur seine freunde.  
Seine freunde/ist mehr/denn schlechtes/  
freunde. Es mag komen / das du mein  
freund seiest / vnd dennoch ich nicht dein  
freund/das ist/ ich mag dich lieben/vnd  
fur einen freund auffnehmen / meine  
freundschaft dir geben/vnd du dennoch  
mich hassst / vnd feind bleibest. Gleich  
wie Christus sagt zu Juda im garten/  
Freund/wozu bistu komen? Judas war  
sein freund / aber Christus war des Ju  
de feind / Denn Judas hielt ja fur einen  
feind / vnd hasseten in / Christus liebet  
Judam/vnd hielt in fur seinen freund/  
Es mus eine freie / runde liebe vnd wolt  
thar sein gegen jederman.

Todter  
Glaube/wo  
nicht die lie  
be folget.

S Jhe/das meinet S. Jacobus/da er  
sagt / Jacob 2. Der Glaube / so er nicht  
wircket / ist er tod. Vnd wie der Leib on  
Seel tod ist / so ist auch der Glaube on  
werck tod. Nicht das der Glaube im  
Menschen sey / vnd nicht wircke / wel  
ches nicht möglich ist / Denn der Glau  
be ist ein lebendig / vnruhgig ding/ Son  
dern das sich die Menschen nicht selbs  
betriegen / vnd meinen / sie haben den  
Glauben / so sie doch nichts dauon ha  
ben / Sondern sollen ansehen ire werck/  
ob sie auch iren Nehesten lieben/vnd im  
wol thun. Thun sie das / so ist es ein zeu  
chen / das sie den rechten Glauben ha  
ben / Thun sie aber das nicht / so haben  
sie nur das gehöre vom Glauben. Vnd  
geschiet inen / wie dem/der sich im spie  
gel besihet / Wenn er dauon gehet / so  
sihet er sich nimer / vnd durch ansehen  
ander ding / vergisset des spiegels ge

sicht / wie auch S. Jacobus sagt im  
ersten Capitel.

WtD lasse vns sehen die werck der lie  
be Christi in diesem Exempel/Aber  
was ist in Christo / das nicht eitel Liebe  
sey? wie jederman von im selbs leichtlich  
erkennt. Zum ersten / was bedurfft er/  
das er mitten durch Samariam vnd  
Galileam reiset/oder wer gab im et was  
darumb / oder wer hatte in darumb ge  
beten / das ers etet? Ist nicht offens  
bar / das ers alles vmb sonst/frey willig  
thut / nimet nichts dafur / vnd kömet  
von im selber / vnersucht/ das niemand  
darff sagen / er hats vmb in verdient/  
oder mit bitte erworben? Also ganz  
vnd gar sehen wir hie / das er nichts  
thut fur sich selbs / sondern alles vmb  
der andern willen/dazu vnerbeten / vnd  
lauter vmb sonst / aus blosser güte vnd  
liebe.

Werck der  
liebe Christi

1.  
Vmb sonst  
vnd unge  
beten jedere  
man guts  
thun.

DEs selben gleichen / das er so eben  
in diesen Markt gieng / Was durfft  
ers? Wer hat in darumb gebeten? Wer  
gab im etwas darumb? Ist nicht war?  
Er kömet zuvor aller verdienst / aller  
gebet / vnd erbeut seine liebe vnd güte  
frey vmb sonst / vnd suchet nichts dar  
an/das sein sey / sondern dienet nur an  
dern damit / auff das er zu sich locke al  
le hertzen / an in zu glauben. Sihe / ein  
solche tugent ist die Liebe/die nur wolt  
thut / vnd lebet den andern zu gute/  
sucht nichts eigens drinnen / vnd kö  
met jederman zuvor. Sihe / auff solch  
leben vnd werck mustu seh:n / vnd dein  
leben richten / wiltu ein Christen sein/  
vnd alle werck mit gewalt aus deinen  
augen thun / die dieser art nicht sind/  
wenn sie gleich so gros weren / das sie  
berge versezten / als der Apostel sagt/  
1. Corinth. 13.

Vm andern / Sihe / wie er solch  
gut thut / on der andern schaden/ ja  
mit verhütung eines andern schadens.  
Denn es sind etliche / die thun also gu  
tes / das es den andern zu schaden kö  
met / Opffern vnser Frauen (wie man  
sagt) einen Pfening / vnd rauben jr ein  
Pferd / Als da sind / die von vnrechtem  
gut almosen geben. Davon Gott Jesu.  
66. sagt / Ich bin ein Gott / der das  
rechte liebet / vnd hasse das Opffer / das  
vom raub kömet.

2.  
Jederman  
guts thun/  
on anderer  
schaden.

Esnes solchen wesens sind yet fast  
alle Stiffe vnd Klöster / die der Leute  
schweis

Guts thun  
on jemand  
nachteil.

schweis vnd blut verzeren / Vnd bezalen darnach Gott mit Messen / Vigi-  
lien / Rosenkrenzen / oder stifften ein  
jartag / geben zu weilen auch ein allmo-  
sen / Das ist alles vom frembden gut ge-  
liebet / vnd Gott gedienet in guten tag-  
gen / vnd vollem reichthum / mit aller  
genüge. Vnd ist wol eine weit leuffrige  
plage / die schendliche wolthun. Aber  
Christus thut hie niemand schaden / son-  
dern viel mehr verhütet in / vnd weiset  
die Aufferzigen zu den Priestern / auff  
das den selbigen nichts abgebrochen  
werde / an irem recht.

Liebe thut  
mehr denn  
sie dem  
recht schül-  
dig ist.

Und also zeigt er seine gutthat  
den Aufferzigen / als sey er vmb iren wil-  
len in diese Markt gegangen / Siehet sie  
gnediglich an / vnd hilfft inen willig-  
lich vnd gerne / Darüber verhütet er  
auch der Priester nachteil / wiewol er  
desselbigen nicht schuldig war. Denn  
diewel er sie vbernatürlich reinigete /  
on der Priester zuthun / hette er wol  
mochte sie nicht zu inen weisen / vnd sa-  
gen / Habt jr doch mit diesen nicht ewer  
Ampt geübet / nach dem Gesetz / drumb  
solt jr auch des Amptes genies nicht ha-  
ben / wie billich vnd recht ist. Aber die  
Liebe rechtet noch fechtet nicht / sie ist  
nur darumb da / das sie wol thun wil /  
darumb thut sie auch mehr denn sie  
schuldig ist / vnd feret vber das recht.

Liebe lefft  
auch ir  
recht faren.

Daher spricht S. Paulus 1. Corin. 6.  
das die Christen nicht sollen mit einan-  
der rechten / sintemal die Liebe jr recht  
nicht sucht noch fodert noch achtet /  
vnd nur auff wolthun siehet. Das er wol  
an einem andern ort / 1. Corin. 13.  
sagt / Wenn ich mit Engel zungen re-  
det / vnd nicht liebe hette / so were ich  
wie eine schelle oder glocke / die nur klin-  
get / vnd doch nichts thut. Also sind  
warlich jetz die gelerten / die viel leren  
im Rechten / das doch eitel vnchristlich  
ding ist / wider die Liebe.

Nicht sage ich von denen / die da rich-  
ten müssen. Denn weil recht fur liebe ge-  
het / bey etlichen Menschen / müssen sie  
da sein vnd recht sprechen / das nicht er-  
gers geschehe. Es ist nicht Christlich hen-  
cken vñ redern / Aber das man den mös-  
dern were / mus man solchs auch thun /  
Es ist nicht Christlich essen vñ trincken /  
aber dennoch mus man es auch thun.  
Es sind alles nörtige werck / da nicht  
Christlich wesen innen gehet / darumb

mus man sich auch nicht daran benügen  
lassen / als sey man damit Christen. Ehe-  
lich werck ist auch nicht Christlich / noch  
ists dennoch von nöten / vmb böse werck  
zu meiden / vnd so fortan.

Vm dritten / zeigt er die liebe noch  
größer / das er sie auch anlegt / da sie ver-  
lorn ist / vnd vndanck verdienet das  
mehrer teil / Zehen aufferzigen macht er  
rein / vnd nur einer dancket im. An den  
neunen ist seine liebe verloren / Hette er  
hie wöllen recht fur liebe brauchen / wie  
die Menschen pflegen / vnd die natur le-  
ret / so hette er sie allesampt widerumb  
aufferzig gemacht. Aber er lefft sie fa-  
ren / vnd gebrauchen seiner liebe vnd  
wolthat / ob sie wol im feindschafft fur  
danck geben.

Liebe sset  
nicht vn-  
danckbar  
fer. an.

Des selben gleichen / den Priestern  
hat er iren genies nicht gehindert / hat  
inen ire ehre vnd rechte / wiewol one not  
vnd schuld / heimgeschickt / So danken  
sie im also / vnd wenden von im die Auffs-  
ezigen / das sie glauben / Christus habe  
sie nicht rein gemacht / sondern das opf-  
fer vnd gehorsam des Gesetzes / Vnd vers-  
stören also den Glauben in den Aufferzi-  
gen / vnd machen Christum verachtet  
vnd vnangenen bey inen / als der sich eis-  
nes frembden guts anneme.

Denn das die Priester haben diese  
Aufferzigen verhöret / ist gleublich / vnd  
der Text wirds auch geben / Darumb müs-  
sen sie gar viel böser wort wider Chris-  
tum / diesen Aufferzigen eingeblewet  
haben / vnd die werck des Gesetzes vnd  
Opffer hoch erhaben / auff das sie den  
grossen / seinen Glauben in inen vertil-  
geten / vnd sich selbs an Christi stat set-  
zen / in jr hertz. Vnd die Aufferzigen ha-  
ben solches auffgenommen / vnd Christum  
gehalten / wie die Priester von im ge-  
plaudert / das sie im gar feind worden  
sind / vnd ire reinigung Gott zugeschrie-  
ben / als durch jr Opffer vnd verdienst  
erlanget / nicht Christo vnd seiner lau-  
ter güte. Vnd sind leiblich vom aussatz  
erlöset / oder drob gefallen in geistlichen  
aussatz / der tausent mal erger ist.

Die Aufferz-  
gen durch  
die Priester  
von Christo  
abgewen-  
det.

Wer Christus lefft beide teil gehen /  
vnd seiner güte genieffen / schweiget sei-  
nes rechten / nimet hass vnd vngunst  
fur lob vnd danck / Das man wol hie ne-  
ben müge lernen / wie wir zu weilen bie-  
ten / das besser were / es würde vns nicht  
gegeben. Diesen Aufferzigen were besser

Als iij gewesen /



## Auslegung des Euangelij

gewesen / das sie unrein blieben weren / denn das sie durch jr leibliche reinigkeit komen zu solcher grosser geistlicher unreinigkeit.

Rechte gute werck nach dem Exempel Christi.

**S**ie nu auff das Exempel / reige nu dein leben / das du deine gute werck nicht allein on schaden der andern / ja auch mit vorteil / auch nicht allein den freunden vnd fromen thust / sondern erwegest dich / das sie das mehrer teil verlorren werden / vnd du vndanck vnd has zu lohn empfahest / So gehestu im rechten wege vnd fustappen deines **HEILIGEN** Christi / Bis das du hieher komest / soltu dich fur keinen vollkommen rechten Christen halten / vnd nicht achten / ob du zehen heeren hembde antredest / alle tage fastest / alle tage Mess haltest / vnd Psalter betest / wallen leufftest / Kirchen oder jartag stifttest / Denn Christus würde wol solche werck auch gethan haben / wenn sie die rechtschuldigen weren. Siehe / das ist eigentlich ein Christlich leben. Das sey gnug von dem ersten stück des Euangelij gesagt / Nu wollen wir das ander teil auch sehen. Der Euangelist spricht also.

Und es geschach / da sie hingien / worden sie rein.

**B**isher haben wir gelernt / wie der Glaube wircket / was seine natur ist / wo er her come / was sein anfang sey / was er bringe / vnd wie angenehm er fur Gott sey / Das ist noch alles vom anheben eines Christlichen wesens gesagt. Nu ist es nicht gnug anheben / sondern zunehmen / vnd bestendig bleiben / Denn Christus sagt / Wer beharret bis ans ende / der wird selig. Item / Wer seine hand an den pflug leget / vnd siet zu ruck / der ist nicht geschickt zum Reich Gottes. Darüber leret nu die ander teil / von dem zunehmen vnd vollkommen des Glaubens. Es ist gar ein zart vnleidlich ding vmb den Glauben / oder zuersicht des hertzen zu Gott / vnd mag gar leicht verseeeret werden / das es anfange / zu zappeln vnd wanken / wo es nicht fast gesibt vnd gewonet ist.

Wach so hat es vngehliche anstöße vn fehrlichkeit / von den sünden / von der Natur / von der Vernunft vnd eigen dänckel / von den Menschen lernen / von den Exempeln der heiligen / von den

Teufeln / Zuzlich / hinden vnd vorne / vnd auff allen seiten / wird es on vnterlas angefochten / das es zagen vnd wanken / oder auff die werck fallen sol. Das wol S. Petrus sagt / 1. Per. 4. Der gerecht wird kaum selig. So feindlich reissen sich die anfechtunge vmb ein gleubig hertz. Daher auch S. Paulus sagt / 1. Corinth. 10. Wer sich lest düncken / er stehe / der mag wol zusehen / das er nicht falle. Vnd leret an allen orten / wie wir mit sorgen vnd furcht wandeln sollen / des Glaubens se wol warnemen / Denn wie er sagt / wir tragen solchen schatz in irdischem gefes / das gar leicht zerbrochen wird / wo Gott vns nicht erhalt.

Darumb müssen wir nicht sicher sein / sondern in Gottes furcht stehen / vnd beten mit Jeremia / das er vns den Glauben behüte / vnd lass es nicht kommen dahin / das wir an jm zagen vnd fur jm erschrecken. Auch weist die Euangelium gnugsam diese fahr / mit einem schrecklichen Exempel / Das vnter diesen zehen gleubigen auffsetzigen / neune abfallen / vnd nur einer ans ende bestehet vnd bleibet. Vnd gehet hie zu / wie mit einem schönen baum / der voller blüt stehet / das man meinet / er werde die fruchte nicht alle ertrage / Aber darnach durch vngewitter also viel blüt verdirbt / frucht abfelle / vnd worms stichicht wird / das kann das zehende teil reiff wird.

Also sind jr viel / die das Wort annehmen / vnd anfahen zu gleuben / Aber wie der **HEILIGEN** sagt / Es ist steinicht acker / vnd haben nicht safft gnug / oder stehen vnter den dornen vnd disteln / das ist / durch anfechtung vnd reizung fallen sie abe / vnd bleiben nicht bestendig. Denn so bald es jnen vbel gehet / oder Gott sie angreiffet / vergessen sie seiner güte / sehen nur auff seinen zorn / Davon gehet denn der Glaub vnter / vnd bleibe ein zappeln / verzagt vnd erschreckt gewissen / das fur Gotte fleuchte / schweig denn / das es im solt entgegen laffen / wie es im anfang thete.

Also sehen wir hie / da die Auffsetzigen hatten angefangen zu gleuben / vnd sich guts versehen zu Christo / erreib er jren Glauben weiter / vnd versuchte jm / machet sie nicht zusehens gesund / sondern

Zunehmen vnd Fortsetzung des Glaubens. Luce 9.

Jeremi. 17.

fahr vnd egerms des abfallens von Christi.

Verfodung des Glaubens.

dem sagt inen ein wort / sie sollen sich den Priestern zeigen. Wo hie nicht Glaube were gewesen in inen / so hette die Vernunft vnd Naturdunckel also gesagt / vnd bald gemurret / Was ist das? wir haben vns grosser güte zu jm versehen / vnd herglichen an in gleubet / er wüßte vns helfen / Aber nu rüret er vns nicht an / wie er pflegt / vnd den andern gethan hat / sondern sihet vns nur an / vnd gehet damit fur vber dahin / Er veracht vielleicht vns / Dazu sagt er weder abe noch zu / ob er vns wolle reinigen oder nicht / sondern lesst vns im zweuel hangen / vnd spricht nicht mehr / denn / wir sollen vns den Priestern zeigen. Was sollen wir vns inen zeigen? sie wissen zu vor wol / das wir auffezig sind.

Die also würde die Natur zornig vnd leunisch auff in / das er nicht so bald thut / was sie wolt / vnd sagt jr nicht gewislich zu / was er thun wolt. Aber hie ist Glaube / der sterckt sich / vnd nimmet nur mehr zu / durch solch versuchen / achtet nicht / wie vngnedig oder vngewis die geberde vnd wort Christi lauten / sondern haffet fest an seiner güte / lesst sich nicht abschrecken. Vnd fur war / es ist ein grosser reicher Glaube in inen gewesen / das sie auff solch wort sind frey hin gegangen / Denn wo sie gezweuelte hetten / weren sie gewislich nicht gegangen / Vnd ist doch kein klare zusagung da.

Und das ist auch die weise / die Gott brauchet / in vns allen / den Glauben zu stercken vnd probirn / das er mit vns also feret / das wir nicht wissen / wie ers mit vns machen wil / Welchs er nur darumb thut / das der Mensch sol sich selbs im befehlen / vnd ergeben auff seine blosser güte / nicht zweueln / er werde das geben / das wir begeren / oder ein bessers. Also haben diese Auffezigen auch gedacht / Wolan / wir gehen dahin / wie er vns gebeut / vnd wiewol er vns nicht sagt / ob er vns wolle reinigen oder nicht / sol vns das selbe doch nicht bewegen / das wir weniger von jm halten / denn vorhin. Ja wir wolle nu deste mehr vnd stercker von jm halten / vnd des frölich warten / das / so er vns nicht wil rein machen / so wird ers doch besser machen / denn das wir rein weren / wollen seine güte darumb nicht faren lassen.

Sihe / das ist ein recht zunemen im Glauben.

Solch versuchen weeret weil wir leben / darumb mus das zunemen auch so lange weeren / Denn wo er vns ein mal versucht in einem stück / darinnen er vns vngewis machet / wie ers mit vns machen wil / so nimet er darnach jmer ein anders / vnd jmer fur vnd fur vnsern Glauben vnd trawen grössert / so wir anders nur fest bleiben hangen durch vnd durch. Sihe / das wesen nennet S. Petrus / wachsen in Christo / da er sagt / 1. Pet. 2. Wie die jtz geborne Kindle solt jr die vernunftige / vnnerfalsche milch suchen / das jr dadurch wachset / bis jr selig werdet. Item / 2. Pet. vlt. Wachset in der gnade vnd erkenntnis Ihesu Christi. Vnd S. Paulus an allen orten begert / das wir zunemen / bleiben vnd reich werden in der erkenntnis Gottes vnd Ihesu Christi.

Wachsen in Erkenntnis Christi.

Das ist nicht anders / denn auff diese weise starck werden / im Glauben / wenn Gott se ine güte verbirget / vnd sich stellet / wie hie Christus gegen den auffezigen sich stellet / das wir nicht wissen / wie wir mit jm daran seien / Denn der Glaube sol sein / Argumentum non apparentium, gewis sein vnd nicht zweueln an denen dingen / die verborgen sind / vnd nicht empfunden werden.

Darumb sihe hie zu / wenn Gott schein am fernesten sein / so ist er am nächsten. Die wort Christi lautet / das man nicht wissen mag / was er thun wil / vnd sagt nichts abe noch zu / das die auffezigen / die zu vor sich gewislich seiner güte aller ding versehen hatten / möchten sich daran gestossen haben / vnd in zweuel gefallen sein / vnd gar viel einen andern verstand daraus empfahen / denn Christus meinet. Christus redet es aus so vberflüssiger güte / das er meinet / es sey nicht not / inen zu sagen / sie haben schon erlangt / was sie wollen. Tu aber die meinung inen nicht offenbar war / möchten sie dencken / er were gar viel anderer meinung / vnd ferner von inen / denn zu vor. Also sind alle seiner vberschwenglicher güte / werck vnd wort / das vns dünckt / er sey zu vor gütiger vnd gnediger gewesen denn hernach / da er angefangen mit vns zu thun.

Glaube mus fur vnd fur versucht vnd gestercket werden.

Also geschach dem Volck Israel / in der Wüsten auch / das sie meineten / Gott

Stercke vnd zunemen des Glaubens wider die versuchung.

## Auslegung des Euangelij

Gott hette sie nicht aus Egypten gefüret / den sie doch in Egypten anriessen / vnd erkandten / das er inen heraus helfen wolt / Aber es geschiet alles darumb / das wir nicht im weichen anfang vnd milch Glauben bleiben / sondern wachsen vnd jmer zunemen / bis das wir auch den starcken wein trincken mügen / vnd also trincken werden vnd vol Geistes / das wir nicht allein gut / ehre vnd freunde / sondern auch den Tod vnd die Helle verachten vnd vberwinden.

Darumb geschiet den trawlosen vnd ungleubigen / gleich wie den vnseligen Fundgrübern / die mit grosser zuversicht anfahren zu suchen / vnd graben viel / Aber wenn sie schier auff den schatz kommen sind / das noch vmb ein kleines zu thun were / lassen sie ab / sehen an / wie viel sie bisher vmb sonst geerbeitet / vnd dencken / es sey nichts fur handen. So kommet denn ein ander / der sein würdig ist / der noch nie angefangen hat / schlegt drein / vnd findet / was jener im fur gesucht vnd ergraben hat.

Wo der Glaube nicht fortreit / wird er wider genommen.

Also ist mit der Gottes Gnaden auch / wer anfehlet zu glauben / vnd wil nicht jmer zunemen vnd wachsen / dem wird sie genommen / vnd einem andern gegeben / der damit anfehlet / Wil der selb auch nicht fortfaren / wird sie im auch genommen / vnd einem andern gegeben / Es wil nur gegleubet sein. Vnd allhie reden vnser Schulen gar blind / toll / giffzig ding vom Glauben / da sie leren / es sey gnug zur seligkeit / der anfang des Glaubens / vnd nur ein kleiner grad vnd stück dauon.

So wollen nu diese wort des Texts (Vnd es geschach / da sie hingien / worden sie rein) so viel sagen / Es ist vnmöglich / das der Glaube feilen solt / sondern es mus geschehen / wie er gleubet. Denn hetten diese Aufserzigen nicht gegleubt / vnd weren nicht bestendig blieben / so weren sie freilich nicht gegangen. Darumb nicht vmb jres gehens willen / sondern vmb des Glaubens willen sind sie rein worden / vmb welches willen sie auch sind gegangen.

Als sage ich alles darumb / das nicht etwo ein blinder Meister vber diesen Text kome / der seine augen in das werck stecke / vnd sehe nicht an den Glauben / Gebe darnach fur / die werck machen vns angenehm vnd selig / dieweil diese Auf-

serzigen sind gegangen / vnd also gereinigt worden. Welchem irthum zu begegnen ist / das man dieser Aufserzigen Glauben recht ansehe / so findet sich / das nicht das werck dieses ganges / habe die reinigung erworben / sondern der Glaube.

Also ist nu viel mal gesagt / das zweierley wercke sind / Etliche vor vnd on den Glauben / etliche aus vnd nach dem Glauben / Denn so wenig als die natur ausserhalb dem Glauben / mag müßig sein / Vnd wie die natürlichen wercke nicht machen noch zuvor komen der Natur / sondern die Natur mus zuvor sein / vnd die werck aus jr vnd von jr machen. Also auch die gleubige wercke machen nicht den Glauben / sondern sie folgen vnd werden vom Glauben gemacht / Darumb müssen je wercke da sein / aber sie verdienen noch seligen nicht / sondern alle seligkeit vnd verdienst mus zuvor da sein im Glauben.

Werck machen nicht gerecht / ob sie wol müßig sind da sein.

Daher kömets auch / das des Glaubens wercke frey vnd nicht erlesene wercke sind. Denn diese Aufserzigen stunden also frey / das wo sie Christus hette heissen etwas anders thun / hetten sie es auch gethan. Vnd wo man sie hette gefragt / ob sie darumb hingien / das sie wolten rein werden / hetten sie nein gesagt / Welchs doch sein müste / wenn vmb des wercks willen die reinigung geschehen were. Gleich als wenn du die Werck heiligen fragest / ob sie darumb wirken / das sie selig werden / sprechen sie / Ja / vnd on die werck möchten sie nicht selig werden. Doch wie die Aufserzigen nicht vmb jren willen / sondern vmb der Priester willen müssen gehen / das den selbigen auch gnug geschehe / wiewol sie es nicht schuldig waren / Also alle gleubigen müssen wirken / nicht vmb jren willen / sondern vmb der andern willen / das sie den selbigen dienen / wiewol sie inen nichts schuldig sind / sondern frey wol thun / wie vns Christus gethan hat.

Einer aber vnter inen / da er sahe / das er gesund worden war / keret er vmb / vnd preisset Gott etc.

Das widerkomen mus geschehen sein / nach dem er sich den Priestern hat erzeiget mit den andern. Vnd der Euangelist schweiget / wie sie zu den Priestern komen sind / vnd was da geschehen sey. Aber aus des einigen widerkomen vnd danckbarkeit gibet er zu verstehen / wie es er-

Des einigen Samariters widerkomen.

es ergangen sey. Er ist on allen zweivel gar vngerne allein widerkomen.

Denn dieweil er aus so ganzem hertzen Christo dancke vnd hold ist. lesse sich nicht anders dencken / denn wie er wird bey den andern angehalten / vermanet / getrieben / gebeten / vñ sich auffsußerst bemühet haben / das sie mit im giengen / vnd solche grosse wolthat erkennen / Wird im auch weh gethan haben / das er sie nicht hat mügen bewegen / wird mit weinen vnd vnmut von iuen gegangen sein. Solches alles vnd des gleichen zwingt vns zu dencken die liebe / die er hatte zu Christo / die lesse nichts vnuersucht / fürchte niemand / sihet auch niemand an / das sie nur Christum würdiglich ehre vnd lobe.

Die neune von den Priestern abgewendet vom Glauben Christi.

Was mag denn hie für ein wetter komen sein / das diese neune so starck hat von diesem einigen gesondert / Sintermal wir gehöret habē / das sie allesamt so ein fein anheben vnd zunemen im Glauben Christi hatten? Von iuen selber werden sie nicht so weit abgefallen sein / es mus jemand den Glauben in iuen zuuor vmbgestossen haben / das sie die ehre / die sie hieher Christo so frey vnd reichlich gaben / nu von im wenden / vnd in der berauben / vnd die freundschaft in feindschaft verkerē. Es mus auch nicht ein schlecht abfal sein / der sich so hart wehret / vnd widerstretet diesem einigen / vnd alle seinem vermanen vnd bitten. Sibe / das haben die Priester geschan / Die kunden nicht leiden / das die ehre würde Christo gegeben / Darumb werden sie gar ein starcke Predigt wider in gethan haben / das sie solchen Glauben vertilgeten.

Was mügen sie aber gesagt haben zu iuen? Dieweil sie wider Christum vnd den Glauben haben gestritten? ist gut zu dencken / was sie gesagt vnd gethan haben / Nemlich / das widerspiel des Glaubens / Das ist / sie haben den armen Leuten furgeworfen / wie sie nicht solten glauben / das Christus sie gereiniget hette / Sondern solten Gott dancken / der hette jr Opfer vnd der Priester gebet angesehen / vnd sie erhöret / vnd darumb gereiniget. Darüber haben sie jr hertz mit zween starcken stößen vmbgeworffen.

Der Priester Argument wider Christum.

Zum ersten / das aussatz reinigen / sey vnmöglich der Creatur / vnd allein

göttlich werck gewislich / Darumb müge es Christo in keinem weg zugeeignet werden / den sie sahen einen Menschen / vnd nicht für einen Gott achteten / Darumb sie sich hüten solten / das sie ja Gott nicht lesteren / vnd eine Creatur zu Gott machten. O welch ein hübscher schein / vnd mechtiger stos ist das gewesen / Wie ein grosser Glaube mus da sein / der da stehen sol / wenn man im Gott selber / Gottes ehre vnd Gottes werck entgegen stellet / vnd damit dreywet / das er Gott nicht verleugne. Welch hertz meint nicht / das es hie auff aller beste thue / das es solcher anfechtung folge?

Der ander stos / das sie Moses Gesetz haben furggezogen / darin geboten ward / man solte die Priester hören / bey dem tod / was sie nach dem Gesetz vtheilen / Deut. 17. Dieweil denn hie die Priester vtheilten / die reinigung were von Gott / nicht von Christo / geschehen haben sie jr gewissen gewaltiglich gefangen / vnd den Glauben zu puluer verstorret in den neunen / Denn wider das Gesetz thun / ist auch wider Gott thun.

Da sibe / welch ein grewliche anfechtung ist das gewesen / da dem gewissen wird entgegen gestellet der leibliche vnd ewige tod / Gottes vnd Menschen zorn / die höhesten vnd grösssten sünden / zu gleich mit den grösssten straffen. Welch hertz solt für solchem schrecken nicht fallen / oder je nicht zittern? sonderlich so man das Gesetz Gottes zu einem warzeichen darbeit. Damit sind diese neune dahin gefallen / vnd hetten ehe zehen Christus verlengnet / ehe sie Gott erzürnen / vnd das Gesetz vbertreten wolten / haben gedacht / sie thun fast wol dran.

Darnach wird sich allererst ein wüßgezenck erhebe haben / vber diesem einigen / der hat allein sollen stehen wider die Priester / vnd alle seine gesellen fallen von im / zu seinem widerteil / Da werden sie auch vleis furgewand haben / gebeten vnd gedrewet / das er Gott je nicht erzürne / den Priestern glenbe / das Gesetz Mosi nicht verachte / sich fürsehe / das er nicht getödtet würde / als ein Gottes lesterer. Da hat das arm kind müssen ein Narr oder vnfinnig sein / ist im so gut worden / oder ein Reber vnd abtrünniger / Hat reinigung vberkos

Gottes Gebot die Priester zu hören.

Des Samaritaners anfechtung vnd Kampf wider der Priester vnter zu bestehen.

## Auslegung des Euangeli

überkommen / aber er mus drob wagen  
leib vnd leben / gut vnd ehre / freunt  
vnd gesellen / Mus dazu inen den nas  
men lassen / das sie frum sind / wol thun  
vnd Gott ehren / er mus ein Sünder  
sein vnd Gott vnehren. Vnd dieweiler  
war ein Samariter / haben sie sein viel  
leicht deste weniger geacht / vnd ge  
dacht / Las in faren / er ist doch ein Sa  
maritan / ein verloren Mensch / vnd  
nicht von Israel / Oder haben sich sein  
erbarmet / als eines tolln besessenen  
Menschen.

Misbrauch  
Göttliches  
Namens/  
wider den  
Glauben.

Also mus allzeit der Göttliche Na  
me das grössst vbel thun / vnd der grö  
ste schand deckel sein / durch misbrauch  
des Teufels / vnd böser Menschen. Denn  
dieweil sie wissen / das man nichts so  
seer fürcht vnd ehrlich helt / als Gottes  
Namen vnd ehre / sonderlich bey den  
gutherzigen Menschen / Darumb ne  
men sie eben den selben / vnd faren in  
auff jr ding / sol Gott sein / was sie für  
geben / So folgt denn der arme hauffe /  
der nicht anders wehnet / man sol alles  
das fürchten vnd auffnehmen / damit  
Gottes Namen oder Wort furgestel  
let wird.

Darumb ist not ein grosser verstand  
in solchen anfechtungen / das man sich  
nicht irren lasse / ob wir mit Gottes  
Namen bedrewet werden. Haben doch  
auch die Abgötter Gottes namen vnd  
ehre inen zugemessen. Also hat der  
Papist auch allzeit gebrauchet des göt  
liche Namens / zu aller sünd vnd schand.  
Vnd folgen im alle seine Jünger vnd  
falsche Lerer / zu vor die geistlichen / die  
da fürgeben ire vnchristliche / vnge  
stunde vnd werck seien götlich vnd  
Christlich.

Des Teuf  
fels schre  
cken vnter  
Gottes na  
men.

Wer viel herter gehet es da zu / wenn  
der böse Geist das gewissen engstet in  
tods nöten / vnd fürhelt / wie Gott zorn  
ig sey / vnd wolle sein nicht / davon Da  
uid Psal. 3. sagt / Viel sagen meiner See  
le / Gott wölle ir nicht helfen etc. Oder  
wie die Jüden zu Christo am Creuz  
sprachen / Las sehen / ist er Gottes Son  
er helff im nu / Er hat Gott vertrauet /  
las sehen / ob er in erlöse / Als solten sie  
sagen / Es ist vnmöglich / das er im hel  
ffe / es ist mit im gang verloren / Oder  
so Gott selbs einen Menschen also ver  
sucht vnd verlesst / das er nicht anders  
in seinem gewissen fület / denn als habe

im Gott entsaget / vnd wolle sein nie  
mermehr / wie Dauid sagt Psal. 30. Ich  
sprach in meinem zagen / Nu bin ich von  
deinen augen verworffen. Welches auch  
Abraham Gene. 15. vnd Jacob Gene.  
32. versucht haben.

Je leidet der Glaube die letzte not  
vnd ist in der Helle pein. Hie ist not  
fest halten / vnd sich nicht irren lassen /  
das im Gott selber furgelbter wird.  
Sihe / das ist die letzten vnd grössst an  
fechtung des Glaubens / wer hie blei  
bet / der bleibet wol ewig / denn da ist  
überwunden Todes vnd Helle fürcht /  
mit allem schrecken / das in dieser vnd  
jener Welt ist. Das sind die sterckesten  
Christen vnd grössen Geister.

Grösste not  
vnd versu  
chung des  
Glaubens /  
in geistliche  
Kampff.

Das sag ich alles darumb / das wir  
lernen fest am Glauben halten /  
den wir angefangen haben / vnd in  
bleiben in dem selben guten wahn / der  
sich alles guts zu Gott vermesse / vnd  
vns nicht dauon lassen oder dringen / es  
sey Mensch / Teuffel / Sünd / Gesez /  
Gottes Name / auch Gott selber / Wel  
ches wir deste bas vermügen / so wir  
nur darauff bleiben / das die eigentliche  
natur des Glaubens sey / wie S. Paulus  
sagt / Substantia sperandarum, Argumen  
tum non apparentium, Non autem substan  
tia fugiendarum, nec argumentum uisibi  
lium. Das ist / des Glaubens art ist / das  
er sich verlasse auff die güte Gottes /  
vnd bilde im nichts anders für / denn  
das zu hoffen vnd begeren sey.

Glaube  
gründet sich  
allen auff  
das zu hope  
ten / vnd  
wacht für au  
gen ist.  
1. Cor. 13.

Darumb / was da ander ding / das zu  
fliehen vnd schrecklich ist / das ist nicht  
des Glaubens furbild / sondern der an  
fechtung vnd versuchung / Denn Gott  
hat vnsern Glauben oder gut gewissen  
oder zuuersicht / nicht auff zorn / son  
dern auff gnade / gebawet / Darumb  
auch alle sein zusagung / lieblich vnd  
gnedig sind / Widerumb / sein drewen  
schrecklich vn bitter / Welchs man auch  
glauben mus / Aber darauff kan sich der  
Christliche Glaube nicht bawen / der  
mus eitel gut ding im furbilden.

Das ander / das man gewis sey / das  
selbe gut / das der Glaube für im hat /  
vnd darauff er sich verlesst / mus nicht  
gesehen noch empfunden werden. Dar  
umb alles was er fület / es thu wol oder  
wehe / mus er wissen / das es nicht das  
sey / das er glauben sol / sondern es ist  
die an

Glaube  
mus sich er-  
heben vber  
sinne vnd  
len.

die anfechtung vnd versuchung / Vnd  
sich also drüber schwingen vnd sprin-  
gen / die augen vnd alle sinne zuthun /  
nur an dem guten hangen / das er weder  
sibet noch höret / bis das die anfechtung  
vergehe. Gleich wie Elias 3. Reg. 19.  
sein angesicht deckt mit seinem Mantel /  
da der grosse wind / vnd erdbeben / vnd  
feyr für im vber gieng.

So viel nu dieses Ausserzigen stos  
vnd anfechtung sind grösser gewesen /  
vnd er darin allein verlassen vnd bestan-  
den / So viel ist sein Glaube grösser vnd  
vollkommen / gang reiff worden / on zweis-  
nel / vns zu einem Exempel / das wir vns  
auch nicht lassen bewegen / solche Pries-  
ster vnd geistliche / wenn schon der gan-  
ze hauffe aller welt inen zusiele. Es war  
ein gros ansehen / das die Priester im wi-  
derstunden / die doch andern Leuten den  
rechten weg zu leren schuldig waren / die  
billich die geleertesten sein solten.

Der Sama-  
riten vortelt  
vnd wider-  
spricht der  
Priester lere  
vnd gewalt

**U**nd hie leren wir ein gute antwort /  
die wir dem Paps / Geistlichen vnd  
Gelehrten mügen geben / wenn sie sich  
auffwerffen mit irer gewalt / Oberkeit /  
Ampt vnd würdigkeit / Geben für / man  
müsse inen glauben / vnd allein hören /  
was sie sagen / können wol fassen / das  
Christus die Ausserzigen zu den Pries-  
stern weist / stellen sich aber / als sehen  
sie nicht auch / wie dieser einige Mensch  
der nicht ein Priester / sondern ein Lere  
war / ja auch nicht ein Israelisch / son-  
dern ein Samarisch man / vnd urtheilet  
doch der Priester lere vnd meinung / vnd  
ist geleter denn sie alle sampt / Fraget  
auch nichts darnach / das er allein ist /  
vnd der hauffe inen zufellet.

Wenn nu das gnug were / wie vnser  
Papisten sagen / das sie die geistlichen / ge-  
lehrten vnd obersten heissen / vnd gewalt /  
dazu den hauffen mit sich / haben / vnd  
man solt nicht widersprechen / was die  
oberkeit / würdigkeit / gewalt / der hauffe  
für gebe / so hetre dieser Samariter vn-  
recht gethan. Aber da sey Gott für. Son-  
dern das Euangelium leret hie / das nie-  
mand so fast irren vnd verführen pflegt /  
als eben die Priester / die geistliche / die ge-  
leertesten / die obersten / die würdigste vnd  
die meisten / Darumb sich auch für nie-  
mand so fast / als für inen zu hüten ist.

Doch dieweil Christus sie zu inen  
weist / gibt er an / das nicht jr Ampt /

sondern der misbrauch irer Ampts zu  
meiden sey / Vnd setz eine regel / wie fer-  
ne man inen glauben vnd folgen sol /  
Nemlich / wenn sie nach dem Gesetz le-  
ren / sol man sie hören / wie Moses Deu-  
tero. 17. Kerlich ausdrückt / das die Prie-  
ster nach dem Gesetz urteilen solten / vnd  
als denn / wer nicht hören wolt / steini-  
gen / Wo sie aber on Gesetz vnd ire eigen-  
lere furgebē / sol man weder Ampt noch  
gewalt ansehen / vnd allein bey der  
Schrift bleiben.

Es sagen die Leute wol / das nie-  
mand falsch schreibt / denn die Schrei-  
ber / Also predigt auch niemand falsch /  
denn die Prediger / vnd wie man aber-  
mal sagt / Die Gelehrten / die verkerren.  
So denn die Priester / die von göttlicher  
ordnung eingesetzt sind / vnd Gottes ge-  
setz leren / das mehr mal vnd am seers-  
ten irren / Was solten vnser Paps /  
Cardinal vnd Bischoff thun / die we-  
der von Gott noch Menschen / sondern  
von inen selbs eingesetzt / dazu weder pre-  
digen noch studieren / auch nicht mehr  
denn lauter Menschen lere / vnd ire ei-  
gen errem auffrichten. Darumb ist hie  
weder Ampt noch lere gut / eitel irthum  
von oben an bis unten aus / das nur zu  
meiden / nicht viel zu disputieren ist / jr le-  
re vnd wesen / Denn sie sind nicht die  
Priester / die hie bezeigt sind / wie wir hö-  
ren werden.

**W**arumb sagt aber S. Lucas / das  
dieser einige gesehen habe / das er  
rein worden ist / Habens die andern  
nicht auch gesehen / so sie doch alle zehen  
gereinigt sind / So haben die neune / wie  
wir gehört / mit den Priestern auch Got-  
te gelobt / vnd gros von im gehalten /  
auff das sie ja nicht Christo / als einer  
Creatur / die ehre geben / Warumb sagt  
er denn / das dieser einige allein habe  
Gott gros gelobt / mit grosser stimme /

Auffs erste / ist das von S. Luca  
nach der gemeinen weise geredt / da man  
von den vndanckbaren sagt / er sibet  
nicht die wolthat / so im geschehen ist /  
das ist / er wils nicht sehen / noch zu her-  
gen nemen / noch bedencken / auff das er  
danckbar were / sondern thut / als wüste  
er nichts darumb / veracht vnd sibet es  
nicht an. Also haben diese neune nicht  
wollen ansehen vnd bedencken die wol-  
that Christi / haben in veracht / als hetre

Wie fern e-  
denen zu sol-  
gen / die sich  
der Kirchen  
ordentliche  
gewalt thā-  
men.

## Auslegung des Euangelij

**Der Samariter** sahen nicht an zu sehen und zu erkennen seinen Woltäter und woltäter. Mit solchen augen hat dieser Samariter angesehen seine reinigung.

**Falsch Gottes loben** der neune. Aufss ander/die neune lobten auch Gott/ aber mit der zungen/ vnd leferte in zugleich/ in Christo / Es were auch nicht strefflich gewesen/ ob sie Christum der zeit/ noch nicht für einen Gott gehalten gehalten/ denn er war noch nicht verkeret/ als S. Johannes sagt. Vnd dieser einiger hat in vielleicht auch noch für einen lautern Menschen gehalten. Aber da wolten sie hin/ das Christus ein sündiger Mensch vnd Gotteslester gehalten/ vnd aufss eusserst verachtet würde. Ein solche gifte breweten sie in die neune. Christus sucht der zeit nicht mehr/ denn das sie in auffnehmen/ als von Gott zu jnen gesand/ das sie gubten/ wie Gott in jm wonete/ redete vnd wirkte/ Das wolten sie nicht/ vnd mochtens auch nicht leiden von andern/ das sie in also auffnehmen/ Sondern er solt geacht werden/ vom Teuffel komen/ vol Teuffel sein/ durch Teuffel reden vnd wirken. Vnd solchen Glauben lieffen die neune in sich treiben.

Aber dieser einige bleib fest darob/ Gott müste mit Christo sein/ der durch in vnd in jm redete/ wirkte vnd wonete. Darumb ist sein lob vnd danck beschriben/ vnd jener lob geschwiegen. Durch was streit vnd ansechtung er in solchem Glauben blieben ist/ haben wir droben gehört. Es ist ein grosser glaube/ das er an dem so fest hielt/ der verachtet/ verdampft vnd verlestert war/ von den Priestern/ Gelehrten/ Obersten/ besten/ grössten vnd meisten im ganzen Volck. Wer dürfft jetz Christum also halten/ wenn in der Papsst/ Bischoue/ Doctores/ Mönch/ Pfaffen/ Fürsten/ mit alle irem hauffen verdampft hetten/ vnd eine Bullen lassen wider in ausgehen/ Wie wir öffentlich sehen/ das sie thun?

**Rechter Gottes dienst** des Glaubens. Vnd hie leret das Euangelium/ was für werck thue der versuchte vnd erfarnen Glaube/ vnd welches der rechte Gottesdienst vnd ehre sey / die man Gott erzeugen mag. Etliche bawen im Kirchen/ etliche stifften Messe / etliche leuten im Glocken / etliche zünden im liecht an / das er ja sehen müge. Vnd

thun nichts anders/ denn als were er ein Kind/ der vnser güter vnd dienst bedürffe. Wiewol Kirchen bawen/ vnd Messe halten / am ersten aus der ursach ist auffcomen/ das die Christen alda zusammen kemen / den rechten Gottesdienst zu volnbringen / darnach ist derselbe dienst abgangen vnd gantz verschwiegen. Da sind wir bisher an stifften / bawen/ singen/ leuten/ leuchten/ kleidern/ reuchern/ vnd was bereitung zu Gottesdienst mehr sind / blieben hangen / bis das wir solch bereitung achten / den rechten heubt Gottesdienst / vnd von keinem andern gewust zu sagen. Vnd thun also weislich/ als / wer ein Haus bawen wolt/ vnd verbauret an der rüstung alle sein gut/ vnd keme sein lebens lang nimer so ferne / das er einen stein zum Hause legte/ Rat/ wo wil derselbe zu letzt wönen / wenn das gerüst wird abgebrochen?

Aber das ist der rechte Gottesdienst/ widerkomen/ mit grosser stimme Gott loben. Das ist das grösste werck im Himmel vnd Erden/ dazu das einige/ das wir Gott erzeugen mügen / Denn der andern darff er keines / ist jr auch nicht fehg/ allein geliebet vnd gelobet mager von vns werden / Davon sagt/ Psalm. 49. Was wiltu mir geben? ist doch alles zuvor mein / Opffer mir das opffer des Lobs/ das ist das werck / das mich ehret. Meineßtu / das ich Kind fleisch essen oder Bocks blut trincken wolle? Also möcht er jetz zu den Stiftern/ Reuchern/ Singern/ Klengern/ vnd leuchtern sagen/ Meinest jr/ das ich blind vnd taub sey/ oder das ich kein berg habe? Lieben vnd loben solt jr mich/ so reuchert jr mir dafür / vnd leutet mir Glocken.

Das widerkomen/ ist die empfangene gnade vnd güter wider heim zu Gott tragen/ sie nicht behalten / nicht darauff fallen / sich derselbigen nicht erheben für andern / sich jr nicht rühmen/ vnd nicht ehre dauon haben wollen/ nicht etwas bessers sein wollendenn die andern/ im selber nicht wolgefallen/ noch lust drinnen haben/ sondern alle solche lust/ gefallen/ rühm vnd ehre allein in dem haben/ der sie gegeben hat. Vnd willig/ gleich gelassen stehen/ so er sie wider von jm nemen wolt/ vnd nichts weniger als denn auch in lieben vnd loben. Widerkomen zu Christo durch danckbarkeit.

O wie wenig sind der/die also wi-  
dertomen/freilich kaum einer vnter zes-  
hen. Hat einer ein schöner har denn der  
ander/ so gefellet er im selbs darinnen  
für andern/ Was solt er denn thun in  
den grossen gütern der Vernunfft/ des  
Geistes etc. Das sind die Raben Noah/  
die aus der Archen fliegen/ vnd Komen  
nicht wider. Summa/widerkomen/be-  
greiffe die zwey stück/ nicht hafften an  
Gottes gaben/sondern allein an im sel-  
ber/der sie gibt.

Gen. 7

Erfahrung  
der fremd-  
ligkeit Got-  
tes wo der  
glaub vber-  
windet.

Also auch das hochloben Gottes/  
begreiffe die zwey stück. Das erste / ist  
hoch von im halten im hertzen / vnd ein  
lieblich wolgefallen in im haben / das  
wir schmecken vnd empfinden/wie süß  
der HERR sey/Da von S. Petrus sa-  
get 1. Pet. 2. vnd Psal. 33. Schmecket  
vnd sehet/wie freundlich ist der HERR.  
Das alles leret vnd bringet der versuch-  
te glaube am ende der anfechtung/Denn  
so lange der streit vnd die anfechtung  
wehret / ist der Glaube in der arbeit/vnd  
ist alles hart vnd sawer / empfind noch  
schmecket kein süßigkeit in Gott. So  
bald aber die böse stund fürüber ist / so  
wir des erharren/vnd bleiben/so kömet  
die süßigkeit Gottes.

Da wird Gott dem hertzen so lieb-  
lich / gefellig vnd süß / das es nicht  
mehr begert / denn mehr streiten vnd  
anfechtung versuchen / Vnd hat nu  
gleich einen durst vnd verlangen nach  
leiden vnd vnglück / da sich alle Welt  
für fürcht/vnd er selbs zu vor auch sich  
dafür fürcht/Da von Psalm. 25. saget/  
HERR versuche mich/vnd prüfe mei-  
ne nieren vnd hertze. So gar wird ein an-  
der Mensch/ein ander schmach aus dem  
ritterlichen Glauben / das im hinfurt  
nicht wol on leiden ist. Vnd gleich wi-  
dersinnlich aller Welt lebt / das er lust  
hat/darinne sie leide hat/bis das er dies-  
sem gangen leben feind / vnd des ster-  
bens gar begirig wird.

Der welt ge-  
creuzigt  
sein.

Sibe/das meint S. Paulus / da  
er sagt/ Ich bin der Welt gecreuzigt/ so  
ist mir die Welt gecreuziget / Das ist/  
mein lust vnd leben ist jr leid vnd tod/  
vnd jr lust vnd leben ist mein leid vnd  
tod. Darumb spricht er abermal / Ich  
begere zu sterben/vnd zu sein mit Chris-  
to. Zu solchem schmach vnd erkenntnis  
kan kein Werckheilige Komen/Denn an  
fechtung vnd leiden wollen sie nicht/ so

müssen sie auch glaublos/vnd gang vn-  
erfarne Menschen bleiben/ in geistlich-  
en sachen.

Was ander stück / ist mit der stimme  
eraus brechen / vnd also bekennen  
für der Welt/wie das hertz von Gott  
hele inwendig. Das ist nichts anders/  
denn aller Welt feindschafft auff sich  
laden/vnd viel boten nach dem tod vnd  
Creuz senden. Denn wer Gottes lob  
vnd ehre mit der stimme preisen wil/der  
mus aller welt lob vnd ehre verdamne/  
vnd sagen / wie aller Menschen werck  
vnd wort nichts sey / mit aller ehre/ die  
sie da von haben/sondern allein Gottes  
werck vñ wort/sey lob vnd ehre wirdig.

Bekentnis  
des glaubens  
vnd verfol-  
gung vber  
demselben.

Sibe/das kan denn die welt nicht  
leiden/ Da mustu denn herhalten / ein  
Kerzer/ ein Verfurer / ein Gottesleste-  
rer sein/der du versprichst so viel guter  
werck vnd geistliche lebens / mit allem  
Gottesdienst. Da heisset man dich denn  
stillschweigen/oder macht dir ein sewr.  
Vnd ist nicht möglich/das sie es von dir  
leiden / denn jr ding wollen sie vnvers-  
worffen von dir haben/So ist es auch vn-  
möglich/das du auffhörest vnd schwe-  
gest / sondern mit grosser stimme / wie  
dieser Ausserziger / bekennest viel mehr  
allein Gottes lob vnd ehre / in seinen  
wercken vnd worten.

Also gehestu denn zu scheitern / vnd  
wirft zu asche/So feret denn der Papst  
zu/vnd macht seinen Kalender grösser/  
mit roter Tinten/erhebt sie zu Heiligen  
im Himmel/vnd tilget dich aus dem buch  
des Lebens / wirffet dich vier tausent  
meil jenseid der Hellen/vnd bist ein faul  
glied/geschnitten von der heilige Chris-  
tenheit/das du die heilige Kirche nicht  
vergiftest mit deinem stanck vnd Teuf-  
fels lere.

Da von sagt Christus/Matth. 24.  
Alle Welt wird euch hassen vmb mei-  
nes Namens willen. Warumb vmb  
Meines Namens willen? Sie wollen  
noch mügen Gottes namen/lob vnd eh-  
re nicht leiden/Denn damit würden sie  
vnd all jr ding zu schanden/vnd were al-  
lein Gott weise/gut/gerecht/warhafft-  
ig vnd stark/so müsten sie narren/bös-  
se/vnrecht/lügner/falsch vnd vntüch-  
tig sein. Wer wolt das gros vnrecht/  
die Teuffliche Kerzerey leiden? das man  
so viel Gottesdiensts/vnd göttliche Le-  
bens/solt vmb Gottes willen abe thun

Vmb Chri-  
stinamen ge-  
hasset wer-  
den.

B. ij vnd



## Auslegung des Euangelij

vnd endern/als nerrisch/vnrecht/falsch/vntüchtig ding. Nicht also / es mus nicht Gott/sondern der Teufel sein/ der solchs furgibt.

Sihe/ auff der strassen / sind alle Propheten erwürget / vnd Christus selbs. Die welt wil nicht nart sein/nach vnrecht haben/so wils Gott nicht von jr leiden/vnd schickt zu jr seine Boten/vnd straffet sie darumb. Also müssen denn die Heiligen jr blut drob vergießen. Darumb ist ein gros ding / Gott mit freier/grosser stimme loben vnd erheben fur der Welt.

**Falsch loben vnd ehmen der Christen** Tu loben vnd heben die falschen Heiligen/vnd Christmörder auch mit grosser stimme/Gott vnd seine werck/ja sie predigen vnd schreien mehr von Gott/denn die waren Heiligen / Wie wir jzt auch sehen alle winkel vol Prediger/die Gott hoch heben vnd loben / das er allein zu loben vnd zu ehren sey/vnd führen eben die stimme vnd wort / die die rechten Prediger führen / Warumb gilt es denn nicht? oder was ist der feil daran? On zweifel kein anderer/denn das sie mit diesem Ausserzigen/Christo nicht zu fufs fallen/vnd jm danken/sondern wollen/das Christus jnen zu fusse falle/vnd dancke jnen. Denn die Jüden eheten Gott alle ehre/Aber Christum wolten sie nicht leiden.

Also auch diese / so lange man jr ding leste bleiben/vnd nicht verwirfft/schreien vnd loben sie fast hoch / Aber so man sie auch wil nach solcher lere richten/vnd jr eigen geschrey vber sie fellen/das sie nichts seien / vnd alle jr ding falsch vnd narheit / Da gehet das lob vnd geschrey aus/Da bricht er fur jr falsches hertz/vnd wird offenbar / das sie Gott nur mit dem mund/vnd sich selbs mit dem hertzen/ehren vnd loben.

Es ist nicht gnug/das du fast seer rüffest vnd schreiest/Gott thu alle ding vnd vnser ding sey nichts/Du must auch leiden/Das man solches von dir vnd deinem wesen sage. Du kanst leiden/das Christi vnd dein feind nichts sey/vnd alles was er thut / verworffen sey / vnd meinst / es sey recht vnd wol gethan/Denn sein wesen sey nicht aus Gott/sondern wider Gott / Aber du wilt nicht auch mit jm verworffen sein/dein ding sol Gott selbs vnd vnverworffen sein/Wie ist denn möglich / das du soltest

**Ein Christ mus sich lassen mit Christo verwerffen.**

den verworffen Christum leibē? schweig denn/das du jm zu fussen fallen soltest/vnd dich vnwürdig achten / der da mit jm verworffen würde.

Dieweil denn nu Gott sich hat in den verachten Menschen Christum verborgen/vnd da wonen wil/darffestu die nicht furnemen/in anderswo zu finden/denn wo verachtung ist/ Ja du must das hin komen/das du fro werdest / das du würdig seiest/verachtet zu werden/vnd must noch zu fussen fallen/vnd danken der verachtung / die dein ding nichts wil sein lassen/Auff das nicht wort/sondern that sey/das du sagest/allein Gott sey zu loben vnd kein Mensch / vnd solche Lere an dir am ersten beweiset werde/vnd eben vmb derselbigen Lere willen solches leidest / vnd des alles dich nicht würdig erkennest.

Also hat auch Christus solchs geeret/vnd allein Gottes Namen erhebt/ist auch am ersten vnd am meisten vber in gegangen/das er gar zu nicht ist worden/das jm darin keiner gleich wird. O/das ist ein reich gros Exempel / da viel von zu sagen were. Aber jzt sey es gnug das wir ein wenig sehen / wie ein gros ding es ist/mit der that Gottes lob beweisen/vnd Christo dem verachtē Menschen auch zu fufs fallen / auff sich sicht/wie die Aposteln / Act. 5. fro waren/das sie würdig waren/vmb Christi Namens willen schmach zu leiden/Da von psal. 71. gesagt ist / das die feinde Christi sollen die erden lecken/vnd anbeten die fuststappen seiner flüsse. Das ist/wie S. Paulus auch sage / sich ehmen in dem leiden vnd creuz/das da begegnet vmb solch lob Gottes / vnd Menschen straff willen. Denn weil Christus selbs also gelidten hat/ist das leiden so köstlich worden/das sein niemand würdig ist/Vnd fur ein grosse gnade an zu nemen/vnd an zu beten ist.

3 Jeraus sehen wir / wie weit ein Christlich leben vbertrit das natürliche Christen leben. Zum ersten/veracht es sich selbs. Zum andern/liebet vnd dürstet nach verachtung. Zum dritten / straffet alles/das nicht veracht wil sein / darob es in alles vnglück sich ergibt. Zum vierden/wirds auch veracht vnd verfolget vmb solcher verachtung vnd straffe willen. Zum fünfften/dänckte sichs auch nicht würdig zu leiden solche verfolgung.

*Dem verachten Christo zu fufs fallen*

Nu fleucht die welt vnd natur fur dem aller ersten stuck/ wenn solt sie denn zu dem letzten Kommen? Es ist aber noch ein anders dahinden vnd grossers/von dem zu fufs fallen Christo / das die Priester nicht wissen noch wollen / Denn es ist nicht ein iglicher glaube gnug / sondern Christi glaube mus da sein/ der demütiget recht.

Vnd das war ein Samariter.

Zweiterley Gottes diener vnd Knecht.

Was ist dem Euangelisten not gewesen / das zu schreiben fur andern dingen / das dieser ein Samariter were? Damit thut er vns die augen auff/ vnd warnet vns / das Gott zweierley Volck hat / das im dienet / Eines/ das den namen vnd schein hat von grossen geistlichen heiligen leben/ mühet sich auch fast darinnen/ vnd ist doch nichts dahinden/ Sie sind nicht mehr denn reissende wolffe vnter schafs Kleidern/ noch haben sie die ehre dauon/ sind auch fur jederman dafur gehalten/ das sie die rechten Gottes diener sind. Darumb fleusse jnen gut/ ehre/ freunds schaffe zu/ vnd alles was die Welt hat/ vmb Gottes willen/ Denn man achtet das er da sey/ vnd wer sie anders helt/ der ist erger denn ein Heid / Keger vnd Abtrünniger.

Die andern sind on allen schein vnd namen/ ja im widerschein/ das niemand weniger Gottes volck sey/ denn sie. Vnd kurzlich/ sie sind eitel Samariter/ welches wort bey den Jüden vbel lauter/ als wenn man jzt einen Türcken / Jüden/ Heide oder Keger schülte/ Denn die Jüden hatten allein den namen/ das sie Gottes volck weren/ Gottes dienst vnd Gott selber bey jnen allein hetten / fur allen Leuten aufferden/ Vnd fur allen Völkern waren sie den Samaritern feind / denn dieselbigen wolten auch Gottes volck neben jnen sein / Darumb war ein Samariter bey jne / als bey vns ein verleugneter Christen.

Samariter bey den Jüden fur abtrünnige vnd Keger gehalten.

Vnd wiewol es war ist/ das die Samariter nicht recht glaubeten / vnd die Jüden das rechte gesetz Gottes hatten/ So geschachs doch/ wie der menschliche brauch ist/ das die sich allein des Jüden thums rühmeten/ vnd die Samariter verachteten/ weniger Jüden/ vnd erger Samariter waren/ denn die natürliche Samariter. Nu aber Gott die warheit

liebet/ vnd dem gleissen mit alle seinem rhum feind ist / keret er es auch vmb/ vnd nimet die Samariter auff/ vnd lesst die Jüden faren / Also geschiet dem/ das / die sein Volck nicht sind / welche doch den namen/ schein vnd ehre dauon haben/ Widerumb/ die sein Volck sind/ die den namen vnd schein haben/ das sie Keger/ Abtrünnige vnd des Teuffels eigen sind.

Gott nimet die gienbige Samariter an/ vnd lesst die Jüden faren.

Also gehet es jzt auch/ Die geistlichen/ Pfaffen vnd Mönche nennen sich/ werden auch dafur gehalten / das sie Gottes diener sind/ vnd niemand Christen sey/ der nicht glaube/ wie sie gläubet/ So doch niemand weniger Christen vnd Gottes volck ist/ denn eben die sich vnter jnen also auffwerffen vnd rühmen/ Widerumb/ die sie fur Keger halten/ der sie auch viel verbrand vnd verbrannt haben/ als Johannem Zuss vnd seines gleichen/ die müssen nicht Christen sein/ so sie doch allein die rechten Christen sind.

Gienbige Christen/ bey der welt die verworfften.

Da gehet denn die Euangelium mit gewalt / das niemand widerkommet/ niemand Gott erhebt mit grosser stimme/ niemand felleet Christo zu fusse auff sein angeficht/ denn allein der Samariter/ die verachteten / die verdampften / die verfluchten/ die da Keger/ abtrünnige/ irrige vnd Teuffels eigen müssen sein/ Darumb lasse vns nur hüten fur allem/ das da scheint / es trenget gewiolic/ Vnd nicht verwerffen / was da nicht scheint / auff das wir nicht anlauffen/ vnd darunter Christum vnd Gott verwerffen/ wie die Jüden theten. Das wil auch Christus / da er sagt.

Sind jr nicht zehen rein worden? Wo sind aber die neune? Hat sich sonst keiner funden / der widerumb keret / vnd gebe Gott die ehre / denn dieser Fremdlinger?

Der Fremdling thut / der gibet die ehre Gott rein vnd gang. O ein schrecklich Exempel ist das/ vnter zehen nur einer / vnd derselbe vnter jnen der geringste vnd nichts ist. Wie gar sibet doch Gott nicht auff das/ das gros/ weise vnd ehrlich ist/ Noch fürchten sich solche Leute nicht / sondern verstocken vnd verharren in jrem wesen. Das ist auch schrecklich/

Schrecklich vnter Christi vber die neune.

B b iij lich/

## Auslegung des Euangelij

lich/das der HERR so eben weis/das jr zehen sind rein worden/das sie doch nicht meinetē/Dazu schweiget er nicht/fragt darnach/vnd suchet sie/Wo sind die neune? O welch ein schrecken wirds sein/wenn sie diese frage dermal einsfülen werden/vnd sollen antworten/wosie hin gegangen sind/das sie nicht Gotte haben die ehre gegeben. So werden sie denn sagen/ Ey/haben wir doch Gott gelobet vnd gedancket/vnd vnserre Priester haben vns also geleret. So wird sichs finden/obs helffen werde/das man Menschen lere gefolget vnter Gottes namen/vnd Gottes Lere/vmb Gottes willen verlassen hat.

Wir sind gnugsam im Euangelio gewarner/darumb wird keine entschuldigung helffen/so wir vns verführen lassen/Wir haben alle in der Tauffe gelobet/Christo vnd seiner Lere zu folgen. Niemand hat gelobt/dem Papst/Bischouen vnd Geistlichen zu folgen. So hat Christus Menschen lere durch vnd durch verworffen vnd verboten.

Troft des  
göttlichen  
vtheils vber  
die Verrech-  
ter vnd Ver-  
folger.

Es tröstet aber hie Christus seine arme Samariter/die vmb seines Namens willen müssen das leben wagen/an den Priestern vnd Jüden/Vnd stercket ire hoffnung/mic dem vtheil vnd gericht/das er die neune fordert/vnd vtheilet/als die Gottes diebe/die Gott seine ehre stelen/vnd rechtfertigt den Samariter/Denn es machet gar einen starckē mut der hoffnung/das sie weis/ire sache werde für Gott recht behalten vnd bestehen/Des widerteils sache aber werde verdampft vnd nicht bestehen/wie hoch sie auch auff erden vberschweben vnd recht behalten.

Darumb sihe zu/ehe er den Samariter rechtfertiget/vtheilet er die neune/das wir je gewis sein sollen/nicht eilen noch begeren der rache/sondern sie im nur heimstellen/vnd für vns faren/Denn er ist von im selbs sorgfältig/das recht zu schützen/vnd vnrecht zu rechnen/das er dasselbige am ersten fürnimet/ehe er seine Samariter belohnet.

Dazu brauchet er fast viel wort vber diesem vtheil/mehr denn zu dem Samariter/Das wir je sehen sollen/wie gross im daran gelegen ist/vnd gar nichts vergefse jres vnrechten vnd vnserer rechten. Auch wartet er nicht so lange/das sie im verklagt werden/Sondern fordert

Deut. 23  
sie von im selbs/das in on zweifel der vn-  
glaubigen wesen mehr vnd ehe bewegt/  
denn es vns betrifft oder beschedigt/Da  
von sagt Gott im Mose/Die Rache ist  
mein/vnd ich wil vergelten. Vnd S.  
Paulus zum Römern/Rachtet euch selb-  
ber nicht (meine liebsten) sondern gebet  
raum dem zorn Gottes.

Stehe auff/ gehe hin/ dein glau-  
be hat dir geholffen.

**S**ie/ ist das nicht ein wän-  
derlicher Spruch/das er die rein-  
gung dem Glauben gibt? Das  
ist wider das vtheil der Priester/die den  
neunen sagten/jr Opfer vnd gehorsam  
des Gesetzes hette sie gereiniget. Aber  
Christi vtheil bestehet vnd vberwindet/  
das sie nicht sind vmb jres ganges wil-  
len zu den Priestern/nicht vmb jres  
Opfers willen/sondern allein vmb jres  
Glaubens willen/rein worden. Dar-  
umb leidet der Glaube keine wercke ne-  
ben im/die im dazu helffen solten/das  
er gerecht vnd selig werde/denn das  
mus vnd wil der Glaube aller dinge al-  
lein thun/vnd die wercke anderswo zu  
brauchen/Nemlich/dem Nehesten zu  
helffen/wie im Christus geholffen hat.

**W**ad das wirs hie beschliessen/so se-  
hen wir/das dis Euangelium gnug  
sam das ganze Christlich leben vnter  
weist vnd fürbildet/mit alle seinen zu-  
leben.  
fellen vnd leiden/Denn die zwey heub-  
stück sind/der Glaube vnd die Liebe.  
Der Glaube empfehet gut/die Liebe gi-  
bet gut/Der Glaube opffert vns Gotte  
zu eigen/die Liebe gibt vns dem Nehes-  
sten zu eigen. Wenn denn nu solch leben  
ist angangen/so sehet Gott an/vnd  
bessert es/durch versuchung vnd an-  
fechtung/dadurch der Mensch je  
mehr vnd mehr zunimmet im Glauben  
vnd Liebe/das im Gott durch eigen er-  
farung so herrlich lieb vnd süsse wird/  
das er nichts mehr fürchtet.

Da wechset denn her die hoffnung/  
die da gewis ist/das sie Gott nicht la-  
ffen wird/danon S. Paulus sagt/  
Rom. 5. Wir rhümen vns auch der trüb-  
sals/dieweil wir wissen/das trübsal  
bringet gedult/Gedult aber bringet er-  
farung (das der Mensch erfunden wird  
durch laden  
wie das feuer bewert/das das gold  
reht)

recht gut sey) Die erfahrung aber bringet hoffnung/ Die hoffnung lesse nicht zuschanden werden.

Drey stück  
Christlich  
lebens bey-  
einander ge-  
fasset.

Vnd die drey stücke zeucht er jmer an in seinen Episteln. Jun Coloffern am 1. spricht er also/ Wir dancken Gott vnd dem Vater vnser H. E. X. X. I. Ihesu Christi/ vnd beten allzeit fur euch/ nach dem wir gehört haben von ewerm glauben an Christum Ihesum/ vnd von ewer liebe zu allen heiligen/ vmb der hoffnung willen/ die euch beygelegt ist im Himm. Vnd noch feiner/ 1. Thess. 1. Wir dancken Gott allezeit fur euch alle/ vnd gedencen ewer in vnserm gebet on vnterlas / so wir eindenck sind ewers wercks im Glauben/ vnd ewer arbeit in der Liebe/ vnd ewer gedult in der hoffnung/ welche ist vnser H. E. X. X. I. Ihesus Christus/ fur Gott vnserm Vater.

Wie hübsch teilet er die drey stück/ das der Glaube im werck/ die Liebe in der arbeit/ die hoffnung im leiden oder gedult daher gehe. Als solt er sagen/ Ewer glaube ist nicht ein trawm vnd getichte / sondern es ist eitel leben vnd that/ Vnd ewer liebe ruget nicht/ gehet auch nicht müßig/ thut viel bey dem nehesten/ Aber das gehet noch alles zu im guten/ Ewer hoffnung/ die vber sich im leiden vnd gedult/ vnd das alles in Christo/ Denn kein Glaube noch Liebe/ noch hoffnung ist aufferhalb Christo. Also ge-

het ein Christlich leben im gut/ durch das böse hin/ bis an das ende/ vnd suchet dennoch nicht rache/ lesset Gott walten/ richten vnd rechen/ wechset nur jmer mehr vnd mehr in dem Glauben/ Liebe vnd Hoffnung.

Vnd die Liebe/ welche natürlich dem Glauben folget/ teilet sich in zwey teil/ Sie liebet Gott/ der jr so viel thut durch Christum im Glauben/ vnd liebet den Nehesten/ das sie jm thut / wie jr von Gott gethan ist. Darumb gehen alle werck eines solchen Menschen zu seinem Nehesten/ vmb Gottes willen/ der in geliebet hat / vnd thut kein werck/ das Gott zustehe / denn nur lieben vnd loben/ vnd das alles fur der Welt frey bekennen / Denn der andern werck bedarff Gott nichts/ Also/ das aller Gottesdienst im munde stehet/ Wiewol das alles auch Gotte gedienet heisset/ das man dem Nehesten thut. Aber ich rede jzt von dem dienst/ der allein Gott geschiet/ des kein Mensch mag teil haben/ der ist nur lieben vnd loben/ Aber darob mus er sich ganz vnd gar dargeben in alle widerwertigkeit. Siche/ was wiltu mehr wissen / wie du solt ein Christen sein/ habe Glauben vnd Liebe/ bleibe

Drey stück  
Christlich  
lebens/ bey-  
einander ge-  
fasset.

darinnen/ so hastu vnd kanst es alles / Das ander wird sich alles selbs leren vnd geben.

## Am funffzehenden Sonntag

nach Trinitatis / Epistel/ Galat. VI.



**S**o wir im Geist leben/ so lasset vns auch im geist wandeln. Lasset vns nicht eiteler ehre geizig sein/ vnternander zu entrüsten vnd zu hassen. Lieben Brüder / So ein Mensch etwa von einem Feil vberleitet würde/ so vnterweiset jm mit sanfft mütigem geist / die jr geist-

lich seid / Vnd siche auff dich selbs/ das du nicht auch versucht werdest. Einer trage des andern Last / so werdet jr das Gesetz Christi erfüllen. So aber sich jemand lesse düncken / er sey etwas/ so er doch nichts ist / der betreuget sich selbs. Ein jglicher aber prüfe sein selbs werck/ vnd als denn wird er an jm selber rhum haben/ vnd nicht an einem andern / Denn ein jglicher wird seine Last tragen.

Der aber vnterrichtet wird

B b üß mie

## Auslegung der Epistel

mit dem Wort / der teile mit aller-  
ley Gutes / dem / der in vnterrich-  
tet. Irret euch nicht / Gott lesset  
sich nicht spotten / Denn was der  
Mensch seet / das wird er erndten.  
Wer auff das Fleisch seet / der wird  
von dem Fleisch das verderben ernd-  
ten. Wer aber auff den Geist seet /  
der wird von dem Geist das ewige  
Leben erndten. Lasset vns aber gu-  
tes thun on verdrus / Denn zu sei-  
ner zeit werden wir auch erndten /  
on auffhören. Als wir denn nu zeit  
haben / so lasset vns gutes thun an  
jederman. Allermeist aber an des  
Glaubens genossen.

**D**iese Epistel leret fur-  
nemlich die / so in den Em-  
ptern sind / in der Kirchen  
zu regieren / Darumb ver-  
manet er sonderlich / sich  
zu hütē fur dem laster der  
Eitelē ehre / weil ja die  
Christen müssen ire Seelforger vnd Pre-  
diger in ehren halten / das sie sich des  
nicht brüsten vnd misbrauchen / wider  
die einigkeit der Lere vnd der Liebe.  
Item / das sie auch die / so gefallen sind /  
nicht verachten oder ligen lassen / Wie  
der Priester vnd Leuit den verwundē /  
Luc. 10. Endlich vermanet er alle vnters-  
inander sich zu vleissen / das gute zuthun /  
damit jederman gedienet werde / Wie  
Christus im Euangelio auch leret / Ei-  
nes iglichen tags erbeit thun / vnd nicht  
fur das künfftige sorgen / Davon weiter  
in der ganzen auslegung dieser Epistel.

## Euangelium des XV. Son

tags nach Trinitatis /  
Matth. XVII.





**I**hesus sprach zu seinen Jüngern / Niemand kan zweien Herren dienen / entweder er wird einen hassen / vnd den andern lieben / Oder wird einem anhangen / vnd den andern verachten. Ir künd nicht Gotte dienen / vnd dem Mammon. Darumb sage ich euch / Sorget nicht fur ewer leben / was ir essen vnd trinckē werdet / Auch nicht fur ewern Leib / was ir anziehen werdet. Ist nicht das Leben mehr denn die speise? vnd der Leib mehr denn die Kleidung? Sehet die Vögel vnter dem Himmel an / Sie seen nicht / sie erndten nicht / sie samlen nicht in die Scheuren / vnd ewer himlischer Vater neeret sie doch. Seid ir denn nicht viel mehr denn sie? Wer ist vnter euch / der seiner lunge ein elle zusetzen müge / ob er gleich darumb sorget?

Vnd warumb sorget ir fur die Kleidung? Schawet die Lilien auff dem felde / wie sie wachsen / Sie erbeiten nicht / auch spinnen sie nicht / Ich sage euch / das auch Salomon in aller seiner herrligkeit nicht bekleidet gewesen ist / als derselbigen eins. So denn Gott das Gras auff dem Felde also kleidet / das doch heute siehet / vnd morgen in den ofen geworffen wird / Solt er das nicht viel mehr euch thun / O ir Kleinglaubigen?

Darumb solt ir nicht sorgen / vnd sagen / Was werden wir essen? Was werden wir trincken? Womit werden wir vns kleiden? Nach

solchem allen trachten die Heiden. Denn ewer himlischer Vater weis / das ir des alles bedürffet. Trachtet am erste nach dem reich Gottes / vnd nach seiner Gerechtigkeit / So wird euch solches alles zufallen. Darumb sorget nicht fur den andern morgen / denn der morgend tag wird fur das seine sorgen. Es ist gnug / das ein iglicher tag seine eigene plage habe.



**D**ieses Euangelium ist ein stück der langē predigt / die Christus seinen Jüngern gethan auff dem Berge / Darinne er / vnter andern / sonderlich auch dis stück treibet / seine Christen zu warnen vnd vermanen / fur dem schendlichen laster des Geizes vnd der Bauchsorge / welche ist die rechte frucht vnd beweisung des vnglaubens / Vnd sonderlich grossen schaden thut in der Christenheit / wo es die Leute besitzet / die da im Predigamt sind / vnd nichts anders sollen dencken / denn / wie sie Gottes Wort vnd Glauben recht leren / der Welt irthum vnd sünde straffen / Oder auch die / so Gottes Wort fur jederman bekennen sollen / vnd vmb Gottes willen jederman bereit sein zu dienen / ob sie auch darob / gut / ehre / leib vnd leben lassen müssen.

Denn Christus wil hiemit auch leren / wie er sein Reich vnterschieden haben wolle / von dem weltlichen wesen vnd regiment / Das er nicht wil also seine Christenheit auff Erden regieren / das es ein solch gefasset vnd bestellet Regiment sey / da die Christen mit zeitlichem gut / reichthum / gewalt / zuvor reichlich versorget / vnd des keinen mangel noch fahr dürfften gewarten / Sondern / wil sie mit geistlichen gütern vnd notdurfft versehen / das sie sein Wort / trost der gnade / trafft vnd stercke des Geistes haben / wider Sünd vnd Tod / zum ewigen Leben / Vnd was sie darob zeitlich zu ires Leibs vnd dieses lebens not bedürffen / durch den glauben auch von im gewarten sollen / sich nicht lassen erschrecken / ob sie solches nicht fur

Wider die Bauchsorge

Unterscheid des Reichs Christi vnd der welt Regiment.

augen

## Auslegung des Euangelij

augen sehen vnd bereitet haben / auffszu künfftig / sondern mit mangel angefochten werden / Sondern wissen / das jr Gott vnd Vater im Himmel dafür sorgen / vnd jnen auch gewislich geben wolte / so sie allein mit festem vertrawen darnach sorgen vnd trachten / wie sie bey seinem Wort vnd in seinem Reich bleiben / vnd jm darin dienen.

*Christen vnterscheiden von den Heiden.*

Darumb machet er durch diese Predige einen vnterscheid / damit er absondert seine Christen von den Heiden vnd vnglenbigen / Denn diese Lere gibt er nicht den Heiden / denn sie nemen sie nicht an / sondern denen / die schon Christen sind. Die helet er aber nicht für seine Christen / die das Wort allein hören / vnd Könnens nachsagen / wie die Totten den Psalter. Also höret der Teuffel auch das Euangelium vnd Wort Gottes / ja er kans besser denn wir / Runds auch so wol predigen / als wir / wenn ers thun wolt. Aber das Euangelium ist eine solche Lere / die sol lebendig sein / vnd in der that gehen / sol die Leute stercken vnd trösten / mutig vnd keck machen.

*Einigen Predigen.*

Darumb die das Euangelium nur also hören / das sie es wissen / vnd dauon reden Können / die gehören noch nicht vnter die Christen / Sondern die also glauben vnd thun / wie das Euangelium lehret / das sind rechtschaffene Leute.

Niemand kan zweien Herrn dienen / entweder er wird einen hassen / vnd den andern lieben / oder wird einem anhangen / vnd den andern verachten.

*Niemand dienet mit wille zweien Herren.*

Er da zweien Herrn dienen wil / der wird also dienen / das es nicht gedienet heisse / Denn es mus gewis so gehē / wie hie der HERR sagt / Man kan wol einen Knecht zwingen / das er ein werck thue / das jm wider ist / vnd in zu thun verdreufft / Aber dazu das ers gerne thue / vnd mit hertzen meine / kan in niemand zwingen. Er mag wol thun / so lang sein Herr furhanden ist / aber wenn er hinweg komet / so eilet er dauon / vnd machet nichts gutes. So wil nu der HERR / das der dienst sol aus liebe vnd willig geschehen / Wo nicht / so ist es nicht ein dienst. Denn das hat niemand gerne / das man jm etwas mit willen thue. Ist nu dem also hie vn-

ter den Leute / das niemand kan zweien Herrn dienen / Viel mehr sol es mit dem dienste Gottes also zu gehen / das der dienst nicht geteilet sey / sondern jm allein willig vnd von hertze geschehe. Darumb setz der HERR hinzu vnd spricht.

**Ir Könnet nicht Gotte dienen / vnd dem Mammon.**

**D**enn Gott kan nicht leiden / das man neben jm auch einen andern Herrn habe. Er ist ein Eierer / wie er selbs sagt / kan nicht dulden / das einer jm diene / vnd auch seinem feinde. Allein mein (spricht er) oder las gar sein / Wir werden jr wenig finden / die nicht wider dis Euangelium sündigen. Denn der HERR setzet ein strenges vrtail / das erschrecklich zu hören ist / das er solches von vns sagen sol / Vnd niemand wils doch bekennen / ja niemand wils leiden / das mans saget / das wir Gott hassen vnd verachten / vnd das wir seine feinde sind.

Es ist keiner / wenn man in fraget / ob er Gott liebete vnd jm anhienge / er würde sagen / Ja / ich liebe in. Heltestu mich für einen solchen verzweifelten Menschen / der da Gott feind sey? Aber sihe / wie der Text hie schlesst / das wir alle Gott hassen vnd verachten / lieben den Mammon / vnd hangen an demselbigen. Denn es ist unmöglich / das der der gele vnd gut lieb hat / vnd dran hanget / nicht Gott hassen solte. Denn er helt hie jr zweene gegenander / die zusammen feind sind / vnd schlesst / Wo du einen aus den zweien liebest / vnd jm anhangest / so mustu den andern hassen vnd verachten. Darumb wie lieblich hie ein Mensch auff Erden lebet / vnd hengeset doch am gut / so kans nicht anders sein / er mus Gott hassen. Vñ widerumb auch / wer an gelt vnd gut nicht hanget / der liebet Gott / das ist gewis.

Aber wo sind sie / die Gott lieben / vnd nicht am geld vnd gut hangen? Sihe die ganze Welt an / auch die / so Christen heissen / ob sie gelt vnd gut verachten. Es wil mühe haben / das Euangelium hören / vnd auch darnach thun. Wir haben das Euangelium / Gott lob / das kan niemand leugnen. Was thun wir aber dazu? Wir gedenccken alleine darauff / das wir wissen dauon zu reden / mehr wird nichts daraus / Lassen vns düncken

aller Men-  
schen vleis  
vnd forge  
für den  
Mammon.

düncken/ es sey gnug/ das wirs wissen/  
haben keine forge/ das wir auch der mal  
eins darnach theten. Wenn irgend ei-  
ner einen gülden oder zween solt ver-  
lieren/ da forget er / vnd fürchtet sich/  
das im das geld nicht gestolen werde/  
Aber des Euangelij künd er ein ganzes  
jar vber geraten. Vnd ist hie kein solch  
er vleis vnd ernst/ wie wir dasselbige al-  
so behalten/ das es vns nicht möge geno-  
men werden.

Ein/ die Welt kan iren vnglauben  
nicht bergen/ in den groben eusserlichen  
sünden/ Denn man sihet / das sie mehr  
liebet einen gülden denn Christum vnd  
alle Aposteln/ wenn sie auch selbs da we-  
ren vnd predigen. Ich kan das Euan-  
gelium teglich hören / aber es schaffet  
nicht teglich nutz in mir / Es mag aber  
wol komen/ wenn ich ein ganzes jar ge-  
höre/ das mirs auff ein stunde der heil-  
ge Geist gebe/ Wenn ichs nu die stunde  
erlangete / so erlangete ich nicht allein  
fünff hundert gülden / sondern mehr  
denn mir alle Welt geben kan / Denn  
was hette ich nicht/ wenn ich das Euan-  
gelium hette? Gott hette ich bekommen/  
der macht silber vnd gold/ vñ alles was  
auff erden ist. Das ist viel mehr / denn  
wenn ich die Kirche voller güldē hette.

Gottes  
wort näher  
mehr/ denn  
alles gut  
auff Erden.

Ihe nu / ob vnser hertz nicht ein  
schalck ist / voller bosheit vnd vn-  
glaubens? Wenn ich ein rechter Christ  
were/ so spreche ich/ Welche stunde das  
Euangelium komet/ so komet mir hün-  
dert tausent gülden/ ja viel mehr. Denn  
wenn ich diesen schatz habe / so habe ich  
alles was im Himmel vnd auff erden ist.  
Aber diesem Schatz (spricht Christus)  
mus man allein dienen/ Denn man kan  
nicht dancken auch dem Mammon die-  
nen. Entweder du mußt Gott lieben/  
vnd das geld vmb seinen willen hassen/  
oder mußt Gott hassen/ vnd das geld lie-  
ben/ des vnd kein anders.

Mammon  
vberig gut  
vnd reich-  
thum.

Mammon heisse er gut oder reich-  
thum/ vnd sonderlich solch gut/ des man  
nicht gebraucht / sondern man helts zu  
einem schatz/ vnd ist eigentlich das gelt  
vnd gut/ so man zu einem vorrat einhu-  
der leget. Wo nu ein hertz darnach  
trachtet vnd forget/ wie er nur gros gut  
zu sich bringe vnd samle/ das wird frei-  
lich Gottes worts vnd reichs nicht viel  
können achten. Das thun nu Christen  
nicht/ sondern sie bitten von Gott das

teglich brot. Vnd lassen sich gnügen an  
dem/ so sie mit guten gewissen können  
haben von Gott gegeben/ Aber die an-  
dern geizen vnd trachten allein nach  
grossen vorrat/ darauff sie sich mügen  
verlassen/ wenn vnser ~~JEKX~~ Gott  
heut oder morgen stürbe / das sie dens  
noch wüsten/ wo sie bleiben solten. Dars  
umb heisse S. Paulus den Geiz / einen  
Gott dieser Welt / vnd eine Abgötter-  
rey. Damit stimpf hie Christus/ vnd hei-  
ffets dem Mammon gedienet.

ironia

Wie gehet nu das zu/ das am aller  
meisten der Geiz eine Abgötterey genen-  
net wird/ vnd andere sünden nicht / so  
doch unreinigkeit/ hurerey / lüste / böse  
begirde/ vnd andere laster mehr / wider  
Gott sind? Vns zu grosser schande ges-  
chiehts / darumb / das das gold vnser  
Gott ist/ dem wir dienen / auff den wir  
vertrauen/ vnd auff den wir vns verla-  
ssen/ der vns doch nicht erhalten noch  
erretten kan/ ja selbs weder stehen noch  
gehen/ der weder höret noch sihet/ keine  
krafft noch macht hat/ bey dem weder  
trost noch hülfte ist. Denn wenn gleich  
einer der ganzen Welt reichthum het-  
te/ so ist er doch nicht ein augenblick  
sicher vor dem tode.

Schändliche  
Abgötterey  
des geizs.

Was helfen dem Reiser grosse sche-  
re vnd reichthum / wenn das stündlin  
komet/ da er sterbē solt? Es ist ein schend-  
licher/ heffiger / amechtiger Gott / der  
auch einem an einem schweeren nicht  
helffen kan/ Ja der sich selbs nicht bewa-  
ren kan/ Da ligt der in Kasten/ vnd leffet  
seiner warte/ als ein amechtiges/ krafft-  
los/ schwaches ding / Wer in hat / mus  
nacht vnd tag darauff sehen/ das in die  
Diebe nicht stelen/ oder sonst darumb ko-  
me. Pfu dich / des amechtigen todten  
Gottes / der doch in dem geringsten  
nicht helfen kan / Vnd ist doch so eckel  
vnd löstlich / leffet seiner auffe herrlich-  
ste warten / vnd sich mit grossen Kasten  
vnd schlössern verwaren. Ist solcher  
schatz oder gut an kleidern/ so mus man  
seiner warnemen / vnd schützen für den  
aller geringsten würmlin/ für die Mot-  
ten/ das in die nicht verderben noch ver-  
zeren.

Solten vns doch die wende anspeien/  
das wir mehr trawen auff den Gott/ Vnglaube  
den die motten fressen/ vnd der rost ver-  
derbt/ denn auff den Gott/ der da alles  
schaffet vnd gibt / Himmel vnd Erden/  
vnd

der Welt.



## Auslegung des Euangelij

13 vnd alles was darinnen ist. Ist es nicht ein törichte ding vmb die Welt / das sie sich abwendet von dem wahren Gott / vnd trawet auff den schendliche Mamon / auff den armen / elenden Gott / der sich selbs nicht für rost bewahren kan.

Gott schicket dem geld vnd gut mancherley feinde zu / auff das wir vnsern vnglauben vnd gottelos wesen sehe vnd erkennen sollen / das wir so auff einen amechtigen vnd gebrechliche Gott trawen / die wirs doch gleich so leichtlich Fönden zukomen / das wir dem warhafftigen / mechtigen vnd starcken Gotte anhängen / der vns alles gibt / geld / gut / fruchte / vnd was wir bedürffen / noch sind wir so töricht / vnd machen Götter aus der Creatur / Psu dich / du verfluchter vnglaube.

Andere sünden geschehen doch also / das der Mensch der Creatur brauchet / vnd hat das fleisch seine lust vnd freude dauon / als mit fressen vnd sauffen. Item / zorn büffet seine lust / vnd andere laster mehr / Allein in diesem laster mus sich der Mensch selbs engsten vnd plagen mit sorgen / vnd hat keinen nutz dauon / Da lige das geld auff einem hauffen / vnd leste im dienē / Vnd der Geizwanst / der es hat / darff es nicht angreifen / noch zur lust vnd freude brauchen / das er seinen Gott nicht erzhne.

Also gehets denen / die diesem Götzen dienen. Der ware Gott leste seiner doch gebrachen / dienet den Leuten / Das thut der Mamon nicht / Der wil still liegen / vnd im gedienet haben. Vmb der vrsach willen heisset das newe Testament den Geiz eine Abgötterey / das er im nur wil gedienet haben. Aber lieben vnd nicht genieffen / das möchte den Teuffel verdriessen. Das widerferet allen denen / die diesen Gott den Mamon lieben / vnd im dienen. Wer sich da für nicht schemet vnd rot wird / der hat eine eiserne stirne.

So stehets nu auff dem wort (dies neu) Denn es ist nicht verboten / geld vnd gut zu haben / denn wir können es nicht entberē. Abraham / Lot / Dauid / Salomon vnd andere haben viel guts vnd geles gehabt / Vnd noch heutiges tages findet man etwo reiche Leute / die doch auch from sind / Aber es ist ein ander ding / Gut haben / vnd den Mamon zu einem Gott haben. Hiob

war auch reich / hatte viel gutes / vnd war mechtiger / denn alle / die gegē Mogen wonetē / Dennoch sprach er / Habe ich das gold zu meiner zunericht gestellet / vnd zu den goldklumpen gesaget / Mein trost? Habe ich mich gefrewet / das ich gros gut hatte / vnd meine hand allerley erworben hatte?

Summa summarum / Das wil Gott / das wir dem geld vnd gut nicht dienen sollen mit geitzen vnd sorgen / Sondern sollen arbeiten / vnd im die sorge befehlen. Wer da dienet / der ist ein Knecht / vnd hat nicht das gut / sondern das gut hat in. Denn er darffs nicht gebrauchen / wenn er wil / Kan auch nicht andern damit dienen / ja er ist nicht so kane / das ers dürffte anregen. Ist er aber ein Herr vber das gut / so dienet das gut im / vnd er dienet nicht dem gut / der darff denn des guts gebrauchen. Wie Abraham / Dauid / Hiob / vnd andere reiche mehr / Vnd sorget allein auff den HERRN / Wie S. Paulus leret / 1. Corinth. 7. Darnach hilffte er den armen von dem gut / vnd gibe denen / die nichts haben. Wenn er einen sihet / der keinen Rock hat / so spricht er zum gelde / Zeh aus juncker gülden / dort ist ein arm nasckend Man / der hat keinen Rock / dem mustu dienē / Dort ligt einer krank / der hat keine labung / herfür juncker Annesberger vii Joachims taler / se must fort / zu vnd helffe im. Die also mit frem gut vmbgehen / die sind Herrn ires guets / Vnd das thun gewislich alle rechtschaffene Christen. Die aber viel golds sparen / vnd nur gedencen / wie der hauffe grösser werde / vnd nicht kleiner / das sind lauter Götzen Knechte.

Der ist ein Herr des Mammons / der im angreiffet / den jenigen zu helffen / die es bedürffen / vnd Gott vertrauet. Des Mammon hat der da sagt / Gibstu / so gebe ich auch / hastu nichts mehr / so hastu ja noch mich / der ich noch gnug habe. Ja ich habe mehr / denn ich je vergeben habe / vnd noch vergeben kan. Wir sehen hin vnd wider viel fromer armer Leute / nur darumb / auff das die reichen den armen solle helffen / vnd inen mit frem reichthum dienen. Darumb ist nu das die meinung / Güter müssen wir haben / aber mit dem hertzen sollen wir nicht dran hangen / Wie auch psal. 62. sagt / Felle euch reichthum zu / so henger das hertz nicht daran. Er

Der Mamon leste sein nicht gebrauchen.

Dem Mamon verboten zu dienē.

Hiob.

an. Erbeiten sollen wir / aber für die narung sollen wir nicht sorgen. Das sagt der HERR im Euangelio mit klaren Worten / da er also beschleusst / vnd spricht /

Darumb sage ich euch / Sorget nicht für ewer leben / was jr essen vnd trincken werdet / auch nicht für ewern Leib / was jr anziehen werdet.

**N**och gebrauchet dazu einer vernunftigen / natürlichen vrsache / damit er sie beschliessen wil / das sie für die narung nicht sorgen sollen / Denn die Vernunft mus das schliessen vnd zugeben / das vns Gott leib vnd leben gegeben / on vnser sorgen vnd zu thun / vnd wir ja sehen / das es auch nicht durch vns selbs erhalten wird.

Ist nicht das Leben mehr denn die Speise? vnd der Leib mehr denn die Kleidung?

**W**as wolt er sagen / Ir kerets gedrade vmb / Die speise sol dem leben dienen / so lasset jr das leben der speise dienen / Also auch mit der Kleidung / Die Kleider sollen dem leibe dienen / so mus der leib der Kleidung dienen. Gott aber ordnet also / das er zuvor das leben gibt / vnd den leib erhellet. Wo das selbige gegeben wird / da wird gewislich / beide / speise vnd Kleidung auch gegeben sein / vnd nicht aussen bleiben.

Unterscheid  
zwischen sor-  
gen vnd er-  
halten.

**W**ir müssen wir hie acht haben auff die wort des HERRN. Er spricht / Sorget nicht / Spricht aber nicht / Erbeitet nicht. Sorge ist vns verboten / erbeitet nicht. Ja es ist vns geboten vnd auffgelegt zu erbeiten / das vns der schweis vber die nase stiesse. Darumb sagt er zu Adam / Gene. 3. Im schweis deines angesichts soltu dein brot essen / bis das du wider zur erden werdest / das von du genommen bist. Vnd wie der 104. Psalm sagt / Wenn die Sonne auffgehet / so gehet der Mensch aus an seine arbeit vnd an sein werck / bis an den abend. Sorgen sollen wir nicht / das ist vns hie verboten / Denn wir haben einen reichen Gott / der vns zusaget speise vnd Kleidung / ehe wir darumb sorgen vnd bitten.

Warumb gibt ers vns denn nicht on arbeit? Darumb / das es im also gefelt / Er heisst vns erbeiten / vnd denn gibt ers / nicht vmb vnser arbeit willen / sondern aus seiner güt vnd gnade. Das sehen wir für augen / Denn wiewol wir alle jar erbeiten auff dem felde / so gibt er dennoch ein jar mehr denn das ander. Darumb sind wir narren / ja wir handeln wider Gott / wenn wir sorgen / wie wir geld vnd gut zusamen bringen / So vns doch Gott reichlich zusaget / er wolle vns alles geben / vnd vberflüssig mit aller not durfft versorgen.

**D**och aber einer sagen / Spricht doch S. Paulus / Wir sollen sorgfältig sein. Als / Rom. 12. Regieret jemand / so sey er sorgfältig. Item Phil. 2. sagt er von Timotheo also / Ich habe keinen / der so gar meines sinnes sey / der so herzlich für euch sorget. Vnd er selbs / S. Paulus rhümet sich / das er grosse sorge trage für alle Gemeinen. Da siehestu / wie wir dennoch auch sorgen sollen. Antwort / Vnser leben vnd Christlich wesen stehet in zweien stücken / im Glauben vnd in der Liebe. Das erste gehet auff Gott / das ander auff den Nehesten. Das erste siehet man nicht / das ist der Glaube / den siehet allein Gott / Das ander siehet man / vnd ist die Liebe / die wir vnserm Nehesten beweisen sollen.

**W**ir / die sorge / so aus der Liebe kommet / die ist geboten / Aber die neben dem Glauben ist / die ist verboten. Wenn ich glaube / das ich einen Gott habe / so kan ich für mich nicht sorgfältig sein. Denn wenn ich weis / das Gott für mich sorget / wie ein Vater für sein kind / was wil ich mich fürchten? was darff ich viel sorgens? Ich spreche schlechtes / Bistu mein Vater / so weis ich / das mir nichts arges widerferet / wie der 16. Psalm sagt / Ich hab den HERRN allzeit für augen / Denn er ist mir zur rechten / Darumb werde ich wol bleiben. Auch so hat er alles in seiner hand / darumb kan mir nichts gebrechen / Er sorget für mich.

**W**enn ich aber zusare / vnd wil für mich selbs sorgen / das ist wider den Glauben / Derhalben verbent er auch die sorge. Aber die sorge der Liebe wil er gehalten haben / Da wil er / das wir für andere sorgen sollen / inen vnser gut vnd gaben mitteilen / Bin ich ein Bes

Sorge der  
Liebe / das  
wir thun /  
was vns be-  
fohlen ist.

## Auslegung des Euangelij

gent / so sol ich fur die vnterehanen sorgen / Bin ich ein haus vater / so mus ich fur mein hausgesinde sorgen / vnd so fortan / darnach ein iglicher gaben von Gott empfangen hat. Gott sorget fur alle / das ist die sorge / so der Glaube fasset. Wir sollen auch fur einander sorgen / durch die liebe / Nemlich / wenn mir Gott etwas gegeben hat / das ich sorgfelig sey / wie es andere auch erlangen.

Gottes sorge fur das / so vns sol gegeben werden.

Drumb mus man hie keine glose machen / sondern schlechts also verstehen / wie die wort lauten / Wir sollen nicht sorgen fur narung. Goet spricht / Sorge du nicht / was dir sol gegeben werden / Sondern erbeite du / vnd las mich sorgen / ich wil geben / So er es aber gegeben hat / so sorge du denn / wie du es recht austeilst / Sorge nicht / wie du es vberkomest / sondern darnach crache / wie dein hausgesinde vnd andere das selbige / so dir Gott gegeben hat / auch mügen vberkomen / Vnd sihe zu / das dein hausgesinde erbeite / vnd nicht vnzgezogen werde.

Luce 21.

Bin ich ein Prediger / so sol meine sorge nicht sein / wo ichs neme / das ich predige / Denn wenn ichs nicht habe / so kan ichs nicht geben. Christus hat gesagt / Ich wil euch mund vnd weisheit geben / welcher nicht sollen widersprechen mügen noch widerstehen alle ewre Widerwertige. Sondern habe ich das /

Vnser sorge das wir vnser ampt vnd erbeit ausrichten.

so sol ich nu sorgen / wie es andere von mir vberkomen / vnd wie ichs auff's aller förmlichste jnen furtrage / die vnwissende lere / Die es wissen / vermane vnd halte / Die betrübten gewissen recht erlöste / Die nachlessigen / schlefferigen herzen auffwecke vnd wacker mache / vnd so fort an / Wie S. Paulus gethan hat / vnd seinen Jüngern Timotheo vnd Titro auch zu thun befohlen. Das sol meine sorge sein / nemlich / wie es andere von mir kriegen / Ich aber sol studieren / vnd Gott bitten / Studiern ist meine erbeit / Die erbeit wil er / das ich sie thun sol / vnd wenn es jm gefelt / so wil er geben / Denn es kan wol komen / das ich lang studiere / doch nicht so bald gegeben wird / bis es jm gefelt / da gibt ers heuffig vnd vberflüssig / wol auff eine stunde. Also thu ein jeder in seinem stande / vnd warte nur seines thums / das jm befohlen ist / Vnd las vnsern **HERREN** Gott

2. Timo. 4. Tit. 3.

sorgen / wie ers gebe. Wenn ers gibe / denn so sorge er / wie ers andern auch gebe.

Als meinet der **HERRE** hie / da er spricht / Wir sollen nicht sorgen fur speise vnd kleidung / Geerbeitet wil er haben / das ist kurzumb. Denn du müßest lang hinder dem ofen ligen / das dir etwas gegeben würde / wenn du nicht ackerst noch erbeitest. War ist's / Gott künd dich wol erneeren on deine erbeit / vnd dir gebratens / gesotens / korn vnd wein auff dein tische lassen wachsen / Aber er wil / das du erbeiten solt / vnd in diesen sachen deiner vernunft oder sinne / vnd deiner hende gebrauchen / die er dir dazu gegeben hat / nicht das sie müßig seien / sondern etwas thun sollen.

Gott wil nicht / das wir on erbeit seien.

Also gehets auch mit dem Predigampt zu / vnd in alle vnserm leben. Er gibe vns Wolle / die leßt er vns wachsen an den Schaffen / Aber es wird nicht so bald tuch drans / Wir müßens erbeiten / vnd Tuch daraus machen / Wenn das Tuch da ist / so wird nicht bald ein Rock daraus / der Schneider mus in vor machen / Vnd so fort an / mit allen dingen handelt Gott also / Das er wil sorgen / vnd wir sollen erbeiten / Er wil geben / das wir nicht selbs können schaffen noch machen / Wir aber sollen des gegebenen brauchen / vnd damit wirken.

Dieser Lere Exempel haben wir auch fur augen vol auff in allen Creaturen / Vnd sonderlich erzelet er jr zwoy daher / die solten vns billich schamrot machen / nemlich / von den Vögeln / vnd von den Blumen auff dem felde / Vnd spricht.

Sehet die Vögel vnter dem Himmel an / Sie seen nicht / sie erndten nicht / sie samlen nicht in die Scheuren / vnd ewer himlischer Vater needet sie doch.

Als wolt der **HERRE** sagen / Ich habe noch nie keinen Vogel gesehen mit einer sichel / der da hette eingeernt vnd in die scheuren gesamlet / Denn sie erbeiten nicht wie wir / noch werden sie dennoch erneeret. Das wil aber der **HERRE** nicht / das wir nicht erbeiten sollen / Sondern er wil

vns

Gott speiset die Vögel/ on alle jr sorgen.

vns mit diesem Exempel die sorge entnemen / Denn ein Vogel kan nicht acker werck treiben / wie wir / Doch ist er nicht on erbeit / sondern er treibet das / dazu er geschaffen ist / nemlich / das er junge zeuge / sie erneere / vnd singe vnserm **HERRN** Gott ein liedlin dafur / Hertzim Gott mehr erbeit auffgeleget / so thet es auch mehr / Frue stehets auff / setzt sich etwo auff einen zweig / vnd singet den sang / den es gelernet hat / weis von keiner speise /orget auch nicht das fur / darnach / wenn es hungert / so fluegt es dahin / vnd suchet ein kornlin / Da hat im Gott jrgent eines hingeleget / darauff es nie gedachte / da es sang / Vnd hette doch ursach gnug gehabt / das es fur die speise gesorget hette. Ey / schemet euch nu / das die Vöglin frömer vnd gleybiger sind / denn jr / die sind frölich / vnd singen mit freuden / vnd wissen doch nicht / was sie zu essen haben.

Das ist vns zu mechtiger grosser schande gesagt / das wir nicht können so viel thun / wie die Vöglin thun. Vnd solt sich ein Christ schemen fur einem Vöglin / welches die kunst kan / die es nicht gelernet hat / on Predigt vnd vermanen Gotte vertrauet / vnd in sorgen leset. Wenn du im Lenz zu einem sprechst / Wie singestu so frölich / hastu doch noch kein getreide in der scheuren. Es würde deiner spotten / vñ dich anspeien / der du wilt ein Christen vnd Gottes Kind sein / sein Wort vnd verheissung so reichlich hörest / vnd doch nicht vertrawest / das du on sorgen vnd geizen mit gutem gewissen vnd frölichem mut von Gott gewarten könnest / was du dir selbst nicht geben kanst. Es ist ein gewaltig Exempel / Solt vns warlich fur den kopff stossen / vnd reizen / Gotte mehr zu vertrauen / denn wir thun. Darumb beschleusst er auch mit einem Spruch / vnd saget.

Seid jr denn nicht viel mehr denn sie?

Die Vogel vns zu meistern geset.

**E**t das nicht ein grosse schand / der das vns der **HERR** die Vöglin zu Meistern macht / vnd furhelt / das wir erst von jnen lernen sollen / Pfu dich / des heilichen / schendlichen vnglaubens. Im ersten buch Mose haben wir ein gebot / das wir Herrn sein

sollen vber alle Creaturn / Vnd wir machen vns selbst also zu schanden / das Gott auch die Vogel mus vns zu Meistern setzen / vnd zeigen / wie wir dem Mammon dienen / vnd den rechten warhaftigen Gott verlassen. Nu folget das ander Exempel / von den Blümlin auff dem felde / damit der **HERR** vns reizen wil / das wir nicht sollen sorgen fur die Kleidung / vnd spricht also /

Wer ist vnter euch / der seine lunge ein elle zusehen müge / ob er gleich darumborget? Vnd warumborget jr fur die Kleidung? Scharwet die Pflizen auff dem felde / wie sie wachsen / Sie erbeiten nicht / auch spinnen sie nicht. Ich sage euch / das auch Salomon in aller seiner herrligkeit nicht bekleidet gewesen ist / als der selbigen eines. So denn Gott das gras auff dem felde also bekleidet / das doch heute stehet / vnd morgen in den ofen geworffen wird / solt er das nicht viel mehr euch thun / O jr klein gleybigen?

Was wolt er sagen / Das leben ist nicht ewer / der leib auch nicht / jr künd beides / weder lenger noch

kürzer machen / denn es Gott gibt. Noch sorger jr / wie jr euch kleiden müget. Sehet doch auff die blümlin auff dem felde / wie die geschmücket vnd gekleidet sind / welcher doch keines etwas dazu thut / Sie spinnen noch wircken jnen selbst nichts / dennoch sind sie schön gekleidet. Vnd Gottorget auch fur solche kleine / geringe Creaturn / die so gar vergenglich / vnd nur auff einen tag oder zweyen geschaffen sind / vnd fast nichts mehr daran ist / denn farbe vnd ruch / das sie so schöne mancherley farben / vnd ein jedes sein eigen kleid mus haben / auff alle schönste / damit sichs Gott zu ehren beweise (denn on solches were es doch gar nichts) wie viel Gott herrlicher vnd schöner schmücken kan / denn alle Menschen / mit allen perlin / gold / vnd köstlichem schmuck. Darumb er auch den reichsten König / Salomon / dagegen setzet / vnd neben jm alle andere Könige vnd Herrn / vnd saget / das der keiner also bekleidet / noch solchen schön

Blümlin von Gott auff schönste bekleidet.

die vns zu meistern geset.

## Auslegung des Euangelij

nen schmuck zu wegen kan bringen / mit aller Welt gut / als Gott der Blümlin eines kleidet.

Erbeiten  
und kleiden  
nicht verbot  
ten.

DAmmit wil der HERR abermal nicht / das wir nicht arbeit thun sollen / sondern wir sollen erbeiten / spinnen / weben vnd wircken / vnd kleider machen / so vns Gott dazu gegeben hat / Aber sorgen vnd zweiueln sollen wir nicht / ober es auch vns geben wolle / noch also leben vnd thun / als solten vnd müsten wir es vns selbs / on Gott selbs alles geben vnd schaffen.

Blümlin sei  
gen vns vn-  
seru vnglan-  
ben.

Als so wird vns hiemit abermal unser schande gezeigt vnd hohn gesprochen / von den Blümlin / die von dem Vieh mit füßen getretten oder gefressen werden / vnd doch von Gott so hoch erhaben / das sie unsere Schulmeister vnd Lehrer werden / das wir wol mögen für jnen das hütelin abziehen / vnd als unsere Meister / ehren vnd danken.

Wir sind aber so blind / vnd sehens nicht / was Gott damit haben wil / vnd wie er es meiner. Das Blümlin stehet da vmb vnsern willen / das wir es sehen sollen / pocht vnd trozet vns / vnd sagt / Wenn du gleich den schmuck der ganzen Welt an dir hettest / so bistu mir doch noch nicht gleich / so ich da stehe / vnd Sorge nicht / von wannen mir der schmuck herkome / vnd thu nichts dazu / Vnd ob du gleich schön geschmückt bist / so bistu doch ein vnglaubiger Mensch / vnd dienest dem amechtigem Mammon / Vnd bist dazu ein armer stinckender Madensack. Ich aber bin frisch vnd hübsch / vnd diene dem rechten waren Gott. Aus diesen Exempeln vnd gleichnissen / schleufft nu der Herr / vnd saget also /

Darumb solt jr nicht sorgen / vnd sagen / Was werden wir essen / Was werden wir trincken / Womit werden wir vns kleiden / Nach solchem allen trachten die Heiden. Denn ewer himlischer Vater weis / das jr des alles bedürffet.

Predigt für  
die Christen  
die da Fei-  
nen Mam-  
mon haben.

Jesus thut diese Predigt / wie ich am ersten gesagt habe / seinen Christen / sonderlich die da im Predigamt sind / oder sonst entweder nichts haben / oder je nicht erwerben vnd für sich bringen können solchen vor-

rat vnd Mammon / wie ander Welt. da sie möchten auch wissen / woher sie sich mit den jren erneeren vnd erhalten möchten. Ja / sie müssen in der fahr stehen / das sie auch beraubt werden des / das jnen Gott an zeitlichen gütern gegeben / Vnd also aller dinge ganz müssen auff Gottes berat leben / vnd von jm warten / da jnen die Welt nichts gibt.

Das thut wol Fleisch vnd Blut auch wehe / vnd wird jnen auch schwer. Ja / es kan es niemand ertragen noch thun / denn ein glaubiger Christen / Denn die Welt ist also geminet / das sie nicht wil auff ebentheur sitzen / sondern der sachen gewis sein / zu vor bestellet vnd in bereit schafft haben / was sie bedarff / narung / friede / schutz / vnd sicherheit / das sie konne bleiben / Wil nicht Gottes noch den Leuten in die hende sehen / Sondern / weil sie sihet / das die Welt niemand reich machet / vmb seines Glaubens vnd fromkeit willen / dencket sie / sie müsse auch so thun vñ leben / wie andere thun / das sie dennoch auch etwas habe.

Da wider tröstet vnd stercket er hies mit seine Christen / vnd widerholet abermal / Sie sollen darumb nicht sorgen / noch zappeln vnd zweiueln / mit solchem vnglauben. Ah wo wollen wir bleiben. Wer wil vns etwas geben. Wo haben wir arme Christen narung / schutz / friede in der Welt. Sondern sollen wissen / das jr himlischer Vater dafür Sorge / vnd jnen auch geben wolle / Als der ja darumb jr Vater heisset (nicht der vnglaubigen) wiewol er doch alle Welt neeret vnd alles gibt / zu zeigen / das er seine Kinder auch nicht lassen wil / füllet sie in das hohe werck Gottes / der ganzen schepffung / das sie sehen / wie er alle ding neeret vnd erhelzt / die er schafft / nach dem er ein iglichs geordnet / Auch alle Vögel in der lufft / die doch nach keiner narung trachten / noch zu vor wissen / woher sie die nemen sollen. Ja / auch sonderlich die Blümlin so schmücket vnd kleidet / daran doch solche schöne vnd schmuck gar vergeblich scheinet (weil sie etwo nur einen tag stehen) das es billicher anderswo solt angelegt werden / Darumb müsse er ja viel mehr dencken vnd sorgen für seine Christen / wie sie erneeret vnd gekleidet werden / vnd etwo wonen vnd bleiben können / so lang sie auff erden zu leben haben.

von Gott  
sollen die  
Christen nar-  
rung vnd  
schutz ge-  
wartten.  
werck der  
schepffung  
Gottes / so  
get sein vo-  
reliche sein  
ge für vns.

Das vermanet er sie zu glauben / vnd das er es inen auff's sterckest einrede / nicht mit vielen / sondern ernstlichen worten / bricht er kurz abe / als er inen die teglichen Exempel vnd werck Gottes an den Creaturen / surgehalten / Vnd schlenfft mit diesen worten / Solt er solches nicht viel mehr euch thun / o jr Kleinglaubigen? Wolt gerne sagen / Ey / jr solt euch selbs schemen / so jr Christen seid / vnd wisset / das jr einen Vater im Himmel habt / das jr mich soltet lang hie von predigen lassen.

Der Christe  
schande /  
das sie so  
Fleingläubig  
sind.

Ja / schemen solt jr euch / vnd selbs nicht leiden / das solchs von euch gesagt werde / wie ichs doch sagen mus / das jr so klein vnd wenig Glaubens habt / vnd dem lebendigen Gott / der euch sein Wort vnd Verheissung gibt / vnd zu seinen Kindern erwelet hat / nicht so viel vertrauet / on zweifeln vnd sorgen / das er ewern leib vnd leben erneeren vnd erhalten wolle. Wie wollet jr doch bestehen on scham vnd schande / nicht allein fur Gott / sondern fur allen Creaturen / so euch das sol nach gesagt werden / vnd jr mit ewern eigen bekentnis müßt bezeugen / das / die jr so reichlich Gottes Wort vnd gnade habt / so gar wenig im ewern elenden madensack vnd stinckenden bauch vertrauet zu versorgen?

Christen sol  
len nicht  
sein / wie die  
Heiden / on  
Gott.

Aber viel nehrlicher redet er inen damit / das er spricht / Nach solchem allen trachten die Heiden etc. Das solt billich einen Christen abschrecken / so er höret / das öffentliche vnd schreckliche vrtail gesprochen / Das / die nach dem Mammon sorgen vnd trachten / das sind Heiden / das ist / solche Leute / die da warhafftig keinen Gott haben / on / das sie an Gottes stat dem Mammon dienen / da nur Gottes Namen / aber eitel lügen vnd nichts ist / Vnd also gang von Gott abgesondert / beraubet aller göttlichen erkenntnis / trosts / gnaden / vnd seligkeit. Das sind doch die elendesten / vnseeligsten / verdampften Leute / die nimer kein heil noch trost zu hoffen haben.

Der Welt  
schreckliche  
blindheit.

Da sihestu die Welt abgemalet / was sie fur ein ding ist / nemlich / der grosse / mechtige hauffe (bis auff gar wenig Christen) die da / so bald sie erwachsen / gar von Gott sich keren / vnd dem läsgengott Mammon dienen / den sie halten fur den grossen / ja einigen / Gott /

weil der hauffe / so an jm hanget / so gros ist / Vnd doch ein blosser / omechtiger / nichtiger name / Das billich ein Christen solt sich dafür entsetzen vnd erschrecken / wenn er an solche blindheit vnd jamer der Welt gedachte / vnd auff's höchste darnach seuffzen vnd arbeiten / nur weit von solchem schendlichen wesen abgesondert zu sein / vnd dafür fliehen / was er iner fliehen künde / als aus einem feur / ja mitten aus der Hellen.

Vm dritten / damit er vns auch auff's Lieblichst vnd tröstlichst zum Glauben reitze / spricht er abermal / Ewer himmlischer Vater weis / das jr des alles bedürfftet. Es ist ja ewer Vater / vnd also ein ewer Vater / nicht der Vogel noch Gense oder Endren / auch nicht der Gottlosen Heiden. Trawet jm doch / das er so from sey / vnd fur euch auch verterliche sorge trage / vnd ewer nicht vergessen / noch euch verlassen werde. Ja / das er lang zuvor gewußt / was er euch geben solle / vnd dafür gesorgt habe / ehe jr selbs daran dencket / oder ewer not fület. Denn wer hat zuvor (on jm allein) gewußt oder gedacht / was jr sein oder bedürffen würdet / ehe jr zur Welt geboren waret? Darumb thut jm doch die ehre / vnd gienbet / das er solches sehe vnd wisse / vnd weil ers weis / als ein Vater / an euch thun wöille.

Reizung /  
Gott zu ver-  
trauen / als  
vnserm Va-  
ter.  
Ebreo. 13.

Trachtet am ersten nach dem Reich Gottes / vnd nach seiner Gerechtigkeit / so wird euch solches alles zusallen.

Das ist der Heubtspruch in dieser Predige / Vn gib die rechte ordnung / Gottes güter zu erlangen.  
Die ordnung halten / das wir beide / Götlich oder ewig gut / vnd leibliche notdurfft / haben. Wolt jr recht vnd wol sorgen / dafür euch zu sorgen gebürt / so last das die erste / ja allein ewer sorge sein / das jr trachtet / wie jr nach Gottes Wort lebet / vnd ewer Ampt füret / vnd jm dienet in seinem Reich / wie euch sein Wort leret (Denn darin stehet die Gerechtigkeit / so zu diesem Reich gehöret) Vnd euch lasset daran mehr gelegen sein / denn an allem / was dis zeitlich leben belanget.

Wenn jr das thut / so habt jr volc  
Cc ij than

## Auslegung des Euangelij

than vnd versorget / dürfft nicht weis-  
ter euch beladen / noch einige sorge in  
eure hertzen lassen. Ja / es sol euch viel  
zu wenig vnd geringe sein / das jr für  
solch gering ding / das ist / ewers bauchs  
nordurfft / solt sorgen vnd euch wehe  
thun / Allein thut das Gotte zu ehren /  
vnd viel mehr euch selbs zu nuz vnd  
heil / das jr nach dem grossen ewigen  
schatz trachtet / wie jr den erlanget vnd  
behalter / So sol sich das ander sein selbs  
finden / Vnd können nicht besser da zu  
komen / das jrs von Gott erlanget / denn  
auff die weise / das jr zum ersten  
das grosse bey jm suchet vnd bittet.  
Denn dazu hat er lust / das man grosses  
von jm bitte / vnd er grosses vnd viel ges-  
ben müge / Vnd weil er das grosse gerne  
gibt / wird er es an dem kleinen auch  
nicht feilen lassen / sondern als zur zuga-  
be euch mit zuwerffen.

*Sur vnsere  
ewiges gut  
sollen wir  
sorgen.*

*Zeitlich gut  
gibt Gott  
zur zugabe  
den Gläubig-  
en.*

*Exempel/  
wie Gott  
segnet die  
nach seinem  
Reich trach-  
ten.*

Das hat auch Gott allzeit beweiset  
mit der erfahrung / bey vielen fromen  
Leuten / die da dieser Regel vnd Lere ge-  
folget / darnach getrachtet / wie sie Got-  
tes Reich hülffen bawen / der Kirchen  
gedienet / Gottes Wort gefurdert / vnd  
von jrem gut dazu gegeben / Das er sie  
widerumb auch reichlich gesegnet / mit  
gut / ehren etc. Wie die alten Exempel  
nicht allein der Schrifft / sondern auch  
vnsere Historien etlicher fromer Könige  
vnd Fürsten zeugen / die erstlich aus  
Christlicher meinung / zu Pfarrhen / Pre-  
digstülen / vnd zu erhaltung des Predigs  
ampes / auch zu Schulen / reichlich ge-  
stiftet / Davon sie nicht sind ermer / son-  
dern viel reicher von Gott gesegnet vnd  
begabet worden / das sie in guten fries-  
de / sieg vnd glück regieret haben.

Das thet er auch noch gerne / wenn  
die Welt künde oder wolte so selig sein /  
vnd seinem trewen rat folgen / den er hie  
gibt / oder seine zusage für war halten /  
Vnd nicht also mit vnglauben / Geiz  
vnd vnchristlichem furnemen wider sein  
Wort tobet / zu jrem schaden vnd ver-  
derben / Das er mit jr auch mus dis wort  
umbkeren / vnd das widerspiel bewei-  
sen / Das / wer nicht nach Gottes Reich  
vnd seiner Gerechtigkeit wil trachten /  
sondern das selb verachten / vnd dencket  
nur wider Gottes willen / mit seiner  
weisheit vnd anschlegen sich selbs zu  
versorgen / der sol auch beide / des ewi-  
gen beraubt werden / vnd das zeitliche /

*Gottes stra-  
ffe / vber der  
Welt vn-  
glauben.*

entweder nicht erlangen / oder doch  
nicht sat noch fro werden.

Darumb sorget nicht für den an-  
dern morgen / Denn der morgend-  
tag wird für das seine sorgen. Es  
ist gnug / das ein jglicher tag seine  
eigen plage habe.

**D**ie Welt wil allzeit auff's zu  
künfftige sorgen / vnd ire sache  
damit meinet gewis zu machen /  
vnd so viel zu wegen zu bringen / das sie  
können der fahr entsetzen / sich selbs schüt-  
zen vnd erhalten / Vnd sibet nicht / das  
solches vergeblich ist / vnd ire anschlege  
feilen / Das es war ist / vnd die erfahrung  
zeuget / wie Christus hie sagt / das einig-  
licher tag sein eigen vnglück vnd vbel  
bringet / Darumb geschiet / das die  
Welt mit solchen iren eigen anschlegen  
vnd klugheit / damit sie meinet sich wol  
zu sichern / vnd aller künfftiger fahr vor  
zu komen / nur mehr jamer vnd schaden  
anrichtet.

Denn wo sie sibet / das es nicht gehet  
wie sie gedacht hat / oder ein vnfall dazu  
schlegt / Da sehet sie an zu zagen / feil  
von einem auff's ander / meinet / sie müsse  
hülffe / schutz vnd rettung suchen / wofür  
vnd wie sie könne / vnd sich also sticket /  
vnd trachtet den sachen zu hülffen mit  
mancherley seltsamen redden vñ practi-  
ken / wozu sie der vnglaube treibet / wis-  
der Gott vnd gewissen / das sie hinaus  
färe was sie im sinn hat / ob sie schon  
sibet / das jr Gott kein glück dazu gebe.

Daher komen so viel vnglück / jamer /  
mord / krieg / vnd alle böse tück vnd  
stück der Gottlosen Welt / Da ein jeder  
dencket sein sachen on Gott anzufü-  
ren / vnd wer in daran hindern wil / zu  
drucken vnd zu dempffen / vnd ehe alles  
in einander werffen / ehe er von seinem  
kopff wil abstecken vnd weichen / Das  
durch in allen sachen vnd Regimenten  
alles gutes verdirbt / vnd eitel vnglück  
erwecket / Wie solches alle Historien  
vnd tegliche erfahrung mehr denn zu  
viel weisen.

Wider wil Christus seine Gläubig-  
en vermanen / das sie nicht also wan-  
cken / vnd jr ding setzen auff's vngewis-  
mit vergeblichem sorgen des zukünfftig-  
gen / Sondern zu jeder zeit vnd teglich  
das thun / was rechte ist / nicht sorglos  
wie es

*Der Welt  
vergebliche  
sorge / für  
das künfftige*

*Der Welt  
anschlege/  
damit sie  
ihren sachen  
helfen  
vnd hinaus  
fären wil/  
on Gott.*

*Christen sol  
let allzeit  
guts thun /  
on sorge für  
künfftige  
sach.*

*wie es*

wie es hinaus gehen werde / noch vns zukünfftiges vngewisses guts oder böses willen / sich abwenden lassen / Sondern die sorge Gotte befehlen / Vnd als denn / was inen widerferet / fur gut nemen / vnd mit gedule vnd Glauben vberwinden / Denn es kan auff Erden nicht anders zugehen / es begegnet einem jeden teglich in seinem Regiment / stand vnd Ampt anders / denn er gerne sibet / vnd im viel mühe vnd arbeit machet.

Darumb heisset auch Christus dieses leben / tegliche plage oder vnglück / das ist / allerley vnfall / widerstand / hinderung / Auff das wir solches wissen / vnd dazv zerüßt sein sollen / damit wir vns der keines abschrecken lassen / guts zu thun / noch der Welt nachhengen / vnd vns irer vnrechten bösen sachen teilshafftig machen / vnd damit vns vnd andere in verderben vnd verdammis führen.

Dieses lebens tegliche plage.

## Am XVI. Sonntag nach

Trinitatis / Epistel / Ephe. 3.



Darumb bitte ich / das jr nicht müde werdet vmb meiner trübsaln willen / die ich fur euch leide / welche euch eine ehre sind.

Erhalten beuge ich meine Knie / gegen dem Vater vnsers H. J. X. J. Ihesu Christi / der der rechte Vater ist / vber alles was da kinder heisset / in Himel vnd Erden / Das er euch krafft gebe nach dem reichthum seiner Herrlichkeit / stark zu werden durch seinen Geist / an den inwendigen Menschen / vnd Christum zu wonen durch den Glauben in ewren herzen / vnd durch die Liebe eingewurzelt vnd gegründet werden. Auff das jr begreifen müget mit allen Heiligen / welches da sey die breite / vnd die lenge / vnd die tieffe / vnd die höhe. Auch erkennen die liebe Christi / die doch alle erkenntnis vbertriffet / Auff das jr erfüllet werdet mit allerley Gottes fülle.

Dem aber / der vberschwenglich thun kan / vber alles / das wir bitten

oder verstehen / nach der krafft / die da in vns wircket / Dem sey ehre in der Gemelne / die in Christo Ihesu ist / zu aller zeit von ewigkeit zu ewigkeit / Amen.



Auch Paulus hat bis hieher gepreiset in dieser Epistel das Predigampt / welches im neuen Testament das Euangelium verkündigt / vnd mit hohen / trefflichen worten eingefurt / was nützlich / krafft vnd weisheit / Summa / wie viel guts dasselbige Ampt bringe / Das Gott vns dadurch vberschützet mit allerley weisheit / sterke / vnd gütern / so er hat vnd vermag in Himel vnd Erden. Denn das Euangelium verkündigt vns das Leben vom Tod / Gerechtigkeit von der Sünde / Erlösung von der Helle vnd allem vbel / Vnd bringet vom reich der Finsternis / zum Reich Gottes. Welches alles so gros ist / das es S. Paulus nicht trawet mit worten zu erlangen / Vnd so hoch davon redet / das nicht höher davon kan geredt werden.

In diesem stück zeigt er nu / wie sorgfältig er sey / das sie dieselbige Predigt des Euangelij / so sie von im empfangen / auch behalten mögen / vnd sich nicht davon reissen lassen / Braucher da zu zweiterley weise / Erstlich trösten vnd vermanen / Darnach auch beten vnd wünschlen.

Darumb bitte ich / das jr nicht müde werdet vmb meiner trübsaln

Le. iij. willen /

Kurz vnd krafft des Euangelij.

S. Pauli sorge fur seine Kirche.



## Auslegung der Epistel

wissen / die ich fur euch leide / welche  
euch ein chre sind.

**H**iermit tröstet er seine lieben  
Christen / zu Epheso bekeret / nach  
dem er zu Rom gefangen w<sup>r</sup> von  
dem Keiser / vnd vermanet sie / fest zu  
halten vber der Lere / die sie von im ge-  
lernet / vnd nicht des erschrecken / oder  
sich abwendig machen lassen solch an-  
sehen vnd rede / Sihe dieser Paulus hat  
euch gepredigt / vnd gros ding fur gege-  
ben / wie er von Christo selbs gesand-  
vnd mehr gethan / denn alle andere Apo-  
steln / Vnd jr habe so viel von im gerhu-  
met vnd auff in gehalten / Der musste  
es allein gar sein vnd gelten / Wo ist er  
nu? Was kan er euch helffen? Da ligt er  
zu Rom / vnd ist nicht allein von den  
Juden zum tode verdampft / sondern in  
des greulichste / wütrichs Neronis des  
Keisers henden. Haben wir nicht lang  
gesagt / es würde so ein ende mit im ne-  
men? Ich meine / der rhum sey im nu ges-  
legt / den er wider jederman gefüret.

Ergernis  
vber der ge-  
fengnis S.  
Pauli.

S. Pauli  
vermanung  
wider das  
ergernis.

**S**olchem ergernis vnd fahr vor zu  
Komen / schreibt er selbs aus seinem ge-  
fengnis. Wil also sagen / Ir sehet lieben  
freunde / das ich jetz gefangen bin / der  
Teufel vnd die Welt mich hat in iren  
henden / das mag euch vielleicht auch er-  
schrecken / vnd bösen argwahn geben /  
Were die Lere recht / vnd er ein so hoher  
Apostel Christi / so lies im Gott solchs  
nicht widerfaren / Wie denn solches et-  
liche falsche Aposteln vnter inen auffge-  
muret habn. Darumb bitte vnd ver-  
mane ich / ob ich gleich gefangen bin / das  
jr euch darumb nicht lasset ergern noch  
erschrecken / vnd feig machen. Lasset vns  
angefochten werden / trübsal leiden / in  
ehren oder schanden sein / vnd gehen wie  
es wolle / Bleibt jr nur bey dem / das ich  
euch gepredigt / welches jr wisset / das es  
das gewisse Goettes Wort vnd Euan-  
gelium ist. Wie er sie bis daher erinnert  
hat / wozu sie von Gott beruffen / vnd  
was sie empfangen haben durch seine  
Predigt.

**D**iese vermanung ist auch noch / vnd  
allzeit / not in der Christenheit /  
Denn es die schwachē seer fur den kopff  
stößet / wenn es an trübsal gehet / da  
man sol leiden vmb des Euangelijs wil-  
len / vnd sonderlich / so man auch die / so  
die Heubter sind / die das Volk geleret

wo geleitet haben / verlieren sol / vnd  
sie schendlichen / bittern Leiden  
dazu hören mus. Wie wir vnter vns  
auch solch ergernis müssen erwarten /  
wo die Lere angegriffen würden / Dar-  
umb sollen wir auch also gerüstet sein /  
das ein jglicher das Euangelium also  
gefasset habe / wenn auch vnser etliche  
schon dauon abfielen / dem Papsst oder  
Tyrannen zu heuchlen / vnd zu lägner  
oder schelmen würden / das er könne  
fur sich stehen / vnd sagen / Wolan / ich  
glenbe nicht darumb / das es dieser ge-  
sagt vnd geleret hat / Er fare vnd blei-  
be / wo er wolle / die Lere ist ja recht /  
das weis ich / Es gehe auch darob mir  
vnd andern / wie Gott wil.

Ein Christ  
sol der Lere  
gewis sein  
wider erger-  
nis zu besle-  
hen.

**A**lso hab ich bis daher / fur meine  
person selbs thun müssen / vnd mus es  
noch thun / Sonst hette mich auch er-  
schreckt vnd müde gemacht / das ich ge-  
sehen / Papsst / Bischoff / Keiser / Königs-  
ge / vnd alle Welt / wider diese Lere / die  
sie solten verteidigen / Vnd herten die  
gedanken mich vberwunden / Sihe / das  
sind dennoch auch Leute / die müssen je  
nicht alle des Teufels sein. Worauff kan  
ich mich hie anders trösten / vnd beste-  
hen / denn das ich mus sagen / Wenn  
gleich noch zehen Welt / vnd alles was  
gros / hoch / weise vnd klug ist / von mir  
fallen / vnd alle meine liebe freunde vnd  
brüder dazu / Dennoch ist die Lere recht /  
die stehet vnd felst nicht / wie Menschen  
fallen vnd wancken / Bey dem Wort  
Goettes wil ich bleiben / es falle oder ste-  
he / was da sonst stehet oder fellet.

**D**enn es mus doch ein Christ solcher  
verstand vnd sinn haben / das er könne  
die eufferliche Laruen der Personen / gro-  
ßes ansehen / Maieste etc. abschelen  
vnd sondern von dem Wort / Wer das  
nicht thue / der kan in anfechtung nicht  
bestehen / sondern / wo er wo einer felle /  
so felle er bald hinnach.

**W**olan / Es ist der Kirchen regiment  
auff Erden also / das sich menschliche  
weisheit vnd Vernunft daran stossen  
mus / vnd mancherley ergernis gehen  
wider den Glauben / Aber Gott ist auch  
ein solcher Man / der da lust dazu hat /  
nicht mit schwert noch sichtbarer ge-  
walt vnd macht / sondern durch  
schwachheit / zu registern / zu wider dem  
Teufel vnd der Welt / vnd nicht anders  
sich

Östlich re-  
giment der  
Kirchen vnt-  
er grossen  
schwachheit.

sich dazu stellet / denn als wolte er seine Kirche gar lassen vntergehen.

WIr mögen dem ergermis wehren / vnd halten so lang vñ fern wir können / Aber es hilfft auch was es kan / Das wir doch müssen endlich bey diesem trog bleiben / Wer die Kirche erbarwet / vnd bisher erhalten hat / der erhalte sie noch. Wenn die Kirche solt durch Menschen regieret werden / so würden wir sie nicht wol regieren / Aber so Christus lebet / vnd noch auff dem Stuel sitzet / darauß in Gott gesetzet / so wollen wir sehen / wer der sey / der in Könne herab reissen / vnd seine Christenheit tilgen.

Denn wir können ja so wenig da zu thun (wenn das stündlin komet) als S. Paulus / da er an der Ketten ligt / vnd kan niemand erhalten / sondern mus es dem H. Ern Christo befehlen / Ob er wol als ein trewer Apostel / nicht ablesst / auch abwesend / zu vermanen vnd warnen / so viel er kan / Weis wol / das wo er ein wort redet / da sind freilich viel falscher Apostel / die im alles verke- ren / vnd dafür die ohren vol füllen mit irem geschweh vnd gifftrigen worten / Wie er anderswo klagt / das durch sol- che ganz Asia von im abfellig gemacht / Das waren der Epheser neheste näch- barn / als die auch vorne an gelegen.

Auff das er sie aber deste mehr tröste vnd stercke / sehet er an / vnd schmit- tet sein leiden vnd trübsal mit einer schönen neuen Rhetorica / Berets gera- de vmb / wider der Welt dunkel / vnd der Lesterer vrteil / Mein leiden vnd trübsal / so fur der Welt vnd euch / nach dem Fleisch (spricht er) am schedlich- sten angesehen wird / bringet euch kei- nen schaden oder nachteil / Wie die giff- rigen Meuler solch ergermis auff blas- sen / Sondern ist viel mehr mir vnd euch besserlich / Vnd ob sie meinen / damit euch zum höchsten abbruch zu thun / so folget doch solche besserung daraus / der sie sich nicht versehen.

Denn das ich leide (spricht er) das leide ich nicht vmb meinen willen / son- dern fur Euch / das ist / euch zu nutz / das es euch besser ist / denn das ich bey euch were / vnd predigte / Wie das? Denn ich leide allein vmb der Predigt willen vnd des Euangelij / das ich euch gegeben habe / vnd setze daran / was ich bin vnd

habe / auff das jr es behalten möget / Vnd sehet / das es mein ernst ist / vnd darob Kempffe vnd halte / mit fahr vnd erwegen meines lebens / das mir von Christo gegeben vnd befohlen / Vnd also mit meinen Ketten vnd banden das Euangelium ehre vnd bestetige / auff das jr dadurch gesterck / auch deste fester daran haltet.

Darumb wollen wir aus diesem leiden vnd trübsal / so vns die Welt an- legt / damit grossen schaden zu thun / gar einen köstlichen wechsel machen / Das Gott mus solch vrteil fellen / vnd sagen / Hörestu Welt / Teufel / Keiser / Tyran / du hast meinen Apostel Paulum gefangen / vmb meiner fromen Christen willen / Was haben dir diese gethan / oder was haben sie verschuldet? Ja / on alle ire schuld plagestu sie / allein darumb / das ich inen mein Wort gege- ben / vnd also mir zu wider vnd trog / Was sol ich hiezv anders sagen / denn also? Vliche Paulum hastu gestockt vnd gebunden / sondern Mich / Ist das nicht zu viel von einem sterblichen Ma- densack / es heisse Keiser oder Fürst / sich vntersehen / Gott im Himmel zu fahen? Meinestu aber / das ich dazu still schwei- gen werde / vnd also lassen hingehen? Vnd nicht keren / stöcke vnd bande zu reissen / vnd sagen / Weiche vnd hebe dich / Teufel vnd Tyran / vnd las mich regieren / vnd fur einen Paulum zehen andere geben / aus einer Kirchen zu Epheso / dreissig / ja hundert Kirchen machen?

Also jzt auch (weil es gleich also ge- het) wo sie einen Euangelischen Predi- ger kriegen / der mus ent weder heimlich ertrenck / ermordet / oder öffentlich ge- hengt vnd verbrennet werden. Wats umb geschiet das? Vmb der Christen vnd der Lere willen / die sie geleret ha- ben. In des sibet Gott eine weile zu / mit lachendem mund / vnd spricht / Lie- ben Herrn / seid nicht so zornig / Wisset jr auch / wen habt jr gefangen / ermor- det? Mich / die Götliche Majestet / Denn es ja nicht jr / sondern mein Wort vnd befehl ist / das sie gelert / vnd meine Christen glauben (das können jr selbs nicht leugnen) Wolan / nu mus ich wis- der auch sehen / wie ich mich ewers zorns erwehre.

Wie kan ich das thun? Ey ich mus also

Wechsel / so Gott macht aus den trübsal der Christen.

Paulum oder einen Prediger an greiffen / ist Christum selbs ange- griffen.

Christus schafft fur einen ermor- deten Predi- ger sehen andere.

die Kirche  
erhalten  
Christus  
mus allein  
die Kirchen  
erhalten.

Christus  
mus allein  
die Kirchen  
erhalten.

z. Timo. i.

S. Pauli  
wort die ich  
fur Euch  
leide.

S. Pauli  
den der Kir-  
chen zu gut  
vnd besse-  
rung.

## Auslegung der Epistel XIII

also machen / euch wider zu gefallen  
vnd zu freuden / Wo eine Stad einen  
Pfarherr vnd Euangelium gehabt / da  
für müssen jzt zehen / zwenzig Stedte  
jre Pfarherrn vnd Prediger haben / Ja /  
ich wil euch Bapst vnd Bischouen / in  
euer eigen Sprengel greiffen / das jr  
selbs müisset das Euangelium leiden  
vnd annemen (es geschehe euch zu danck  
oder zu leid) oder wo jr fortfaret zu co-  
ben / wil ich euch einest einen Lermen  
schicken / das jr mit Bischoffshäten vnd  
allem vntergehet.

*Sar die Chri-  
sten leiden.*

**S**ihe / das meint S. Paulus / so er  
sagt / das er für sie leide / das ist / jnen zu  
gut vnd besserung / das sie wissen / es ha-  
be vmb das leiden nicht not / Denn es  
nicht vmb Paulum / sondern vmb sie  
zu thun / Vnd sein leiden sey nicht eines  
schlechten Pauli (an dem nicht so viel  
gelegen) sondern eines Apostels oder  
Predigers der Kirchen Christi. Wo dies  
ser Name zu dem leiden kömet / vnd  
heisse nicht Hansen oder Petrum in den  
kercker geworffen (welches künde noch  
Gott lassen hingehen) sondern der Kir-  
chen Pfarherr vnd Prediger / Das ist  
zu grob mit der Maieket gescherzt /  
vnd in zu hoch versuchet / ja selbs ange-  
tastet.

*Eines Apo-  
stels oder  
Predigers  
leiden.*

**D**arumb mus er seine Christen also  
trösten / Lieben kindlin / erschreckt dar-  
umb nicht / vnd fürchtet euch nicht /  
das sie mich werden sehen / vnd hinrich-  
ten / Lasset sie versuchen was sie könn-  
en / Aber jr solt auch sehen / wie ich wil  
ein loch durch kercker vnd strick reissen /  
vnd so vnter jnen rumoren / das sie müs-  
sen in der asschen ligen / Vnd wo einer  
dem Euangelio widerstanden / dafür  
zehen andere dasselbige predigen müs-  
sen.

**D**enn weil sie wollen jnen nicht sa-  
gen lassen / noch auffhören zu coben / vnd  
je erfahren / wider wen sie wüsten / So mus  
er jnen auch anzeigen / wer er ist / Nicht  
Paulus noch ein Apostel / sondern ders-  
selbe / zu dem gesagt ist / Setze dich zu mei-  
ner Rechten. Der ist seer böse zu kügeln /  
vnd siget nu an dem ort / da er nichts lei-  
den sol / Das sollen sie sehen / wie es jene  
beide / die Jüden / so S. Paulum opffer-  
ten in des Reisers hende / vnd die Kö-  
mer selbs / gesehen haben / das bald her-  
nach / da S. Paulus hingerichtet war /  
Jerusalem in der asschen lag / vnd nicht

vber lange zeit / die stad Rom auch zu  
störret ward. Denn er wuste sonst kein  
loch noch rettung zu finden / der arme  
Christus / da er in seinen Aposteln vnd  
Martern gefangen vnd getödtet ward.  
denn das er die ganze stad in einen hau-  
ffen risse. Des mag sich jzt Deudschland  
auch versehen.

*Wie Chri-  
stus durch  
kercker vnd  
grab der ge-  
fangen vnd  
getödtet  
Aposteln  
raisset.*

**E**s ist hie nicht not zu antworten den  
groben vngelerten tölpeln (Papisten  
vnd Widerteuffer Kotten) die diesen  
vnd der gleichen Text (da S. Paulus  
spricht / Ich leide für euch) dahin zihen  
als solt ein Christ mit seinem leiden an-  
dern verdienen / oder helfen zur seligs-  
keit. Denn er sagt ja nicht also / Ich leide  
euch zu vergebung der sünde / vnd seligs-  
keit zu erwerben. Denn er vnd die ganze  
Schrifte sonst allenthalben klar gnug  
sagt / das allein Christi leiden alle Men-  
schen solches verdienet vnd erworben.  
Aber das kan S. Paulus vnd ein jeder  
Prediger wol sagen / Was ich predige  
vnd leide / das thu ich für euch / oder  
vmb ewern willen / Wie Mutter oder  
Vater zu jrem kinde mögen sagen / Das  
mus ich für dich thun vnd leiden.

*Wie S. Pan-  
lus für die  
Christen lei-  
det.*

**D**as sind alles wol solche werck vnd  
leiden / die einem andern oder vielen zu  
gut kómen / zur besserung / tröftung etc.  
Aber dadurch / die da leiden / weder jnen  
noch andern Gottes gnade vnd Leben  
verdienen. Nein / Es gehört hiezu ein  
ander Man / Christus / der durch sein lei-  
den deine sünde tilge / durch seinen tod  
dir das Leben gebe. So redet auch S.  
Paulus mit denen / die da schon zunor  
Christen sind / haben vergebung der sün-  
den / vnd alles was ein Christ haben sol /  
Aber darumb leidet er für sie / das ist /  
jnen zu dienst / auff das dadurch das  
Euangelium bey jnen zuneme / je mehr  
es seine feinde wollen dempffen / vnd jr  
Glaube gesterckt werde etc.

**J**erüber schmücket vnd preiset er  
sein erübsal vnd leiden / den Ephes-  
ern zu trost vnd stercke noch weiter  
vnd spricht / Welche euch eine ehre sind.  
Was ist das für eine newe sprache?  
Heisse es nicht viel mehr also (wie jnen  
jre Vernunfft sagt / vnd alle Welt bes-  
sterigt) Das du da ligst im kercker / das  
ist vnser aller schande. Denn was kan  
größer vnehre den armen Christen wi-  
derfaren / denn das jre Prediger vnd  
Seelsorger / von denen sie lere vnd trost  
sollen

*Erübsal  
vnd leiden  
der Christen  
ehre vnd  
thum.*

sollen haben / so schendlich vntergehen.  
Wolan / fur der Welt ist es ja also / Aber  
ich sage euch / Es ist fur Gott vnd in der  
warheit euch ein grosse ehre / der jr  
euch rhumen / vnd darauff erogen mü-  
get.

Denn jr könnet eben solches / damit  
man euch schmehen vnd ergern wil /  
vmbkeren vnd sagen / Eben daher weis  
ich / das diese Lere recht vnd Gottes  
Wort ist / Denn Gottes Wort vnd der  
heilsamen seligen Lere sol es also gehen /  
das sie vom Teufel vnd Welt also ge-  
schmehet vnd verfolget werde / sampt  
denen / die daran hangen. Das heisst  
der Christen rhum vnd ehre / wie S.  
Paulus Rom. 5. sagt / Wir rhumen  
vns der trübsal / das ist / wir haltens  
fur herrlich / heilsam / köstlich vnd selig  
ding.

Denn der Christen rhum kan vnd sol  
nicht stehen in dem / das die Welt hoch  
hebt vnd ehret / Denn sie kan vnd wil  
auch Gott vnd sein Wort nicht ehren.  
Darumb sollen die Christen des nicht  
erschrecken / noch sich schemen / sondern  
viel mehr fro sein / vnd damit einen trog  
vnd rhum anrichten / Wie die Aposteln  
Act. 4. vnd 5. sich freweten / das sie wir-  
dig waren / vmb Christi willen schmach  
zu leiden / Denn also ist es Christo selbs  
auch gegangen / Vnd solt den Christen  
leid sein / das es jnen anders gienge / vnd  
die Welt jnen hold were / Sondern viel  
mehr dazu lachen / guter dinge sein / vnd  
wie Christus Matth. 5. sagt / sich selig  
achten / je mehr sie die Welt verfolget /  
vnd alle böse rücke beweiset. Das ist das  
erste stück dieser Epistel / folget nu das  
ander.

Derhalben beuge ich meine Knie /  
gegen dem Vater vnsers HERRN  
Ihesu Christi / der der rechte Vater  
ist / ober alles / was Kinder heisset in  
Himmel vnd Erden.

Das ist ein ernstliche bitte vnd  
wundsch / weil er sie vber seinem  
Leiden getröstet hat / das jnen  
Gott auch krafft vnd stercke wolle ge-  
ben / das sie bey dem Euangelio bleiben  
mit festem Glauben / nicht darob weich  
oder müde werden / ob sie anfechtung  
vnd trübsal müssen leiden / sondern die  
selben alle bestendiglich vberwinden mü-

gen / Denn es ist hie nicht gnug allein  
anfahen / vnd das Euangelium hören /  
oder auch Predigen / Sondern es mus  
auch die krafft folgen / das der Glaube  
bestendig bleibe / vnd sich erzeige im  
streit vnd anfechtung / Sintemal das  
Reich Gottes nicht in worten / sondern  
in der krafft stehet / wie S. Paulus sagt.

ES sol ein wesen sein / das man inwen-  
dig mit dem hertzen gleube / vnd den  
selbigen Glauben auswendig auch be-  
weise / Also / das es thun / nicht reden /  
leben / vnd schwezen sey / Vnd ist dara-  
umb angericht / das das Wort nicht al-  
lein auff der zungen vnd ohren klebe / son-  
dern zu krefften kome / vñ ein werck oder  
thun daraus werde. Im alten Testa-  
ment redet Moses auch wol viel / es thet  
aber niemand darnach / hie aber sol viel  
thun / vnd wenig wort sein. Solchs  
wündschet hie S. Paulus / vmb des wil-  
len / das das Euangelium nicht vmb  
sonst gepredigt sey / sondern das selbe  
ausrichte / darumb es verkündigt wird.

Wid sihe / wie er der Christenheit  
hilfft / vnd vns ein Exempel gibt / son-  
derlich den Predigern / wie man das  
Volk bessern sol. Wir schlahens leicht  
fertig dahin in wind / Wenn wir das  
Euangelium hören / vnd dauon reden  
können / meinen wir / es sey gnug / vnd  
lassens bey dem erkentnis bleiben / brin-  
gens nicht zu krefften noch zum kampf.  
Daran wird gewis der feil sein / das wir  
nicht mit ernst bitten. Wir solten Gott  
on vnterlas in ohren ligen / tag vnd  
nacht seuffzen vnd flehen / das er dem  
Wort wolt krafft geben / im hertzen zu  
wircken / Wie Dauid Psalm 68. sagt /  
Sihe / Gott wird seiner stumme / oder  
seinem Donner krafft geben.

Das sollen nicht allein die Prediger  
thun / sondern alle Christen sollen an-  
halten / vnd dafür bitten / das Gott /  
der das erkentnis gegeben hat / auch die  
krafft gebe / das das Wort nicht allein  
im schwezen bleibe / sondern auch zu  
krefften kome. Sintemal vberall jet  
die größte klage ist / das man viel pre-  
digt / vnd niemand darnach thut / son-  
dern die Leute so roh / kalt vnd faul wer-  
den / das es schand ist / vnd viel weniger  
thun / denn zuvor / So wir doch ein solch  
grosses helles licht haben / das wir se-  
hen / was in aller Welt recht vnd vns  
recht ist.

Derhalben

1. Corinth. 5

Exempel  
S. Pauli /  
vñ reizung  
zum gebet.

Gebet / das  
das Wort  
grosse krafft  
wircke.

Vrsach vnd  
not zu beten.

## Auslegung der Epistel

Derbalben wir je vrsach gnug heten zu bitten / wie S. Paulus hie thut / Und wil so sagen / Ir habt nu alles gnug / vnd seid vberschüttet mit dem Wort / das euch verkündigt / vnd reichlich furgetragen ist. Aber darumb beuge ich meine knie / das Gott seinen seggen dazu gebe / vnd seinen preis vnd ehre ansehen wölle / vnd euch bekräftigen vnd stercken / das es in euch auffgehe / vnd fruchte trage.

**E**R redet seer ernstlich von seinem Gebet / als wolt er sagen / Ich mus hie gefangen ligen / vnd kan nicht bey euch sein / noch auff ander weise euch helfen / **O**n das ich noch kan meine knie beugen (das heisse / mit aller demut vnd ernst fur Gott flehen vnd bitten) das er euch wolle geben / vnd bey euch schaffen / das weder ich noch kein Mensch thun künd / wenn ich gleich frey vnd jmerdar bey euch were.

*Knie beugen des gesungen Pauli.*

**U**ND sihe / wie er sein Gebet beschreibet / das er sich auch mit eufferlichen geberden des knie beugens dazu stellet / Wiewol aber das selbige eufferliche gebet / wo es alleine ist / lauter heucheley ist / Doch wo das gebet recht ist / vnd sein fetor hat / damit es angezündet wird / da zunor die not betrachte wird / vnd die güter / die vns gegeben sind / vnd durchs Wort gepredigt werden / vnd der Glaube auff Gottes Wort vnd verheissung sich erwecket / So wird der Mensch davon entbrand / das er auff die knie fellet / vnd bittet vmb stercke vnd krafft des Geists. Darumb / wo das gebet im hertzen angezündet ist vnd brennet / wird sich der leib sein selbs dazu stellen / wie er sol / mit augen vnd hend auffheben / vnd knie beugen / das in niemand leren darff / Wie Moses / David / vnd Christus selbs / gethan hat.

**A**lso leren sich die eufferlichen geberde alle selbs / wenn man von brennendem hertzen betet / Denn der Geist treibet sie / Darumb sie nicht zu verwerffen sind / on / wo sie on Geist / aus heucheley geschehen / Als wenn man damit meinete Gotte einen dienst vnd gut werck zu thun / vnd das hertze weit davon ist / wie der Prophet sagt / Esa. 29. Dis Volck ehret mich mit seinen lippen / aber ir hertze ist weit von mir.

**D**as aber S. Paulus sagt / Ich beuge meine knie gegen dem Vater vnsers

**HERRN** Ihesu Christi. Damit bestetigt er die Lere / das sich niemand fur Gott vermessen sol / et was zu reden oder zu bitten / er ergreiffe in denn bey dem namen / wie er hie thut / nemlich / als einen Vater Ihesu Christi / vnsers **HERRN** / Denn Christus ist vnser einiger Mittler / vnd sol niemand zum Vater kommen / vnd bitten / noch erhört werden / er kome denn in des Mittlers namen / Also / das er in bekenne / fur seinen **HERRN** / der vns von Gott dazu gesetzt ist / das er fur vns bitte / dazu auch vns registere an leib vnd seel.

**W**as ist denn ein trefflich gebet / wenn es also gestellet ist / Gehört aber auch dazu starcker glaube / das wir das süsse Wort fassen / vnd Gott ins hertze bilden / als einen Vater vnsers **HERRN** Ihesu Christi. Denn es ist gar ein tröstlich Wort / das Christus vnser **HERR** ist / on / das wir es schrecklich gemacht haben / vnd in gehalten / fur einen strengen zornigen Richter / So er doch allein darumb ein **HERR** ist / das er vns schütze fur frembden Herrn vnd Tyrannen / dem Teufel / der Welt / Tod vnd Sünde / vnd allem unglück / Denn wir sind je sein Erbgut / darumb wird er vns annehmen / bessern vnd erlösen von allem zwang vnd gewalt.

**A**lso ist vns dieser name sein lieblich / tröstlich / vnd machet die gewissen sicher / so wir glauben. Das ist aber viel tröstlicher / das mein Gott / mein **HERR** auch ein Vater vnsers **HERRN** Ihesu Christi ist / aus welchem namen die ganze Gottheit erfur bricht / vnd sich vns gibt / das er alles / was ich in diesem namen bitte / mus vberflüssig geben. Da ist nichts denn eitel hülf vnd gnade / das er mich seggen wil / als sein Kind / in Christo / vber alles / das zeitlich vnd ewig ist.

**W**er das (spricht S. Paulus) ist er nicht allein ein Vater / sondern der rechte Vater / vber alles / was da kinder heisset / in Himel vnd Erden. Die Väter / die wir haben auff Erden / sind Väter / die vns gezeuget haben / nach dem fleisch vnd blut / Oder auch / die man vmb alters vnd ehren willen also nennet / Denn ein iglicher billich seinen alten Herrn Vater heisset / wie in Büchern der Römigen die Knechte iren Herrn **Naeman** Vater nennen / 4. Reg. 5.

Also

*Gott anrufen / als den Vater Christi.*

*Gott ein Vater vber alles / was da heisset / der heisset.*

Also wil er nu sagen/ alles was auff Erden Vater heisse/ ist nur ein schein oder schadte/ vnd ein gemalet bilde gegen diesem Vater. Aber das kan die vernunfft nimer also ansehen/ noch jemand im hertzen fñlen/ wo nicht der Heilige Geiſt solchs selber wircket/ So viel kan vernunfft wol thun/ das sie in einen schrecklichen/ zornigen Richter heisse/ der jr die Welt/ vnd dazu die Helle zu enge machet/ das sie nicht weis/ wo sie bleiben sol. Das ist aber der Natur unmöglich/ das sie in von hertzen ihren Vater heisse/ viel weniger/ das sie in halte für einen Vater/ vber alles/ was Kinder heisset/ im Himmel vnd Erden/ des alle ander Vater nur ein spiegel sind.

Natur kan Gott nicht einen Vater erkennen.

Nu sihe/ wie ein Vater gegen dem Kinde thut/ vnd widerumb das Kind gegen dem Vater. Wenn gleich der Vater nicht natürlich ist/ so bringet doch der name so hertzliche vnd tröſliche zuversicht mit sich/ das man sich alles guten zu ihm verſihet. Ist nu das nur ein schertz vnd spiegel fechten/ da es die Vater aufferden/ so mit ganzem ernst vnd trawen gegen ihren Kindern meinen/ was wird denn dieser himliſcher Vater thun/ der vber alle Vater ist? Darumb wil vns S. Paulus leren an bencken gehen/ vnd bey jener natürlicher zuversicht messen/ was Gott für ein Vater ist/ vnd was wir vns gegen im verſehen sollen.

Kindliche zuversicht zu Gott/ des Glaubens.

Wer nu also künde Gotte vnd im selbs sein hertz nemen/ das er einen solchen wahn vnd nut gegen Gott durffte tragen/ vnd von hertzen zu ihm sagen/ Du bist mein lieber Vater/ Was solt er nicht thüren bitten/ vnd was künde im Gott versagen/ Sein eigen hertz wird im sagen/ das ja sein sol/ was er nur bittet/ So gewaltig ist diese zuversicht vnd vertrauen im hertzen/ vnd so gewis/ das im nimer feilet/ was er bittet. Sihe/ so leret vns Gott selbs/ wie wir sollen den Himmel auffbrechen/ vnd in blos machen/ das wir sehen/ wer er ist.

S. Pauli bitte.

Was ist nu dis für ein gebet/ das S. Paulus hie thut? Eben das wir auch im Vater vnser beten/ sonderlich in der ersten/ andern vnd dritten bitte/ Die faſset er kurz in einen hauffen/ mit andern worten/ Meinet doch eben das selbe/ das Gottes Name vnd Wort bey vns geheiliget werde/ des Teuffels reich

untergehe mit aller bosheit/ vnd was wider Gottes Wort vnd willen ist/ Vnd spricht also.

Das er euch krafft gebe nach dem Reichthum seiner Herrlichkeit/ starck zu werden.

Das sind treffliche wort/ die der aus hitzigem Geiſt heraus dringet vnd drücket/ vnd zeigen an/ das ers gerne wolt höher aussprechen/ vnd solche wort finden/ damit er sein hertz ganz an den tag geben künd/ Sie sind aber zu schwach vnd zu wenig/ vnd bleibet noch jmer viel mehr brunſt im hertzen.

Nach dem reichthum seiner Herrlichkeit (spricht er) Als solt er sagen/ So gros ist seine herrlichkeit/ das es billich ein reichthum heisset. Denn das ist Gottes ehre vnd preis/ das er viel vnd reichlich gibe/ Dabey zu mercken ist/ was er für ein Gott sey/ nemlich/ zu dem man sich alles guten verſehen sol/ vnd/ wenn man in nöten ist/ aller hülffe. Denn das heisset die ganze Welt Gott/ Darumb hat sie auch so viel Götter gemacht/ vnd so viel Heiligen angeruffen/ das man sich gutes vnd hülffe zu ihnen verſehen hat. Daher die Schrifft auch die Leute Götter nennet/ Darumb/ das sie gutes thun/ vnd einander helffen/ Als Gott selbs zu Moſe sagt/ Exod. 4. Du solt des Pharao Gott sein.

Herrlichkeit Gottes.

Wenn aber ein Gott viel gibe/ oder gros im geben ist/ hat er auch desto gröſſer ehre vnd herrlichkeit. Nu ist dis der rechte Gott/ des alle herrlichkeit alleine ist/ vnd nicht allein herrlichkeit/ sondern reichthum der herrlichkeit/ also/ das er ausschüttet alles was im Himmel vnd Erden ist/ vber alle mas reichlich. Denn er auch der aller geringsten Creaturn/ so vberflüssig viel gibe/ als so viel wasser/ luft/ erdreich/ vnd sein gewächs davon wir nur das wenigste teil brauchen/ vnd vns nütz machen könne. Noch sind wir so blind vnd toll/ das wir nicht sehen/ sondern verachtens/ vnd schlahens in wind.

Reichthum der Herrlichkeit Gottes.

Wie viel mehr thut er nu solchs in geistlichen gütern? Da hat er sich selbs gar ausgeschüttet/ vnd vns gegeben/ mit den allerhöchste gaben vnd gütern/ vnd vns ein solch gros liecht anzündet/

## Auslegung der Epistel

das wir wissen vnd sehen / was Welt / Teufel vnd Engel ist / ja was Gott selbs im sinn hat. Item / was geschehen vnd noch künfftig ist / das wir alle weisheit / dazu auch alle gewalt haben / vber Sünde / Teufel vnd Tod / vnd Herrn sind aller Creaturn / Summa / so grossen reichthum / das es niemand aus reden kan.

Sihe / so starke wort hat S. Paulus in diesem gebet gebraucht / vnd tregt ein solch hertz gegen Gott / das es mus krefftig sein / durch die Wolcken dringen / vnd den Himmel auffmachen. Er sagt nicht / das Gott vnsern verdienst vnd würdigkeit ansehe / vnd im das selbe geben sol / was er bittet / sondern den reichthum seiner Herrlichkeit. Denn ob wirs gleich nicht werd sind / so isst aber Gott werd / das man seine Herrlichkeit erkenne / vnd im die ehre gebe / das er seine güter so reichlich vmb sonst ausschüttet / auff das sein name allein geheiligt werde.

Also mus das gebet gestellet werden / wo es für Gott gelten vnd erhört werden sol / Sonst / wo er vnsern verdienst ansehen solt / würde er vns gar ein schmale parteecken geben. Sol er reichlich geben / so mus er also geben / das du bekennest / wie es aus lauter gnaden geschenckt sey / vnd seine grosse herrlichkeit preissest.

Viel haben das Wort wenig die Krafft.

Was sol er aber geben / darnumb S. Paulus bittet? Das nicht allein das Wort bey jnen sey / Wiewol das auch ein gros gut vnd gabe ist / wo es reichlich gehet / Sondern / das es auch im hertzen schmecke / vnd stark gehe im leben. Also setzet er gegenander / Wort vnd Krafft / Viel haben das Wort / wenig aber die Krafft / das es nachdrücke / vnd zur folge komet / vnd also hernach gehe / wie man davon sagt. Vnsere Widersacher können vns nicht höher schelten vnd spotten / denn das wir viel guts predigen vnd hören / aber doch nicht weiter komet / vnd niemand darnach thut / noch sich davon bessere / ja / das wir erger werden / denn wir zuvor gewesen sind / Darnumb (sagen sie) were es besser / das es bliebe / wie es vorhin gewesen ist.

Was die widersacher vns aufflegen.

Was wollen wir nu hiezu sagen? Also sagen wir / Zum ersten / weil wir sehen / das es so lose von state gehet / vnd die Krafft so weit vom Wort bleibet /

haben wir deste mehr vrsach zu bitten / wie alhie S. Paulus thut vnd leret. Zum andern / ob sie gleich wenig besserung vnd fruchte sehen / so sind sie doch die Leute nicht / die dauon richen sollen / Sie meinen / wir sollen eitel wunder thun / vnd todten auffwecken / vnd eitel rosen wachsen / wo die Christen gehen / das lauter heiligkeit da sey. Wenn aber das were / was hetten wir not zu bitten? Denn was ich schon habe / das darff ich vnd kan nicht vmb bitten / sondern sol Gott dafür dancken. Weil vns aber S. Paulus vnd die Schrift heisse bitten / zeigt sie an / das es vns müsse an der stercke feilen / was dürfft sie sonst so vnnütze geschweiz treiben?

Doch / ob nicht alle darnach thun / bessern sich dennoch etliche / vnd bringen ja die frucht / das es viel guter gewisssen macht / vnd viel vbel nachbleibt / das vorhin geschehē ist. Vnd solt man auff beiden seiten gegenander sehen / würde man auff diesem ort noch einen grossen schatz sehen / den wir in wind schlagen / Vnd ob wir gleich etwas schwach sind / solt es darumb gar verloren sein? Ist doch dort nichts / denn eitel schlam vnd vnflat / das wolten sie gerne mit vnserer schwachheit schmücken / Darnumb mus jr ding schön sein / vnd vnser stincken.

Das Wort wo es gelehet wird / gehet nicht ab / ob sich wol lest anders ansehen.

So las sie nu nur fortfaren / vnd richten. Wir bekennen / das wir nicht alle stark sind / Das ist aber auch war / wenn keine schwachheit vnter vns were / dürfft wir keines bittens noch anhaltens / treibens / vnd teglichen predigens. Wolten sie aber das Euangelium vmb vnser schwachheit willen verdammen / die wir selbs bekennen / so sind sie eben für Gott gerichtet / damit sie vns richten. Ich kan wol im Reich der gnaden stehen / vnd doch aussen so schwach sein / das du mich magst für einen Buben ansehen / Du sihest den Glauben nicht / aber Gott sihet / vnd ich füle in / Dieweil richtestu mich nach dem eusserlichen wesen vnd wercken / vnd feilest / schleggst ein vrtail vber vnd wider dich selbs. Wir wissen vnd klagen auch / das wir schwach vnd gebrechlich sind / darumb schreien / bitten vnd seuffzen wir / das vns Gott stercke vnd krafft gebe.

Zum dritten / sind wir des gewis / wo Gottes Wort gepredigt wird / das das selbs

selbs auch seine frucht folge / vnd sein müsse. Weil wir nu das Wort Gottes haben / so mus Gottes Geist auch bey vns sein / Wo aber der Geist ist / da mus auch der Glaube sein / er sey auch wie schwach er wolle / ob man in gleich nicht sibet / So kan es je nicht feilen / es müssen auch Christen vnter vns sein / die da teglich bitten / das vnser keiner ge war wird. So geschiet jnen recht / das sie also anlauffen / vnd feilen / Dieweil se hen sie sich vmb nach den Christen / vnd komet jnen keiner vnter augen.

Urteil vber die Welt / das sie keine Christen kenn en mus.

Gottes Wort ist zu hoch / es wil nicht von vns geurteilt werden / sondern sol vns richten / Noch wil die welt von vns vngurteilt vnd vngemeistert sein / vnd wil doch Gottes Wort urteilen vnd meistern / Da hette Gott lust zu / Es we re schade / das sie solten einen fromen Christen sehen / Darumb verblendet sie auch Gott also / das sie seines Reichs feilen / wie Jesa. 26. sagt / Vt tollatur impius de terra, ne uideat gloriam Dei. Die Gott losen sehen des HERRN herrlichkeit nicht. Darumb kriegē auch solche Kläg linge nicht viel rechtschaffener Christen fur sich / sondern gemeiniglich narren oder schwermer / daran sie sich feindlich stossen vnd ergern / Denn sie sind nicht werd / das sie Gottes ehre / das ist / einen fromen Christen / sehen sollen / vber wel chen sich Gott mit allen seinen gütern ausschüttet.

Vnd wenn gleicheiner fur sie kömet / vnd jnen in die augen stößet / sehen sie in doch nicht. Wenn sie hören / das einer ein gut / vnstrefflich leben füret / so sagen sie / Die Ketzer haben auch also gethan / vnd gufft vnter einem guten schein ver borgen / füret aber einer ein frech / ruck los wesen / so mus er ein Bube sein / Wie man mit jnen feret / so thut man jnen nicht recht / Pfeiffet man jnen / so tanzen sie nicht / klagt man jnen / so heulen sie nicht / wollen weder süß noch sauer hö ren. Also mus sich die weisheit zur schul füren vnd meistern lassen / von den Kläg lingen / Wie Christus Matth. 11. sagt / So mache Gott die Welt zu Narren vnd schanden / Lesst sich jmer dahin vr teilen / vnd feret dieweil fort / vnd lesst das Euangelium einreissen / solten sie gleich fur toben bersten.

Das sage ich darumb / das wir vns fursen / vnd nicht mit jnen zufaren /

vnd mit frenel Gottes werck vnd wort richten / Denn ob wir gleich schwach sind / sind wir dennoch gewis / das Got tes Reich vnter vns gehe / weil wir sein Wort haben / vnd bitten daneben teglich / das das Wort zu krefften kome / vnd wir im Glauben zunemen / wie folget.

Das er euch gebe mit krasse starck werden / durch den Geist / an dem inwendigen Menschen.

**D**ER Apostel brauchet viel wort dazu / das er je dem freien willen nicht viel ehre vnd rhum lasse / vnd wündschet jnen die krasse / die vom Himmel kömet / durch den heiligen Geist / Denn die Welt hat auch eine stercke / dazu auch einen Geist / welches ist der Teufel der welt fürst / welcher der Menschen hertzen verblendet vnd verbertet / brüstet sich / vnd bleset jnen einen mut ein / meiner / er wolle die Christen dempffen / vnd frisch durch drücken.

Starck wer den durch den Geist.

Wie nu Weleleute mutig vnd stolz sind / so sind die Christen auch / aber viel grösser vnd stercker / durch den heiligen Geist / das sie vnerschrocken sind gegen der Welt / Teufel / Tod vnd alle vnglück. Das heisst nu ein geistliche stercke. Denn das ebreische wörtlin (Geist) solt man billich Dentschen / einen mut / der da tro nig vnd küne ist. Denn geistliche stercke ist nicht beim noch fleisch / sondern das hertz vnd der mut selbs / als widerumb / schwachheit heisst / blöde vnd feig sein / vnd an mut feilen.

Geistliche stercke.

So wil nu S. Paulus sagen / Das bitte vnd wündsche ich euch von Gott / das er euch einen solchen künen vnd trozig gen mut / vnd so einen starcken freidigen Geist gebe / der vnerschrocken sey / fur ar mut / schande / Sünde / Teuffel vnd Tod / das jr gewis seid / das euch nichts schaden noch mangeln könne. Der welt mut / der da heisst / Spiritus mundi, bleibet vnd stehet nicht lenger / denn so lang ein vor rat furhanden ist / da man sich auff verlesst / Daher man spricht / Gut mache mut / das ist / der mut kömet vom Nam mon vn weltlicher gewalt / ist steiff vnd stolz / vnd brüstet sich auff zeitlich ding. Aber jener Geist verlesst sich allein auff Gott / hat auch keinen verrat noch bar schaffe / denn Gott allein / darauff tro get er wider alles vbel / gewinnet gar

Der Welt mut.



## Auslegung der Epistel

ein ander hertz vnd mut / denn die Welt hat.

Stercke an dem inwendigen Menschen.

Das sol die stercke sein / darumb S. Paulus bittet / die nicht im fleisch vnd blut ist / das sich verlesse / vnd bawet auff sein eigen krafte vnd vermögen / oder auff menschliche hülff vnd beystand / Sondern an dem inwendigen Menschen / nemlich / das vnerschrockene fröliche hertz allein auff Gottes gnade vnd hülffe / das sich für keinem dinge nicht fürchtet / vnd alle fülle / reichthum vnd gnüge hat / im Glauben ( ob gleich nichts / denn eitel mangel / vnkraffe / schrecken etc. für augen scheinert vnd gefület wird ) nemlich / Gott selbs mit allen seinen gütern.

Vnd Christum wonen durch den Glauben in ewern hertzen.

**D**er Heilige Geist bringet Christum ins hertz / vnd leret in Erkennen / zündet es an / vnd machet es mutig durch den glauben an den selben. Denn dahin stimmert S. Paulus vberall / das sich niemand vnterstehe für Gott zu komen / on den Christum / der alleine Mittler ist. Wenn nu Christus in meinem hertze wonet / vnd regieret mein ganzes leben / ob der Glaube gleich schwach ist / ligt doch nichts daran / Denn Christus nicht eitel sein / sondern auch fleisch ist / ja er hat auch blattem vnd geschwere vnd sünde / des schemet er sich nicht / ob gleich die grossen Heiligen die nase dafür stopffen. Wo er nu wonet / da ist alle fülle / Gott gebe er sey schwach oder starck.

Christum im hertzen wonen.

Christum aber im hertzen wonen / ist nichts / denn Christum erkennen / was er sey / vnd was man sich zu im versehen sol / nemlich / das er vnser Heiland sey / durch welchen wir dahin komen sind / das wir Gott mügen vnsern Vater nennen / vnd durch in den Geist empfahen / der vns wider alle vnglück einen mut gibt. Also wonet er bey vns im hertzen / Denn er sonst nicht zu fassen ist / weil er nicht ein tod ding / sondern lebendiger Gott ist. Wie fasset man in aber ins hertz ? Nicht mit gedanken / sondern allein durch den lebendigen glauben. Er lesse sich nicht mit wercken fassen / noch mit augen schepffen / sondern allein mit dem hertzen halten.

Ist nu der glaube recht vnd grund gut / so hastu vnd fülest Christum in deinem hertzen / vnd weist alles / was er gedencket vnd thut / im Himmel vnd Erden / wie er durch sein Wort vnd Geist regieret / vnd wie die gesinnet sind / beide / die in haben vnd nicht haben.

Das wil hie S. Paulus / das Christus so krefftig sein sol im hertzen / das er ausgerichte / was das Wort vns für helt / das wir von Sünd vnd Tod erlöset werden / vnd sicher sind seiner gnade vnd des ewigen Lebens. Wenn nu das hertz solches fület / ist nicht möglich / das es nicht solt stolz vnd mutig werden / wider des Teuffels vnd der welt schrecken. Wer aber solches noch nicht fület / der hat einen rat / wie er im thun solle / nemlich / das er Gott bitte vnd bitten lasse / vmb solchen glauben vnd stercke. Das ist ein stück vom Glauben. Folget das ander / von der Liebe.

Vnd durch die Liebe eingewurzelt vnd gegründet werden.

**I**s ist aber ein ander weise zu reden / denn wir gewonet sind. Müssen wir nicht durch den glauben eingewurzelt / eingepropffet vnd gegründet werden? Warumb gibt denn S. Paulus solches der Liebe zu? Antw. Durch die Liebe eingewurzelt vnd gegründet sein. War ist? Aber die Liebe beweisset / ob der Glaube rechtschaffen / vnd das hertz frölich vnd mutig in Gott sey / Denn wo ein solche starcke zuversicht ist / das du nicht zweifelst / das Gott dein Vater ist / mus je folgen / wie schwach auch der glaube ist / das er heraus breche mit dem mund / that vnd der hand / vnd sich des Aebesten anneme / mit leren vnd hand reichen.

Das heisset S. Paulus hie / durch die Liebe gegründet vnd eingewurzelt werden / das ist / spüren vnd fülen / das wir einen rechtschaffenen Glauben haben. Denn die Liebe ist die prob / damit man versuche / ob der Glaube recht sey / Wie S. Petrus auch sagt / 2. Pet. 1. Thut vleis / das jr ewern beruff durch gute werck fest machet / Das ist / fare fort / vnd thut gute werck / auff das man sehe vnd jr selbs spüren müget / das jr den Glauben habe / vnd rechtschaffen seid / Sonst bleibet es jmer vngewis / schwach

schwebt in ohren / vnd schermet oben auff dem hertzen / vnd ist nicht gegründet noch eingewurzelt. Das meinet S. Paulus mit den zweien stücken. Zum ersten / das wir gegen Gott einen richtigen glauben im hertzen habē sollen. Zum andern / das derselbige erfur breche / vnd sich erzeige durch die Liebe gegen dem Nehesten.

Auff das jr begreiffen müget mit allen Heiligen / welches da sey die breite / vnd die lēge / vnd die tieffe / vnd die hōhe.

**W**as ist aber ein stück seines wunschs / Das es dahin kōmen müge / das sie gegen Gott auffgericht / vnd getrost durch den Glauben / vnd gegen dem Nehesten wol gegründet vnd eingewurzelt sein durch die Liebe. Wenn jr also gesterckt werdet / durch dringet vnd nach drückt (wil er sagen) so werdet jr mit allen Heiligen die vier stück begreiffen / vnd daran zunemen / vnd jmer mehr vnd mehr dauon verfesten. Das thut nu allein der Glaube / Denn die Liebe gehōret nicht hieher / Sie hilfft aber dazu / das sich der Glaube daran beweise.

Aus diesen worten haben vns die Lerer das heilige Creutz abgemalet vnd gemessen / dauon doch S. Paulus kein wort redet / sondern wil k̄rzlich so sagen / Das jr begreiffen müget alle ding / wie lang / breit / weit / tieff vnd hoch das Reich Christi sey. Das geschiet / denn / wenn das hertz so stehet / das mirs Christus nicht zu lang / breit oder weit machen kan / da ich nicht hin nach fare / vnd weder so tieff noch so hoch faren kan / das ich mich von jm oder von seinem Wort reissen lasse / Das ich erkenne vnd gewis bin / wo ich hinkome / das Christus da sey / vnd regire an allen orten / so weit etwas / lang / breit / tieff vnd hoch ist / es sey zeitlich oder ewig / Wie breit vnd weit zu messen ist / so finde ich in vberall / wie David sagt / Psalm. 139. Wo sol ich hingehen für deinem Geist / vnd wo sol ich hin fliehen für deinem angesichte? Fare ich gen Himmel / so bistu da / bette ich mir in die Helle / so bistu auch da etc. Er regieret ewig / sein lēge / breite / tieffe vnd hōhe hat kein masse / Wenn ich nu gleich hinunter in die Helle fare /

so spricht mein hertz vnd glaube / Christus ist auch da.

Ist nu die summa / Ich werde genbriget oder erhōhet / Miß mich wie du wilt / reis mich hieher oder dort hin / so finde ich Christum da. Denn er hat alle ding in seinen henden / in Himmel vnd Erden / vnd ist im alles vnterworffen / Engel / Teuffel / Welt / Sünd / Tod vnd Helle. Darumb / wenn er in meinem hertzen wonet / so bleibt der mut stehen / wo ich hin kōme vnd fare / kan ich nicht verloren werden. Denn wo Christus mein **HERZ** bleibt / da bleibe ich auch.

Dis ist aber der Vernunfft vnmöglich zu thun / Wenn sie ein elle hoch ober oder vnter die erden faren solt / vnd dieses gegenwertigen sichtbaren beraubet werden vnd verlassen / müß sie verzweueln. Wir aber erlangen einen andern mut durch Christum / vnd wissen / das er an allen orten sey / es sey ehre oder schande / hunger / kummer / Franckheit / gefengnis / tod oder leben / gut oder böses. Solches wünschet S. Paulus den Ephesern / das jnen Gott gnad vnd stercke da zu gebe / das sie es also mit dem hertzen fassen. Vnd beschleussset nu das gebet also:

Nuch erkennen die liebe Christi / die doch alle erkentnis vbertriffet / auff das jr erfüllet werdet / mit allerley Gottes fülle.

**W**as ist / wo jr im Glauben stehet / vnd die vier stück begreiffet / wünsch ich euch auch / das jr erkennet die liebe Christi / so wir haben sollen / nemlich / die er gegen vns / vnd wir gegen dem Nehesten tragen / welche alle erkentnis / auch des Euangelij / vbertriffet. Denn wisse was du wilt / so hilfft das erkentnis doch nichts / oder wenig / wo die Liebe nicht ist. Also ist k̄rz die summa dieses wunsches / Das wir im Glauben zunemen sollen / auff das er starck vnd k̄rfftig / die Liebe hitzig vnd brünstig sey. Vnd wir alle so erfüllet werden / mit allerley Gottes fülle.

Das ist auff Ebreische weise so viel geredt / das wir erfüllet werden auff alle weise / damit er vol machet / vnd vol Gottes werden / vberschüttet mit aller gnade vnd gaben seines Geistes / der vns nitig mache / mit seinem liecht erleucht

Freidigkeit  
des glaubens  
auff Christum / in allen sachen.

Er füllet werden mit Gottes fülle.

Lēge / breite / tieffe vnd hōhe des Reichs Christi.

## Auslegung der Epistel

te/ vnd sein leben in vns lebe/ seine selige  
Zeit vns selig mache / seine Liebe in vns  
die Liebe erwecke/ Kurtzumb/ das alles/  
was er ist vnd vermag / in vns vollig  
sey vnd krefftig wircke / das wir gang  
vergötter werden / nicht ein partecken  
oder allein etliche stück Gottes haben/  
sondern alle fülle.

Es ist viel dauon geschriben/ wie  
der Mensch sol vergötter werden/ da ha  
ben sie leicern gemacht/ daran man gen  
Zimel steige/ vnd viel solchs dings. Es  
ist aber eitel partecken werck/ hie ist aber  
der rechte vnd neheste weg hinan zu ko  
men angezeigt/ das du vol / vol Gottes  
werdest/ das dirs an keinem stück feile/  
sondern alles auff einem hauffen habest/  
das alles / was du redest / denckest/ ges  
hest/ summa/ dein ganges leben gar Göt  
tisch sey.

Es sol aber niemand dencken/ das

solches in diesem leben irgend einem  
Menschen volkomlich widerfare. Wir  
mügens wol wündschen vnd bitten/ wie  
S. Paulus hie gethan hat / man wird  
aber keinen finden/ der solche fülle ganz  
lich habe/ Wir stehen allein auff dem/  
das wirs begern vnd darnach seuffzen/  
Denn weil wir im fleisch leben/ sind wir  
noch auch vol mit allerley Adams fülle/  
Darumb ist not / das wir on vnterlas  
bitten / das Gott die schwachheit hin  
weg neme / vnd gebe vns den mut vnd  
Geist ins herz/ vnd fülle vns mit gna  
den vnd stärke/ das er allein in vns völs  
liglich regire vnd wircke. Das sollen  
wir vns auch alle vnternander  
wündschen. Dazu wolle  
vns Gott auch gns  
de geben/  
Amen.

## Euangelium am XVI. Son tag nach Trinitatis/ Luc. VII.





**V** Des be-  
gab sich dar-  
nach / das  
er in eine  
stad / mit na-  
men Nain /  
gieng / vnd  
seiner Jün-  
ger giengen

viel mit im / vnd viel Volcks. Als er  
aber nahe an das Stad thor kam /  
sah / da trug man einen Todten her-  
aus / der ein einiger Son war seiner  
Mutter / Vnd sie war eine Witwe /  
Vnd viel Volcks aus der Stad  
gieng mit jr. Vñ da sie der HERR  
sah / jamerte in derselbigen / vnd  
sprach zu jr / Weine nicht. Vnd trat  
hinzu / vnd rüret den Sarc an / vnd  
die Treger stunden. Vnd er sprach /  
Jüngling / Ich sage dir / stehe auff /  
Vnd der Todte richtet sich auff / vnd  
fieng an zu reden. Vnd er gab in sei-  
ner Mutter.

Vnd es kam sie alle eine furcht  
an / vnd preisset Gott / vnd sprach-  
en / Es ist ein grosser Prophet vnter  
vns auffgestanden / vnd Gott hat  
sein Volck heimgesucht. Vnd diese  
rede von im erschall in das ganze  
Jüdische land / vnd in alle umbli-  
gende Lender.

**D**ies stück des Euange-  
lij leret vns Gottes gnade  
/ werck vnd krafft / in  
dem Reich Christi vnsers  
HERRN erkennē / Vnd  
darnach in loben vnd dan-  
cken / vnd im widerumb  
gerne dienen vnd gehorsam sein. Denn  
darumb erzelet man seine wunderwerck  
vnd barmherzigkeit / das wir sollen er-  
kennen / das er vns helffe aus aller not /  
Vnd darnach / wenn wir das erkennen /  
das er der Helfer sey / das wir in denn  
auch lieb gewinnē / vnd in für seine wol-  
that dancken vnd gerne leiden vnd dul-

den / was er vns leste vber den kopff ge-  
hen. Sonderlich / weil wir wissen / vnd  
des gewis sind / das er es nicht darumb  
thue / das er vns verderben vnd zunichte  
machen wolle / sondern das er vns nur  
also versuchet / ob wir im glauben / vnd  
vnsrer vertrauen vnd zuflucht fest auff  
in setzen / oder auff etwas anders.

Denn das ist fleischs vnd bluts art  
vnd natur / das es allwege ehe an andern  
örten hülffe vnd trost suchet / denn bey  
Gott / da man es allein suchen sol / Vnd  
zu legt / wenn man sich sonst nirgend be-  
helffen kan / zu vnserm HERRN Gott  
kömet / Seret es anders so wol / das man  
nicht gar an im verzweiuelt / vnd zum  
Teuffel leufft / Denn es vielen so gehet /  
wenn nichts mehr helffen wil / das sie  
sich dem Teuffel ergeben / Das kömet  
aber daher / das sie Gott nicht kennen /  
vnd meinen / er habe jr vergessen / wenn  
er inen ein klein vnglück vber den hals  
schicket.

Wider diese gedanken malet vns  
dis Euangelium ein bilde für / wie sich  
der HERR Christus gegen die arme  
Witwe gestellet hab / in der höchsten  
not / in jres Sons Tod. Denn auff Er-  
den kan nichts höhers begegnen / weder  
der Tod / da die Welt vnd alles mit ein-  
ander mus auffhören. In dieser höch-  
sten not hilfft er / vnd wecket den Tod-  
ten auff / vns zum Exempel / die wir es  
hören. Denn es nicht geschehen ist allein  
vmb dieser Witwe oder vmb jres Sons  
willen / sondern / wie S. Johannes sagt /  
Dis ist geschehen vnd geschrieben / auff  
das jr glaubet.

Da stecket er dis vnd alle wunder-  
zeichen / die vnser lieber HERR Chris-  
tus gethan hat / vns allen in vnsere her-  
gen / als wolt er sagen / Sihe / hie höre  
stu / wie dieser Widfrawen Son vom to-  
de sey auffgewecket worden. Dis las dir  
in dein hertz gepredigt sein / auff das du  
dichs annemest / vnd also lernest / was  
Gott kan vnd wil thun. Das er kan vnd  
wil dir aus allen nöten helffen / sie sind  
so gros sie jmer wollen / Vnd wenn es da  
hin komet / das die not dir auff den hals  
dringet / vnd dich vnmüglich düncket /  
das dir zu raten oder zu helffen sey / das  
du denn nicht verzagest / sondern dis  
Exempel dein hertz vernewe / das du  
dich das aller beste zum HERRN Chri-  
sto versehen mügest.

Johan. 20

Christe  
werck vns  
zu trost ge-  
schehen vnd  
geschriben.

Summa  
dieses Euan-  
gelij.

Gottes gne-  
digen willen  
lernen erken-  
nen in trüb-  
sal.

Do iij

Denn

## Auslegung des Euangelij

Dieser Wid-  
wen elend  
vnd anseh-  
tung.

Denn es ist warlich mit dieser Fra-  
wen kein scherz gewesen / sie hatte zum er-  
sten iren Man verloren / darnach stirbet  
jr einiger Son auch hernach / den sie lieb  
hatte. Nu war es in diesem Volek fur  
die hoheste plage gerechnet / wenn Va-  
ter vnd Mutter keinen namen oder Kin-  
der hinder sich liessen. Dis hielten sie fur  
ein grosse vngnade Gottes. Darumb  
auch diese Widwe / so nach ires Mans  
tod / alle ire hoffnung vnd trost an dem  
einigen Son hatte / mus hoch bekum-  
mert gewesen sein / da der Son jr auch  
entfellet / vnd sie nichts mehr auff Er-  
den haben sol.

Zoheste  
fluch vnd  
straffe.

Da werden gewislich diese gedan-  
cken zu geschlagen sein / Sibe / du bist  
auch der verfluchten Weiber eins / wel-  
chen Gott so feind ist / das sie von hin-  
nen scheiden müssen / vnd keinen namen  
nicht hinder jnen lassen. Denn so stehet  
in den Psalmen vnd Propheten / das  
Gott den Gottlosen dreyet / er wolle  
wurtzel vnd stam miteinander ausrot-  
ten / eben / als wenn einer einen bawm so  
gnaw ausrottet / das kein blat noch  
zweiglin dauon vberbleibe. Das ist denn  
der hoheste fluch vnd straffe / Wie man  
sibet an vielen Keisern / Konigen vnd  
Fürsten / das es jnen so gegangen hat /  
das sie dahin sind gestorben / das man  
nichts mehr von jne weis. Dis hat denn  
ein solchen schein / als sey es lauter vng-  
nade.

Gros leiden  
der Widfra-  
wen.

Darumb hat diese Fraue ein gros-  
ses leiden gehabt / nicht allein / das sie  
ires Mans / vnd darnach ires Sons / be-  
raubte / vnd der ganze stam fur jren aus-  
gen ausgerottet ist / sondern / das noch  
größer gewesen ist / das sie gedacht hat /  
Nu sehe ich / das mir Gott vngnedig  
ist / vnd das ich verflucht bin / Denn es  
hat mich eben diese straffe getroffen / da  
Gott in den Psalmen vnd Propheten  
den Gottlosen mit drawet / das er sie  
mit stamme vnd wurtzel wolle ausrot-  
ten / das geschiet mir auch.

Darumb war jr das wunderwerck /  
das der HERR Christus hie an jr thut /  
gar vnmöglich / vnd wer es jr gesagt het-  
te / Dein Son wird jte fur deinen augen  
wider leben / würde sie on zweifel gesagt  
haben / Ah / spotte mein doch nicht in  
meinem grossen leiden / Gönne mir doch  
so viel / das ich mein grosses elende be-  
weinen müge / vnd verhöne mich doch

nicht dazu. Also würde sie gewislich ges-  
antwortet haben / Denn es ist ein hoch  
bekümmerts Weib gewesen / beide / des  
schadens vnd gewissens halben.

Dis aber alles ist vns furgebildet /  
das wir lernen sollen / das fur Gott  
nichts vnmöglich ist / es heisse schaden /  
vngemach / zorn / so hoch es jmer wolle /  
vnd dencken / das Gott die straffe zu  
weilen gleich leste gehen / beide / vber die  
fromen vnd bösen. Ja / das er wol die bö-  
sen im rosen garten sitzen / vnd jnen alles  
schleunig abgehen leste / vnd sich gegen  
die fromen stellet / als zürne er mit jnen  
vnd wolle jr nicht. Wie es denn mit dem  
heiligen Hiob gieng / dem alle Kinder  
auff einen tag so jemerlich vmb kamen /  
sein Vieh vnd Acker geraubet vnd ver-  
derbet / vnd sein leib auff das legt auff  
das jemerlichst geplaget war. Es war  
ein vnschuldiger fromer Man / dennoch  
musste er die straffe leiden / die kein Gott-  
loser gelidten hatte / Das zu legt auch  
seine freunde zu jm sagten / Du mußt on  
zweifel eine grosse / heimliche sünde auff  
dir haben / das es dir so gehet. Die ze-  
plagten in noch dazu / da sie in trösten  
soltten. Aber er antwortet vnd saget /  
Ich habe nichts gethan / vnd bin dar-  
umb kein Gottloser nicht / die Gott offte  
im sauffe leste leben / vnd vngestrafft hin  
gehen.

Also wird es auch dieser Widfra-  
wen ein schwere questio oder frage ge-  
wesen sein / das vnser HERR Gott die  
straffe zu gleich leste gehen vber die fro-  
men vnd bösen / Aber den fromen geschiet  
es nicht zum zorne oder vngnade / son-  
dern den Gottlosen geschiet zum rech-  
ten zorn / das sie müssen ausgerottet  
sein / Denn Gott spielet nicht mit jnen /  
es ist jm ein rechter ernst. Mit den Gottes-  
fürchtigen aber / die es nicht verdienet  
haben / da spielet er mit / vnd versuchet  
sie also / ob sie feste halten wollen / Thun  
sie es / vnd gedennen / Mein Gott / du trost vnd  
versuchest mich wol / aber du verlestest  
mich nicht / so komet er wider / vnd gibet  
den Segen ja so reichlich / wie er in dem  
Hiob gab / das er zweymal mehr gewan-  
vnd Kinder vberkam / denn er verloren  
hatte.

Also thut er hie auch. Alle freude  
stand dieser Widwen auff dem Sone /  
da er noch lebte. Gott versuchet sie / vnd  
nimet jr den Son / da ligt sie / weinet  
vnd

Gott leste  
die straffe  
gehen / so  
wol vber die  
fromen als  
bösen / doch  
mit vnters-  
chied.

Rechter  
trost vnd  
freude so  
nach der  
trübsal der  
Glaubigen  
folget.

vnd schreiet / Da kömet er wider / vnd gibt jr die freude zehenfeltig grösser / Denn sie zunor gehabt hatte / Denn sie frewet sich jzt auff eine stunde mehr / denn sie sich vor in irem ganzen leben des Sons gefrewet hatte. So reichlich gibt vnser **HER** Gott wider / wenn man jm nur aushelt / vnd an jm nicht verzweuelt.

Darumb lerne hie / wer lernen kan / wenn wir from sind / vnd die anfechtung kömet / das vns vnser **HER** Gott herüber zeucht / das wir denn nur bey den gedanken bleiben / er meine es gut mit vns / vnd vns nicht daran ergern / das er den bösen bubē / Bapst / Bischouen vnd allen andern / iren willen leisset / die meinen / sie haben es vmb vnsern **HER** Gott verdient / Vnd wenn man sie straffet vmb ire Sünde / verteidigen sie es für recht. Aber lieben freunde / lasse vns frey bekennen / vnd sagen / **HER** / du thust recht / ob du vns gleich straffest / Denn für dir **HER** haben wir kein recht / Wir hoffen aber / du werdest gnediglich straffen / vnd zu seiner zeit auffhören. Thun wir das / so hat es nicht not / sondern sollen vns des gewislich versehen / es scheine die hülfße so vnmöglich sie jmer wolle.

Fleisch vnd Blut sagt wol / wenn wir in der anfechtung stecken / es sey verlor / Denn / wenn vnser **HER** Gott angreiffet / machet er es so / das man nicht weis / wo hinaus / Vnd wie man es nur anschlehet / oder bedencket / so kan man keinen weg finden / sondern sind vmbbringen (wie Hiob saget im dritten Capitel / Sicut uir quem circundedit Dominus tenebris) als wenn einer im finstern ist / vnd nicht weis / wo aus / Wenn es nicht dahin kömet / so ist es keine rechte anfechtung / Wer im hunger noch einen vorrat von gelt oder korn weis / der ist noch nicht im rechten finsternis / Aber wenn man gar ratlos vnd krafftlos wird / das heisse denn recht gestraffet. Wie dieser Frawen der weg so gar auff allen seiten verzeuuet ist / das sie nicht anders kan schliessen / denn / Ich bin verflucht / Gott ist wider mich. Also ist sie mitten im finstern / da kein weg noch steig ist / vnd weis nirgend aus.

Das ist vns alles zum Exempel für gestellet / das wir lernen / fest bleiben im Glauben / vnd Gott nicht anders ein-

bilten / denn einen barmhertigen **HER** / der vns wol leste versuchen / vnd stellet sich / als zörne er mit vns / vnd lache mit der Welt / Aber man hütete sich nur für demselben lachen / vnd erschrecke nicht für dem zorn / damit er die seinen ansicht. Es scheint wol / als halte ers zu weilen mit den bösen / vnd verfolge die fromen on alle gnade / Aber es schadet nicht / vnd ist nur vmb einen blick zu thun / Das ist aber ein blinder vnd geistlicher blick / den man mus sehen mit blinden augen / das ist / mit dem Glauben / der nichts sibet / Fides enim est inuisibilium. Der Glaube redet von den sachen / die man nicht sibet / vnd von vnersaren dingen.

Die Philosophi haben eine kunst / die gehet mit sichtbarlichen dinge vmb / die man erferet vnd begreifen kan / Aber ein Christ redet von vnsichtbarn vnd nichtigen dingen / die man nicht sibet / vnd nicht gedencet / das sie sein mügen. Das man schlechtes dencken mus / es sey vnmöglich / Wie Sara mit frem Son / Da war nichts / denn das blossē Wort / jr Leib tuchte nichts dazu / des alters vnd der natur halben / das sie vnfruchtbar war / Das der Son Isaac war gar vnsichtbar vnd nichts. Gleich wie diese Widwe ober frem Son / sibet nicht das er lebet / sondern sibet allein das er tod ist / Christus aber sibet / das er lebet / vnd macht aus dem todten Son einen lebendigen / vnd aus dem vnsichtbaren einen sichtbarlichen.

Es geschiet aber alles darumb / wie ich offte gesagt habe / das wir lernen vnsern **HER** Gott vertrauen / vnd jm glauben in allen nöten / vnd nicht erschrecken / wenn es vns vbel gehet / auch sich nicht daran ergern / ob es den Gott lösen wol gehet. Denn vnser **HER** Gott ist ein versucher / der die seinen versuchet / vnd leste es jnen vbel gehen / Das man es gewis fasse / vnd lerne / das er sey ein gnediger Gott / Aber er verbirget es zu weilen so tieff / das man es nicht kan sehen. Darnach / wenn man jm sein aushelt ist es jm nur vmb ein einigs wörtlin zu thun / so ist da schon wider geholffen / Wie er hie im Euangelio nur ein wort dazu brauchet / vnd den todten Son wider auffwecket.

Damit wil er vns ja anzeigen / das das

Rechte anfechtung vñ not.

Trost des glaubens in anfechtung.

Warumb Gott seine Kinder versuchet.

## Auslegung des Euangelij

dasjenige/das uns unmöglich ist/ im so leicht abgeheth/ vnd kostet in nur ein einziges wort/ Stehe auff/ Es ist leichtlich geredt/ aber gleichwol macht es den todten lebendig/ Das wir ja lernen sollen/ das er wolle vnd könne vns helfen aus aller not. Wer nu ein Christen wil sein/ der sey starck im glauben / vnd preise Gott vnd sein Wort / vnd sage / Den Gott wil ich haben/ in preisen/ danken vnd dienen/ vnd gerne thun vnd leiden/ was er wil/ der so gar willig vnd leichtlich helfen kan.

Also sollen dis vnd andere wunderzeichen des HERRN Christi vns zum trost vnd besserung sein/ vnd vns reizen/ im zu glauben vnd zu dienen / das man sonst keinem Gott kan thun / Denn es erzeiget sich keiner so/ wie sich vnser lieber HERR Christus erzeiget hat. Darumb preisen vnd loben wir in alle tage/ vnd bringen auch alle tage andere zu im/ das sie es auch thun/ Gott helffe/ je lenger je mehr. Das ist eine lere dieses Euangelij/ so vns in der Widwen Exempel furgehalten wird.

Rechte  
werck Christi.

**W**eiter ist in dieser historia furgebildet das rechte werck Christi/ darumb er komen ist/ vnd regieret/ nemlich/ das er den Tod wegnehme/ vnd dafur das Leben gebe. Wie hie von der Prophet Jesais 25. geweißsagt hat / Der Tod wird gar verschlungen werden. Vnd S. Paulus 1. Corinth. 15. sagt/ Christus müsse so lang regieren/ bis er den letzten feind/ den Tod/ zerstöre an seinen Christen/ vnd also eitel ewig Leben inen gebe / Darnach sol er das Reich dem Vater vberantworten etc. Das ist das werck/ das er wil ausrichten in seiner Christenheit/ vnd jetz im Glauben anseheth / vor dem leiblichen tode/ Aber darnach/ wenn er die seinen alle zusammen bracht in einigen Glauben/ wird ers auff eine stunde an inen vollenden am Jüngsten tage.

Deselben zeichen vnd furbilde / ja zeugnis/ sind diese vnd die andern Historien/ da er etliche vom tode wider zu diesem leiblichen leben erweckt hat / Aber damit nur ein vortpiel sehen lassen des wercks / das er endlich an der ganzen Christenheit thun wil. Vnd sind alhie beiderley bilde/ des Todes vnd Lebens/ fein gegenander gesetzt/ vnd gezeigt/ wo

sie beide herkommen/ vnd wie sie aneinander stoßen / Vnd wie Christus seine macht vnd krafft an dem Tode beweiset.

Denn zum ersten / wenn du hörest aus der Schrift vom tod der Menschen sagen/ mustu nicht allein denken an das grab vnd sark/ vnd die scheusliche gestalt/ wie das leben vom leibe scheidet/ vnd der leib verzeret vnd zu nicht wird/ Sondern du must auch die vrsach deselben ansehen/ dadurch der Mensch in den tod kömet/ vnd on welche der tod nicht sein kan/ vnd was er mit sich bringet. Diese vrsach zeiget vñ leret die Schrift/ das es sey/ die Sünde vnd Gottes zorn/ Diese bringet den tod mit sich / vnd er stecket allzeit drinnen / vnd sibet auch heraus/ wircket vnd zeucht nach sich allen jamer vnd vnglück/ leiblich auff erden/ dazu den Menschen von Gott vnd allen seinen gnaden vnd freuden ewiglich verköstet.

Also auch widerumb/ wo vom Leben gesagt wird/ da mustu auch mit fassen die vrsach/ so das leben bringet vnd gibt/ das mus sein gerechtigkeit/ dadurch der Mensch Gott gefellig ist / vnd widerumb/ an Gott gefallen / lust vnd freude hat/ vnd damit alles gut / so er begert/ ewiglich bey Gott vberkömet.

Das wirstu beides sehen in diesem bilde/ zweierley personen vnd process/ Des Todten/ mit denen / die denselben aus der Stad tragen/ vnd mit im gehen/ Vnd Christi/ der da im entgegen kömet. Es wissen alle Menschen wol / das sie sterben müssen/ vnd wir alle auff derselben strassen gehen/ vnd den Tod / beide/ vor vns/ neben vns/ vñ hinter vns sehn. Vnd haben auch die Weisen vnter den Heiden vber solch jamer des menschlichen geschlechts geklagt/ Aber die vrsach/ vnd wo der Tod herköme/ das haben sie nicht können ersehen/ Der meiste hauffe dencket/ es geschehe on gefehr also / das wir sterben/ wie das Vieh / vnd sey der Mensch also geschaffen / das er sterben müsse.

Die andern/ als sie gesehen/ das so viel vnfal / jamer vnd elend vber das menschliche geschlecht gehet/ das so viel Leute vor der zeit sterben / viel auch jämmerlich vmbkömen/ welches nicht alles zufellig sein kan/ Haben sie wol darnach geforschet/ vnd sich darob verwundert/ wie

Vrsach des Todes.

Vrsach des Lebens.

Gedanken der Weisen vnter den Heiden vom Tode.

wie es doch zugienge / das dem Menschen solches widerfare / so allein vnter allen lebendigen thieren das edlest ist / vnd ja solt besser haben / vnd sich selbs fur schaden hüten. Haben aber nicht die vrsach solches vbel können treffen / on das sie gesehen / wie mancher Mensch durch sein eigen bosheit oder mutwillen den tod vñ ander vnglück vber sich selbs füret. Aber das ist an jm selbs gros wunder / woher es kome / das ein Mensch so böse kan sein / vnd sich selbs mutwillig in not vnd jamer werffen vnd stürzen.

**Woher der Tod kome.** **H**ie leret vns die Schrifft / das der Tod herkomet / erstlich aus dem Paradis / von dem Biss der verbotenen frucht / das ist / von dem vngehorsam vnser ersten Eltern / vnd also fort / Gehet vber alle Menschen / vmb irer sünden willen. Denn / wo nicht Sünde were / so were auch kein Tod da. Das sind aber nicht allein die groben wirklichen sünden / Ehebruch / Mord etc. Sintemal auch die sterben / die solche nicht thun / noch thun können / als die Kinder in der wiesgen / ja auch die grossen heiligen Propheten / Johannes der Teuffer / alle müssen sie sterben.

**Erbünde des Todes vrsache.**

Darumb mus hie etwas grössers vnd anders Sünde sein / darumb das ganze menschliche geschlecht den Tod verwircket / dem Mord vnd der gleichen öffentliche vntugend / welche der Hencker mit dem tod straffet / Das ist die / so wir von Adam vnd Heua geerbet / vnd von Vater vnd Mutter her komet / vnd in der Natur steckt / allen Menschen angeborn / Welche also ist vnd bleibt / wie Adam vnd Heua gewesen / da sie gesündigt hatten / von Gott abgekeret / vol böser lust vnd vngehorsams / wider Gott vnd seinen willen / Vnd sind also alle vnter Gottes zorn zum tode verurteilt / das wir müssen ewiglich von Gotte gescheiden sein.

**Psalm 90 Gottes zorn vber vnser sünde.**

Damit Gott allen Menschen zeigt / seinen ernstlichen / schrecklichen zorn / den wir durch sünde vber vns füren / das wir alle müssen in tod geworffen werden / dazu wir doch nicht anders komen / denn das wir von fleisch vnd Blut geboren werden / vnd also auch Sünder vnd des Todes schuldig worden sind.

**A**so leret vns der 90. Psalm Mose / Dein zorn machets / das wir so ver-

gehen / vnd dein grim / das wir so plötzlich dahin müssen etc. Gottes zorn ist es (spricht er) Darumb ist es nicht ein zufellig ding / oder das der Mensch also von Gott geschaffen were / Sondern es ist vnser schuld / das wir sünde haben / Denn weil zorn da ist / so mus auch schuld da sein / die solchen zorn verdienen / Dieser zorn ist nicht ein schlecht gering ding / sondern solcher ernst / den kein Mensch ertragen kan / vnd müssen dar vnter zu boden gehen / Vnd doch die Welt so blind ist / das sie solchen zorn Gottes nicht sibet noch achtet / ja auch die Heiligen nicht gnug verstehen / Wie er daselbs weiter spricht / Wer gienbet / das du so seer zürnest / vnd wer fürcht sich fur solchem deinem grim?

Viel weniger kan die Welt erkennen / wie man möge solches jamers los vñ ledig werden / noch mit irer weisheit vnd krasse dahin bringen / Wie sie sich doch aus irer blindheit vnterstehet (wenn sie von Gottes zorn höret) mit iren werken vnd leben Gott zu versöhnen / vnd das Leben zu verdienen / Denn weil alle Menschen von irer geburt bereit in sündigen / vnter Gottes zorn vnd in den tod geworffen / wie solten wir vns denn selbs durch vnser werck aus dem Tod können wircken vnd reissen? Ja / es ist hie aller Menschen trost vnd hoffnung aus / wenn es dazu komet / dem Tod zu wehren / oder sich fur jm auff zu halten / Wie S. Paulus 1. Thess. 4. sagt / Das ir nicht trawrig seid / wie die Heiden / die keine hoffnung haben.

Denn diese wissen auch nicht dauon / das es möglich sey / das einig Mensch wider aus dem Tode kome / Dencken also / wer da tod ist / der bleibt ewig tod / vnd wird gar zu nicht. Die andern / als Jüden / Türcken / Papisten / ob sie wol hören / das eine auferstehung sein werde / so wissen sie doch auch nicht / wie sie zu der auferstehung der Gerechten vnd seligen komen mögen / Meinens durch sich selbs vnd ir eigen leben zu verdienen / Wie wir Mönche bisher geglenbet vnd geleret haben / wenn wir vnser Ordnen strenge hielten / viel beteten / Messe lesen etc. so würde Gott solch heilig leben ansehen / vnd damit nicht allein vns / sondern auch andern aus dem Tode geholffen werden.

Aber dieses ist doch auch nichts mehr

*Faint marginal notes in the top right corner.*

**Kein mensch vermag aus Sünd vnd Tod zu kommen.**

**Vergebl. cher trost auff eigen menschlich verdienst.**



Allet trost  
auff mensch  
lich leben  
vergeblich.

mehr denn ein vergeblicher menschlich  
er trost vnd hoffnung/ on Gottes wort/  
Denn ja solche krafft vnd macht nicht  
kan bey vns sein / vns selbs zu helfen/  
weil wir vmb der Sünden willen ein  
mal in den Tod gefallen / das wir vns  
auch fur dem leiblichem tod könne auff  
halten/ so werden wir viel weniger aus  
dem ewigen tod vns können retten oder  
wirken.

Das haben wir auch selbs müssen  
erfaren vnd zeugen/ mit vnser mōnches  
rey vnd werckheiligkeit / Denn wenn  
wir lang damit vmbgangen / vnd vns  
der getrōstet/ so ist es doch zu letzt ver  
geblich gewest/ Wenn es ist zu der not  
kōmen des Gewissens/ da es hat sollen  
kempffen / vnd stehen fur Gottes ge  
richt / da ist aller solcher trost dem her  
zen entfallen/ vnd nichts blieben/ denn  
eitel engstlich zweiueln/ ja zappeln vnd  
zagen/ solcher gedanken / Ah/ ich hab  
nicht heilig gnug gelebt/ Wo sol ich fur  
Gottes gericht bleiben? etc. Denn es  
mus doch endlich dazu kōmen / das der  
Mensch füle vnd innen werde/ das alle  
heiligen haben müssen erfaren/ vnd bes  
kennen / das niemand fur Gottes ge  
richt auff sein leben/ wie gut es jmer sein  
mag/ bestehen könne.

**J**euon sagt der Prophet Jesais 49.  
Kan man auch einem Riesen den  
Raub nemen/ oder dem Gerechten seine  
gefangene los machen? Den Riesen hei  
ßet er des Todes gewalt/ der alle Mens  
chen dahin raubet vnd wūrget/ vnd ist  
im niemand starck gnug zu widerstehen  
vnd solchen raub zu nemen/ Der Gerech  
te aber/ ist das Gesetz mit seinem vrteil/  
(welches ist Gottes vrteil) Das helt al  
le Menschen gefangen mit allem recht/  
das hievon niemand sich oder andere los  
dig noch frey machen kan/ sondern müs  
sen alle/ so viel an jnen ist/ ewig darun  
ter gefangen bleiben / Denn sie haben  
solch gefengnis selbs verwircket/ durch  
die Sünde vnd vngheorsam / vnd sind  
in seinen gerechten ewigen zorn gefal  
len.

Darumb ist hie wider keine hülffe/  
bey keiner Creatur/ On/ das Gott hie  
selbs hat müssen solches vnser jamers  
sich erbarmen/ vnd einen rat dazu geden  
cken/ wie er auch daselbs in dem Prophe  
ten spricht/ Tu sollen die gefangen dem

Gefengnis  
aller men  
schen vnter  
dem Gesetz  
vnd Tod.

Jesais 49

Riesen genomen werden/ vnd den raub  
des Starcken los werden/ Das hat müs  
sen thun Christus/ Gottes Son selbs/  
vnd darumb Mensch werden / das ist/  
vnsern Tod/ vnd damit auch deselben  
ursach (die Sünde vnd Gottes zorn)  
auff sich nemen/ auff das er vns davon  
helffe/ vnd daraus zum Leben vnd Ges  
rechtigkeit brechte. Denn wie durch ei  
nen Menschen / beide / die Sünde vnd  
Tod auff vns kōmen ist / Also hat auch  
widerumb durch einen Menschen ober  
windung des Tods/ Gerechtigkeit vnd  
Leben vns müssen gegeben werden/  
spricht S. Paulus / Rom. 5.

**D**arumb ist nu dieses werck des Le  
bens auch also gethan / das wir on  
vnser thun vnd werck dazu kōmē/ gleich  
wie wir on vnser thun vnd werck zu sin  
de vnd tod kōmen sind/ Vnd gleich/ wie  
wir den tod nicht verdienet / noch an  
vns bracht/ denn allein damit / das wir  
von Adam geboren/ vnd durch die frem  
de sünde vnser fleisch vnd blut also ver  
giffet/ das wir auch sterben müssen/ Al  
so können wir nu viel weniger erlösung  
von Sünde vnd Tod (das ist / Gerech  
tigkeit vnd Leben) selbs verdienen oder  
wirken/ Sondern auch hiezu durch  
frembde Gerechtigkeit vnd Leben ge  
bracht werden. Darumb/ wie die Sün  
de vns von Adam angeborn/ vnd nu vn  
ser eigen worden ist / Also mus Christi  
Gerechtigkeit vnd Leben auch vnser ei  
gen werden/ also/ das dieselbe krafft der  
Gerechtigkeit vnd Lebens in vns wir  
cke/ gleich als were sie vns auch von im  
angeborn.

Durch Chri  
stum ist sin  
de vnd tod  
weggenomē

Christi ge  
rechtigkeit  
vns gegeben

Dennes ist in im nicht allein sein  
Personliche/ sondern ein wirkliche vnd  
krefteige gerechtigkeit vnd leben/ ja ein  
brun/ der da quillet vnd ausflusset / in  
alle/ die da sein teilhaffteig sind / Gleich  
wie von Adam Sünde vnd Tod / in die  
ganze menschliche natur gequollen ist.  
Vnd heisst nu also / das die Menschen  
von Sünde vnd Tod gerecht vnd lebens  
dig werden/ nicht aus jnen noch durch  
sich selbs/ sondern durch frembde gerech  
tigkeit vnd lebē dieses **HERREN** Chri  
sti/ nemlich/ so er sie anrūret mit seiner  
hand/ vnd sein werck vnd krafft (Sün  
de vnd Tod zu tilgen) mittheilet durchs  
Wort/ vnd sie demselben glauben etc.

Frembde ge  
rechtigkeit  
vnd leben  
Christi vns  
geschendet.

Daher heißen wir Christen / das  
ist/ gerechte/ lebendige vnd selige Leute/  
das

Christus ein  
sünden til-  
ger vnd  
tods freßer.

das wir diesen **HEILIGEN** haben / vnd sein teilhafftig sind worden / durch den Glauben seines Worts vnd Sacrament / der da ist der rechte Sünden würger / vnd des Tods freßer (ich sage / vnser sünden vnd vnser todes / welche vns gewürget vnd gefressen hatten) durch sein eigen Krafft vnd gewalt / Welches er beides an seinem leibe gethan / dar an er vnser sünde vnd tod auff sich genommen.

Aber weil er nicht allein on sünde vnd schuld des todes war / sondern in jm selbst voller ewiger gerechtigkeit vnd lebens / vnd Sünde vnd Tod kein recht an jm hatten / sind sie in jm verdampft vnd getilget worden / vnd eitel gerechtigkeit vnd leben für vnser sünd vnd tod vns geschencket. Denn er nach seiner vberwindung vnd auferstehung ein solch Reich in der Christenheit angerichtet / das er jzt jmerdar an seine Christen die Sünde tilget / durch vergebung vnd Krafft seines Geistes / bis in den tod vnd grab / Vnd in jnen anfehlet das leben / durch den Glauben / bis das er sie alle zusammen bringe / auff einen tag / da er jnen an leib vnd seel / beide / vollkommene gerechtigkeit vnd leben geben wil.

Das alles siehestu in dieser geschicht fein vnd lieblich abgemaliet. Das dieser Jüngling stirbet / nicht darumb / das er ein Mörder / Ehebrecher / oder öffentlicher Sünder gewesen / der da müste vmb seine missthat gestraffet werden / Sondern ehe er solcher sünde schuldig wird / welche die / so nu erwachsen vnd alt werden / begehen / reisset in der Tod dahin / allein vmb der sünde willen / darin er geboren ist / Das diese Mutter wol mag jr eigen schuld beklagen / das sie jren Son verleuret / als der da Sünd vnd Tod von jr geerbet hat.

Der aber nu tod ist / Wo ist hier rat / oder trost vnd hülffe? Nicht durch der Mutter trawren vnd weinen / welches doch seer gros gewesen / Das wo Menschen werck vnd thun hierin sölten vnd künden etwas schaffen oder verdienen / so sölten es dieser Widwe threnen viel mehr gethan haben / Denn sie sind jr gar engsülich von hertzen gangen / als einer betrübten elenden Mutter / der auch für liebe zu jrem Son das hertz gebrochen / vnd also gesinnet ges

west / das sie gerne alles darumb gethan vnd gelidten hette / auch jren eigen tod / das sie jren Son hette mögen retten. Vnd jzt / nu er tod ist / so ist wol da ein heimlich wünschen vnd seuffzen / Ah / wenn Gott wolt / das mein Son noch lebete / oder möchte wider lebendig werden.

Das stecket in jrem hertzen so tieff / das sie es selbst nicht siehet / ja sie darff es auch nicht in sinn nemen / solches zu bitten / Vnd ist dennoch das hertz des selbst voll / Wenn sie gefraget würde vnd bekennen solte / was sie zum höchsten wünschen oder von Gott bitten wolte / so künde sie nichts anders sagen / Ah / was solt ich auff Erden anders begeren oder bitten / denn das mein Son leben möchte? Vnd ist gar viel ein hertlicher / brünstiger gebet / denn jemand ausreden kan / Denn es gehet aus eitel vnaussprechlichem seuffzen.

Aber doch ist es / beide / bey jr vnd allen Menschen nichts vnd verloren / vnd sie mus es selbst niederschlagen / vnd daran verzweiueln / Denn sie hat zu vor auch von hertzen geseuffzet / gereinet / vnd gebetet / ehe jr Son gestorben / das sie in möchte lebendig behalten / Aber nu das selbige nichts geholffen / vnd der Son nu tod ist / kan sie viel weniger einige hoffnung oder trost seines lebens schepffen / Siehet wol / das er mit threnen vnd seuffzen nicht wider zu bringen ist / Sonst würdens andere Mütter auch wol gethan haben / oder noch thun.

Summa / es ist da der Unglaube / der wider jr gebet sichtet / vnd das selbst zu nicht macht / Vnd also / on alle jr vnd aller Menschen gedanken / hoffentet vnd werck / jren Son wider krieget / Allein daher / das der **HEILIG** dazu kommet / vnd in jamert der armen Widwen (wie der Tert spricht) vnd tröstet sie / nicht allein mit dem freundlichem wort / sondern auch durch krafft vnd werck / das er jr jren Son lebendig wider gibt / Das sie mus sagen / es sey nicht jr / noch einiges Menschen verdienst / sondern sein lauter gnade vnd geschenck / Vnd das er sey ein solcher **HEILIG** / der da vberschwenglich thun vnd geben kan (wie die heutige Epistel gesaget hat)

Der Wid-  
wen verlo-  
ren seuffzen  
vnd verzwe-  
ueln an jres  
Sons leben.

Der todte  
Jüngling /  
an der Mut-  
ter dienst vnd  
hoffnung  
wider leben  
dig.

## Auslegung des Euangelij

hat vber alles/das wir bitten oder ver-  
stehen etc.

Denn das ist seine weise / das er  
allenthalben sich gegen seinen Heiligen  
wunderbarlich erzeiget (wie der 4. Psal.  
sage) vnd in nöten die Christen erhöret/  
rettet vnd aushilfft / nicht nach iren ge-  
dancken / hoffen vnd Glauben / sondern  
nach seiner Götlichen / allmechtigen  
Krafft / wenn es an aller Menschen rat  
verloren vnd verzweuelt ist.

Furbilde  
des wercks  
Christi an  
dem Tode.  
Zweiterley  
Processio /  
des Todes  
vnd Lebens

**S**iehe / wie der HERR sein  
werck zeiget gegen dem Tod / da  
er im vnter augen kommet / vnd  
damit furbildet / vns zu trost / was er  
auch an seinen Christen thun wil / wo  
sie vom Tod angegriffen werden / wie  
dieser Jüngling. Denn hie siehestu zwei-  
erley Processio oder zweien hauffen anei-  
nander stossen / Einen der armen Wid-  
we mit dem todten Jüngling / vnd des  
Volcks / so im nachfolget zum grabe /  
Den andern Christi / vnd die mit im in  
die stad gehen. Das erste bilde zeiget /  
was wir sind / vnd was wir zu Christo  
bringen / Denn das ist der ganzen Welt  
bilde vnd gang auff Erden / Da ist ein  
hauffe / die alle nach dem tod gehen /  
vnd folgen müssen zur stad hinaus / vnd  
Christus / da er kommet / hie nichts an-  
ders findet / denn eitel solch wesen / das  
mit dem Tod umbgehet.

Der Welt  
tegllicher  
gang zum  
tode.

Das ist der ganzen Welt wesen  
auff Erden / wenn mans recht ansiehet /  
Da ist nichts denn eitel Tods bilde vnd  
geschafft / ein stercker vnd teglicher gang  
zum tode / bis an den Jüngsten tag / Da  
jmer einer nach dem andern dahin stir-  
bet / vnd die lebenden nur mit diesem  
jamerigen wesen zu schaffen haben / wie  
einer den andern zum grabe bringe / vnd  
die andern auch teglich hinach folgen /  
Wie sie mit solchem gang zum grabe  
bezeugen / vnd darumb den todten sol-  
chen dienst beweisen / das jnen heut oder  
morgen / die andern auch also zu grabe  
folgen / Daher Christus von dem welt-  
lichen wesen vnd Regiment sagt / des-  
nen / so er zu seinem Reich fordert /  
Lass die todten ire todten begraben /  
Matth. 8.

Von vns  
vnd bey vns  
Menschen  
ist nichts  
denn tod.

Also siehestu auff dieser seiten vnd  
bey diesem hauffen der ganzen Welt /  
vnd menschlichen geschlechts nicht an-  
ders / denn Tod. Diesen bringen wir mit

vns / tragen vnd schleppen vns damit /  
von Mitter leit an / Vnd alle zu gleich  
miteinander die selbe straffe gehen / on  
das jmer einer dem andern vor gehet /  
oder vorgetragen wird / vnd die andern  
im folgen müssen / so lang bis es an den  
letzten kömet / Vnd ist dawider kein  
rettung noch hülfte / bey keinen Crea-  
turn / der Tod herrschet vber sie alle /  
(spricht S. Paulus Rom. 5.) vnd reis-  
set sie alle dahin / on allen widerstand.  
Ja / mit solchen spectacel vnd bilde / wo  
er einen danider wirfft / troget er dazu  
allen andern / die da leben / vnd den tod-  
ten zu grab bringen / Vnd jnen damit  
zeigt / das er sie schon in seinen banden  
vnd gewalt hat wenn er wil / auch also  
anzugreifen.

**A**ber hie gegen siehestu auch ein tröst-  
lich gegenbilde des Lebens / vnd ein des Lebens  
herrliche / fröliche Processio dieses HERRN  
Christi / Der da nicht mit dem  
todten aus der stad gehet / sondern dem  
Tod entgegen kömet / zur stad hinein  
zu gehen / Doch nicht also wie andere /  
die vom grabe wider heim gehen / so  
lang bis sie oder andere wider hinaus  
getragen werden.

Denn er kömet nicht mit solchen  
tods gedanken / als müsse er sich für  
im fürchten / vnd auch vnter seiner ge-  
walt sey / Sondern tritt im vnter augen /  
vnd stellet sich wider in / als der vber in  
macht vnd gewalt habe. Tröstet erst-  
lich diese arme Widwe / welche nichts  
denn tod in irem hertzen hat / vnd sagt /  
sie sol nicht mehr trawren vnd weinen /  
Fürret andere wort vnd geberde / denn  
ander Menschen keiner füren kan / Trit  
hinzu zu dem Sarc / vnd legt die hend  
daran / heisset sie alle still stehen / vnd  
feret flugs zu mit einem wort / vnd  
spricht / Jüngling / dir sage ich / Stehe  
auff etc. Vnd folget solchen worten so  
bald die krafft vnd werck / das der todte  
nicht mehr da ligt / wie zumor / sondern  
richtet sich auff / wie er verhillet vnd  
verbunden war / fehet an zu reden / vnd  
zeigt / das da nicht mehr tod / sondern  
leben sey.

Das ist ein wunderbare plöglliche  
verenderung des tods zum leben / in die-  
sem Jüngling / Da alle fäncklin des le-  
bens lengest verlosschen / vnd mit todt-  
bassig nichts mehr vom leben ist / da  
mus

plöglliche  
enderung  
des Todes  
vnd trau-  
rens zum le-  
ben vnd  
freuden

mus ist sein othem / blut / süßen / regen /  
 kinne / sprache / vnd alles was zum leben  
 gehöret / in einem augenblick gänglich  
 wider gegeben. Vnd Christus den traw-  
 rigen gang oder Processio vnd tragen  
 des todten aus dem stadtthor wendet /  
 mit einem wort / zu einer schönen / lieb-  
 lichen vnd fröhlichen Procession des les-  
 bens / In welcher / beide / dieser Jüng-  
 ling / der ist von viere oder mehr getra-  
 gen ward / vnter die erden verscharrt zu  
 werden / sampt seiner betrübten Mut-  
 ter / dem Herrn Christo fröhlich folgen /  
 mit dem gangen hauffen wider in die  
 stad zu den iren / vnd beide / tod / sard  
 vnd grab nu vergessen / vnd von eitel les-  
 ben rhümen vnd frolocken.

Allein Chri-  
 sti werck  
 vnd rhum /  
 von sünd  
 vnd tod  
 zum leben zu  
 bringen.

Wer solcher rhum vnd ehre dieses  
 wercks gebüret niemand / on allein die-  
 sem Herrn Christo / welches krafft vnd  
 werck allein ist / den Tod hinweg zu nes-  
 men / vnd Leben daraus zu schaffen / wie  
 er es auch allein beweiset. Vnd also dies-  
 ser rhum vnd geschrey von Christo / da-  
 von dis Euangelium sagt / das es in  
 das ganze Land erschollen sey / vns zu  
 trost vnd freuden furgeschrieben ist / wi-  
 der des Todes schrecken vnd angst / das  
 wir wissen / was wir für einen Heiland  
 an Christo haben.

Der Tod /  
 wo er an  
 Christum  
 stößet / mus  
 er weichen  
 vnd zu nicht  
 werden.

Denn er sich auch auff Erden in  
 seinem dienst / ampt vnd knechtlicher  
 gestalt also erzeiget / das er dennoch der  
 Herr sey / beide / des Todes vnd Le-  
 bens / jenen zu tilgen / vnd dieses ans  
 liecht zu bringen / Das / wo vnd wie offt  
 der Tod an in komen / vnd wider in ge-  
 lauffen (als mit dem Tochterlin des  
 Obersten der Schule / Item / Lazaro /  
 vnd zu legt an seiner eigen Person) so  
 ist er durch in weggenommen vnd getil-  
 get.

Joh. 11. 5.

Welches wil er auch an vnsern / vnd  
 aller Christen Tod beweisen / so er  
 sie alle vnter die erde geworffen / vnd  
 meinet nu gar gefressen zu haben / Wie  
 er durch sein eigen mund vnd Wort  
 solches verheissen vnd zugesagt / Ich bin  
 die Auferstehung vnd das Leben / Wer  
 an mich glaubet / der wird leben / ob er  
 gleich tod ist. Item / Es komet die stund  
 de / das alle / die da in den grebern ligen /  
 werden hören die stimme des Menschen  
 Sons / vnd werden erfür gehen etc. Da  
 wird erst dis werck recht angehen / so er

hiemit vnd in der gleichen Exempel  
 furgelildet / Welches er dahin gesparet /  
 da er es nicht einzelen noch an wenigen /  
 sondern auff ein mal an allen volenden  
 wil / den Tod auff einmal gar zu ver-  
 schlinden (wie Jesaiä sagt) also / das  
 keiner mehr von im erwürget noch an-  
 gegriffen werden sol.

Christus wil  
 den Tod  
 auff ein mal  
 gar ver-  
 schlinden.

Das wird erst ein rechte schöne /  
 herrliche Processio werden / da er wird  
 zusammen bringen auff einen augenblick /  
 alle / die da je gestorben / aus der erden /  
 staub vnd asschen / lufft / wasser / vnd al-  
 len orten mit einem wort ruffen / vnd  
 (wie Paulus sagt / 1. Thess. 3.) mit sich  
 daher führen / als das zeubt / einen vnzes-  
 heligen hauffen aller Glaubtigen / alle  
 aus dem Tod vnd allem jamer in ewiges  
 Leben gesetzt / vnd wie Jesa. 25. sagt /  
 die threnen von irer aller augen abge-  
 wisschet / das sie mit ewigen freuden /  
 preis vnd ehre / diesen Herrn ewig-  
 lich vnd on vnerlas rhümen vnd loben  
 werden.

Herrliche  
 Processio  
 des Lebens.

Solches sollen wir auch lernen  
 glauben / vnd vns trösten in des todes  
 vnd andern nöten / also / das / ob wir wol  
 dahin komet / da wir nichts anders se-  
 hen vnd süßen / denn eitel tod vnd ver-  
 derben (wie diese arme Widwe an irem  
 Son) Ja / wenn wir ist dem Tode im-  
 rachen stecken / wie jr Son im sard li-  
 gend zu grab getragen wird / das wir  
 dennoch dagegen festiglich schliessen /  
 das wir in Christo vberwindung des  
 Todes / vnd Leben haben. Denn der  
 Glaube Christi mus also geschickt sein /  
 oder je hieran lernen vnd sich vben (wie  
 die Epistel zum Ebreern leret) das er  
 könne fassen vnd gewis halten / das  
 nicht zu sehen ist / ja des man nur das  
 widerspiel sibet / wie allhie Christus wil  
 das leben geglaubet vnd gehoffet haben  
 von dieser Widwen / da er spricht / Wei-  
 ne nicht (wiewol solcher Glaube in jr  
 gar schwach vnd klein gewesen / wie er  
 auch in vns ist) da sie vnd alle Wele  
 nach iren sinnen / süßen vnd gedanken  
 am leben ganz verzweunelt haben.

Der Chri-  
 sten Glaube  
 mus das Le-  
 ben mitten  
 im Tod er-  
 greiffen.

Ebre. 11.

Denn er wil vns das leren / auch in  
 vnser erfahrung / das aus vns vnd in  
 vns nichts ist / weder eitel verderben  
 vnd Tod / Aber von im vnd in im ist  
 nichts denn eitel Leben / welches beide /  
 vnser sünd vnd Tod verschlinget. Ja /  
 Ee ij jemehr

## Auslegung des Euangelij

2. Corin. 1.

je mehr Jamers vnd Todes in vns ist/  
je mehr vnd reichlicher wir in jm trost  
vnd Leben sollen empfinden / So wir  
anders auch durch den Glauben fest

an jm halten / dazu er vns / beide/  
durch sein Wort vnd solche Exem-  
pel reiget vnd vermanet/  
AMEN.

# Am XVII. Sonntag nach

Trinitatis / Epistel / Ephe. 4.



**S** ermane nu euch ich gefangener in dem HERRN / das jr wandelt / wie sichs gebürt ewerm Beruff / darinne jr beruffen seid / mit aller demut vnd sanfftmüt / mit gedult / vnd vertraget einer dem andern in der liebe / Vnd seid vleissig zu halten die einigkeit im Geist / durch das band des Friedes. Ein Leib vnd ein Geist / Wie jr auch beruffen seid / auff einerley Hoffnung ewers beruffs. Ein HERR / ein Glaube / ein Tauffe / ein Gott vnd Vater vnser aller / der da ist vber euch alle / vnd durch euch alle / vnd in euch allen.



**D** is ist auch eine schöne Predigt von guten wercken der Christen / die da gleubig sind / vnd der Lere des Euangelij gehorchen / die S. Paulus zuvor den Ephesern gegeben / wie wir in der nehesten Sonntags Epistel gehört haben / das er inen wünschet / in der erkenntnis des selben zu zunemen / vnd wachsen. Denn das mus allzeit der grund sein aller lere vnd lebens / vnd der hohe ewige schatz / fur Gott / eines Christen / nemlich / der Glaube an Christum / welcher allein vergebung der sunden empfehet / vnd Gottes Kinder macht. So wir nu den selben haben / da sollen denn auch seine fruchte getrieben

Der höchste schatz der Christen fur Gott / ist der Glaube.

werden / damit die Christen sich erzeigen vnd sehen lassen / das sie solche Leute sind / die da Gotte zu ehren vnd gehorsam leben / auff das dadurch Gott geehret vnd gepreiset werde / des sie auch selbsts fur Gott vnd den Menschen ehre / vnd ewige belohnung haben.

ER ehret aber solche vermanung auff die erinnerung seiner gefengnis vnd trübsal / die er von wegen des Euangelij / vnd inen zu gut vnd zu ehren / leidet / (wie er zuvor gesage) das sie widerumb vmb des selben willen auch das Euangelium ehren / mit irem leben vnd wandel. Vnd gibe am ersten ein gemeine Regel / von dem ganzen leben der Christen.

Das jr wandelt / wie sichs gebürt ewerm Beruff.

**D** is sol sein das Heubtsäck / vnd das furnemest / darnach ein Christen seinen eufferlichen wandel in der Welt richten sol / das er sich selbsts erinnere vnd betrachte / wozu er von Gott beruffen vnd gesetzt sey / das ist / warumb er ein Christen heisse / Vnd also dem selben nach lebe / vnd solches fur aller Welt scheinen lasse / nemlich / das durch sein leben vnd werck / Gottes vnd des HERRN Christi Namen vnd Wort gepreiset werde / Wie Christus selbsts Matth. 5. die seinen vermanet / Lasset ewer liecht leuchten fur den Leuten / auff das sie ewre gute werck sehen / vnd ewern himlischen Vater preisen etc.

Also wil S. Paulus hiemit auch sagen / Ir habt nu Gottes Wort vnd gnade empfangen / vnd seid so selige Leute worden / die jr in Christo alles habt / was jr bedürffet / Solches erinert euch selbsts / vnd bedencket / das jr beruffen seid / zu viel einem andern vnd höhern /

Der Christen beruff.

Der Christen beruff.

höhern / denn andere Menschen / Vnd lebet auch also / das man sehe / das jr nach einem grössern gut trachtet / ja schon ein viel bessers erlangt habe / denn die Welt thut / Vnd mit ewern leben dem **HERREN** / der euch solchen schatz gegeben / ein ehre vnd rhum seiet / vnd niemand vrsach gebet / ewern schatz zu lesten vnd tadeln / oder sein Wort zu verachten / Sondern mehr damit jeder man locket vnd reizet / das sie durch ewern wandel vnd gute werck bewegt werden / Christo zu glauben / vnd in zu preisen.

**D**enn ein Christen sol wissen / das er nicht im selbs / noch vmb seinen willen / auff Erden lebt / sondern sein leben vnd wesen auff Erden / ist seines **HERREN** Christi eigen / Darumb sol es auch zu des selben ehren vnd rhum gericht sein / vnd im dienen / also / das er mit S. Paulo nicht allein von dem geistlichen leben des Glaubens vnd der Gerechtigkeit der gnaden / sondern auch nach den fruchten der selben in seinem eusserlichen wandel könne sagen / Ich lebe nu nicht mehr / sondern Christus lebet in mir / Also / das es heisse / in Christo gewandelt (wie S. Paulus anders wo sagt) ja Christum selbs angezogen / Rom. 13. als vnser kleid vnd schmuck / das Er in vns leuchte vnd erkand werde.

**W**o aber solches nicht geschieht / da wird dagegen die sünde viel schwerer vnd erger / Denn in einer iglichen sünde / dere / so Christen oder Gottes Volck heissen / wird Gott nicht allein durch den ungehorsam erzürnet / sondern es schlegt auch dazu die verachtung des andern Gebots / welches die sünde viel schwerer machet / nemlich / das Gottes namen dadurch gelestert wird / vnd andere geergert werden / wie S. Paulus Rom. 2. auch sagt / Ewerne halbē wird Gottes Name gelestert vnter den Heiden.

**D**arumb sol billich ein Christen also leben / das er doch Gottes vnd Christi ehre schone / damit nicht sein Name geschendet werde / vnd die schuld tragen müsse / des / das er böses thut / Wie denn der Teufel / sampt der Welt / alles was er kan / zu vnehre vnd lesterung Gottes treibet / damit er nur seinen bittern hasz wider Christum vnd sein

Wort erzeige / vnd der Kirchen schaden thue / durch ergernis / beide / die vnglaubigen von dem Euangelio ab zu schrecken / vnd die schwachen abfellig zu machen.

**D**em zu wehren / sollen die Christen beste vleissiger sich hüten / das sie mit irem leben kein ergernis geben / vnd ihres Gottes vnd **HERREN** Namen vnd ehre lassen inen lieber sein / denn das sie wolten in verlestern lassen / so sie vmb des selben willen auch ir eigen ehre / gut / leit vnd leben lassen sollen / weil sie dara an iren höchsten schatz vnd seligkeit haben / Vnd sollen bedencken / wo sie denselben schön vnd werd halten / das solches ist ir eigen ehre vnd rhum / für Gott vnd den Menschen / Wie Gott verheisset vnd spricht / 1. Reg. 2. Wer mich ehret / den wil ich auch ehren.

**W**id widerumb / wo sie solches nicht thun / das sie damit den höchsten Gottes zorn / vnd ir eigen verachtung vnd schande vber sich führen / wie er das selbst weiter spricht / Welche mich verachten / die sollen wider verschmehet sein / Vnd im andern Gebot dreuet er ernstliche vnd schreckliche straffe / allen / die seines Namens vnndiglich / das ist / nicht zu seinem lob vnd ehren / führen vnd brauchen etc.

**J**e mag wol ein iglicher sein eigen leben forschen / vnd zusehen / wie vleissig er sey in diesem stück / ergernis des Euangelij zu verhüten / vnd sein werck vnd thun nach dem ernstten Gebot Gottes richten / zu ehren vnd preis Göttlichen Namens vnd des Euangelij. Ja / hie wird ein iglicher grosse vnd schwere sünde gnug finden / die er wol beklagen vnd bessern mag / das er nicht Gottes zorn auff sich lade / Sonderlich / weil jzt on das in dieser letzten bösen zeit als lenthalt das Euangelium / mit so grossen vnd vielen ergernissen getrücket wird.

**E**s ist ja der Mensch dazu geschaffen / das er sol Gottes bilde sein / vnd eben dazu Gottes bilde / das Gott durch in sol vnd wil erkand werden / Darumb solt es ja auch an dem ganzen leben vnd wandel des Menschen / als in einem spiegel / scheinen vnd leuchten / Vnd kein höher noch grösser sorge eines Christen sein / denn also zu leben /

Es iij das

Ein Christen sol Christo zu ehren leben.

Gala. 3.

Der Christen sünde reichet zur lesterung Gottes Namens.

Gottes namen vnd ehren schonen.

Das solches ist ir eigen ehre vnd rhum / für Gott vnd den Menschen / Wie Gott verheisset vnd spricht / 1. Reg. 2. Wer mich ehret / den wil ich auch ehren.

Der mensch sol Gottes bilde sein.

Das nicht Gottes Name vermehret werde.

Als ist das erste stück der Vermanung S. Pauli von dem ganzen leben der Christen/ Dar nach nennet er etliche sonderliche gute werck/ der sich auch in gemein alle Christen sollen vleissen/ Demut/ Sanfftmüt Gedult/ Einigkeit des Geistes etc. Von welchen zuvor in den andern Episteln/ sonderlich S. Petri/ einzelen in sonderheit gesagt ist/ Als von der Demut (das von auch heut das Euangelium meldet) am iij. Sonntag nach Trinitatis/ von Gedult vñ Sanfftmüt/ am ij. Sonntag nach Ostern/ vñ am v. nach Trinitatis.

Rechte gute werck der Christen in gemeinen stenden.

Item sind allen Christen in allerley stenden/ gute werck gnug gegeben/ das man nicht andere oder bessere suchen darff/ Denn S. Paulus wil inen nicht sonderere werck auff legen/ auffser oder vber die gemeinen stende/ Wie die falschen heiligen leren vñ thun/ so die Leute heissen von den Leuten in Wüsten lauffen/ eigen Möncherey vñ selbserwelete werck auffwerffen/ die sie rhumen gar viel höher vñ besser denn die andern gemeine Christen/ ja die selben damit veracht machen/ vñ für fehrlische stende achten/ Wie bisher das Papstumb vnuerschampt solches weleliche stende genennet/ vñ die darinne gelebt/ haben müssen dafür halten/ sie köndten schwerlich gen Himmel komen/ wenn sie nicht auch Geistlich wurden/ (so haben sie allein der Mönch vñ Pfaffen stand gehalten) oder ja sich irer werck teilschafftig machten/ vñ jr verdienst inen abkauften.

Wer S. Paulus vñ die ganze Schrifft leret allein solche gute werck/ die von Gott in den zehen Geboten jederman in gemein auffgelegt sind/ vñ in dem gemeinen leben vñ stenden gesehen sollen/ Welche wol nicht grossen schein vñ gepreng für der Welt augen machen/ wie die heuchelei irer selber welen Gottesdienst/ Vñ sind doch rechte köstliche gute vñ nützliche werck/ beide/ für Gott vñ den Menschen/ Denn was kan Gott gefelliger/ vñ den Leuten besserlicher sein/ denn also leben in deinem beruff/ das Gott dauon ehre hat/ vñ mit deinem Exempel auch

andere erzu bringest/ Gottes Wort zu lieben/ vñ seinen Namen zu preisen/ Item/ was sind für nützlicher tugent in dem ganzen leben der Menschen/ wes der demut/ sanfftmüt/ gedult/ vñ eignes sinnes sein etc.

Wo kan man aber solches besser thun/ denn in den stenden/ so Gott geordnet/ darin vnternander zu leben vñ unter den Leuten? Ja/ es ist das eigen erwelete sonder leben vñ mönchische heiligkeit gar nichts hiezu nüt. Denn wer ist gebessert/ das du in ein Kloster gehest/ machest dir ein sonder/ vñ nicht wilt leben wie die andern/ Wem hilfset deine Kappen/ sawr sehen/ hartes lager? Wer komet dadurch zu Gottes erkenntnis/ oder zu trost des Gewissens/ oder wer wird dadurch gereizet zur liebe des Nehesten? Ja/ wie kanstu darin dem Nehesten dienen/ vñ die Liebe/ demut/ gedult/ sanfftmüt erzeigen/ so du nicht wilt vnter den Leuten leben/ vñ dein selb erwelete Regel oder Orden so streng heltest/ das du ehellessst den Nehesten not leiden/ ehe du dawider chereist?

Der Christen tugend wird allen in den stenden von Gott geordnet bewert.

Es ist wol zu verwundern/ das die Welt in so grosser blindheit ligt/ das sie beide/ Gottes Wort vñ seine ordnung vñ stende/ darin sie doch teglich mus leben/ so gar für nichts achtet. Predigt man jr vom Glauben an Gottes Wort/ so helt sie es für Kezerey/ Sage man von wercken vñ stenden/ von Gott selbs eingefetzt/ so helt sie es abermal für lauter nichts/ weis es viel besser zu machen.

Der Welt blindheit.

Das ein gemeiner Christen im Hause/ ein Knecht vñ Magd an jrem dienst Christlich lebt. O/ das ist (spricht sie/ eitel weltlich ding/ Du mußt dich anders angreifen/ in einen winkel kriechen/ eine Kappen anziehen/ zun heiligen wallen/ so kanstu dir vñ andern gen Himmel helfen. Fragstu warumb/ oder wo es Gott gesagt habe? So ist das im grund kein ander vrsach/ denn diese/ Unser Herr Gott weis nichts drum/ vñ verftehet nicht/ was gute werck sind/ Wie solt ers denn können leren? Er mus selbs zu diesen hocherleuchten heiligen zur Schul gehen/ vñ von inen lernen.

Es kömet aber alles von der leidigen angeborenen plage vñ vbel/ das da heisset/

Die Erbsünde  
de machet  
es / das die  
Welt von  
Gottes  
Wort nichts  
versiehet.

Da heisse / die Erbsünde / Das ist solche  
blindheit vnd bosheit / das sie Gottes  
Wort / willen vnd werck nicht sehen  
noch achten wil / vnd dafür nach vn-  
fern eignen heidnischen gedanken ander  
ding auffwirffet / Hat ein solche dicke  
haut / beide / vber iren augen / ohren vnd  
herz gezogen / das sie nicht kan sehē das  
liebe / wie das gemein leben der Chris-  
sten / Man vnd Weib / Vnter vnd Ober-  
stende / mit Gottes Wort geschmuckte  
vnd gezieret / wil sich auch nicht beres-  
den lassen / das sie diese werck sich vleis-  
sigte zu thun / von denen Gott selbs zeu-  
get / das sie im herzlich wolgefallen / an  
denen / die da gluben vnd in Christo  
sind.

Summa / es zeigt vnd zeugt die  
erfahrung in aller Welt / das es ein grosse  
sondere gnade sey / vnd wenig Leute so  
selig sind / das sie rechte gute werck  
eheten / vnd der grosse hauffe / dere / die  
da wollen heilig sein / sich vergeblich mü-  
hen mit andern nichtigen vergeblichen  
wercken / die sie für gros achten / vnd da-  
mit sich selbs gar vnützlich machen /  
wie S. Paulus sagt / zu rechten guten  
wercken.

Tit. 1.

Schaden  
der selber  
welten  
Werck.

Das ist ein schade / den solcher irriger  
menschlicher wahn der selberwele-  
ten werck vnd heiligkeit mit sich bring-  
et. Zum andern folget auch / das das  
durch gehindert / ja zu grund niderge-  
schlagen vnd zerstört werden die schö-  
nen liebliche tugent / die S. Paulus hie-  
leret vnd preiset / Demut / Sanfftmüt /  
Gedult / Einigkeit des Geistes etc. Vnd  
dagegen das widerspiel der feindseligen  
laster / durch den Teuffel gestercket  
wird.

Der Rotten  
geister ei-  
gen sinn.

Wenn wo man aussere Gottes Wort  
vnd auff selberwelete Menschen wercke  
felle / da mus erstlich folgen mancher-  
ley dunckel vnd eigen sinn / das einer  
dis / der ander das auffwirffet / vnd wil  
ein jeder den rhum haben / das seines  
das beste sey / darnach / der ander aber  
wil ein bessers machen / Darans so  
mancherley trennung vnd roetengeiste-  
rey komet / so mancherley solche Lerer  
vnd wercke sind / Wie bisher vnter so  
viel vnzelichen manchen Rotten im  
Bapsthum gewest / vnd allzeit vnter al-  
len Rottengeistern sind. Dabey kan kei-  
ne dieser tugent / demut / sanfftmüt / ge-  
dult / liebe etc. stat haben / Sondern mus

das widerspiel folgen / weil die herten  
vnd sinn nicht eines sind / das einer den  
andern stolziglich verachtet / vnd wo  
man sein ding nicht lesst recht vnd gut  
sein / ansehet zu zürnen / neiden / hassen /  
Kan mit niemand freundschaft noch  
gedult haben / wer es nicht machet vnd  
thut / wie es im eben ist etc.

Dagegen ist Christlich leben / des  
Glaubens vnd seiner fruchte / nach Got-  
tes Wort / also geordnet / das es alles  
zu erhaltung der liebe vnd einigkeit  
dient / vnd furdert zu allen tugenden /  
Denn es zureisset nicht die ordnung / so  
Gott geschaffen vnd gestiftet / der ge-  
meinen stende vnd irer werck vnter den  
Menschen / der Oberkeit / Vater / Mut-  
ter / Söhne / Töchter / Herrn / Frawen /  
Knecht / Megde / sondern bestetigt sie  
alle / als gute stende vnd werck / heisst  
einen jeden in seinem Christlich leben /  
vnd alle in gemein sich der liebe / demut /  
gedult etc. vleissen / Also / das / keiner den  
andern verachte / sondern ein jeder dem  
andern seine ehre gebe / vnd wisse / das er  
auch in geringern stande kan für Gott  
so selig vnd gut sein / als er. Item / das  
einer mit des andern schwachheit gedult  
habe / vnd wisse / das auch andere an sei-  
nen gebrechen zu tragen haben etc. Vnd  
summa / das ein iglicher dem andern lie-  
be vnd freundschaft erzeige / die er im  
wolt gethan haben.

Christlich  
leben dienet  
zu allen tu-  
genden.

Dazu hilfft vnd furdert trefflich  
seer der einige sinn / das ein Christen  
weis / das er in Christo Gottes gnade /  
vergebung der sünde vnd ewiges Leben  
hat / nicht umb seines verdiensts / oder  
sonders lebens vnd werck willen / sons-  
dern / das er in seinem wesen vnd stand /  
wie gering er für der Wele ist / eben so  
wol Gottes kind / selig / vnd aller güter  
Christi teilhaftig ist (so er gleubet) als  
der allergrösste vnd furnemeste Heilige /  
Darumb darff er sich nicht umbsehen  
nach andern wercken / die im nicht be-  
fohlen / noch andern vergönnen / ob sie in  
grössern stand sind / oder mehr gaben  
von Gott haben / vnd grössere werck  
thun können / Sondern sol sich nach sei-  
ner masse halten / vnd in seinem beruff  
Gotte dienen / vnd dancken / das er in  
seinem stande auch zu seinem werckzeug  
gebrauchet.

Einiger  
sinn in Chri-  
sto.

Widerumb / wer in hoherm stand /  
gaben vnd wercken nach Gottes beruff  
Le iij dienet /



## Auslegung der Epistel

dienet / den sol auch diese einigkeit des sinnes leren und weisen / das er in der demut bleibe / nicht andere verachte / sondern wisse / das er darumb nicht fur Gott besser ist und mehr gilt / das er grössere gaben hat / sondern destemehr schuldig ist / andern damit zu dienen / und das Gott auch durch die / so geringere gaben haben / mehr und grossers thun kan / Also kan er auch gedult / sanfftmüt und liebe erzeigen gegen dem Aebtesten / so da schwach / gebrechlich sind / angesehen / das sie auch sampt im glieder Christi / und der selbigen gnade und seligkeit teilhaftig sind.

**I**he / darumb treiben die Aposteln / S. Paulus und S. Petrus / so vleisig allenthalben diese tugent / die da heisset / Eines sinnes sein / Denn es ist auch die nörrigste und schönste tugent vnter den Christen / so die Christenheit zusammen heilt und bindet / und nicht leste Kotterey und trennung werden / wie hievon zu vor weiter gesagt ist.

**D**arumb vermanet hie S. Paulus / das man mit allem vleis darob halte / und (wie er spricht) sorgfältig sey / das man sie behalte. Er nennets aber einigkeit des Geistes / zu zeigen / das er redet von der einigkeit der rechten Lere und Glaubens / Sonst kan es nicht heissen / Einerley oder einiger Geist / sintemal kein heiliger Geist da ist / on erkenntnis und Glauben des Euangelij Christi / Darumb mus man vor allen dingē darnach trachten / das die rechte Lere der Schrifte rein und eintrachtlich erhalten werde.

**D**enn es ist auch das aller grössste und schädlichste ergernis der Kirchen / zwittracht und trennung der Lere anrichten / Welches auch der Teuffel zum höchsten treibet / und komet gemeinlich von etlichen hoffertigen / eigensinnigen und ehrsuchtigen Köpfen / die da wollen etwas sonderlichs sein / vmb ihre ehre und rhum streiten / Könnens mit niemand gleich halten / meinen / es were ihre schande / wenn sie nicht solten gelehrter und grössers Geistes (den sie doch gar nicht haben) gerühmet werden / denn andere / niemand die ehre gönnen / ob sie gleich sehen / das er grössere gaben hat. Item / aus neid / zorn / has oder rachgier wider andere / suchen Kottes

rey zu machen / und die Leute an sich zu hengen. Darumb hat er sie ersilich vermanet zu den nörrigen wercken der Liebe / das sie demut / gedult etc. gegeneinander vben / und einer dem andern vertrauen könne etc.

**E**s ist klar und offenbar gnug / aus der erfahrung / was fur schaden und verderben in der Kirchen bringet die ergernis der trennung und zwittracht der Lere / Denn zu dem / das viel Leute verffüret werden / und der hauffe flugs zufelle / wo er höret etwas neues von den hoffertigen / thürstigen Geistern / mit grossem schein und trefflichen worten fur gegeben / So folget auch daraus / das viel der schwachen und sonst gucherniger Leute fallen in zweineln / wissen nicht / bey welchen sie bleiben sollen / Aus welchem denn weiter komet / das die Lere von vielen verachtet und verlesert wird / die da ursach suchen / der selben zu widersprechen / Item / das viel gar ruchlos und epicurisch werden / und alle Religion / und was man sagt von Gottes Wort / fur gar nichts achten. Item / auch die da Christen heissen / in solchem gezent widerinander verbitert werden / sich selbst beissen und freysen / mit has / neid / und andern lastern / darüber beide / die Liebe erkaltet / und der Glaube verflisset.

**S**olcher zuruttung in der Kirchen / und alles verderbens der seelen / so darob geschieht / sind schuldig solche eigensinnige / rottische Köpffe / so da nicht bey der eintrachtigen Lere bleiben / noch die einigkeit des Geistes halten / sondern vmb ihres eigen dunckels / ehre oder rachgier willen et was neues suchen und anrichten / Und also gar viel schrecklicher und vntreglicher verdammis auff sich laden / denn andere.

**D**arumb sollen Christen hie sich hüten / das sie nicht auch ursach geben / zu trennung oder zwispalt / und mit allem vleis und sorgen (wie hie S. Paulus vermanet) vber der einigkeit helfen halten. Denn es gehet auch nicht so leicht zu / das man sie erhalte / Es fallen auch vnter den Christen für / viel und manch erley ursachen / die sie leichtlich zu widerwillen / zorn und has bewegen / so suchet der Teuffel auch ursachen / schüret und bleset zu / wo er kan / Darumb müssen sie zuschyn / das sie nicht raum geben

Einigkeit  
des Geistes

Eigensinnige  
Köpfe  
die trennung in der  
Lere anrichten

ergernis / so aus zwittracht in der Lere folget.

geben solcher reizung/so der Teufel oder jr eigen fleisch in jnen treibet/ Sondern dagegen streiten/vnd alles thun vnd leiden/was sie sollen/es betreffe/ehre/gut/leib oder leben/damit sie/ so viel an jnen ist/ die einigkeit der Lere/ Glaubens vnd Geistes nicht trennen lassen.

Ein Leib vnd ein Geist / wie jr auch beruffen seid/auff einerley hoffnung ewers beruffs/ Ein HERR/ ein Glaube / ein Tauffe / ein Gott/ ein Vater etc.

Einerley ge  
meiner  
schatz aller  
Christen.

**D**ies sol sein die ursach/ so die Christen bewegen sol / das sie vber der einigkeit des Geistes fest halten / Weil sie alle miteinander sind gliedmasse eines leibes / vnd teilhafftig aller geistlicher gütter / Denn sie haben alle zu gleich einerley schatz/nemlich / einen Gott vnd Vater im Himmel/ einen HERRN vnd heiland / einerley Wort/ Tauffe vnd Glauben / vnd summa / einerley seligkeit/ Weil denn solch gut jr aller gemein ist/ daran ein jeder so viel hat/als der ander/vnd keiner nichts mehr noch bessers erlangen kan / Was kan er denn fur ursach haben/trennung zu machen / oder etwas anders zu suchen?

Wad hiemit zeiget vnd leret S. Paulus/was da ist die rechte Christliche Kirche/vnd wo bey man sie kennen sol/nemlich/Das nicht mehr ist/denn ein einige Kirche oder Gottes Volk auff Erden / die da hat einerley Glauben/ Tauffe / einerley bekentnis Gottes des Vaters vnd Christi etc.vnd bey solchem eintrechtiglich miteinander helt vnd bleibt. In dieser mus ein jeder sich finden lassen / vnd der selben eingeleibt sein / wer da wil selig werden / vnd zu Gott komen / vnd wird auffer jr niemand selig.

Darumb heisst vnd ist diese einigkeit der Kirchen nicht einerley eusserlich Regiment / gesetz oder sagung vnd Kirchen breuche haben vnd halten/Wie der Papst mit seinem hauffen furgibt/ vnd alle wil aus der Kirchen geschlossen haben/ die da nicht hierin jm wollen gehorsam sein / Sondern wo diese einigkeit des einigen Glaubens/Taufe etc. ist. Daher heisst es ein einige heilige Catholica oder Christliche Kirche/ das da ist/ einerley reine vnd lautere Lere des Euangelij/ vnd eusserlich bekentnis der selben / an allen orten der Welt/ vnd zu jeder zeit / vnangesehen / was sonst fur vngleichheit vnd vnterscheid des eusserlichen leiblichen lebens / oder eusserlicher ordnungen/sitten vnd Ceremonien sind.

Widerumb/welche diese einigkeit der Lere vnd Glaubens in Christo/nicht halten / Sondern daneben trennung vnd ergernis anrichten (wie S. Paulus Rom. 16. sagt) durch jre Menschen lere vnd eigen erwelete werck/darob sie streiten/vnd als nödig allen Christen gebieten zu halten. Die sind nicht die rechte Kirche Christi/noch der selbigen glieder / Sondern widerwertige vnd züförer/wie wir offte anderswo beweiset haben.

Diese gewisse Lere vnd trost haben wir wider das Papsthum / so vns darumb schuldige vnd verdampft / das wir von jnen abgetreten vnd gewichen / vnd vns schelten abtrünnige von der Kirchen / So sie doch selbs die rechten abtrünnigen der Kirchen sind/so die warheit verfolgen / vnd die einigkeit des Geistes zureissen (vnter dem namen vnd titel der Kirchen vnd Christi)

Darumb jederman schuldige ist/ aus Gottes Gebot / jnen zu widersprechen / Ja / sie meiden vnd zu fliehen.

AM

Was die  
rechte Kir-  
che sey.

Die einige  
keit der Kir-  
chen durchs  
Papsthum  
zürföret.

# Am XVII. Sonntag nach

Trinitatis / Euangelium / Luce 14.



**V** Des be-  
gab sich /  
das er kam  
in ein haus  
eines Ober-  
sten der Pha-  
riseer / auff  
einen Sab-  
bath / das  
Brot zu essen. Vnd sie hielten auff  
in. Vnd sihe / da war ein Mensch fur  
in / der war Wassersüchtig. Vnd  
Ihesus antwortet / vnd sagt zu den  
Schrifftegelerten vnd Phariseern /  
vnd sprach / Ist auch recht / auff  
den Sabbath heilen? Sie aber  
schwiegen stille. Vnd er greiff in an /  
vnd heilet in / vnd lies in gehen. Vnd  
antwortet vnd sprach zu inen / Wel-  
cher ist vnter euch / dem sein Ochse  
oder Esel in den Brun sellet / vnd er

nicht als bald in eraus zeucht / am  
Sabbath tage? Vnd sie kundten  
in darauff nicht wider antwort ge-  
ben.

Er sagt aber ein Gleichnis zu  
den Gasten / da er mercket / wie sie  
erweleten oben an zu sitzen / vnd  
sprach zu inen / Wenn du von je-  
mand geladen wirst zur Hochzeit /  
So setze dich nicht oben an / das  
nicht etwa ein ehlicher denn du /  
von in geladen sey / Vnd so denn  
komet / der dich vnd in geladen hat /  
spreche zu dir / Weiche diesem / Vnd  
du müßest denn mit scham vnten  
an sitzen. Sondern wenn du gela-  
den wirst / So gehe hin / vnd setze  
dich vnten an / Auff das / wenn da  
komet der dich geladen hat / spreche  
zu dir / Freund / rücke hinauff /  
Denn wirstu ehre haben fur de-  
nen /

nen/die mit dir zu tische sitzen. Denn wer sich selbst erhöht / der sol ernidriget werden. Und wer sich selbst ernidriget / der sol erhöht werden.



**Z**weierley haben wir zu handeln in diesem Euangelio / Das eine ist etwas gemeines in allen Euangelien / Das andere ist nu etwas sonderlichs. Das erste / welches allen Euangelien gemein ist / ist das / das es vns den HErrn Christum furbildet / was er sey / vnd was wir von jm zu erwarten haben. Und wird vns darin der Glaube vnd die Liebe angezeigt.

Der Glaube / in dem das dieser Waffersüchtige zuvor das Euangelium gehöret hat / nemlich / wie der HErr Christus so ein freundlicher / gütiger / wolthetiger Man were / der jederman hilffte / vnd niemand vngelohffen vnd vngestöstet lieffe von sich gehen / Denn wenn er solch geschrey von dem HErrn Christo nicht hette gehöret / so were er jm nicht nach gelauffen / bis ins haus hinein. Er mus je ein kundschafft von jm gehabt / vnd was grosses von jm gehöret / vñ diesem hören geglaubt / haben.

Das ist das Euangelium (wie gesaget) Das mus zuvor gepredigt vnd gehöret werden / ehe wir glauben / nemlich / wie vns Gott so freundlich vnd barmherzig sey / Habe diesen Son vom Himmel herunter geschickt / vns zu helffen. Die Wort mus das Gewissen hören vnd glauben / Sonst / wenn vns gleich alle Creaturn freundlich weren / so hilfft vns nicht / so vns Gott vngnedig vnd vnfreundlich ist / Widerumb auch / wenn Gott mit vns zu frieden ist / so kan vns keine Creatur schaden / wie S. Paulus sagt / Rom. 8. Ist Gott fur vns / wer mag wider vns sein? Da las zürnen Tod / Teufel / Helle / vnd alle Creaturn / Es kan vns doch nichts schaden. Darumb mus das Euangelium vns diesen Man gnedig furbilden / der da Gott ist. Darans schepffet denn vnser hertz den Glauben / vnd eine freundliche zuversicht gegen Gott / das er jm werde helffen / beide / in sterben vnd leben.

Das sehen wir hie in diesem waffersüchtigen Menschen auch / der hat zu

vor die freundlichkeit Christi gehöret / vnd also darnach geglaubt / er werde seine freundlichkeit vnd gütigkeit an jm auch beweisen / Denn es were vnmöglich gewesen / das jm were geholffen worden / wo er nicht geglaubt hette. Das Euangelium klinget in die ganze Welt dahin / es glaubet aber nicht jederman daran. Denn die Phariseer sassen auch da / sahen mit augen vnd griffen es / das er ein freundlicher Man ware / aber sie glaubten nicht an jm / Darumb kundte es sie weder bessern / trösten noch helffen. Das ist vom Glauben gesaget.

Darnach sehen wir auch furgebildet / die Liebe in Christo / die dahin gehet vnd thut frucht / nicht jr / sondern andern / wie denn die rechte Liebe thut. Das ist in der gemein geredt vom ersten teil dieses Euangelij.

**I**n sonderheit aber gibt vns die dieses Euangelium ein nörtige Lehre / die man mus haben / wenn man der Gesez brauchen sol / die von eussertlichen / leiblichen sachen vnd weesen ordnen / in der Kirchen zu halten / Da mus man ganz weislich vnd feuerberlich mit vmbgehen / wo man damit recht faren wil / sonderlich wo schwache vnd blöde Gewissen sind. Denn es ist nichts zertlichers in Himmel vnd Erden / vnd das wenigens schimpffen leiden kan / denn das Gewissen / Man spricht / es sey ein zertlich ding vmb ein auger / aber das Gewissen ist noch viel zertlicher vnd weicher. Darumb sehen wir in den Aposteln / hin vnd her / wie sanfte sie mit den Gewissen sind vmbgangen / das sie die selbigen mit Gesezen nicht etwa verrückten.

DJeweil man nu nicht on Gesez leben kan / vnd ist doch gefahr mit Gesezen vmb zu gehen / Denn das Gewissen felt bald zu / vnd verwickelt sich darinne / So wollen wir ein wenig sagen / wie fern solche Gesez sollen getrieben werden. Man sagt wol im Sprichwort / Es ligt viel an einem guten ausleger. Das ist hie sonderlich war / wenn man mit Gesezen vmbgehet / Denn wo nicht einer ist / der da die Gesez weisrecht zu deuten vnd vnterscheiden / so istts schwerer vnd fehrllich damit vmb zu gehen / Wie man bisher erfahren / an dem tyrannischen Regiment der Bepfischen

Lehre / wie man der Gesez brauchē sol / so von eussertlichen dingen gebieten.

Glaube vnd Liebe in dem werdt Christ furbildet.

Glaube aus dem gehorten Euangelio.

## Auslegung des Euangelij

stischen Gesetz / wie die Gewissen damit zuplagt / vnd nur zur Zellen vnd verdammis gedrungen sind. So ein gros gefahr ist / wo man die Gesetze nicht recht zu lindern vnd zu lencken weis.

Die Liebe ist ein Regel vnd maß aller Gesetz

Darumb sol man hievon diese Regel wissen vnd halten (die Christus selbs gegeben / vnd in dieser Historien auch zeigt) das alle Gesetz / götliche vnd menschliche / so von eusserlichem thun gebieten / nicht weiter binden / denn die Liebe gehet. Die Liebe sol sein eine auslegung aller Gesetze / Wo die nicht ist / so ist schon aus / so schadet das Gesetz bald / es sey wie es wölle. Wenn ein Gesetz wider die Liebe lauffen wil / sol es bald auffhören. Ursach / Denn alle Gesetze sind gegeben / allein / das sie Liebe auffrichten sollen. Wie S. Paulus sagt / Die Liebe ist des Gesetzes erfüllung. Item / Seid niemand schuldig / denn das einer den andern lieb habe. Denn so ich meinen Nehesten liebe / so helfte ich jm / schütze in / behalte in bey seinen Ehren / vnd thu / was ich mir wolt gethan haben.

Rom. 13.

W/ weil denn die Gesetz allzumal die Liebe auffrichten / so müssen sie also bald auffhören / wenn sie wider die Liebe lauffen wollen. Darumb ligt es allhie alles an einem guten Regenten / der die Gesetze nach der Liebe auslege. Nim ein Exempel von der Pfaffen vnd Mönchen leben / Die haben in Gesetz verfasst / das sie auff diese stunde Messe halten / auff diese beten / Vnd wenn ein armer Man daher keme / vnd bete sie vmb einen dienst auff die selbige stunde / da sie Messe halten oder beten sollen / so sprechen sie / Ey / hebe dich / ich mus jzt Messe lesen / meines gebets warten / vnd theten dem armen Man keinen dienst nicht / wenn er gleich sterben solte.

Also haben gethan die aller heiligsten Mönche vnd Cartheuser / die halten ire gebote vnd statuta so streng / das / wenn sie gleich einem armen Man sehen die Seele ausgehen / vnd künden jm doch wol helfen / noch theten sie es nicht. Hie solten sie / wenn sie Christen weren / also geschickte sein / vnd alle ire Gesetz oder Menschen sagungen nach der Liebe auslegen / vnd sagen / Fare hin Messe / fare hin Sacrament /

fare hin gebet / fare hin Orden / Ich wil des wercks gern emperen / Ich wil mein Nehesten dienen / Die Liebe / so ich an meinem Nehesten vbe / ist gülden gegen dem werck.

W/ also sol man alle Gesetze lencken / darnach die Liebe ausweisen / das man sie halte / wo sie dem Nehesten dienstbarlich vnd nützlich sind / vnd faren lasse / wo sie schaden wöllen. Nim ein grob Exempel / Wenn ein Hausvater eine solche ordnung in seinem Hause hette / das er jzt fisch / jzt wein / jzt fleisch / jzt Bier speisete / darnach ers hat / vnd was er bekommen kan / Vnd vielleicht einer krank würde aus seinem gesinde / vnd künde nicht Bier oder wein trincken / künde nicht fleisch oder fisch essen / vnd der Hausvater wolt jm nichts anders geben / sondern sagte / Nein / mein Gesetz vnd ordnung weist es also aus / ich gebe dir nichts anders. Was were das für ein Hausvater ? Man solte jm billich niesenwurtel geben / das er das gehirn purgierte etc.

Exempel eines Hausvaters.

Denn wenn es ein verstendiger Man were / so würde er billich also sagen / Es ist wol war / das mein Gesetz vnd ordnung fordert / heute fleisch oder fisch zu essen / doch dieweil dir diese speise entgehen ist / so isse was dir wolgefellet. Sibe / wie der Hausvater sein Gesetz lencket vnd beuget nach der Liebe / Also sollen alle Gesetze nach der Liebe des Nehesten gelenket vnd gebeuget werden.

Derhalten / da im alten Testament das Gesetz nicht verstanden ward / noch nach der Liebe gelindert ward / gab Gott dem Volk die Propheten / die das Gesetz auslegen solten / vnd es nicht das Gesetz nach der scharffe / sondern nach der Liebe führen. Des haben wir ein Exempel an Mose selbs. Mose füret die Kinder Israel aus Egypten / vierzig jar lang / durch die Wüsten hin vnd her. Tu war dem Abraham geboten / das man solte ein jglichen Menlin auff den achten tag beschneiden / Dis Gebot stund helle da / das mans thun muste / Noch lies es Moses nach / vnd beschniete niemand die ganze vierzig jar lang.

Die Propheten gegeben das Gesetz aus zu legen.

W/ wer gab Mose die gewalt / das er dis Gesetz nicht hielt / welches Gott dem Abraham gegeben / vnd ernstlich befohlen hatte ? Das gab es jm / das er wuffte die Gesetze zu lencken auff die Liebe des

Die Beschneitung 40. jar nach gelassen.

be des

be des Uebesten/Nemlich / das die Gesetze im vnd dem Volck dienen musten/ vnd er noch das Volck / nicht dem Gesetze. Denn in der reise musten sie daher ziehen / alle tage im harnisch/ Darumb/ das sie beste geschickter weren zu reisen/ vnd nicht daran gehindert wüorden/ lies er die Beschneitung nach / vnd sagte/ wiewol das Gesetz geboten ist/ vnd man mus es halten/ so mag man es dennoch lencken/wenns die Liebe erfordert/Vnd also verzog er die Beschneitung/ bis das sie angereiset hatten. Also sol man alle Gesetz deuten nach der Liebe vnd nach der not/Darumb ligt es hie allein an einem guten Ausleger.

Dauids exempel.  
1. Reg. 21

Desgleichen that auch Dauid / da er die geweihten Brot esse/die niemand essen durffte/denn die Priester/wie Christus das Exempel in den Euangelij selbs anzeucht. Dauid war nicht geweihtet/seine Diener auch nicht/Noch da in hungerte/Kam er hin zu Abimelech/vnd bat in/er wolte im vnd den seinen etwas zu essen geben/Da saget Abimelech/Ich habe warlich nichts/denn die heiligen Brot / die da ligen / Die nimet Dauid hin/vnd isset sie frey. Hat nu Dauid gesündigt wider Gottes gebot / welcher öffentlich die heiligen Brot verbent zu essen / denen / die nicht Priester sind? Nein. Warumb? Darumb / Denn die not zwang in/ vnd er hatte sonst nichts zu essen. Also hebet die not vnd Liebe alle Gesetz auff.

Exempel Christi.

Also thut auch Christus hie im Euangelio/ machet den Wassersüchtigen gesund/am Sabbath/der doch trefflich hart im alten Testament zu halten geboten war. Sie sehe/was die Phariseer thun/Sie stehen da / lauren auff den HERRN/vnd sehen was er thun wil. Sie hetten dem Wassersüchtigen nicht geholffen/wenn sie gleich im mit einem leffel weins hetten können helfen. Aber Christus greiffet hinein ins Gesetz / das es tracht/vnd hilfft dem armen Wassersüchtigen Manne frey / Zeiget inen öffentliche ursache an / warumb er das thue / vnd sagt / Es ist wol geboten/den Sabbath zu feiern / aber wo es die Liebe angehet/ da mus das Gesetz weichen/Vnd gibt inen ein grob Exempel/vnd schleusset sie damit / das sie es müssen billichen / Können im auch kein

wort darauff antworten / Vnd spricht also.

Welcher ist vuter euch/ dem sein Ochs oder Esel in den brun sellet/ vnd er nicht als bald in craus zehet am Sabbath?

Was wolt er sagen / Ir Narren seid ir nicht toll vnd töricht? Thut ir das an einem Ohsen oder Esel/ Viel mehr solt irs thun an ewerm Liebesten/ wo es not ist/ im zu helffen/vnange sehen / das es am Sabbath geschehe. Denn der Sabbath/wie er an einem andern ort sagt/ vmb des Menschen willen gemacht ist/vnd nicht der Mensch vmb des Sabbaths willen / So ist des Menschen Son ein HERR / auch des Sabbaths.

Matth. 2

Wie nu Christus hie mit dem Sabbath thut/ lesst in dem Menschen dienen/ also sollen wir auch fort faren / in allen solchen Gesetzen/ vnd sie nicht ferner halten/ denn so ferne sie der Liebe dienen/Dienen sie der Liebe nicht/so sol man sie bald zureissen / es sey Gottes/ oder Menschen gebot. Nim ein Exempel aus vnserm vorigem irthum des Papstums/ Es hat einer gelobt zu S. Jacob zu gehen. Nu stehet das gebot da/Wer etwas gelobt / der sol es halten. Dieser hat daheim Weib vnd Kind/ Gesind vnd seine Haushaltung/ Wie sol im der thun? sol er fort faren vnd zu S. Jacob gehen / oder sol er daheim bleiben / vnd Weib vnd Kind erneeren?

Gesetze soll der Liebe dienen.

Liebe vnd not gehen fur alle Gesetz.

Da schliesse selbs/ welches am nötigsten sey/vnd am meisten zu der Liebe zibe. Ich halte es sey nötiger / er bleibe daheim vnd erbeite / vnd warte seiner narung/vnd sehe auff sein Weib / Kinder vnd Hausgesinden/ Mit seinem walle zu S. Jacob (wenn es gleich sonst nicht vnrecht vnd keine Abgötterey were) würde er wenig nutz schaffen / ja er würde mehr verzeren vnd versumen/ denn gewinnen.

Ein ander Exempel/ Es gehet ein Weib schwanger / die hat gelobet am Mittwoch kein fleisch zu essen/ wie denn manche Herrin bisber gethan / Dis Weib gehet vielleicht in grosser sache der frucht/vnd auch fres leibes / So kö

S f men

## Auslegung des Euangelij

men nu die Narren her / die Beichtueter vnd sagen / Liebe Tochter / Es stehet in der Schrifft geschrieben / Was man gelobet / das mus man halten / Das ist Gottes gebot / du must es warlich halten. Da ist nu das gute Weib bald gefangen vnd verknüpfet in irem gewissen / gehet dahin / helt das gelübde / vnd schadet / beide / jr vnd der frucht.

Kein gelübde gilt wider die Liebe.

Da haben beide vnrecht / die / die sie also leren / Vnd sie auch / das sie nicht die Liebe mehr achtet / denn das gelübde / Daran sie doch Gott keinen dienst noch gefallen thut / ja viel mehr erzürnet sie in mit irem gelübde halten. Darumb sol man also sagen / Siehe da / du tregest eine frucht / der mustu dienen / vnd das narrenwerck nachlassen / das nicht irgend grösser vntat daraus erwachse / Denn alle Gesetz sind in der Liebe beschlossn.

Also sollen Pfaffen / Mönche vnd Nonnen handeln mit iren gelübden / Wenn sie sagen / wir habens gelobet / vnd es stehet geschrieben / Gelobet jr / so haltet es dem HERRN ewrem Gott / So sprich / Siehe da stehet auch ein Gebot / Du solt deinem Nehesten dienen. In dem stande aber kanstu deinem Nehesten nicht dienen / kanst auch nicht on sünde darinne leben / Darumb so gehe frey heraus / vnd nim einen stand an dich / darinne du deinem Nehesten dienen / im helfen vnd raten mügest / Vnd siehe nicht an das gelübde / welches du nicht Gott deinem HERRN / sondern dem Teuffel gethan hast / nicht zur seelen heil vnd seligkeit / sondern zur verdammnis vnd verderben / beide / des leibes vnd der seele.

Vnd da hastu macht zu dispensiren mit allen geboten / wo du allein Christen bist / wenn sie dich an der Liebe hindern wöllen / Wie hie Christus thut / der feret frey daher / wiewol es Sabbath war / vnd hilfft diesem Wassersuchenden / Zeiget auch gnugsame vnd scheinbarliche vrsachen an / warumb er solch werck am Sabbath thete.

Es ist noch ein stück im Euangelio von dem oben an sitzen / das müssen wir auch ein wenig rüren. Da der HERR merckete / wie die gesse / die Phariseer / erweleten oben an zu sitzen / sprach er zu jnen dis Gleichnis.

Wenn du von jemand geladert wirst zur Hochzeit / so setze dich nicht oben an / das nicht etwa ein ehrlicher / denn du / von jm geladen sey / vnd so denn komet / der dich vnd in geladen hat / spreche zu dir / Freund / weiche diesem / vnd du müssest mit scham unten an sitzen / etc.

**D**is Gleichnis gehet auff der Phariseer vnd Schrifffgelehrten gebot vnd sagung / das man solt den grossen vnd gewaltigen ehre thun / jnen weichen / vnd sie lassen oben an gen. Christus kerets vmb / vnd spricht / Wer da wil der grösste sein / der sitze unten an. Nicht das ein Bawr solt vber einem Fürsten sitzen / Das wil Christus nicht / es schickt sich auch nicht.

Denn der HERR redet hie nicht von weltlichem / sondern von geistlichem Regiment / das wil von allen demut haben / Wiewol das weltlich vnd eusserlich Regiment also helt / das die Obersten oben an sitzen / Aber das gehet das geistliche Regiment niches an / gibet jm auch niches zu schaffen / Denn es handelt allein im hertzen / Christus machet nicht Burgermeister vnd Richter / Fürsten oder Herrn / sondern befehlet dasselbige der Vernunft / die handelt von eusserlichen sachen / da müssen Oberkeit sein / vnd denen gebüret die ehres Scands halben. Aber das geistliche Regiment helt / das sich mus lassen herunter werffen / wer da wil gross sein.

Darumb sprach der HERR zu seinen Jüngern / die sich darüber zankten / welcher vnter jnen der grösste sein sollte / Die weltliche Könige herrschen / vnd die Gewaltige heisset man gnedige Herrn / Ir aber nicht also / Sondern der grösste vnter euch / sol sein / wie der jüngste / vnd der fürnemeste / wie der Diener. Vnd gibet nu von jm selbs ein Exempel / vnd fraget / Welcher ist der grösstest / der zu tische sitzet / oder der da dienet / Ist nicht also / das der zu tische sitzet / Ich aber bin mitten vnter euch / als ein Dienender. Vnd an einem andern ort sprach

Gottes reich macht alle Menschen zu Diener vnterinander.

Luc. 22 Der grösste sol der kleinest sein. Matth. 23

sprach er/ So jemand wil gewaltig sein geachtet/ der sey ewer Diener / vnd wer da wil der furnemeste sein / der sey ewer Knecht/ Gleich wie des Menschen Sohn ist nicht komen/ das er im dienen lasse/ sondern das er diene/ vnd gebe sein leben zu einer erlösung für viele.

Des Bapsts  
verkerte glo  
se vnd lügen  
von der De-  
mur.

Diese Sprache haben unsere Papi-  
pisten fein ausgelegt / vnd dem Euang-  
gelio eine nasen gemacht / vnd gesaget/  
Ja der Bapst sol wol der Kleinst oder  
jüngste sein/ vnten an sitzen/ vnd den an-  
dern dienen/ aber das sol geschehen im  
herzen. Haben geticht/ wie sie mit dem  
herzen vnten an sitzen/ auch die gering-  
sten sind vnd andern dienen / Aber dar-  
nach sind sie vber alle Keiser / Könige/  
vnd Fürsten her gangen/ ja sie dazu mit  
füßen getreten. Gleich als solten Kei-  
ser / König / Fürsten vnd Herrn nicht  
auch diese Christliche demut/ davon hie  
der HERR redet/ im herzen haben.  
Machen also mit irer auslegung/ fleisch-  
lichen/ weltlichen pracht vnd hoffart/  
Setzen sie die demut im herzen/ sie wils  
dens wol mit der that beweisen / Denn  
Christus redet hie nicht allein von eu-  
sserlicher demut / denn die innerliche  
treibet die eussertliche / Ist sie nicht im  
herzen/ so wird sie schwerlich heraussen  
am leibe sein.

Darumb wil das Euangelium all-  
zumal/ wie / vnd wer sie sind / herunter  
haben / das sich keiner erheben sol / er  
werde denn durch ordentliche gewalt  
gedrungen vnd empor gesetzt. Das wil  
der HERR auch mit diesem gleich-  
nis / welches er zu allen saget/ vnd als  
le sollens thun / sie seien hoch oder ni-  
drig. Darumb straffet er auch die Phari-  
seer vnd grossen Hansen/ die da wolten  
oben an sitzen / strebeten darnach / vnd  
erweleten allzeit die obersten stete. Denn  
aber sollen sie es annemen / wenn sie mit  
ordenlicher gewalt dazu erwelet / vnd  
gleich als mit den haren hinauff gezo-  
gen werden.

Aber jzt faren sie zu / vnd mengen  
das geistliche Regiment in das Weltlich

che/ vnd meinen/ es sey gnug / wenn sie  
im herzen demütig sind / als denn müs-  
gen sie wol oben an sitzen. Ja lieber / die  
demut des herzes mus fließen ins werck  
vnd sich also erzeigen / sonst ist die de-  
mut falsch. Darumb so sol ein jglicher  
vnten an sitzen / sich dem andern vnter  
die füsse werffen / vnd nicht hinauff ko-  
men / er werde denn dazu gedrungen/  
Thut ers / wol im / thut ers nicht / so  
wird er darüber zu schanden werden.  
Das wil der HERR / da er das gleich-  
nis beschlenffe/ Vnd spricht.

Denn wer sich selbst erhöhet/  
der sol ernidriget werden/ Vnd wer  
sich selbst ernidriget / der sol erhö-  
het werden.

Sancet Augustinus hat hie eine glose  
gemacht / ich wolt/ er hette es vnter  
wegen gelassen/ denn sie stincket nach  
Adams fass. Als da er sagt / Ein Kes-  
gent sol sich nicht zu gros demütigen/  
auff das nicht das ansehen der Oberkeit  
geschwecht werde. Heidnisch vnd welt-  
lich istes geredt / nicht Christlich / man  
mag es aber einem solchen Man wol ver-  
zeihen/ Es ist auch in den Heiligen nicht  
alles vollkommen.

So ist in das die Summa des Euang-  
gelij / Liebe vnd not meistern alle Ges-  
etz / Vnd kein Gesetz sol sein/ es sol nach  
der Liebe gebeuget vnd gelencket wer-  
den / Wo nicht / so sol es aus sein / vnd  
wenn es gleich ein Engel vom Himmel  
gemacht hette / Welches alles dazu dies  
net/ das unsere herzen vnd gewissen da-  
durch gestercket werden. Darnach leret  
vns der HERR selbst/ wie wir vns  
demütigen sollen/ vnd vns den  
andern vnterwerffen. Aber  
von dieser tugent/ was  
rechte Demut sey/ ha-  
ben wir in vorigen  
Postille gnug  
gesagt.

S f 4

Ans



# Am XVII. Sonntag nach

Trinitatis / Epistel 1. Corinth.



**I**ch dancke meinem Gott allezeit ewert halben / fur die gnade Gottes / die euch gegeben ist in Christo

Ihesu / Das jr seid durch in allen stücken reich gemacht / an aller Lere / vnd in aller Erkenntnis / Wie denn die Predigt von Christo in euch krefftig worden ist / Also / das jr keinen mangel habt an irgent einer Gaben / vnd wartet nur auff die offenbarung vnsers **HERREN** Ihesu Christi. Welcher auch wird euch feste behalten bis ans ende / das jr vnstrefflich seid auff den tag vnsers **HERREN** Ihesu Christi. Denn Gott ist trew / durch welchen jr beruffen seid zur gemeinschafft seines SONS Iesu Christi vnsers **HERREN**.

Vrsach diese Epistel zu schreiben.



**D**ies ist der anfang der Epistel an die Corinthen / welche S. Paulus daher ist verursacht zu schreiben / weil es nach seinem abschied nicht so gar köstlich stund / da etliche schon

hatten Secten angerichtet / vnd alles wüß in einander geworffen / beide in der Lere vnd mit dem leben / das er solche laster vnd gebrechen straffet vnd besserte / Dazu sie denn noch heutiges tages not vnd nützlich ist zu lesen vnd zu treiben / weil auch der Teuffel nimer feiret / wo das Euangelium rein gepredigt wird / sich vnter Gottes kinder zu mengen / vnd seinen Samen auch zu seuen.

Nu wil es S. Paulus etwas hart machen / vnd sie wol zwagen mit scharffer laugen / Er fehet aber sauberlich an / zeu-

get inen / was sie durch das Euangelium empfangen habe / sie damit zu erinnern / das sie sollen Gotte dafür danckbar sein / vnd im zu ehren vnd lob eintrechtiglich leren vnd leben / vnd sich hüten fur Secten vnd anderm ergernis. Darumb fehet er also an.

Verma-  
nung zur  
danckbar-  
keit des  
Euangelij.

Ich dancke meinem Gott allezeit ewert halben / fur die gnade Gottes / die euch gegeben ist in Christo Ihesu etc.

**A**ls wolt er sagen / Lieben Brüder / dencket doch / was euch für grosse gnade vnd Gaben von Gott gegeben sind / nicht von wegen des Gesetzes / oder ewer gerechtigkeit / verdienst vnd werck / damit jr ja keine vrsach habe / euch selbs zu rühmen / einer fur den andern / oder Secten vnd trennung zu machen / Sondern allein in Christo / vnd vmb seinen willen solchs alles euch geschenckt ist / durch die Predigt des Euangelij / Das ist solche gnade / welche euch mit bringet vnd gibt allerley Gaben / das jr auch seid reich worden in allen stücken / so gar / das euch nichts mangle an allem was jr bedürffet / von Gott euch zu geben / allein / das jr noch zu warten habe des seligen tages / wenn sich Christus selbs mit allen himlischen güttern / so jr jet im Glauben habe / sichtbarlich euch wird offenbaren etc.

Vmb Christus willen erlanget man alle gnade vnd Gaben.

Hiermit preiset er inen die Predigt des Euangelij (wie er sonst an vielen orten thut) das sie die selbige ja thew vnd werd achten / Vnd thut das durch seinen eignen Exempel / das er selbs fur seine Person irer halben Gott dancket / sie desto mehr zur danckbarkeit zu reizen / das sie doch zu rück sollen dencken / was sie zu vor gewesen / vnd nu durch das Euangelium empfangen haben / Vnd sich hüten / das sie nicht aus vergessen irer vorigen jämers / vnd jet empfangener gnade / wider von derselben in vorige blindheit fallen / Wie es bereit durch ihre Kotten vnter inen anfieng / die des Euangelij vberdrossen / vnd der grossen gnade nicht mehr achten / oder etwas anders suchen vnd welen.

Sie sehe / ist das dem hohen Apostel vnd

vnd höchsten Lerer vnter den Heiden zu seiner zeit widerfaren/das er hat müssen in seine in eigen Kirchspiel sehen vnd hören/die Kotten vnd Secten/so ans sich erheit vnd vndanckbarkeit des Euange-  
lij sich erregt bey seinem leben/Was ist's wunder/ob ist dergleichen geschiet / da nicht solche treffliche Prediger vnd so starcke Christen sind/als dort gewesen.

Wir sehen was fur grosse gaben auch vns gegeben sind / Aber daneben sehen vnd sülen wir auch/was der Teuffel für rotterey vnd ergernis anrichtet/Welch-  
es ist auch vnser vndanckbarkeit schuld / das wir so bald vergessen haben aller scheden / so wir gelidten / vnter der vorigen blindheit des Bapstums/ wie jemerlich wir versüret/vnd dazu geplagt sind worden/Wie denn geschehen mus/wo man solchs wil aus der acht lassen / oder in wind schlagen / so kan da nicht folgen danckbarkeit vnd ehre gegen Gottes wort/Denn solche satzame/ vergessene Christen gehen hin vnd dencken/ es sey allzeit also gestanden / vnd werde jmer also stehen/ als ist.

Darumb mus man die Leute auffwecken vnd erinnern/das sie dencken / was sie zuvor nicht gehabt / ja in was jamer sie gesteckt sind/ welches S. Paulus hernach auch seine Corinthern deutlich vnd klar farbildet (wie wir droben in etliche stücken dieser Epistel gehört haben) Aber hie im anfang / mit höflichen/ freundlichen worten zu verstehen gibt/ das sie an dem/ so sie ist durchs Euangelium erlanget/betrachten sollen/wes sie zuvor gemangelt haben / vnd noch wider möchten beraubt werden.

Darumb spricht er / Ir habt nu die gnade empfangen/das jr in allen sünden reich worden (der jr zuvor kei-  
nes gehabt/vnd noch nicht hettet / wo euch nicht das Euangelium gepredigt) nemlich in allem/was da gehört zu jesnem leben. Denn das Euangelium ist nicht darumb da / das es reiche Leute mache hie auff Erden. Das jr nu keinen mangel habt einiger gaben / vnd nichts mehr bedürffet/denn das einige/das er der HERR selbs/kome.

Das ist's/das jr noch haben sollet/ Vnd in wartung der zukunfft deselben also hie lebet der gnaden vnd gaben/dar an jr aller dinge reich worden seid / bis jr endlich erlöset werdet von diesem sünd-

lichem bösem leben der Welt / vnd aller seiner plage. Das solt jr wissen/vnd das fur Gott dancken / das jr nicht dürffet nach andern/bessern oder höhern gaben oder beruff trachten/als hettet jr noch nicht alles was jr haben soltet/ wie euch die Kotten fürgeben.

Denn rechne du selbs/was man könne bessers haben oder begerē/denn ein Christen in seinem Euangelio vnd Glauben hat/dadurch er gewis ist/ das im in der Tauffe die sünde vergeben/vnd rein gewaschen ist/ fur Gott gerecht vnd heilig gesprochen/vnd also schon Gottes Kind vnd Erbe des ewigen Lebens/Darnach/ob er noch schwachheit vnd sünde hat vnd sület (ja ob er auch vberleitet vnd gefallen were) so kan er sich lassen wider auffrichten/absolvieren/trösten/stercken / von seinem Uebesten / durch Gottes wort / vnd dienst der Sacrament / hat teglich die Predigt / wie er glauben vnd leben sol / in allerley sünden. Item/er kan in nöten anrufen vnd beten/vnd hat die gewisse zusage/das im Gott erhören vnd helfen wil.

Was wil aber ein Mensch mehr begeren/oder was bedarff er auch mehr/denn so er weis/das er Gottes Kind ist/durch die Tauffe/vnd Gottes wort bey im hat/zu trost vnd stercke wider schwachheit vnd sünde? Meinstu/es sey ein geringer reichthum vnd schatz/ solchs wissen vnd haben/ das Gott selbs mit dir rede/vnd durch das eusserlich Ampt in dir wircket / leret / vermanet / tröstet / auffhilffet / ja sieg vnd vberwindung gebet/wider des Teuffels/Tods/ vnd alle gewalt auff Erden.

Was herten wir zuvor gerne darumb gethan vnd gegeben/das wir der etnes herten mögen haben/ in nöten vnd anfechtungen des gewissens? Wol sagt te man/Wo einer trawrig were/oder eine anligende not hette/ der solte rat suchen bey einem vernünftigen/ verstendigen Manne/vnd was im derselbe riete/ dem solt er folgen/Aber da war solcher verstendiger Man nirgend zu finden/ der da hiez zu etwas sagen oder raten kunde. Denn hie thut nicht eines vernünftigen Menschen rat/sondern allein Gottes Wort / des du dich kanst trösten/ vnd solt dich darauff verlassen vnd trawen/als so dir Gott selbs sich von Himmel offenbaret.

Trost der Tauffe / des Worts / vnd des Gebets.

Die Schwachen zu trösten nichts dem Gottes Wort.

Vndanckbarkeit machet das wir nach des Bapsts geschwel so viel Rotterey haben.

Der vorigen blindheit des Bapstums nicht zu vergessen etc.

Euangelium gibt vns alle gnade vnd gaben zum ewigen Leben.

## Auslegung der Epistel

Gottes wort haben ist der größte reichthum.

Vorige blindheit vñ jamer vnter dem Papstum.

Das ist (sagt hie S. Paulus) der größte reichthum vnd theurer schatz / Gottes wort gewis haben / vnd nicht daran zweifeln / es sey Gottes Wort / Das thut / Das kan ein hertz trösten vnd erhalten. Solchs haben wir zu vor ja keines gehabt vnter des Papsts zwang vnd finsternis. Da liessen wir vns führen vnd treiben mit vergeblichen Menschen hand seiner gebet / Bullen vnd lügen / Heiligen anruffen / Abblas / Messen / Möncherey / Vnd theten alles / was vns nur vnter der Kirchen namen furgegeben ward / allein darumb / das es solte trost vnd hilffe geben / das wir nicht verzweifeln an Gottes gnade / Aber dafür / das sie vns solten trösten / fürten sie vns zum Teuffel / vnd steckten vns nur mehr in angst vnd schrecken / Denn es war doch nichts / das vns Kunde gewis machen / wie sie auch selbs mussten von irer eigen lere bekennen / das ein Mensch nicht Kunde noch solte gewis sein / ob er in gnaden Gottes were.

Ja / sie treiben die armen blöden / angefochten hertzen dahin / das sie sich fur Christo mehr fürchten vnd zitteren / denn fur dem Teuffel selbs / wie ich das fur meine zusucht zu den todte / S. Barbara / Anna / vnd andere todte Heiligen gestellet / als mittler gegen Christi zorn / Vnd doch damit nichts schaffete / noch von dem fürcht samen flüchtigem gewisfen Kund erlöset werden.

Da war keiner vnter vns allen / die wir die hochgelerten Doctor der Heilige Schrift gerühmet waren / der da hette aus Gottes wort einen rechten trost können geben / vnd sagen / Das ist Gottes wort / Das wil Gott von dir haben / das du im die ehre thust / vnd lasset dich trösten / glaubest vnd wissest / das er dir deine sünde vergibt / vnd wil nicht mit dir zürnen / Vnd so jemand gewesen were / da ich solches hette können hören / da hette ich darumb gegeben / alles was ich habe / Ja / solch wort hette ich genomen / vnd dafür allen Königen ire ehre vnd Kronen gelassen / Denn es hette mein hertz / ja mein leib vnd leben / erfrischet vnd erhalten.

Das solt man doch gedencen / vnd nicht vergessen / das man Gott dafür danckete / Vnd daher zelen vnd rechnen / was man mehr zelen kan / der trefflichen

grossen güter / so wir in allen stücken reich worden sind / Denn vber das Wort Gebet vnd haben wir auch das Gebet vnd Vater anruffen ein vnser / da wir wissen / was vnd wie man beten sol / welches jzund / Gott sey lob / schier ein jgliche Kind weis / Da wir zu vor alle / sonderlich wir Mönche / vns mit vielem langem lesen vnd singen zum martert / vnd doch nichts gebetet / denn wie die Nonnen den Psalter / oder die Gense das Haberstroh hinweg schnattern.

Ich habe auch wollen ein heiliger fromer Mönch sein / vnd mit grosser anrichtig vnd dacht mich zur Messe vnd zum Gebet beverloren gereitet / Aber wenn ich am andechtigsten war / so gieng ich ein zweifeler zum Altar / ein zweifeler gieng ich wider davon / hatte ich meine Busse gesprochen / so zweifelt ich doch / hatte ich sie nicht gebetet / so verzweifelt ich abermal.

Denn wir war schlech in dem wahn / wir künden nicht beten / vnd würden nicht erhört / wir weren denn ganz rein vnd on sünde wie die Heiligen im Himmel / Das es viel besser were / das Gebet gar nachlassen / vnd etwas anders thun / denn also vergeblich mit Gottes Namen handeln. Noch haben wir Mönche (ja alles / was Geistlich geheissen hat) die Leute also bethöret / vnd inen vnser gebet verheissen / vnd vmb ir gelt vnd gut verkauft / das wir selbs nicht gewisst ob es recht gebetet oder Gott angeneme were. Dafür wir ir / Gott sey lob / wissen vnd verstehen / nicht allein / was / vnd wie wir beten vnd anruffen sollen / das wir nicht zweifeln / sondern ein stark Amen dazu setzen / vnd schliessen / das er vns nach seiner zusagung gewislich erhört.

Das ist je auch ein vnaussprechlicher schatz einem Christen / das er erstlich Gottes wort / Welchs ist das Wort der ewigen gnaden vnd trosts / Tauffe / Sacrament / Verstand der Zehen gebot vnd des Glaubens / alles gewis hat / Da zu auch die gewisse zusucht vnd versicherung / das er vns in nöten / so wir in anruffen / erhören wil / Vnd also beide im gegeben / wie Gott im Propheten Zacharia verheisset / den Geist der gnaden vnd des Gebets.

Darüber hat er auch den verstand / das er gewis kan vrteilen / was rechte gute Werck vnd stende sind / die Gott gefala

Urtel von  
rechten gu-  
ten/vnd fal-  
schen werck  
oder Gottes  
dienst.

Gefallen. Item dagegen auch die andern  
vnnütze/nichtige werck vnd falsche Got-  
tesdienst kan richten vnd verdamnen/  
Welches wir zuvor auch keines gehabt/  
da wir gar nicht wussten/weder was wir  
glaubten / beteten oder lebten / Allein  
vnsere eigen ertichten thand / in vnsere ge-  
machten busse/beicht vnd gnugthuung/  
durch eigen werck der Möncherey vnd  
gehorsam des Pappstes gebot / vnsere heil  
vnd trost gesucht/vnd gemeinet / es we-  
re damit ausgerichtet / vnd hielten das  
allein für heilige werck vnd leben/Das  
gegen der gemeinen Christen / welt-  
liche fehrliche Stende weren.

Der mōnche  
Schiff.

Wie man auch öffentlich den Leu-  
ten furgemalet (vnd der Pappst solches  
bestetigt hat) ein gros Schiff / im wil-  
den weiten Meer/ darinne nichts denn  
eitel heilige Mönche waren / neben den  
vberheiligen Pappsten / Cardinelen/Bi-  
schouen etc. welche den andern / so im  
wasser schwommen vnd not lidden / ire  
verdienst zuworffen / oder die hand rei-  
cheten / ire stricke oder stollen vmb den  
leib bunden/ vnd also eraus zu sich ins  
Schiff zogen etc.

Hie gegen sihe vnd rechne / ob das  
nicht ein grosser reichehum / vnd werd  
ist hoch vnd herrlich zu halten / das du  
nu wissest / wes sich dein hertz trösten  
sol/vnd in nöten hilffe sūchen / vnd wie  
du in deinem stande leben sollest / vnd da  
mit also allenthalben versorget / Ob du  
es nicht gnug durch dich selbs allezeit  
kannst fassen / das du dennoch inmerdar  
kannst dazu kōmen/vnd dich dazu halten  
durch den gemeinen dienst vnd Ampt  
der Kirchen / vnd bey deinem nehesten  
Christen. Item/das du in den gemeinen  
wercken der stende / so Gott geordnet/  
recht lebest/Vnd wissest / das du daran  
besser thust vnd Gott gefelliger / denn/  
so du aller Mōnche vnd Einsidler werck  
vnd verdienst inen abteuffest.

Reich sein in  
Lere vnd  
Erkenntnis.

Das heisse S. Paulus reich sein / erst-  
lich/an aller lere oder weisheit/wel-  
ches ist der hohe geistliche verstand des  
Worts/ so das ewige Leben belanget/  
das ist den trost des glaubens in Chris-  
to / Item / des anruffens vnd betens.  
Vnd in aller Erkenntnis/das ist/rechter  
verstand vnd vnterscheid des gangen  
eufferlichen leiblichen lebens vnd wes-  
sens auff Erden.

Denn in diesen zweien stücken ist be-  
griffen/alles / was ein Christen wissen  
vnd haben sol. Das sind so grosse sches-  
te vnd güter / die niemant aussprechen  
kan / Vnd wer sie gegen dem mangel  
oder schaden/so wir zuvor gehabt / kan  
ansetzen vnd achten / der kans nicht las-  
sen / es mus des frölich vnd danckbar  
sein. Ich dencke selbs der zeit / da ich mit  
allem vleis in der heiligen Schrifft stu-  
dirt / was ich gerne darumb gegeben  
hette / das mir jemand einen Psalmen  
rechte ausgelegt hette / vnd wenn ich et-  
wo einen Vers begunde zu verstehen/  
meinete / ich were new geboren.

Darumb sollen wir billich jzt Got-  
te zum höchsten dancken / für die gros-  
se gnade vnd gaben/das wir widerumb  
das Liecht haben / beide / des rechten  
verstands der Schrifft / vnd des erkent-  
nis in allen sachen / Aber es gehet auch/  
vnd wird leider also gehen/eben wie bey  
den Corinthern/welche hattens von S.  
Paulo vber die mass reichlich / aber das  
gegen redlich misbrauchten / vnd schend-  
lich vndanckbar worden / Darumb sie  
auch hernach gestrafft sind / erstlich/  
durch falsche lere vnd verfürung / bis  
endlich die schöne Kirche mit Land vnd  
Leuten gar verwüstet vnd zerstört wor-  
den.

Der gleichen straffe wird viel mehr  
vns gedrawet / vnd schon für der ehär  
ist vnd anklöpffet / auff's aller schreck-  
lichst / durch Türcken / vnd ander ja-  
mer vnd plage / Das wir auch wol mö-  
gen mit danckbaren herten vnd rech-  
tem ernst beten / wie hie S. Paulus für  
seine Corinthen dancket vnd betet / das  
vns Gott wolle bey dem / das er vns ge-  
geben / fest behalten / vnd vnstrefflich/  
auff den tag vnsers J E X X V I Ihesu  
Christi etc.

Darumb vermanet er / das wir in  
solchem erkentnis vnd danckbar-  
keit der gnaden vnd gaben Gottes blei-  
ben / Vnd weil wir damit so reich vnd  
geseligt sind / das wir nichts weiter be-  
dürffen / das wir nur hinfort des ge-  
warten/das der J E X X vns solchs / so  
vns verheissen / vnd schon im Glauben  
geschenckt ist / offenbarlich für augen  
darstelle / durch seine zukunfft. Man hat  
bisher viel geschriben / vnd grosse kunst  
furgegeben / wie man sich solle zum to

Verma-  
nung zu be-  
halten in  
der empfan-  
gen gnaden.

## Auslegung der Epistel

Warten der  
zukunfft  
Christi oder  
bereit sein  
zum tode.

de bereiten / vnd des Jüngsten tags ge-  
warten / Aber damit die blöden gewis-  
sen viel betrübter gemacht / Denn sie ha-  
ben nichts können zeigen von dem trost  
des grossen reichthums / der gnade vnd  
seligkeit in Christo / sondern die Leute  
nur gewiesen durch eigen werck vnd gu-  
tes leben / wider den Tod vnd Gottes ge-  
richte zu stehen.

Dafür ist auch gesehen wird die then-  
re gnade / das / wer das Wort des Euan-  
gelij hat / gehet hin / vnd thut sein befoh-  
len Ampt vnd werck / er sey wes standes  
er wolle / tröstet sich des / das er durch die  
Taufte Christo eingeleibet / empfehet die  
Absolutio / vnd zu sterckung seines glan-  
bens brauchet des Sacramentes / Christo  
befihlet sein leib vnd seele / Was wil sich  
solcher Mensch fürchten für dem tode?  
Er kome welche stunde er wolle / durch  
Pestilentz oder ander plöbliche vnfall /  
schlaffend oder wachend / so ist er allzeit  
bereit vnd wol geschickt / denn er wird  
allzeit in Christo erfunden.

Dafür mag auch ein Christen wol frö-  
lich Gott danken vnd loben / Denn er  
selbs sihet / das er ja nichts mehr bedarff  
vnd wird nichts bessers erlangen / weder  
er albereit hat / durch vergebung der sün-  
den / vnd des Heiligen Geistes gabe / vnd  
gehorsam seines beruffs / On das er teg-  
lich zuneme / vnd beharre in solchem  
glaubē vnd anruffen seines **HERN** /  
Aber kein besser noch ander Lere / Glaus-  
ben / Geist / Gebet / Sacrament / seligkeit  
etc. Kan er haben / weder alle Heiligen /  
S. Johannes der Teuffer / Petrus / Pau-  
lus / vnd ein jeder jzt getauffter Christen  
hat / Darumb darff ich nicht mit andern  
narrenwerck vmbgehen / damit man wil  
die leute bereit vnd keck machē zum tod /  
mit erinnerung vnd erzehlung so viel  
tegluchs vnfalls / vbels vnd fahr dieses le-  
bens. Es thut nicht / der Tod lesst sich  
damit nicht abschrecken / vnd gehet die  
fruchte davon nicht weg.

Aber das Euangelium leret also /  
Gleube an Christum / Vnd darneben be-  
te / vnd lebe nach Gottes wort / Vnd so  
dich in dem der Tod angreiffet vnd vber-  
eilet / so weistu / das du bist des **HERN**  
**CHRISTI** / Wie S. Paulus Rom. 14.  
sagt / Wir leben oder sterben / so sind wir  
des **HERN**. Denn wir je darumb  
Christen sind / vnd auff Erden leben /  
das wir wider Sünde / Tod vnd Helle /

gewissen trost / rettung vnd sieg haben  
können.

Solches erinnert hie S. Paulus /  
vnd streichets hernach reichlich aus in  
dieser Epistel / auff das wir für solche  
grosse gnade danckbar seien / vnd vnter-  
einander Christlich vnd brüderlich vns  
halten in der Lere vnd leben / Des wils  
sten vnd vnordigen wesens / so die Ro-  
tischen oder andere wilde Köpffe anrich-  
ten / abgehen vnd meiden / Denn wer sol-  
che gnade vnd gabe recht erkennet / der  
mus auch widerumb Gott lieb haben /  
vnd danken / vnd auch gegen dem Nes-  
hesten recht leben / Vnd so im daran et-  
was mangelt / wird er es auch durch  
Gottes Wort vnd vermanung endern  
vnd bessern / Widerumb / wer nicht also  
gesinnet ist / der hat gewislich Gottes  
gnade nicht erkennet noch gefasset /  
sonst würde er sich ja auch derselben bes-  
sern vnd anders leben.

**H**Je möchtestu fragen / Warumb S.  
Paulus so herrlich rühmet von den  
Corinthern / wie sie so reich seien in allen  
stücken / das sie nicht eintigen mangel ha-  
ben etc. So er doch hernach selbs bekent  
net / das sie vnter jnen Rotten vnd Se-  
cten gehabt / etliche / vber der Taufte /  
etliche im Sacrament / etliche im glau-  
ben der aufferstehung von den toden /  
etliche im misbrauch der freiheit / Item  
das etliche lebten sonst wie sie wolten /  
etc. Heisst das nicht mangel vnd gebre-  
chen haben? Wie darff er denn sagen /  
das sie in allen geistlichen güttern alles  
vberreichlich haben / das es auch nicht  
feilet an einem stück?

Wolan / hie mus man wissen / das  
ich offte gesagt habe / Die Christenheit  
kan nirgend so rein sein / das nicht auch  
etlich falsche vnd böse darunter weren /  
Gleich wie allezeit das vnkraut / er-  
spen / raden / hedderich / wil vnter dem  
reinen Korn sein. Darumb / wer die Kir-  
che wil darnach ansehen / das noch et-  
was gebrechliches oder auch vnreines  
vnter dem hauffen / die da Christen hei-  
ssen / gefunden wird / der wird der Kir-  
chen / ja des Euangelij vnd Christi / fei-  
len / vnd nimer keine Kirche finden noch  
treffen.

Darumb wird vns dieses zum trost  
gesagt / So wir das Euangelium lauter  
haben / so haben wir den Schatz / den  
Gott seiner Kirchē gibt / das vns nichts  
feilen

Christe sind  
schuldig  
danckbar zu  
sein für die  
empfangen  
gnade.

Warumb  
S. Paulus  
die Corin-  
ther reich  
vnd selig  
preiset / so  
doch viel  
Rotten vnt-  
er jnen wa-  
ren.

Die Kirche  
hat alzeit  
etliche fal-  
sche Christen  
vnter jren  
hauffen.

feilen noch mangeln kan/ Aber es gehet noch nicht so stark vnd volkomen/ das die es hören/ gang vnd gar solchs gefasset haben/ oder rein sind im Glauben vnd im lebē/ sondern allzeit etliche sind/ die da nicht glauben/ etliche auch noch schwach vnd vnvolkomen/ Aber doch ist gewislich der schatz vnd reichthum der Lere vnd des erkenntnis da/ vnd mangelt nichts daran/ wircket auch viel krafft vnd frucht. Das aber etliche nicht glauben/ das schadet nicht der Tauffe oder dem Euangelio noch der Kirchen/ sondern jnen selbs.

Summa/ wo das Wort bleibt/ da bleibt gewislich auch die Kirche/ Denn wo die lere rein ist/ da kan man die Tauffe/ Sacrament/ Absolutio/ zehen Gebot/ Vater vnser/ gute werck/ alle stens/ vnd alles/ rein erhalten/ Vnd wo etwas mangelt/ oder nicht rechtschaffen ist/ durchs Wort gestraffet/ gebessert vnd zu recht gebracht werden.

Denn es müssen ja etliche sein/ die das Wort vnd Sacrament recht vnd rein haben vnd glauben/ recht beten/ Gottes gebot haltē etc. wie/ Gott lob/ wir bey vns habē/ Das man kan gewislich schließen/ Wo nicht die rechte Kirche hie were/ so were der keines nicht hie/ Darumb müssen auch vnter vns warhafftige glieder der Kirchen vnd heiligen sein.

Ob nu auch daneben vnterlauffen der welt Kinder (wie allenthalben vnd alle zeit geschiet) die da weder glauben noch christlich leben/ damit wird der glaube noch die Tauffe/ noch die Lere nicht vnrecht/ noch die Kirche darumb vntergeschen/ sondern der schatz bleibt gleichwol da/ gang vnd vngeschwecht/ Vnd Gott kan gnade gebē/ das etliche von irem vnglauben vnd bösem leben absehen/ vnd auch erzu komen/ vnd sich bessern.

Widerumb/ bey welchen dieser schatz/ nemlich/ das Wort oder die Lere vnd erkenntnis nicht ist/ die können auch nicht sein die Christliche Kirche noch derselben glieder/ Darumb können sie auch nicht recht glauben noch betē/ noch gute werck thun/ die Gott gefallen. Vnd also alle jr leben für Gott verlorē vnd verdampt ist/ ob sie gleich viel von Gott vnd der Kirchen rühmen/ vnd für der Welt viel grössern schein vnd thum eines sondern heiligen lebens/ oder grosser tugent vnd ehre haben/ weder auch die rechtschaffen

ne Christen/ Denn es ist beschlossen/ das auff der Kirchen Christi/ kein Gott/ kein gnade noch seligkeit ist/ Wie S. Paulus in der nehesten Epistel gesaget hat/ Ein HERR/ ein Tauffe/ ein Glaube/ ein Gott etc. Item/ Act. 4. Es ist kein ander namen den Menschen gegeben/ darinne wir selig werden.

Darumb sihet hiemit S. Paulus/ so er die Corinthen preiset/ nicht auff die Rotengeister/ Epicurer/ oder die andern/ so öffentlich ergernis vnter jnen anrichten/ als der da seine Stieffmutter genommen hatte/ sondern darauff sihet er/ das dennoch da ist das heufflin/ so da hat das rein Gottes wort/ Glaubē/ Tauffe/ Sacrament ( ob gleich etliche falsche vnd böse vnter jnen sind) vmb derselben willen (wie wenig jr auch sind) ist da der vnaussprechliche reichthum/ davon er gesaget hat/ eben so wol in dreien oder vieren (wenn jr nicht mehr weren) als in hunderten oder tausenten. Denn das es viel nicht haben/ das ist nicht des Euangelij noch der Prediger/ oder der Kirchen schuld/ sondern jr selbs/ die jre ohren vnd hertz dafür zustopffen.

Sihe/ also hat S. Paulus herrlich gerühmet vnd beschrieben die Christliche Kirche/ wo sie ist auff erden/ vnd was sie für vnaussprechliche güter vnd gaben hat von Christo/ Dafür sie jm billich danken vnd loben sol/ beide/ mit irer bekenntnis vnd irem leben. Solchs beschleusset er nu/ vnd spricht.

Denn Gott ist trew/ durch welche jr beruffen seid zur gemeinschafft seines SONS Ihesu Christi vnseres HERRN.

**W**ie Christus in euch angefangen/ vnd bereit gegeben hat/ dabey wird er euch gewislich bis ans ende vnd ewiglich wol erhalten/ so jr nur selbs durch vnglaubē nicht davon woller fallen/ oder von euch werffen/ Denn sein Wort oder Verheissung euch gegeben/ vnd sein werck/ so er in euch wircket/ ist nicht wandelbar/ wie Menschen wort vnd werck/ sondern feste/ gewisse/ vnd göttliche unbewegliche warheit. Weil jr denn solchen göttlichen beruff habt/ solt jr euch des trösten vnd festiglich darauff verlassen.

Am

Wo die lere rein ist/ da ist die Kirche vnd alle güter Christi.

Wo etliche gläubige sind/ da ist Christus mit allen seinen gütern.

Wo das Wort nicht ist/ da kan auch keine Kirche sein.

# Am XVIII. Sonntag nach

Trinitatis / Euangelium /  
Matth. 22.



**D**a aber die  
Phariseer  
höreten / das  
er den Sa-  
duceern das  
maul gesto-  
pffet hatte /  
versamleten  
sie sich. Vnd  
ein / er vnter inen / ein Schriftegeler-  
ter versucht in / vnd sprach / Meister /  
Welches ist das furnemeste Gebot  
im Gesetz / Ihesus aber sprach zu im /  
Du solt lieben Gott deinen H E X  
X N / von gantzem hertzen / von gan-  
zer seelen / von gantzem gemüte / Dis  
ist das furnemeste vnd das gröste  
Gebot. Das ander aber ist dem  
gleich / Du solt deinen Nehesten lie-

ben als dich selbst. In diesen zweien  
Geboten hanget das gantze Gesetz  
vnd die Propheten.

Danu die Phariseer bey einan-  
der waren / fraget sie Ihesus / vnd  
sprach / Wie düncket euch vmb Chri-  
sto / Wes Son ist er / Sie sprachen /  
Dauids. Er sprach zu inen / Wie  
nennet in denn Dauid im Geist ei-  
nen H E X X N / da er sagt / Der  
H E X X hat gesagt zu meinem  
H Erren / Setze dich zu meiner Rech-  
ten / bis das ich lege deine feinde zum  
schemel deiner füsse. So nu Dauid  
in einen H E X X N nennet / wie ist  
er denn sein Son / Vnd niemand  
kunt in ein wort antworten. Vnd  
thurste auch niemand von dem tage  
an hinfurt in fragen.

Zwo Predigt in der Kirche stets zu treiben.



**D**ies Euangelium/dar-  
inne Christus den Phari-  
seern antwortet auff ire  
frage / welches das größte  
gebot sey im Gesetz / vnd  
in widerumb eine frage  
surlegt / was man doch solle halten von  
Christo/wes Son er sey etc. Helt vns fur  
das / so wir jmerdar hören sollen / das in  
der Christenheit müssen erhalten wer-  
den diese zwo Predigt. Zum ersten/die le-  
re vom Gesetz oder Zehen geboten. Zum  
andern / von der gnade Christi.

Denn welche der beiden eine vnter-  
gehet / die nimet auch die ander mit sich /  
Vnd widerumb / wo die eine bleibt vnd  
recht getrieben wird / bringet sie die an-  
der auch mit sich / Vnd Gott hat es also  
geordnet / das diese zwo Predigt in der  
Christenheit jmerdar gehen müssen / ja  
auch von anfang der welt jmer mit vnd  
neben ander gangen sind / Auch vn-  
serm ersten vater Adam / da er noch im  
Paradis war / gegeben sind / vnd dar-  
nach durch Abraham / Mosen vnd die  
Propheten besetigt.

Denn solchs fordert auch die not  
des Menschliche geschlechts / das durch  
Adam gefallen ist dem Teufel in seine ge-  
walt / das wir in sünden leben vnd schwe-  
ben / vnd des ewigen tods schuldig sind /  
Diese sünde vnd schaden hat Adam gefü-  
let vnd geklagt / Aber hernach ist es bald  
verblichen vnd veracht / das es die Zei-  
den fur keine sünde geachtet / haben / ob  
sie wol böse lust vnd begird an irem leib  
fületen / Sondern haben gewehnet / es  
were des Menschen art vnd natur. Doch  
haben sie gelernt / man solle solchen lü-  
sten vnd begirden wehren / vnd der na-  
tur nicht gestehen / das sie zu weit fare /  
Aber solche Natur an jr selbst / haben sie  
nicht verdampt.

Darumb hat nu Gott die eine Les-  
re gegeben / die da offenbaret / was der  
Mensch sey / was er gewesen ist / vnd was  
er wider werden sol / Das ist die Lere des  
Gesetzes / so Christus hie anzeucht / Du  
solt Gott lieben von ganzem hertzen /  
etc. Als solt er sagen / Also bistu gewest /  
vnd also soltu noch sein vnd werden /  
Im Paradis hastu den Schatz gehabt /  
vnd warest also geschaffen / das du kund-  
test Gott von ganzem hertzen lieben /  
Das hastu nu verloren / Tu aber mustu

wider also werden / sonst wirstu in Got-  
tes Reich nicht komen. Also spricht er  
dürre vnd klar an andern orten / Wiltu  
zum Leben eingehen / so halt die Gebot.  
Item / Thu das / so wirstu leben etc. Das  
mus kurzumb gehalten sein / Vnd das  
man dauon viel disputieren wolt / als  
möchte man on das (das da heisse / Gott  
lieben von ganzem hertzen / vnd den Ne-  
hesten als dich selbst) selig werden / da  
wird nichts aus / Es mus erfüllet wer-  
den / so rein vnd vollkommen / als die En-  
gel im Himmel erfüllen.

Darumb ist vnrucht vnd nicht zu  
leiden / so man wolt also predigen ( wie  
etliche vorzeiten gethan habē / vnd auch  
noch etliche tolle Geister thun ) Ob du  
schon nicht die Gebot heltest / Gott vnd  
den Nehesten liebest / ja / ob du gleich ein  
Ehebrecher bist / das schadet nicht / sol-  
du allein glaubest / so wirstu selig. Klein  
lieber Man / da wird nichts aus / Du  
wirft das Himmelreich nicht besitzen / es  
mus dazu komen / das du die Gebot hal-  
test / vnd in der Liebe siehest gegen Gott  
vnd den Nehesten.

Denn da siehets kurz beschloffen /  
Wiltu zum Leben eingehen / so hal-  
die Gebot. Item / zum Galatern an  
fünfften / Offenbar sind die wercke des  
Fleisches / von welchen ich euch zuvor ge-  
sagt habe / vnd sage es noch / das / wer  
solches thut / der wird das Reich Got-  
tes nicht ererben etc. Vnd Christus wil  
solche Lere bey den Christen erhalten ha-  
ben / das sie wissen / was sie gewesen  
sind / was sie noch schuldig sind / vnd  
was sie wider werden sollen / das sie  
nicht in dem schlam bleiben / darin sie  
jzt sind / Denn wo sie darin blieben / mü-  
sten sie verloren sein.

Also spricht er dürre eraus / Mat-  
thei 5. Ir solt nicht wehnen / das ich  
komen sey / das Gesetz auffzulösen / Ich  
bin nicht komen auffzulösen / sondern  
zu erfüllen / Ja / ich sage euch warlich /  
es mus also gelernt vnd gehalten wer-  
den / das nicht der kleinest buchstabe /  
noch ein titel vom Gesetz vergehe / bis  
das es alles geschehe. Item / weiter /  
spricht er / Matth. 23. Ich sage euch /  
das die Menschen müssen rechen schaffe  
geben am Jüngsten gericht / von einem  
iglichem vnnützen Wort / das sie geredt  
haben.

Vnd S. Paulus zum Römern am  
achten /

Matth. 19.  
Luc. 10

Falsche lere  
der Antino-  
mer / das  
man möge  
das Gesetz  
nicht halten  
vnd doch se-  
lig werden.

b. s. pauli hac  
ipra doica.

Glaube  
wird eben  
darumb ges-  
leret / damit  
das Gesetz  
mögen gehal-  
ten werden.

Vesach vnd  
not darumb  
die lere des  
Gesetzes zu  
treiben.

Zehen gebot  
zeigen / was  
wir gewesen  
sind / vnd wi-  
der werden  
sollen.



## Auslegung des Euangelij

achten / Gott hat seinen Son gesand ins Fleisch / auff das die Gerechtigkeit vom Gesetz erfordert / in vns erfülde werde. Vnd zum Komern am dritten / Wie leben wir denn das Gesetz auff / so wir leren / das man durch den Glauben / vnd nicht durch die werck gerecht werden? Das sey ferne / Sondern wir richten das Gesetz auff / Das ist / Eben darumb leren wir den Glauben / damit das Geseze möge erfüllet werden.

Denn das ist wol ein gute lere / die da leret / was wir sein sollen / Aber das sie auch ins werck gebracht werde / vnd nicht vergeblich geprediget bleibe / so mus dazu Komern die andere Lere / wie vnd wo durch wir wider dazu Komern mögen. Denn wenn wir hören / was wir im Paradis verloren haben / Da Adam vor dem fall lebete in voller liebe gegen Gott / vnd reiner liebe gegen dem Nehesten / vnd vollkommenem gehorsam / on böse lust / Vnd wo er also blieben were / so weren wir auch noch also / Tu aber / weil er durch die Sünde gefallen ist von diesem Gebot / so ligen wir auch in demselben jamer / voller sünde vnd vngheorsam / vnter Gottes zorn vnd fluch / vnd fallen von einer sünd in die ander / Vnd stehet gesetz jmerdar / helt vns schuldig / treibt vnd fordert / das wir sollen from vnd Gott gehorsam sein.

**W**ie sol man denn hie thun? So das Gesetz jmer fordert vnd treibt / vnd wirs doch nicht können? Denn hie schleusst mein eigen gewissen jmer wider mich / Weil ich sol Gott lieben von ganzem hertzen / vnd meinen Nehesten als mich selbs / vnd ichs doch nicht thue / So mus ich verdampft sein / Vnd Gott sagt ja dazu / vnd bestetiget solchs. Wer wil mir hie raten? Ich weis dir nicht zu raten / spricht das Gesetz / Sondern wil vnd foddert schlecht / das du gehorsam seiest.

Predigt von Christo.

Hie Komern nu die Propheten / vnd verkündigen von Christo / vnd sagen / Es wird einer Komern / der dem vnglück wird raten / das der Mensch widerkomme zu dem / das er verloren hat / vnd in den stand / dauon er gefallen ist / welches jm das Gesetz anzeiget. Das ist die ander Predigt / die da auch gehen sol vnd mus / bis an den Jüngsten tag / nemlich / von der hülffe von Sünden / Tod vnd Teuffel / vnd auffrichtung vnsers leibes

vnd seel / das wir wider in den stand Komern / der da ist / von hertzen Gott lieben vnd den Nehesten / Das sol dort in jenem leben ganz vnd vollkommen werden / aber hie in diesem leben anfaben.

Denn in jenem leben wird nicht mehr der Glaube sein / sondern vollkommene Liebe / vnd alles was das Gesetz fodert / werden wir thun von ganzem hertzen / Darumb mus man jtz auch solches predigen / was wir werden vnd bleiben sollen / Nemlich / das wir von ganzem hertzen lieben sollen / Gott vnd den Nehesten / Solchswil ich anrichten (spricht Christus) vnd erfüllen / nicht allein für meine person / sondern euch auch dazu helfen / das irs alhie anfahet / vnd jmer darin fort faret / bis jr dorthin Komet / da irs auch werdet ganz vollkommen erfüllen.

Das gehet nu also zu / Weil wir das Gesetz nicht kundren halten / vnd der nat<sup>Christi</sup>ur vnmöglich war / so ist Christus Komung vns getretten / vnd bittet für vns / Lieber Vater / sey jnen gnedig / vnd vergib jnen ire sünde / Ich wil ire sünde auff mich nemen vnd tragen / Ich habe dich lieb von ganzem hertzen / vnd dazu das ganz menschlich geschlecht / welche ich damit beweise / das ich für sie mein blut vergiesse / Also habe ich das Gesetz erfüllet / vnd solchs jnen zu gut gethan / das sie meiner erfüllung genieffen / vnd dadurch zu gnaden Komern.

Also wird vns erstlich durch Christum geschendet / das wir das Gesetz nicht erfüllen / vnd die sünde ganz vnd gar vergeben / Aber doch nicht also oder dazu geschendet / das wir forthin nicht solten das Gesetz halten / vnd jmer fortfaren zu sündigen / oder das man solt also leren / Wenn du den Glauben hast / so darffstu nicht mehr Gott vnd den Nehesten lieben / Sondern das das Gesetz nu erst möge angefangen vnd angehalten werden / welches ist der ewige / vnverrückliche / vnwandelbarer wille Gottes / Dazu ist vns von nöten / von der Gnade zu predigen / das man rat vnd hülffe finde / wie man zu solchem Come.

Das ist aber die hülffe / das Christus den Vater bittet / das er vns vnser sünde wider sein Gebot vergeben / vnd nicht zu rechnen wolle / was wir noch schuldig sind. Darnach verheisset er auch den heil

den heiligen Geist zu geben / damit das hertz ansahe / Gott zu lieben vnd sein Gebot zu halten / Denn Gott ist nicht darumb den Sündern gnedig vnd barmhertzig / das sie das Gesetz nicht halten / noch / das sie also sollen bleiben / wie sie sind / Sondern schencket vnd vergibt / beide / sünde vnd tod / vmb Christi willen / der das ganze Gesetz erfüllet hat / das er dadurch das hertz also süß mache / vnd durch den heiligen Geist erzünde vnd treibe / das es beginne / in wider zu lieben / von tage zu tage / mehr vnd mehr.

Durch Christi stum Könnē wir das Gesetz halten.

Also sehet in vns an / nicht allein die Gnade / sondern auch die Wahrheit / das ist / rechtschaffen wesen / wie das Gesetz fodert / Wie S. Johannes am ersten sagt / Das Christus sey voller gnade vnd wahrheit / vnd durch in auch in vns : Gnade vnd Wahrheit worden sey (welches Moses noch das Gesetz nicht geben kan) Denn das Gesetz wird nicht also auffgehoben / durch die Gnade / das auch die Wahrheit solt nachbleiben / das man nicht solte Gott lieben etc. Sondern durch in wird vns geschencket / das wir dem Gesetz nicht gnug thun (vnd doch thun solten) in dem Reich der Vergebung oder der Gnade. Aber dazu wird vns auch gegeben der heilige Geist / welcher in vns ein newe flamme vnd feur anzündet / nemlich / liebe vnd lust zu Gottes Geboten / Das sol in dem Gnaden Reich ansahen / vnd jmer fort gehen / bis an den Jüngsten tag / da es nicht mehr wird Gnade noch Vorgebung heißen / Sondern eitel wahrheit / vnd ganz vollkommen gehorsam. In des bleibt es also / das er jmer schencket / vergibt / tregt / vnd durch die finger sihet / bis wir begraben werden.

So wir nu also bleiben im Glauben / das ist / in der schenckung oder vergabung / vnd in dem anfang des heiligen Geistes oder der erfüllung / So sol das feur am Jüngsten tag / dadurch die ganze Welt verbrennen wird / vns also feigen vnd rein machen / das wir nicht mehr bedürffen werden / des schenckens vnd vergabens (als were noch etwas unreines vnd sündlichs an vns / wie jzund ist) Sondern werden aller dinge sein / wie die liebe Sonne leucht / on alle makel vnd gebrechen / voller liebe / wie

Adam erstlich im Paradis gewesen ist.

Also wird es denn recht heißen / Das Gesetz auffgerichtet vnd erfüllet / Denn es wird als denn vns nicht mehr können schuldigen noch beklagen / sondern bezalet vnd gnug gethan heißen / auch durch vns selbs / Das es jzt heißet nicht durch vns erfüllet / vnd doch durch gefreiet vnd selig worden / das wir zu Christo kriechen / vnter seinen mantel vnd flügel / das er fur vns bezalet / bis wir vns vnter die erden legen / vnd darnach wider ans dem grabe kommen / mit schönem hellen leib / der eitel heiligkeit vnd reinigkeit sey / vnd mit reiner seele / die voller Gottes liebe sey.

In jenem leben werden wir alles thun / was das Gesetz von vns fodert.

Da werden wir nicht mehr dürfen / das er vns decke / vnd fur vns bitte / sondern wird alles da sein / ganz vnd vollkommen / was wir haben sollen. Jzt / weil ich an in glaube / sol mir die Sünde geschencket sein / vnd heißen ein Kind der Gnaden / Vnd das dazu / das auch in mir ansahe die Wahrheit / das ist / ein new rechtschaffen wesen / welches sol nicht auff hören / bis ers gar zum ende bringe / Dieweil er komen ist / nicht das Gesetz auff zu lösen / sondern zu erfüllen / nicht allein in / welches er schon lengst gethan hat / sondern in mir vnd allen Christen.

Als sind die zwo lere / die man bei einander behalten sol / als / die zusamen oder in einander gehören / vnd jmerdar darnach gehen mus / weil wir hic leben / damit das Gesetz oder Gottes Gebot in den Christen angefangen werde / vnd zu dem / das auch der bösen ungehorsamen Welt gewehret vnd gesteuert werde / so sie nicht wollen Gott fürchten vnd lieben / als Christen vnd Gleubige / das sie das ewige feur vnd verdammis / vnd andere straffen fürchten müssen. Die andern aber dadurch geleret werden / wo von sie gefallen / vnd wie schwer die Sünd auff vns geerbet sey.

Denn wenn ich mein Leben gegen das Gesetz halte / so sehe vnd fühle ich allzeit an mir das widerspiel. Ich sol Gott mein leib vnd seel vertrauen / vnd von ganzem hertzen in lieben / So habe ich lieber einen gülden im Kasten / denn zehen Gdeter im hertzen / Vnd bin frölicher / wenn ich zehen gülden weis zu gewinnen / denn wenn ich das ganze

Der Mensch thut das widerspiel / was im das Gesetz gebot. Simeon panll. Luc. 12. 257.

## Auslegung des Euangelij

Euangelium höre. Wenn einem ein Fürst schencket ein Schlos oder etlich tausent gülden / wie ist da ein springen vnd frolocken? Dagegen / wo einer getauft wird / oder das Sacrament empfehet (welches ist ein himlischer ewiger schatz) so ist nicht das zehend teil solcher freude da.

Als so sind wir alle geschickt / Da ist keiner / der sich so herzlich frewet vber Gottes gaben vnd gnade / als von gelt vnd gut / Was ist das anders / denn / das wir Gott nicht lieben / wie wir schuldig sind? Denn so wir im vertrauten vnd liebten / so solts vns lieber sein / das er vns ein auge gibt / denn so wir die ganze Welt hetten. Vnd ein tröstlich wort / so er mir zuspricht durchs Euangelium / solc mich höher erfreuen / denn aller Welt gunst / gelt / gut vnd ehre / Das aber solches nicht geschiet / vnd zehen tausent gülden den Menschen können frölicher machen / denn alle Gottes gnade vnd güter / das zeigt / was wir für fruchtlin sind / vnd was für ein jemerlicher / grewlicher fall sey / darin wir ligen / vnd doch wir solchen nicht sehen noch achten / wo es nicht durch das Gesetz vns offenbaret würde / vnd ewiglich darin bleiben vnd verderben müsten / so vns nicht wider durch Christum auffgeholfen würde. Darumb ist nu das Gesetz vnd Euangelium dazu gegeben / das wir doch solches lernen erkennen / beide / was wir schuldig sind / vnd wozu wir wider kommen sollen.

Das ist nu die Christliche lere vnd Predigt / welche wir / Gott lob / wissen vnd haben / Vnd ist nicht not ist in die lenge auszustreichen / Sondern allein zu vermanen / das man sie in der Christenheit mit vleis erhalte / Denn der Teufel hat sie hart vnd fest angefochten von anfang an / vnd bisher jmerdar / Vnd wolt gerne Gottes Wort gar dempffen vnd zutretten / Denn er kan nicht leiden / das die Leute darbey bleiben / vnd rechtschaffen halten / süchet hundert tausent künst vnd rencke / das ers nur verderbe. Darumb predige ich seer gerne danon / wie es denn auch von nöten ist / Denn bisher vnter dem Papsthum ist es nicht gehört noch erkant worden.

Denn ich bin selbs ein gelehrter

Doctor Theologie gewest / vnd habe doch die zehen gebot nie recht verstanden. Ja / es sind viel hochberümbte Doctores gewesen / die noch nicht gewußt haben / ob jr neune / zehen oder eilffte weren. Viel weniger haben wir von dem Euangelio oder Christo gewußt. Sondern das ward allein geletet vnd getrieben / Ruffe die Jungfrawen Mariam vnd andere Zeiligen an / als Mittel vnd Fursprechen / also viel faste vnd bete / lauffe zur Walfart / ins Closter / vnd werde ein Mönch / oder stifte so viel Messen etc. Vnd haben gewehnet / wenn wir solchs cheten / so hetten wir den Himel verdienet.

Das war die zeit der blindheit / da wir von keinem Gottes wort nichts wusten / sondern mit vnserm eigen tand vnd erewmen vns vnd andere in den jamer gefüret haben. Vnd ich der selbigen einer gewest / der in diesem schwet / ja angstbade / wol gebadet habe. Darumb lasse vns zusehen / das wir solche Lere wol fassen vnd behalten / Ob es andere Kotten vnd falsche Geister wolten anfechten / das wir gerüstet seien / vnd lernen / weil wir zeit haben / vnd die liebe Sonne vns wider leuchtet / vnd keuffen / weil der Markt für der thür ist. Denn es wird dazu komen / wenn ein mal diese Liechtere (die Gott jzund gibe) hinweg sind / so wird der Teufel nicht feiren / bis er ander Kotten auffwerffen wird / die den schaden thun werden / Wie er bereit an vielen orten angefangen hat bey vnserm leben. Was wird aber nach vns geschehen?

Darumb lerne / wer da lernen kan / vnd lerne nur wol / das er wisse / erslich die zehen Gebot / was wir für Gott schuldig sind / Denn wo man das nicht weis / da weis man vnd frage man auch nach Christo nichts vberall. Gleich wie wir Mönche gethan haben die wir entwedder Christum für einen zornigen Richter hielten / oder gar verachten für vnser eigen erewmeten heiligkeit. Wehneten / wir weren nicht in den sünden / so die zehen Gebot zeigen vnd straffen / Sondern wir hetten das natürliche liechte der Vernunft vnd freien willen / vnd wenn wir darnach cheten / so viel wir künden / so müste vns Gott sein gnade geben etc.

W aber / so wir Christum sollen kennen /

Erkenntnis der reinen lere im Papsthum getverloffen.

Erneuerung / das man Gottes wort lerne vnd ehre / weil mans hat.

kennen/ als vnser Helfer vnd heiland/ so müssen wir zuvor wissen / wo von er vns helfen sol/nemlich/ nicht aus feur oder wasser / oder andern leiblichen neten vnd fahr / sondern von der Sünde vnd Gottes has. Woher weis ich aber/ das ich in solchem jamer ersoffen lige/ Nurgend her / denn durch das Gesetz/ das mus mir anzeigen/ was mein schaden vnd krankheit ist / sonst fragte ich nichts nach dem Arzt vnd seiner hülffe.

**1** Also haben wir beide stück der hülffe Christi/ Das eine/ das er vns mus gegen Gott vertreten/ vnd vnser schanddeckel sein (vns/ sage ich/ ein schanddeckel / als / der vnser sünde vnd schand auff sich nimet) aber für Gott ein Gnadenthron / an dem kein sünde noch schande/sondern eitel tugent vnd ehre ist/ Vnd als eine Gluckhenne/ seine fittich vber vns ausbreitet wider den Weibe/das ist/ den Teuffel / mit seiner Sünde vnd Tod/das Gott vmb seinen willen alles vergebe / vnd vns der keines schaden könne. Aber also/das du nur vnter diesen flügeln bleibest/ Denn weil du vnter diesem mantel vnd schirm bist/ vnd nicht heraus komest/ so mus die Sünde / die noch in dir ist/ nicht sünde sein / vmb des willen / der sie zudecket/ mit seiner gerechtigkeit.

**2** Darnach zum andern / thut er nicht allein das/das er vns also decket vnd beschirmt / sondern wil auch vns neeren vnd speisen/wie die Henne ire Bücklin/ das ist / den heiligen Geist vnd stercke geben / das wir ansahen Gott zu lieben vñ seine Gebot zu halten/ Das sol wehren bis an den Jüngsten tag/ da der Glaube vnd solcher Gnaden deckel wird auffhören / das wir werden den Vater on alle mittel vnd deckel anschawen/vnd selbs für in treten / vnd keine sünde mehr an vns sein wird/ die zu vergeben sey / Sondern als denn alles wider Restituirt vnd widerbracht oder ergentet (wie S. Petrus sagt / Act. 3.) rein vnd vollkommen / was der Teuffel von anfang verstorret vnd verderbet hat.

Das wil nu Christus hie leren mit seiner antwort vnd mit der gegenfrage/die er den Pharisern fürhelt. Als solt er sagen / Ir wisset nicht mehr/

denn von dem Gesetz zusagen / welches euch leret / das ir solt Gott lieben vnd den Nehesten/Vnd ir es doch nicht verstehet / Denn ir wehnet / das irs erfüllet so ir doch weit vnd fern dauon seid. Gleich wie auch jener / Matth. 19. der sich rühmet / er hette alles/ was im geboten war / von jugent auff gehalten/ Aber Christus zu im sagt/ Wiltu zeigen/ das du vollkommen seiest / so gehe hin verkuuffe alles was du hast/ vnd folge mir nach. Welches ist so viel gesagt / Wer Gott recht lieben vnd seine Gebot halten wil/ der mus also geschickt sein/ das er könne sein gut / leib vnd leben lassen. Darumb gehört ein anders auch dazu (wil er sagen) das ir wissen müßet/nemlich/ das ir diesen Man kennet vnd habe (der da heisset Christus) welcher dazu helffe/das diese lere des Gesetzes auffgerichtet vnd volbracht werde.

Was heisse aber Christum recht erkennen? Das wissen diese Pharisee vnd Schriftegelerten nicht / Denn sie halten nicht mehr von im/ denn das er sey Davids Son / das ist / der da sitzen werde auff Davids stuel (als / von seinem fleisch vnd blut geboren) vnd ein Herr vnd König sein / auch grösser vnd mechtiger / denn David gewesen ist/ Aber doch nur weltlich regieren / sein Volck zu Herrn der Welt machen/vnd alle Heiden vnter sie bringen etc. Aber das sie solten sein bedürffen/ wider den schaden / das er inen aus Sünde vnd Tod helffe / da wusten sie nichts von/ Darumb mus der heilige Geist solches verkleren / das er nicht allein Davids Son sey / sondern auch Gottes Son/ wie es nach der Auferstehung gesehen ist.

Das streichet er nu hie nicht aus/ sondern stichet allein an / das in David am 10. Psalm seinen HERREN heisset/ So nu David (spricht er) in einen HERREN nennet/wie ist er denn sein Son? Es lautet nicht / vnd ist wider die natur / das ein Vater seinen Son einen Herrn heisst / also/ das er sich im vnterthan mache / vnd im diene. Nu nennet David Christum seinen HERREN vnd solchen HERREN / zu dem Gott selbs sage / Setze dich zu meiner Rechten etc. Das ist / Sey mir gleich / rechter warbafftiger Gott erkand vnd angebetet/ Denn in Gottes Stuel / oder zu seiner

Pharisee halten Christum nur für einen weltlichen König

So David Christum einen HERREN heisset/wie ist er denn sein Son?

Wo von vns Christus erlöse.

Christus nitmet vnser sünde auff sich vnd vertret vns.

Christus stercket vns vnd gibe vns den heiligen Geist.

Pharisee meinen das Gesetz zu erfüllen mit ihren Keuffen

## Auslegung des Euangeli

Rechten/gebürt keinem andern zu sitzen/ Er ist wol so euerig / das er niemand suffer jm/jm gleich sitzen lesst/Wie er im Propheten Esais am acht und vierzigsten sagt/ Ich wil meine ehre keinem andern geben etc. So er nu Christum jm selbs gleich setzet / so mus er mehr sein/ denn alle Creaturn. Darumb lege er jnen eine hohe Frage fur / lesst sie aber also stecken/ Denn sie verstundens doch nicht/ vnd war auch noch nicht zeit / solches öffentlich zu verklären.

Das ist aber die meinung/wie vnser Artikel leret glauben/ Das Christus/ beide/ Davids rechter natürlicher Son/ von seinem blut vnd fleisch / vnd doch auch Davids HERR ist / den er selbs mus anbeten / vnd fur Gott halten. Das war jnen vnmöglich zusammen zu reimen (wie es noch vnmöglich ist der menschlichen vernunft / wo es nicht der heilige Geist offenbaret) wie die zwey in dem einigen Christo solten zu gleich sein / beide / das er warhafftiger Davids samen ist / vnd auch Gottes Son von natur.

Das helt nu Christus darumb jnen fur / das er wil leren / das nicht gnug ist/das Gesetz haben / welches allein zeigt/von welchem stand wir gefallen sind/Sondern wer wider darein kommen vnd vernewet werden sol/das müsse der Christus thun/ durch sein erkentnis / Der da wol von David geboren/

vnd sein blut vnd fleisch ist/ aber doch nicht in sünden geboren/wie David vnd alle Menschen geboren werden/ Sondern hat müssen / on einen Man/ aus den reinen bluts tropffen der Jungfrawen/durch den heiligen Geist geheiligt / empfangen werden / das er ein Mensch / lauter vnd rein on alle sünde geboren würde.

Das ist der einige Mensch/ der das Gesetz hat können halten vnd erfüllen/ Allen andern Menschen gleich/der natur halben/ vnd doch nicht in der selbigen schuld / sondern aus sünde vnd Gottes zorn gezogen / Der selbige hat müssen fur uns fur Gott cretten/ vnd vnser vorhang/schatten vnd Glückhene sein/ vnter welcher wir haben vergessung der sünde / vnd rettung fur Gottes zorn vnd der Hellen / Vnd nicht allein das / sondern auch den heiligen Geist dazu gibt / das wir auch jmnach folgen / vnd hie anfahen die sünde zu dempffen vnd tödten / bis so lang wir auch zu jm komen / vnd jm gleich sein werden / on alle sünd vnd in voller gerechtigkeit / Denn darumb ist er von todtten auferstanden / vnd zur Rechten des Vaters gesetzt / das er die Sünde/ Tod vnd Helle gar tilge vnd wegnehme / vnd vns auch zur newen ewigen gerechtigkeit vnd ewigen leben bringe/

AN ET.

## Am XIX. Sonntag nach

Trinitatis / Epistel / Ephe. 4.



**S**o leget nu von euch ab / nach dem vorigen wandel / den alten Menschē/der durch läste im irthum sich verderbet. Ernewert euch aber im Geist eures gemütes / vnd zihet den newen Menschen an / der nach Gott geschaffen ist / in rechtschaffen-

ner gerechtigkeit vnd heiligkeit. Darumb leget die lägen ab/ vnd redet die Wahrheit ein jglicher mit seinem Nehesten/Sintemal wir vntereinander Glieder sind. Zürnet vnd sündiget nicht/ Lasset die Sonne nicht ober eurm zorn vntergehen. Gebet auch nicht raum dem Zestierer. Wer gestolē hat/der stele nicht mehr/ sondern erbeite / vnd schaffe mit den henden etwas guts/auff das er habe zu geben dem Dürfftigen.

Das

Verma-  
nung zu  
Christlich-  
em leben.



**D**as ist abermal eine vermanung an die Christen / das sie irem Glauben auch folge thuen / durch gute werck vnd neues leben / Denn ob sie wol durch die Tauffe vergebung der sünden haben / so henget doch noch der alte Adam an irem fleisch / der sich jmer reget mit bösen neigungen vnd lusten / beide / zu weltlichen lastern / vnd zu geistlichen / Das / wo sie solchen nicht widerstehen vnd wehren / da verlieren sie wider den empfangen Glauben vnd vergebung der sünden / vnd werden hernach erger / weder sie zuvor gewesen sind / Sahen an / Gottes Wort zu verachten vnd verfolgen / so sie dadurch gestraffet werden.

Ja / auch die / so es gerne hören vnd werd haben / vnd im vorsatz sind darnach zu leben / dennoch bedürffen sie des teglichen vermanens vnd reizens / So gar starck vnd zehe ist die alte haut des sündlichen fleisches / vnd der leidige Teuffel so mechtig vnd schalckhafftig / wo er ein wenig raum gewinnet / da er eine Klauen kan einsetzen / da dringet er ganz hinnach / vnd lesset nicht nach / bis er den Menschen wider in das vorige alte verdämlische wesen des ungläubens / Gottes verachtung vnd ungehorsams / versencket.

Tegliche  
not des Pre-  
digampts /  
bede / zu le-  
ren vnd zu  
vermanen.

Darumb ist das Predigampt in der Kirchen not / nicht allein für die vnkundigen / die man leren sol / als den einfeltigen vnuerstendigen Pöbel / vnd das junge Volck / Sondern auch für die da wol wissen / wie sie glauben vnd leben sollen / sie zu erwecken vnd ermanen / das sie sich teglich wehren / vnd nicht faul noch verdrossen vnd müde werden in dem Kampff / den sie auff Erden müssen haben / mit dem Teuffel / irem eigen fleisch / vnd allen lastern / Darumb treibet auch S. Paulus solche vermanung so vleissig an seine Christen / das es auch schier scheint / als thue er jm zu viel / das er allenthalben so hefftig jnen solches einblewet / gerade / als weren sie so vnuerstendig / das sie es nicht selbs wüsten / oder so vnachtsam vnd vergessen / das sie es ungeheissen vnd ungetrieben nicht theten.

Aber er weis auch / das / ob wol die Christen angefangen haben zu gleu-

ben / vnd in dem stand sind / darinne die frucht des Glaubens sich beweisen sol / so ist es darumb nicht so bald gethan / noch volendet / Das es hie nicht gilt als so sagen vnd dencken / Ja / es ist gnug / das die lere gegeben ist / Darumb / wo der Geist vnd Glaube ist / da werden die fruchte vnd gute werck jnen selbs folgen. Denn ob wol der Geist da ist / vnd (wie Christus sagt) willig ist / vnd auch wircket / in denen / die da glauben / So ist doch auch dagegen das Fleisch / das ist schwach vnd faul / dazu der Teuffel nicht feiret / das er möge das selbe schwache Fleisch durch anfechtung vnd reizung wider zu fall bringen etc.

Schwachheit  
vnd faulheit  
des Flei-  
ches dem  
Geist zu fol-  
gen.

Darumb mus man die Leute nicht also hingehen lassen / als dürffe man sie nicht vermanen noch treiben / durch Gottes Wort / zu gutem leben. Klein / Du darffest hie nicht nachlessig vnd faul sein / denn das Fleisch ist schon all zu faul / dem Geist zu gehorchen / ja es ist all zu starck dem selben zu widerstehen / wie S. Paulus anderswo gesagt / Das Fleisch gelüstet wider den Geist etc. das jr nicht thut / was jr wollet. Darumb mus Gott hie auch thun / wie ein guter vleissiger Haushalter oder Regent / wo er einen faulen Knecht oder Magd / oder vnleissige Amptleute hat (wenn sie gleich sonst nicht böse noch vntrew sind) der mus nicht dencken / das es damit ausgerichtet sey / das er ein mal oder zwey befohlen hat / was sie thun sollen / wo er nicht selbs jmer jnen auff dem rücken ligt vnd treibet.

Al so ist es mit vns auch noch nicht dazu komen / das vnser fleisch vnd blut daher gienge vnd sprünge / in eitel freuden vnd lust zu guten wercken vnd gehorsam gegen Gott / wie der Geist gerne wolte / vnd der Glaube weiset / Sondern wenn er sich gleich jmer mit jm treibet vnd hlewet / so kan er es dennoch kaum fort bringen / Was solt denn geschehen / wenn man wolt solch vermanen vnd treiben lassen anstehen / vnd gleichwol hin gehen vnd dencken (wie viel sicherer Geister thun) Ja ich weis selbs wol / was ich thun sol / habe es vor so viel jaren vnd so offte gehöret / ja auch andere geleret etc. Das ich halte / wo man ein jar schwiege mit predigen vnd vermanen / so würden wir erger werden / denn keine Heiden sind.

Das Fleisch  
mus jmer  
mit Gottes  
Wort getrie-  
ben werden.

W/diese Vermanung ist an jr selbs leicht vnd wol zu verstehen/ Denn er treibe eben das/ so er sonst allenthalben vermanet / von den fruchten des Glaubens oder Christlichem wandel/ on/das er an einem ort mit andern Worten dauon redet / weder an dem andern. Sie nennet ers/den alten Menschen ablegen/vnd den neuen anziehen/ oder sich ernewern im Geist etc. Was er den alten Menschen heisse / ist nu wol bekand/ nemlich/ den gangen Menschen/wie er von Adam geborn / nach seinem fall im Paradis / vom Teuffel verblindet vnd verderbet an der Seele / das er Gott nicht fur augen hat / noch jm vertrauet/ja gar nichts fragt nach Gott/ gehet dahin on alle sorge fur seinem gericht / ob er gleich auch mit dem munde von Gottes Wort vnd Euangelio thumet/ Aber doch mit der that bleibt aller ding wie zuvor/ on das so viel neues da ist / das er etwas dauon gehoret hat/ aber eben so wenig Gottes furcht/ vertrauen/liebe hat/ als zuvor.

Alter Mensch.

Solch leben vnd wesen sol bey euch nicht sein (spricht S. Paulus) Es mus nicht bleiben bey diesem alten Menschen / sondern er mus ausgezogen vnd abgelegt werden / Denn das ist eben so jr zuvor gewest / vnd euch von Adam angeborn ist / Gott nicht achten/nicht furchten / noch vertrauen oder anrufen/ Jrem/ das der leib auch nicht nach Gottes Geboten lebt / ist voller vnzucht / hoffart vnd vnersertigten geitzes/neid vnd hasz etc. Solch leben vnd wesen wird sich bey einem Christen nicht leiden / der da nu sol heissen / vnd warhafftig sein / ein ander Mensch/ denn er zuvor gewest / wie wir horen werden/vnd darumb auch einen andern wandel furen .

Wird nicht leiden

Unterscheid rechter Christen vnd Heuchler.

Darumb mus hie ein Christen zu sehen / das er nicht sich selbs betriege/ Denn hierin scheiden sich die rechten Christen von den andern heuchel Christen / Denn jene leben also/ das man an jrem wandel also spuren vnd mercken kan/ das sie Gott fur augen haben / vnd warhafftig dem Euangelio glauben. Aber diese zeigen dagegen auch mit der that / das es nichts ist/ was sie furegeben vom Glauben vnd vergebung der sunde / weil kein zeichen gesehen

wird an jrem leben vnd wercken / das sie sich etwas gebessert vnd anders werden/weder sie zuvor gewesen / Schmuckten sich nur mit falschem schein vnd namen des Euangelij / Glaubens vnd Christi etc.

Irthum des alten Menschen.

Darumb gibe er zwey stück dem alten Menschen/vnd spricht/ Das er sich selbs verderbet im irthum / nach der seele / vnd durch luste nach dem leibe. Also malet er den alten Menschen / das ist / einen jeden vngleubigen Menschen/ ob er gleich auch den namen eines Christen hat / Das er ist erstlich ein irriger Mensch/der da feilet der warheit/weis nichts von rechtem erkentnis vnd Glauben Christi/ gehet hin on sorge/vnd achtet weder seines zorns/ noch seiner gnade / betrenget sich selbs mit eigenen gedancken / vnd machet jm ein finsternis ans dem liecht / dencket / Gott werde nicht straffen/ ob er gleich zu viel ehret/ ja auch die laster schmucket vnd decket mit namen der tugent / sein hoffart/ geitz / drucken vnd plagen der Armen/ zorn/ neid/ mus heissen / seinen stand ehrlich gehalten / streng Regiment gefuret / ehrlich vnd wol haus gehalten/ fur sein Weib vnd Kinder gesorget/ Christlicher euer / vnd liebe der gerechtigkeit etc. Vnd summa / jmer hin gehet in dem traum vnd falschem duncken/ als sey er ein Christen/ vnd ist doch nichts dahinden.

Als solchem irthum folget das ander stück / das sind die luste / als die fruchte des vnglaubens / Das solche sicher dahin faren / vnd leben alle nach jrem muwillen des Fleisches / haben keine lust zum guten / noch trachten zucht / ehre vnd tugent zu fordern oder erhalten / sondern vnuerschampt jr leben in die schang schlagen / wollen nur thun was sie gelustet/vnd doch darumb vngestraft sein.

Liste des alten Menschen.

Als ist des alten Menschen thun vnd wesen (spricht er) der da nichts ehret/denn sich selbs verderbet / das ist/ wird nur je lenger je erger / vnd also sein eigen verdammis vnd straffe vber sich furet / beide/ an seel vnd leib/ Denn wie er wird je lenger je vngleubiger vnd verstockter / also auch je lenger je geiziger / hoffertiger / heffiger / vntrewet/ vnd gar ein schendlicher vnd schendlich Mensch. Das ist gewest ewer voriger

Sich selbs verdamm.

riger wandel / das jr noch lanter zeiden vnd vnchristen waret / Darumb müßet jr in nu fort gang ablegen / vnd weit von euch thun / oder werdet nicht Christen bleiben können / Denn es leidet sich nicht beinander / die gnade Christi vnd vergesung der sünden glauben vnd thumen / vnd doch wollen der sünden folgen / vnd in dem vorigen alten / vnchristlichen leben vnd wandel des irthums vnd verderblichen lusten / bleiben.

Ernewert euch aber im Geist ewers gemütes / vnd zihet den neuen Menschen an / der nach Gott geschaffen ist / in rechtschaffenener gerechtigkeit vnd heiligkeit.

Ernewert werden im Geist des gemütes.

**E**leich wie wir sollen den alten Menschen ablegen / also wil er / das wir dagegen den neuen anziehen / das wir von tag zu tag je mehr neue Menschen werden / Welches geschieht also / das wir erstlich erlöset von dem irthum / oder den irrigen gedanken vnd dunckel der verderbten natur / so da Gott nicht recht kennen / noch von ihm dencket / weder fürchtet noch glaubet / nu durch Gottes Wort rechte gedanken von ihm fassen / vnd im hertzen haben / Das wir seinen zorn fürchten / wider die sünde / vnd trawen auff seine gnade mit rechtem Glauben / das er vns vmb Christi willen die sünde vergeben / vnd so wir den selben anrufen / auch das wider stercken vnd krafft verleihen wolle / der selben zu widerstehen vnd vberwinden / Vnd solcher Glaube in vns zuneme vnd wachse.

Das heisset er erstlich / Ernewert werden im Geist des gemütes / das ist / jmer zunemen vnd gesterck werden im angefangen rechten gewissen verstand vnd klarem erkenntnis Christi / wider den irthum vnd falschen dunckel. Wer nu also ernewert wird (spricht er) das ist nu ein solcher Mensch / der da nach Gott geschaffen ist / in rechter oder warhafftiger gerechtigkeit vnd heiligkeit. Im alten Menschen ist nichts / denn irthum / dadurch in der Teuffel in verderben füret. Aber der neue Mensch hat dagegen den Geist vnd Warheit / dadurch das hertzerleuchtet wird / welche bringet mit sich gerechtigkeit vnd heiligkeit / das der Mensch Gottes

Wort folget / vnd lust / hat zu gutem göttlichem wandel vnd leben etc. Wie dagegen aus dem irthum folget lust vnd liebe zu sünden vnd aller vntugent. Solcher neuer Mensch ist geschaffen nach Gott / als ein bilde Gottes / Das mus sein ein ander Mensch / denn solche / die in irthum vnd lusten leben / on Gottes erkenntnis vnd gehorsam / Denn so er Gottes bilde sein sol / so mus auch in ihm sein recht göttlich erkenntnis / verstand vnd sinn / vnd auch göttlich leben der gerechtigkeit vnd heiligkeit folgen / wie in Gott selbs ist.

Neuer Mensch nach Gott geschaffen / oder Gottes bilde.

In solch bilde ist Adam erstlich von Gott geschaffen / beide / nach der seele warhafftig / on alle irthum / in rechtem erkenntnis Gottes vnd Glauben / Dazu auch nach dem leibe / heilig vnd rein / das ist / on vnreine / vnflätige luste / des Geizes / vnzucht / neids vnd hasz etc. Vnd weren auch seine kinder / das sind alle Menschen / also blieben von geburt / wo nicht der Mensch sich hette lassen den Teuffel verführen / vnd also sich selbs verderbt hette. Nu aber die Christen durch Gottes gnade vnd Geist zu solchem göttlichen bilde wider vernewert werden / so sollen sie auch also leben / das beide / die seele oder Geist / für Gott gerecht vnd im gefellig sey / im Glauben Christi / vnd auch der leib oder das ganze eusserlich leben des Menschen / rein vnd heilig sey / Vnd also / das es sey eine warhafftige heiligkeit.

Adam zu Gottes bilde geschaffen.

Warhafftige gerechtigkeit vnd heiligkeit.

Den etliche auch grosse heiligkeit vnd reinigkeit furgaben / ist aber nur ein falscher schein / damit die Welt wird betrogen / Wie die Kotten geister vnd Mönchische heiligen thun / welche stellen ire heiligkeit vnd reinigkeit allein auff eusserliche sonderliche weise vnd selb erwelete werck / Welches heisset vnd schein wol für den Leuten fein heiliglich vnd reiniglich gebet vnd gefastet / sich enthalten etc. Aber inwendig sind vnd bleiben sie hohnmütig / giffzig / geizig / heffig / voller vnflats fleischlicher brunst vnd böser gedanken / wie Christus auch von solchen sagt.

Falscher schein der heiligkeit.

Matth. 17. 23 Luce 16.

Gleich wie auch ire gerechtigkeit / der sie sich für Gott vermessen / wolen schein hat / damit sie furgaben / inen selbs vnd andern / Gottes gnade zu verdienen / Vnd doch inwendig kein rechter



## Auslegung der Epistel

ter gedanken von Gott / sondern eitel vnglaube / das ist / falsch vnd nichtig vermessen / oder zweiueln ist / Darumb ist solche gerechtigkeit vnd heiligkeit nicht warhafftig noch rechtschaffen / sondern eitel heuchelei vnd lügen / nicht von Gott / noch nach Gott / sondern nach dem Lügengeist / dem Teufel / gebildet.

Der was rechte Christen sind / die sind von Gott also geschaffen (spricht S. Paulus) durch den Glauben an Christum / zu einem neuen Menschen / der Gotte ehlich / warhafftig / für im gerecht vnd heilig ist / Wie erstlich Adam in seinem hertzen sein auffgerichte gegen Gott / vnd in rechter frölicher zueversicht / liebe vnd lust / vnd auch der leib heilig vnd rein / von keiner bösen / unreiner oder vnordenlicher lust nichts wuste / Vnd war also das ganze leben des Menschen ein schön bild vnd spiegel / darin Gott selbs leuchtet / Gleich wie auch der heiligen Geister / der Engel / leben vnd wesen ist / eitel Götlich ding / warhafftige Gottes erkenntnis / sicherheit / freude gegen Gott / vnd eitel reine heilige gedanken vnd werck / nach Gottes willen.

Der nu der Mensch so schenslich gefallen ist aus solcher frölicher zueversicht / sicherheit vnd freude in zweiueln oder falsch vermessen für Gott / vnd aus dem reinen schönen gehorsam / in die unreinen vngötlichen luste / So haben wir vns selbs nicht können hievon retten noch helfen / Wird auch niemand geholffen weder den Christen / welche durch den Glauben Christi wider anfahren ein frölich / sicher hertz zu Gott zu haben / vnd also in den vorigen stand vnd ins rechte Paradis gesetzt werden / da sie mit Gott eins sind / vnd also gerecht sind / das sie sich seiner gnaden trösten / vnd daher auch lust vnd liebe gewinnen / nach Gottes Gebot heiliglich zu leben / vnd dem vngötlichen wesen vnd lusten zu widerstehen / Die beginnen ein wenig zu schmecken (wie S. Petrus sagt) Gottes güte vnd freundlichkeit / vnd darin empfinden vnd verstehen / was sie im Paradis gehabt haben / Darumb sol der ein Christen sein wil / auch darnach trachten / das er in solchem neuen Menschen / nach Gott geschaffen / erfunden werde / nicht in blindem

Christe werden durch den Glauben wider Gottes bilde.

irthumb vnd falschem dunckel / sondern warhafftigem wesen der gerechtigkeit vnd heiligkeit für Gott.

Darumb leget die Lügen ab / vnd redet die warheit ein / gleicher mit seinem Nehesten / sintemal wir vntereinander glieder sind etc.

**W**em jemand nicht verstände / was da sey der alte oder neuer Mensch / oder welches warhafftige vnd falsche Gerechtigkeit vnd heiligkeit sey / so gebe er ein exempel / an einem oder zweien stücken / dabey mans sehen vnd greiffen kan / Wenn man alle sünde auff einen hauffen fasset / so teilen sie sich in die zwey stück / welche sind des Teufels eigen werck / nemlich / Lügen vnd Mord / Denn durch Lügen richtet er an alle Abgötterey / irthumb / falschen Glauben vnd heiligkeit / vnd vnter den Leuten vntrew / schalckheit / böse rüch etc. Vnd damit darnach weiter die Leute widerinander treibe zu zorn / hase / rach vnd mord gut / Darumb setzet S. Paulus hie auch diese beide stück zusammen.

Lügen vnd Mord / des Teufels eigen werck.

Wo nu einer mit dem andern nicht mit warheit / sondern felschlich handelt vnd betruget / es sey in geistlichen oder weltlichen sachen (wie denn die Welt in alle irem wesen nichts anders thut / denn leuget vnd treuget) da ist gewislich der alte Mensch / vnd keine gerechtigkeit noch heiligkeit / ob er sich gleich schmücket mit grossem schein / vnd von der Welt nicht kan gestrafft werden / Denn da sibet man kein Gottes / sondern nur des Teuffels bilde / das das hertz nicht Gott vertrauet / noch an seiner warheit helt (sonst würde es auch der lügen vnd falscheit feind sein) sondern das für köstlich helt das es sich kan mit falschem schein decken / auch vnter Gottes namen / vnd vmb seiner lust willen / des Geizes oder eigen nutz vnd ehre / den Nehesten betruget / beleuget / betrücket / vnd vbers seil wirfft / wie in solche Teuffels lust treget vnd hetzt.

Widerumb kanstu an dem widerspiel sehen / wo da ist ein neuer mensch / der die warheit redet / vnd der lügen feind ist / nicht allein jenen hohen lügen / wider die ersten Taffel der zehen Gebot /

Selchete das an man den neuen menschen sehen.

Gebot / sondern auch in der andern / mit niemand betrieglich vnd felschlich handelt / etc. sondern jederman trewlich vnd brüderlich meinet / vnd handelt / wie er wolte mit jm selbs gehandelt haben / Wie die Christen sollen vnternander leben / als die vnternander glieder sind / eines Leibes (wie er hie sagt) vnd aller güter in Christo einerley vnd gemein haben etc.

**Zürnet vnd sündiget nicht / Lass set die Sonne nicht vber ewern zorn vnter gehen.**

**S**ie helfft der sünden / so die Welt vom Teufel / irem Herrn vnd Meister gelernet hat / ist liegen vnd triegen / doch vnter dem namen vnd schein der warheit / Denn niemand wil ein Lügner heißen / vnd der Teufel selbs alle seine lügen mit der warheit namen decket. Die andern stück / so nu offenbarer vnd kenderlicher sind / ist der zorn vñ des selben fruchte. Die zwey sind gemeiniglich beynander / Denn wie die Welt vmb ires nutz willen leuget vnd treuget / also / wo sie sibet / das man nicht thut oder redet / was sie gerne hat / oder etwo jr lügen gestrafft / oder irem nutz vnd gesuch wil gewehret werden / da hebt sie an mit zorn / wider Gott vnd den Nehesten zu toben / vnd suchet sich zu rechen vnd schaden zu thun / Decket vnd schmückt solchs aber mal auch mit dem Lügen vnd Schalkshütlin / sie hab begrosse vnd billiche vrsach vnd recht dazu etc.

Drumb vermanet S. Paulus die Christen / das sie sich auch als newe Menschen fur diesem laster hüten sollen / Vnd füret hie zu einen Spruch des 4. Psalmen / Zürnet jr / so sündiget nicht / redet mit ewerm hertzen / auff ewrem lager / vnd seid stille etc. Das lautet gleich / als erlaube er zu zürnen / wie es S. Paulus auch jm nach redet / Zürnet / vnd sündiget nicht. Aber er sagt dauon / wie es in diesem leben zugehet / das sie mit zorn angefochten vnd bewegt werden / vnd so rein nicht abgehiet / es leuffet zu weilen etwas mit vnter / da das hertz anfehlet zu schwellen / So hezet vnd treibet auch der Teuffel dazu / Denn er höret nicht auff / er wil allzeit sein siegel vnd bild in vns trücken / vnd vns jm gleich machen / entweder / durch irthum vnd

lügen wider den Glauben / oder durch zorn vnd mord / wider die liebe vnd gedult.

Das wirstu beides fülen / sonderlich / wo du wilt ein fromer Christ sein / ob der warheit halten / vnd gegen jederman recht leben / Da wirstu erfahren allerley böse rücke vnd betrug / vntrew / nachrede / von denen / welchen du alles gues gethan / Item / offenbarlich gewalt vnd vnrecht / von denen / die dich schügen vnd zu recht helffen solten / Das wird dir wehe thun / vnd zu zorn bewegen. Ja in deinem eigen hause / vnd vnter deinen lieben Brüdern vnd Christen / wirstu offte sehen vnd hören / das dich verdreuffet / oder widerumb / dir ein wort entfaren / das jnen nicht gesfallen wird / Da wird nichts anders aus / es leidet sich in diesem leben nicht anders / Fleisch vnd Blut kan sich des nicht erwehren / das es nicht solt solche bewegung fülen zu zorn vnd vngedult / sonderlich / da es böses fur gues empfahet / So bringets der Teuffel dem Menschen zu nahe / vnd gehet da mit vmb / das er ein fewr anzünde aus dem zorn / vnd vnmüt / zwischen dir vnd deinem Nehesten.

Aber hie ist zeit (spricht er) das du dich hütest vnd nicht sündigest / das ist / dem anstos vnd bewegung des zorns / nicht den zaum lassst / noch folgest. Beswegung wol / vnd euch lassen düncken / jr habt billiche vrsach zu zürnen vnd euch zu rechen. Aber hütet euch / das jr nicht thut / was der zorn wil. Vnd ob jr gleich das mit vberleitet vnd zu weit gefaren werret / so faret doch nicht fort / vnd behaltet den zorn nicht bey euch / sondern dempffet vnd wehret jm / je ehe / je lieber / das jr in nicht lasset einwurzelen / vnd vber nacht bey euch traaget.

Denn / wo man jm folget / da leste er nichts rechts thun / Wie S. Jacob auch sagt / bringet den Menschen zu fall / das er sich gegen Gott vnd dem Nehesten versündigt. Wie die heiden gesehen haben / das zorn auch die Vernunft vberleitet / vnd gibt nimer keinen guten rat. Daher man vom Keiser Theodosio liest / wie S. Ambrosius in strafset / nach dem / da er aus zorn viel Leute zu Thessalonica hatte lassen vmbbringen / vnd bey jm erlanget / das er

Bewegung zu zorn vnd vngedult fülen auch die Christen.

Christen sollen dem zorn bald widerstand thun / vnd nicht folgen.

Zorn machet das man nichts gues thun kan.

Zorn vnd rachtig / der Lügen stück etc.

## Auslegung der Epistel

selbs ein anschreiben thut / das man auch auff sein befehl oder gebot keinen solt richten/ bis ein ganzer mond darnach vergangen were/ damit vieler zeit das vrtail künde widerruffen werden/ wo es aus zorn were vberleitet.

**Psalm. 4.**

So man zornig wird/ sol man beren.

Darumb spricht hie der Psalm/ So euch der zorn anstößet vnd bewegt / so gebt jm nicht so bald raum fort zu fasten / vnd seinen willen zu thun / Denn damit würdet jr gewislich euch versündigen / Sondern gehet in ewer Kemerlin / besprechet vnd beradet euch zuvorn mit euch selbs / betet dafür ein Vater vnser / oder redet etwas guts mit euch selbs / aus Gottes Wort etc. vnd leidet euch / vnd vertrauet Gotte / der wird ewer recht wol schaffen. Eben das meinet auch S. Paulus / Lasset die Sonne nicht vber ewern zorn vntergehen/ Denn ein Christen mus sich nicht mit dem zorn tragen / sondern in dem ersten zunder lesschen vnd dempffen. Das gehöret einem newen menschen zu/ das er könne den zorn vberwinden / damit er nicht vom Teufel wider von seinem angefangen Glauben gestossen werde/ noch verliere/ was er empfangen hat.

So der newe Mensch dem zorn solget / ist er schon wider in dem irthumb des alten Menschen.

Denn wo er solcher reizung seines fleisches folget / so ist er schon wider durch irthumb in verdammnis gefüret des alten Menschen/ vnd ist sein selbs nicht mehr mechtig / folget seinen eigen lüsten / vnd doch die Lügen schmücket / vnd wil noch recht haben zu zürnen vnd rechen / wie die Welt thut / die daher scharret/ Dieser thut mir so gros gewalt vnd vnrecht / Solte ich das leiden? Ich hab ein rechte sache / Ich wil meinen kopff nicht sanfft legen/ er sey den wider bezalet / Machen eben damit selbs ire sache vnrecht / beide/ fur Gott vnd den Leuten / Wie auch das Sprichwort sagt/ Wer wider schlegt/ der ist vnrecht.

Das ist in göttlichen vnd menschlichen Rechten verboten/ das niemand sol sein eigen Richter sein/ Vnd eben darumb Gott Oberkeit vnd Richteramt eingesetzt/ das da sol von seinen wegen das vnrecht straffen/ Welches heisset (wo es rechte gebraucht wird) nicht der Menschen / sondern Gottes gericht / zorn vnd straffe. Darumb/ wer in solch gericht selbs greiffet/ der greiffet Gott selbs ins maul vnd

thut zweierley vnrecht/ vñ damit zweifaltige verdammnis verdienet / Willen aber Rechte haben vnd suchen/ das ist dir nicht gewehret / so du es ordentlich weisse thust / nemlich/ an dem ort/ oder bey denen / welchen es von Gott befohlen ist / Die magstu anruffen vnd schutz begeren/ Wird dir geholffen/ wie Richter vnd Oberkeit schuldig ist / so brauch es/ Wo nicht/ so mustu es leiden vnd Gott befehlen / Wie hie von anderswo weiter gesagt ist.

**Symma /** Es ist hie beschlossen vnd gesetzt ein selzamer Spruch / das/ Wer seinem zorn nicht wil steuren/ vnd lenger kan zorn halten/ denn einen tag oder vber nacht/ der ist kein Christ. Wo wol zorn vber len denn die bleiben / die zorn vnd hassen immerdar tragen/ ein/ zwey/ drey/ sieben/ zehen jar/ Das ist nicht mehr ein menschlicher / sondern des Teufels zorn aus der Zelle/ welcher nicht zu settigen noch zu lesschen ist/ sondern wenn er entbrennet/ wolt er gerne (wenn er künde) in einem augenblick alles mit hellischem Feuer verderben/ Wie er nicht daran gesettigt ist / das er das ganze Menschlich geschlecht hat in fall vnd tod bracht/ sondern kan nicht zu frieden sein / wo er nicht alle Menschen in ewige verdammnis mit im füret.

Darumb sol sich billich ein Christen mit allem vleis fur solchem laster hüten. Gott kan noch gedult haben/ das dir das hertz anhebet zu wallen / vnd der zorn sich in dir reget / wiewol solches auch sündlich ist / Allein das er nicht dich gar vberwinde vnd stürze/ sondern das du in dich selbs schlahest/ vnd durch erinnerung Gottes Worts vnd deines Glaubens / in lesschest vnd sincken lässt/ wenn du bey dir allein bist / oder zu bette gehest/ da du solt das Vater vnser sprechen / vnd vmb vergebung bitten/ Vnd bekennen must / das dir Gott viel mehr vergeben hat/ vnd teglich vergibt/ weder dein Nehester wider dich sündigen kan.

Gebet auch nicht raum dem Lasterer. Wer gestolen hat / der stiele nicht mehr / sondern erbeite / vnd schaffe mit den henden etwas guts/ auff das er habe zu geben dem Dürfftigen.

Das

**D**as ist / das wir in der nehesten Epistel gehört haben / das ein Christen sich sol hüten / das er mit seinem leben niemand ergerlich sey / damit nicht Gottes name gelestert werde. Es ist ein gros ding vmb einen Christen / der da ist / wie er gesaget hat / ein newer Mensch / nach Gott geschaffen / vnd ein recheschaffen Gottes Bilde / darin Gott selbs leuchten vnd scheinen wil / Darumb / was ein Christen guts thut / oder widerumb böses thut (vnter dem namen eines Christen) das reichet Gottes namen zu ehren oder schanden / Wo jr nu (spricht hie S. Paulus) erwern lüsten folget / vnd thut / was ewer alter Adam wil / so thut jr nichts / denn das jr dem Lestere (dem Teufel vnd seinen Schupen) raum vnd vrsach gebet / das Gottes name vmb erwern willen gelestert wird / Denn der Teufel on das allzeit vrsach dazu suchet / vnd kans nicht lassen / er mus das liebe Euangelium vnd Gottes namen mit seinen Lestezungen beschmizen / solt ers auch mit eitel lügen thun / Wo er aber auch etwo rechte vrsach findet / die kaner jm nüt machen / vnd thut das mau weit auff / Sibe / sind das Euangelische Leute / da sibet man die fruchte der newen Lere / Ist das jr Christus / den sie selbs also ehren mit jrem leben etc.

Der Christen leben reichet Gott zu ehre oder schanden.

Christen solten Gottes namen vnd ehren schonen.

**J**e sol sich ein Christen zum höchsten für schweren vnd hüten / wenn er sonst nichts ansehen wolte / das er doch seines lieben Gottes vnd Heilands Christi namen vnd ehre schonen / vnd dem Teuffel nicht die liebe thue / vnd vrsach gebe / sein Lestermaul an Christo zu wegen / Denn / wie wollen wir auch für jm bestehen vnd verantworten / wo wir also leben / das man mus billich ober vns klagen / vnd wir es nicht können leugnen / vnd also williglich Gottes namen

vnd Wort / welches je sein sol vnser höchster schatz vnd gut / selbs zu vnehren vnd schanden setzen.

**D**as er spricht / Wer gestolen hat / der stele nicht mehr / sondern erbeite / vnd schaffe mit seinen henden etwas gutes / auff das er habe / das er geben könne dem Dürfftigen etc.

Ein Christ sol erbeiten / das er dem Dürfftigen geben könne.

Da leret er / was da ist / die rechte fruchte der Busse / das es mus sein abgelassen vnd auffgehört / oder nimer böses gethan / sondern dagegen guts gethan sein / Rüret vnd straffet auch damit das gemeine laster in der Welt / die da vol ist eitel stelen vnd raubens / in allen steden / Vnd alle für Gott Diebe sind vnd heißen / die da müßig gehen / nicht jr erbeit thun / da mit sie dem Nehesten dienen vnd geben.

**D**enn das ist die rechte auslegung des Gebots / Du solt nicht stelen / Das ist / du solt mit deiner eigen erbeit dich neeren / damit du etwas eigens habest / vnd dem Dürfftigen auch könnenst geben. Das bistu schuldig / Vnd wo du nicht also thust / so wird dich Gott auch für keinen Christen / sondern einen Dieb vnd Reuber vrtellen / Erstlich darumb / das du müßig gehest / vnd nicht selbs erbeitest / dauon du dich neereest / sondern der andern blut vnd schweis genommen hast. Zum andern / das du deinem Nehesten furhelst vnd nimest / das du jm schuldig bist zu geben. Wo findet man aber solche Leute / die das Gebot halten / vnd wo sol man sie suchen / on wo keine Leute wonen. Tu müssen dennoch die Christen solche Leute sein / Darumb sehe ein jeder für sich / das er sich nicht selbs betriege / Denn Gott wird sich nicht reuschen noch spotten lassen. Galat. 5.

AM



# Am XIX. Sonntag nach

Trinitatis / Euangelium / Matth. 9.



**D**atrat er in das Schiff / vnd fur wider herüber / vnd kam in seine Stad. Vnd sihe / da brachten sie zu im einen Gichtbrüchigen / der lag auff einem Bette. Da nu Ihesus iren Glauben sahe / sprach er zu dem Gichtbrüchigen / Sey getrost / mein Son / deine sünde sind dir vergeben. Vnd sihe / etliche vnter den Schrifftgelerten sprachen bey sich selbs / Dieser leßere Gott.

Da aber Ihesus ire gedanken sahe / sprach er / Warumb dencket ir so arges in ewern hertzen ?

Welches ist leichter zu sagen: Die sünde dir vergeben: Oder zu sagen / Stehe auff / vnd wandle. Auff das ir aber wisset / das des Menschen Son macht habe auff Erden die sünde zu vergeben / sprach er zu dem Gichtbrüchigen / Stehe auff / heb dein Bette auff / vnd gehe heim. Vnd er stund auff / vnd gieng heim. Da das Volk das sahe / verwundert es sich / vnd preiset Gott / Der solche macht den Menschen gegeben hat.



**D**ie Summa dieses Artikels von Vergebung der sünden. Artikel von Vergebung der sünden.  
des Euangelij ist der grösste hohe Artikel des Glaubens / der da heisset / Vergebung der sünden / welcher / wo er recht verstanden wird / machet er einen rechtschaffenen Christen / vnd gibt das ewige

ewige leben. Darumb auch not ist / das man in mit gangem vleis vnd on vnterlas in der Christenheit handle / auff das man in lerne helle vnd klar / vnd vnterschiedlich verstehen / Denn das ist die einigste höhestie vnd schwereste kunst der Christen / daran wir / so lang wir hie leben / gnug zu lernen haben / das niemand darff et was neues / höhers oder bessers suchen.

Das mans aber recht verneme / mus man wol vnd eigentlich wissen zu vnterscheiden / die zwey Regiment oder zweyerley frömkheit. Eine / hie auff Erden / welche Gott auch geordnet hat / vnd vnter die Zehen gebot in die ander Tafel gestellet / Vnd heisset eine weltliche oder menschliche gerechtigkeit / vnd dienet dazu / das man hie auff Erden vnternander lebe / vnd brauche der güter / die vns Gott gegeben hat. Denn er wils haben / das auch dieses leben sein friedlich / still vnd eintrechtlich registret vnd zu bracht werde / das ein iglicher thue / was im befohlen ist / vnd niemand sich vergreiffe an eines andern Ampt / güter oder person. Darumb hat er auch den Segen dazu gesprochen / vnd daran gehenget / Qui faciet ea uiuet in eis. Das ist / Wer auff Erden / vnd fur der Welt from ist / sol es auch geniessen / das im wolgehe vnd lang lebe.

Widerumb aber / wo man solches nicht thun wil / hat er dagegen geordnet / Schwert / Galgen / Rad / feur / wasser etc. damit er heisset wehren vnd steuren denen / so nicht wollen from sein. Wo aber daselbige nicht geschiet / sondern ein ganz Land böse vnd verkeret wird / das der Hencfer nicht wehren kan / schicket er pestilenz / theurung / krieg / oder andere gewuliche plagen / damit er das Land vmbkere / vnd rotte sie aus / wie den Jüden / Griechen / Römern vnd andern geschehen ist / Das man sehe / er wolle kurgumb haben / das man solche frömkheit halte vnd handhabe / vnd guts gnug dazu geben / Oder wo nicht / alles wider nemen vnd ausrotten.

Das ist kurg die meinung vnd ganzes wesen dieser frömkheit auff Erden. Dazu gehört nu weiter / das man solches wol treibe / vnd die Leute ermane / das sie jederman selbs dazu halte / vnd vleissige mit lust vnd liebe zu thun / das

er nicht dürffe dazu getrieben werden mit zwang vnd straffe. Die vermanung aber stehet darin / das man furhalte Gottes gebot vnd befehl / einem iglichen stand auff Erden / wie er sie geordnet vnd ausgeteilet hat / auffgelegt. Dasselbige sol man ansehen vnd gros achten / vnd lust daraus schepffen / das man von herten gerne thue / was einem iglichen in seinem stand zu stehet. Als wenn er spricht / Du solt Vater vnd Mutter ehren / hie solt ein iglich Kind / Knecht / Magd / Vnterthan etc. das Wort mit freuden annemen / vnd keinen schatz auff Erden höher achten / vnd sich düncken lassen / wenn er solches thete / er were halb / wo nicht gar / im Paradis / Allein darumb / das sein hertz ungezweckelt schliessen kan / Tu weis ich / das solch werck / leben oder stand / recht vnd gut ist / vnd Gott von herten wolgefellet / Denn da habe ich sein Wort vnd Gebot als ein gewis zeugnis / das mir nicht liegen noch feilen kan.

Denn las mir das nicht die geringste gnade auff Erden sein / wenn man dahin kömet / das solchs im herten beschlossen ist / vnd das gewissen darauff stehen vnd rügen kan. Vnd man solt dem lieben Euangelio allein darumb dancken / hold sein / vnd in allen ehren haleē / wenn man gleich kein ander nutz vnd frucht dauon hette / das es vnser gewis so versichert vnd gewis machet / wie wir leben vnd mit Gott daran seien.

Wie sind wir vorhin gelegen im irthum vnd blindheit / da kein fäncklin solcher lere geleuchtet hat / vnd vns haben ins Teuffels namen lassen füren / wie einem iglichen Lügenprediger getrewmet hat / so viel werck gesucht / hin vnd her gelauffen / vnsern schweis / gelt vnd gut daran gewand vnd hin geschütet / hie zu Messen vnd Altar / dort zu Klöster vnd Bruderschaften gestiftet / vnd jederman darnach getappet / das er doch gewis würde / wie er Gott dienete / vnd ist doch niemand dazu komen / sondern alle im finsternis blieben / Denn da war kein Gott / der da gesagt hette / Das gefellet mir / das habe ich geboten etc. Ja sie haben nichts anders gethan / vnser blindes Leiter / denn Gottes wort aus den augen gesetzt / von den rechtschaffenen wercken gerissen / vnd

h b dafur

Zweiterley gerechtigkeit.

Weltliche gerechtigkeit.

Leut. 77.

Gottes vermanung vnterweisung zu eufferlicher gerechtigkeit.

...  
...  
...  
...  
...

...  
...  
...  
...  
...

...  
...  
...  
...  
...

## Auslegung des Euangelij

dafür in allen winkeln andere auff gesworffen / Dazu die stende / so er gesetzt hat / umbgestossen vnd verachtet / gerade / als wüste ers nicht besser zu ordnen / oder so gut zu machen / als wir.

Gottes wort sol man stets für augen haben.

Darumb mus man nicht unterlassen / imer dar solch Gottes wort einzubilden / welches vns kein sonderliche groesse / schwere werck auffleget / sondern eben auff den stand weist / darinne wir leben / das man nichts anders suche / sondern mit frölichem gewissen darin bleibe / vnd wisse / das durch solche werck mehr ausgerichtet sey / denn wenn jemand alle Klöster gestiftet / vnd alle Orden gehalten hette / Ob es gleich die allergeringste hauserbeit ist. Denn das hat vns bisher betrogen / der treffliche schein vnd gepreng der werck / Rappen / platten / herin heimb / fasten / wachen / sawor sehen / den kopff hengen vnd barfus gehen.

Der treffliche schein der werck im Bapstum hat vns betrogen

Das ist vnser torheit / das wir rechnen nach dem ansehen des wercks / vnd weil es nicht gleisset / als etwas sonderlichs / so es nicht gelten / Vnd sehen nicht / wir Narren / das Gott den theuren schatz / nemlich / sein Wort / eben an solch gering werck geheffet / vnd drein gebunden hat / als er ( wie gesagt ) den Väterlichen gehorsam / vnd die werck / so in eufferlichem heuslichen oder bürgerliche wesen gehen / in sein heissen vnd befehl fasset / welches er wil also angenommen haben / als wenn er selbs von Himel erschiene. Was woltestu thun / wenn Christus selbs mit allen Engeln sichtlich herab keme / vnd hiesse dich daheim das Haus keren / oder die töpffen waschen / Wie würdestu dich so selig achten / vnd nicht wissen / wie du dich für freunden dazu stellen soltest / Nichte umb des wercks willen / sondern / das du im damit wütest zu dienen / der grösser ist / denn Himel vnd Erde.

Gottes wort sol man ansehen in allen wercken.

Wenn man nur solches bedechte / vnd durch das Wort vber sich füre / vnd ansehe / das nicht ein Mensch / sondern Gott im Himel sey / der solches haben wil vnd befehlet / künde man in eitel sprüngen hinlauffen / vnd solch geringe werck / wie man sie achtet / lieber thun / denn kein andere / auff's aller treueste vnd vleissigste. Das aber nicht geschiet / machet nichts anders / denn das man die

wercke von dem Worte scheidet / vnd Gottes befehl nicht ansehen noch achten wil / Gehen dahin / als blinde / schlefferige Leute / meinen / es sey allein umb die werck zuthun / Vnd weil wir sie gering achten / suchen vnd gassen nach andern / werden wir faul vnd verdröffen / thun nichts mit liebe / trew oder gehorsam / machen vns auch kein gewissen / das wir solchs ligen lassen / vnd dem Teuffel vntrew / schaden oder verdriesen thun / damit wir vns auch alle plage / zorn vnd unglück sammeln.

Das sol nu ein stück sein vnser Lehre / das man diese eufferliche gerechtigkeit treibe / beide / mit vermanen vnd drehen / vnd nicht geringe achten lasse / Denn wer solches verachtet / der hat Gott vnd sein Wort verachtet / Darumb sehe ein iglicher auff sich selbs / was er ist oder zu thun hat / vnd was Gott von im haben wil / es sey zu regieren / gebieten vnd heissen / oder dagegen / zu gehorchen / dienen / erbeiten etc. Das er umb Gottes willen seines Amptes warde / mit allen trewen / vnd sey gewis / das Gott höher helt / denn / wenn er aller Mönchen werck vnd heiligkeit hette / Welche noch nie so weit komen sind / das sie solche eufferliche gerechtigkeit erlangt hetten / vnd nicht vermögen alle jr wesen vnd wercke einem jungen kind oder Dienstmagd / so aus Gottes befehl eines Kindes oder Magd werck thut / gleich zu rhämen. O wie ein selige Welt solten wir haben / wenn die Leute solches gleubeten / vnd jeder man für sich in seinem Ampt bliebe / Gottes willen vnd gebot imer für augen hielte / das von Himel müste zuschneien mit allerley Segen vnd gütern / dafür wir jzt so viel plage vnd herleid müssen haben / wie wir suchen vnd verdienen.

**V**ber diese eufferliche frömdigkeit ist nu ein andere / die nicht auff Erden zu diesem zeitlichem leben gehöret / sondern allein für vnd gegē Gott gilt / vnd vns füret vnd erhelt in jenes leben / nach diesem. Denn jene stehet in wercken / so dis leben fordert / vnter den Leuten zu vben / gegen ober vnd vnter personen / Nachbarn vnd Teuffel / vnd hat iren lohn hie auff Erden / nimet auch jr ende mit diesem leben / vnd wer sie nicht helt / bleibe nicht in diesem leben. Diese aber

Vmb Gottes willen sol ein Christen seines Amtes werck treulich thun.

Gerechtigkeit / so für Gott allein gilt.

feret vnd schwebt hoch vnd weit vber alles was auff Erden ist / gehet mit keinen wercken umb / Denn wie kan sie werck haben / weil alles was der leib thun kan / vnd werck heisset / bereit in der andern gerechtigkeit gehet?

Vergebung der sünden.

Das ist nu die / so man heisset / Gottes gnade oder vergebung der sünden / davon Christus in diesem vnd andern Euangelien sagt / welches ist nicht ein irdische / sondern himlische Gerechtigkeit / nicht vnsers thuns vnd vermögens / sondern Gottes werck vnd geschenck. Denn jene menschliche Frömmkeit mag wol der straffe vnd dem Zenger entgehen / vnd zeitlicher güter genießen / Aber dahin kan sie es nicht bringen / das sie Gottes gnade vnd vergebung der sünde erlange. Darumb / ob wir gleich die selbige gar haben / müssen wir noch viel ein höhers haben / das für Gott bestehe / von sünden vnd bösem gewissen erlöse / vnd aus dem tod ins ewige leben setze.

Was die Christen von allen andern unterscheiden.

Das ist auch das einige stück oder Artikel vnd lere / davon wir Christen werden vnd heissen / vnd der uns sondert vnd scheidet von allen andern Heiligen auff Erden / Denn sie haben alle einen andern grund vnd wesen irer heiligkeit / sonderliche vbung vnd strenges leben etc. oder auch die werck in den Stenden vnd Lmptern / die durch Gottes wort bestetigt sind / welche doch viel höher vnd besser sind / denn jene Mönchische / selberwelete geistlichkeit. Diese machen auch einen heiligen stand / das man solche Leute from heisset / als die da thun / was sie sollen / vnd jederman loben mus. Aber der keines machet einen Christen / sondern allein / das er diesen Artikel mit dem Glauben fasse / vnd wisse / er sitze vnter dem Reich der gnaden / da in Christus vnter seine flügel genommen / vnd on vnterlas vergebung der sünde schencket / Wer etwas anders suchet / oder mit Gott anders handeln wil / der wisse / das er kein Christen / sondern von Gott verworffen vnd verdampft ist.

Darumb gehöret kunst vnd verstand dazu / das man diese Gerechtigkeit ergreiffe vnd halte / vnd wol scheid im gewissen für Gott / von jener eusserlichen gerechtigkeit / Denn das ist / wie gesaget / der Christen kunst vnd weisheit /

aber so hoch vnd gros / das auch die lieben Apostel alle nicht können gnug ausreden. Vnd widerferet jr doch eben die leidige plage / das man keine kunst so bald ausgelernet hat / als diese. Es ist keine höher predigt / denn von der Gnade vnd vergebung der sünde / noch sind wir so heillose leute / das / wenns jemand ein mal gehöret oder gelesen hat / so kan ers / vnd ist bald Meister vnd Doctor / suchet darnach etwas höhers / als hette ers alles ausgerichtet / machet neue Kotten vnd spaltung.

Ich habe nu selbs so viel jar drüber gelernet / vnd mit allem vleis getrieben (mehr denn keiner / dere / die sich düncken lassen / sie können) mit predigen / schreiben / lesen etc. noch kan ich mich keiner meisterschafft rühmen / vnd mus fro werden / das ich ein Schüler bleibe / mit denen / die erst anfahen zu lernen. Darumb mus ich vermanen vnd warnen alle / die gerne wolten Christen sein / beide / Lehrer vnd Schüler / das sie sich hüten für solchem schendlichen wahn vnd vberdrus / vnd wissen / das die schwereste / höchste kunst ist / so man auff Erden finden kan / Das auch S. Paulus mus bekennen vnd sagen / Es sey ein vnaussprechliche gabe / das ist / die man den leuten nicht kan mit Worten einbilden / das sie es so hoch vnd thewer achten / als an jm selbs ist.

Vnaussprechliche gabe des Glaubens Christi.

Ursach ist die / das die Vernunfft vber ire eusserliche frömmkeit in wercken / nicht komen / noch des Glaubens gerechtigkeit begreifen / kan / sondern je höher vnd klüger sie ist / je mehr sie an wercken hanget / vnd sich darauff gründen wil / Vnd vermag kein Mensch zu lassen / wenn er in ansechtung vnd not ist / das das gewissen getroffen wird / das er nicht umb sich greiffe nach wercken / dar auff er möchte rugen vnd stehen / Da suchet vnd zele man so viel gute wercke / die man gerne thun wolt oder gethan haben / Vnd weil man keine findet / hebt das hertz an zu zagen vnd zwoemeln / Das henger so feste an / das auch die so den Glauben haben / vnd die gnade oder vergebung der sünde erkennen / mit aller mühe vnd erbeit sich eraus wircken können / vnd teglich dawider fechten müssen. Kurtz / es ist gar vber menschen sinn vnd verstand / kunst vnd vermögen / das

Vernunfft wil allzeit an wercken hangen.



## Auslegung des Euangelij

man sich vber die irdische gerechtigkeit erhebe/vnd eraus trete in diesen Artikel. Vnd ob man wol viel dauon höret vnd zu sagen weis/ so bleibt gleichwol imer der alte wahn vnd angeborne vnflat/ so sein eigene werck fur Gott wil bringen/ vnd zum grund der seligkeit setzet. Solches widerferet (sage ich) denen / die Christen sind/ vnd da wider fechten/ Die andern Klüglinge vnd vnuersuchte Geister sind gar darin ersoffen.

*Vber sünde vnd gute werck/ allein auff vergebung der sünden sich gründten.*

Darumb sol diese Lere gefasset werden/ das mans genzlich dafür halte/ das vnser frömkheit fur Gott heisse / vergebung der sünde / so müssen wir vns aus vns selbs wircken / vnd vber Vernunft erheben/ welche mit vns disputirt / vnd furhelt/ beide / sünde vnd gute werck/ vnd so hoch faren/ das man weder sünde noch gute werck ansehe/ sondern sich gründe vnd sencke in diesem Artikel/ vnd nichts weiter sehe noch wisse. Also/ das man die Gnade oder vergebung setze/ nicht allein wider die sünde/ sondern auch wider gute werck/ vnd alle menschliche gerechtigkeit vnd heiligkeit ausschliesse. Also ist der Mensch geteilet in diese zwey Regiment/ Aussen in diesem leben/ sol er from sein/ gute werck thun/ etc. Wenn er aber vber dis leben feret/ mit Gott handeln wil/ sol er wissen/ das da weder seine sünde noch frömkheit gelte. Vnd ob er gleich sünde fület/ die das gewissen drücken/ vnd das Gesetz gute werck fordert / das er der keines höre noch sehe/ sondern frisch antworte. *Sab ich sünde / so hat Christus vergebung/ Ja/ ich sitze in dem thron/ dahin die sünde nicht langen kan.*

*Christreich ein grosser Himel der gnaden/ so alle sünde decket.*

Denn wir sollen Christi Reich also ansehen/ als ein schön grosses gewelb/ oder eine decke/ allenthalben vber vns gezogen / so vns decket vnd schützet fur Gottes zorn/ ja als einen grossen weissen Himel/ da eitel Gnade vnd vergebung leuchtet / vnd die Welt vnd alle ding voll machet/ Das alle sünde dagegen kaum als ein fünckle seien / gegen dem grossen weiten Meer / vnd ob sie gleich drücken/ dennoch nicht schaden kan / sondern fur der gnade zustieben vnd zurgehen mus. Wer das kündet/ der möcht wol Meister heissen / Aber wir werden vns alle müssen demütigen/ vnd nicht schemen daran zu lernen/ so lange wir leben.

Denn vnser natur/ wo sie eine sünde weis auffzu bringen/ kan sie eine last/ als der Himel schwer/ daraus machen/ So bleibet der Teuffel zu / vnd machet aus einem füncklin ein feur/ das Himel vnd Erden füllet. Nie mus das blat vmbgekeret sein / vnd frey geschlossen/ Wenn die Sünde noch so gros vnd schwer were/ so ist dieser Artikel viel höher/ weiter vnd grösser/ welchen nicht aus eigener weisheit ein Mensch geredt oder gegründet hat / Sondern der Himel vnd Erden mit dreien fingern fasset vnd helt (wie der Prophet *Esai* sagt) *Meine sünde vnd frömkheit müssen die niden auff Erden bleiben/ als die dis leben vnd mein thun betreffen. Droben aber habe ich einen andern schatz/ grösser denn die beide/ da Christus sitzet / vnd mich in den armen helt/ mit seinen flügeln decket/ vnd mit eitel gnade vberschatet.*

*Gnade waltet vber alle sünde.*

*Esai. 40.*

**G** sprichstu/ Wie denn/ wenn ich die sünde teglich füle/ vnd das gewissen mich verdampft/ vnd Gottes zorn furhelt? Antwort/ Darumb sage ich/ man solle lernen/ das die Christliche gerechtigkeit nichts anders sey / das man nennen oder denken kan / on allein vergebung der sünde/ Das ist/ ein solch Reich oder Regiment/ das nur mit sünden vmbgeheth/ vnd so vberschwengliche gnade/ die allen zorn nimet.

Denn darumb heisset vergebung der sünde/ das wir fur Gott rechtschaffenere Sänder sind/ ja eitel sünd in vns ist/ ob wir gleich alle menschliche gerechtigkeit haben/ Denn wo er von sünden saget/ da müssen rechte vnd grosse sünde sein/ gleich wie auch die vergebung nicht ein schertz / sondern rechter ernst ist/ Darumb / wenn du diesen Artikel ansiehst/ so hastu beides. Sünde nimet alle deine heiligkeit hinweg / wie from du bist auff Erden/ Widerumb / vergebung hebt alle Sünde vnd zorn auff/ als so/ das dich weder sünde in die Helle stossen/ noch deine frömkheit in Himel heben kan.

*Das wort vergebung zeigt das wir rechtschaffen sind.*

Darumb/ wenn der Teuffel auff das gewissen treibt/ das er das herg verzage mache/ vnd spricht/ Hastu doch selbs geleret/ man solle from sein/ So antworte nur getroff/ vnd sprich/ Ja recht / Das ich ein sündner bin/ das weis ich vorhin wol/ Denn dieser Artikel hat michs len

*Antwort auff des Teuffels schrecken.*

gest

gestgeleret / der heisset / vergebung der sünde. Fur den Welt wil ich from sein / vnd thun so viel ich kan / Aber fur Gott wil ich gerne ein Sünder sein / vnd auch nicht anders heissen / auff das dieser Artikel war bleibe / Sonst were es nicht vergebung / oder gnade / sondern müste ein Krone der gerechtigkeit vnd meines verdiensts heissen.

Darumb / ob ich gleich nichts anders säle / denn viel vnd grosse sünde / so sind sie doch nicht mehr sünde / Denn ich habe dagegen in tößlich Tirack vnd Apostrecken / so der Sünde ist Krafft vnd giffet nimet / vnd dazu tödet / welches ist das wort / Vergabung / fur welchem die sünde zurücket / wie die Stoppeln / wenn das feur drein kömet / Sonst hülffe kein werck / kein leiden oder marter / wider die allgeringste sünd. Denn ausser der Vergabung ist vnd bleibet eitel sünde / die vns verdampt.

Darumb nur den Artikel frisch vnd vol bekand vnd beschlossen / Fur der Welt mag ich from sein / vnd alles thun was ich sol / Fur Gott aber ist nichts denn eitel sünde / vmb dieses Artikels willen / Darumb bin ich ja ein Sünder / aber ein solcher Sünder / der nu vergabung hat / vnd in dem Thron sitzet / da eitel gnade regieret / wie Psal. 116. sagt. Sonst were ich ein Sünder wie Judas / welcher allein seine sünde / vnd keine vergabung sahe / Die Christen aber / wie viel sie sünd an jnen sehen / so viel höher vnd grösser gnade sehen sie vber vnd vmb sich / in dem Wort geschenckt vnd ausgeschüttet.

**Christi reich eitel vergabung der sünden.**  
**A**lso lerne nu diesen Artikel gros machen vnd ausbreitē / so weit als Christus reicht vnd regieret / auff das du in hoch vnd weit kündest heben / vber alle ding in Himel vnd Erden. Denn wie das Wort vber solchs alles schwebet / so mus auch der Glaube / so das Wort fasset im hertzen / vnd daran helt / vber sünde / gewissen / Tod vnd Teuffel faren. Tu rechne du / was ein Christen fur ein Mensch sey / der ein Herr vber Teuffel vnd Tod heisset / vnd fur dem alle sünde als ein dürre blat seien. Vnd hie prüfe dich selbs / wie viel du dauon kanst / vnd ob es so geringe vnd leichte kunst sey / als die vnerfaren Geister meinen / Denn wenn du es kündest vnd glaubtest / so we-

ren alle vnglück / Tod vnd Teuffel nichts. Weil du dich aber noch so mit Sünden beissest / schreckest vnd zagest / fur Tod / Helle vnd Gottes gericht / so demütige dich nur / vnd gib dem Wort die ehre / vnd sprich / du habests noch nie verstanden.

**D**u Burg / greiffe nur ein jglicher in seinen Bosen / so wird er einen falschen Christen finden / der sichs düncken lesst / er wisse es / ehe er die ersten büchstaben dauon gelernet hat. Es ist wol bald gehört / gelesen / vñ die wort dauonbracht / aber in brauch vnd wesen zu bringen / das es in vns lebe vnd das Gewissen sich darauff gründe vnd erwege / das ist nicht Menschen kunst.

Darumb sage ich vnd vermane / die Christen wöllen sein / das sie inier damit vmbgehen / krewen / treiben vnd blewen / das wir doch einen schmack dauon gewinnen / Vnd wie S. Jacob 1. saget / Ein anbruch oder erstling seiner Creatur werden / Denn das mans dahin solte bringen / das wir vollkommenen verstand kriegten / da wird nicht ans in diesem leben / weil es die lieben Apostel vol Geistes vnd Glaubens / nicht höher bracht haben.

**D**as sey fur das erste gesagt / was die Christliche gerechtigkeit sey / vnd worinne sie stehet. Fragstu nu weiter / Woher sie komet / oder wo durch sie zu wegen bracht oder erworben sey. Antwort / Daher kömet sie / das Jhesus Christus / Gottes Son / von Himel komet / vnd Mensch worden / fur vnser sünde gelidten hat vnd gestorben ist. Das ist die Ursache / das mittel / vnd der schatz / durch welchen vnd vmb welches willen / vns die vergabung der sünden vnd Gottes gnade geschenckt ist.

Denn solcher schatz kömet nicht zu vns on mittel oder verdienst / Aber weil wir alle / als in sünden geboren vnd Gottes feinde / nichts denn ewigen zorn vnd Helle verdienet haben / das alles / was wir sind vnd vermögen / verdampt ist / vnd kein hülffe noch rat daraus zu komen / Denn die sünde ist zu schwer / das sie keine Creatur ausleschen / vnd der zorn so gros / das in niemand stillē noch versünen kunde. Darumb must ein ander Man an vnser stat treten / nemlich / Jhesus Christus / Gott vnd Mensch / vnd

h h ij durch

Wo durch  
vergebung  
der sünde  
erworben.

durch sein Leiden vnd Tod für die Sünde gnugthun vnd bezalen. Das ist die kost / so darauff gelegt vnd an vns gewendet ist / dadurch die sünde vnd Gottes zorn ist ausgeleschet vnd weggenommen / der Vater versünet / vnd vns zu freund gemacht.

*Vnterschied vnter Christen vnd andern.*  
 Solchs wissen vnd glauben auch allein die Christen / vnd hie teilen sie sich von allen andern Glauben vnd Gottes diensten auff Erden. Denn die Jüden / Türcken / falsche Christen vnd Werckheiligen rühmen auch / das Gott barmhertzig sey / vnd ist kein Mensch auff Erden / der nicht wisse von Gottes gnaden zu sagen / vnd seilen doch alle / das sie keine gnade vnd vergebung der sünde erlangen / Das macht / sie wissen nicht / wie man dazu kome / das ist / sie haben den schatz nicht / in dem sie ligt / vnd daher sie fleusst / faren in irer blindheit / vnd wollens mit irem thun / strengem leben / vnd eigener heiligkeit / ausrichten / das mit sie nur Gottes zorn vnd vngnade schwerer machen.

*Allein vmb Christi willen werden die sünde vergeben.*  
 Darumb ist not / das wir diesen schatz lernen recht treffen / vnd die vergebung suchen / da sie zu suchen ist / das ist / das wir den **J E R X V** Ihesum Christum wol lernen kennen / ergreifen vnd halten. Denn es ist beschlossen / das on vnd auffer dem Christo niemand für Gott komet / keine gnade finden / noch der allgeringsten sünde vergebung erlangen sol / Denn weil du ein Sünder bist / vnd on vnterlas bleibest / so ist dein Gewissen da / vnd verdampe dich / helt dir Gottes zorn vnd straffe für / das du keine gnade sehen kanst. Das sie aber dir vergeben werde / wirstu (wie gesagt) nicht in deinem Bosen finden / damit du bezalest / noch etwas auffbringen / darumb dich Gott ansehen / vnd das Register ausleschen solle.

Wenn du aber Christum ergreiffest / als der für dich dahin getretten / deine sünde auff sich genommen / vnd sich dir zu eigen gegeben hat / mit alle seinem verdienst vnd güttern / so kan keine sünde etwas wider dich vermögen. Bin ich ein Sünder / so ist er heilig / vnd ein **J E R X** vber Sünd / Tod / Teuffel vnd Helle / das keine sünde mir schaden kan / weil er mir als meine gerechtigkeit vnd seligkeit / geschencke ist.

Also haben wir wol eitel gnade /

vnd vergebung aller sünden / aber nicht / denn durch vnd in dem einigen Christo / da mus es allein gesucht vnd geholet werden. Wer nu mit irgendet einem werck für Gott komet / das er solle ansehen / vnd etwas gelten lassen / gnade zu erlangen / der wird anlauffen / vnd den kopff zu stoßen / ja für gnade eitel zorn auff sich laden.

Daher siehestu / das alle andere mittel vnd wege verdampe sind / als Teuffels lere / dadurch man die Leute fürer vnd weiset / auff ire eigen werck oder anderer heiligkeit / vnd verdienst / als da sind der Heiligen Exempel / die streng leben vnd der Orden geführt / viel gelidden / vnd lang gebüßet etc. Als auch die geathan haben / so die Leute in gods nothen getröstet / vnd vermanet / den tod willig zu leiden für ire sünde. Denn es heisset den **J E R X V** Christum verleugnet / ja geschmehet vnd gelestert / wer sich vnterstehet / etwas anders wider die sünd zu setzen / vnd selbs auch sünde zu büßen / als gelte Christi blut nicht so viel / als vnsere buße vnd gnugthun / oder als were sein Blut nicht gnug / alle sünde auff erden zu vertilgen.

Darumb / wiltu der sünde los werden / so las nur ansehen / werck vnd gnugthun zu suchen / vnd für Gott zu tragen / sondern treuch allein vnter vnd in den Christum / als den / der deine sünd von dir genommen / vnd auff sich geladen hat / das du nicht dürffest dich mit ir schlagen / noch etwas zu schaffen haben / Denn er ist das Lamb Gottes (spricht Johannes) das der Welte sünde tregt / vnd ist kein ander Name vnter dem Himmel (wie Petrus Act. 4. sagt) darin wir können selig werden / Daher heißen wir auch Christen / das wir in haben mit alle seinem verdienst vnd güttern / nicht von vnserm thun vnd wercken / welche wol einen heiligen Carthenser / Franciscer oder Augustiner monch / einen gehorsam vnd fastler etc. machen vnd nennen / aber nimmermehr einen Christen geben können. Siehe / dis ist das ander stück / so zu der Predigt von diesem Artikel gehöret.

Das dritte / Wie oder wo durch wird vns nu solche Gerechtigkeit heimgebracht / das wir den schatz durch Christum erworben / empfangen / Sie ist auch auff zu sehen / das man rechte fare /

Auffer Christo keine vergebung der sünden.

Christen heißen wir allein von Christi verdienst.

Wo durch vergebung der sünden vns mit gerechter weise

fare/ vnd nicht dahin gerate / wie vorzeiten etliche Keger/ vnd noch viel irrige Geister furgeden haben/ vnd gemeinet/ Gott solle ein sonderlichs mit inen machen/ vnd mit einem iglichen durch ein sonderlich liecht vnd heimliche offenbarung inwendig im hertzen handeln/ vnd den Heiligen Geist geben/ Als dürffte man keines Buchstabens/ Schrifte oder eufferliche Predigt.

Eufferlich Wort oder Predigampr.

Darumb sollen wir wissen / das Gott so geordnet hat/ das niemand sol zur erkentnis Christi komen / noch die vergebung durch in erworben / oder den Heiligen Geist empfaben / on eufferlich mittel/ Sondern hat solchen Schatz in das mündlich Wort oder Predigampt gefasset / Vnd wils nicht im winckel oder heimlich im hertzen ausrichten/ sondern öffentlich vnter die Leute ausschrien vnd ausgeteilet haben/ wie Christus befihlet/ Gehet hin in alle Welt/ vnd prediget das Euangelium alle Creaturen etc.

Vrsach vnd not des eufferlichen Worts in der Kirchen

Solches thut er nu darumb / das mans gewis sey/ wie vnd wo man solche gnade suchen vnd warten müsse / auff das es in der Christenheit in einerley weise vnd ordnung gehe/ vnd niemand ein eigens furneme/ vnd nach eigen gedanken fare/ damit er nicht sich vnd andere betriege/ wie sonst gewislich folgen würde / Denn dieweil wir niemand ins hertzen sehen können/ wolt sich jederman des Heiligen Geistes rhümen / vnd seine gedanken für geistliche offenbarung auffwerffen / als von Gott auff ein sonderliche weise geleret vnd eingegeben / das niemand wüßte / welchem oder was er glauben solte.

Also gehöret auch dis stück/ nemlich/ das eufferliche Wort oder Predigt in der Christenheit dazu/ das man vergebung der sünde oder die Christliche gerechtigkeit erlange / als eine rhöre vnd mittel/ dadurch Christus vnd seine gnade vns offenbaret vnd furgetragen/ oder in den schoß gelegt wird/ on welche niemand des Schatz nimermehr möchte gewar werden.

Denn woher könd mans wissen/ oder in welches Menschen hertzen würde es inermehr komen / das der Christus Gottes Son/ vmb vnsern willen von himel komen/ für vns gestorben/ vnd vom tod auferstanden/ vergebung der sünde

vnd ewiges Leben erlanget/ vnd vns geschencket hette/ wenn ers nicht offenberlich verkündigen vnd predigen ließe. Vnd ob er gleich durch sein Leiden vnd tod vns den Schatz erworben hat / so könde doch niemand dazu komen / noch solches empfaben/ wo ers nicht auch ließe durchs Wort anbieten / furtragen/ vnd heimbringen/ Vnd were alles vmbsonst/ was er dran gewendet vnd gethan hette/ vnd nicht anders/ denn ein theurer grosser Schatz in der Erden vergraben/ den niemand wüßte zu suchen / noch im nutz zu machen.

Darumb hab ich inmer also geleret/ das zum ersten vor allen dingen das mündliche Wort müsse da sein/ vnd mit den ohren gefasset werden / wo der Heilige Geist ins hertzen komen sol / welcher mit vnd durch das Wort das hertzen erleuchtet/ vnd den Glauben wircket. Also / das der Glaube nicht kömet noch bestehet/ on durch das hören/ vnd eufferliche Predigt des Euangelij/ durch welches er beide anseheth/ vnd zummet oder gesseret wird.

Glaube kömet durch das hören des Worts.

Derhalben sol man solches nicht verachten/ sondern in allen ehren halten/ gerne damit umbgehen / vnd on vnterlas treiben vnd blewen/ als das nimer on frucht abgeheth/ dazu nimer gnug sam kan verstanden vnd gelernet werden. Vnd hüte sich nur jederman für den schendlichen Geistern / die es so gering achten/ als sey es nicht not oder nutz zum Glauben/ oder die es so bald ausgelernet haben/ vnd vberdrüssig werden / bis sie zu letzt dauon fallen / vnd nichts vom Glauben vnd Christo behalten.

Sihe/ da hastu alles/ so zu diesem Artikel gehört/ von der Christlichen gerechtigkeit/ die da stehet in vergebung der Sünden / durch Christum vns geschencket/ vnd mit dem Glauben / durch vnd in dem Wort/ empfangen/ rein vnd blos / on alle vnser werck. Doch nicht also/ das ein Christen nicht gute werck thun solle vnd müsse / Sondern / das man sie nicht in des Glaubens lere menge vnd flechte / vnd mit dem schendlichen wohn behenge / das die zur gerechtigkeit für Gott etwas vermögen / dadurch man beide / die werck vnd Glaubens lere beschmeisset vnd verderbet/ Denn es ist alles darumb zu thun / das

Von guten werden.

## Auslegung des Euangelij

man diesen Artickel rein vnd lauter beshalte/ von alle vnserm thun abgescheiden.

Darnach aber / wenn wir diese gerechtigkeit haben/ sollen die werck folgen/ vnd hie vnden auff Erden bleiben/ das sie die weltliche gerechtigkeit machen vnd erhalten/ Vnd also beide recht gehen / aber iglichs sonderlich in irem wesen vnd werden / Jene fur Gott im Glauben/ vber vnd vor allen wercken/ Diese in wercken der Liebe gegen dem Nehesten/ wie wir auch oben gnug gesagt haben.

### Von der gewalt auff Erden/ Sünde zu vergeben.

Zweiterley weise werde die sünde vergeben.

**D**ie Phariseer wustens wol/ das es Gottes werck war / vnd im allein zu stünde/ sünde zu vergeben/ Derhalben hielten sie Christum fur einen Gotteslesterer/ welcher als ein Mensch/ wolt sünde vergeben. Zweierley weise ist die sünde zu vergeben/ Erstlich/ die sünde aus dem hertzen treiben/ vnd gnade eingieffen/ das thut Gott allein. Zum andern/ verkündigen die vergebung der sünde / das thut auch ein Mensch dem andern. Aber Christus thut hie beides / Ins hertz gibt er den Geist / auswendig verkündigt ers mit dem Wort / Welche ist eine verkündigung vnd öffentliche Predigt der innerlichen vergebung.

Gewalt sünde zu vergeben durchs mündlich Wort.

Diese gewalt haben alle Menschen / welche Christen vnd getaufft sind / Denn damit preisen sie Christum/ vnd ist jnen das Wort in Mund gegeben/ das sie sagen können vnd mögen/ wenn sie wollen/ vnd so oft es von nöten ist/ Sihe Mensch/ Gott beut dir seine gnade an/ schencket dir alle deine sünde/ Bis getrost/ dir sind deine sünde vergeben/ Gleube es nur/ so hastu es gewis. Diese stimme sol nicht auffhören vnter den Christen/ bis an den Jüngsten tag/ Dir sind deine sünde vergeben/ Sey frölich vnd getrost. Solches hat ein Christ jmer im munde / vnd füret das Wort öffentlich / in welchem die Sünde werden vergeben. Also vnd auff die weise

hat ein Christ gewalt/ die Sünde zu vergeben.

Derhalben/ wenn ich zu dir sage/ Dir sind deine Sünde vergeben/ so halt es gewis dafur / als sagete dirs Gott selbs/ Denn wer wolt das thun/ wenn Christus selbs nicht herab gestiegen were/ vnd hette mir in den Mund gelegt/ vnd gesagt/ das wir solten / einer dem andern die sünde vergeben? Als da er in Johanne spricht / Nemet hin den heiligen Geist/ welchen jr die Sünde erlassen/ denen sind sie erlassen/ Vnd welchen jr sie behaltet / denen sind sie behalten. Vnd an einem andern ort spricht er/ Wo zween vnter euch eins werden/ warumb es ist/ das sie bitten wollen/ das sol jnen widerfahren von meinem Vater im Himmel/ Denn wo zween oder drey versamlet sind in meinem Namen / da bin ich mitten vnter jnen/ Das wort thut/ vnd schneit hindurch.

Wenn nu kein Mensch auff Erden were/ der sünde vergebe/ vnd weren allein Gesetz vnd werck / O wie ein blöde vnd elend ding were es vmb ein arm betrübt gewissen. Nu aber/ so Gott einem iglichen den mund vol gibt / das er sprechen kan zu einem andern / Dir solten deine sünde vergeben sein / du seiest wo du seiest / so ist das gülden Jar angangen. Darauff sollen wir trogen vnd pochen / wider die Sünde / das ich zu meinem Bruder / der in angst vnd noeder Sünden stecket/ sagen kan/ Sey frölich vnd getrost/ mein Bruder / dir sind deine Sünde vergeben/ Wiewol ich die den heiligen Geist vnd den Glauben nicht geben kan / dennoch kan ich dir verkündigen / Gleubestus / so hastu es. Welche nu solchs empfangen / die loben vnd preisen Gott / wie sie auch hie thun im Euangelio. Das heisset / Gott hat den Menschen macht gegeben/ sünde zu vergeben/ Vnd das ist das reich Christi mehren/ das Gewissen trösten vnd auffrichten. Das thun wir nu durchs Wort. Gott gebe / das wirs also auch fassen.



**S**ehet nu zu / wie jr fürsichtiglich wandelt / Nicht als die vnweisen / sondern als die weisen. Vnd

schicket euch in die zeit / denn es ist böse zeit. Darumb werdet nicht vnuerstendig / sondern verstendig / was da sey des HERRN wille.

Vnd sauffet euch nicht vol weins / daraus ein vnordig leben folget / Sondern werdet vol Geistes. Vnd redet vnternander von Psalmen vnd Lobfengen / vnd geistlichen Liedern / singet vnd spielet dem HERRN in euern hertzen / vnd saget danck allezeit fur alles / Gott vnd dem Vater / in dem Namen vnseres HERRN Ihesu Christi. Vnd seid vnternander vnterthan / in der furcht Gottes.



**D**iese vermanung thut S. Paulus auch wider die jemen / welche / wenn sie das Euangelium gehört haben / oder auch fein angefangen zu glauben / werden bald so trefflich sicher / vnd wehnen / sie habens nu gar / Dencken nicht / das sie noch fleisch vnd blut am halse haben / vnd noch in der Welt leben in des Teuffels Reich / sondern gehen dahin on alle sorge / als seien sie on alle fahr / vnd der Teuffel weit von jnen geflohen / Vnd eben damit vberleitet werden vom Teuffel vnd irem fleisch / das sie vom Euangelio kómen / ehe sie es gewar werden / behalten allein so viel danon / das sie davon reden können / rhúmen sich Christen / vnd beweisens mit keiner that.

Vernunng wider die sicherheit.

Darumb bedarff es hie auffsehens auff ewer leben ( wil S. Paulus sagen / Denn das heisse er fürsichtig wandeln / vnd verstendig sein ) wie jr dasselbe fürret nach Gottes wolgefallen / Das jr jmer seinen willen fur augen habt / vnd alle ewer thun darnach richtet / Denn wo jr diesen Spiegel aus den augen lasset / so hat der Teuffel bald zu euch eingebrochen / vnd den schaden gethan / das er machet aus einem Christen einen faul / sichern Heuchler / aus einem Heuchler / einen Kezer vnd Rottengeist / aus einem Kezer / einen öffentlichen feind.

Auffmerckung auff Gottes willen.

Darumb spricht er hie / Es sey kein schertz / sondern wer da wil vnuerfúret vnd vnúberwunden bleiben vom Teuffel / der mus wacker sein / vnd wol zu sehen / wie er wandelt / Denn wir haben an jm einen feind / der vns nach stellet / nicht allein zu hindern vnd auff zu halten / sondern gar in grund zu verderben.

**H**ieraus schleusst sich das vrtail / das welche nicht mit ernst auff sich selbst sehen / ob sie rechte Christe sind / das ist / recht glauben / vnd gerne Gottes wort hören vnd darnach leben / die sind schon vnweise vnd vnuerstendig worden / vnd vernemen nichts von Gottes willen / Denn sie haben das liecht aus iren augen gethan / vnd ein ander geplerr fur den augen / ihres eigen dúnckels / dadurch sie sehen / als durch ein gemalt glas / vnd wehnen / wenn sie solchen Irrewischen irer vernunfft folgen / so seien sie wol daran / bis so lang sie vom Teuffel verführet vnd gestürzt werden.

Vnweise vnuerstendig sein.

Darumb warnet S. Paulus nicht on ursache / das die Christen sollen allezeit weise vnd verstendig sein / das ist / Gottes Wort fur augen haben ( Denn dar in stehet ire weisheit vnd verstand ) bei de / ein jeder fur sich selbst / vnd sonderlich in der Gemein vnternander / Denn wo das Wort aus der Kirchen kómet / vnd etwo Schwetzer auff den Predigstuel gekassen werden / die jr eigen kunst furgeben / so ist es umb die Kirche geschehen / Vnd wird der hauffe / gleich wie ire Prediger sind. Desgleichen / wo ein jeder in sonderheit in seinem stande nicht sein

## Auslegung der Epistel

sein leben richtet nach Gottes wort/son-  
dern desselben vergisset / vnd dencket/  
wie er reich werde / vnd in ander hendel  
vnd sachē sich wickelt / Der wird so bald  
ein kalter fauler Christen / darnach auch  
ein irriger Mensch / bis er zu letzt gar  
Gott / sein Wort vnd willen / verachtet.

Darumb auch Gote so oft in der  
Schrift befehlet / das man sol jmerdar  
sein Wort handeln vnd treiben / gerne  
hören / damit umbgehen / vnd daran ges-  
dencken / tag vnd nacht / Vnd also des  
menschen leben jmer daher gehe in Got-  
tes lob vnd danck / vnd sehe teglich in die  
sen spiegel. Aber da gehöret vleis vnd  
sorge zu. Vnd solte hierin jederman mit  
trewen dem andern helfen / mit leren/  
vnterrichten / vermanen etc.

Verma-  
nung das  
ein jeder hel-  
ffe Gottes  
wort for-  
dern.

Ich hab ja oft gnug vermanet / das  
hie zu thun sol / wer nur etwas thun kin-  
de / mit allem vleis / das die Jugent zur  
schulen gezogen / rechte vnterrichtet vnd  
geleret würde / zum Pfarr vnd Predig-  
amt / vnd das dieselben doch nur zur  
nordurfft versorget würden. Aber es  
thun leider wenig Stedte vnd Herr-  
schafften dazu.

Siehe an gantz Deuschland / Bis-  
choue / Fürsten / Adel / Bürger vnd Bau-  
ren / wie sicher sie dabey hingehē / schnar-  
cken vnd schlaffen / Dencken / es habe  
nicht not / Es werde sich wol selbst thun /  
man könne allezeit wol Pfarherr vnd  
Prediger haben / Aber sie werdens war-  
lich auch verschlaffen haben / wenn sie  
meinen / sie habens wol gemacht / Denn  
sie werden auch vnterstendig / vnd wol-  
len nicht sehen / was Gottes wille sey.  
Darumb werden sie müssen erfahren / das  
sie jzt nicht glauben wollen / das es wird  
in wenig jaren nach vns dazu komen /  
das sie werden Prediger suchen / vnd kei-  
ne finden / vnd als denn müssen hörē gro-  
be ungelerte Esel / die kein Gottes wort  
wissen noch verstehen / vnd predigen /  
wie die Papstessel / des Papstes dreck  
vnd stanck / von geweihtem wasser vnd  
saltz etc. oder von iren grawen Rößen  
vnd newer Möncherey.

Man schreiet / predigt vnd verma-  
net / bis man nimer wil hören. Darumb  
sage vns auch S. Paulus diese Prophe-  
cey zuvor / das solche werden vnweise  
vnd vnterstendig / die da nicht mercken /  
was Gottes wille sey / vnd damit / wie  
folget / die zeit (der gnade vnd jres heils)

versennen vnd verlieren. Tu ist je das  
Gottes wille / das wir seinen Namen  
heiligen / sein Wort lieb haben vnd for-  
dern / vnd also Gott sein Reich helfen  
bawen etc. Wo das geschiet / so wil er  
darnach vnsern willen auch thun / nem-  
lich / vnser teglich brot / friede vnd gutes  
geben.

Tu solt ja das furnemeste sein / das  
wir dechten / wie wir Gottes wort vnd  
willen bey vns erhieltē (Das heisse recht  
verstendig sein / vnd sich in die zeit ges-  
schickt) Thun wirs nicht / so wird es vns  
auch gehen / wie es den vnterstendigen /  
vnweisen vnd narren gehen sol / das wir  
werden müssen hörē / Weil jr nicht habe  
wollen meinen Namen heiligen / vnd  
mein Reich mehren / noch meinen wil-  
len thun / So gebe ich euch auch nicht  
ewer teglich brot / vergebe euch nicht  
ewer sünde / noch helffe vnd rette von  
anfechtung vnd bösem. Darnach wird  
er dich dem lassen klagen ober gros vn-  
glück / vnfriede vnd bosheit der Welt /  
(wie man jzt klagen mus / vnd die Welt  
dem Euangelio schuld gibt) Aber das  
sol sein die straffe / dere / die nicht haben  
wollen Gottes willen erkennen / noch  
sich darein schicken / Vnd doch wollen  
sich rechtfertigen / vnd nicht gescholten  
sein / das sie vnweislich vnd als Narren  
handlen vnd thun.

Man / das ist in gemein dauon ges-  
agt / was da heisse / weislich vnd  
fürsichtiglich wandeln / vnd widerumb  
vnterstendig sein / in den sachen / da es  
am nödigsten ist / in der Kirchen / so das  
Predigamt vnd Gottes wort betref-  
fen. Denn wo das bleibt / so werden auch  
etliche erhalten vnter dem hauffen / die  
sich rechte darein schicken / oder noch erzu-  
komen. Aber wo es auch vom Predig-  
stuel kömet / so wirds wenig helfen / ob  
gleich einer oder etliche für sich selbst  
können die Schrift lesen / vnd weh-  
nen / sie dürffen keins predigens. Wo  
bleibet diweil der ander grosse hauffen /  
die man leren mus / Siehe / wie ist es bey  
vnser zeit albereit gangen den armen  
Leuten / so beide / durch Möncherische  
vnd Mönsterische Propheten vnd Kot-  
ten verführet sind.

Darumb thu vnd helffe jederman  
erslich dazu / das Gottes Wort öffent-  
lich allenthalben gepredigt vnd gehö-  
ret werde / vnd also die Kirche rechte an-  
gerichte

Jederman gericht vnd gebawet stehe / Darnach zi-  
 he er fur sich selbs auch das hochzeitlich  
 Kleid an (davon heut das Euangelium  
 sagt) vnd dencke / das er sich auch finden  
 lasse / als der Gottes wort mit ernst mei-  
 ne / Dencke nicht / wie die sichern Geister /  
 O / ich habe Pfarherr vnd Prediger  
 gnug / kan es hören oder lesen / wenn ich  
 wil / oder kome noch beglig wol dazu /  
 Ich mus hunor sehen / wo ich mein brot  
 erwerbe etc. andere mügen auch für sich  
 sorgen.

Mein lieber Man / sihe dich wol fur /  
 Es kan dir bald seilen / das du es verfi-  
 hest / vnd gefunden wirst / on das hoch-  
 zeitlich Kleid / vnd also dahin stirbest /  
 oder verführet werdest / ehe denn du weh-  
 nest / Wes wird als denn die schuld sein /  
 weder dein selbs / der du die vermanung  
 S. Pauli nicht hast wollen hören / noch  
 weislich vnd fürsichtiglich wandeln?

Jet sol man küssen / weil der marck  
 fur der thür ist / Denn wie sich die Welt  
 dazu schicket / so wird sie nicht lange bes-  
 halten / das sie hat. Man hilffe allent-  
 halben trewlich die Prediger vertragen /  
 oder je also drücken / zum wenigsten mit  
 hunger vnd armut / oder andern heimlich-  
 en rücken / das man jr nur los werde.  
 Wolan / es darff zwar hie nicht viel mü-  
 he vnd erbeit / Man wird jr sonst wol  
 vnd allzu bald los werden / vnd dafür  
 Verführer gnug haben. Aber ich wolt  
 noch viel lieber mit Juda dem Verrhe-  
 ter in der Zelle brennen / denn daran  
 schuldig sein / das eine Pfarre verwüster /  
 oder einem Verführer raum gegeben wür-  
 de / Denn es wird auch der Verrhete  
 Christi nicht so ein vntregliche peün has-  
 ben / als dieser einer / Deun durch diese  
 sünde müssen vnzehelich viel seelen ver-  
 loren werden.

Sich in die  
 zeit schicken.  
 Solche vermanung füret S. Paulus  
 weiter / vnd deutet / was er heisse für  
 sichtiglich wandeln vnd verstendig sein /  
 Vnd schicket euch (spricht er) in die zeit /  
 denn es ist böse zeit. Als wolt er sagen /  
 Dencket nicht / das jr hie gute tage wer-  
 det haben / oder woltet ewer sachen auff-  
 zihen / bis jr besser zeit ersehet / Denn es  
 wird doch nicht besser / Jr habt allzeit  
 den Teuffel in der Welt / der euch nur an  
 allem guten verhindern wil / vnd je len-  
 ger je mehr in den weg wirfft / das je len-  
 ger jr harret / je weniger jr können dazu  
 komen / gucs zu thun / Vnd so jr die zeit

verseumet / wird es euch hernach nicht so  
 gut. Darumb schicket euch also darcin /  
 das jr auch die zeit stelet vnd rauber / wie  
 jr können / Lasset euch niches so lieb sein /  
 als das jr Gottes Reich fordert / vnd  
 der Christenheit zu nutz vnd gutem dies-  
 net / wo jr nur etwo können / Es falle  
 oder stosse euch fur / was da wolle.

Also spricht auch Christus zu seinen  
 Jüden / Joh. 12. Gleubet an das Licht /  
 dieweil irs habt / auff das jr des Lichts  
 Kinder seiet. Item / S. Paulus 2. Cor. 6.  
 aus dem Propheten Esaiä / Sibe / igt ist  
 die angenehme zeit / igt ist der tag des  
 Zeils etc. Darumb sehet zu (spricht er)  
 das jr Gottes gnade nicht vergeblich  
 empfangen habt / Das ist / das jr die seli-  
 ge zeit nicht vergeblich lasset hingehen /  
 sondern brauchet jr / weil jr können / das  
 jr helffet Gottes Reich mehren / zu erwer-  
 seligkeit vnd anderer / sparetz nicht ens  
 hindern auff ander zeit / Denn es möchte  
 euch hernach die zeit entlauffen.

Also spricht er auch Galat. 6. So  
 wir denn nu zeit haben / so lasset vns gu-  
 tes thun etc. Als wolle er sagen / Thut  
 igt dazu / weil jr können / Denn jr wer-  
 det wunder sehen / wie euch die zeit wird  
 vnter henden weg gehen. Darumb lasset  
 euch die gedanken nicht betriegen / O /  
 ich kome noch wol vber ein / zwey / drey  
 jar dazu / Denn das ist ein lauter vnuer-  
 stand vnd vnweise gedanken der vnfur-  
 sichtigen / die da lassen jr eigen seligkeit  
 fur vber gehen / so sie furhanden haben /  
 ehe sie es gewar werden / Dencken nicht /  
 was Gottes wille sey / sondern densel-  
 ben auff ein ort setzen / bis sie jr ding aus-  
 richten / vnd darnach zu lang geharret  
 haben.

Er komet jet zu dir fur der thür /  
 (das du in nicht darffest suchen) vnd  
 grüßet dich / so du jm wilt dancken / Lest  
 du in aber fur vber gehen / so wirstu auch  
 singen / ja Klagen müssen mit der Braut  
 im hohenlied Salomonis 5. Da ich mei-  
 nem Freunde (als er hatte angeklopffte)  
 wolt auffstun / da war er hinweg ge-  
 gangen / Ich suchet in / aber ich fand  
 in nicht / Ich rieß / aber er antwortet  
 mir nicht etc. Du darffst nicht dencken /  
 das du in finden wirst / wenn er nu hin-  
 weg ist / ob du auch die Welt ausließest /  
 Sondern / weil er noch da ist / da magstu  
 in suchen vnd finden / Wie Esaiä. 55.  
 spricht /

Der zeit  
 brauchen /  
 weil sie da  
 ist.

Gott suchen  
 vnd finden /  
 weil er bey  
 vns ist.



## Auslegung der Epistel

spricht / Suchet den **HERREN** / weil er zu finden ist etc. Wirstu es versehen / vnd in fur vber lassen / so wird alles suchen verloren sein.

Das hab ich selbs versucht vnd erfahren / lenger denn 20. jar / in meiner Möncherey / da ich in gesucht habe / mit grosser arbeit vnd abbrechen meines leibes / durch fasten / wachen / singen vnd beten / vnd darob schendlich die zeit zubrachte / vnd doch nicht gefunden / sondern je mehr ich suchte / vnd meinete im neher zu komen / je weiter ich von ihm kam. Mein / er lesse sich nicht also finden / Er wil von vns vngesunden sein / Er mus zuvor selbs zu vns komen / vnd vns daheim suchen / Mit vnserm nachlauffen vnd jehen / lesse er sich nicht erschaffen noch fangen.

Darumb sihe zu / vnd schicke dich in die zeit / weil du sie hast / Die mustu annehmen / vnd mit vleis auffsehen / was er von dir haben wil / weil er nahe bey dir ist / Wilten das wissen / so nim fur dich deinen Glauben vnd Zehen gebot / die werden dir sagen / Darnach richte dein leben / vnd nim zu hülffe dein Vater vnser / fah es an bey dir selbs / bete fur dich vnd die Kirche / das Gottes Namen allenthalben geheiligt werde / etc. vnd auch dein leben gehe nach seinem willen / Wo du das mit vleis thust / so wirstu wol weislich wandeln / sünde meiden vnd guts thun / Denn solch auffmercken vnd verstand wird dir nicht raum geben / das du böses thust / Gottes wort wird dir bald sagen / das du solt seinen Namen heiligen / sein Reich mehren / deinem Liehesten nicht leid noch schaden thun.

Sihe / das heisst sich in die zeit geschickt / das ist / der zeit wol gebraucht / weil da ist das rechte gülden Jar / da wir haben vergebung von pein vnd schuld (nicht wie der Papsst mit seinem Jubel jar / die Welt betrogen) Da lasse vns zu sehen / das wir nicht vns mit falschem dünnkel auch selbs betriegen / als künd es vns nicht entgehen / auff das es vns nicht gehe / wie dem Volck Israel / dauon der 95. Psalm / vnd die Epistel zum Ebreern sagt / das sie vmb ihres vnglaubens willen nicht sind zur ruge Gottes komen / weil sie die zeit nicht haben wollen annehmen / da er ganzer 40. jar inen sein Wort vnd Wunder gab / sie teg-

lich ruffet vnd vermanet / zur Busse vnd Glauben / sie aber je mehr in versuchten vnd erzürneten / Darumb er nu auffse new vermanet / vnd abermal einen tag bestimpt / vnd spricht / Heute / so jr seine stimme höret / so verstocket ewer hertzen nicht etc. Es heisset noch alle tage heute / da Gott sich bey vns lesse hören / schreiet vnd ruffet / das wir nicht die zeit sollen verseumen.

Wir solten billich Gott zum höchsten danken / fur solche gnade (wie auch die Epistel am ende vermanet) das er vns so nahe kommet / bey vns ist / zu hause / vber tisch / zu bette / vnd wo wir in haben wollen / beut vns an / vnd treget vns fur alle seine hülffe / vnd was wir von ihm bitten mögen. Ja / diesen lieben Gast solten wir auch werd haben vnd ehren / weil wir in haben.

Ir mögen beten (wie ich gefaget habe) sonst ist es leider schon allzu viel verschlaffen in Deudschen landen / Denn es ist nicht mit gedanken zu begreifen / wie es möglich sey / das Euangelium zu erhalten / vnd die Predigtstuel zu besetzen / noch vber zehen jar / weil die Welt also rohet / Das widerumb mus blindheit vnd irthum einreissen / wie zuvor geschehen / Das wird niemand / denn der tolln Bischoue / Fürsten vnd vnser schuld sein / die wir Gottes wort nicht achten.

Das ich mus / leider / wider meinen willen / ein Prophet sein vber Deudsche land / ja nicht ich / sondern mein vnd dein Vater vnser / durch welches wird er vns also sagen / Ir habt mein Wort lassen für vber gehen / vnd nicht wollen leiden / sondern verfolget vnd ausgehungert / So neme ich euch dagegen ewer teglich Brot / vnd schicke euch thewung / krieg vnd mord dazu / bis auch kein stecken da bleibe / denn jr habts also wollen haben / Wenn jr denn werdet schreien vnd ruffen vmb vergebung der sünden vnd erslösung von solchem vbel etc. so wil ich auch also euch hören / wie jr mein Wort / ja mein schreien vnd ruffen zu euch gehöret / vnd euch in ewrem vnglück lassen stecken / wie jr mich mit meinem Wort habt lassen stecken.

Nan wil schlecht nicht bedencken / das er sich so trefflich / reichlich vnd gediglich gegen vns ausschüttert / das wir ist haben das rechte Paradis / ja das ganze

Gottes wort vnser Vater vnser sollen vns lehren in die zeit schicken.

1581  
1582  
1583  
1584  
1585

Alle tage vermanet vns Gott zur Busse vnd Glauben.

Schredliche Prophecey vber Deudsche Land.

Schredliche Prophecey vber Deudsche Land.

Gewolliche  
verachtung  
der Gna-  
den / vber  
dem unge-  
horsam wi-  
der die 30-  
ten Gebot.

ganze Himmereich / wenn wirs nur er-  
kennen wolten. Vnd wir so schendlich  
vnd vndanckbarlich solches verachten/  
als were es nicht gnug / vnd all zu viel/  
das wir seine Zehen Gebot mit vnserm  
ungehorsam vbertreten / Wir müssen  
dazu auch sein gnade vnd barmherzig-  
keit im Euangelio vns angeboten / mit  
füßen treten.

Was ist denn wunder / ob er auch  
seinen zorn vber vns gehen lesse? Was  
solte er anders thun (wie heut das Euan-  
gelium sagt / vnd dreyet allen der glei-  
chen verechtern vnd verfolgern seines  
Sons vnd seiner Diener / so vns zu seiner  
Hochzeit laden) denn das er auch sein  
Heer ausschicke / bringe solche Mörder  
vmb / vnd mache es gar mit inen ein en-  
de / Wie ers sunemlich vnd zum furbil-  
de aller Welt / mit Jerusalem vnd dem  
ganzen Judenthum beweiset / welche  
auch nicht auffhöreten zu sündigen wi-  
der alle seine Gebot / Vnd da er inen  
darüber lies anbieten vnd verkündigen  
seine gnad vnd vergebung der sünden /  
eraten sie die selbe auch zu boden / Sol-  
er das nicht rechen / das man sein theu-  
res Blut also zu spot vnd schanden see-  
ret?

Ja / vber alle solche gewolliche sün-  
de / mus man darnach auch die lesterung  
heuffen / das man schreiet vnd klagt  
(wenn der zorn vnd straffe angehet) es  
sey alles des Euangelij / oder wie man  
jzt sagt / der neuen Lere schuld / Gleich  
wie die Jüden noch auff den heutigen  
tag niemand schuld geben / weder vns  
Christen / das sie in aller Welt zur recht  
sind / vnd wider vns allein beten / tag  
vnd nacht mit solchem lestern vnd schen-  
den / das nicht zu sagen ist / So sie doch  
nicht von den Christen / sondern von den  
Heidnischen Römischen Keisern zerstö-  
ret vnd verheeret sind.

Wer wem haben sie es zu dancken/  
denn inen selbst / das sie den Christum/  
der inen helfen solte / vnd alle gnade  
brachte / nicht wolten leiden / Aber nu  
sie des nicht gewolt / den inen Gott ge-  
geben / vnd mit im alles guts verheissen /  
So müssen sie auch verlieren jr teglich  
brot / von Gott gegeben (on / was sie  
wider Gott mit sünden vnd wucher er-  
schinden) Regiment / Priestertum /  
Predigstul / vergebung der sünden / erlö-  
sung etc. Vnd in Gottes zorn vnd ver-

damnis ewiglich bleiben stecken / Das  
solte vnd muste sein die straffe der vn-  
uerstendigen oder vnweisen / so die zeit  
jrer heimsuchung nicht wolten erkens-  
nen.

Das schrecklich Exempel sehen wir  
noch für der nasen / vnd keren gleichwol  
vns nicht daran / sondern gehen eben  
den selbigen weg / vnd auch also vber-  
machen / nicht allein mit ungehorsam  
gegen Gottes willen / sondern auch mit  
verachtung der gnade / darnach wir sol-  
ten mit allem ernst seuffzen / bitten vnd  
helffen / das auch nach vns vnd auff vns-  
ser Kinder / die reine Tauffe / Predige /  
Sacrament etc. bleiben möchten / Dars-  
umb wird es zu legt auch also gehen / wie  
es den Jüden vnd andern vndanckbarn  
vnd verechtern gangen ist.

Darumb lasse im noch durch S. Pau-  
lum geraten vnd gesagt sein / wer im  
wil raten vnd helfen lassen / das er sich  
noch in die zeit schicke / vnd dis reiche  
gülden Jar nicht verschlasse / Wie Chris-  
tus auch ernstlich warnet durch die  
gleichnis der fünff törichtten Jungfra-  
wen / Matth. 25. Die hetten auch mö-  
gen bey zeit keuffen / ehe der Breutigam  
kam / Aber da sie nicht hatten / vnd erst  
hingiengen zu keuffen / da man dem  
Breutigam solte entgegen gehen / da war  
auch beide / Markt vnd Hochzeit ver-  
seumet.

Also haben die alten Poeten vnd  
Weisen gespielt / von den Grillen oder  
Zensschrecken / Die kamen im Winter /  
da sie nicht mehr zu essen funden / zu den  
Kimmessen / vnd baten / das sie inen  
auch etwas mitteilten / was sie gesam-  
let hetten / Vnd da diese sprachen / Was  
habt jr denn im Sommer gethan / das  
jr nicht auch habt eingetragen? Wir  
haben gesungen (sprachen sie) Da mus-  
sten sie wider hören / Habt jr des Som-  
mers gesungen / so tanget nu dafür des  
Winters.

Also sol man solchen Narren ant-  
worten / die da nicht wollen weise wer-  
den / noch verstehen lernen / was Gottes  
wille ist / Es ist aber gar ein gewollicher /  
schrecklicher zorn / wen Gott also ab-  
weist / mit lauter hohn vnd spot / Wie  
er Prouer. 1. dreyet / Weil ich ruffe / vnd  
jr wegert euch / Ich recke meine hand  
aus / vnd niemand achtet darauff / So  
wil ich auch lachen in ewrem vnfall / vnd

Schrecklich  
Exempel  
des zerstöre-  
ten Judent-  
hums.

Fabel von  
den Zew-  
schrecken vñ  
Kimmessen.

Jüdische le-  
sterung wi-  
der die Chri-  
sten.

## Auslegung der Epistel

ewer spotten / wenn da komet / das jr fürchtet.

**H**Je möcht jemand fragen / Was ist das / das S. Paulus sagt / Man sol sich in die zeit schicken / vnd setzet doch dazu / Es ist böse zeit? Sol man der zeit brauchen / als der rechten gülden zeit / Wie heisse sie denn böse zeit?

Warumb  
S. Paulus  
böse zeit nen  
net.

Allerley er-  
gebnis / so  
den Christen  
auff Erden  
begegnet.

Antwort. Ja / die zeit ist freilich gut / weil das Euangelium klinger / mit vleis gehört vnd gepredigt wird / Aber das neben ist die Welt auch eben in der selben zeit / voller ergernis / Kotten / eigen dänckel / böser Exempel / in allerley stücken / vnd stecket des viel auch noch in vnserm bösem / mit den selben stücken / das der Teufel vns also nach trachtet / vñ vnser eigen Fleisch vns nider zeucht / vnd reizet von dem verstand vnd auff mercken Götlichs willens / müssen die Christen jmer kempffen vnd streiten / Sonst ist bald versehen / vnd der schade geschehen / Auch zu der zeit / wenn wir das Euangelium hören.

Denn da tobt vnd treibet der Teufel am aller meisten / das er die Welt beschmeisse mit Kottrey / vnd auch / die das Euangelium haben / hinach zibe vnd reisse / von der reinen lere vnd Glauben / So sind wir auch noch selbs im fleisch vnd blut / welches jmer wil sicher sein / vnd sich nicht den Geist regieren vnd zihen lassen / ist faul vnd treg zu Gottes Wort vnd zum Gebet. Item / in eusserlichem leben vnd stenden / vnters nander vnd allenthalben eitel ergernis vnd hindernis fürstossen / die nur den Menschen abwenden vnd treiben das Euangelium zu dempffen / vnd die Kirche zureissen.

Warumb sol niemand dencken / das er auff Erden lebe in guter / friedlicher zeit. Denn ob wol die zeit an jr selbs gut ist / vnd Gott das rechte gülden jar vns gibt / seines Wortes vnd seiner Gnaden / So ist doch da der Teufel mit seinen Kotten vnd bösen Leuten / vnd vnserm Fleisch / der solche gute zeit verderbet (wo er kan) oder je so schwer vnd sawr macht den Christen / das sie mit aller macht hiewider streiten / vnd sich wehren müssen / das sie durch solch ergernis vnd hindernis nicht von dem / das sie empfangen haben / wider abgedrungen

werden / sondern das selbe bis ans ende erhalten mögen.

Warumb haben wir trefflich grosse vrsachen / das wir vns in solche zeit rechte schicken / vnd wandeln als die weisen vnd verstendigen / vnd dencken / wie wir Gottes willen warnemen / vnd dem selben folgen / Weil wir die zeit haben / das wirs thun können / nu wir sein Wort / Gnade vnd Geist haben. Weil aber der Teufel vnd Fleisch da wider strebt vnd vns zu rück zihen wil / so müßt jr eben darumb (wil S. Paulus sagen) klug sein vnd euch fürsehen / das jr jnen nicht solget / Denn wo jr solches nicht thut / werdet jr nicht damit entschuldigt sein / das jr woltet fürwenden / jr hettet es nicht gewußt / oder nicht zeit gehabt / vnd nicht können dawider streben etc. Sihe / das heisset Böse zeit / das ist / voller vrsach vnd reigung von Gottes Wort vnd willen etc.

Vnd sauffet euch nicht vol weins / daraus ein vnordig wesen folget etc.

**L**erret etliche laster / so dazu helfen / das man die zeit versemet / vnd das gülden jar lest für vber gehen. Das ist sonderlich die trunckenheit / so die Leute gar sicher / rucklos / wilde vnd vnordiges wesens machet / Wie vor zeiten in Griechenland gemein war / vnd jzt in Dentschland solch volck ist / das da nur wil tag vnd nacht schlemmen vnd vol sein. Bey solchen Leuten ist nicht möglich / das da könne sein dis auffmercken / vleis vnd sorge / zu thun was Gottes wille ist / Denn sie können auch in keinen andern weltlichen sachen keinem ding mit vleis obliegen / noch zu rechter zeit thun / Ja / also viehisch vnd sewisch werden / das sie alle scham / ehre / zucht vnd menschlich gedanken verlieren / Wie man für augen sihet / leider mehr vnd besser / denn hievon zu sagen ist.

Das S. Paulus vermanet mit einander zu reden mit geistlichen Psalmen vnd lobfengen etc. dauon ist anderswo gesagt / in der Epistel des 5. Sonntags nach Epipha. da eben des gleichen Text stehet.

Euans

tags nach Trinitatis / Matth. 22.



**V**nd Ihesus antwortet / vnd redet abermal durch Gleichnisse zu inen / vnd sprach / Das Himelreich ist gleich einem Könige / der seinem Son Hochzeit machte. Vnd sandte seine Knechte aus / das sie den Gästen zur Hochzeit ruffeten / Vnd sie wolten nicht komen. Abermal sandte er andere Knechte aus / vnd sprach / Sagget den Gästen / Siehe / meine Mahlzeit habe ich bereitet / meine Ochsen vnd mein Mastvieh ist geschlachtet / vnd alles bereit / Komet zur Hochzeit. Aber sie verachteten das / Vnd

giengen hin / Einer auff seine Acker / Der ander zu seiner Hantierung. Etliche aber griffen seine Knechte / höneten vnd tödten sie.

Da das der König höret / ward er zornig / vnd schicket seine Heere aus vnd brachte diese Mörder vmb / vnd zündet ire Stad an. Da sprach er zu seinen Knechten / Die Hochzeit ist zwar bereit / Aber die Gäste wärens nicht werd. Darumb gehet hin auff die Strassen / vnd ladet zur Hochzeit / wen ir findet. Vnd die Knechte giengen aus auff die Strassen / vnd brachten zusamen wen sie funden / böse vnd gute. Vnd die Tische worden alle voll.

Da gieng der König hinein / die Gäste zu beschen / Vnd sahe alda einen Menschen / der hatte kein

31 4 hoch

## Auslegung des Euangelij

hochzeitlich Kleid an / vnd sprach zu ihm / Freund / wie bistu herein komen / vnd hast doch kein hochzeitlich Kleid an? Er aber verstummet. Da sprach der König zu seinen Dienern / Bindet im hende vnd füsse / vnd werffet in in das Finsternis hinaus / Da wird sein heulen vnd zeecklappen. Denn viel sind beruffen / Aber wenig sind auserwlet.

Regiment ist / so schwach vnd vergänglich dieser Madensack ist / vnd nicht weiter gehen kan (wo es auff's beste stehet) denn so lang der Bauch bleibt.

Wer aber das hat Gott für sich selbst sein eigen göttlich Regiment geordnet vnd gestiftet (nach dem er sich aus grundlosen gnaden offenbaret vnd sein Wort gegeben) dazu / das er im ein Volck zurichtet vnd samlet / welches er von seinem Zorn / ewigem Tod vnd der Sünde / durch die es in solchen jamer gefallen ist / vnd im selbst durch keine menschliche weisheit / rat noch krafft dauon helfen kan / erlöse / vnd lere in rechte erkennen / vnd ewiglich preisen vnd loben.

Das heisset nu Christus das <sup>Gottes Reich auf Erden.</sup> Himmelreich / darin er nicht leiblicher weise regieret / noch mit dieses lebens gütern vmbgeheth / sondern ein ewig vnerschänglich Reich gestiftet vnd angerichtet / so sich auff Erden ansehet durch den Glauben / in welchem wir empfangen vnd haben diese ewige güter / vergewerung der sünden / trost / sterke vnd ernerung des heiligen Geistes / sieg vnd vberwindung des Teufels / Todes vnd der Hellen gewalt / vnd endlich ewigs Leben / an leib vnd seele / das ist / ewige gemeinschafft vñ freude mit Gott. Solch göttlich Reich wird allein regieret / erbawet / geschützt / fort gebracht vnd erhalten / durch das eusserlich Ampt des Worts vnd der Sacrament / dadurch der heilige Geist krefftig ist vnd wircket in den hertzen etc. wie hienon offte gesagt ist.

Wer auff's lieblichst vnd erößlichst <sup>Erößlich bilde des Reichs Christi an der Hochzeit vnd Welschem stand.</sup> wird es allhie von dem HERRN Christo furgebildet / damit / das er es selbst gleich machet einer Königlich hochzeit / da des Königs Sone eine Braut gegeben wird / vnd alles vol ist der höchsten freude vnd herrlichkeit / vnd viel zu solcher hochzeit vnd freude geladen werden. Denn das ist vnter allen gleichnissen vnd bilden / damit Gott dis Reich Christi vns furstellet / ein erlesen vnd lieblich bilde / Das der Christenheit oder der Christen stand heisset ein Hochzeit oder eheliche vereinerung / da Gott selbst seinem Son eine Kirche auff Erden erwelet / die er als seine Braut in zu eigen angenommen.

Das Gott hie durch vnser selbst leben vnd

Erste vermanung die ses Euangelij.



**D**ies Euangelium ist ein seer ernste vermanung / gleich der Epistel / das man sol die zeit des Euangelij wol brauchen / Vnd ein schreckliche dreyung der grewlichen straffe / so da sol gehen / vber die sicheren hofffertigen Köpffe / so diese gnadenteiche zeit verachten / vnd die Predigt des Euangelij verfolgen / vnd auch vber die falschen leichtfertigen Geister / so den namen des Euangelij vnd Christi zum schein führen / vnd doch dasselb mit keinem ernst meinen / Vnd wird hierin sein furgemalet vnd angezeigt / was da sey der hauffe / so da Gottes Volck oder die Kirche heisset / vnd sein Wort hat auff Erden / vnd wie es darinne gehet vnd stehet / beide / nach irem innerlichem wesen / vnd nach dem eusserlichem ansehen.

Der Kirchen Regiment nicht ein iudisch / sondern himmlisch Reich.

Im ersten bildet er seine Christenheit also / das er sie vnd was ir Regiment betriffe / nennet das Reich der Himmel / an zu zeigen / das er im ein Volck auff Erden durch sein Wort des Euangelij beruffen vnd ausgesondert hat aus aller Welt / nicht dazu / das es sol sein gleich also gefasset vnd geordnet / wie das eusserlich weltlich Regiment / mit leiblicher herrschafft / gewalt / gütern / regierung vnd erhaltung eusserlicher weltlicher gerechtigkeit / zucht / schutz vnd friede etc.

Das ist schon zu vor alles reichlich geordnet / vnd den Menschen befohlen vnd eingethan zu regieren in diesem leben / so wol er kan / Wiewol es durch die Sünde auch also geschwecht vnd verderbt / das es nicht gehet wie es gehen sol / vnd ein arm / elend / schwach

vnd erfahrung wil deuten vnd anzeigen / als in einem spiegel / was wir in Christo haben / Vnd also durch den gemeinesten stand auff Erden / darin wir gezeuget / auffgezogen vnd selbs leben / eine tegliche predigt vnd vermanung thut / das wir vns erinnern vnd gedencken sollen dieses grossen Geheimnis (Denn also nennets S. Paulus Eph. v. ) das das Ehelich leben des Mannes vnd Weibes von Gott geordnet sol sein / zu einem grossen / schönen / wunderbarlichen zeichen / vñ greifflichem / doch geistlichem / bilde / das da zeige vnd deute et was sonderlichs / trefflichs vnd grosses / das menschlicher vernunft verborgen vnd vnbegreiflich ist / nemlich / Christum vnd seine Kirche.

**D**enn das bringet der Eheliche stand mit sich / wo er des namens werd / vnd ein recht ehelich leben heissen mag / so Man vnd Weib sich wol miteinander begeben / Das da erstlich ist recht hertzlich vertrauen zu beiden teilen / Wie Salomon Prover. 31. vnter andern lob eines fromen Weibs auch das rhümet / Confidit in ea cor viri. Tres mannes hertzlich sich auff sie verlassen / das ist / er vertrawet jr sein leib vnd leben / gelt / gut vnd ehre / Also auch widerumb / des Weibes hertz hanget an irem Man / der ist jr höchster thewerster schatz auff Erden / Denn sie weis vnd hat bey jm / ehre / schutz vnd hülffe in allen iren nöten.

Solch gang einig / gleich / ewig vertragen vnd hertz ist nicht vnter andern personen vnd stenden / als zwischen Herrn vnd Knecht / Magd vnd Fraw / ja auch Kindern vnd Eltern / Denn da ist die liebe nicht also gleich starck vnd völlig gegenander / vnd bleibt nicht solch ewig verbündnis / wie im Ehestand / von Gott geordnet / Als der Tert spricht / Ein Man wird seinen Vater vnd Mutter verlassen / vnd an seinem Weibe hangen etc.

**A**ls solcher liebe vnd hertzlichem vertragen folget nu auch die gemeinschafft alles des / so sie beide miteinander haben / oder jnen beiden widerferet / gutes vnd böses / das sich des ein jedes mus annemen / als seines eigen / vnd dem andern mit seinem guten helfen / zu seggen vnd mitteilen / vnd eines sampt dem andern / beide / mit leiden oder mit geniessen / sich frewen vnd betrüben /

darnach es jrer einem wol oder vbel gehet.

Solches sol nu sein ein gleichnis oder zeichen / der grossen heimlichen wunderbarn vereingung Christi vnd seiner Kirchen / welcher gelieder sind / alle / die da an in glauben / vnd (wie S. Paulus sagt) von seinem fleisch vnd gebeynen / wie erstlich in der schepffung das Weib von dem Manne genommen ist. Das mus je ein grosse vnergründliche vnd vnaussprechliche Liebe Gottes sein gegen vns / das sich die Göttliche Natur also mit vns verbindet / vnd sencket in vnser fleisch vñ blut / das Gottes Son warhafftig wird mit vns ein fleisch vnd ein leib / vnd sich so hoch vnser annimet / das er wil nicht allein vnser Bruder / sondern auch vnser Breutgam sein / vnd an vns wendet vnd zu eigen gibt alle seine göttliche güter / weisheit / gerechtigkeit / leben / stercke / gewalt / das wir sollen in jm auch teilhafftig sein der Göttlichen Natur / wie S. Petrus spricht.

**U**nd wil / das wir solches sollen glauben / das wir in diese ehre vnd güter gesetzt sind / da wir mögen vns frölich vnd mit aller zuversicht dieses **HEILIGEN** tröffen / wie eine Braut jres Breutgams gut vnd ehren / Vnd also seine Christensheit ist die Fraw / vnd Keiserin in Himmel vnd Erden / Denn sie heisse die Braut Gottes / der da ist **HEILIG** vber alle Creaturn / vnd sie auff die höchste weise in die herrschafft vnd gewalt setzet / vber Sünde / Tod / Teufel vnd Helle etc.

**I**he / das zeiget er vns in dem teglichen bilde der Hochzeit / oder des Ehelichen stands / wo wir sehen fromer Eheleute liebe vnd trewe / Item der hochzeit / Braut vnd Breutgams freude vnd gute / Das wir lernen solches glauben / vnd vns also einbilden / das gewislich Christus solch hertz vnd sinn hat / gegen seiner Braut der Kirchen / aber mit viel grösser liebe / trew vnd gnaden.

Welches er vns öffentlich zeigt durch sein Wort des Euangelij vnd heiligen Geist / so er seiner Kirchen gibt / Vnd also die herrliche / fröliche hochzeit macht / da er sich mit seiner Braut vertrawet / vnd sie zu sich nimet / vnd vnser kindlichen vnd menschlichen weise nach zu reden / die Braut zum Tanz führt /

**Ji iij als**

Der Ehestand ein gros geheimnis in Christo vnd der Kirchen

1. Hertzlich vertrauen zwischen fromen Eheleuten.

Gene. 2.

2. Gemeinschafft aller güter.

Eph. 5.

Vereingung Göttlicher natur mit vns.

Hochzeit vñ vereingung Christi mit seiner Kirchen.

## Auslegung des Euangelij

als mit drummel vnd pfeiffen / vnd an seine arme legt / Item / ehret vnd schmückt sie mit alle seinem schmuck / das sind / tilgung vnd abwaschung der Sünde / gerechtigkeit / schenckung des heiligen Geists / mit seinem liecht / verstand / sterck / vnd allen gaben / so zu jenem leben noch sind / Das sind ander ketten / ringe / sammet / seiden / perlin / geschmeid vnd kleinod / denn diese irdische / Welche nur ein tod gemelde sind dieser himelischen güter.

Drumb wo du Braut vnd Brutigam / oder der hochzeit freude vnd schmuck siehest oder hörest / da thu dein augen vnd hertz auff / vnd sihe / was dir da fürhelt vñ zeigt dein lieber **HEX** Christus / der dir / als seiner lieben Braut auch einem lebendigem gelieb (so du an in glaubest) ein herrliche Königlich hochzeit angericht / Darin ist ewige freude / wol leben / singen vnd springen / ewiger schmuck / vnd aller reichthum vnd fülle alles guten.

Daher sol auch solch hertzliche zuversicht gegen im in dir wachsen vnd zunemen / das er dich durch die Tauffe bestraffen vnd erwelet hat zu dieser gemeinschafft / durch vnaussprechliche hertzliche liebe / vnd sich deiner angenommen / dich von der Sünden / des ewigen Todes vnd des Satans gewalt zu erlösen / vnd zu dir sein Leib vnd leben / vnd alles was er hat / gesetzt / Ja / sich so gar dir gegeben / das du dich nicht allein des / das er vmb deinen willen gethan vnd dir geschenckt / sondern auch sein selbs magst tröstlich vnd frölich rhümen / als des deinen / Vnd wie eine Braut sich mit hertzlicher zuversicht auff iren Brutigam verlesst / vnd helt des Brutigams hertz für ir eigen hertz / Also du auch von grund des hertzen / auff die liebe Christi dich verlassest / vnd keinen zweifel habst / das auch er nicht anders gegen dir gesinnet ist / denn wie dein eigen hertz.

Wer hie widder ist vber die masse starck in vns / vnser alten Adams (das ist / blues vnd fleischs) blindheit vñ gar erstarrte hartigkeit / welche solchs vns nicht lesse sehen noch glauben / Sonderlich wenn wir in vns selbs vnd diesem elenden leben / anders für augen vnd sinnen sehen vnd fülen.

Denn das siehet vnd verstehet auch

die Vernunft wol / das es an im selbs ein lieblich frölich Bilde ist / der hochzeit vnd Braut liebe / Vnd lesse sich auch wol sagen / das Christus ein schöner / edler / fromer vnd trewer Brutigam ist / vnd seine Kirche / ein herrliche selige Braut. Aber da wil es nicht hernach / wo es ein jeder für sich glauben sol / das er auch Christi sey / vnd ein gelieb dieses Leibs / vnd Christus solch hertz vnd liebe gegen im trage / Das machet / das ich an mir nicht solche treffliche herrlichkeit sehe / sondern dagegen große schwachheit / vnwürdigkeit sehe vnd füle / eitel trawrigkeit / schwermut / vnd allerley leiden / dazu tod / grab vnd maden / so mich verzeren sollen.

**H**Je wider soltu aber lernen dem <sup>Gottes gebot / das wir seinem wort glauben / was der vnser sülen.</sup> Wort glauben / das dir Christus selbs sagt / vnd Gott befehlet zu glauben / das es war sey (wo du in nicht wilt liessen straffen) nicht angesehen / was du fülest in dir selbs / Denn wo du Glauben solt / mustu nicht an dem hangen / was dein gedanken oder fülen dir sagt / sondern an dem / das dir Gottes wort sagt / wie wenig du auch davon fülest.

Drumb wo du ein solches Mensch bist / der solche seine not vnd elend fület / vnd dieses trosts vnd der liebe Christi von hertzen begerest teilhaftig zu sein / So reiche dein ohren vnd hertz hieher zu Christo / vnd fasse die tröstlich bilde / so er dir fürsettel / vnd damit zeiget / das er wil sich also von dir erkand vnd geglaubt haben / das er viel hertzlicher liebe vnd trew gegen dir habe in seinem hertzen / denn kein Brutigam zu seiner lieben Braut / Vnd widerumb von dir begeret / solche hertzliche zuversicht vnd freude gegen im / welche auch solt viel gröffer sein / denn keine Braut gegen irem Brutigam.

Das du hie billich magst dich selbs vmb deinen vnglauben straffen / vnd sagen / Sihe / kan die Braut liebe solche hertzliche zuversicht vnd freude zwischen Braut vnd Brutigam anrichten / welche doch gering vnd vergänglich ist / Warumb frewe ich mich nicht viel mehr meines fromen trewen heilands Christi / der sich selbs für mich vnd mir ganz zu eigen / gegeben hat / Pfu dich mal an / des schendlichen vnglaubens / das hie nicht mein hertz vol lachens vnd ewiger freuden ist / So ich doch höre vnd

Zerzliche zuversicht gegen Christo zu haben.

Eigen vnglauben straffen.

und weis / wie er mir durch sein Wort sagt / das er wil sein mein lieber Brutigam.

Solt ich hie nicht viel ein ander hoher freude haben / vnd auch mein augen / gedanken / hertz vnd ganzes leben / mehr an meinen lieben Heiland hangen / weder eine Braut an ihren Brutigam / Welche / wo sie from vnd ein rechte Braut ist / sihet vnd höret sie ja nichts liebers / denn ihren Gemahl / ja wo sie in auch nicht sihet noch bey sich hat / so henget doch ihr hertz an im / das sie nichts anders denn von im / denken kan.

Wer wie ich gesagt habe / Es ist vnser eigen alter Adam / die verderbte Natur / die solche erkenntnis / freude vnd trost / das hertz nicht lesse fassen / Darumb ist es vnd bleibt auch wol / wie es S. Paulus nennet / Mysterium / Ein geheimnis / heimlich / tieff verborgen / vnbegreiflich (aber doch gros / trefflich / wunderbarlich) ding / nicht allein der blinden törichten Welt / welche gar nichts von diesen hohen Götlichen sachen denken oder verstehen kan / sondern auch den lieben Aposteln vnd hohen Christen / Das sie gnug daran zu lernen vnd zu glauben haben / vnd selbs sagen müssen / wie lang sie damit vmbgehen / dauon predigen / vnd darnach trachten / es sey auch jnen ein Geheimnis in diesem leben.

Denn auch S. Paulus selbs solches offte klaget / das es nicht so starck in im wircke (seines fleisches vnd bluts halben) das es doch wircken solt / wo es so völliig verstanden vnd gefasset were / wie es sein solt / Denn er vnd andere Heiligen würden ja nicht mehr so engstig / trawrig / erschrocken sein / wie er offte gewesen / vnd der Prophet David auch in vielen Psalmen klagt / sondern ihr hertz mußte in eitelen freuden schweben. Aber es ist jnen auch gesparet in jenes leben / da sie es on alle decke vnd tunkel sehen werden / vnd der freuden erfüllet ewig leben. Izt bleibt es doch ein heimliche verborgen / geistliche / hochzeit / die man nicht sihet mit augen / noch mit der vernunft erreicht / sondern allein der glaube fassen kan / der sich blos helt an das Wort / so er danon höret / vnd doch noch schwachlich fasset / vmb des widerspenstigen Fleisches willen.

Denn es ist der Vernunft so gar frembd / das sie auch dafür erschrickt / wenn sie es sol bedencken / wie gros es ist / Ich rede izt noch von den Christen / denn die andern komen hie zu nicht / halstens schlecht für vnmöglich / ja für lauter Narrenteidung vnd fabeln / wo sie höreten sagen / das Gott solt eines menschlichen Brutigam sein / Aber die Christen / so es anfahen zu glauben / müssen sich für der größe entsetzen vnd wundern. Lieber Gott / wie sol ich mich so hoch erheben / das ich mich sol rhümen Gottes Braut / vnd Gottes Son meinen Brutigam / Wie kome ich armer stinckenden Menschenack zu den grossen ehren / welche auch den Engeln im Himmel nicht widersfaren ist / das sich die ewige Maieestet / so gar tieff erunter lesse in mein armes fleisch vnd blut / vnd so gar mit mir vereiniget / das er auch ein Leib mit mir sein wil / Bin ich doch so ganz / von dem fus bis an die scheidel vol vnflats / blastern / grinds aussatzs / sünde vnd stancks für Gott? Wie sol ich denn der hohen / ewigen / herrlichen Maieestet Braut / vnd mit ihr ein Leib heissen?

Wer hörestu wol / das er es also haben wil / Ich wil mir (spricht er Ephe. 5.) eine Braut zu richten vnd darstellen (das sol sein meine Kirchen) die da herrlich sey (der herrlichkeit / die ich selbs habe) vnd nicht habe ein runzel noch flecken / sondern heilig vnvnstrefflich etc. gleich wie ich bin. Er redet nicht von solcher Braut / die er also findet / rein / heilig / vnstrefflich / on alle flecken etc. Die hette er nicht müssen aufferden suchen / sondern bey seinen Engeln bleiben. Aber er hat sich durch sein Wort offenbaret den Menschen / freilich nicht vmb dieses lebens willen / sondern darumb / das er durch sie ewiglich gepreiset werde / Darumb mus er etwas größers im sinn haben mit jnen zu thun. Das ist dis grosse Geheimnis / das er nicht der Engel natur an sich nimet / sondern mit der menschlichen Natur / sich wil vereinigen.

Ie findet er nichts anders / denn ein verderbte / vnstetige / schendliche / verdampfte / Teufels Braut / die da an Gott ihrem Herrn vn Schepffer treulos worden / vnd vnter seinen ewigen zorn vnd fluch gefallen / Sol er nu hie eine Braut

Ii iij oder

Menschlich  
hertz viel zu  
enge zu der  
größe der  
gnaden der  
Christi.

Diese hochzeit blibt ein Geheimnis auch den hohen heiligen.

Christus für  
der nicht /  
sondern rei-  
nigt in ein  
Braut.



## Auslegung Des Euangelij

Reinigung  
vnd heiligung  
der  
Braut Christi.

oder Gemeine haben, welche je auch mus rein vnd heilig sein (sonst künde hie keine vereinigunge sein) So mus er seine liebe erslich vnd am höchsten hie mit erzeigen / das er seine reinigkeith vnd heiligkeith / an ire sünde vnd verdammnis wende / vnd sie damit reinige vnd heilige.

Das hat er gethan (spricht S. Paulus) also / das er sich selbs für sie gegeben / vnd durch sein Blut erkauft / das er sie im heiligte / vnd dazu sie gereinigt vnd gewasschen / durch ein Wasserbad / dazu er thut ein wort / das man höret / Durch dasselb Wort vnd Tauffe machet er sie zu seiner lieben Braut / vnd sie rhümet / vnd wil gehalten haben / für rein / von sünden / Gottes zorn vnd des Teufels gewalt / Viel mehr wil er / das sie sich selbs auch für die liebe / schöne / heilige / herrliche Braut Gottes Sons halte.

Krafft des  
Worts vnd  
der Tauffe.

Je siet niemand / wie gros trefflich ding geschiet / also verborgen vnd heimlich / durch sein Wort / Tauffe vnd vnserm Glauben / Aber gleich wol wird hiemit das ausgericht / das dieses heufflin armer Sündiger menschen / so da nicht werd weren / das sie Gott von fern ansehe / für grosser vneinigkeith / durch dis Baden vnd waschen / wird rein / schön vnd heilig gemacht / das es Gott wolgefellet als seines lieben Sons Braut / vnd seine liebe Tochter / vnd solche reinigung in diesem leben angefangen / vber vnd treibt er jmer an ir / bis sie im dar gestellet werde / reiner vn schönner denn der Sonnen glantz vnd licht.

Christen  
werde jmer  
dar gerei-  
nigt / durchs  
Wort vnd  
Krafft der  
Tauffe.

Drumb mus ein Christen auch solches lernen glauben / das er hinfurt sich nicht ansehe / nach seiner ersten geburt / wie er von Adam geboren ist / sondern wie er zu Christo beruffen / vnd auff in getaufft / sampt allen Gleubigen im vertrawet vnd vereinigt / das sie an im hangen sollen / als an irem Brantgam / Welcher sie durch dasselbige Bad der Windergeburt / vnd erneuerung des heiligen Geists (wo sie noch vnrein sind) jmerdar reiniget vnd schmücket bis an den tag / da er seine Kirche im selbs darstellen wil / Nicht allein on alle flecken vnd vn sauberkeit / sondern auch on alle runzeln / sein / schön / glatt vnd völlig / wie die frische jugent.

Drumb soltu nicht erschrecken / ob

du dich fülest zu ganz vnwidig vnd vnrein / Denn wo du nach solchem sibehest / so vergiffestiu vnd verkeruest diesen erost vnd vertrauen zu Christo / Sondern das wort mustu hören / so er dir sagt / Ob du gleich voller sünde / tods vnd verdammnis bist / So hastu doch hie meine gerechtigkeit vnd leben / so ich an dich gewand / vnd dir geschencket habe. Bistu vnrein vnd vnflertig / so hastu hie das Bad / der Tauffe vnd meines worts / das durch ich dich wassche vnd rein spreche / vnd jmer für vnd für an dir reinigen wil / bis du ganz schön vnd rein / für mir vnd allen Creaturen solt stehen.

Das saget er vns / nicht allein durchs Wort / sondern (auff das wir vns ja nicht on vermanung vnd predig gelassen / Klagen möchten) stellet es vns für / in so viel mancherley teglich bilde vnd gemeld der Ehelichen liebe / ja der ersten hize vnd brunst zwischen Braut vnd Brantgam / Da wir sehen / wie da beider hertz an einander hangen / vnd eines an dem andern seine freud vnd lust hat / Da die Braut gar nichts fürchtet / das ir der Brantgam werde leid oder schaden thun / oder sie von sich stossen / Sondern aus herglicher zuversicht sich zu im helt / vnd nicht zweivelt / er werde sie in seine arm nemen / mit im zu risch setzen / vnd was er hat / ir zu eigen geben. Das wir ja dabey auch sein hertz erkennen sollen / vnd in nicht anders vns einbilden lassen / denn wie wir in hören vnd sehen / beide in seinem eigen Wort / vnd solchen bilden vnd zeichen sich vns fürstellen / Das wir ja nichts dürffen klagen / denn vber vns selbs / vnd vnserm alten Adam / so vns hindert an der schönen freude.

Solt doch der Mensch im selbs gram werden / vnd nur wünsch das in der Tod bald hin weg richtet / das er sich selbs nicht kenneht / vnd seinen grossen schatz / freude vnd seligkeit nicht kan recht schmecken vnd genießen / wie er sol / vnd were wol vns also am besten / on das dieses leben mit seinen ansechtungen / Creutz vnd leiden mus die Schule sein / darin wir stets vnd teglich lernen / mehr vnd mehr erkennen / was er in vns / vnd wir in im seien / vnd also auch darnach erbeiten / das wir in ergreifen mögen / wie er vns nach gelauften vnd ergriffen / da er vns mit seinem schweis

Christi  
reini-  
gkeit  
wird  
der  
vnser  
vneinig-  
keit  
zu  
so  
gen.

schweis vnd blut geholet vnd erworben / Wiewol wir doch zu schwach / treuge vnd faul dazu sind / in diesem leben im also nach zu springen.

**S**iehe / das ist die herrliche Königliche Hochzeit in diesem Reich / welches Christus nennet das Himmelreich / vnd wir dazu komen (beide / die geladenen vnd ungeladenen / Jüden vnd Heiden) durch das Euangelium in aller Welt erschollen / als mit pfeiffen vnd drummel / welche heissen (nach der Schrift weise) die stimme des Brutigams vnd der Braut / das ist / ein hochzeitliche stimme oder dohn vnd klang / welcher ist ein zeichen der hochzeit vnd freuden / vnd jederman solche freude ankündigen / vnd dazu ruffen sol.

**A**ber nu siehe weiter / wie es in der Welt vber dieser hochzeit zu gehet / vnd wie sie sich dagegen erzeigt / wenn sie sich sol dieses seligen Reichs teilhafftig machen. Ist haben wir gehöret / wie schwer es wird auch den Christen / so doch nach diesem Reich Gottes trachten / vnd iren trost in Christo suchen / ires eigen fleischs halben. Aber nu wird weiter angezeigt / wie das ander widerwertige Reich des Teuffels in der Welt / als in seinem Keiserthum (wie in Christus einen Fürsten der Welt / vnd S. Paulus Eph. 6. der Welt Herrn / nennen) wider Gottes Reich sichtet / vnd die Leut treibet vnd heget / das sie nicht das fröliche tröstliche Wort von dieser hochzeit vnd freude in Christo annemen noch hören / sondern dasselbige (wenn sie gleich dazu besruffen vnd gefodert) wissentlich verachten / ja sich dawider setzen.

**D**as ist gesagt / sonderlich von dem Jüdischen Volck / welches sind die erst geladene Geste / zu denen Gott seine Diener / erstlich die Vetter vnd Propheten geschickt / darnach auch die Aposteln / vnd hat sie lassen bitten vnd vermanen / das sie solten die zeit nicht verseumen irer seligkeit vnd heils / Aber sie nicht allein das verachten / sondern auch zufaren / vnd Gotte / der inen solche gnade anbent / seine Diener zu tod schlagen / vnd nicht wollen hören noch leiden / das man inen mehr von dieser hochzeit sagen solle.

Das sind nicht schlechte geringe Leu

te / sondern die allerbesten / weisesten / heiligsten / die da mit viel höhern / nötigern sachen zu thun haben / denn das sie sich solten bereden lassen zu dieser hochzeit zu komen / vnd inen lassen vmb sonst guts thun / vnd gen Himmel helffen / Wisens bey sich selbs viel besser / durch ire eigen köstlich leben / grosse werck / des Gesetzes heiligkeit vnd Gottesdienst / zu wegen zu bringen / Wie hienon weiter in dem Euangelio vom grossen Abendmal Luce 14. gesagt ist / von denen die sich entschuldigen / vnd nicht komen wolten.

**D**iesen gleich sind auch noch alle / so da durchs Euangelium zum Glauben vnd erkentnis Christi geruffen / doch das selbige nicht hören noch annemen wollen / wie allzeit der grosse beste hauff der Welt / die doch wollen Gottes Volck vnd die Kirche heissen / Die haben auch viel grosser trefflicher sachen zu warten / wie sie iren schönen herrlichen stand vnd wesen / so sie nennen der Kirchen Regiment vnd herrlichkeit / erhalten / Wollen von diesem nichts hören noch wissen / welches sie halten für newerung vnd enderung der löblichen altherkommenen ordnungen etc. Vnd je mehr man sie vermanet / dem Euangelio zu gehorchen / je weniger sie es hören wollen / vnd je bitterer sie es verfolgen / wie man allzeit in der Welt fur augen siehet.

**W**olan / also sol man den König vnd **HERRN** der herrlichkeit zu seiner hochzeit ehren / vnd dancken fur die grosse gnade vnd wolthat / dazu er sie beruffen vnd würdig machet / wenn sie sich selbs wolten werd achten des ewigen Lebens / wie S. Paulus spricht / Aber was sie auch daran gewinnen würden / das hat inen Christus hiemit zuuor verkündigt / so haben sie es selbs erfahren / vnd ist inen der Glanbe in die hende kommen / das er inen kein Lügenteidung gesagt / sondern all zu war worden ist / das der König sein Heer ausgeschickt / vnd diese Mörder vmbgebracht hat / Welches auch nu bis in 1500. jar die erfahrung bestetigt / das es bey dem vrtail blieben / vnd also endlich der Zorn vber sie komen ist / vnd zerstöret bleiben müssen. Denn er selbs zeigt / das es in noch nie gerewet hat / so er auff solches so bald spricht zu seinen Knechten / Die hochzeit

Papisten den Jüden gleich in verfolgung des Euangelij.

Acto. 13.

Der Jüden straffe vnd verflörung.

Euangelium die pfeiffen vnd drummel zu dieser hochzeit.

Wie sich die Welt gegen dieser hochzeit heilt.

Verachtung vnd verfolgung des Euangelij bey den Jüden.

## Auslegung des Euangelij

Hochzeit ist zwar bereit / aber die Geste  
warens nicht werd etc.

Endlicher  
Horn vber  
die verstock-  
te Verfolger  
des Euange-  
lij.

Welches ist ein schrecklich fürbilde  
vnd Exempel / auch andern verkehrern  
vnd verfolgern / des endlichen Zorns  
vber sie beschloffen / vnd solcher straffe /  
dadurch er es auch wil mit jnen ganz  
vnd gar aus machen / weil sie dieser  
Hochzeit nicht haben wollen teilhaff-  
tig sein vnd genieffen / Wie Griechens-  
land vnd Rom auch geschehen ist / Vnd  
vnsern Lesern vnd verfolgern (wo  
nicht der Jüngste tag drein schlehet)  
auch endlich geschehen wird.

Die Heiden  
zu dieser  
Hochzeit be-  
ruffen.

**N** / diese haben jr vrtail hinweg / wie  
sie es haben wolten / Das aber dem-  
noch Christus zu seiner Hochzeit auch  
Leute habe / so müssen die Knechte mit  
jrer Predigt jmer fortfahren vnd erzulä-  
den vnd ruffen wen sie finden / bis sie zu  
hauffe bringen / das die ruffe voll wer-  
den / nicht der grossen / heiligen / gewalts-  
tigen (welche zuvor geladen / aber nicht  
wolten komen) sondern der Armen /  
Kröppel / Lamen (wie er anderswo  
sagt) Das sind die Heiden / so nicht vn-  
ter Gottes Volck gezelet / vnd nichts  
haben / darauff sie sich vermessen kün-  
den / müssen fro werden / das sie zu dieser  
Hochzeit komen mögen.

Schelle vn-  
ter den Chri-  
sten / on  
Hochzeitlich  
Kleid .

Aber vnter diesem hauffen / so da  
mit zu tische sitzen / findet sich auch ein  
Schalck / welchen der König selbs (da  
er die Geste besihet) bald kenneet vnd  
vrtailt / das er kein hochzeitlich Kleid  
hat / vnd daher komen ist / nicht der  
Hochzeit zu ehren / sondern schendet den  
Brentigam vnd den Herrn / so in gela-  
den hat. Das sind nu die / so sich auch  
vnter rechte Christen zelen lassen / das  
Euangelium hören / vnd in der eusserli-  
chen gemeinschafft sind der rechten Kir-  
chen / sich für den Leuten stellen / als  
seien sie auch wol am Euangelio / vnd ist  
jnen doch kein ernst.

Widerste-  
her des E-  
uangelij ge-  
hören nicht  
zur Kirche.

Hemit zeigt Christus / welches da  
sey der hauffe auff Erden / so da die Kir-  
che heisset / Nemlich / nicht der jenigen /  
so Gottes Wort vnd seine Diener des  
Euangelij verfolgen / Denn diese sind  
schon durch sein endlich vrtail gar aus-  
geschlossen vnd abgefondert / ja / sie ha-  
ben sich selbs ausgeschelet / durch ire of-  
fentliche vnd selb bekandte that / das  
sie diese Predigt des Euangelij nicht  
wollen annemen / noch leiden / Vnd der

halben nicht sollen noch mügen bey den  
Christen für gelieder der Kirchen gehal-  
ten werden / weil sie die selbige lere vnd  
Glauben nicht haben / sondern verfol-  
gen / Gleich so wenig als man öffentli-  
che Heiden / Türcken vnd Jüden / nicht  
kan für die Kirche oder der selben gelie-  
der halten.

SOLich vrtail müssen wir jtz auch  
fellen vber vnser verfolgern vnd spöcker  
des Euangelij / als da sind der Papst  
mit seinem hauffen / vnd vns von jnen  
ganz absondern / als die da gar nicht  
zur Kirchen Christi gehören / sondern  
durch jr eigen vrtail verdampft sind / wie  
sie auch damit zeugen / das sie vns als  
verbannete vnd abgeschnittene von jnen  
ausgeworffen haben.

SÖndern die Kirche auff Erden /  
wenn man von der eusserlichen gemein-  
schafft redet / ist ein solche samlung / de-  
re / so die rechte lere des Euangelij von  
Christo hören / glauben vnd bekennen /  
vnd haben bey jnen den heiligen Geist /  
der sie heiligt vnd in jnen wirket /  
durchs Wort vnd Sacrament / Vnter  
welchen gleichwol etliche sind / falsche  
Christen vnd Heuchler / die doch auch  
die selbe lere einhelliglich halten / vnd  
gemeinschaft der Sacrament / vnd an-  
derer der Kirchen eusserlichen Empter /  
haben.

Was die  
sichtbare  
Kirche auff  
Erden sey.

DENN solche müssen die Christen in  
jrer samlung leiden / vnd könnens men-  
schlich nicht wehren noch verhüten /  
das sie nicht vnter jnen seien / noch sie  
aus jrer samlung aussondern oder schei-  
den / Ja / sie können sie auch nicht alle  
vrtailen vnd kennen / Sondern müssen  
sie leiden / vnd mit vnter jnen bleiben  
lassen / Doch so lang / bis Gott selbs  
komet mit seinem vrtail / das sie offen-  
bar werden / vnd sich selbs an tag geben /  
durch jr böses leben / oder auch falschen  
Glauben vnd Kottengeisterey / das sie  
nicht rechtschaffene Christen sein / Wie  
hievon S. Paulus sagt 1. Corin. 11. Es  
müssen Koten sein / auff das die / so da  
rechtschaffen sind / offenbar werden /  
vnd dagegen auch / welche nicht rechts-  
chaffen seien.

Falsche Chri-  
sten müssen  
sich endlich  
selbs-offen-  
bar machen  
ley

Das ist / das hie der König herein  
komet / selbs die Geste zu besehen / vnd  
diesen offenbar machet / der nicht das  
hochzeitliche Kleid hat / Vnd wer ist  
offenbar worden / vnd in seiner heuch-  
ley

Iey gleichwol vnbusfertig / verstocket vnd verstummet / heisse er im hende vnd füsse binden / vnd auffer der samlung (das er doch jr nichts genieße) der Hochzeit (da eitel liecht vnd freude ist) in das finsternis werffen / da kein trost noch seligkeit / sondern eitel heulen vnd zeentklappen ist / Welches auch also in der Kirchen geschiet / welche solche vnbusfertige vberwiesen vnd vberwunden / auch öffentlich auffer der Gemeine wirffet / vnd aus Gottes Reich verworffen öffentlich erkleret.

Drumb haben die Christen / so die rechten lieben Geste zu dieser Hochzeit sind / allzeit den trost / Das die andern / so nicht dazu gehören / nemlich / beide / verfolger vnd falsche Brüder / müssen doch der selben nicht genießen / Denn gleich wie sich jene verfolger selbs offenbar machen / das sie nicht der Kirchen gelieder sind / damit / das sie sich selbs ausschliessen vnd sondern / Also müssen doch diese / so sich ein zeit lang mit vnter gemenget haben / vnd sich felschlich gedecket mit dem namen vnd schein der rechten Christen / zu legt auch offenbar werden / Wie auch S. Paulus sagt / 1. Tim. 5. Elicher Menschen sünde sind offenbar / das man sie vorhin richten kan / Elicher aber werden hernach offenbar / Deselben gleichen auch etlicher gute werck sind zu vor offenbar / vnd die andern bleiben auch nicht verborgen etc.

Vnd hieraus ist wol zu verstehen / was da hie heisset / das dieser ist on hochzeitlich Kleid / nemlich / on den neuen schmuck / damit wir Gotte gefallen /

welches ist der Glaube an Christum / vnd also auch on rechte gute werck / Bleibet in seinen alten haddern vnd lumpen seines eigen fleischlichen dunkels / vnglaubens / sicherheit / on busse vnd erkentnis seines elends / tröstet sich nicht von hertzen der Gnade Christi / noch sein leben dauon bessert / sucht nicht mehr am Euangelio / weder was das Fleisch gelüstet. Denn dis hochzeitlich Kleid mus sein das neue liecht des hertzen / so die erkentnis der grossen gnaden dieses Breutgams vnd seiner Hochzeit in dem hertzen wircket / das es ganz an Christo hanget / vnd von solchem trost vnd freude auch durchgossen / mit lust vnd liebe also lebe vnd thue / wie es weis / das es im gefellet / wie eine Braut gegen irem Breutgam thut.

Das heisset S. Paulus den Herrn Christum Christum anziehen / Galat. 1. Rom. 13. anziehen. Item / vberkleidet werden / auff das wir nicht blos erfunden werden / Welchs geschiet furnemlich durch den Glauben / dadurch das hertz vernewet vnd rein wird / dauon hernach auch die fruchte (wo er rechte ist) folgen vnd sich beweisen / Widerumb / wo der Glaube nicht ist / da ist auch kein heiliger Geist / noch solche fruchte die Gott gefallen / Denn wer nicht Christum durch den Glauben kennet vnd im hertzen hat / der wird auch Gottes Wort wenig achten / noch dencken nach dem selben zu leben / bleibt stolz / vermessen / eigensinnig / dienet weder Christo noch dem Nehesten / ob er gleich eusserlich heuchelt vnd treuget / mit falschem schein.

Hochzeitlich Kleid.

## Am XXI. Sonntag nach

Trinitatis / Epistel / Ephe. 6.



Nehet / meine Brüder / seid stark im HERN / vnd in der macht seiner sterke. Zihet an den harnisch Got

tes / das jr bestehen känd gegen den listigen anlauff des Teufels. Denn wir haben nicht mit Fleisch vnd Blut zu kempffen / sondern mit Fürsten vnd Gewaltigen / nemlich / mit den Herrn der Welt / die in der Finsternis dieser Welt herrschen / mit den bösen Geistern vnter dem Himmel.

## Auslegung Der Epistel

mel. Umb des willen / so ergreiffet den harnisch Gottes / Auff das jr wenn das böse sündlin komet / widerstand thun / vnd alles wol ausgerichten / vnd das feld behalten möget.

So siehet nu umbgürtet ewre Lenden mit Wahrheit / vnd angezogen mit dem krebs der Gerechtigkeit / vnd an beinen gestiffelt / als fertig zu treiben das Euangelium des

friedes. Vor allen dingen aber / ergreiffet den schilt des Glaubens / mit welchem jr ausleschen künd alle fetwrigke pfeile des Bösewichtes. Vnd nemet den helm des Heils / vnd das schwert des Geists / welches ist das wort Gottes.

**D**iese Epistel findestu nach der Länge ausgelegt vnter den sonderm Auslegung vnd Predigten vber die Episteln S. Pauli.

## Am XXI. Sonntag nach

Trinitatis / Euangelium / Johan. 4.



Und es war ein Königscher / des Son lag krank zu Capernaum. Dieser

höret / das Ihesus kam aus Judea in Galileam / vnd gieng hin zu jm / vnd bat jm / das er hinab keme / vnd hälffe seinem Son / denn er war tod krank. Vnd sprach zu jm / Wenn jr nicht Zeichen vnd Wunder sehet / so glaubt jr nicht. Der Königsche

scher sprach zu ihm / **H E R R** / kom hinab / ehe denn mein Kind stirbet. Ihesus spricht zu ihm / Gehe hin / dein Son lebet. Der Mensch glaubte dem Worte / das Ihesus zu ihm sagte / vnd gieng hin.

Vnd in dem er hinab gieng / begegnetē ihm seine Knechte / verkündigten ihm / vnd sprachen / Dein Kind lebet / Da forschet er von ihnen die stunde / in welcher es besser mit ihm worden war. Vnd sie sprachen zu ihm / Gestern vmb die siebende stunde verlies ich das Fieber. Da mercket der Vater / das vmb die stunde were / in welcher Ihesus zu ihm gesagt hatte / Dein Son lebet. Vnd er glaubet mit seinem ganzen Hause. Das ist nu das ander Zeichen / das Ihesus thut / da er aus Judea in Galileam kam.



**I**n diesem Euangelio ist vns furgebildet ein sonderlich Exempel des Glaubens / Denn S. Johannes zeigt wol drey mal an / das dieser Aempt man geglaubet habe / das wol billich jemand möchte bewegt werden / vnd fragen / was er für einen Glauben müsse gehabt haben / das der Euangelist so viel wort davon machet. Wir haben nu so viel vom Glauben vnd Euangelio gelesen / das ich meine / man sol es fast wol verstehen / Doch dieweil es sich jmerdar widerumb gibt / müssen wirs auch offthandlen.

Zum ersten hab ich gesagt / das der Glaube durchs Euangelium einem jglichen menschen den **H E R R** Ihesum ganz heim bringet / mit allen seinen güttern / Also / das ein Christ eben so viel hat als der ander / vnd das Kind / das heute getaufft ist / nichts weniger hat / denn S. Petrus vnd alle Heiligen im Himmel / Wir sind im Glauben alle gleich / vnd hat einer den schatz eben so vol vnd ganz / als der ander.

Dis Euangelium sagt nu weiter

vom zunemen des Glaubens / Da wirds nu vngleich. Wiewol der glaube Christus vnd alle seine güter völlig hat / So mus er dennoch jmer getrieben vnd geübt werden / das er sein gewis sey / vnd den schatz fest halte. Da ist ein vnterscheid vnter den zweien / Wer ein ding hat / vnd wer es wol fasset / das ist / vnter einem starcken vnd schwachen glauben. Ein solcher grosser schatz wil wol gefasset vnd verwaret sein / das er nicht leichtlich verloren oder genommen werde / Ich habe in wol ganz / ob ich in schon in ein Monlat gefasset hette / ist aber nicht so wol verwaret / als wenn ich in in einem verschlossen Kasten hetete.

Darumb müssen wir also leben auff Erden / nicht / das wir dencken etwas anders / das da besser sey zu erlangen / denn wir jet haben / Sondern das wir darnach trachten / wie wir vnser Gut gewis vnd fest fassen / von tag zu tag je mehr vnd mehr / Wir dürffen nichts bessers suchen / denn den Glauben / Aber da müssen wir auff sehen / wie sich der Glaube mehre vnd stercker werde.

Also zeigt das Euangelium / das die Jünger Christi geglaubet habe ( denn sie hetten dem **H E R R** sonst nicht nachgefolget ) vnd schilt sie dennoch Christus offth vmb des schwachen Glaubens willen / Sie hatten wol einen glauben / aber wenns ans treffen gieng / lieffen sie in sincken / vnd hielten nicht. Also gehet es auch allen Christē / das / wo der Glaube nicht jmer geübt vnd getrieben wird / so nimet er abe / das er also wol verleschen müste. Vnd wir doch solche schwachheit selbs nicht sehen noch fühlen / wenn es in die not vñ anfechtung kömet / da sich der vnglaube allzu starck reget / Vnd doch eben darumb der Glaube mus anfechtung haben / das er darin streite vnd zuneme.

Darumb ist es nicht also / wie die vnnützen Schwertzer vnter den Schultheologen gelernt haben / so die Leut faul vnd vnachtsam machen / weisen vns auff vns selbs / vnd sagen / Wenn einer das geringst tröpflein oder füncklein habe von der Liebe vnd Gnade / so wird er selig / Vnd können doch nimmermehr sich oder andere des gewis machen / ob sie solches in ihnen haben / Bleiben damit stets im zweifel / das sie zu lezt daran verzagen /

**R E** gen /

Vnterscheid des schwachen vnd starcken glaubens.

Zunemen des glaubens

Matt. 8. 16

Glaube bringet einem den Christum ganz.

Einige

## Auslegung des Euangelij

gen/ Aber die Schrifft leret also dauon/ das sich der Glaube an Christum hangen müsse/ vnd also iner im kampff vnd streit wider sein eigen sülen vnd schwachheit/ sich vben / fort faren vnd zu nemen. War ista/ das du Christum hast durch den Glauben / ob du schon den schatz in einem schlechten tüchlin heldest/ Mußt aber dennoch sehen / das du in wol fassest / vnd dir nicht nemen laßest.

*Zinffang des Glaubens in dem Königsche auff die güte Christi.*

Also ist dieser Amtman oder Königscher (ich halte/ er sey des Königs Herodes diener gewesen) so fern im Glauben/ das er glaubt/ wenn er Ihesum künde in sein Haus bringen/ würde er gewis seinem Son helfen / Denn er hatte gehöret Gottes wort oder das Euangelium von Christo/ das er jederman gern hülfte/ wer zu im bracht würde / vnd niemand seine gütigkeit versagt/ Das fasset sein Glaube/ der machet / das er hin zu Christo ist gangen/ Denn / wenn sein hertz also gestanden were/ wer weis/ ob er dir helfen kan oder helfen wil? were er nicht zu im gegangen. Aber das treibet in hin zu gehen / das er im vorhin Christum also eingebildet hat / vnd geglaubt/ er würde im helfen.

Das ist die art vnd natur des Glaubens/ das er dem menschen also ins hertz bildet vnd spiegelte/ die gütigkeit Christi. Also schreibet die Epistel zu den Ebreern/ Der Glaube ist eine zuversicht des/ das zu hoffen ist/ das ist / der gnade vnd güte Gottes. Tu stehet der Glaube dieses Mans also/ das/ wenn er darinnen blieben were/ würde er on zweifel selig sein worden/ vnd der HERR hat auch ein wolgefallen daran/ Dennoch ferret er in etwas hart an / hat noch einen mangel an seinem Glauben/ straffet in/ vnd spricht.

Wenn jr nicht zeichen vnd wunder sehet/ so glaubet jr nicht.

**W**ie schicket sich das zu samen? Bringet doch der Glaube vnd gute zuversicht den Königschen zu Christo/ Wie spricht er denn/ Jr glaubet nicht/ wenn jr nicht zeichen sehet etc. Aber wie ich gesagt habe/ er wil im zeigen/ das sein Glaube noch nicht starck genug sey/ Denn er hanget noch allein an dem sehen vnd sülen des gegenwertigen Christi. Also straffet er auch selbs die

*Schwachheit des glaubens in dem Königschen. Math. 8*

Jünger in dem Schiff/ da das vngewitter kam/ vnd spricht zu inen/ Jr Kleinglaubigen/ warumb seid jr so fürchsam? Als wolt er sagen/ Wo ist nu ewer Glaube? Darumb / wie gut vnd rechtschaffen der Glaube ist/ doch sellet er zu rüch/ wenns zum treffen gehet/ wenn er nicht wol geübt ist/ vnd zu genommen hat.

Darumb mußt du nicht gedencken/ das damit genug sey/ wenn du angefangen hast zu glauben / sondern mußt ein vleissig auffsehen haben/ das der Glaube fest werde/ sonst gehet er zu boden/ Du mußt sehen/ wie du den schatz/ den du gefasset hast/ mögest behalten/ Denn der Teuffel legt alle seine kunst vnd macht daran/ wie er in aus dem hertzen reisse. Darumb ist das zunemen des Glaubens ja so not/ als der anfang/ vnd wol nöthiger/ Ist aber alles Gottes werck. Der junge Milchglaube ist noch süß vnd zart/ Aber wenn die züge komet/ vnd der Glaube angefochten wird / da mus Gott den glauben stercken / sonst wird er die püß nicht erhalten.

Erhalten were diesem Menschē nichts beholffen gewesen/ mit dem glauben/ den er im anfang hatte / Er hette müssen zu rüch fallen / wenn Christus nicht komet were/ vnd in gestercket hette. Wie stercket er in aber? Der Amtman glaubte/ wenn er zu im ins Haus keme/ künde er seinem Son wol helfen. So gibt im Christus eine sawre vnd harte antwort/ Wenn jr nicht zeichen vnd wunder sehet/ so glaubet jr nicht. Mit den Worten gibt er dem Glauben einen püß/ den er nicht leiden kan. Der arme Man erschrickt / vnd sein glaub hebt schon an zu sincken vnd zu verleschen/ Darumb spricht er.

HERR/ kom hinab/ che denn mein Son stirbet.

**A**ls wolt er sagen/ Ey/ du mußt einlend gehen/ vnd selbs da sein/ sonst bleibt min Son nicht lebend. Da gibt im Christus nu einen sterckern glauben (wie denn Gott mit allen thut / die er im Glauben stercket) vnd bringet in also in einen höhern grad oder scand/ das er starck wird/ vnd nu auff ein andere weise glaubet/ denn vor/ Vnd spricht also zu dem Vater.

Gehe hin/ Dein Son lebet.

*VOrs*

*Glaub mus gestercket werden wider die anfechtung.*

*Sterckung des glaubens durchs Wort.*

Wer star.  
der Glaube  
des König-  
schen.

**V**orhin/wenn er also zu jm hette gesage/das sein Son lebete/hette er es nicht können glauben/ Irund gleybet ers/Da dis Wort in sein hertz kömet/machet es in jm einen andern Glauben/das er ein ander Man wird. Also gibet jm der **H E R R** zu dem grossen stos/auch ein grössere stercke. Denn jzt mus er an dem hangen/das er nicht sihet/Denn das gleybte er vorhin nicht/das Christus so starck were/das er seinem Son künde helffen/wenn er in nicht sehe/vnd nicht bey jm were.

Das ist erst ein rechter starcker glaube/das ein hertz kan glauben/was es nicht sihet vnd begreiffet/wider alle sinn vnd vernunft/vnd hanget allein an dem Wort. Da scheineth nichts/so hat er sonst kein behelff nicht/denn das er gleybet. In dem Glauben mus man alle ding aus den augen thun/on das Wort Gottes. Wer jm etwas anders lesst in die augen bilden/der ist schon verlor. Der Glaube hanget allein dem Wort blos vnd lauter an/wendet die augen nicht davon/sihet kein ander ding an/weder sein werck noch verdienst. Wenn das hertz nicht also blos stehet/so ist verloren.

Glaube be-  
stehet nicht/  
so er nicht  
am Wort  
hanget.

Also/das wirs bey einem Exempel sehen/Wenn ein Pfaff/Mönch oder Nonne darauff stehet/das er hat jungfrawschafft gehalten/oder viel Messen gelesen/viel gefastet/viel gebetet/vnd dergleichen/vnd bildet jm nicht Gottes wort fur/sondern seine gute werck/vnd bawet also darauff/das er meiner/Gott müsse in darumb erhören/so ist er verloren/Denn so lange das bilde fur augen ist/Kan der Glaube nicht da sein.

Darumb/wenn nu einer sterben sol/vnd der tod kömet/vnd er sich nu umbsihet/wo er hinaus wolle/vnd wo er den ersten tritt hin thun sol/so kömet denn der Teuffel/vnd bildet jm fur/wie greulich vnd erschrecklich der tod ist/dazu sihet er die Helle vnd Gottes gericht fur jm/So hat der Teuffel gewonnen/denn da ist kein hilffe/so lange er das allein fur augen hat. Wenn er da klug were/vnd jm kein ander bild lies ins hertz bilden/vnd bliebe allein an dem wort Gottes hangen/so were er selig/Denn das Wort ist lebendig. Darumb/wer sich daran helt/der mus bleiben/wo das lebendige vnd ewige Wort bleibet.

Wer dis ist mechtig schwer zu thun/Denn hie sihestu/wie es diesem Menschen hie so sawr wird/Als auch den Aposteln im Euangelio/das sie im Schiff auff dem wasser fuhren/vnd das Schiff vntergehen wolt/vnd die Wellen daher ins Schiff schlugen/das sie den tod fur augen hatten/das liessen sie das Wort fallen/Hetten sie fest gegleybet vnd gesagt/Da haben wir Gottes Wort/Hie ist Christus/wo der bleibt/da bleiben wir auch/so hette es kein not gehabt. Weil sie aber nicht einen solchen glauben hatten mussten sie fallen/vnd weren verdorben/wenn Christus nicht hette geholffen.

Matth. 8

Also auch Petrus/da er auff dem Meer gieng/vnd zu Christo kam/als lang er an dem Wort hielt/must in das wasser tragen. Aber da er die augen von Christo wendet/vnd das Wort fallen lies/sah ein Wind daher brausen/da erschrack er/vnd hub an zu sincken.

Darumb habe ich gesagt/das man alles mus faren lassen/vnd allein an dem Wort hangen/Wenn wir das gefasset haben/so las darnach witen vnd toben/Welt/Tod/Sünde/Helle vnd alles vnglück. Lessestu aber das Wort faren/so mustu verderben.

Glaube han-  
get allein  
an Gottes  
Wort.

Das sehen wir auch an den Leuten/die nach zeitlicher Narung stehen/Wenn gnug da ist/vnd Haus vnd Hof vol/so trawen sie Gott wol/sprechen/sie haben einen gnedigen Gott/Wenn sie aber nichts mehr haben/so heben sie an zu zweueln/so ist es denn aus/Denn sie bilden jnen das fur in die augen/das nichts da ist/vnd keinen vorrat haben/wissen nicht/womit sie sich erneeren sollen/so treibet denn die sorge den glauben aus/Wenn sie aber das wort Gottes fasseten/dechten also/Mein Gott lebt/der hat mir zugesagt/er wolle mich erneeren/ich wil hingehen vnd erbeiten/er wirds wol machen/Wie Christus gesagt hat/Trachtet am ersten nach dem Reich Gottes vnd seiner gerechtigkeit/so wird euch solches alles zu fallen. Wenn ich dis Wort behielte/vnd schlug jenes aus den augen/so hette es nicht not/So lange du dir aber allein dein armut in die augen bildest/Kanstu nicht glauben.

Ansechtung  
der narung.

Matth. 9

Dieser Amtman hette auch wol ein solch augenbild gehabt/das er hette

R ij

te mü



## Auslegung des Euangelij

te mügen denken / Er wil mich nicht hören / gibt mir ein sawr antwort / wil nicht mit mir gehen / vnd weist mich obel ab. Hette er das in die augen gefasset / so were es verloren gewesen / So er aber dasselbige aus den augen schlegt / gibt jm darnach Christus einen guten trost / spricht / Gehe hin / dein Son lebet. Das ist die art vnd natur des Glaubens / also gehet Gott mit vns umb / wenn er vns wil stercken.

**2. Corinth.** Als meiner auch S. Paulus zu den Corinthern / da er sagt / Die Klarheit des **HERN** spiegelt sich in vns / von auffgedecktem angesicht / vnd wir werden verkleret in dasselbige bilde / von einer Klarheit zu der andern / als von dem **HERN** / der da der Geist ist. Die Klarheit des **HERN** in S. Paulo / ist das rechte erkentnis Gottes. Moses hat auch Klarheit / das ist das erkentnis vnd verstand des Gesetzes. Denn so ich des Gesetzes erkentnis hab / da sehe ich in sein klar Angesicht / vnd in sein helles Licht hinein.

**Verkleret**  
werde durch  
das erkent-  
nis Christi  
von Klarheit  
zu Klarheit.

Nu aber sind wir da hindurch / vnd habē ein höher erkentnis des **HERN** Christi / Wer den erkennet / als den man / der da hilfft / der da krafft gibt / das Gesetz zu erfüllen / durch welchen wir haben erlangt vergebung der sünde / Das spiegelt sich seine Klarheit in vns / Das ist / wie der Sonnen glantz sich spiegelt in einem wasser / oder in einem spiegel / also spiegelt sich Christus / vnd gibt einen glantz von sich ins hertz / Also / das wir verkleret werden / von einer Klarheit zu der andern / das wir teglich zunemen / vnd je klerer den **HERN** erkennen / Denn werden wir verwandelt vnd verkleret in dasselbige bild / Also / das wir alle ein Knecht werden mit Christo. Das gehet nicht also zu / das wirs selbs thun / aus eigen krefften / sondern Gott mus es thun / der da der Geist ist. Denn ob gleich der heilige Geist solche Klarheit vnd erleuchtung in vns anfieng / vnd vns darnach verliesse / so weren wir wie vor.

**Creutz vnd**  
**anfechtung**  
**müssen den**  
**Glauben**  
**tragen.**

Es müssen wir nu gerüstet sein / das wir nicht bleiben stehen in einem grad / sondern jmer zunemen / Darumb mus das Creutz / anfechtung vnd widerwertigkeit komen / darinnen der Glaube wachse vnd starck werde. Vnd wie die Klarheit des Glaubens zunimet / so

nimet auch zu des Leibs cästeinung. Je stercker der Glaube ist / je schwacher das Fleisch wird / Vnd je geringer der Glaube / je stercker das Fleisch ist / vnd je weniger jm abgebrochen wird. Wir denken also / Wenn ich meinem Nehesten jmer sol helffen / wo bleibe ich denn? Wo wil ich zu lege hinaus?

Wenn wir aber den rechten Glauben vnd Christum in vns gespiegelt heten / würden wir nicht also zweueln / das wir nicht gnug würden haben / sondern also denken / Gott wird wol besraten / wenns gebrechen wird. Wenn wir aber in einem solchen kleinen puff verlieren / was wollen wir im grossen thun? Sibe / also sol der Glaube gelibet werden vnd zunemen / so gehen wir dahin / vnd bleibe heut wie gestern / morgen wie heut / das ist nicht ein Christlich leben. Das ist nu der ander grad / davon Johannes diesen Man preiset / das er habe zugenomen im Glauben.

**Im dritten** / spricht er / Da er heim gieng / begegneten jm seine Knechte / vnd verkündigten jm / das sein Son lebe / vnd er erfubr / das sein Son eben dieselbige stund genesen were / da der **HERN** hatte zu jm gesagt / Dein Son lebet. Vnd er glaubte mit seinem ganzen Hause. Da sprichet der Euangelist abermal / das er geglaubt habe / Ey / hat er nicht vorhin geglaubt? warumb ist er denn zu Christo komen?

Das ist nu ein vollkomener Glaube / der ist besteriget durch die erfahrung. So gehet vnser **HERN** Gott mit vns umb / das er vns vollkomener mache / vnd setze vns jmer in einen höhern stand / Wenn wir also hindurch komen / so kommen wir denn in die erfahrung / vnd werden vnser glaubens gewis / wie wir hie sehen / das er durch die bilde reisset / vnd vberwindet die püffe / wird der sache so gewis / das ers erfaret / vnd befindet / das jm geholffen ist durch den Glauben / vnd stimmet gleich zusamēzeit / zeichen vnd Wort mit dem Glauben.

Was hat er denn jzt geglaubt? Nicht das / das der Son gesund worden were / Dieser Glaube ist nu aus / es ist geschehen / vnd nu hindurch / Denn er sieht hets jzt fur augen / das der Son lebet. Aber aus der erfahrung kommet nu ein ander Glaube / das jm Christus fort mehr helffen würde in andern nöte / Vnd was er jm

**Bestet.**  
gung des  
Glaubens  
durch die er-  
fahrung.

**Erfahrung**  
stercker den  
Glauben /  
auff weitere  
zukünftige  
hilffe.

er im mehr für ein tuncel bilde fürsüchli-  
ge/dasselbige glaubete er/ Wenn igund  
der HERR hette zu im gesprochen/ Ge-  
he hin vnd stirb/ so würde er sprechen/  
Wiewol ich nicht weis/ wo ich hin fa-  
ren sol/ oder wo die Herberge ist/ Doch/  
weil ichs versucht habe/ was der Glau-  
be ist/ wil ich wider an dem Wort han-  
gen/ Du hast mir vor geholfen/ da ichs  
auch nicht sehen oder begreifen kunde/  
so wirstu jetz aber helfen.

Also auch/ wenn Christus zu im  
gesagt hette/ Las Haus vnd Hof/ vnd  
was du hast für güter/ faren/ vnd kom-  
me/ folge mir nach/ hette er nicht ge-  
dacht/ Ja/ wie sol ich mich erneeren?  
Es were im wol dis bild für augen ge-  
standen/ dort ist allerley gnug/ hie ist  
nichts/ sol ich jenes faren lassen/ wo  
wil ich hinaus? Aber er würde jetz also  
so dancken/ Wiewol nichts da ist/ vnd  
ich nichts sehe/ wil ich dennoch am  
Wort halten/ er wird wol helfen/ ich  
habs zuor auch versucht. Solchs ist der  
Vernunfft unmöglich/ aber der Glaube  
kan es alles thun.

Übung des  
Glaubens  
durch man-  
derley ver-  
suchung.

Darumb vbet sich der Glaube als  
so in mancherley ansechtungen/ vnd kom-  
men alle tage newe ansechtung/ Denn  
die vorige erfahrung kömet nicht allwe-  
ge wider/ als man hie sihet/ Dieser  
Mensch hat schon jenes werck des glau-  
bens gebraucht/ das ist nu hinweg/ wird  
nicht mehr wider komen/ er mus nu aber  
ein anders versuchen. Darumb/ je mehr  
ein Mensch derselbigen versuchungen  
hat/ je besser es mit im stehet/ Je mehr  
er der püffe gewinnet/ je stercker er Chri-  
stum fasset/ vnd wird also geschickt/ das  
er bereit ist alles zu tragen/ was im Chri-  
stus aufflegt.

Glaube ist  
alleszeit des  
zukünftige.

Die Eglichen ist es den heiligen Pa-  
triarchen gangē/ vnd also gehet es auch  
noch jmerdar zu/ Das ich igund glaube/  
das vorzeiten andern geschehen/ das ist  
mir nicht mehr nütze/ sondern mein glau-  
be mus allwege auff künfftige ding war-  
ten/ Also/ da Gott hies Abraham aus  
seinem Lande gehen/ da thet ers/ vnd  
glaubts/ Da er nu hin in jenes Land  
kam/ hies er in aber in ein anders gehen/  
darnach aber in ein anders. Also hat  
jmer sein Glaube zugenomen/ Darnach  
ist er so gewis worden/ vnd hat gespüret  
vnd erfahren/ wie Gott mit im handelt/  
vnd ist ein solch volkommen mensch wor-

Ebre. II.

den/ das er auch seinen Sonn wolt op-  
ffern. Daraus folget auch das/ wer sol-  
ches viel versucht/ das er auch deste lies-  
ber in tod gehet.

Also sihestu/ wie alhie beschriben  
ist ein Exempel eines zunehmenden Glau-  
bens/ Das ist nu klar gnug. Darumb nim  
es wol zu hertzen/ ein iglicher hat seine  
vbung wol/ dabey er könne den Glau-  
ben vben/ das er Gotte vertraue/ das er  
im werde helfen/ so wird er auch prüfen  
mögen/ wie im Gott hilffet/ vnd kan al-  
so fort faren/ vnd mehr glauben/ Es ge-  
het jmer eines aus/ vnd ein neues wider  
an/ das wir sehen vnd greiffen mögen/  
das vnser HERR Gott warhafftig ist.  
Wenn wir das vertrauen haben/ das er  
vns den Leib werde erneeren vnd erhal-  
ten/ können wir darnach auch glauben/  
das er vns die Seele werde selig machē.  
Das sey gnug vom Glauben geredt.

Das ander teil im Euangelio/ von  
der Liebe/ kan ein iglicher selbs wol  
sehen. Es ist klar gnug angezeigt/ das  
nicht not thut/ viel dauon zu reden/ Wie  
Christus diesem Man dienet vnd hilffet/  
Er hat selbs keinen nutz dauon/ sondern  
thut es lauter vmb sonst aus liebe. Item/  
so sihet man/ wie der Königliche auch  
ein Knecht wird seines Sons. Was  
mehr in diesem Euangelio ist/ das da ge-  
höret zur geistlichen deutung/ Vnd die  
auslegung von wort zu wort/ wolle wie  
den rügigen vnd klugen Geistern befeh-  
len.

Exempel  
der Liebe.

## Ein ander Ex- mon auff daselbige Euang. Johannis 4.

**I**n diesem Euangelio  
wird vns fargebildet ein  
schönes Exempel des  
glaubens/ wie er ein ge-  
stalt hat/ vnd was art  
vnd natur er ist/ Nem-  
lich/ das er sol zunemen vnd volkomen  
sein. Vnd malet den Glauben also ab/  
das er nicht ein still ligend vnd feis-  
rend ding sey/ sondern ein lebendig vns  
rügig ding/ gehet entweder hinder sich/  
oder vor sich/ lebet vnd schwebet/ Vnd  
K ij wenn

Glaube sol  
fort faren vñ  
zunemen.

## Auslegung des Euangelij

wenn das nicht geschieht / so ist es kein Glaube / sondern ein todter wahn im hertzen von Gott / Denn der rechte lebendige Glaube / den der Heilige Geist ins hertz geufft / kan schlechtes nicht feiren. Das sage ich darumb / das niemand sicher sey / wenn er gleich den Glauben ergriffen hat / sol es nicht dabey bleiben / Es gilt nicht anheben / sondern je lenger je mehr fort faren vnd zunemen / vnd weiter lernen Gott erkennen.

1. Pet. 5  
Des Teuffels  
steig treibe  
wider den  
Glauben.

**D**enn widerumb ist das die art vnd natur vnser Widersachers / des Teuffels / das er auch nicht feiret / wie S. Petrus spricht / Ewer Widersacher der Teuffel / gehet vmbher / wie ein brüllender Lowe / vnd suchet / wen er verschlindet. So nu der Teuffel nicht schlefft noch feiret / so wil es sich nicht ziemen / das ein Christen feire / vnd die hende in die schos lege / sondern dencke / wie er sich stercke wider des Teuffels gewalt / Denn er wird ein Fürst dieser Welt genennet / wie in der heurigen Epistel steht / Wir haben nicht mit Fleisch vnd Blut zu kempffen / sondern mit Fürsten vnd gewaltigen / mit den Herrn der Welt / die in der finsternis dieser Welt herrschen / mit den bösen Geistern vnter dem Himmel. Dieser Fürst regieret die Welt / tobet vnd wüthet / ist toll vnd töricht / kan nicht leiden / das ein Christen fort kome / Es ist im auch nicht zu leiden / denn dadurch wird im ein loch in sein Reich gebrochen / vnd sein Neiz zuriffen / Darumb / wo er kan / leset er keinen Christen auffkomen.

Anfechtung  
folget alzeit  
dem ange-  
fangen glau-  
ben.

**W**enn nu das feuer des Glaubens entzündet ist / vnd auffgehet / vnd der Teuffel dasselbige fület vnd sein gewar wird / so bald greiffet er im nach mit allen listen / Denn er weis / was Schadens er dadurch empfehet in seinem Reich / Darumb beschützt er sein Reich mit allem ernst / vnd vleissiget sich alle zu behalten vnter seinem gehorsam. Der halben ist es gewis / wenn ein Christen anfehet zu glauben / so folget im auff dem fuß nach die anfechtung vnd verfolgung / Vnd wenn das nicht geschieht / so ist es ein zeichen / das der Glaube nicht rechtschaffen ist / vnd das Euangelium nicht recht ergriffen hat / Denn der schalck / der Teuffel / hat ein scharff gesicht / wird bald gewar / wo ein rechter

Christ ist / Darumb vleissiget er sich / das er in zu fall bringen / vnd vmblegen in / siche in an / an allen enden / denn er kan nicht leiden / das einer von seinem Reich weiche.

**D**arumb ist es sehrlich also zu leben / denn der Teuffel hat vns bald vberumpelt / Vnd geschieht auch wol den grossen Heiligen / die das wort Gottes recht fassen / wenn sie auffgericht stehen / vnd meinen / sie seien sicher / so ist dieser schalck hinder inen her / schlägt sie nider / vnd ringet mit inen so lang / bis er sie zu bodem stürzet.

**S**ihe / was den grossen Leuten widerfaren ist / Mose / Aaron / vnd den Fürsten des Jüdischen volcks / Die hatten einen schönen Glauben / da sie das Volck aus Egypten fürreten / vnd das ganze Volck gieng im glauben durch das Rote Meer / durch den tod / vnd durch ander viel Wunderthaten / damit sie jren glauben beweiseten. Zu legt fallen sie ober ein stück / damit das ander alles zu grunde gehet / fürchten / das Volck müsse hungers vnd dursts sterben in der dürre Wüsten.

Exempel  
des schwachen  
sinkens  
den Glaubens.

**I**st es nicht ein jamer / das sie durch solche grosse stück beweisen jren Glauben / gehen in vnd durch den tod / ringen mit im / vnd überwinden in? Da sie meinen sie seien die besten / fallen sie dahin / lassen sich den Bauch überwinden / vnd murren wider Gott / werden auch so harte angefochten / das sie alle dahin fallen / der Teuffel schlägt sie alle darnider. Darumb ist es nicht gewis vnd sicher / so einer anfehet zu glauben / vnd nicht je lenger je mehr fort vnd fort gehet.

**M**oses / der doch so einen feinen starcken Glauben hatte / felt auch das hin / Da er solt aus dem Felsen wasser schlagen mit dem stabe / zweinelt er / vnd sprach zum Volck / Komet her / wir wollen sehen / ob wir euch wasser aus dem Felsen künden treiben. Der gute Moses / der so viel mirakel gerhan hatte / felt in die Vernunfft / vnd in ein fleischlichen verstand hinein / fürchtet / das in der vnglaub des Volcks würde hindern an dem grossen Mirakel vnd zeichen / Er solt aber blichen sein am Wort hangen / vnd dasselb höher / grösser / stercker vnd kreffteiger geacht haben / denn den vnglauben

1. Cor. 10  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

glauben des Volcks/Aber der gute Man war hart angefochten/das er straucliet vnd felt.

Petrus auff dem Meer.

In newen Testament haben wir auch dergleichen Exempel. Petrus war gewis vnd starck im Glauben/da er Christum sahe auff dem wasser/ vnd sprach aus seinem starcken Glauben/ HERR/ las mich zu dir komen/ Vnd steig aus dem Schiff in das wasser. Er war gewis/das in das wasser würde tragen. Da war ein trefflicher Glaube in S. Petro/vnd ein grosser Geist/ durffte sich sicher mitten in das wasser vnd in die fehrlichkeit/ ja ganz in tod hinein/geben/wagets frisch vnd vnuerzagt auff Christum. Da er meinet/ er sey am aller sichersten/so erhebt sich ein Wind vnd vngewitter/ Da vergisst er des Worts/ vnd lefft den Glauben fallen/ sinckt dahin ins wasser/vnd gehet vnter. Wo ist nu der grosse Glaube? Es ist ein zart/subtel ding vmb den Glaubē/es ist bald versehen/ das man dahin straucliet/ Denn der Teuffel sihet auff/ hat die sache bald gewonnen/ wo man nicht waschet.

Der Jhden abfall von Christo.

Wie starck helt das Volck vber Christum? Sie hielten in fur einen Propheten/ vnd hiengen in so seer an/ verteidigten in mit solchem ernst/ das sich auch die Obersten des volcks mussten entsetzen/ durfften nicht eine hand an in legen. Da sie in aber griffen/ vnd in bunden/ hinfuerten/ vnd in an ein Creutz schlugen/ da fellet das Volck dahin/burdi/burdi. Da ist kein Prophet mehr/ da stehet keiner bey in/ ja schrien noch wol vber in/ Creutzige in/ Creutzige in/ Vnd das wol erger ist/ seine eigen Jüngere wichen von in. Wo bleibet nu jr glaub vnd heiligkeit?

Abfall vom Glauben vñ Euangelio.

Also gehet es jzt zu vnsern zeiten. Am ersten/ da das Euangelium an gieng/da war es eine liebliche Predigt/ da wolt alle welt Christen sein/ niemand war dawider/ Da man anfieng Mönchen/Pfaffen vnd Nonnen an zu greiffen/die Messe zu raddeln/Pfu/ da fallen sie dahin/ als die bletter von den beromen. Darnach als man auch die Fürsten begund mit Gottes wort zu straffen/da verfolget man das Euangelium noch mehr/ vnd begunde je lenger je mehr abzunehmen. Der Teuffel feiret noch nicht/ darumb erwocket er so viel

Secten vnd Rotten/ Wie viel haben wir bisher der Secten gehabt? Da einer hat nach dem schwert gegriffen/ ein ander hat das Sacrament angegriffen/ ewliche die Tauffe.

Der Teuffel schleffe nicht/er wird des dings noch viel mehr machen/ sihet sich vmb/vnd beskleiffet sich/das er es dahin bringe/ das kein rechte Lere in der Kirchen bleibe/vnd wird es (ist zu besorgen)endlich dahin bringen/das/so man das ganze Deuschland aus durch vnd durch gienge/ das man keinen rechten Predigstul wird finden können/ da das wort Gottes rein gepredigt werde/ Er vnterstehet sichs mit aller macht/das er kein rechte Lere lasse auffkomen/ denn er kan es nicht leiden.

Es ist schwer dem Feinde zu entfliehen/er lauret vnd sichtet an alle orte/ vnd treibet es so hart/das auch die Geslarten fallen/vnd die Auserwelten strauclien/als Moses/Petrus/ vnd die Apostel. Wir meinen/wir sind sicher/ lassen es dahin schleichē/niemand achtet sein/ niemand sorget dafur. Wir solten Gott bitten vnd anruffen/das er das Euangelium wölle erhalten/vnd seinen heiligen Namen weiter lassen ausgepredigt werden/aber niemand sorget/niemand bittet das es fort gehe/ So wird es auch also gehen/das Gott vns vnd den Teuffel zu hauffen wird lassen/so ist es denn mit vns aus/ er stößet vns zu boden/ vnd komet also in solchen jamer/durch vnser vermessenheit vnd lassheit.

Christen solten nicht vermessē vnd sicher sein.

Der Teuffel kan den Rottengeistern auch furhalten/das sie meinen/ sie haben recht/ Wie die Arianer jrer sache grossen schein machten/ Da war niemand/der da gesehen hette/ ob jr sache recht oder vnrecht were. Aber ein Christ wirfft seine sinne herunter/ vermisset sich nichts/sondern spricht demüthiglich zu Gott/Lieber HERR/ wiewol ich der sache gewis bin/so kan ichs doch on dich nicht erhalten/ hilff da/ es ist mit mir verloren. Er ist wol der sache gewis/wie S. Petrus auff dem Meer/der Kunde nicht gewisser sein/ das wasser trug in/ er wuste kein hindernis mehr/ Da aber der Wind her rauffchet/ da sahe er/woran es in feilete. Das mus nu im herten wol gefasset werden/ Denn ob man gleich der sache gewis ist/ vnd

Die

die Schrifft hat auch mit hellen Sprüchen/auffs aller beste verwaret vnd gerüstet ist / so stehet es doch in Gottes Krafft/willen vnd macht / der vns beschütze/vnd dem Teuffel/vnserm widersacher vnd grösstem Feinde/wehre.

Stärke vnd  
beystand  
des Glau-  
bens von  
Christo zu  
biten.

Da geschiet aber darumb / das vns Gott wacker mache / vnd in der fürcht behalte / das wir allwege in sorgē stehen/vnd zu jm schreien/ O HERR/ hilff vns/vnd mehre vns den Glauben/ denn on dich isst mit vns verloren. Vnser hertz sol allwege so stehen/als siengen wir heute an zu glauben / vnd alle tage also gesinnet sein/als ob wir das Euangeliū nie gehöret hetten/Man mus alle tage anheben/ Das ist die art vnd natur des Glaubens/ das er on auffhören wachse vnd fort fare. Der Teuffel (wie oben gesagt) feiret nicht/hat kein ruge/wird er ein mal geschlagen / so stehet er wider auff/ kan er nicht forne hinein kōmen/ so sihet er / das er hinden hinein schleiche/wo er nicht hinden hinein kan so bricht er zum dach hinein/oder grebt vnter der schwellen hinein / erbeitet so lang / bis er hinein kōmet/ suchet allerley list vnd anschlege / Wo es jm an einem feilet/ nimet er ein anders zur hand vnd treibet es so lange / bis er gewinnt.

Vnser schatz  
in irdischen  
gefessen.  
2. Corint. 4.

DAgegen ist es ein arm / schwach ding vmb einen Menschen/ wie S. Paulus spricht 2. Corint. 4. Wir haben solchen schatz in irdischen gefessen/ Der schatz ist das Euangelium. Aber ich bin schwacher/ denn ein topff gegen einem Töpffer/ Es ist ein schwach ding vmb einen topff/ ist bald zu brochen/ so wird denn alles verschütt/ was darinne ist. Also der Teuffel/ so er merckt/ was Glaub fur ein schatz ist/ in einem armen tōpflin behalten / tobet vnd wüet er / vnd sprichet mir zorn zu vns / Ich wil dich treffen / vnd dir den topff zurschlagen/ Du hast einen grossen schatz / den wil ich dir ausschütten/vnd wenn es mir zugelassen würde/ wie bald wolt ich dir auch den topff zurschlagen haben / Du bist doch nichts / denn ein armes vnd elendes tōpflin.

Nu setzet Gott also das arme tōpflin vnter die Feinde/ wie bald were es darumb geschehen? Mit einem knüttel kan man es zurschlagen/ ja / wenns eine Schlange stöche/müß es zu drümmern ge-

hen. Es were dem Teuffel ein schlechte Kunst / das er in einem augenblick ein ganz Land vmbbrechte / Darumb ist er zornig / das Gott die sache so nerrichte mit jm ansehete/ helt jm entgegen ein armes tōpflin/vnd ist er doch so ein grosser fürst vnd gewaltiger Herr der welt/ Es solt mich auch verdriessen/ wenn ich ein starcker Man were/vnd solt mich ein ner mit einem strohalm trogen/ ich solt wol den strohalm vor zorn zu reissen/wolt lieber/ das er mit spies/ schwert/ vnd allem harnisch wider mich stünde/ Wie es auch den starcken Goliath verdros/das der David mit einem Stabe/ on harnisch/ wider in thürste treten.

Also ist dem Teuffel auch / Er ist zornig/ das in Gott durch fleisch vnd blut wil vnter die füsse treten / Wenn ein grosser Geist wider jm were / so were es jm nicht so verdriesslich/ Aber das verdreufft in seer / das ein armer Madensack/ ein gebrechlichs tōpflin / sol jm zu trotz da sitzen/ ein schwaches gefes/ wie der so einen gewaltigen fürsten. Gott hat seinen schatz (spricht S. Paulus) in ein armes schwaches gefes gelegt/ Denn ein Mensch ist schwach/ wird bald zornig/ geizig/ vbermütig/ vnd mit andern gebrechen beschweret/ damit der Teuffel den topff bald zurschlagen hat / Vnd wenn jm Gott raum lies / hette er gar bald alle Menschen vmbbracht / wie er denn durch falsche Lere viel Seelen verderbet.

WDas alles geschiet (spricht S. Paulus) das wir wissen/ das es nicht in vnser macht siehet / sondern in Gottes Krafft. Gott hat also seinen trog wider den Teuffel gesetzt/ das er in durch die hēbste schwachheit fleisches vnd blutes stürze vnd zu schanden mache. Das verdreuffet in aus der massen seer/ darumb gehet er vmb/ wie ein brüllender Lewe/ das er die schwachen gefesse vnd tōpflin zubreche vnd zuschmettere.

Das geschiet aber alles darumb/ das wir in sorgen stehen sollen / vnser augen gen himel heben / vnd Gottes hülf anrufen/ Vnd so wir im Glauben angefangen haben/ das Gott das selbige wölle fordern vnd schützen / vnd das gefes durch seine krafft halten/welches der Teuffel gern wolt gar zu brechen/ vnd mit füßen darein treten / wie

Des Teuffels  
zorn wider  
das schwache  
gefes.

Gottes trog  
wider den  
Teuffel  
durch vnser  
schwachheit.

er die

er die andern/ die sein sind / hin reisset/  
vnd hat seine freud vnd lust an inen.  
Das ist der eingang zum Euangelio/  
Wir wollen nu den Text nacheinander  
besehen.

Es war ein Königscher / des  
Sonlag krank zu Capernaum.

**D**as ist wol mehr Leuten geschehē/  
das sie krancke Kinder habē/ Aber  
das ist hie zu mercken / das er bald  
hernach sagt.

Der Jhesus höret/ das Ihesus kam  
aus Judea in Galileam/ vnd gieng  
hin zu jm/ vnd bat in / das er hinab  
keme/ vnd hülffe seinem Son / denn  
er lag tod krank.

**D**a hebt sich der Glaube an/ der sich  
auff Christum verlesset. Das er  
aber einen Glauben habe/ zeigt das  
Euangelium an / Denn er höret von  
Christo / wie er die Krancken gesund ma-  
chet/ da felt sein hertz darauff/ henge-  
t sich an den Christum / gedencet also/  
Hülffe er allen Menschen/ so wird er mir  
auch helfen / vnd meinen Son gesund  
machen. Er helt Christum für einen  
solchen Man/ der den Leuten kan helfe-  
fen vnd versihet sich alles guts zu jm.

Das ist nu ein recht hertz eines Chri-  
sten / das er sich an Christum henge-  
t. Wenn aber dieser Königscher im zwei-  
uel were gestanden / so were er nicht zu  
Christo komen/ sondern sein hertz hette  
also gewancket/ Er hilffet wol andern  
Leuten/ wer weis aber / ob er mir auch  
werde helfen/ vnd hette die sach also las-  
sen anstehen. Aber sein Glaube lebet/  
darumb stehet er auff/ vnd gehet hin zu  
Christo / Das ist das anfahren im Glauben.

Nu sihe / wie jm Christus in die  
quehr vnd widersinnisch entgegē gehet/  
vnd sein Glaube angefochten wird/ Als  
er zu jm spricht.

Wenn jr nicht Zeichen vnd Wun-  
der sehet/ so glaubet jr nicht.

**W**ie reimet sich das? Er spricht/  
Ir glaubet nicht/ vnd hat gleich  
wol den glaubē. Also sprach der  
HERR auch zu S. Petro / O du klein-  
glaubiger/ warumb zweuelstu? Petrus  
war der sache gewis/ vnd hette den glau-  
ben/ darumb gieng er auff dem wasser/

Aber/ da er den Wind sahe/ zweuelte er/  
vnd sanct vnter. Also hie auch / Der gu-  
te Man höret von Christo ein geschrey/  
das er jederman hülffe / das gienbet er/  
vnd komet zu jm. Da er aber höret / das  
sich Christus widdert zu jm zu komen/  
stößet er sich / vnd felt der Glaube das  
hin / forget / Christus werde jm nicht  
helffen. Das ist ein puff/ da gehet die an-  
sechtung an/ des angefangen glaubens/  
Denn es war ein hart wort/ Es sey denn  
das jr Wunder vnd Zeichen sehet / so  
glaubet jr nicht. Dis wort machet jm  
ansechtung vnd einen zweuel/ das er da  
hin strauchelt. Der Teuffel stund hinter  
jm / vnd sprach/ Gehe hin zu haus/ war-  
te deines dinges/ er wil dir nicht helfen.  
Aber der Königscher lies nicht bald ab/  
sondern sprach zu dem HERRN.

HERR kom hinab / che denn  
mein Kind stirbet.

**D**a wolt der Glaube schon dahin fal-  
len vnd sincken/ Aber der HERR  
verlesse in nicht / hilffe jm gleich/  
wol wider auff/ vnd spricht zu jm.

Gehe hin/ dein Son lebet.

**E**r hat einen feinen Glauben ge-  
habt / sonst hette er in nicht zu sei-  
nem Son gefordert. Was mangelt  
jm denn? Daran feilet es jm/ Er glaubt  
also. Wenn Christus zu jm in sein haus  
würde komen/ so künde er seinen Son ge-  
sund machen/ Wenn er aber nicht da we-  
re/ so künde er in nicht gesund machen/  
Sein glaub streckt sich noch nicht so  
weit/ das er glaube/ das Christus künde  
gesund machen/ er were denn gegenwertig.  
Darumb mußte er ein höher stück des  
Glaubens haben. Der schwache glaube  
war dahin/ das köpfflin war zur schlagen/  
er meinet/ sein Son müste nu sterbē/  
Aber Christus feret zu / rücht in wider  
auff/ setzt in in einen höhern stand / vnd  
spricht zu jm/ Gehe hin/ dein Son lebet.  
Da steigt er von seinem ersten glauben/  
so er glaubt/ Christus künde gesund ma-  
chen/ wenn er gegenwertig were/ Vnd  
komet in einen höhern glauben / das er  
jet dem blossen Wort glaubet. Denn  
wenn er dem Wort nicht geglaubet hette /  
so hette er nicht von seinem hals  
gelassen / er were denn mit jm gegangen.

Nu aber fasset er das Wort in das  
hertz/

Ansechtung  
des angefan-  
gen Glau-  
bens.

Glaubig  
hertz henge-  
t stracks an  
Christo.

17. 17. 17.

Des Königs-  
schen glau-  
ben allein am  
Wort hangend.

Matth. 14

## Auslegung des Euangelij

hertz/ vnd spricht bey jm selber / Mein Son ist krank/ aber ich werde in gesund finden. Das war ein Glaube wider die vernunft vnd erfahrung/ Denn die Vernunft hette also gesprochen/ Bin ich doch erst von meinem Son ausgegangen/ da war er schon in legten zügen/ Wie kan er nu gesund sein oder werden/ weil er auch nicht zu jm gehen wilt/ Aber der Glaube spricht das widerspiel/ stehet stracks im Wort/ vnd erseuffet sich darein/ vnd zweuelte ganz nicht/ es sey nicht anders/ denn wie das wort lautet/ Gehe hin/ dein Son lebet.

Das ist ein feiner vnd starcker Glaube/ wo der Mensch also kan anszihen/ sinn/ witz/ vernunft/ augen vnd hertz/ vnd sich in ein kleines wort sencken/ vnd auff das selbe zu frieden vnd sicher sein/ Denn wie Christus spricht/ Dein Son lebet / Also spricht auch dieser Glaube/ Es ist gewis war/ ich werde es also finden. Also bleibe der Glaube nicht müßig vnd still ligend / sondern feret fort/ vnd wird stercker.

Matth. 17

**D**enn also thut Christus vns auch/ lesst vns angefochten werden / auff das wir im Glauben zunemen / Vnd wenn wir an vnserm ende / so wir sterben sollen/ ein solch füncklin des Glaubens hetten / so wolten wir wol bestehen/ Wie auch Christus spricht im Euangelio Matthei zu seinen Jüngern / So jr glauben habe als ein Senffkorn / so müget jr sagen zu diesem Berge / hebe dich von hinnen dort hin/ so wird er sich heben/ vnd euch wird nichts vnmöglich sein. Es ist ein klein ding vmb ein senffkorn/ welcher aber einen solchen Glauben hat / der wird gewis selig / Man darff nicht ansehen/ das der Glaube klein ist/ sondern darauff mus man sehen vnd acht haben/ das das Senffkorn bleibe/ vnd nicht von vogeln gefressen werde/ das vns der Teuffel den Glauben nicht aus dem hertzen reisse/ Es ligt nicht daran/ wie geringe der Glaube sey / Da ligt aber die macht an/ das man sich fürsethe/ das er nicht vmbgestossen werde.

Petrus hatte wol einen feinen Glauben / da er sich auff Christi wort/ vnuerzagt auff's wasser liesse / darumb trug in das wasser/ das er nicht vntergienge/ Were er also im Glauben blieden/ so were er wol hundert meilen gan-

gen auff dem wasser/ aber da er wändete/ begund er vnter zu gehen. Darumb ligt's nicht daran / wie starck oder gering sey der Glaube / sondern das er bleibe/ wie geringer jmer mag sein/ Denn es kan sich begeben/ das der / so einen geringen Glauben hat/ im Glauben bleibe/ vnd der einen starcken Glauben hat/ nider sincke vnd zweuele.

Moses hatte auch einen grossen vnd starcken Glauben / also / das er das volck Israel nitzen durch das Meer vnd durch den tod fürere/ Aber hernach fellet er vnd sein Bruder / wiewol sie Gott bald widerumb auffrichtet. Der Schecher aber am Creutz ergreiff den Glauben ein mal/ vnd bleib dabey. Solches lesst Gott darumb geschehen / das er die vermessenheit damider schlahe/ das wir nicht trotzig vnd obermützig werden / sondern allezeit stehen in der furcht. Sonst wenn die ansechtung kommet/ fallen wir zu hand in irthum.

**D**Es hat vns Gott ein schön gleichs Wilde an etnis gebildet an einem baum/ welcher nem Baum im lerten ansehet zu blien/ Da thut sich der Baum so feer auff/ das er von der blüt ganz weis wird/ Wo denn ein Regen darauff kömet/ so nimet er viel der blüt hinweg / vnd der reiff frisset sie noch mehr hin / Wenn denn die frucht beginnet anzusetzen / vnd kömet jrgend ein Wind/ da fallen der jungen fruchte so viel dauon/ als ob es hernider schneiet/ Darnach / wenn die frucht nu gros wird/ so komet die Raupen vnd Würme darein/ die zunagen denn / zustecken vnd verderben die fruchte/ das kaum der zwenzigste/ ja noch kaum der hundertste teil gut bleibe.

Also gehet es auch zu mit dem Abfall vom Euangelio/ Wenn es angehet/ so wil jederman Christen werden/ lesst sich fein an / gefellet allen Menschen wol / So denn ein Wind oder Regen der ansechtung kömet/ so felt man mit hauffen dauon / Darnach komet die Secten vnd Kotten/ wie die Wurm vnd Beser/ vnd beschmeissen die fruchte des Euangelij/ vnd kömet so viel falscher lere auff/ das jr wenig bey dem Euangelio bleiben.

Darumb sollen wir nicht sicher sein/ ob wir gleich im Glauben angefangen/ noch vns selbs vermessen / sondern allewege in der furcht bleiben. Wir sind / von Gottes gnaden jzt reich im wort

Schwachen  
des glaubens  
auch in den  
heilgen.

Wilde an etnis  
wie es dem  
Euangelio  
gehört.

Euangelio  
durch ansechtung  
und Secten.

wort

wort Gottes/vnd aus tieffer vnd schwe-  
ren finsternis erlöset/ Aber wir verges-  
sen auch des Worts / werden bald faul  
vnd vberdrossen / on das wir sonst  
schwach sind. Wenn nu ein mal herein  
brechen wird der Teuffel mit falscher le-  
re/vnd sinder vns müßig/vnd das haus  
rein vnd geferet/so wird er sieben Teu-  
ffel zu jm nemen/ die böser sind denn  
er/vnd wird zu legt erger werden/ denn  
im anfang.

Gott antre-  
ffen vmb  
strecke des  
glaubens.

Vnd ob es sich gleich also begeben  
würde / sollen wir doch nicht darumb  
verzagen / sondern einander vnterrich-  
ten / das wir lernen an Gott hangen/in  
bitten / vnd also sprechen/ Barmherzi-  
ger Gott / du hast mir gegeben / das ich  
ein Christen bin worden / hilff / das ich  
es bleibe / vnd neme von tage zu tage zu  
im Glauben / wenn gleich die ganze  
Welt solt fallen / vñ sich jederman rot-  
ten würde/vnd der Teuffel alle Töpfe  
subrechen / so wil ich mich nicht daran  
Feren / sondern mit deiner Götlichen  
hülffe bey dem Euangelio bleiben. Also  
sol einer gedencen/ als ob er alleine in  
der Welt sey/ Wie denn im tod am letz-  
ten geschehen wird/da wird keiner für  
ander Leute / sondern ein iglicher für  
sich selber stehen müssen.

Erfahrung  
vnd zunemē  
des glau-  
bens.

Also ist der Glaube dieses Mans  
gar schön vnd edel gewesen / Er höret  
das wörtlin/ Dein Son lebet/ dem glau-  
bet er/vnd gehet hin/ gibt Gott die eh-  
re/ fasset allein das wort / henger sich  
daran/ täppet nirgend nach/ Darumb  
thut jm Gott wider die ehre / macht jm  
seinen Son lebendig/ richtet in auff/vnd  
lesset in nicht im zweifel vnd in der  
schwachheit stecken/sondern macht in ge-  
wis vnd starck im glauben/ lesset in fort-  
faren vnd zunemen / Er harret auch  
nicht so lang/ bis er heim in sein Haus  
komet / sondern weil er noch auff dem  
wege ist/ lesset er jm seine Knechte entge-  
gen komen/ die jm die fröliche botschafft  
bringen vnd sprechen/ Dein Son lebet.

Denn Gott kan nicht verziehen vnd  
auffen bleiben / wo ein rechtschaffen  
hertz ist/ das sich allein auff in verlesset/  
an seinem Wort hanget / vnd lesset alle  
andere ding faren / Da kan sich denn  
Gott nicht bergen/lesset sich sehen / vnd  
komet in ein solch hertz / machet jm eine  
wohnung da/ wie Christus sagt/ Also hat

Joh. 14

er sich auch reichlich erzeiget diesem Kö-  
nigischen/ Vnd das darumb / das er das  
mit zuverstehen gebe/ wiewol jm solcher  
Glaube gefalle/ der so fein vnd starck an  
dem blossen Wort hangen kan.

Was ist nu seligers vnd frölicheres/  
denn seinem Wort glauben / vnd sich  
durch keine anfechtung davon lassen  
dringen/ sondern wider alle anfechtung  
des Teuffels alleine die augen zu thun/  
sinn vnd wig/ vernunfft vnd alle klug-  
heit hinweg legen/ vnd stets im hertzen  
sprechē/ Gott hats geredt/ er kan nicht  
liegen. Nichts frölicheres ist / sage ich/  
denn ein solcher Glaube/ Denn was wir  
in solchem glauben von Gott bitten/  
das empfangen wir reichlicher von jm/  
denn wir jmer mügen begeren / vnd ist  
Gott ehe bey vns/ denn wir gedacht her-  
ten/ Vnd summa summarum/ es ligt als  
lein daran/ das wir jm glauben vnd ver-  
trawen/ Darumb brauchet der Euanga-  
list so viel vbriger wort ( wie es vns an-  
siehet) Als diese.

Der Mensch glaube dem wort /  
das Ihesus zu jm saget / vnd gieng  
hin. Vnd in dem er hinab gieng/ be-  
gegneten jm seine Knechte / verkün-  
digeten vnd sprachen / Dein Kind  
lebet. Da forschet er von jnen die  
stunde / in welcher es besser mit jm  
worden war. Vnd sie sprachen zu  
jm/ Gestern vmb die siebende stunde  
verlies jm das Fieber. Da mercket  
der Vater/ das vmb die stunde wes-  
re/ in welcher Ihesus zu jm gesagt  
hette/ Dein Son lebet.

Das alles gehet dahin/ das/ so wie  
Gotte glauben vnd trawen / wissen sol-  
len/ das er vns reichlich wil geben/ alles  
was wir bitten.

Vnd er glaubet mit seinem gan-  
zen Hause.

Er hat also zugenomen im glau-  
ben/ das er nicht allein von ein niedern  
Stand in einen höhern gefaren ist / son-  
dern auch ander Leute zum Glauben ge-  
fürt hat/ Er ist nicht allein in seinem  
glauben blieben/ sondern hat ein eheti-  
gen glauben / der nicht im hertzen mü-  
ßig vnd still gelegen ist/ sondern heraus  
gebros

Glaube brin-  
get auch an-  
dere zum  
Euangelio



gebrochen/ vnd diesen Christum gepres-  
digt vnd gepreiset/ wie er zu Christo kö-  
men/ trost von jm empfangen/ vnd wie  
durch seinen glauben jm geholffen sey/  
also/ das alles zum glauben muste/ was  
im Hause war.

Galat. 5

Psal. 115

Denn das ist je die natur des Glaubens  
das er zu jm zeucht ander Leute/ bricht  
aus/ gehet durch die Liebe ins werck/  
wie S. Paul sagt/ Der Glaub thut/  
der durch die Liebe thätig ist/ Denn er  
lebt/ vnd kan weder schweigen noch fei-  
ren/ wie der König David im Psalm sa-  
get/ vnd S. Paul zeucht es auff die Glei-  
bigen/ vnd spricht/ Ich bin nu glaubig/  
darumb rede ich auch. Der Glaube kan  
nichts anders/ er mus eraus brechen/  
vnd reden/ denn er wil nützlich sein dem  
Nehesten.

Also auch wir/ so wir glauben/ sol-  
len wir das maul auffthun/ vnd bekenn-  
nen die gnade/ die vns Gott beweiset  
hat/ Das ist auch das aller größte vnd  
höchste werck des Glaubens/ das einer  
den andern berichte vnd lere im Wort/  
Wie S. Paulus Rom. 10. spricht/ Mit  
dem hertzen glaubt man zur gerechtigs-  
keit/ aber mit dem munde bekennet man  
zur seligkeit/ Wenn man sich des Wortes  
wil schemen/ vnd das verhalten/ so man  
darumb angelanget wird/ das ist gewis  
ein zeichen eines losen glaubens.

Also sehen wir/ das Christus nicht

unterscheid macht vnter den Schwachen  
vnd starcken im Glauben/ vnd wil nie-  
mand hinwerffen/ Denn ein kleiner glau-  
be ist auch ein glaube/ vnd wo er nur blei-  
bet/ so wird er auch jmer stercker/ So ist  
Christus darumb in die welt komen/ das  
er die schwachen wolt annemen/ tragen  
vnd dulden/ Wenn er so vngedultig we-  
re/ wie wir/ vnd spreche bald zu vns/ Ge-  
he von mir/ ich wil dein nicht/ denn du  
glaubest nicht/ wie du solt/ wem künde  
von jm geholffen werden?

Die schwachen  
traget  
Christus/  
vnd wil sie  
angenomen  
haben.

Das ist aber die größte Kunst/ mit  
schwachen können feuberlich umges-  
hen/ sie nicht bald fur den kopff schla-  
gen/ vnd mit vngedult vertragen/ Wenn  
sie gleich heute nicht starck sind/ so mag  
es sich in einer stunde begeben/ das sie das  
Wort reichlicher fassen/ denn wir/ die  
wir vns starck düncken lassen.

Also sollen wir vns vnternander  
vnterrichten vnd leren/ das wir an sei-  
nem Wort hangen/ denn dadurch sind  
wir dem Teuffel starck gnug/ sonst wü-  
de er in einer stunde vns alle als ein köp-  
ffen zu brechen/ vnd weren jm alle Men-  
schen als ein feder/ wie/ vnd wenn er  
wolt/ künde er sie hin blasen/ Aber die fes-  
tet sol jm schwerer werden/ denn der Hi-  
mel vnd Erden/ Denn ein Christen hat  
Christum in jm/ Christus aber ist schwe-  
rer/ denn Himmel vnd Erden. Das sey  
gung von diesem Euangelio.

## Am XXII. Sontagnach

Trinitatis/ Epistel/ Philip. 1.



**I**ch dan-  
cke meinem  
Gott/ so offte  
ich ewer ge-  
dencke (wel-  
ches ich alle  
zeit thue/ in  
allem meis-  
nem Gebet/

fur euch alle/ vnd thue das Gebet  
mit freuden) vber ewer Gemein-  
schafft am Euangelio/ vom ersten  
tage an bis her. Vnd bin desselbte

gen in guter zauersicht/ das/ der in  
euch angefangē hat das gute werck/  
der wirds auch vollfuren/ bis an den  
tag Ihesu Christi. Wiees denn mir  
billich ist/ das ich der massen von  
euch allen halte/ Darumb/ das ich  
euch in meinem hertzen habe/ in die-  
sem meinem Gesengnis/ darin ich  
das Euangelium verantworte vnd  
bekrefftige/ als die jr alle mit mir  
der Gnade teilhaftig seid.

Denn Gott ist mein Zeuge/  
wie mich nach euch allen verlanget  
von

von herzen grund in Ihesu Christo. Vnd daselbs vmb bete ich/das ewre Liebe je mehr vnd mehr reich werde/ in allerley Erkenntnis vnd in allerley Erfahrung/das jr prüfen müget/was das beste sey. Auff das jr seid lauter vnd vnansässig bis auff den tag Christi/erfüllet mit Früchten der gerechtigkeit / die durch Ihesum Christum geschehen in euch / Zu ehre vnd lobe Gottes.

Summa dieser Epistel.



**I**n ersten stück dieser Epistel/dancket der Apostel Paulus Gotte (wie er pflege im anfang seiner Episteln) für die gnade / das sie komen sind zur gemeinschafft des Euangelij/oder des selben teilhafftig worden. Zum andern / Wünschet er vnd bittet von Gott / das sie in solchem erkentnis vnd fruchten desselben zunemen / vnd je reicher werden.

Vnd thut beides darumb/ das er mit solchem preisen vnd rhümen des Euangelij/sie vermane / das sie fest vnd bestendiglich bey dem selben bleiben/wie sie angefangen/vnd jzt im Glauben stehen. Es scheint aber ein schlechte Epistel / sonderlich bey denen die da sonst alles können/vn bald der Schrifft Meister werden/ als sey hierin kein grosse kunst zu spüren oder zu lernen / Doch müssen wir solche vnd der gleichen predigten auch handlen/für die/so es nicht zu gar wol können/vnd noch gerne lernen wolten.

Ebenbilde/ eines rechten Christlichen herzens.

Es wird sürnemlich in diesen worten vns sürgemalet ein recht Ebenbild oder Contrafey (wie mans jzt nennet) wie ein Christlich hertz gestalt sey / so mit ernst glaubt an das heilig Euangelium/Welches in der Welt gar selzam vnd wenig zu finde/sonderlich so schön/ausgenommen bey den lieben Aposteln/vnd so inen die nehesten gewest sind in Christo. Denn wir sind hie gar zu saul vnd kalt.

Also stehet aber ein Christlich hertz/vnd dis ist seine farbe vnd gestalt / Wie S. Pauli wort lauten/das er von grund frölich vnd lustig darüber ist/vnd Gotte

te dancket/dafür/das auch ander Leute zu der gemeinschafft des Euangelij kommen / vnd hat ein gute zuversicht gegen die/so da angefangen zu glauben/nimet sich jres heils an / frewet sich des ja so hoch / als seines eigens / vnd kan Gott nicht gnug dafür voldancken / Vnd on vnterlas bittet / das er möge erleben vnd sehen / viel Leute mit jm zu solcher gemeinschafft komen/ vnd dabey erhalten werden / bis an den tag des Herrn Ihesu Christi / der alles volkomen vnd ganz mache/woran es noch hie mangelt vnd feilet / vnd also in solchem Glauben vnd hoffnung fort faren vnansässig/ bis sie den selbigen frölichen tag/ erreichen.

S Jhe/also erzelet der frome Apostel/ vnd schüttet eraus den grund seines herzens/voller rechter fruchte seines Geists vnd Glaubens/ so da brennet für freude vnd lust / vber dem / wo er sibet das Euangelium erkand vnd angenommen/ vnd geehret werden/ vnd für herzlich liebe gegen seine Kirchen/ das er niches höhers weisen zu wünschen/ vnd von Gott zu bitten/denn das sie darin zunemen vnd bleiben / für so theuern vnd grossen schatz helt er es / wo man Gottes wort mag haben vnd behalten/Wie Christus auch selbs solche selig spricht Luce 11.

Freude vnd lust des Apostels/ vber dem/ so das Euangelium angenommen.

**A**U das erste / des hiemit S. Paulus vns ein Exempel gibe / ist / das wir auch sollen danckbar sein/Denn das gehöret erstlich zu einem Christen / der da Gottes gnade vnd wolt hat durchs Euangelium erkennet vnd glaubt/ das er sich desselben danckbar erzeige / nicht allein gegen Gott / welches ist das fürnemeste/ sondern auch gegen den Menschen. Denn nu wir sind Christen worden/ vnd der falschen Gottesdienst vnd Opfer / dazu wir zuvor in vnser heidnischen blindheit/seer brünstig vnd wildig gewesen/ los worden sind. So sollen wir nu dencken / das wir hinfurt viel mehr vnd lieber rechte Gottesdienst vnd Opfer thun. Nu haben wir kein ander noch besser eusserlich Gottesdienst vnd Werck/denn das die Schrifft heisset das Danckopffer / das wir nicht allein mit mund vnd worten/sondern von gangem hertzen / was wir mit leib vnd leben vermügen / zu lob vnd preis seiner gnade/ Gottes wort predigen/ hören/ ehren/

Danckopffer/der rechte Gottesdienst der Christen.

## Auslegung der Epistel

ehren / vnd fördern. Denn das selb ist auch das beste stück der Danckbarkeit.

Ein rein  
Opffer in  
aller Welt  
Gott gege-  
ben Ma-  
lach. 1.

Das heist er das reine Opffer / Malach. 1. so im widerferet vnd gegeben wird vnter allen Heiden / da sein Name gepreiset vnd gepredigt wird / nicht aus Geiz oder hoffart / vnd vermessenheit ires eigens Priestertums vnd heiligkeit der werck / darauff die Jüden sich brüsten / vnd meineten / Gott müste sie darumb feiren (wie er daselbs vber sie klagt) Das sie im nicht vmb sonst eine Thür oder Fenster auff oder zugehan hetten / Sondern von rechtem freywilligem hertzen / vnd mit freuden / Denn solche Dienst vnd Opffer wil er haben / Wie Psal. 110. sagt / Dein Voleck wird dir williglich opffern etc. Vnd 2. Corinth. 8. Einen frölichen Geber hat Gott lieb / etc. Solchs sol in vns wirken / die erkentnis des Euangelij / das wir nicht erfunden werden / als vndanckbar vnd vergessen der grossen wolthat Gottes.

Vndanck-  
barkeit auch  
bey den Hei-  
den ver-  
gibt.

ES haben alle Heiden / so doch dieses erkentnis vnd gnade von Gott nicht gehabt / das laster / so man nennet Vndanckbarkeit / zum höchsten verflucht / als sey kein feindseligers vnd schendlicher auff Erden / vnd gesagt / Das es aller Laster Mutter sey. Vnd vnter andern liest man des ein fein Exempel / von denen in Arabia / die man Nabatheos genennet / welche so feine Leute in irem Regiment / vnd diesem Laster so feind gewest / wo ein Mensch gegen dem andern vndanckbarkeit erzeigt / das sie es mit dem Tod gestrafft / vnd gleich wie einen Mord gehalten.

Denn es ist auch keines so gar schencklich / vnd das die menschliche Natur weniger leiden kan / das auch viel leichter zu vberwinden / ja zu vergessen ist / das etwo ein feind einem leid vnd schaden thut / wo er auch sein Vater vnd Mutter ermordet hette / denn das man sol von denen / so man alles guts vnd trew erzeigt / mit vndanck vnd vntrew bezale werden / vnd mit liebe vnd freundschaft nichts denn hasz gekaufft haben / Vnd wie das Latinsch Sprichwort sagt / Eine Schlangen im selbs in seinem eigen Bosen genehret vnd erzogen haben. Darumb auch Gott solchem Laster zum höchsten feind ist / vnd strafet / wie die Schrifft Prover. 17. sagt /

Wer da guts mit bösem vergilt / von des hause wird böses nicht lassen.

AV das leret die Natur vnd vernunft vndanckbarkeit gegen Gott. von der vndanckbarkeit / so die Menschen vnterinander vben / Wie viel grösser / schendlicher vnd verfluchter mis solch laster sein / wo es gegen Gott selbs geübt wird / Welcher vns / da wir noch seine Feinde / vnd des Hellschen Feuers schuldig waren / aus grundloser vnaussprechlicher gütz geschenckt hat / nicht zehen oder hundert tausent gülden / sondern erlösung von seinem zorn vnd ewigen Tod / vnd erfüllet mit trost / sicherheit vnd gutem gewissen / freude vnd leben / Welche güter nicht aus zu sprechen / noch in diesem leben zu begreifen sind / sondern daran werden zusehen haben in jenem Leben ewiglich. Wie viel schrecklicher ist es nu / wo man für diese wolthat vndanckbar wird / Wie der Knecht / davon das Euangelium heute sagt / dem da zehen tausent pfund erlassen vnd geschenckt waren / vnd er nicht wolte seinem Mitbruder hundert grossen erlassen.

Vndanckba-  
rer Knecht /  
dem alle sei-  
ne schuld er-  
lassen.

WER wolte hie glauben / das solche böse Leute auff Erden weren / die da Gott für die aller höchste ewige wolthat / solten die grosse vndanckbarkeit erzeigen? Aber wo vnd wer sie sind / ja wie voll die Welt solcher ist / das sehen wir leider für vnsern augen / nicht allein an denen / welche die erkandte warheit des Euangelij von Gottes gnaden / trost der gewissen / vnd verheissung ewigs Lebens / wissentlich verfolgen / welches ist ja schrecklich / vnd des leibhaffrigen Teufels hellische bosheit / Sondern auch noch vnter vns / die das Euangelium empfangen / vnd vns desselben rühme / der grosse hauffe auch so schendlich vndanckbar dafür sind / das nicht wunder were / das Gott mit Blitz vnd Donner / ja mit allen Türcken vnd Teufeln aus der Hellen drein schläge.

SO gar gemein ist dieser vndanckbare Schalckknecht worden / allein daher / das er so bald vergiffet / in was noten vnd engsten er newlich zuvor gewest ist / da er zur Rechnung gefodert / nicht bezalen kund / vnd das zornige vnteil vber in gesprochen war / das er vnd alles was er hatte / solt ewig verkaufft vnd gefangen sein. So bald haben wir auch vergessen / wie wir sind vnter dem

dem Bapsthum geplagt / vnd als mit einer Sündflut / vberschwemmet vnd ersenfft gewesen / mit so mancherley wunderlichen lere / da die gewissen in engsten gewest / vnd gerne weren selig worden. Aber nu wir durch Gottes gnade von dem allen sind erlöset / so danken wir auch dafür / eben also / das wir Gottes zorn nur schwerer auff vns laden / wie andere vor vns auch gethan / vnd dafür ire straffe auch greulich genommen haben.

Teige vnd  
danckbar  
keit der  
Welt / für  
Gottes gna  
de.

Denn rechne doch selbs / was es für ein vnleidliche bosheit ist / da wir von Gott solche grosse / vnmeslige wolthat / vergebung aller sünden empfangen / vnd Herrn sind worden des Himmels / Vnder doch nicht so viel damit bey vns kaner haben / noch vns bewegen / das wir daran gedechten / vnd vmb des willen vnsern Nehesten ein wort von hertzen vergeben / Ich wil schweigen / das wir jm auch geben vnd dienen solten. Vnder solte noch dazu lachen / vnd vns jmer also lassen hin gehen / vnd als den fromen gehorsamen Kinder / dazu gros glück vnd heil geben. Noch meinen wir / wir haben nu erst macht vnd recht zu leben vnd thun / wie wir nur wollen / Vnd je grösser / geleter / edler / gewaltiger / je grösser Buben wir werden / vben allen mutwillen / vnd sachen hadder / vnfried / Krieg vnd mord an / vnsern troz hinaus zu füren / da wir etwa einen heller solten lassen faren vnd nachgeben / gegen hundert tausent gülden / so wir von Gott noch teglich zu aller vndanckbarkeit empfangen.

Was ist es / das zween grosse Böcke vnd gewaltige Herren an einander stossen / denn etwo vmb eine halbe stad oder zwo zuthun / welche / wo sie solten bedencken / was sie von Gott empfangen / müssen sie sich doch ein wenig für jnen selbs schemen / vnd dencken / Was mache wir doch / das wir einander selbs verderben wollen / die wir doch alle in einem Namen Christi getaufft / vnd vnter einem HERRN zusammen verbunden vnd geschworen sind / Aber das müssen sie nicht ansehen noch dencken / sondern weit aus den augen vnd hertzen gesetzt / vnd rein vergessen / was vns Gott gethan / Land vnd Leut mit einander vertriegen / oder dem Türcken fürwerffen / vber dem ommechtigen hel

Vnfriede  
vnd verder  
ben der  
Welt / vber  
jedermans  
trug vnd  
frewel.

ler / dem keiner dem andern nachlassen wil.

Aber / es ist der leidige Teufel / welchen sich die Welt leste satteln vnd reiten / wie er selbs wil. Denn es gehet also durch aus in allen Stenden / das niemand wil mehr dem andern nichts weichen noch versehen / vnd jederman sein eigen troz hinaus drocken mit gewalt / Meinen / es lige vns an vnsern hohestehenden ehren vnd allem gedeien / das wir ja nichts vergeben / vnd were vnser verderben / das wir mit friede möchten behalten was wir haben / sondern müssen noch die zwo vberigen Kue im Stall / dran setzen / vnd bis auff den letzten stecken alles vertriegen / damit wir ja zu letzt müssen auff hören / wenn der Kewel komet / vnd wir weder Kue noch Stall / Haus noch stecken haben.

Das wir doch so viel gnade hetten / vnd böndten gedennen / wie es vns gehen würde / wenn Gott auch wolte also so mit vns handeln / vnd von vns fordern (wie er gut recht hat) die Schuld / so wir auff vns haben / zu bezalen / vnd nichts vergeben wolte / Ob wir nicht dieses augenblicks müssen ewig in abgrund der Hellen versinken / Wie denn auch endlich geschehen mus / denen die da solchs nicht wollen achten / vnd nur jmer fort Gottes zorn vber sich heuffen / vnd wollens nicht anders haben / weder das er jnen mit fare / wie diesem Knecht / vber den das vnwiderufflich vrtail gehet / das er on alle gnade den Peiniger vberantwortet werde / die Schuld zu bezalen / die er doch nimermehr ablegen noch bezalen kan.

Das ist auch recht vnd billich / Denn es ist die vndanckbarkeit (spricht S. Bernhard) ein solch verflucht schendlich Laster / wie ein böser / dürrer holer wind / der da auströget vnd versiegen macht alle Hörne der gnaden vnd wolthat / bey Gott vnd den Menschen. Denn die menschliche Natur kan es nicht leiden / So kan es auch bey Gott nicht sein / das er dich solt mit aller gnade vnd gütte vberschütten / beide geistlich vnd leiblich / vnd du woltest gleich wol on auff hören in deiner bosheit fort faren / vnd seiner gütte nur jm zu troz vnd schwach misbrauchen / vnd also mutwilliglich seinen zorn vber dich reizen / Denn er kan dir auch nicht

Vergessen  
des / das  
Gott wider  
vns hat.

Vndanck-  
barkeit ver-  
trocket alle  
Hörne der  
güte vnd  
wolthat.

## Auslegung der Epistel

on deinen danck guts thun / wenn du selbst seine gütte von dir stößest / vnd keine stat bey dir finden laßest.

**H**Je mus wol der Born der gnaden vnd barmherzigkeit / welcher doch ewig quillet vnd vbergeheth gegen allen die sein von hertzen begeren / gegen dir versiegen vnd auffhören / das du sein nicht genießen kanst / der dir sonst wasfers die fülle vnd on auffhören geben würde / wo du in nicht mit dem hohlen wind deiner vndanckbarkeit / dir selbs anstrognest / Weil du der vnaussprechlichen wolthat so schendlich vergiffest / damit vns Gott vberschützet / vnd des **HEILIGEN** Christi Blut / damit er vns Gotte erkauft vnd versonet / nicht so viel ehre thust / das du vmb seinen willen dem Nehesten ein wort vergeben woltest.

**W**id was istts doch / das sich ein Mensch des so hoch beschweret / das er seinem lieben Gott zu gefallen vnd danck / vnd Christo zu ehren / auch ein wenig sich erzeigere als ein Christen / Kostet es doch dich kein grosse mühe noch arbeit / so bricht dir ja auch kein bein / vnd schadet dir weder an gut noch ehren. Vnd ob dir ein wenig etwas vnrecht oder zu nahe geschehe / so dencke doch / was dir Gott dagegen gegeben / vnd geben wil / seiner gnade vnd segens.

**J**A / was woltestu auch darüber klagen / wenn dichs schön leibs vnd lebens fahr kostet? Wie hat Gottes Son für dich müssen thun / dem es nicht ist süsse vnd leicht worden / sondern blutigem Schweiß gekostet / vnd vnsaglich angst vnd not seines hertzens / vber das / das er sein Leib vnd Blut darob gelassen / da er für dich Gottes zorn vnd fluch / so vber dich ewiglich solte gehen / auff sich genommen vnd getragen / vnd hat doch das alles gerne / vnd aus brünstiger liebe gethan / Soltestu dich nicht für allen Creatur in dein hertz schemen / das du so schwer / verdrossen / ja stock vnd stein hart bist / in zu lob vnd danck auch nur etwo ein vnfreundlich wort zu vertragen vnd zu vergeben. Was solten solche Leute grössers thun / wo sie solten vmb Christi willen fahr vnd schaden leiden / oder geben vnd helffen armen vnd dürfftigen / sonderlich

zu erhaltung Gottes worts / Pfarrhen / Predigstühle vnd Schulen.

**A**h / es were kein wunder / das Deudschland langest zu grund gangen / oder von Türcken vnd Tactern zu grund verderbt were / vber solcher hellischen / verdampfer vergessenheit / vnd verachtung der grossen gnade / Ja / wunder istts / das vns noch die Erde treget / vnd die Sonne noch leuchtet / So doch für vnser vndanckbarkeit / billich der ganze Himmels solt schwarz / vnd die Erde versalzen werden (wie die Schrifft redet / Psalm 106.) wie Sodom vnd Gomorra worden sind / vnd nicht ein laub noch greulin mehr tragen / vnd alles sich umbkeren / Wo nicht Gott der wenig fromen Christen / die er noch weis vnd kennet / daran schonet vnd noch auffhielte.

**D**enn wir sehen doch allenthalben / vnd wo man sich hinket / nicht denn eitel Sündflut schrecklicher empel der vndanckbarkeit gegen dem lieben Euangelio / bey allen Scenden / wie Könige / Herren / Fürsten / sich vnter nander kragen vnd beissen / neiden vnd hassen / ir eigen Land vnd Leute erücken vñ verderben / nach keiner guten Christlichen eintracht gedencen / dem armen Deudschland zu helfen / vnd der elenden Kirchen auch etwa eine herberge vnd stet zu erhalten / für des Teufels / Bapsts vnd Türcken mord. Der Adel nur scharret / reißt vnd raubt / beide den Fürsten vnd andern / was sie können / sonderlich den armen Kirchen / vnd als eitel Teuffel / Pfarrer vnd Prediger mit süssen tretten / Bürger vnd Bawer auch nur geiget / wuchert / treugt / vnd allen trog vnd muerwillen treibe / on alle schew vnd straffe / das es in Himmelschreiet / vnd die Erde nicht mehr ertragen kan.

**W**olan / was sol man hie von viel sagen? Es ist doch bey der Welt verlorren / vnd hilfft keine vermanung / Sie ist vnd bleibe des Teufels / vnd man mus sich des erwegen / das man doch das Furbilde des Apostels bey jr gar nicht wird finden / sondern dagegen eitel widerspiel vnd gegenbilde der schendlichsten vndanckbarkeit.

**A**ber wo noch etwo Gottfürchtige Christen sind / die sollen doch dencken / das sie diesem schönen Ebenbilde folgen /

Wie leicht es were / sich Gotte danckbar zu erzeigen.

Was es Christum gekostet / vns zu erlösen.

Sündflut als leer vndanckbarkeit bey allen Stenden.

Es ist doch bey der Welt verlorren / vnd hilfft keine vermanung / Sie ist vnd bleibe des Teufels / vnd man mus sich des erwegen / das man doch das Furbilde des Apostels bey jr gar nicht wird finden / sondern dagegen eitel widerspiel vnd gegenbilde der schendlichsten vndanckbarkeit.

folgen / das sie auch danckbar seien / das man sehe / das sie Gottes wort gerne hören / freude vnd lust daran haben / vnd nicht gerne sehen verachten / auch mit frem leben beweisen / das sie der grossen wolthat nicht vergessen / gegen denen / von denen sie das Euangelium empfangen haben / Vnd kurz / als solche Leute / deren hertz vnd mund jmer dar voll sey / des gülden Wortes / Deo gratias / vnd / Gott sey gelobt / etc.

Denn dazu sind wir ja beruffen / vnd wie ich gesagt habe / solt ja das vnser teglicher Gottesdienst vnd Opffer sein / gegen Gott / vnd das werck vnd fruchte der gerechtigkeit (wie hie S. Paulus sagt) auch für den Menschen leuchten / Wie solchs ja folgen sol / vnd leichtlich folgen würde / wo man erkennete / was vns Gott geschennet vnd gegeben hat.

**Der Welt**  
Vndanck-  
barkeit sol-  
len sich die  
Christen  
nicht hin-  
dern lassen.

**O** nu die Welt nicht hernach wil / vnd wir von jr teglich sehen / hören vnd leiden müssen / das sie nur je lenger je erger vnd vndanckbarer wird / das sol vns nicht irren / Denn wir werden sie doch nicht anders machen / Predigen sollen wir dauon / vnd dis Laster hart schelten vnd straffen / weil wir können / vnd auff vleissigst jederman vermanen / sich dafür zu hüten / Aber des müssen wir vns erwegen / das es in der Welt nicht also gehen wird / wir müssen leben vnter vndanckbarn Leuten / vnd vns nicht daran ergern / noch darumb auffhören wollen guts zuthun / sondern / wie Salomo Proverb. 5. sagt / vnser Brünlin lassen ausfliessen / vnd jmer guts thun / vñ vns nicht daran keren / ob man vbel dafür dancket / Gleich wie Gott seine Sonne teglich leßt auffgehen / beide vber danckbare vnd vndanckbare.

Denn wo du es vmb der Welt danckthust / vnd meinst dich wol zuverdienen / so wirstu das widerspiel finden / Vnd geschiet dir recht vnd billich / wie einem der ein ledige taube Nuss auffbeisset / vnd das mau vol dreck kriegt / Das du nu wilt hefftig zürnen vnd berge vmbwerffen / vnd darumb niches mehr guts thun / so bistu kein Christen mehr / Thust dir selbs wehe / vnd richteß doch nichts aus / Sihestu nicht / wo du daheim bist / vnd lebst in der Welt / die da sol vol vntugend / vnd vndanck-

barkeit sein / wie denn jr Reim lautet / Psal. 37. Qui retribuunt mala pro bonis, Die da gutes mit argem bezalen / Wer das nicht lernen wil / der mag aus der Welt laufen / Denn es ist nicht Kunst / allein bey fromen Leuten sein / vnd denen guts thun / sondern bey bösen Leuten bleiben können / vnd doch nicht auch böse werden.

Darumb lerne nur ein Christen von jugent auff (damit ers hernach gewonet sey / vnd vertragen könne) das er jederman guts thue / vnd böses dafür gewarte / Doch dasselbe nicht lob noch billiche / sondern so viel er kan / nach seinem Ampt straffe vnd were. Denn das ist die beste prob vnd zeichen eines rechten guten wercks / wenn die / denen das mit gedienet / nicht allein Vndanckbar sind / sondern auch böses dafür thun / Denn solchs ist auch dafür gut / das der Mensch nicht darumb sich gut düncken lasse / vnd im selbs gefalle / So ist es auch für Gott so gar gülden vnd köstlich / das die Welt nicht werd mus sein / das selb zu belonen etc.

**W**as ander werck / so hie S. Paulus fürbildet / ist / das die Christen sollen beten / Denn es gehört beides zusammen / für die empfangene wolthat danckē / Vnd bitten / das Gott solches / so er angefangen / bey vns stercken vnd erhalten wolle. Das ist auch wol von nöten / weil des Teufels vnd der Welt bosheit vns ansichtet / vnd gerne wolt dauon reissen / das wir hie müssen on vnterlas dawider kempffen / welches vnserm schwachem fleisch vnd blut wehe thut / vñ nicht kan in solchem kampf bestehen vnd vnüberwunden bleiben / on durch stetig hertzlich anruffen göttlicher hülffe.

Darumb müssen diese beide stück jmerdar gehen / eines neben dem andern / (wie solches in den teglichen Opffern des alte Testaments gebildet) Das Lob oder Danckopffer / vnd Deo gratias für das empfangen gut vnd gaben / Vnd das Betopffer oder Vater vnser / wider das böse vnd vbel / welches wir gerne los weren.

Denn dieses leben hat noch nicht das ende erreicht / da es hin komen sol / sondern nur die angefangen Erstlinge / vnd wir sind noch nicht satt worden /

21 iij des.

Guts thun /  
vnd böses  
dafür ge-  
warten.

Dancken / be-  
ten / tegliche  
opffer der  
Christen.

Beten für  
das vbrige  
vbel / des  
wir noch  
nicht los  
sind.

## Auslegung der Epistel

des / so wir begeren / sondern haben nur eine morgensuppe vnd vorschmack des selben / Denn wir stehen noch im Glauben des / so vns geschenckt / vnd nicht in gegenwertigem fülen / vnd voller besigung / Darumb müssen wir beten für das vbrige vnglück / des wir noch nicht los sind / so lang bis wir dorthin komen / da wir nicht mehr werden bitten dürfen / sondern da es eitel leben vnd freude sein wird / vnd ein ewig Deo gratias vnd Alleluia.

Damit aber solch lob vnd freude auch hie auff Erden anfahren müge vnd gestercke werden / so müssen wir durchs Gebet treiben / beide / für vns vnd die ganzen Kirchen / das ist / alle / so das Euangelium angenommen vnd geglaubt haben / vnd also alle einander damit helfen / Denn es wird auch solch gut viel edler / vnd die freude viel stercker / wenn es nicht allein bleibt / sondern viel der selben teilhaftig werden / wie S. Paulus sagt / das er Gott dancke / vnd auch sein gebet für sie thue / vber der gemeinschafft des Euangelij.

Gemeinschaft des Gebets für alle Leute.

Ja das sol eines Christlichen herzens freude vnd lust sein / das er möge sehen viel Leute auch zu der Gnaden kommen / vnd mit im Gott loben vnd danken / Denn solch begirde auch desse stercker das beten vnd anrufen erwecket / Denn ein Christen mus nicht ein solcher vn mensch sein / der da nichts darnach frage noch sorge / wo ander Leute bleiben / ob sie glauben oder nicht / Sondern sich aller Menschen anneme / vnd immer für sie seuffte vnd ruffe / das Gottes Namen geheiligt werde / sein Reich komme / sein Wille geschehe etc. des Teufels lügen allenthalben geschendet / vnd sein gewalt vnd mord vber die armen seelen gewehret / seinem willen gesteuert werde.

Als sol gehen einem rechten Christen von hertzen vnd rechtem ernst / wie wir hören / das S. Paulus mit diesen Worten zeigt / das im beide dis danken vnd beten aus brünstigem hertzen gehet / Denn solche wort würde kein Mensch reden / Ich dancke meinem Gott / so offte ich ewer gedencke / vnd thu das gebet mit freuden etc. wo nicht das hertz solcher gedanken vol were.

Als ist die rechte rede / wie ein Apostel reden sol / das er / beide / sein danken

vnd beten mit allen freuden thut / So hergliche wol ist im dabey / das er etwo eine Stad oder ein heufflin hat / da er Christen findet / so das Euangelium lieb haben / deren er sich mag frewen / vnd Gott dafür dancken vnd bitten. Sole es hie nicht viel mehr also sein / das / wo das Euangelium gehöret würde / alle Menschen voller freuden würden / vnd S. Paulo mit hertzen vnd mund darumb dancketen / vnd Gott für in beten / das sie der Gnaden weren würdig worden / vnd von irer blindheit erlöset / nu von im das liecht empfangen / dadurch sie von sünden vnd tod zu Gottes gnaden vnd leben komen.

W harret er nicht / das sie (wie billich) ansehnen freude vnd dankbarkeit gegen im zu erklären / Sondern mus so bald er ansehnet mit inen zu reden / sein hertz erans schützen / wie er so frölich ist / vnd von hertzen Gott dancket für sie etc. Das sie hiefür billich schamrot werden solten / vnd sich selbs gestrafft haben / da sie diese Epistel gelesen oder gehört / mit diesen Worten anfahren / Sibe / das solten wir nicht in sagen lassen / sondern selbs angefangen / vnd unsere freude vnd dankbarkeit gegen im angezeigt haben.

S. Pauli freude / wo jemand dem Euangelio glaubt.

Unser schau de das Christus mit dem Euangelio vns nach gehen mus.

Solch schön volkommen Ebenbilde dieses Apostels werden wir andern noch lange nicht erreichen / noch von vns rühmen mögen / Vnd weil wir hören / wie sich der Apostel so hoch frewet / das etwo jemand ist / der das Euangelium annimet / Was wollen wir klagen / ob man vns nicht höret / vnd so wenig Gottes Wort mit ernst annemen? Wir mögen billich schweigen / vnd vns nicht lassen solches faul thun / So es Christo selbs / den Propheten vnd Aposteln so seltsam gewesen / vnd haben müssen fro werden / das etliche geglaubt haben / Wie man auch an Christo sibe / wie fro er wird / wo er etwo einen seinen Glauben findet / da er dagegen offte betrübt vnd vnwillig zürnet vber sein eigen Volk / die da sein Wort nicht hören wolten.

Also ist es S. Paulo auch gar seltsam gewesen / das er in dem ganzen Römischen Keiserthum / so er fast mit dem Euangelio durchzogen / etwo eine Stad findet / da er ein heufflin hat rechtschaffen Christen / darüber er sonderlich frölich

fröhlich ist / vnd tröstet sich jr vber alle  
scheze auff Erden.

Wolan / ist es der Welt gut / vnd  
wird jr wol gerath / das Christus sampt  
seinen Aposteln vnd Predigern müssen  
fro werden / das nur etwo sein liebes  
Wort gehöret wird / Das wird sich ein  
mal finden. Ich meiner / es solten alle  
Menschen willig vnd gerne bis ans en-  
de der Welt darnach lauffen / das sie  
nur einen Apostel möchten hören / So  
mus S. Paulus mit seiner Predige mit  
grosser beschwerung / fahr vnd not  
durch die Welt lauffen / von jederman  
verachtet vnd mit füssen getreten /  
vnd des alles nicht geachtet / fro wer-  
den / das noch jemand das Euangelium  
annimet. Das hat bisher Papsst vnd sein  
ganger hauffe nicht bedurfft / das sie je-  
mand weren nach gelauffen oder gegang-  
en / sind gefessen in irem Regiment / als  
der Welt Herr / vnd hat inen müssen  
alle Welt nach lauffen / wo sie hin ge-

wolt haben / vnd haben niemand dafür  
gedancket.

Wie ist ein lauffen gewesen / vnser  
Vater / vnd vieler vnter vns selbs / aus  
allen Landen / vber viel hundert meil-  
gen Jerusalem / zum heiligen Grabe /  
gen Compostell zu S. Jacob / gen Rom  
zu S. Petri vnd S. Pauli heubt / da  
etliche barfus gegangen / etliche im ganz-  
en harnisch (ich wil ander vnzehlicher  
Wallfart schweigen) wie die törichteren  
Leute / Da haben wir gelt mit grossen  
hauffen zugetragen / Gotte gedancke  
vnd fro worden / das wir nur des Papssts  
lügenhafftigen Ablas damit küssen  
möchten / vnd würdig werden / die tot-  
ten bein (die sie für heilighum gewei-  
set) viel mehr aber des allerheiligsten  
heilighums / des Papssts küsse / zu  
küssen oder zu sehen / Das wil  
die Welt wider haben /  
vnd sol jr auch nichts  
bessers werden.

Am XXII. Sonntag nach  
Trinitatis / Euangelium Matth. 18.





## Auslegung des Euangelij



**D**umb ist das Himelreich gleich einem Könige / der mit seinen Knechten rechnen wolt. Vnd

als er anfieng zu rechnen / kam in einer fur / der war im zehen tausent Pfund schuldig. Da ers nu nicht hatte zu bezalen / Hies der Herr verkauffen in vnd sein Weib vnd seine Kinder / vnd alles was er hatte / vnd bezalen. Da fiel der Knecht nider / vnd betet in an / vnd sprach / Herr habe gedult mit mir / Ich wil dirs alles bezalen. Da jamert den Herrn des selbigen Knechts / vnd lies in los / vnd die Schuld erlies er in auch.

Da gieng der selbige Knecht hinaus / vnd fand einen seiner Mitknechte / der war im hundert Groschen schuldig. Vnd er greiff in an / vnd würget in / vnd sprach / Bezale mir was du mir schuldig bist. Da fiel sein Mitknecht nider / vnd bat in / vnd sprach / Hab gedult mit mir / Ich wil dirs alles bezalen. Er wolte aber nicht / Sondern gieng hin / vnd warff in ins Gefengnis / bis das er bezalet / was er schuldig war.

Da aber seine Mitknechte solchs sahen / worden sie seer betrübt / vnd kamen / vnd brachten fur iren Herrn alles das sich begeben hatte. Da foddert in sein Herr fur sich / vnd sprach zu in / Du Schalck knecht / alle diese schuld habe ich dir erlassen / dieweil du mich batest. Soltestu denn dich nicht auch erbarmen vber deinen Mitknecht / wie ich mich

vber dich erbarmet habe? Vnd sein Herr ward zornig / vnd vberantwortet in den Peinigern / bis das er bezalet alles was er in schuldig war. Also wird euch mein himlischer Vater auch thun / So jr nicht vergebet von eivern hertzen / ein iglicher seinem Bruder seine feile.



**D**as Euangelium oder Matth. 18.

gleichnis hat der Herr Christus gesagt auff die antwort / die er S. Petrus gab / da er in die Schlüssel befohlen hatte / zu lösen vnd zu binden / Vnd als in S. Petrus fragete / wie offte er dem Teuffel vergeben solte / obs gnug were an sieben mal / Vnd er in antwortet / nicht sieben mal / sondern siebenzig mal siebenmal / Saget er darnach diese gleichnis / vnd schlesste damit / das vns der himlischer Vater auch also mitfaren wird / wem wir vnsern Teuffel nicht vergeben / wie dieser König seinem Knechte mit gefaren hat / der seinem Mitknechte so geringe schuld nicht wolt nachlassen / so in doch sein Herr so grosse schuld erlassen hatte.

Wiso erste / ehe wir recht zum Euangelio greiffen / lasse vns sehen / welches ein puff das ist / das diesem Knechte auch hie sein Recht abgesagt wird. Denn der ander Knecht / der diesem hundert groschen schuldig war / solt in ja billich solch geld gegeben haben / nach allem Recht / So hette dieser auch gut Recht sod Recht gehabt zu foddern was sein war. Wenn es fur alle Welt komen were / so hette in jederman müssen zufallen vnd sagen / Es ist billich vnd Recht / das er bezale / wem er schuldig ist. Wie gehet denn das zu / das der Herr das Recht auffhebe / vnd verdammet dazu diesen Knecht / darumb / das er sein Recht foddert vnd ausricht?

Antwort. Darumb ist es also geschriben / das wir sehen sollen / wie es gar viel ein ander ding fur Gott sey / denn fur der Welt / vnd wie offte das jenige / so fur der Welt recht vnd billich ist / fur Gott vnrecht ist / Denn fur der Welt bestebet dieser Knecht fur einen fromen man / fur Gott aber wird er ein Schalck

Gottes Ger  
richt ist an  
ders dem  
der Welt.

Dem Teuffel  
sien verges  
ben.

Schaleß geheissen / vnd wird im schuld gegeben / das er gehandelt habe / als ein ner / der der ewigen verdammnis werd ist.

Darumb ist es also beschlossen / wenn wir für Gott wöllen handeln / das wir frey müssen stehen / vnd faren lassen / gut / ehre / Recht / vnrecht / vnd alles was wir haben / Vnd wird vns nicht entschuldigen / das wir sagen / Ich habe recht / darumb wil ich nicht leiden / das man mir vnrecht thu / Sintemal Gott haben wil / das wir vns alle vnsern Rechten verzeihen vnd dem nehesten vergeben.

Evangelium oder Reich Gottes was es sey.

Also haben wir offte gesagt / das das Evangelium oder Reich Gottes nichts anders ist / denn ein solcher stand oder Regiment / darinne eitel vergebung der sünde ist / Vnd wo nicht ein solch Regiment ist / darinne man die sünde vergibt / das da kein Evangelium noch Gottes Reich sey. Darumb mus man die zweierley Reich weit von einander scheiden / darinne man sünde straffet / vnd sünde vergibt / oder darin man recht fordert / vnd recht nachlesset. In Gottes Reich / da er durchs Evangelium regieret / ist kein recht fordern / man gehet auch mit keinen rechten omb / sondern ist eitel vergebung / nachlassen vnd schencken / vnd kein zorn noch straffe / sondern eitel brüderliche dienst vnd woithat.

Wo ist das Reich Gottes?

Wo ist das Reich Gottes?

Wo ist das Reich Gottes?

Ob ist hiemit das weltliche Recht nicht auffgehoben / Denn diese Parabel oder gleichnis leret nichts vom weltlichen Reich / sondern allein vom Gottes Reich. Darumb / welcher vnter dem weltlichen Regiment ist / der ist damit noch ferne vom Himmelreich / Denn das gehört noch alles zur Helle. Als wenn ein Fürst also sein Volck regieret / das er niemand vnrecht lesse thun / vnd straffet die Vbelheter / der thut wol / vnd wird gelobt / Denn in dem Regiment heisset es also / Bezale was du schuldig bist / wo nicht / so wirffet man dich in Kercker.

Solch Regiment müssen wir haben / Aber damit kömet man nicht gen Himmel / so wird auch die Welt nicht das durch selig / Sondern darumb ist es not / das sie nicht erger werde / Es ist nur ein schun vnd auffenthalt der boßheit / Denn wo es nicht were / würde ein ner den andern fressen / vnd künde kein

ner sein leben / gut / Weib vnd Kind behalten. Auff das nu nicht alles vntergehe / hat Gott das Schwert eingesetzt / dadurch der boßheit / doch zum teil / gewehret werde / auff das doch das eusserlich Regiment friede schaffe / vnd niemand dem andern vnrecht thu. Aber doch ist es / wie gesagt / nicht eingesetzt / für die gen Himmel gehören / sondern nur darumb / das die Leute nicht tieffer in die Helle geraten / vnd das spiel erger machen.

Darumb darff sich niemand rümen / der vnter dem weltlichen Regiment ist / das er darumb für Gott recht handele / Es ist für im noch alles vnrecht. Denn es mus doch also ferne kommen / das du dich des auch verzeihest / das die Welt für recht helt. Das wil hie das Evangelium / das beschreibet vns auff beiden teilen eitel vergebung.

Vm ersten lesse der Herr dem Knechte alle seine schuld los. Zum andern fordert er von im / das er seinem mitgesellen auch also vergebe / vnd seine schuld nachlasse. Solchs wil Gott haben / vnd also sol sein Reich stehen / Niemand sol also böse sein / vnd sich also erzürnen lassen / das er seinem Nehesten nicht vergeben künde / Vnd wie hie zuvor geschriben ist / wenn er dich gleich siebenzig sieben mal erzürnet / das ist / wie oft er wider dich thyn kan / soltu dein Recht faren lassen / vnd im alles frey dahin schencken.

Warumb das? Darumb / das dir Christus auch solchs gethan hat / Denn er hat ein solch Reich angefangen vnd auffgerichte / darinne eitel gnade ist / die da nimmermehr auffhören sol / das dir alles sol vergeben werden / wie oft du sündigest / sintemal er das Evangelium hat ausgehen lassen / das keinen zorn / sondern eitel gnade verkündiget. Weil nu das Regiment stehet / so kanstu imer dar wider auffstehen / wie tu / vnd oft du davon gefallen bist / Denn ob du gleich fellest / so blabte doch das Evangelium vnd dieser Gnadenstuel imer dar stehen / Darumb so bald du widerkomest vnd auffstehest / so hastu die gnade wider.

Aber das wil er auch von dir haben / das du deinem Nehesten auch also vergebest / so er wider dich thut / Sonst wirstu nicht in diesem gnedigen Reich sein.

Reich von Christo gestiftet.

## Auslegung des Euangelij

sein/ noch des Euangelij genessen/ das dir deine sünde vergeben werden. Das ist kürzlich der begriff vnd die meinung dieses Euangelij.

Es ist aber darinne nicht vergessen/ wer sie sind / die das Euangelium fassen/ vnd denen es schmecket / Denn es ist wol ein feines Königreich vnd gnedigs Regiment / weil darinne eitel vergebung der sünde gepredigt wird/ es gehet aber nicht jederman zu hertzen/ Darumb sind viel ruchloser Lente / die des Euangelij misbrauchen / frey dahin leben / vnd thun / was sie wollen/ meinen / niemand sol sie straffen / weil das Euangelium eitel vergebung der sünde predigt. Denen ist das Euangelium nicht gepredigt / die den hohen schatz also verachten/ vnd leichtfertig damit umbgehen / Darumb gehören sie nicht in das Königreich / sondern ins welliche Regiment / das man inen wehre/ das sie nicht alles thun/ was sie lüfset.

Ruchlose  
misbrauch  
des Euange  
lij.

Welchen  
das Euan  
gelium ge  
predigt  
wird.

Welchen ist es denn gepredigt? Denen/ die da solchen jamer fülen / wie hie dieser Knecht. Darumb sibe / wie es im gehet / Der Herr erbarmet sich seines elends / vnd schencket im dazu mehr / denn er begeren dürffte / Aber ehe das geschiet/ sagt der Text/ das er/ der Herr/ zumor mit seinen Knechten wolt reichschafft halten / Vnd als er anfang zu rechnen/ da kömet im dieser fur/ der war im zehen tausent pfund schuldig/ da ers aber nicht hatte zu bezalen / hiesse der Herr in/ sein Weib vnd Kinder/ vnd alles was er hatte/ verkenffen/ auff das er bezalet würde. Das war je nicht eine fröliche Predigt/ sondern eitel grosser ernst vnd aller erschrecklichst vrteil/ Da wird im so bange/ das er nider felt/ bitt gnade / vnd geredet mehr / denn er hat vnd bezalen kan/ vnd spricht/ Herr habe gedult mit mir / ich wil dir alles bezalen. Da ist vns surgebildet vnd abgemalet/ wer die sind / denen das Euangelium recht zu massen kömet.

Denn also gehet es auch zu/ zwischen Gott vnd vns/ Wenn Goet rechnung wil halten/ so lesst er ausgehen die Predigt von seinem Gesetze / durch welches wir lernen erkennen / was wir schuldig sind. Als wenn Gott zum gewissen sagt / Du solt keinen andern Gott haben/ sondern mich allein fur Gott hal-

Predigt des  
Gesetzes.

ten / mich lieb haben von ganzem hertzen / vnd dein vertragen allein auff mich setzen. Das ist die rechnung vnd das register / darinne geschriben stehet / was wir schuldig sind. Das nimet er in die hand / liefet es vns her / vnd sagt/ Sihestu/ das soltestu thun/ du soltest mich allein fürchten/ lieb haben vnd ehren/ du soltest allein auff mich vertragen / vnd dich das beste zu mir versehen/ So thustu das widerspiel/ vnd bist mir feind / gleiches an mich nicht/ vnd segest dein vertragen auff ander ding/ Summa summarum / da sifestu / das du keinen buchstaben vom Gesetz heldest.

Wenn nu das gewissen solche höret / vnd das Gesetz recht an einen kömet / so sibe er / was er schuldig ist zu thun / vnd nicht gethan hat/ wird gewar/ das er keinen buchstaben gehalten habe / vnd mus bekennen / das er nicht ein augenblick Gott geglaubt oder geliebet habe. Was thut nu der HERR? Wenn das gewissen also gefangen ist/ vnd erkennet/ das es verloren sein mus/ vnd im angst vnd bange wird/ so spricht er / Verkauft in vnd alles was er hat/ vnd lasse in bezalen.

Das ist das vrteil/ das da so bald folget / wenn das Gesetz die sünde offenbaret/ vnd spricht/ Das soltu thun vnd gethan haben/ so hastu es nicht gethan. Denn auff die sünde gehöret die straffe/ das man bezale. Denn Gott hat sein Gesetz nicht gegeben / das er die vngestrafte hin gehen lasse / so es nicht halten / Es ist nicht süsse noch freundlich/ sondern bringet mit sich bittere/ greuliche straffe / vnd gibet vns dem Tuffel wirffte vns in die Helle/ vnd lesse vns in der straffe stecken/ also/ das wir auch den letzten heller bezalen müssen.

Auff sünde  
gehöret  
die straffe.

Das hat S. Paulus recht ausgelegt/ Rom. 4. Das Gesetz rüchert nicht mehr denn zorn an/ Das ist/ wenn es vns offenbart/ das wir vnrecht gehandelt haben/ so bringet es vns nichts mehr heim/ denn zorn vnd vngnade. Denn wenn das gewissen sibe / das es vbel gethan hat/ so fület es/ das es müsse des ewigen Todes sein / darauff folget die straffe so bald/ so mus es verzweueln. Das isst/ das der Herr diesen Knecht heisset verkenffen mit allem / das er hat weil er nicht kan bezalen.

Gesetz rüchert  
zorn an.

Was



## Auslegung des Euangelij

le. Er hette wol mügen fortfaren vnd sagen / Du must bezalen / ich habe rechte dazu / wil umb deinent willen mein rechte nicht auffheben / so hette in auch niemand können darumb straffen / Noch wil er nicht mit im nach dem rechte handeln / sondern wendet das rechte in gnade / erbarmet sich sein / vnd gibe in los mit Weib vnd Kind / vnd allem / das er hat / vnd schancket im die schuld dazu.

Der Werck-  
heiligen Fan-  
sich Gott  
nicht erbat-  
men.

Das ist / das Gott leste durch das Euangelium verkündigen / Wer da gleybe / dem sol nicht allein schuld / sondern auch die pein vergeben sein. Dazu mus nu kein werck komen / Denn wer da predigt / das man durch wercke könne schuld vnd pein ablegen / der hat schon das Euangelium verleugnet. Den es leidet sich nicht miteinander / das sich Gott erbarme / vnd du etwas verdienen solt. Ists gnade / so ist nicht verdienst / Ists aber verdienst / so ist Reche vnd nicht gnade. Denn wenn du bezalest was du schuldig bist / so thut er dir kein barmherzigkeit / Thut er dir aber barmherzigkeit / so bezalestu nicht. Darumb müssen wir in allein gegen vns handeln lassen / von im empfangen vnd gleyben. Das wil hie das Euangelium.

Wohle / weil dieser Knecht also gedemütigt ist / durch erkenntnis seiner sünde / so ist in das wort gar mechtig erlöset / das in der HERR los spricht / vergib in beide / schuld vnd pein. Damit angezeigt wird / das das Euangelium nicht ruchlose Herzen triffe / vnd die / so da frech einher faren / sondern allein solche geengste gewissen / die ire sünde drückt / der sie gerne los weren / Ober die erbarmet sich Gott / schencket inen alles.

SO hat nu dieser Knecht das Wort müssen auffnehmen / vnd ist dadurch Gottes freund worden. Denn wo ers nicht hette auffgenommen / so hette es in nicht geholffen / vnd were das nachlassen nichts gewesen. Darumb ist nicht gnug / das vns Gott leste anbieten vnd gebung der sünde / vnd ein gnadenreich Gilden jar verkündigen / sondern es mus auch gefasset vnd gegleybt werden. Gleybstu es / so bistu los von sünden / vnd ist alles schlecht.

Dem Euan-  
gelio gley-  
ben / machet  
von allen  
sünden rey.

Das ist nu das erste stück eines Christlichen lebens / das vns dis vnd alle Euangelia leren / welchs eigentlich in

glauben sehen / der da alleine gegen Gott handelt. Daneben auch angezeigt wird / das man das Euangelium nicht kan fassen / es sey denn vorhin ein betrübt / elend gewissen da.

Daraus schleus nu / das eitel erigerey ist / was man von vnsern wercken vnd freien willen predigt / vnd auff andere weise leret / sünde tilgen vnd gnade erlangen / denn wie hie das Euangelium anzeigt / nemlich / das die Göttliche Majestet vnser jamer ansieht / vnd sich ober vns erbarmet. Denn der Text sagt klar / das er denen schencket vnd nachlesset / die da nichts haben / Vnd schleusse also / das wir nichts haben / damit wir Gott bezalen. So habe nu einen freien willen wie du wilt / in cufferlichem leben vnd wesen / oder cufferliche frömmkeit vnd tugent / so ein Mensch von im selbs kan thun / so hörestu hie / das es fur Gott nichts ist. Was solt hie der freie wille vermügen / ist doch nichts da / denn eitel zappeln vnd zagen. Darumb wilten der sünde los werden / so mustu absehen / vnd verzagen an allen deinen wercken / vnd zum Creuz kriechen / umb gnade bitten / vnd darnach das Euangelium fassen mit dem Glauben.

Des freien  
willens  
rhum nicht  
gelegt.

**A**lset nu das ander teil / Da mus der Knecht auch herzu. Des glaubens halben möchten wir alle sünde sterben / Denn dieser Knecht hat nu gnug / behelt sein leib vnd gut / Weib vnd Kind / vnd hat einen gnedigen Herrn / So were er je ein grosser Narr / wenn er jzt hin gieng / vnd thet alles / was er künde / das er einen gnedigen Herrn künde vberkomen. Vnd möchte der Herr wol sagen / er spottet seiner / Darumb darff er gar keine werck dazu thun / denn das er solche gnade auffneme / die in angehoeren wird / sey frölich / vnd dancke dem Herrn / vnd thu mit andern auch also / wie der Herr inu gethan hat.

Die gley-  
ben / haben  
alles / vnd  
können selb-  
lich sterben.

Also ist es nu mit vns auch / Wenn wir gleyben / so haben wir einen gnedigen Gott / vnd dürffen nu nichts mehr / vnd were wol zeit / das wir so bald sterben / Sollen wir aber auff Erden leben / so mus vnser leben nicht dahin gericht sein / das wir mit wercken Gottes hulde erwerben / Den wer das thut / der

der spottet vnd leßert Gott/ Wie man bisher gelernt hat/ das man Gott so lange müsse in ohren ligen mit guten wercken/ beten/ fasten vnd dergleichen/ bis wir gnade erlangen. Gnade haben wir vberkommen/ aber nicht aus wercken/ sondern aus barmherzigkeit. Soltu nu leben/ so mustu etwas thun vnd zu schaffen haben/ das mus alles auff den Nehesten gericht sein (sagt Christus)

Glaube führt zu Gott/ Liebe zum Nehesten.

Denn der Knecht gehet hinaus/ Wie gehet er hinaus? wo ist er drinne gewesen? Im glauben ist er drinnen gewesen/ Aber jetzt gehet er heraus/ da sol er sich gegen den Leuten erzeigen durch die Liebe/ Denn der Glaube führt den menschen von den Leuten hinein zu Gott/ die Liebe führt in heraus zu den Leuten. Vorhin war er darinnen/ zwischen Gott vnd im allein.

Zugehen von Gott zu den Leuten/ durch die Liebe.

Denn den Glauben kan niemand sehen noch gewar werden/ was sie beide mit einander machen. Darumb heisse es aus den augen der Leute gehen/ da man niemand fület noch sihet/ denn Gott/ Wird allein ausgerichte durch den Glauben/ vnd kan kein eufferlich werck dazu kommen. Tu kömet er heraus für den Nehesten/ Were er darinnen blieben/ so hette er wol mügen sterben/ Er mus aber heraus bey andern Leuten leben/ vnd mit jnen umbgehen. Hie sol nu die Liebe angehen/ Da findet er einen Nieknecht/ den stöcket vnd blöcket er/ würget in/ wil bezaleet sein/ vnd keine barmherzigkeit haben.

Das ist/ das wir gesagt haben/ das wir Christen sollen erans brechen/ vnd mit der that für den Leuten beweisen/ das wir einen rechtschaffnen Glauben haben/ Gott darff deiner werck nicht/ hat genug an deinem Glauben/ Aber darumb wil er sie gethan haben/ das du dadurch/ für dir vnd aller welt deinen glauben beweisen kündest/ Denn er sihet den glauben wol/ aber du vnd die Leute sehen in noch nicht/ Darumb soltu dieselbigen werck dahin richten/ das sie dem Nehesten nutz seien.

Also ist dieser Knecht ein Exempel vnd bilde aller dere/ so da sollen jrem Nehesten dienen/ aus dem glaubē. Was thut er aber? Eben wie wir/ die wir vns lassen düncken/ wir glauben/ vnd glauben auch zum teil/ vnd frewen vns/ das wir das Euangelium gehöret haben/

Können viel dauon reden/ es wil aber niemand hernach mit dem leben. Also ferne haben wirs bracht/ das des Teuffels leere vnd gancfelwerck nidergelegt ist/ vnd wir nu sehen vnd wissen/ was recht vnd vnrecht ist/ das man allein durch den glauben gegen Gott/ mit dem Nehesten aber durch die Liebe/ handeln müsse/ Aber dahin können wirs schwerlich bringen/ das die Liebe angehe/ vnd einer dem andern thue/ wie im Gott gethan hat/ Wie wir auch selbs Klagen/ das vnter vns viel erger werden/ denn sie vort hin gewesen sind.

Unser tragheit die Liebe zu beweisen.

Wie nu dieser Knecht seinem Nehesten nicht wil vergeben/ sondern wil sein recht behalten/ also thun wir auch/ vnd sprechen/ Ich bin nicht schuldig/ das ich einem andern gebe/ was mein ist/ vnd mein recht faren lasse/ Hat mich dieser erzürnet/ so ist er mir schuldig/ das er mich verführe/ vnd mirs abbitte. Denn also leret vnd thut die Welt/ Vnd das hastu recht/ so wird dich auch kein Fürst zwingē das du einem andern gebest/ was dein ist/ sondern mus dir zulassen/ das du mit deinem gut thust/ was du wölest. Weltliche überkeit dringet nur also ferne/ das du nicht mit eines andern gut machest was du wölest/ nicht/ das du dein gut einem andern hingebest/ Das ist das weltliche Recht/ wie die Vernunft schleufft/ Einem jglichen gebürt das seine/ Darumb so thut er nicht vnrecht/ der seines guts brauchet/ wie er wil/ vnd niemand das seine nimet.

Was sagt aber das Euangelium? Wenn Gott auch also gethan vnd sein recht behalten hette/ vnd sagte/ ich thu recht/ das ich die bösen straffe/ vnd neme was mein ist/ wer wil mirs wehren? Wo wolten wir alle sampt bleiben? Wir müßten alle zum Teuffel faren. Darumb/ weil er sein recht gegen dir hat vbergeben/ wil er/ das du auch also thust. Darumb hebe dein recht auch auff/ vnd denke/ Hat mir Gott zehen tausent pfund geschencket/ warumb solt ich meinem Nehesten nicht hundert Grosschen schencken?

Christe sind schuldig zu vergeben/ vnd er recht faren lassen.

Also ist jgund dein gut nicht mehr dein/ sondern deines Nehesten. Gott hette wol mügen das seine behalten/ war dir auch nichts verpflichtet/ noch gibet er sich dir gang/ wird dein gnediger Herr/ vnd ist dir hold/ vnd dienet

M m dir

## Auslegung des Euangelij

dir mit allen seinen gütern / vnd was er hat / ist alles dein eigen / warumb woltestu denn nicht auch also thun? Darumb wiltu in seinem Reich sein / so mustu thun / wie er thut / Wiltu aber im weltlichen Reich bleiben / so wirstu in sein Reich nicht komen.

Matth. 25

Daher gehöret dieser Spruch ins Mattheo / den Christus am Jüngsten tag wird sagen zu den Vnchristen / Ich bin hungerig gewesen / vnd jr habt mich nicht gespeiset / Ich bin durstig gewesen / vnd jr habt mich nicht getrencket / vnd so fort an. Sprichstu aber / Sagstu doch das Gott die werck nicht wil ansehen / noch jemand darumb selig machen? Ant wort / Er wil sie frey vmb sonst geihan haben / nicht darumb / das ire würdigkeit für Gott gelten solle / sondern / das wir sie dem Tehesten thun / vnd damit besengen / das wir einen rechtschaffenen glauben haben.

Welcher  
meinung die  
werck der  
Liebe gesche  
hen sollen.

Denn was hastu doch / das du im geben / vnd damit du etwas verdienen kündest / das er sich vber dich erbarmet / vnd dir schencket alles / was du wider in gethan hast? oder was hat er dauon? Nichts hat er / denn das du im lob vnd danck sagest / vnd thust / wie er gethan hat / das man ja auch Gott in dir dancke / So bistu in seinem Reich / vnd hast alles / was du haben sollest. Das ist das ander stück des Christlichen lebens / das da heisset / die Liebe / dadurch gehet man heraus von Gott zu dem Tehesten.

Welche nu nicht den glauben beweisen durch der liebe werck / die sind solche Knechte / die da wollen / das man inen vergeb / so sie doch irem Tehesten nicht vergeb / noch ir recht faren lassen. So wird es inen auch gehen / wie diesem Knechte / Denn wenn die andern Knechte (das ist / die das Euangelium predigen) solchs sehen / das Gott diesen alles geschencke hat / vnd sie niemand wollen vergeben / so werden sie betrübt / das sie solchs sehen sollen / vnd thut inen wehe / das man sich so nerrisch zum Euangelio stellet / vnd dafür so vndanckbar ist.

Misbrauch  
des Euange  
lij thut den  
Christen  
wehe.

Was thun sie denn? Sie können nicht mehr / denn / das sie für iren Herrn komen / vnd im solchs Klagen vnd sprechen / Also gehet es zu / Du vergibst inen / beide / schuld vnd pein / vnd schenckest inen alles / So können wirs nicht dahin bringen / das sie andern auch also thun /

wie du inen gethan hast / Das ist die Klage. So wird sie denn Gott für fordern am letzten Gerichte / vnd inen solchs fürhalten / vnd sagen / Da du hungerig / dürffrig vnd elend warest / da halff ich dir / Da du in sünden lagest / da lies ich mich dein jamern / vnd vergab dir deine schuld / hastu nu deinem Tehesten auch also gethan?

So wird er denn auch ein solch vrtail vber sie gehen lassen / Du Schalk / ich hab mich vber dich erbarmet / vnd mein Rechte faren lassen / so hastu dich nicht wollen vber andere erbarmen noch inen ire schuld vergeben / darumb mustu auch nu deine schuld bezalen. Da ist nu kein gnad noch barmhertzigkeit / sondern eitel zorn vnd ewige verdammis / Da hilff kein bitten mehr / darumb mus er verstummen / wird geworffen in die pein / bis er den letzten Heller bezale.

Das ist / das auch S. Petrus von den 2. Pet. 2. nen gesagt hat / die das Euangelium gehört haben vnd wider zu rück fallen / Es were inen besser / das sie den weg der Gerechtigkeit nicht erkennen hetten / denn das sie in erkennen / vnd sich keren von dem heiligen Gebot / das inen gegeben ist. Warumb were es besser? Denn / wenn sie zu rück treten / so wird es zweimal erger / denn es vorhin war / ehe sie das Euangelium gehört hatten / Wie Christus sagt im Mattheo / von dem vnsaubern Geist / der sieben ander Geister zu sich nimet / die erger sind / denn er selbs / Komet mit in / vnd wonet in dem mensche / von dem er vorhin ausgefahren war / Vnd wird also mit dem selben Menschen hernach erger / denn es vorhin war.

Matth. 12

Also gehet es vns in / auch / vnd wird noch mehr also gehen / Komt es auch also gegangen / Da stund es zum ersten wol zur Marterzeit / aber hernach ist es hingefallen / vnd der greuel auffkommen / das der Antichrist da regieret / vnd ist ein solch wesen worden / das es nicht künde erger sein. Gottes gnade / so durchs Euangelium verkündiget wird / ist so gros / das es die Leute nicht fassen / Darumb mus auch eine grosse dappfere straffe folgen.

Also werden wir auch sehen / das ein redliche straffe vber vns gehen wird / sintemal wir dem Euangelio / das wir verachtet haben vnd wissen / nicht gehorcht. Denn des Euangelij so offte

Straffe blid  
bet nicht aus  
sen vber die  
veredter  
des Euang  
lij.

so oft Gott ein gewolliche straffe hat ko-  
men lassen/hat er zuvor ein gros Liecht  
auffgericht/ Als da er die Jäden wolt  
aus irem Lande in die gefengnis in Ba-  
bylonien führen lassen/warffer zuvor den  
fromen König Josiam auff/ das er das  
Gesetz wider auffrichtet/ das das Volck  
from würde/ Da sie aber wider abfielen/  
lies sie Gott straffen / wie sie verdienet  
hatten.

Straffe  
Egypti.

Sündflut.

Gen. 19.

Also auch/da er die Egypter wolt  
lassen umbkomen / lies er inen Mosen  
vnd Aaron das Liecht anzünden vnd  
predigen. Item/da er die Welt mit der  
Sündflut wolt verderben/warff er den  
Patriarchen Noah auff/ Da aber die  
Leute nicht glaubten / vnd nur erger  
worden/ folget so gewolliche straff her-  
nach. Deselbigen gleichen worden auch  
die fünff Stedte/ Sodoma vnd Gomor-  
ra/ sampt den andern/ gestraffet / da sie  
den fromen Lot nicht wolten hören.

Darumb wird solche schreckliche  
straffe jzt auch vber die gehen / so das  
Euangelium hören vnd nicht annemen/  
wie denn dieser Knecht im Euangelio  
hingeworffen wird / vnd mus bezalen/  
was er schuldig ist / Das ist so viel ge-  
sagt/ Er mus die pein tragen/ Wer aber  
die pein treget für die schuld/ der wird ni-  
mermehr selig. Denn auff die sünde ges-  
höret der tod/ vnd wenn er stirbt/ so stir-  
bet er ewig/ vnd ist keine hülffe noch ret-  
tung mehr. Darumb lasse vns solchs an-  
nemen zur warnung/ Die aber verstockt  
sind/ vnd nicht hören wollen / die lasse  
man faren/ Denn sie werden der straffe  
nicht entlauffen.

ES ist ein fein tröstlich Euangeli-  
um/ vnd süsse den betrübten gewissen/

in dem/ das es eitel vergebung der sünde  
hat. Aber widerumb/ den harten köpf-  
fen vnd verstockten/ ist es ein erschreck-  
lich vrteil / vnd sonderlich / weil der  
Knecht nicht ein Zeide ist/ sondern vn-  
ter das Euangelium gehöret/ vnd einen  
Glauben gehabt hat / Denn sintemal  
sich der Herr vber in erbarmet / vnd ver-  
gibt jm/ was er gethan hat / so mus er  
on zweivel ein Christen sein. Darumb ist  
das nicht eine straffe für die Zeide/ noch  
vber den gemeinen hauffen/ die kein Got-  
tes Wort hören/ sondern dere / die das  
Euangelium mit den ohren fassen / vnd  
auff der zungen haben / wollen aber  
nicht darnach leben.

Straffe des  
re/ so das  
Wort habe/  
vnd nicht  
darnach  
than.

Also haben wir die summa von die-  
sem Euangelio. Das aber hie neben die  
Sophisten pflegen zu disputieren / Ob  
die sünde widerkome/ die da zuvor verge-  
ben ist / las ich faren / Denn sie wissen  
nicht / was vergebung der sünde ist/ mei-  
nen/ es sey ein ding / das da im hertzen  
lebe vnd still lige/ So es doch eben das  
ganze Königreich Christi ist/ das da  
ewig wehret/ on auffhören.

Vergebung  
der sünden.

Denn gleich/ wie die Sonne nichts  
beste weniger scheinet vnd leuchtet / ob  
ich schon die augen zu thue / Also stehet  
dieser Gnadenstuel oder vergebung der  
sünde jmerdar/ ob ich schon falle. Vnd  
wie ich die Sonne wider sehe / wenn ich  
die augen wider auff thue/ Also hab ich  
die vergebung der sünde wider/ wenn ich  
auff stehe/ vnd wider zu Christo kome.

Darumb sol man die vergebung nicht so  
enge spannen/ wie die Narren  
trewmen. Das sey von  
diesem Euangelio  
gesagt.

## Am XXIII. Sonntag nach

Trinitatis/ Epistel Phillip. 3.



Bilget mir /  
lieben Bräu-  
der/ vnd schet  
auff die / die  
also wande-  
lẽ / wie jr vns  
habt zum für-  
bilde. Denn

viel wandeln / von welchen ich euch  
oft gesagt habe / nu aber sage ich  
auch mit weinen / Die Feinde des  
Creuzes Christi / welchen ende ist  
das verdammis / welchen der hauch  
jr Gott ist/ vnd ire Ehre zu schand-  
den wird / dere / die jrdisch gesin-  
net sind.

Am 4 Unser



## Auslegung der Epistel

Unser wandel aber ist im Himel / von dannen wir auch warten des Heilandes Ihesu Christi des HERRN / welcher unsern nichtigen Leib verklären wird / das er ehlich werde seinem verklärten Leib / Nach der Wirkung / damit er kan auch alle ding in unterthenig machen.



Sorge des Apostels für die Philipper.

**S**icut Paulus lobet die Philipper aus der massen seer / das sie wol angefangen haben mit dem heiligen Euangelio / vnd sich redlich erzeiget mit den fruchten ires Glaubens / als die es mit ernst meineten. Darumb forget er auch so treulich vnd herglick für sie / das sie bestendig bleiben / nicht betrogen vnd versüret werden / durch falsche Prediger der umbschweifenden Jüden / welcher die zeit viel umbher lieffen / vnd verkerten die / so S. Paulus gewonnen hatte / Gaben für viel bessers zu lernen / vnd doch die Leute von Christo wider auff das Gesetz füreten / jr Judenthum zu bestetigen vnd aus zu breiten.

W<sup>e</sup>il denn S. Paulus an dieser Kirchen sonderlich sein freude vnd lust sihet / treibet in die Veterliche sorge / das sie nicht etwo auch durch solche versüret werden / sie zu vermanen / das sie bestendig bleiben bey dem / so sie empfangen / nicht anders suchen / noch sich düncken lassen (wie die sichern satsamen Geister vom Teuffel generret werden) sie haben gar ergriffen / vnd seien aller ding Meister worden / weil er von jm selbs sagt (hart vor diesen Worten) das er es noch nicht ergriffen habe.

Seid meine Nachfolger

**D**as sonderlich vermanet er sie / das sie im nachfolgen / vnd sehen auff die Prediger / die also wandeln / vnd sich halten nach dem Furtilde (der lere vnd lebens) wie sie von jm gesehen vnd gehöret. Setzet damit inen zum Exempel / nicht allein seine Person / sondern auch / die im gleich sind / in demselben wandel / wie er auch in dieser Epistel derselben etliche nennet. Das müssen sonderliche treffliche Leute gewesen sein / so er inen befihlet / auff sie zu sehen / vnd inen zu folgen.

Es gehet aber solch Furtilde für

nemlich auff die Lere / darumb es am meisten zu thun ist / das beide / das Predigamt rein bleibe / vnd sie im rechten Glauben bleiben / Denn wo solchs recht gehet / da kan die lere vñ folge der werck auch recht hernach gehen / wie er hernach auch danon vermanet / Cap. 4. Ist etwo eine tugent / ist etwo ein lob / dem dencket nach etc.

**W**ist S. Paulus zumal ein hoffertiger Man / das er thar also von jm rhümen / vnd sich selbs allen zu einem Exempel stellen / das wol andere Prediger möchten sagen / Er wolt sich allein vber alle erheben vnd setzen / Meinstu denn (würden unsere Klugen Geister sagen) das du den heiligen Geist allein habest? Oder / das andere nicht auch so gerne ehre hett als du? etc. Gleich wie auch Maria vnd Aaron / Num. 12. wider ihren eigen bruder Mosen murreten / Redet der HERR allein durch Mosen? Redet er nicht auch durch vns? etc. Also scheint ja auch dis zu hoch von sich gehalten / das er sich allein zum Furtilde setzet / als / das man auff niemand sehen solle / denn wer also wandle / wie er / Ob gleich die andern / so nicht im folgen / auch wol grössern schein des Geists / der heiligkeit / demut etc. mitbringen.

Aber er sagt nicht allein von seiner einzelnen Person / sondern spricht / Wie jr vns habt zum Furtilde etc. Damit er nicht ausschleusst die andern rechtschaffen Apostel vnd Lere / Sondern er wil sie damit vermanen / wie er allenthalben thut / das sie ja bey der einigen Lere bleiben (so sie von jm erstlich empfangen haben) vnd hie nicht zu Flug werden / noch sich Meister lassen düncken / Sondern sich hüten für denen / so da wolten kommen / vnd etwas bessers furgeben / wie bey andern geschehen / vnd viel von solchen versüret waren.

**W**as aber das Furtilde sey / darin sie im folgen sollen / das hat er zu vor vnd bis daher gesagt / als da er im dritten Cap. ansehet / vnd spricht / Wir sind die Beschneitung / die wir Gott im geist dienen / vnd rhümen vns von Christo Ihesu / vnd verlassen vns nicht auff Fleisch / Wiewol ich auch habe (spricht er) das ich mich fleisches rhümen möchte. So ein ander sich düncken lesset / er möge sich fleisches rhümen / ich viel mehr / Der ich am achten tage beschnitten bin / einer

einer aus dem volck von Israel/ des ges  
schlechts Ben Jamin / ein Ebreer aus  
den Ebreern ( Das ist/ die höchste ehre/  
die ein Jude führen kan/ die kan ich auch  
führen) Nach dem gesetz ein Phariseer/  
nach dem euer/ ein Verfolger der Ges  
meine/nach der gerechtigkeit im Gesetz/  
vnstrefflich gewesen.

Aber dennoch ( spricht er weiter)  
Was mir gewin war / das hab ich vmb  
Christi willen für schaden geachtet/  
Denn ich achte es alles für schaden / ge  
gen der vberschwenglichen erkentnis  
Christi Ihesu meines **HERREN**. Vmb  
welches willen ich alles habe für schadē  
gerechnet/ vnd achte es für Dreck / auff  
das ich Christum gewinne/ vnd in ihm er  
funden werde/ Das ich nicht habe meine  
gerechtigkeit/ die aus dem Gesetz/ son  
dern die durch den Glauben in Christo  
komet/ Nemlich die Gerechtigkeit / die  
von Gott dem Glauben zugerechnet  
wird etc.

**S**Ihe/ das ist das Bild ( wil er sa  
gen ) so wir euch fürtragen / vnd euch  
vermanen demselben zu folgen / Das jr  
auch dencket / wie jr die Gerechtigkeit  
erlanget / vnd dabey bleibet / welche  
heißt eine Gerechtigkeit nicht aus dem  
Gesetz/ Denn dauon thar er sagen / das  
er sie halte für lauter Eot vnd vnflut ( so  
aus des Menschen leibe gehet ) ob sie  
gleich so schön vnd vnstrefflich were/ als  
sie möglich auff Erden zu finden / Wie  
sie bey ehrlichen Jüden / vnd in Paulo  
war vor seiner bekerung/ Welche für irer  
grossen heiligkeit / die Christen hielten  
für lauter Buben vnd verfluchte Leute/  
vnd darauff getrost sie holffen verfol  
gen vnd morden.

**N**och habe ich ( spricht er ) der ich  
doch auch ein geborner Jude bin/ dieses  
alles nicht mehr denn für schaden geach  
tet/ auff das ich erfundē würde in der ge  
rechtigkeit / so Gott dem glaubē durch  
Christi willen zurechnet/ Denn dieselbi  
ge Gerechtigkeit leret vns allein Gott  
recht erkennen vnd ergreifen / das ist/  
vns gewislich seiner gnade trösten/ vnd  
auch warten eines zukünftigen andern  
Lebens/ das ein Mensch dencket in der  
Aufferstehung der todten Christo entge  
gen zu komet / das ist / im Tod vnd am  
tag des Gerichts/ nicht für im zu fliehen  
vnd erschrecken/ sondern frölich im ent  
gegen faren/ vnd in wilkommen heißen/

als des er mit grossen verlange vnd seh  
nen gewartet.

**S**olchen mut kan jene gerechtig  
keit des Gesetzes nicht machen / Dar  
umb ist sie mir für Gott nichts hülf  
lich / sondern mehr schädlich gewesen.  
Aber das thut/ das Gott vns gerech  
tigkeit zurechnet vmb Christi willen/  
durch den Glauben / weil er durch sein  
Wort vns verkündiget / vnd spricht/  
Wer da glaubet an meinen Son / der sol  
vmb desselben willen mein gnade vnd  
ewiges Leben haben / Wer solch erkent  
nis hat/ der ist nu also geschickt / das er  
nicht den Jüngsten tag fürchtet vnd  
fleucht/ sondern des vnerschrocken war  
tet vnd hoffet.

**I**Je sibe/ ist das nicht allzu grob/ vnd  
verechtlich geredt von der gerecht  
igkeit des Gesetzes/ das er sie helt / vnd  
damit halten leret / für solch ding / das  
da nicht allein hindert oder nichts nüt  
et/ sondern auch schaden thut / vnd als  
ein eckel vnd greuel zu halten ist. Wer  
thürste das maul so weit auff thun/ vnd  
von solchem vnstrefflichem leben nach  
dem Gesetz also reden / der nicht von  
jederman wolte des leidigen Teuffels  
Apostel vnd diener heißen / wo es nicht  
S. Paulus selbs therte? Oder wer wil  
mehr solche gerechtigkeit halten/ wenn  
man wil also dauon predigen?

S. Pauli  
Künheit/ wie  
der die ge  
rechtigkeit  
des Gesetzes  
zu reden.

**V**nd das er doch allein sagte von  
der weltlichen oder heidnischen Gerech  
tigkeit nach der vernunfft/ so durch or  
dentliche Oberkeit/ Gesetz vnd Recht ge  
het. Tu nennet er dürr vnd klar/ die Ge  
rechtigkeit aus Gottes gesetz oder der  
Zehen gebot / welche ist ja viel höher/  
denn jene/ so allein dieses leben betrifft/  
vnd leret/ wie man für Gott leben sol  
le/ Davon kein heidnisch/ Juristisch res  
giment/ noch weltliche Oberkeit nichts  
weis. Solt man diesen Prediger nicht  
für einen Keger verdamnen? der also  
in Gottes gesetz greiffet / vnd thar es  
also taddeln? Vnd dazu vermanet vnd  
warnt / das man sich für solchen fürs  
ehen solle / so darnach wandeln / das  
ist/ die auff solche gerechtigkeit trogen/  
Vnd solche heiligen also lobet vnd rüh  
met / das er sie nennet Feinde des Creu  
tes Christi / vnd die den Bauch zum  
Gott haben / vnd im für Gott die  
nen / etc.

Regeliche  
rede S. Pauli  
für der  
Welt/ von  
der gerech  
tigkeit des  
Gesetzes.

**J**A/ spricht er von im selbs/ Ich bin  
M m iij auch

## Auslegung der Epistel

auch ein solcher gewesen/ eben in meiner höchsten gerechtigkeit nach dem Gesetz/ ein Feind vnd Verfolger der gemeine/ oder der Kirchen Christi. Das war die beste frucht solcher gerechtigkeit / das ich meinete / ich müste Christum vnd seine Christen auff's gewolichst helffen verfolgen / vnd also mit meiner heiligkeit/ ein rechter Gottes Feind vnd Christi mörder war/ Denn solche machet natürlich diese eigen heiligkeit / wie alle Historien der Schrifft von anfang zeugen/ von dem ersten Cain an / vnd noch fur augen ist an den besten in der Welt / so nicht zum erkentnis Christi komen / Alle Fürsten / Oberkeit/ vnd je weiser/ freymer vnd ehrbares lebens sie sind / je erger / bitterer vnd schwerer Feinde des Euangelij.

Denn von den groben Papsteseßeln zu Rom/ Cardinelen/ Bischonen/ Pfaffen etc. ist hie nicht zu sagen/ Die machens zu grob / das auch Welliche Oberkeit vnd ehrbarkeit mus sagen/ Es seien lauter verzweuelte Buben/ mit irem vnuerfchampten/ öffentlichem lebē/ Geitz/ hoffart/ vnzucht/ prangen/ reuberey vnd aller bosheit/ Denn sie nicht allein also lebē/ sondern auch solchs vnuerfchampt verteidigen wollen / das man sie mus halten / nicht allein fur Christi / sondern aller Erbarkeit vnd tugent feinde/ Das jnen billich auch alle ehrbare Leute feind sind.

Wer wie gesagt/ von solchen redet S. Paulus nichts/ sondern von andern grossen trefflichen Leuten / so die frömmsten sind/ vnd das feinste leben führen/ Die werden so giffteig vnd bitter böse / wo sie an die Christen geraten/ Können vergessen aller schuld / die sie auff jnen fur Gott haben / vnd aus vnserm splitter eitel grosse balcken machen/ Summa/ Es mus das Euangelium solchen heissen Ketzerrey vnd Teuffels lere/ auff das ire heiligkeit vnd euer zu Gott gesehen vnd gerühmet werde.

Solchs würde niemand glauben/ ich selbs hette es auch nimmermehr geglaubt/ noch diese wort S. Pauli verstehen können/ wenn mans nicht fur augen gesehen vnd erfahren hette / Denn wie solt ein Mensch des Können gedenden/ (wenn es nochmal S. Paulus sagt) das die feinsten/ edlesten/ fromme/ erbare vnd heiligen Leute zu denen man sich verse-

hen solte/ sie würden/ Gottes Wort vor allen andern annemen) Das diese (sage ich) solten dieser Lere feind sein. Aber die Exempel/ so vns in die hende geben/ die leren es wol / das es solche sein müssen/ die da heissen fromme/ löbliche Fürsten vnd Adel/ ehrliche Bürger/ geleerte/ weise/ vernünfftige Leute / Aber wenn sie kündten die Euangelischen (wie man sie jzt nennet) sampt dem Euangelio/ mit einem bissen verschlingen/ so thäten sie es gerne.

**F**ragstu / Wo komet doch das her? Darer/ das solchs natürlich menschlicher gerechtigkeit anhanget/ Denn es ist feiner / der nicht von Christo weis/ vnd doch solche gerechtigkeit hat / vnd das fur helt/ das sie fur Gott gelte/ Er mus sich darauff verlassen / thutelt vnd spiet/ gelt sich damit fur Gott / vnd meinet jm damit trefflich wol zu gefallen/ Aus solchem stolz vnd hoffart fur Gott/ folget denn verachtung der andern / so sie nicht haben/ Wie der Phariseer Luc. 10. zeigt / Aber viel mehr feindschafft vnd bitterer zorn gegen der Predigt / die da thar solche gerechtigkeit angreifen/ vnd sagen / das sie fur Gott nicht gelte/ Gottes guad vnd ewiges Leben zu verdienen.

Denn ich bin selbs auch ein solcher gewesen/ vnd andere / so da im Papstum haben wollen heilig vnd from sein/ müssen auch bekennen / Wenn mir jemand vor dreissig Jaren/ da ich auch war ein fromer heiliger Mönch/ alle tage Messe hielt/ vnd wuste nicht anders / denn ich gieng auff der rechten bah nstracks gen Himel/ Wenn mir jemand daselbs diesen Text gepredigt vnd gesagt hette / Das alle solche heiligkeit (welche doch nicht lauter nach Gottes gebot/ sondern Menschen lere vnd öffentliche Abgötterey war) nichts were/ vnd ich ein feind des Creuges Christi were / vnd meinem eignen Bauch dienete/ So hette ich auch flugs zum wenigsten stein vnd holtz helffen zueragen / solchen Stephanum zu tod zu werffen/ ja als den ergesten Kezer mit feur zu tilgen.

Also thut allzeit die Natur vnd welt/ vnd kan nicht anders thun/ wenn diese Predigt vom Himel komet / vnd spricht/ Du bist ein heiliger Man / ein grosser geleterer fromer Jurist/ ein strenger Regent/ vnd löblicher Fürst/ ein ehrlicher

Eigen heiligkeit machet natürlich feinde Christi.

Natur troget alheit auff ir eigen gerechtigkeit.

Der Welt joren wurd diese lere Pauli.

licher Bürger etc. Aber mit deinem Regiment vnd seinem leben / feresu zur hellen / Vnd alles was du thust / das stincket vnd ist verdampft fur Gott / Vnd must gar ein ander Mensch werden / ander sinn vnd hertz haben / wiltu selig werden etc. Da gehet das Feuer auff / vnd ist der Rhein entbrand / Denn das heilt sie schlecht nicht zu leiden / das solch schön löblich wesen vnd leben / solt durch solche Predigt / etlicher geringer verachteter Menschen / öffentlich gestrafft vnd verdampft werden / das es heisse ein Schaden vnd wie es S. Paulus nennet / Kot oder dreck / vnd lauter hinder nis zum ewigen Leben.

**H**Je sprichstu / Wie? Verbeutestu denn gute werck / Ist es nicht rechte / fein / ehrbarlich / tugentlich leben? Mustu nicht selbs bekennen / das man sol weltlich Rechte vnd Oberkeit haben / vnd dar über halten / das die Leute züchtig / friedlich vnd erbarlich leben? Ja / das auch Gott selbs solchs gebet / vnd ernstlich wil gehalten haben / vnd straffen die da wider thun / Viel mehr wil er / das man sein eigen Gesetz vnd Zehen gebot halte / vnd nicht verachte / Warumb tharstu denn sagen / das solche gerechtigkeit schedlich vnd hinderlich sey zum ewigen Leben? Wie reimet sichs zu samen / das man leren sol solches thun vnd from sein / vnd doch auch / als fur Gott verdampft / straffen? Wie kan es gut / köstlich ding heissen / vnd doch auch schaden vnd vnflut?

**A**ntwort / Das weis S. Paulus wol / das die Welt darauff stehet / vnd solche widerrede füret. Aber wer da wil / der rede mit im darumb / warumb er klar vnd öffentlich also redet. Denn es sind ja nicht vnser / sondern seine Wort. War ist es / vnd S. Paulus bekennt selbs / Das es also sol vnd mus sein auff Erden / vnd Gott haben wil / Das jederman ehrbarlich vnd gehorsamlich lebe. Ja / er hat es also geordnet / das es auch vnter Türcken vnd Heiden gehalten werde. Vnd ist doch gewis / das dieselbigen / wo sie auch am besten vnd frömmsten sind vnd zum ehrlichsten leben / so sind sie natürlich vnd von hertzen feinde Christi / Vnd jr sinn vnd gedanken dahin gerichtet / Gottes Volk auszurotten.

**H**Je mus ja jederman sagen / Der

Türk sey des Teuffels / mit alle seinem Regiment / gehorsam vnd strengem leben / wo sie es führen vnd halten nach frem Alcoran / auch strenger weder wir Christen. Das heisset zu gleich sie verdampft vnter / mit aller irer gerechtigkeit / Vnd doch daneben sagen / sie thun recht daran / wenn sie Diebe / Mörder / Reuber / Trunckenbold / etc. straffen / Ja / das auch die Christen / wo sie vnter dem Türcken wonen / schuldig sind / ire Zins im zu geben / vnd dienen mit leib vnd gut.

**G**leich wie wir auch von vnsern Fürsten / die da das Euangelium verfolgen / vnd öffentliche feinde Christi sind / sagen müssen / Man sol inen gehorsam sein / ire pflichtige zins vnd dienst geben / Vnd doch / solche mit allen so es mit inen halten / vnd inen gehorsam sind (wo sie auch in die verfolgung des Euangelij willigen) fur Gott fur verdampft halten müssen.

**A**lso redet auch S. Paulus von der gerechtigkeit aller Jüden vnd fromen Heiligen / sonicht Christen sind / Thut den mund weit gang auff / vnd sellet dir re solch vnter / schuldiget sie vnd klaget mit weinenden augen vber die / so die leute führen vnd weisen auff die gerechtigkeit des Gesetzes / vnd doch nichts damit machen / denn feinde des Creuzes Christi. Item / gibt inen auch den Preis / das jr ende ist das verdammnis. Es sind / (spricht er) verdampfte Leute / wenn sie jr lebenlang auffhöchste solche gerechtigkeit geleret vnd getrieben haben.

**A**uff Erden ist es wol köstlich ding / vnd ein schon edel Kleinot / vnd hat gros lob vnd ehre / ein fromer ehrlicher Fürst / Regent / Bürger / Item / ein frome züchtige Frau oder Jungfrau / heissen. Wer wolt das nicht loben vnd rühmen? Ist es doch auch / in der welt ein seltsam Kleinot. Wolan / spricht er / las es so schön / köstlich vnd löblich ding sein / aber doch ist es endlich verdampft / vnd gehöret nicht gen Himmel.

**J**a / er macht es noch verdrieslicher / vnd spricht / Welchen der Bauch jr Gott ist / Da hörestu / wie weit solche menschliche gerechtigkeit gehet / wenn sie es zum höchsten bringet / Das es nicht mehr heisset / weder dem Bauch gedient / Sie nim alle weisheit / Recht / Juristerey vnd Künste / vnd höchste tu

M m iij gens

Türk. sind verdampft / in irem besten leben vnter regiment.

S. Pauli vnter teil vber die vngeübige gerechtigkeit.

Gott sod. dert gute werck / vnd wil doch nicht darauff getrozt haben.

## Auslegung der Epistel

gent dazu auff Erden / Was sind es für tugent? Sie beten einen Gott an / der heisse der Bauch / Denn solchs alles hilffet sie nicht weiter / denn dieses lebē wehret / vnd gehet auch allein dahin / das man hie den Bauch vol habe / Wenn die ser ein ende hat / so hat dieses auch sein ende / vnd seine Diener dazu / vnd kurz alles zugleich dahin stirbt vnd verdürbt / gerechtigkeit / tugent / Gesetz / vnd jr Gott Bauch / dem sie gedienet haben. Denn sie wissen nichts von dem rechten ewigen Gott / wie man demselben solle dienen / vnd zum ewigen Leben komen / Darumb ist solch leben im grund nichts anders / denn Gögendienst vnd ein Abgöttisch leben / so nichts mehr kan suchen / weder dieses sterblichen Bauchs erhaltung / friede vnd ehre.

**Z**um vierden (spricht er) Welcher ehre zu schanden wird. Das ist das lege da von / Wenn die weisen Philosophi / frommen Heiden vnd Kluge Juristen / auffshöhhest vnd ehrlichst gerühmet vnd ge-ehret sind / so ist es doch schande / Sie führen wol diese wort / Amore uirtutis. rhūmen grosse liebe der tugent vnd gerechtigkeit / vnd mögens auch mit grossen ernst meinen vnd dafür halten / Aber wenn mans am ende ansiehet / so ist solcher rhum nichts / vnd bestehet zu lege mit eitel schanden / Denn sie können doch nicht weiter bringen / denn das es hie aufferden / löblich vnd ehrlich heisse für der Welt / Aber es gilt für Gott nicht / vnd kan jenes leben nicht erlangen / leste zu lege den Menschen schendlich stecken / das in der tod hinweg frisset / vnd die Helle hin reisset.

**W**ie sprichstu abermal / Ey ist das war / wozu wil man denn solchs halten? so mehr lasst vns getrost leben / wie es vns gelüftet / das niemand kein frommer ehrlicher Man / noch tugentliche ehrliche Fraw / Jungfraw etc. mehr sey? Antwort / Nein / das ist gar nicht die meinung / Denn du hast gehört / das Gott solches geboten vnd haben wil / auch bey den Türefen vnd Heiden / Vnd S. Paulus selbs bald hernach in dieser Epistel die Christen vermanet / das sie dem nach denken vnd trachten / was warhafftig / was ehrbar / was gerecht / was keusch / was lieblich ist / was wol lautet / wo etwa eine tugent / oder ein lob ist / Vnd stellet hierin auch für sein

eigen fürbilde / Welches jr (spricht er) auch gelernet vnd empfangen / vnd gehalten vnd gesehen habt / an mir etc.

**D**enn in denen / die da an Christum glauben / vnd nu in jm ire gerechtigkeit haben / Da sollen auch diese fruchte folgen / in diesem leben auff Erden / Gotte zu gehorsam / Vnd sind auch gute wercke / die da Gott gefallen / vnd die er vmb jres Glaubens willen / weil sie in Christo geschehen / auch in jenem leben belohnen wil.

**S.** Paulus aber redet alhie von denen / so außser Christo vnd dem Glauben jr leben vnd werck / so sie aus jren Krefften / auch nach Gottes gesetz / thun / für gerechtigkeit halten / die da für Gott gelte / Wissen nichts von Christo / vmb welches willē vns (on vnser verdienst) gerechtigkeit von Gott zugerechnet wird / so wir an jr glauben / Wie er denn darumb mensch worden / für vnser Sünd gestorben / vnd vom tod auffgestanden ist / das wir in jm der sünden los werden / vnd auch seine auffstehung vnd leben erlangen vnd besigen / Dahin sollen wir trachten / vnd darnach leben vnd wandeln / wie er alhie beschleusst vñ spricht / Vnser wandel ist nicht irdisch / oder allein auff dis zeitlich leben gerichte / sondern im Himel / von dannen wir auch warten des Heilands Ihesu Christi etc.

**W**o man das nicht weis vnd hat / da las man jene menschliche irdische gerechtigkeit sein / so schon vnd ehrlich sie wölle / so ist sie warhafftig nicht mehr denn hindernis vnd schaden / Denn Fleisch vnd Blut kans nicht lassen / es mus sich darauff verlassen / hoffertig werden / vnd rhūmen / Wir sind auch dennoch etwas / ehrlicher / frömer vnd besser / denn andere / Wir Jüden sind Gottes volck / vnd halten sein Gesetz etc. Ja / auch die da Christen sind / sind noch des vnflats nicht gar los / wöllen allzeit jr eigen werck vnd verdienst suchen / für Gott zu bringen / Denn ich weis bey mir selbs / was es dem Menschen für leid anlegt / die heillosē weisheit vnd dünnel der gerechtigkeit / vnd was es für mühe kostet / ehe der Schlange kopff zutreten wird.

**W**o heisset es also / vnd mus also das vrtail heissen / Entweder in die Helle gefaren / oder diese menschliche eigen gerechtigkeit gehalten für schaden vnd tot /

Bauch der ungleubige Gott.

Der welt ehre wird zu schanden.

Menschliche ehre vnd rhum bestet für Gott nicht.

Paulus verdampft nicht gute werck / sondern den dünnel der gerechtigkeit in dem selbst.

Außser dem Glauben ist menschliche gerechtigkeit eitel schaden

Gerechtig-  
keit des  
glaubens /  
an allein  
Christi frö-  
lich warten.

Kot / vnd dahin gearbeitet / das man ja nicht für Gott vnd seinem Gericht / am letzten ende zu bestehen / in dieser erfunden werde / Sondern in der gerechtigkeit / die da ist Christi / vnd vns in Christum zeucht / das wir mügen in dem Kleid zur aufferstehung von sünd vnd tod entgegen komen / vnd sagen / Sey wilkommen / mein lieber HERR vnd Heiland / der du mich aus dem elenden leib der sünden vnd tods erlösest / Vnd deinem heiligen / reinen / klaren / herrlichen Leib ehlich vnd gleich macheest etc.

Wes / weil wir in dem Glau- ben seiner gerechtigkeit wandeln / so hat er auch gedult / mit der armen schwachen Gerechtigkeit dieses lebens auff Erden / die doch sonst für im ein vnflut ist / Der thut er auch die ehre / das er sie die zeit lang / weil wir hie sind / treget vnd erhelte.

Gleich wie wir vnsern Madensack vnd vnflutigen Bauch ehren vnd schmücken / hengen im ein schön köstlich Kleid vnd gülden Ketten vmb / legen in auff polster vnd in warme bette / Da ligt der stänck vnd vnflut / mit fleisch vnd haue vberzogen / vnd komet zu den höchsten ehren auff Erden. Denn vmb seinen willen / mus man alles thun / ordnen / regieren / barwen / erbeiten / vnd Gott selbs im Sonn vnd Mond gibet / zu leuchten vnd wermen / vnd alles auff Erden wachsen vnd dienen leste / Vnd was ist des Menschen leib / weder ein schöne Monstranzgen / darin der vnflutige / stinckender Heilige sitzt (der Bauch) den er teglich tragen vnd leiden mus / ja auch in fülle vnd neeren / dazu schmücken vnd reinigen mus / vnd fro werden / das er sich nur vnflutig gnug mache.

Al so thut Gott auch / so er wil das ewige Leben in dem Menschen geben / leidet vnd duldet er die dreckichte heiligkeit dieses lebens / in welcher wir hie leben müssen / bis an den Jüngsten tag / vmb seiner Auscrwelten willen / bis sie fre zal vol machen. Denn weil der tag nicht komet / sind sie nicht alle geboren / die gen Himel gehören.

Aber wenn die zeit wird aus sein / vnd die zal erfüllet / So wird er auch plötzlich das alles auffheben / Welt regiment / Juristen / Oberkeit / Stende / vnd summa / nichts mehr von dieser irdischen gerechtigkeit bleiben lassen /

Sondern solches alles mit dem Bauch / vnd den Bauch mit im zu nicht machen / Denn es ist doch alles verdampft / vnd zum verderben verurtheilt / One das es vmb der Christen willen / welchen das ewige Leben bestimpt ist / mus also gehen / bis sie alle erzu komen / vnd der letzt Heilige geborn sey. Denn wenn sie auch alle geboren weren / bis auff einen / so müste doch vmb desselben einen willen / die Welt noch stehen vnd auffgehalten werden / Denn Gott achtet auch vnd bedarff der ganzen Welt nichts / on allein vmb seiner Christen willen

Arumb ist nicht die meinung / wenn Gott befihlet dem Keiser gehorsam zu sein / frömlich vnd ehrbarlich zu leben auff Erden / das es also vnd das bey allein bleiben solle / Sondern er wil vnd mus den armen Bauch / oder wie er hie saget / diesen nichtigen elenden Leib also weiden / kleiden / zieren vnd ehren / mit Gewalt / Herrschafft / etc. Vnd doch saget / es sey ein vnflut / des Gott nicht bedarff / zu seinem Reich / ja Gott leidet. keinen rhum vnd trost / auff menschliche gerechtigkeit.

für im mit seiner ehre vnd rhum verdampft sey / Auff das alle Welt für im die augen niderschlahe / vnd sich für im schuldig erkenne / Wie S. Paulus sagt / Rom. 3. vnd 4. auch von den hohen grossen heiligen Vetern / Abraham vnd andern / welche / ob sie wol den rhum der gerechtigkeit der werck für der Welt gehabt / so können sie doch für Gott das mit keinen rhum haben etc. Viel weniger wird der Welt rhum für im gelten / dere / die da heissen löbliche / frome / ehrbare / züchtige Leute / Herrn / Fürsten / Frayen vnd Man / vnd sich solcher gerechtigkeit brüsten wollen.

Wol magstu auswendig für der Welt schön vnd geschmückt sein / Aber inwendig vnd für Gott / bistu doch nichts / denn ein stinckender vnflut / Gleich wie das Exempel von einer Tonnen sagt / die da ward für allen heilig gehalten / wolt nicht mit den andern gemeinschafft haben / verschlos sich allein in irer Cellen / in grosser andacht / vnd betet on vnterlas / rhümet sich sonderlicher offenbarung vnd gesichte / das sie nichts anders wuste / denn die lieben Engel weren vmb sie / vnd setzten ir eine güldene Kron auff / Aber die herausen waren / vnd solchs auch gerne sehen

Irdische gerechtigkeit vnd Regiment / wird Gott gar auffheben.

Exempel einer Tonnen

## Auslegung der Epistel

hen wolten/ sahen durch löchlin vnd spalten einen Büedreck auff irem heubt/ vnd verlachten sie.

Sie/das ist/das S. Paulus nennt/seine gerechtigkeit nach dem Gesetz/ein kot vnd dreck/das er wil den rhum vnd trog derselben fur Gott niederlegen/ ob er sie wol fur der Welt ehret / vnd gerechtigkeit heisset/ Aber wo du fur im hierauff trogen wilt / stellet er hiemit das vrteil/vnd helt dich in seinem Gericht/ fur einen grewel/vnd einen Feind des Creuzes Christi / vnd solche dein ehre zur schande machet / vnd endlich in ewig verdammis wirffet. Aber von der gerechtigkeit des glaubens/so fur Gott gilt in Christo/spricht er also.

Unser Bürgerschaft) oder wandel) ist im Himmel / von dannen wir auch warten des Heilands Ihesu Christi des HERRN/welcher unsern nichtigen leib verfleren wird/ das er ehulich werde seinem verflerten Leibe.

Christi gerechtigkeit machet büerger im Himmel.

**W**ir (spricht er) so in Christum getauffte sind vnd glauben / haben nicht vnser wesen vnd trost gesetzt auff die gerechtigkeit des zeitlichen oder weltlichen lebens auff erden/ Sondern haben ein solche gerechtigkeit / die da hanget durch den glauben an Christo im Himmel/stehet vnd bleibt allein in ihm/ (Sonst würde sie fur Gott nichts sein/ noch bestehen) vnd allein dahin trachtet/ das wir ewiglich in Christo seien/ vnd er vns durch seine zukunfft in jenem leben/auch dieses irdische ein ende / vnd dieses Leibs ein ander leben mache / das er gar new/rein / heilig / vnd dem leben vns leibe Christi gleich werde.

Darumb heissen wir nicht mehr Bürger auff erden/sondern wer da ist ein getauffter Christen/der ist durch die Tausffe ein geborner Bürger im Himmel. Darumb sollen wir vns also halten vnd wandeln/als die dorthin gehört/vnd dabei me sind/Vnd vns jtz des trösten / das vns Gott also annimet vnd dahin setzen wil/Aber in des warten wir des Heilandes/der vns von Himmel herab bringen wird/ewige gerechtigkeit / leben / ehre vnd Herrligkeit.

Den wir sind nicht dazu getauffte vnd Christen worden/ das wir

auff Erden sollen grosse ehre/ rhum der Gerechtigkeit oder Herrschafft/gewalt vnd gut haben/Vnd ob wir es haben/ fur dieses Bauchs leben / sollen wirs doch nur fur kot achten / Damit diesen Dreckbauch schmücken / wie wir können/ fur die / so noch sollen auch von vns/ oder nach vns geborn werde. Aber fur vns sollen wir nur warten vnd sehen/wenn da kome der Heiland / der da komen sol vnd wil/nicht vns zu schaden noch zu schanden (wie den andern) sondern vmb vnsern nichtigen/oder elenden Leibs willen/welcher auch in diesem leben ist ein jemerlicher armer Leib / viel mehr aber wenn er tod in der erden ligt/ vnd verzeret wird.

Christe sind wir/ allen vmb jenes lebens willen.

Nichtiger oder elenden Leib.

Aber wie jemerlich/elend vnd schendlich er ist / beide im leben vnd tod / So wil er in durch seine zukunfft/ so schön/rein/hell vnd klar/vnd voller ehren machen/das er sol ehulich vnd gleich sein/seinem eigen vnsterblichem / herrlichem Leibe/nicht wie er ist am Creuz gehangen vnd ins Grab gelegt/blutrünstig vnd eitel todfarb / in schand vnd vnehre/ Sondern wie er jtz ist zur rechten des Vaters verkleeret / Darumb sollen wir des nicht erschrecken das wir diesen leib müssen ablegen / vnd vns lassen beramben / seiner ehre / gerechtigkeit vnd lebens/vnd durch tod vnd grab hin richten vnd fressen lassen (dafür las sich die feinde Christi entsetzen vnd erschrecken) Sondern des frölich hoffen vnd wartē/ das er nur bald kome/vnd vns von diesem armen stinckenden vnflat erlöse.

Christi zukunfft vmb vnsern lebens verflerung.

Durch die wirkung / damit er kan auch alle ding im vuterrhenig machen.

**I**he/was diese gerechtigkeit Christi fur ehre vnd herrligkeit bringet auch vnserm Leibe/Wo komet dieser arme sündige / elende / vnflechtige / verderbter Leib dazu/das er dem Leibe des Sons Gottes/des HERRN der Maiester/ solt gleich vnd ehulich werden? Was bistu/oder was ist deine vnd aller Menschen krafft vnd vermögen/ das solches an dir geschehen müge?

Christi krafft vnd wirkung/ auch an vnserm Leibe.

**W**olan (spricht S. Paulus) menschen gerechtigkeit / verdienst / rhum vnd krafft/ thun hie gar nichts zu/ Sondern es bleibt eitel vnflat / schande vnd verdampft ding / Aber es ist hie ein ander

der

der Krafft vnd Wirkung Nemlich des/  
der da ist der HERR (Christus) vnd al-  
le ding im Kan vnterhan machen/ Kan  
er alles im gehorsam machen wie er wil/  
so kan er auch den vnflat vnd stanck/ da-  
zu die Maden/ Wärme vnd staub/ des  
elenden Leibs/ herrlich verklären. Denn  
er ist in seinen henden/ als der Thon ei-  
nes Töpfers/ das er aus diesem stincken-  
den Erden Kles/ kan einen schönen/hel-  
len/ neuen/ reinen Topff oder Leib  
machen/ klarer vnd schöner/ denn die  
Sonne.

Denn durch die Tauffe hat er vns  
angenomen/ in seine hende/ eben dazu/  
das er vns für dieses sündliche/ verdam-  
pte/ sterbliche leibs leben/ ein new vns-  
uergänglich gerechtigkeit vnd leben/ an  
leib vnd seel schaffen vnd geben wil/

Das ist die krafft vnd Wirkung / so vns  
zu solcher herrligkeit bringet vnd hebt/  
welches keine irrdische gerechtigkeit des  
Gesetzes nicht vermag zu gebē/ Sondern  
lesset den Menschen mit diesem leben/  
in schanden vnd verderben / vnd kan  
nicht weiter denn der Bauch lebet vnd  
wehret. Aber diese gerechtigkeit Chris-  
ti / wirket solche krafft / daran man  
sibet / das wir nicht den Bauch / son-  
dern den warhaffteigen lebendigen Gote  
haben/ der vns nicht in schanden vnd  
tod lesset/ sondern aus Sünde/tod  
vnd verdammis hilffet / vnd  
auch diesen sterblichen leib  
zu ewigen ehren vnd  
herrligkeit ses-  
gen wil.

## Am XXIII. Sonntag nach

Trinitatis / Euange. Matth. 12.



Da gien



## Auslegung des Euangelij



**D**a giengē die Phariſeer hin / vnd hielten eine rat / wie ſie in ſiegen in ſeiner rede . Vnd ſandten zu im ſe Zün-

ger / ſampt Herodis diener / vnd ſprachen / Meifter / wir wiſſen / das du warhafftig biſt / vnd lereſt den weg Gottes recht / vnd du fragſt nach niemand / Denn du achteſt nicht das anſehen der Menſchen. Darumb ſage vns / Was düncket dich / Iſts recht / das man dem Keiſer zins gebe oder nicht ?

Da nu Ihoſus merckte ſe ſchalckheit / ſprach er / Ir Heuchler / was verſuchet ir mich ? Weiſet mir die Zinsmünze / Vnd ſie reichten im eine groſſen dar. Vnd er ſprach zu inen / Was iſt das bilde vnd die vberſchrift ? Sie ſprachen zu im / Des Keiſers. Da ſprach er zu inen / So gebt dem Keiſer / was des Keiſers iſt / Vnd Gotte / was Gottes iſt. Da ſie das hörten / nam ſie es wunder / vnd lieſſen in / vnd giengen dauon.



**D**ieſ Euangelium iſt an im ſelbs leicht vnd klar gnug / vnd wol zu merckē / ſonderlich vmb des Spruchs vnd der Lere willen / ſo Chriſtus hierin gibt. Erſtlich aber zeigt es / wie trefflich böſe / bittere vnd giffrige wärme das ſind / die Chriſtum vnd ſein Wort verfolgen / vnd wie ſpizig vnd ſchalckhaftig ſie in angreifen / damit ſie in möchten erhaſchen in ſeinen worten.

*Bitterkeit  
vnd Mord-  
gier der ver-  
folger des  
Euangelij.*

Denn die ſchalck vnd Böſewichte hetten in gerne vom leben gebracht / als die ſein vber die maſſe müde waren / das

ſie in weder ſehen noch hören konden / wolten in ſchlechtes tod haben / vnd konden doch kein vrsach auffbringen / weder ſeine Lere noch ſein Leben tadeln / wie ſie es mörderlich gerne getadelt hetten / Darumb ſuchten ſie mancherley tücke vnd liſt / damit ſie vrsach gewönnen in zu verklagen / vnd konden nicht dauon ablaſſen noch ruge haben / bis das Gott inen inen mutwillen geſtatet / das ſie ſeinen Son creuzigten.

Denn ſolchen gehets alſo / vnd ſollen inen ſo gehen / Darnach ſie ringen / das inen ſo gelinge / Gott gab inen friſt vnd vrsach gnug zur Buſſe / durch ſeinen einigen Son / darumb zu inen geſand / Weil ſie aber ſchlechtes nicht wolten / ſo lies er ſie auch dahin gehen / das ſie in den ſelben creuzigten vnd mörderen / auff das ſie ſe ſünde vnd maſſe ja reichlich erfüllten / vnd darnach on alle gnade endlich vertilget worden / Gleich wie ijt des Euangelij ſeinde vnd Chriſtmörder auch thun / vnd inen auch alſo geſchehen wird / Amen.

*W* ſie / wie ſie es hie angreifen / vnd inen gelinget / Da komen zu hauſſ die aller Geleertheſten / vnd Klügſten / ſtecken die Köpff zuſamen / vnd ſuchen einen aus der maſſen behenden Rat / in zum Tod zu bringen / Vnd iſt das der Kluge rat / Wenn mans lang hin vnd her wirfft / ſo ſind zween wege / darin er mag ergriffen vnd beſchuldigt werden. Zumerſten / das er wider den Keiſer ſey / als ein Auffhürlicher / Wenn wir das auff in bringen / ſo haben wir in / wie man in haben ſol / vnd wird billich zum tod verdampft / als der erfunden iſt ein Dieb vnd Reuber des Keiſers / vnd ſchuldig an Keiſerlicher Majeſtet vnd Krone / welchs in allem Rechten iſt eine ſchuld des todes.

Wo dis nicht gehen wil / haben wir noch einen / das wir in funden haben / als einen Gottes dieb / welchs noch erger iſt denn jenes / der Gott ſeine ehre nimet / vnd das Volck verſüret vnter Gottes namen. Denn wo er wil ſagen / das man dem Keiſer müſſe den Zins geben / vnd für vnſern Herrn halten / das were Gott geſchmebet / welcher wolt allein dieſes Volcks Herr ſein / vnd ſie geſireiet hatte für allen Völkern / das ſie keinen frembden König ſoltten haben / Damit were er abermal des tods ſchuldig / Vnd alſo wo er ſich

*Der Phariſeer  
finger  
vnter Chri-  
ſtum in be-  
ſchuldigen.*

er sich hin wendet/ so were er gefangen/ vnd müste jnen in die hende komen/ Bilslichte er dem Keiser seine Oberkeit/ so hette er sie Gott genommen/ Vnd widersumb/ gebe er sie Gotte/ so neme er sie dem Keiser.

Das ist der kluge Rat der Hochuerstendigen vnd heiligen/ den sie beschloffen haben/ Christum mit allem Recht anzugreifen/ entweder als Gottes/ oder des Keisers Feind/ Nicht/ das sie viel nach Gotte/ oder nach dem Keiser fragten/ Denn sie selbs gerne des Keisers weren los gewesen/ vnd jmer auffrührer machten/ wo sie künden/ Vnd auch redlich drob vber die Köpffe geschlagen worden/ das man sie müste hinrichten/ nicht bey zehen oder zwengigen/ sondern bey hundert vnd tausenten/ Wie sie auch endlich/ als die irer art nicht lassen künden/ umb desselben willen gar ausgerott vnd vertilget worden/ So waren sie auch für Gott diebe vnd böswicht/ das sie sein wort felschten/ vnd die rechte Lere verfolgten.

In diesen zweien trefflichen lastern waren sie gar erflossen/ das sie selbs des Todes zwiefeltig werd waren/ beide für Gott vnd dem Keiser/ Vnd sind dazu solche verzweuelte Huben/ das sie wölen einen unschuldigen Man/ mit solcher schuld fangen/ vnd zum tod verdammen/ vnd jnen damit den schein machen/ als seien sie die frömsten Heiligen für Gott/ vnd getrewesten vnterthanen des Keisers.

Wer die Volck war also gewonet/ von alters/ vnd hatten jren Propheten vnd vielen fromen Leuten also gethan/ vnd hernach den Aposteln auch mitgespielet/ Das nicht wunder ist/ obs vns auch also gehet/ Vnd was haben sie/ die Apostel oder wir/ sonderlich zu klagen/ weil sie es an jrem einigen Herrn vnd Gott nicht gespart haben? Die Welt thut jm doch nicht anders/ sie ist des Teufels gar/ mit Gottes dieberey vnd Auffrühr/ vnd doch allzeit den Christen solche schuld auffleget.

Vnd sihe weiter/ wie sie jren Tücf angreiffen/ vnd an jn bringen/ das es jnen ja nicht feile/ Fallē nicht flugs auff jn mit der frage/ sondern machen vorher einen feinen zugang/ damit sie in einnen wollen/ schmücken sich/ als meinen sie es recht vnd gut/ vnd sey jr grosser

ernst/ loben/ vnd krawen jn mit glatten Worten/ Denn sie meinen/ Er sey ein Mensch vnd solcher Prediger/ wie sie sind/ der sich gerne höre also kügeln vnd loben/ Du bist ein rechter Lere/ vnd ein auffrichtiger Man/ was du redest vnd thust/ das ist recht etc.

Denn mit solchem lob/ würde noch wol ein junger Narr verführet/ das er feld ein vnd feld aus Predigte/ was man nur gern hörete/ Wie fast alle falsche Prediger thun/ so nur darumb predigen/ das sie den Rhum bey den Leuten habē/ vnd ehre suchen vnd annemen wo sie können/ Predigen nicht mehr/ denn so ferne sich die selbe streckt/ wo sie auffhöret/ da höret jr Predigen auch auff. Solche gesellen waren sie auch/ wie Christus von jnen sagt/ das sie sich gerne lieffen Kabi nennen etc. Darumb meinen sie/ er sol sich auch also kügeln/ vnd mit dem falschen rhümen bethören lassen/ das er sich gebe in jre zwo gabeln vnd Nordstiche/ ehe ers gewar würde.

Wer es heisst/ Mit Gott nur vnuerworren/ Es gehet noch hin/ das ein Mensch den andern betreugt/ Aber mit jm ist nicht zu scherzen/ Denn er kenne auch schelcke zu wol/ vnd kan sie in jrer höchsten klugheit teuschen (wie die Schrift sagt) vnd durch jr eigen tücke fahen. Also machet er hie/ das diese schelck müssen die lauter warheit sagen (ob sie wol viel anders im herten haben) vnd sich damit zu schanden machen/ Denn das ist die warheit/ das er den weg Gottes warhafftig lere/ vnd schewet sich für niemand/ vnd redets doch jr keiner von herten.

Vnd ist wol zu wundern/ das das mau kan warheit reden/ vnd doch also gebeuget/ das eitel lügen bey jnen ist/ Bey Christo ist es wol war/ aber sie machen jnen selbs eitel lügen draus/ Denn sie richten jn nach jnen selbs/ vnd halten jn für einen Auffrührer/ der dem Keiser verbiete den Zins zu geben/ vnd henge den pöbel an sich/ vnd fürchte sich doch für dem Keiser/ vnd dürffe es nicht öffentlich sagen etc. Das ist jr hertz vnd gedanken/ vnd doch die farbe drüber gezogen/ das sie sagen/ Er lere die warheit recht/ welchs ist ein rhum der Gott wol anstehet.

Also thet auch Caiphas der hohe Priester Joh. 12. da er sprach/ Es were

Caiphas  
prophecy.

Es  
besser/

Die Jäden  
selbs Auff-  
rührer/ vnd  
Gottes die-  
be.

Job 5.

Die Phari-  
seer machen  
sich mit  
jrem eigen  
bekentnis zu  
schanden.

Der Phari-  
seer Tücf/  
damit sie  
Christum  
meinen zu  
sehen.

## Auslegung des Euangelij

besser/das ein Mensch stürbe/vnd nicht das ganze Volck verdürbe / Denn wo wir in gehen lassen (sprach er) so komen die Römer / vnd nemen vns Land vnd Leute etc. Das war ein warhafftig wort vber jren eigen hals / vnd logen doch im hertzen / Denn sie gedachten nicht / das die Römer komen würden / sondern war jnen nur darumb zuthun / das sie Christum vmbbrechten / meineten / sie weren darnach genesen / Vnd widerfur jnen doch eben wie sie vber sich selbs geweißaget hatten / das Christus für das Volck muß sterben / Sie aber von den Römern mit landen vnd leuten verderbt worden.

Also gehets denen / die da wollen Gott teuschen vnd effen / das sie sich selbs effen vñ nerren / Suchen hie felschlich einen lerer der warheit / den finden sie auch an jm / ob sie es gleich nicht meinten / Denn er triffe sie mit der warheit / vnd schlegt sie für die köpffe / das sie zu rück daumeln. Wollen jm etwas fürlesen vnd fragen / da er nicht sol können austomen / nicht vom Gesetz oder Seelen seligkeit / sondern ein vnnötige vnd fehrlliche frage / Den ganzen Mosen / vnd was zu Gottes wort vnd dem weg der warheit gehört / lassen sie sein stehen / vnd erwüßchen eines / das in jre machen sol / Ob man dem Keiser solle zins gebē / Da hat Moses niches von ge-leret / noch Christus damit zuschaffen.

Da (dencken sie) haben wir in gewislich / als zwischen zween spießsen / Denn wo er ja sagt / so haben wir in / als einen Gottes dieb / oder Kezer vnd verleugneren Jüden / der wider Mosen vnd die Propheten leret. Sagt er aber Nein / so haben wir hie Herodes diener / Kommet er denen in die hende / so ist mit jm aus / Kommet er aber dem Pöbel in die hende / so mus er aber sterben / In der beider hende mus er komen. Denn da ist kein ander mittel / weder ja oder nein / vnd kein anders / denn die zweierley Volck / Heiden vnd Jüden / Ist das nicht klüglich gnug angestelt ? Wer kund da für vber / also zu beiden seiten / mit spießsen vmbgeben ? Denn auch sie selbs / wenn man sie mit solcher frage angegriffen hette / hetten sie nicht gewußt daraus zu komen.

Aber hie ist ein ander weisheit / das von sie nicht wußten / noch sich ver-  
sa-

hen / welche heisse Gottes weisheit / Denn er fehet jren spies vnd gabel aus jrem munde / leret sie vmb / vnd sticht sie mit beiden / vnd gibt weder Ja noch Nein zur antwort / sondern zwinget sie dahin / das sie selbs müssen antworten / vnd sich straffen. Da ist er recht ein Meister / wie sie in nennen / vnd beweiset das er kan / auff jre schlipferige frage / durch sie selbs antworten / das sie müssen selbs in die spießse lauffen / vnd sich fahen / eben damit sie in fahen wolten. Vnd fehet doch gleich kindisch vnd herrisch an / heisset in einen zinsgroßschen weisen / vnd frage / wes das gepreg vnd vberschrift sey / als kenne ers nicht / vnd könne nicht lesen / Das sie bald dencken / Warlich / da haben wir in / er fürcht sich / vnd wil dem Keiser heuchlen / thar nicht wider in reden etc.

Aber er nimpt jnen das wort aus jrem eigen maul / das sie müssen sich gefangen geben / mit jrer bekenntnis / Denn sie können vnd müssen nicht anders sagen / denn es sey des Keisers / So schließt er durch solch wort wider sie selbs. Ist die münze vnd bild des Keisers / vnd die vberschrift auch sein / so hab danck / das jr selbs antwortet / vnd ja sagt / was dürstet jr denn mich fragen ? Das heisse recht / Ein andern eine graben gegraben / vnd selbs darein gefallen / vnd ein netz gelegt / vnd sich selbs gehemmt.

Diese kunst kan er wider jederman / wer in wil meistern oder fahen / das er mus sich selbs fahen / vnd dasselb mit seinen eigen worten / Gleich wie Luc. xii. von dem Knecht der sein befohl pfund im schweistuch vergraben hatte / vnd sprach / Ich weis / das du ein härter man bist / du schneitest wo du nicht geseet hast / vnd samlest da du nicht gelegt hast. Da antwortet er / Aus deinen worten richte ich dich / du schalck etc. Das ist / wie du geredt hast / so geschehe dir / Weil du mich heltest für einen harten man / der da nimet wo ich nicht gelegt habe / so geschiet dir recht / das dir solchs widerfare / vnd dein pfund dir genommen werde / als der solch vrtail selbs fellet / vnd machest / das ich mus sauer vnd ernst sein.

Das sage ich darumb / das man sich hute vnd in den sachen / die Gottes sind / nicht scherze / Denn (wie gesage) Menschen

Der Phari-  
seer schalck-  
heit / Christi-  
sum zu sa-  
hen.

Christi ant-  
wort auff  
der Phari-  
seer gefehr-  
liche frage.

Christus sa-  
het die Pha-  
riseer durch  
jre eigen be-  
kenntnis.

Vrtail vber  
den harten  
Knecht  
den sein  
pfund gema-  
men wird.

Menschen kan man betriegen / Aber wenn du es gegen Gott brauchest / so betrengestu dich gewislich selbs. Denn ich hab offte gesagt / das sich Gott eben also gegen dem Menschen erzeigt / wie der selbige gesinnet ist / Vnd wie du denckest vnd glaubest / so hastu in. Der knecht / davon ist gesagt ist / hatte nicht einen sawern harten man zum Herrn (wie er sich denn freundlich vnd gutig erzeigt gegen den andern) Aber weil er jm selbs in so furmalet / vnd das vrtail vber sich sprach / so must er in auch also erfahren.

Wie der Mensch Gott im fur bildet / so hat er in.

Also ist es auch mit vnserm Glauben vnd Vnglauben / Wer in gnedig oder zornig / süs oder sawer malet in seinem hertzen / der hat in also. Darumb ist er nicht zu betriegen / Denckestu / er zürne mit dir / vnd wolle dein nicht / so widerferet dir also / Kanstu aber sagen / Ich weis / das er wil mein gnediger Vater sein / vnd die Sünde vergibt etc. So hastu es auch also. Es gilt aber hie nicht seusschens noch heuchlens / das der mund sage / Er sey gutig vnd gnedig / vnd das hertz anders dencke.

Also / weil in diese einen Meister vnd lerer der warheit heissen / wiewol sie es nicht glauben / sondern felschlich meinen / vnd mit worten in fahen vnd teuschen wollen / Da keret ers also / das sie geteusscht vnd gefangen werden / vnd finden in also / wie sie mit dem maul sagen / ob sie gleich sichs nicht versehen / Gleich als wenn du in fur vngnedig vnd zornig heltest / ob du gleich leugest vnd in vnrecht thust / doch widerferet dir so / wie du in gemalet vnd geurteilet hast / Denn es heisst (wie er spricht) Aus deinem munde richte ich dich. Item / aus deinen worten wirstu gerechtfertigt / vnd aus deinen worten wirstu verdampft etc.

Vnd geschiet dir billich vnd recht also / Warumb sibest du in nicht recht vnter augen / vnd vrtilest wie er ist / oder Glaubest wie an in zu glauben ist / vnd wie er sich durch sein Wort furstellet. Nemlich / einen Lerer vnd Heiland / aler die ire Sünde drücket / vnd gerne wolten from sein / Wenn dir solch bilde nicht gefellet / vnd dafür ein anders dir selbs furmalest / so hab dir's auch.

Darumb gehets diesen recht also / weil sie in wollen mit dem maul zum

Meister haben fur den leuten / vnd doch ir hertz falsch ist / so müssen sie in zum Meister haben / der ire schalckheit auffdecke / Wie der Text sagt / Er mercket ire schalckheit etc. Das ist ein rechter Doctor / Denn die Erzte sol man loben / die da wol vnd gewis wissen / was die seuche sey / so können sie dem Francken deste bas helfen / Sonst wenn sie auff ebentherer einhin geben / so gerets auch wie es kan.

Pharissee finden an Christo on iren danck / ein Meister der warheit

Also höret vnd mercket Christus alhie bald an irem fragen / das sie schelcke sind / Aber weil sie in Meister vnd ein rechten Lerer nennen / als die da wollen von in die warheit hören / wie wol sie liegen / So müssen sie in haben / wie sie suchen / vnd hören das sie nicht gerne hören / das er inen antwortet / Bin ich ein Meister / vnd lere die warheit / so wil ich euch die warheit sagen / was ir seid vnd suchet / So lere vnd meistere ich / das ir heuchler seid / vnd heisse auff deusch / so viel als zwifeltige schelck vnd buben / Zum ersten darumb / das sie nicht from sind / Zum andern / das sie ire schalckheit mit frömmigkeit decken vnd schmücken / vnd also die leute mit falschem schein betriegen wollen.

heuchler zwifeltige schelcke.

Solche zwifeltige schelcke seid ir / Ir suchet nicht Gottes weg / noch die warheit / vnd wöllet gleich wol den schein haben / vnd mich mit falschem lob betriegen / das ich euch fur from halten sol. Aber weil ir nicht wöllet hören die warheit / dadurch ir Selig werdet / so höret die warheit / dadurch ewer schalckheit offenbaret vnd verdampft werde. Denn ich bin ja ein Meister der warheit / aber etlichen zum Leben / etlichen zum Tode vnd verdammis / darnach ein iglichen glaube vnd hertz siehet. Darumb sage ich euch recht vnd war / wie ir im hertzen seid / nemlich heuchler vnd verzwewelte schelcke / denē weder zu helfen noch zu raten ist / vnd zum Teuffel gehören. Die aber from sind oder gerne wolten from werden / denen predige ich also / Kommet zu mir alle / die ir beschwert vnd beladen seid etc.

Sihe / Also treffen sie den rechten Meister der warheit / nicht zu irem heil (welchs sie nicht suchen) sondern zu irem verderben / weil sie der warheit feind sind / vnd nicht gerne sich in solche predigt begeben / vnd doch müssen hören /

Un ij ren /

## Auslegung des Euangelij

ren/das ers jnen saget / vnd dazu durch jren eigen mund zwinget zur antwort vnd bekentnis wider sie selbst / wie gesagt ist.

**Z**uletzt / da er weiter ire böberey gezeiget / vnd sie mit jrer eigen antwort eingetrieben vnd geschweige hatte / feret er vollend gar eraus / vnd spricht / Gebt dem Keiser was des Keisers ist / vnd Gotte was Gottes ist.

*Die Zehntler gestraffet / das sie dem Keiser das seine nennen.*

Also sol man das Kind teuffen / so weis man wie es heisset / Denn das heisset auff Deutsch so viel / Ir wolt dem Keiser nemen was sein ist / vnd habt zuvoren lengest Gotte genommen was Gottes ist / Darumb seid jr erstlich Auffhärer wider den Keiser / weil jr im das seine nemet vnd fürhaltet. Fraget erst / ob jrs geben solt (welchs jr bekennet vnd sagt / es sey des Keisers) vnd denckers jm doch nicht zu geben / Denn das heisset ja recht vnd redlich Auffhärer / wenn man dem Keiser das seine nicht wil geben / sondern viel lieber nemen.

Diese warheit sollen sie hören / von diesem Meister der warheit / ob sie jnen wol gar nichts gefelt / das er sie öffentlich schilt / des Keisers Reuber vnd Diebe / die jm seine Oberkeit vnd was jm gehöret / gerne nemen / vñ selbst Herrn wolt sein / wider jr eigen gewissen / so sie müssen bekennen / das des Keisers münze vnd vberschrifft sey / Vnd sich also selbst verdammen / das sie dem Keiser das seine nicht geben vnd fürhalten / als hetten sie es recht / das sie billich vmb leib vnd gut sollen gestrafft werden / als zwifeltige Auffhärer / Das ist eins.

*Gottesdiebe/Sacrilegi.*

Vm andern / Gleich wie sie des Keisers Reuber vnd Diebe sind / so sind sie auch schendliche Gottesdiebe / vnd nicht allein jm das seine stelen vnd rauben / sondern auch dazu recht haben wollen. Denn das heissen Gottesdiebe / wie der Prophet Jeremias sagt / die Gottes Wort nicht recht predigen / vnd das Wort / so sie geben solten / von Gottes wegen / den Leuten verhalten / vnd geben ein anders dafür / Rauben vnd stelen / nicht Gotte von Himmel herab / sondern den Leuten / welchen es Gott geschickt vnd befohlen hat zu geben. Vnd also Gotte die Seelen rauben / vnd machen / das er keine ehre noch nichts von

*Jeremi. 23.*

jnen habe was sein ist. Solche fröckelich sind sie / die zarten Heiligen / die Christum wollen tadeln vnd verdammen. Darumb sollen sie auch von jm solche predigt hören / das sie nichts denn Auffhärlich vnd Gottesdiebe sind / vnd vielfeltig verdienen / das sie beide Gott vnd Keiser zu tod schlage.

**A**halte gegē diese vnser jzige heuchler / die zarten fröcklin / Bischouer / Pfaffen vnd des ganzen Papsts geschmeis / welche auch Christum in seinem Wort vnd erkandter öffentlicher warheit des Euangelij / vnd seine Christen / aus lauter freuel vnd verstockter bosheit / verdammen vnd verfolgen / Was sind sie anders / denn wie Christus diese malet / Auffhärliche vnd widersezig / Keisers vnd Gottesdiebe? als die weder Gott noch der rechten Christlichen Kirchen / weder Keiser noch einiger Oberkeit gehorsam sein wollen / Sondern selbst Herrn sein / vnd nach allem jrem mutwillen faren vnd leben / das jnen niemand wehren sol noch dürffe / Vnd nicht allein vngehorsam sind / sondern dazu wüthen vnd coben wider die vnschuldigen Christen / würgen vnd morden wen sie können / als wolten sie gern Gottes Reich auff ein mal vertilgen / Wollen gleich wol den namen vnd rhum haben / das sie recht thun / als fromme gehorsame Leute / vnd wir müssen sterben als Keiser / wider Gott vnd die Christenheit / vnd als Auffhärlich wider die Oberkeit / Eben wie diese / weder Gott noch dem Keiser das seine geben / vnd doch sich helle bönnen / vnd from machen / als die aus schuldigem gehorsam vnd trew gegen Gott vnd dem Keiser / Christum suchen vom leben zu bringen / als der geleeret habe wider beiderley gehorsam.

Wie aber / wenn es ein mal dazu kömet / das sich das redlin vmbkeren / vnd die schuld / die sie jzt auff vns Christen treiben / vber jre köpff fallen / wird? Das sie öffentlich erkandt vnd verdampft / als die rechten Reuber vnd Diebe Götlicher vnd Keiserlicher Maiesster / jren lohn kriegen / wie solche haben sollen? Denn ob wol das Euangelium vnd Christus jnen nichts ehret / als der niemand mit der faust straffen / sondern allein die warheit sagen sol / So mögen sie aber zu sehen / das nicht andere komen

*Vnser Papisten bede Auffhärlich vnd Gottes diebe.*

*(wie*

(wie ich seer fürchte/ das inen widerfa-  
ren wird) die mit der faust drein greif-  
fen / vnd sie leren / wie man jene geleret  
hat / das sie müssen auff hören die Chris-  
ten zu verfolgen / Wie man inen wol-  
thun möchte / wenn man wolt jres ei-  
gen Rechts mit inen spielen.

Denn also leret der Papst mit al-  
len seinen Aposteln vnd Jüngern / Ju-  
risten vnd Theologen / Man sey nicht  
schuldig gewalt zu leiden / Sondern/  
Vim ui repellere licet. Das ist / man mag  
sich wider allerley vnrecht vnd gewalt  
wehren billich. Denn das Christus  
spricht Matth. 5. Ir solt nicht wider-  
streben dem vbel / sondern so dir jemand  
einen streich gibt / auff einen backen / dem  
biete den andern auch dar etc. Solchs  
(sagen sie) sey nicht gebotē / sondern al-  
lein geraten / vñ solle niemand dazu ver-  
bunden werden / Das ist gegangen durch  
alle Hoheschulen / Striffe vnd Klöster /  
vnd stehet in allen iren büchern / vnd thū-  
rens auch jzt / noch herrlich dazu rhū-  
men vnd verteidigen / es sey nicht not /  
vnrecht von jemand zu leiden / Sondern  
man möge mit allen ehren dem vbel wi-  
derstreben / vnd widerschlagen / Es tref-  
fe Keiser / oder wen es wölle.

Darumb geschehe inen / nach solcher  
irer lere / kein vnrecht / so man sich wider  
solche vnleidlich gewalt vnd freuel / mit  
gewalt setze / Vnd ich / wenn es gesche-  
he / aus Gottes straffe / durch irgend ei-  
nen falschen prediger oder Rottengeist /  
der das Volck dahin fürete / das man  
solche Tyrannen zu tod schlage / wolt  
ich auch nicht seer klagen / das inen vns  
recht geschehen were / Denn sie ringen  
auch darnach / weil sie nicht allein beide  
mit irer lere vnd that / selbs vrsach ge-  
ben zu auffthur vnd krieg / sondern auch  
vns / die wir recht leren / die Oberkeit  
preisen vnd ehren / vnd auffthur beide  
mit wort vnd that wehren / die schuld  
auff legen / vnd gerne zum tod brechten /  
So sie beide weder Gott noch Menschē  
geben was sie schuldig sind / wölle dazu  
gechret vnd sicher sein / das man nicht  
solle ein wort wider sie reden.

Vnd zwar die Ppiste mit irer rotte /  
habens nicht allein geleret / sondern  
auch mit der that beweiset / wie sie dür-  
ffen on schew sich wider Keiser vnd Kö-  
nige auffwerffen / vnd alle Herrschafft  
verachten vnd mit füßen treten / wols-

ten dazu recht gethan haben / Vnd the-  
rens noch gerns / wenn sie künden / Denn  
sie rhūmen vnuerschampt / sie seien die  
obersten Herrn / vnd haben gewalt vber  
alle Herrschafften.

WENN sie nu solten leiden / das solch  
ire lere vnter inen gepredigt würde / wie  
ich wol selbs thun künde (dafür mich  
Gott behüte) wenn ich lust hette mich  
zu rechen / vnd der Pöbel solcher lere / aus  
iren Büchern vnd recht / folgete / vnd sie  
vber die köpffe schlagen würde / wenn  
wolten sie die schuld geben / vnd wer kün-  
de anders sagen / denn das inen were  
recht geschehen? Denn warumb sind sie  
so verzweuelt vnd verböset / das sie Chri-  
stum mit seiner lere Auffthürisch schel-  
ten vnd lestern / der doch jr HERR ist /  
vnd sie selbs / warhafftig / beide / am  
Keiser abtrünnig vnd auffthürische /  
vnd Gottesdiebe sind / weil sie solche ire  
Gottlose vnd Auffthürische lere treiben  
vnd verteidigen / vnd dazu vns verfol-  
gen / die wir / wie sie selbs wissen / das lau-  
ter Euangelium leren / vnd mit allen  
trewen wider Auffthur predigen / vnd  
so viel an vns ist / wehren vnd verbü-  
ten.

Denn auch sie selbs / wenn sie wolten  
oder künden / für irer verstockter bos-  
heit / müßten sie bekennen / das sie nie-  
mand denn vnser lere zu dancken haben /  
das sie so lang vnd noch / für Auffthur  
geschügt vnd errettet sind / Sonst solt  
es lengest anders mit inen gangen sein /  
Denn durch ire lere künden sie es ja  
nicht erhalten noch erwehren / weil sie  
selbs alle Auffthur stercket / Vnd wenn  
ich die selbe für recht hielte / trawet ich  
auch nicht zu wehren / noch für vnrecht  
zu halten / wenn sich die iren mit gewalt  
wider sie schügerten.

Wer wir wölle trawen nicht leren /  
noch billichen / das man Christus wort /  
solle nur für einen Rat halten / Sondern  
lernen also / das Christen sollen gewalt lei-  
den / vnd die rache einem andern befeh-  
len / nemlich Gotte / Den sie sollen heißen  
(wie sie die Schrifft nennet) Schlacht-  
schafe / die alle stunde müssen warten /  
das man sie hin richte. Solchs wissen  
vnser Papisten wol / das sie für vns sicher  
sind / darumb dancken sie vns für solchen  
schutz / also / das sie nicht kōnen auffhö-  
ren vns zuverfolgen / würgen vnd mors-  
den / bis sie vns gar ausrotten.

Un ij Wer

Des Papste  
lere / Das  
man möge  
sich mit ge-  
walt rechen.

Papisten  
wirden bil-  
lich durch ir  
eigen recht  
vber die  
köpff ge-  
schlagen.

Des Euan-  
gelij lere /  
schüret die  
Papisten.

Psalm 44.

## Auslegung des Euangelij

Der Papi-  
sten zukünftige  
straffe/  
durch andere  
die sie jetzt  
nicht fürch-  
ten.

Aber ehe sie es dahin bringen/ sol-  
len sie andere kriegen/ die jres rechten  
mit jnen spielen/ vñ jren lohn geben wie  
sie verdienen/ auff das sie bezalen müs-  
sen/ was sie am Euangelio vnd an vns  
verwirckt haben/ Denn sie werden jm  
doch endlich nicht entlauffen/ Die weil  
müssen sie leiden/ vnd Gotte befehlen/  
wie vnd wenn er wil vns rechen/ vnd die  
straffe gehen lassen/ die sie verdienen/  
Der wird sie wol zu rechter zeit finden/  
Für vns können sie wol sicher sein vnd  
bleiben/ Wie wol sie sich stellen/ als  
fürchten sie sich für vns/ Gleich wie die  
Pharisæer für Christo vnd dem Volck/  
das an jm hing/ Aber es sollen andere  
komen/ vnd jnen thun wie sie fürchten.  
Gleich wie jenen geschach/ da sie sich  
für Christo fürchten (Der jnen doch kein  
leid thet) kamen die Römer/ da sie nu  
sicher waren/ vnd thaten jnen wie sie ge-  
fürchte hatten.

Also sol es diesen auch gehen/ Für  
vns fürchten sie sich/ so sie doch sehen/  
das wir niches wider sie furgenomen  
haben oder noch furnemen/ sondern jnen  
fried anbieten vnd halten/ Vnd die vns  
fern vnd jederman leren vnd vermanen/  
sich für auffrühr zu hüten/ Denn wir  
wollen vnser hende nicht in jrem blut  
besuddeln/ des sollen sie nicht werd sein/  
noch jmer mehr werden/ Sondern wöl-  
len vnser vnschuld behalten/ vnd wider  
sie rhümen für Gott vnd aller Welt/  
das wir kein schuld haben an jrem ver-  
derben. Aber es werden andere komen/  
die es thun sollen/ vñ jnen eben so thun/  
wie jenen geschehen ist/ vnd darnach dri-  
ber schreiben/ Das haben sie wollen ha-  
ben/ Das das vrcel vber sie gehe/ Pro-  
uerb. 10. Was der Gottlose fürchtet/  
das wird jm begegen/ Vnd wie Christus  
sagt/ Aus deinen Worten soltu gerichtet  
werden/ Vber auffrühr hastu geschrien/  
auffrühr sol dir widerfahren/ So wöl-  
len wir denn auch/ Amen/ vnd Deo gratias/  
dazu sagen.

Das sey denen gesage/ aus diesem  
Text/ die da Christum wöl-  
len raddeln/  
vnd an jm ehre vnd rhum suchen/ das  
sie sehen vnd erfahren/ wie er ein Meister  
der warheit ist/ vnd sie lügen vñ schalck-  
heit auffdecken/ vnd eben das auff sie  
treibet/ des sie in gerne wolten beschül-  
digen/ das sie die rechten Lügner vnd  
Mörder/ oder verfürer vnd auffrührer

sind/ vnd mit gewalt sein wöl-  
len/ vnd  
doch den namen vnd schein von sich auff  
Christum vnd die seinen werffen/ so die  
that nicht haben/ sondern dawider secht-  
ten/ mit leren vnd leben.

Wir aber sollen diesen spruch für  
vns behalten/ zur lere/ wie wir vns  
halten sollen gegen diese beide Reich/  
Gottes vnd des Keisers/ das wir igli-  
chem seine ehre vnd gebür geben/ als die  
beide Gottes ordnung vnd werck sind/  
Vnd nicht ansehen/ ob wol in beiden/  
die/ welchen es befohlen ist/ nicht fromt  
sind/ vnd jres Amtes misbrauchen/  
sonderlich wider die Christen/ Vnd vns  
schelten vnd verfolgen/ als ungehorsa-  
me vnd widersetzige/ Welchs wir sollen  
vnd müssen leiden/ doch so fern/ das wir  
dagegen das recht behalten/ das wir  
sie mit dem munde straffen/ vnd jnen die  
warheit sagen mögen/ vnd die auffge-  
legte schuld nicht auff vns ligen lassen/  
Wenn wir das thun/ so haben wir ver-  
than vnd das vnser ausgericht/ Das  
ander befehlen wir Gott/ wie vnd durch  
wen er sie straffen/ vnd vns rechen wil.

Wir haben aber sonst offte vnd viel  
gesage/ was von diesem Spruch zu sa-  
gen ist/ Denn das ist vnser lere/ die wir  
stets treiben/ das man mit vleis sol vns  
terscheiden/ die zwo Herrschafften oder  
Regiment/ Gottes vnd des Keisers/  
oder Geistlich vnd Wellich Reich/  
Welchs Christus hiemit beides sein vnd  
kurtz hat gedeutet vnd gefasset/ Vnd  
nicht allein vnterscheid gegeben/ son-  
dern auch klar vnd helle fargemalet/  
wie ein iglichs sol gestalt vnd gehan  
sein. Denn das erste/ da er sagt/ Gebe  
dem Keiser/ was des Keisers ist/ be-  
trifft die Vnterhanen/ Das ander Gebe  
Gotte was Gottes ist/ ist sonderlich der  
Oberkeit gesage.

Denn also ist es von Gott geordnet/  
das die Vnterhanen jrem Herrn geben  
sollen vnd müssen/ Denn wo er geben  
heißt/ ist ein zeichen/ das sie müssen neh-  
men/ Vnd heißt es/ das sie gegeben/  
als das man jnen schuldig sey/ das es  
wol mehr möchte wider gegeben/ denn  
schlecht gegeben heissen. Das ist den Vn-  
terhanen gepredigt. Dagegen aber ist  
den Oberherrn solch mas vnd ziel ges-  
steckt/ das sie auch also regieren/ das sie  
den Vnterhanen nicht nemen/ was sie  
nicht ist/ sondern dencken/ das sie auch  
geben

Lere dieses  
spruchs/  
Gebe dem  
Keiser etc.

Vnterscheid  
vnd masse/  
wie weit der  
Oberkeit ge-  
walt gebet.

geben vnd thun was sie schuldig sind/  
Landen vnd Leuten für zustehen / das  
sie zunemen vnd gedeien. Denn darumb  
sind sie von Gott empör in die Mäiestet  
gesetzt / nicht das sie da sitzen als Stul-  
renber / vnd thun was sie gelüster.

Aber wenn man das solt austreis-  
chen / so würde sich finden / das die Wele  
vol eitel grosse Diebe. vnd schelcke sey /  
Oberherrn eben so wol / als der Pöbel /  
Vnd gar ein gering heufflin sind / von  
dem größten / bis zum kleinsten / die da  
recht regiren / oder gehorsam sein. Denn  
mit den Untertanen ist es so gestalt /  
Das / wo ein iglicher seinen Herrn kan  
betriegen / vnd vmb das seine bringen /  
so thut ers / schweige das er gerne geben  
solt / vnd wils doch nicht gerhan ha-  
ben. Also wollen Fürsten vnd Herrn /  
Christliche Fürsten vnd des Keisers ge-  
horsame unterthane heissen / vnd doch  
thun was sie nur selbs wollen / vnd wo  
sie nur köndten / gerne selbs aller dinge  
Herrn vnd Keiser sein wolten.

Des gleichen die Junckern vom  
Adel / so den Fürsten zur seiten gehen /  
wenn sie köndten alles zu sich zwacken /  
vnd die Fürsten gar aus saugen / das sie  
selbs möchten ober die Fürsten mit füs-  
sen gehen / das theren sie gerne / Nemen  
dafür Dörffer vnd Schlöffer / vnd heis-  
sen die lieben getrewen / raten vnd regies-  
ren / das sie fett vnd gewaltig werden /  
vnd beide Herrn vnd Untertan pochen  
vnd plagen / wie sie wollen / Item / wie  
viel sind yet Fürsten vnd Herrn in obern  
stenden / die da können rhümen / das sie  
dem Keiser geben / was des Keisers ist /  
Sondern ire kassen / beutel vnd taschen  
füllen / das können sie alle / vnd findet  
sich nirgend / das dem Keiser gegeben /  
sondern allenthalben genommen vnd ge-  
stolen / wird.

Desem nach / gehets auch in allen  
andern nidern Stenden vnd Emptern /  
Das die Hansknecht ire Herrn / Megde  
ire Frauen / Tagelöner vnd Handwerck's  
leute jederman betriegen vnd teuffchen /  
vnd vnternander einer dem andern auff  
dem Marck / vnd sonst / stelen vnd rau-  
ben / da es frey vnd öffentlich geschiet.  
Vnd gehet so vnternander vnter gros-  
sen vnd kleinen / das kein Fürstenhoff /  
keine Stad / kein Haus ist / das nicht vol  
Diebe vnd schelcke sey.

Wd wenn die Welt nicht mehr /

denn mit dieser Sünde behafft were /  
so were es mehr denn zu viel / vnd kein  
wunder das sie lengest vntergangen we-  
re / Vnd wil doch niemand seiner diebe-  
rey gescholten noch gestrafft sein / son-  
dern ehre dazu haben / Sonderlich die  
Hansen vom Adel / so daher tretten mit  
iren gelen Ketten / Aber wenn man jnen  
solt recht thun / müsten sie nicht die sel-  
ben auff der gassen tragen / sondern müs-  
ste irer vielen also thun / wie man denen  
thut / so etwa fünff oder sechs gülden  
gestolen haben. Aber es gehet wie die  
Weisen sagen / Die kleinen Diebe henge  
man an eisern Ketten / die grossen öffent-  
liche diebe lesst man gehen in gülden Kes-  
ten.

Wd solt es nicht also sein / sondern  
ein iglicher solt auff seinen Stand vnd  
ampt sehen / vnd dem selben nach thun  
vnd geben / wie er schuldig ist. Ja / sprich  
stu / Ist's nicht gnug / das ich niemand  
nichts neme / Ja recht / aber es ist man-  
cherley nemen / nicht allein vnter der  
banck / da dir nichts gelegt ist / oder aus  
eines andern beutel vnd kassen / Son-  
dern auch wo du deinen Herrn vbel vor-  
stehest / vnd ledest schaden geschehen / da  
es nicht aus versehen / sondern aus vn-  
vleis vnd vntrew oder mutwillen ge-  
schiet / Item / wo ein Bürger oder Nach-  
bar den andern vbersetzet vnd vbersche-  
get / Vnd der Adel zwacket vnd schin-  
det / Das heisse nach dem siebenden ge-  
bot alles gestolen vnd genommen / vnd  
sind alle eitel Diebe / on das sie jnen kein  
gewissen dauon machen / Vnd das wort  
(Geht dem Keiser was sein ist) ein sel-  
gamer Vogel ist / Aber des widerspiels  
(Dem Keiser nemen was sein ist) ist alle  
Welt vol / von vnten bis zu oben / von  
dem Hansknecht / bis auff die grossen  
Junckern vnd Fürsten / Das auff erden  
kein Stand ist / der so geplagt wird von  
Dieben vnd schelcken / als des Keisers  
vnd die Oberkeit.

Wd gegen ist der Oberkeit auch zu sa-  
gen / wie sie sich halten sollen gegen  
den Untertanen / Denn da gehets auch  
also / das sie nemen vnd rauben / was  
nicht ir ist / doch vnter dem namen des  
Keisers vnd der Oberkeit / Als wenn  
Keiser oder Fürste zuferet / vnd mit vns  
nötigen auffsetzen vnd andern beschwe-  
rungen / Land vnd Leut plagen / Da  
mußtu deinen text auch hören / wenn du  
In. iij. wilt

Grosse Die-  
be in gelen  
Ketten.

Der Unter-  
thanen Die-  
berey.

Des Adels  
pochen vnd  
zwacken an  
iren Herrn.

Der Welt  
öffentliche  
Dieberey / in  
allen stän-  
den.

Allerley Die-  
be wider  
das siebende  
Gebot.

Oberkeit sol-  
den Unter-  
thanen nicht  
das ire ne-  
men.



## Auslegung des Euangelij

wilt das die Untertanen ire lection halten / vnd dir niches nemen vnd stellen / das du jnen auch wider nicht nemeſt das nicht dein iſt / Denn er hat hie nicht alſo geſagt / Gebt dem Kaiſer / was er wil vnd in geluſtet / Sondern hat jm auch ſein mas geſtellet / wie weit er greiffen ſol / Das heiſſet / Was des Kaiſers iſt / oder dazu er recht hat / Denn was ſein ſol heiſſen / das muſ mit recht ſein.

Drumb muſ man nicht alſo regieren / in Land / Sedren / Heuſern / wie man ſelbs wil / als mochte ein Herr mit ſeinen Knechten vnd geſinde vmbgehen ſeines gefallens / vber des Herrn recht / Denn es heiſſet alſo / Ich bin dir ſchuldig zu geben / das dein iſt / als meines Herrn / nicht was du ſelber haben wilt / Denn es mochte einer ſo viel wollen / ich muſte jm den Kopff oder eine fauſt geben / oder wolt mir meinen lohn / eſſen vnd trincken nicht geben / vnd ſo ſchutzen vnd plagen / das ich keinen faden am leib behielte / Das were dem Knecht ſein recht / vnd der Magd das ire genommen.

Alſo auch wenn ein Bürgermeiſter / Der Herr vnd Regenten Tyranny vnd der Armen. Amptman vnd Regent / die Leut zwingen vnd plagen wil / nach ſeinem mutwillen / das heiſſet nicht Herrn recht / ſondern eben ſo wol geſtolen vnd genommen / wie ein ander jm ſtielet. Aber jzt iſt kein Empelin ſo klein / da nicht ein iglicher wil recht vnd macht haben / zu thun vnd zu heiſſen was in geluſtet / vnd weiſ nicht wie er die Leut drücken ſol / Denken nicht anders / denn weil ſie Herrn ſind / ſo mögen ſie jederman ſchinden / treiben vnd placken wie ſie ſelbs wollen / Wie ſie jzt ſonderlich thun / an den armen Prieſtern vnd Predigern. Das es warlich ein fehrlich ding iſt / in allen Stenden / ſonderlich in hohen Emptern / Denn in den ſelben ſitzen die rechten groſſen Diebe / Denn ein Knecht im Hauſe / ſtiele wol einen Herrn arm / Aber ein Edelman kan ſtelen / das recht geſtolen heiſſet / einem ganzen Fürſtenthum / Landen vnd Leuten.

Drumb muſ man jnen ſagen / wie Chriſtus jnen mit dieſem Text das ziel geſteckt hat / das ſie nicht thun / was ſie ſelbs wollen / Es würde ſonſt zu weit reiſſen / vnd des Papſts recht ober ſie gehen / das ſie die vntertanen vber die Köpff ſchlugen / ob wir wol daſſelbige

nicht leren noch billichen / Denn Chriſtus ſagt nicht / de facto / ſed de iure / Das iſt / Er leret / was iglicher thun ſol / Nemlich / Das die vntertanen ſollten geben / Vnd die Oberherrn nicht mehr denn das ire nemen / Wer aber ſtraffen ſol / wo man beider ſeids dawider thut / da ſagt er hie niches von.

Denn er thut nicht wie der Papſt / der da leret widerſchlagen / Wil auch nicht / das ſich jemand ſol ſelbs rechnen / weder Oberherr noch vntertan / Sondern behelt jm ſelbs die ſtraffe vnd gericht / als der oberſt Herr vnd Gott / Vnd ſpricht / Mein iſt die Rache etc. Deut. 32. Gottes Rache über die Tyrannen. Wo du nicht thuſt / was er hie leret / ſo wirſtu deine ſtraffe wol finden / Thut ers nicht durch dein ordenliche Herrſchafft / ſo thut ers durch Peſtilenz / Krieg / Auffthut vnd ander plagen / Denn er kan die Herrn eben ſo wol ſtraffen / als die vntertanen / Darumb leret er auch beide / die Oberrn vnd vntern / wer ſie ſind / vnd was ſie thun ſollen / Da bey laſſen wirs auch bleiben / Denn wir ſollen vnd wollen niemand zwingen / mit der fauſt vnd ſtraffe / ſondern allein ſagen / was recht iſt / vnd dem vnrechten wehren mit dem munde / Wer denn nicht folgen wil / den thun wir in Van / nach Chriſti lere / vnd ſagen jm / das er des Teufels eigen iſt / Vnd laſſen in faren / Die andern laſſen wir ſtraffen / den Papſt vnd andere / welche es nicht allein bey dem Wore laſſen bleiben / ſondern mit der fauſt drein greiffen.

Das iſt kurz von dem erſten Stand oder Regiment geſagt / was beide Ober vnd vnter ſtende thun ſollen / das man doch ſehe / wie fern wir von dieſer Lere ſind / vnd wie die Welt allenthalben vol Dieberey iſt. Aber da iſt erſt der Teuffel vnd Tod / wenn man ſolt diſ ſtück (Gebt Gotte was Gottes iſt) ausſtreichen / vnd ſagen von den Gottesdieben / die da ſind im geiſtlichen Regiment der Chriſtenheit / Als ich vnd meines gleichen. Denn ſo hoch der Himel vber der Erden iſt / ſo fehrlich vnd ſchwer iſt diſ Ampt / gegen dem Weltlichen oder Kaiſerlichen Regiment / Wiewol es auch fehrlich ſat iſt / wenn ein Oberkeit regiret / vnd nicht Gott anruſt vmb hülffe / ſeinen ſtand recht zu führen / on ſchaden der vntertanen / Aber wenn in diſ Ampt ein vnreiner

Geistliche  
Gottesdie-  
be/ falsche  
Prediger.

wer Pfarher oder Prediger gerett/ das sind nicht brot/ fleisch noch Kleiderdiebe/ damit man den Leib erneeret/ damit die Juristen zuthun habē/ Welche nicht mehr leren/ denn wie man den Bauch erhalte/ vnd solcher Dieberey stewart.

Aber diese/ welche sind in dem Ampt/ da sie sollen der Seelen geben ewig brot vnd leben/ vñ geben dafür ewigen durst/ hunger vnd blöffe/ nemen das Wort/ das durch der Mensch gespeiset vnd erhalten wird vom tod zum ewigen leben/ Das heissen nicht schlechte Bauchdiebe/ sondern Gottes vnd des Himmelsreichs Diebe/ Wie jetzt sind/ Papsst mit seinen Bischoffs larnen/ vnd alle die an im hangen/ die den leuten nichts predigen/ ja auch weren Gottes wort an zu nemen/ vnd was das selbige gibt vnd mitbringet/ Vnd machens jetzt so grob/ das sie noch beiderley gestalt des Sacraments/ von Christo eingesezt (wie sie selbs wissen) aus lauter gewalt vnd freueler thurst verbieten vnd wehren/ Das sie fur aller welt billich nicht anders zu halten noch zu heissen sind/ denn Sacrilegi/ öffentliche Gottesdiebe vnd Keuber seines Worts vnd Sacraments.

Sacra-  
ments Die-  
be/ die Pa-  
psten.

Der armen  
Pfarrern vnd  
Kirchen  
Diebe vnd  
Keuber.

Die Gleichen sind solcher viel/ auch vnter vnsern/ so die armen Pfarrer so plagen vnd drücken/ mit hunger vnd Kummer/ das sie nicht können bey irem Ampt bleiben. Welche machens auch böse gar sat/ nemen beide des Bauchs güter (Wie des Papssts vnd Pfaffen volck auch thut/ das sich in Geislichen gütern weidet/ vnd nichts dafür predigt noch predigen leßt) vnd auch des Himmels/ Mengen sich in beide Diebstal/

auff das sie ja desse schwerer vnd vntreglicher straffe verdienen/ Vnd gegen den andern Dieben eitel Kinderpiel sind/ Vnd ist doch die Welt eben so vol/ dieser schendlichen Dieberey/ als der andern/ vnd durch vnd durch nichts anders denn eitel/ eitel Diebe/ von oben an bis vnten aus/ vnter kleinsten vnd größten.

Aber wie wirds auch zu letzt zu gehen/ wann die zeit des Gerichtes komen wird? Denn was ist es/ das Gott sol jmer schreien vnd predigen/ Gebt doch Gotte vnd dem Keiser/ vnd sol alles vmb sonst sein? Vnd solt im so lassen im maul mehren/ vnd sich fur einen Narren halten/ ja sein Wort mit füßen treten? Da mus zu letzt einest eitel Sündflut/ Donner/ Blitz/ vnd Hellsch fiewr vber die Welt regnen.

Zukünfftige  
straffe/ vber  
die Welt.

Das kan vnd sol nicht anders sein/ weil sie so thürftiglich on alle gewissen in irer Dieberey fortferet/ wider Gottes vnd des Keisers Recht/ vnd aus einem einfeltigen/ zwifeltigen Diebstal macht/ weil sie es noch verteidigen/ vnd nicht wollen wehren noch straffen lassen/ Das sol vnd kan er nicht leiden/ Er neme nur vns sampt den vnsern mit gnaden hinweg/ das wir den zukünfftigen jamer vnd straffe nicht sehen/ Denn es ist zu gar vber macht/ vnd eine Sünde/ die da wol möcht eine ganze welt vol Sünde heissen/ so gros vnd mancherley/ das nicht so viel laub vnd gras auff Erden ist. Gott aber behüte vnd erlöse vns davon/ vnd gebe/ das wir mit ernst an seinem Wort halten/ damit wir nicht in solchem schendlichen laster bleiben/ Amen.

## Am XXIII. Sontag nach

Trinitatis/ Epistel/ Coloss. 1.



Ir danken  
Gott vnd  
dem Vater  
vnseres JE-  
XU Ihesu  
Christi/ vnd  
beten alle  
zeit fur euch/

Nach dem wir gehöret haben/ von eurem Glauben an Christum Ihesum/ vnd von der Liebe zu allen Heiligen/ vmb der Hoffnung willen/ die euch beygelegt ist im Himmel/ von welcher ir zuuor gehöret habt/ durch das Wort der warheit/ im Euangelio. Das zu euch komen ist/ wie

## Auslegung der Epistel

ist / wie auch in alle Welt / vnd ist fruchtbar / wie auch in euch / Von dem tage an / da jr gehört habt / vnd erkand die gnade Gottes in der warheit. Wie jr denn gelernet habt von Epaphra vnserm lieben Mitdiener / welcher ist ein trewer Diener Christi fur euch / der vns auch eröffnet hat etwer liebe im Geist.

Erhalten auch wir / von dem tag an / da wirs gehört haben / hören wir nicht auff / fur euch zu beten / Vnd bitten / das jr erfüllet werdet mit Erkenntnis seines willens / in allerley Geislicher weisheit vnd verstand. Das jr wandelt würdiglich dem HERRN / zu allem gefallen / Vnd fruchtbar seid in allen guten werken / Vnd wachset in der erkenntnis Gottes. Vnd gestärket werdet mit aller Krafft / nach seiner herrlichen Macht / in aller gedult vnd langmütigkeit / mit freuden. Vnd danck saget dem Vater / der vns tüchtig gemacht hat / zu dem Erbteil der Heiligen im lichte. Welcher vns errettet hat von der Oberkeit der finsternis / vnd hat vns versetzt in das Reich seines lieben Sons / An welchem wir haben die erlösung / durch sein Blut / nemlich / die Vergebung der sünde.

Summa  
dieser Epistel.



Und Paulus nimet fur sich in dieser kurzen Epistel viel stück / davon er redet. Als furnemlich vom Glauben / Liebe / Gedult / Danckbarkeit etc. Denn er ist aus der massen reich von solchen sachen zu reden / als ein auserwelter Gefess oder Rüstzeug Gottes (Wie er in selbs nennet Act. 9.) das ist / der aller beste Prediger den er hat gehabt auff erden. Aber sonderlich ist er vberreich in dem stück / da er anseheth das heubstück des Euangelij oder Glaubens Christi weiter auszustreichen / vnd Christum so

hoch hebt / beide / nach seinem Reich vnd seiner Person / als der es gar vnd alles ist in seiner Kirchen / Goet / Herr / heubt / Meister / Exempel / vnd was man Götlichs vnd guts mag sagen vnd rhümen.

Wifenglich lobet er die Colosser / vñ sagt / wie er hab ein seer gut geschrey von im gehört / Das sie haben den Glauben an Christum / vnd die liebe zu allen Heiligen / Dazu fest halten an der hoffnung des ewigen Lebens / so inen schon bey gelegt ist im himel / Das ist / das sie sind rechtschaffene Christen / die sich nicht haben lassen abwenden / von dem reinen Gottes wort / sondern mit ernst daran hangen / vnd sich mit der that vnd fruchten beweisen / das sie recht glauben / weil sie die Liebe gegen den armen Christen vben / vnd vmb Christi willen / in der hoffnung der verheissen Seligkeit viel erliden haben / Sener also so an inen ein furbilde vnd spiegel des ganzen Christlichen lebens.

Wiff solches feret er nu fort / vnd spricht / Weil ich solches von euch gehört habe / bin ich herzlich erfreuet / das jr so einen guten anfang habt. Denn es scheint / das er nicht selbs inen erstlich gepredigt habe / Wie er hernach am 2. Capitel sagt / wie er sorge fur sie vnd andere / die sein angesicht nicht gesehen / Vnd auch hie zeigt / das sie das Euangelium vnd Christum gelernet haben von Epaphra seinem Mitdiener etc. Vnd darumb bitte ich auch inen weiter fur euch (spricht er) das jr also fort fahret / zunemet / vnd dabey bleibet. Denn er gibt fur sich vñ vermanens allezeit wol bedarff bey den Christen / das sie bestendig / vñ wandelbar vnd vnerrücklich bey dem angefangen Glauben beharren / wider des Teuffels vnablesig ansehren / der Welt bosheit / vnd des Fleisches schwaichheit im Creutz vnd leiden.

Das jr erfüllet werdet (spricht er) mit erkenntnis seines willens etc. Das ist die furnemeste bitte vnd wünsch / welches wo es erlangt ist / da hat es darnach nicht not. Es heisset aber erfüllet werden / das ist / nicht allein mit den ohren ergreifen vnd fassen solch erkenntnis / sondern auch darin reich vnd inen voller vnd voller werden. Ir habe

Ir habt nu wol angefangen / vnd seid schöne / junge / frische pflanzen / Aber es ist nicht also darumb gethan / das es gnug sey angefangen / oder das es auff ein mal / so mans gehöret vnd nu weis / darumb bald angelernt vñ gar erschepffte sey / Sondern es ist ein solch ding / das da mus jmerdar getrieben vnd geübt werden / weil wir hie leben / so lang bis es gang rund vnd vollkomen werde.

Dem Gottes willen erkennē / heisse nicht / das man allein von Gott zu sagen wisse / wie Jüden vnd Türcken von jm reden / das er Himmel vnd Erden geschaffen habe / das Gesetz gegeben / Welchen ist wol offenbaret / das / so man von Natur von Gott wissen kan / durch die werck der Schepffung / Rom. 1. Vnd zeiget auch Gottes willen in dem / so wir thun sollen. Weil wir es aber nicht thun / so ist vns damit noch nichts geholffen / vnd bleibt ein vergeblich ledig erkentnis (so es allein ist) darnach nichts folget seines willens in vns / Ja / es wird endlich ein verdämlich erkentnis vnsers eigens ewigen verderben. Sondern wo dieses nu erkant wird / da mus als denn ein ander erkentnis an gehen (sol dem Menschen geholffen werden) das ist das / dauon Christus Joh. 6. sagt / Das ist der wille des Vaters / das / wer den Son sihet / vnd glaubet an in / habe das Ewige leben. Item / Matth. 18. Es ist nicht der wille des Vaters / das jemand verloren werde / der die an mich glauben etc.

Dem weil wir seinen willen nach der ersten offenbarung nicht gethan haben / vnd darumb müsten vnter seinen ewigen vntreglichen Zorn / verstoffen vnd verdampt sein / So hat er durch seine Göttliche weisheit vnd barmherzigkeit / solchen rat vnd willen beschlossen / das er seinen einigen Son wölte lassen vnser Sünde vnd zorn auff sich nemen / vnd dafür ein Opfer vnd bezalung werden / auff das dadurch der vntregliche Zorn vnd verdammnis von vns genommen / vergebung der Sünden geschenckt / vnd der heilige Geist in vnser hertz gegeben würde / auff das wir nu lust vnd liebe zu Gottes geboten haben.

Des Jansen willen hat er selbs durch den selben seinen Son offenbaret / vnd jm befohlen / der Welt zu verkündigen / Wie er auch selbs vns auff in weist / sol

ches bey jm zu suchen / da er spricht / Dis ist mein lieber Son / daran ich wol gefalen haben / Den solt jr hören.

Solch erkentnis wölte S. Paulus gerne / in vns also zunemen / das wir nur des reich vnd voll (das ist / gang gewis) werden. Denn es ist gar ein trefflich gros erkentnis / das ein menschlich hertz in sünden geborn / sol sich des können erwegen vnd gewis sein / das Gott im abgrund seiner Maiestat vnd Göttliche hertzen endlich vnd vnwiderrüfflich beschlossen habe / vnd von jederman wil angenommen vnd geglaubt haben / das er die Sünde nicht wil zurechnen / sondern vergeben / vnd gnedig sein / vnd das er wil geloben schencken / vmb seines lieben Sons willen.

Solches erkennen vnd gewislich glauben / ist nicht so leicht erlernet / wie man ander ding lernen kan / oder auch wie die ander erkentnis des Gesetzes ist / welche on das ist in die Natur geschrieben / vnd wo sie recht das hertz trifft / da wird sie allzu starck / das der mensch allzu wol Gottes Zorn erkennet vnd fület / Ja / es hindert dis am allermeisten auch die Christen vnd Heiligen / an diesem erkentnis des willen Gottes in Christo / vnd on das / das hertz vnd gewissen sich selb mus schuldig geben vnd bekennen / das es zorn verdienet habe / vnd darumb natürlich fur Gott erschrickt vnd fleucht / So bleset vnd schäret hie der Teufel auch zu / vnd stecket dem Menschen in das hertz sein böse fewrige pfeile / gewaltlicher vnd schwerer gedanken / bildet in nichts fur / denn eitel schreckliche bilde vnd Exempel Gottes zorns / vnd füllen den Menschen so gar mit solchem erkentnis / das er nichts anders sehen noch denken kan.

Und leret sich also dis erkentnis nur allzu seer wol / das es dem Menschen / schwer vnd sawer wird / durch das erkentnis Christi wider zu verlernen vnd vergessen. So hilfft die böse Welt auch getrost dazu / mit irem bitterm hass vnd giftigem mordgeschrey / vber die Christen / als die ergesten leute / verbannete / verdampfte Gottes feinde etc. Zu dem / das sie sonst die schwachen mit irem Exempel ergert / vnd vnser fleisch vnd blut auch nach andern strebt / vnd vns zu rück zeucht / helet viel von seiner eigen weisheit vnd heiligkeit / dauon es ehre vnd

Recht erkentnis Göttlichen willens.

Gottes willen im Euan gelio offenbaret / von der Verfassung durch Christum.

Wie schwer es ist / Gottes willen nach dem Euan gelio zu erkennen.

## Auslegung der Epistel

und thum haben möge/oder sicher in seinem trog / geitz / wollust lebe etc. Also/ das ein Christen hie allenthalben in grossem schwerem Kampff siehen mus/ beide wider Teuffel vnd Welt / vnd auch wider sich selbs zu fechten / wo er wil vnd sol dis erkentnis erhalten.

W<sup>e</sup>il denn dis Erkentnis des Euan gelij/so schwer/vñ der Natur so frembd ist/So thut es wol not/das man mit allem vleis darumb bitte/vnd darnach erbeite/das man des jmer völler vnd völler werde / vnd den willen Gottes nur wol kennen lerne/Denn vnser eigen erfahrung hievon zeugt/ wo er zu schwachlich vnd nicht wol erkennet wird/wie leichtlich dem Menschen mag ein klein vnglück begegnen / oder geringe fahr vnd not/ schrecken/da flugs solche donnet schlege sein hertz stürmen/O weh/ Gott ist mir feind/ vnd wil mein nicht etc.

Sagen vnd zappeln des hertzens/ wo diese Erkentnis zu schwach ist.

W<sup>o</sup> her kömet solch leidig O weh/ einem Christen ins hertz/ ober einem kleinen schedlin? Werestu hie dieser Erkentnis so voll/ als du ja sein soltest/ vnd als sich viel sichere / satzame Geister lassen düncken/ so würdestu nicht also erschrecken noch schreien. Weil du aber also zappeltst vnd zagest/ O HERR Gott/ warumb ledestu mir das widerfaren? Das heisse ja noch seine willen nicht erkand/ oder zu mal lose vñ schwachlich erkand/ Denn da ist noch das O weh viel grösser/ denn die freude / so diese erkentnis/ wo sie starck vnd völlig ist/ mit sich bringet/ Welche ja solt alle furcht vnd schrecken weit vberwegen/ ja gar vnd ganz wegnemen vnd auffheben.

Darumb lasse vns auch hieran lernen/ vnd mit S. Paulo darumb bitten/ als das vns vnd allen Christen zum höchsten not ist / das wir mögen solch völlig Erkentnis haben / das ist/ nicht allein anfahen/ vnd vns düncken lassen/ als sey es daran gnug / oder darin stille zu stehen/ als hetten wir es ergriffen. Es ist nicht damit gethan/ das die pflanzen gesetzt sind / wo nicht nachfolget das begiessen vnd fortbringen/ beide durch Gottes Wort vnd Gebet / wider den Teuffel/ der tag vñ nacht darnach trachtet/ solch pflanzlin zu dempffen vnd vnder schlagen / wo er es sihet auffgehen. Vnd wider die Welt / welche nur das widerspiel dieser Erkentnis suchet vnd treibt / vnd dawider dencket mit ier

Erkentnis Gottes wil lens/ mus jmer völler werden.

Weisheit vnd Vernunft / Das / wo Gott hie nicht ober vns hielte / vnd solch Erkentnis sterckte/ so würden wir wol sehen / was der Teuffel tünde/ vnd wie weit vnser kunst reichete.

Des zeiget vns auch das Buch Hiob/ ein gut Exempel/ als in einem feinen geichte/ von einem Poeten gemacht / wie der Satan für Gott kömet/ vnd der HERR zu jm sprach / Hastu nicht acht gehabt auff meinen Knecht Hiob/ Denn es ist sein gleiche nicht im Lande / schlecht vnd recht / vnd Gottfürchtig etc. Da antwort der Satan/ Ja/ du hast in mir deinem schutz vmbbringeret vnd verwaret/ das ich nicht zu jm kan/ Aber las nur deine hand ab/ was giles/ ich wil in bald dazu bringen / das er dir ins an gesicht fluchen solt/ Wie er auch hernach thut/ da er in hat gefället / nicht allein mit bösen schweren / sondern mit seinen fewrigen pfeilen vnd gewulichen gedanken von Gott.

Also sagt auch Christus zu Petro vnd den Aposteln/ Der Satan hat ewer begert / das er euch sichte vnd worffele wie den Weizen / Aber ich hab für dich gebeten/ das dein Glaube nicht auff höre/ Samma / wenn im Gott nicht wehret / so thar er hie auch die grösten/ stercksten Heiligen stürzen.

Darumb/ ob wir schon sind Christen worden/ vnd den anfang dieses Erkentnis haben/ sollen wir doch in furcht vnd demut wandeln / nicht des vermessens/ wie die verdrieslichen / sichern Geister dencken / sie habens auff ein mal gar erschepfft / vnd wissen ier kunst kein mas noch ende / Welche hat der Teuffel sonderlich lieb / denn er ist jr mechtig / mit er selbs wil/ vnd thut durch sie auch bey andern grossen schaden / mit ier Leere oder Exempel / das sie auch sicher werden/ dencken nicht/ das sie Gott möchte sincken lassen/ vnd der Teuffel in so nahe sey.

Es mus warlich hie / mit ernst vnd vleis Gottes Wort gehandelt vnd gebetet sein / nicht allein das man Gottes willen erkennen lerne/ sondern auch das mit erfüllet werde / Vnd ein jeder jmer in dieser Regel gehe vnd stets fortfare/ vnd dem nach jage vnd strecke/ das er je mehr vnd mehr trost vnd stercke habe/ wider die furcht vnd schrecken / noch den Teuffel / Welt / Fleisch vnd Blut/ sich

sich daran hindern vnd auffhalten lasse.

Erkenntnis  
Gottes wil-  
lens/ sol vns  
mer fröli-  
cher vnd lu-  
stiger mache

**D**enn diese fülle der Erkenntnis/ ist al so gethan/ das wer sie hat/ der wird ir nicht sat noch vberdröffen / sondern inner je lustiger vnd frölicher dauon/ vnd je lenger je begiriger vnd dürstiger darnach/ Wie die Schrift sagt/ Wer mich trincket/ den wird noch mehr nach mir dürsten etc. Denn auch die lieben Engel im Himmel/ des nicht sat werden (wie S. Petrus sagt) sondern haben ir ewige freude vnd lust daran/ das sie es mögen schawen/ das vns geoffenbart vnd gepredigt wird / 1. Pet. 1.

Darumb/ wo nicht auch bey vns ist dieser hunger vnd durst (Wie wir doch viel mehr solten haben weder die Engel) solchs reichlich vnd völig zu begreifen/ bis wir es auch mögen ewiglich schawen in jenem lebē/ Da ist noch nicht mehr dauon/ denn ein blosser lediger schawm/ so weder trencken noch setzigen/ weder trösten noch bessern kan.

Durch leidē  
vnd marter  
braucher  
Gott die Er-  
kenntnis zu  
erwecken.

Aber das dieser hunger vnd durst in vns erwecket vnd getrieben/ vnd das vöilige Erkenntnis erlangt werde / da thut Gott seer wol bey seinen Christen / das er inen anfechtung/ trübsal vnd leiden zu schickt/ welchs sie beide für fleischlich/ ein vberdrus bewaret / vnd leret trost vnd hülffe suchen/ Wie er vorzeiten zur zeit der Marterer gethan / da er sie liegiglich bey dem kopff nemen / vnd hinrichten/ durch schwert / feuer / wasser / wilde Thier etc. füret sie also recht zur Schule/ da sie musten Gottes willen lernen erkennen/ vnd also trogen/ Mein lieber Tyrann/ Welt/ Teuffel vnd Fleisch/ du magst mir wehe thun / stöcken / plagen / veriagen / leib vnd leben nemen/ Aber meinen HERRN Christum/ das ist/ Gottes gnade vnd barmherzigkeit/ solen mir nicht nemen.

Also leret vnd stercket sie der Glaube/ das dis were Gottes unwandelbarer wille / so er vber sie beschlossen hette/ vnd nicht künde endern/ ob er sich gleich viel anders dazu stellet / gleich wie er mit Christo selbs auch gethan hat/ Vnd durch solche vbung vnd erfahrung des Glaubens/ worden sie so gesterckt / das sie es gleich gewonet / vnd giengen zum tod mit lust vnd freuden.

Wo komet solcher mut vnd trost her / auch den jungen Meidlin von 13.

vnd 14. Jaren/ als Zagnes/ Agatha etc. Das sie so keck stehen für dem Römischen Richter / vnd dazu schertzen / da man sie zum Tod füret / als giengen sie zum tanz? On/ das der feine feste Glaube vnd gewis Erkenntnis/ ir hertz erfüllet hat/ das Gott nicht mit inen zürne/ sondern eitel gnediger vnd barmherziger wille sey / zu frem höchsten ewigen heil vnd seligkeit.

Zagnes.  
Agatha.

Sihe / solch trefflich erlenchte/ starcke/ behergte Leute/ hat er gemacht durch die vbung des Creuzes vnd leidē/ Dagegen wir/ weil wir solchs nicht wölen erfahren / so schwach/ ja weich vnd faul sind / das / wo vns ein wenig der rauch in die augen beisset / so ist freude vnd mut dahin/ vnd dieser Gottes wille vnertand/ vnd wird ein lanter Zettergeschrey O weh daraus/ Wie denn geschehen mus/ wie ich gesagt habe / wo ein hertz hierin gar vnuer sucht vnd vngewonet ist.

Gleich wie auch die Jünger Christi im Schiff / da sie sehen einen Sturm wind daher gehen/ vnd die wellen vber das Schiff schlagen/ vergessen sie für zittern vnd zagen / dieses Götlichen willens gar/ so sie durch Christum bey sich haben/ vnd ist da lauter engstlich weh/ Plagen/ on das sie noch in demselbē nach hülffe schrien/ O HERR hilff/ wir verderben. Also sind auch viel zur Marterer zeit vnter den Christen gewesen / die da weich worden vnd erstlich verleugneten/ etliche aus furcht der Marter / etliche auch/ das sie lange zeit im Kercker gelegen waren.

Darumb wil er/ das auch wir solches lernen gewonen/ durch anfechtung vnd leiden/ wennes vns schon sawr vnter augen gehet/ vnd das hertz wil anfahen zu pochē/ vnd sein O weh schreien/ das wir es können stillen vnd sagen / Ich weis Gottes sinn/ rat vnd willen in Christo/ den er nicht wird endern/ weil er mir solches durch seinen Son zugesagt / vnd durch die Tauffe bestetigt/ das / werden Son sibet vnd höret / der sol der sünden vnd tods frey sein/ vnd ewig Leben.

Vbung im  
leiden/ Gotes  
willen zu  
erkennen.

Sihe/ das ist/ so S. Paulus heisset/ Erfüllet werde der erkentnis Götlichen willens in Christo / durch den Glauben des Euangeli/ Nemlich/ der glaube vnd trost der vergebung der sünden/ weil wir seines willens in den Zehen geboten in

völig er-  
kenntnis göt-  
lichen willens.

## Auslegung der Epistel

uns selbst nicht haben noch erfüllen können. Das ist nicht ein müßiger fauler gedanke/ sondern ein lebendige thetliche kunst/ die da bestehet für Gottes gericht/ kempffet mit dem Teuffel/ vnd herrschet vber sünde/ tod vnd leben.

Erkenntnis  
des Glaubens/  
wirdt  
angefangen  
gehorsam  
des Gesetzes.

Wo nu solch erkenntnis oder glaube ist/ da folget darnach auch/ das das hertz durch den Heiligen Geist entzündet/ lust vnd liebe kriegt zu Gottes geboten/ vnd anfehlet sie zu halten/ preiset Gott durch sein bekentnis vnd leben/ wird ein geduldig/ keusch/ züchtig/ sanfftmütig/ gütig vnd freundlich Mensch/ Vnd also recht erfüllet heisse solcher erkenntnis/ das ist/ allenthalben gerüst/ gestärckt/ zu bestehen vnd durch zu dringen wider Fleisch/ Welt/ Teuffel vnd Helle.

**D**as heisse denn auch/ wie S. Paulus dieses weiter verkeret/ allerley geistliche weisheit vnd verstand/ Das ist nicht der Welt weisheit/ darob man nicht also darff streiten/ vnd kein solche anfechtung haben/ denn sie gehet mit andern sachen vmb/ Noch der Vernunft/ welche sich auch vnterstehet diese göttliche sachen zu vrteilen/ vnd kan sie doch nimmer verstehen/ sondern wenn sie schon höret/ sellet sie doch flugs davon/ in iren zweifel oder zagen.

Geistliche  
weisheit.

Weisheit aber/ ist in S. Paulo/ wo er diese zwey wort beyeinander setzt/ eben die hohe heimliche verborgene lere des Euangelij von Christo/ das da leret Gottes willen erkennen/ Vnd ein weiser Mensch heisse/ ein Christen/ der da sich vnterstehet vnd weis zu reden/ beide von Gottes willen gegen vns/ vnd wie wir denselben im Glauben erkennen vnd zunemen/ vnd darnach auch in seinem gehorsam leben/ sollen. Das ist solche Weisheit/ die nicht die Vernunft erdacht/ noch in keines Menschen hertz komet/ vnd keiner der obersten dieser Welt nicht erkand hat/ Wie S. Paulus 1. Corinth. 2. sagt/ Sondern von Himmel offenbart wird durch den Heilige Geist/ denen/ die da glauben dem Euangelio.

Verstand.

Zu dieser Weisheit/ auff das sie völig vnd ganz werde/ gehöret auch das ander/ so er nennet den Verstand/ Das ist/ ein vleissig auffmercken/ das zu behalten/ so man empfangen hat/ Denn es kan geschehen/ ob gleich ein Mensch die Weisheit hat/ das er dennoch etwa vom Teuffel mit so schwindem einge-

ben/ schöner klugen gedanken/ ober müzorn/ vngedult/ ja auch mit geitz vnd der gleichen reizungen/ durch guten schein vberleitet wird/ Darumb mus er hie fürsichtig/ munter vnd wacker sein/ das er sich für dem listigen nachstellen des Teuffels hüten könne/ vnd seine geistliche weisheit iherdar zu rat neme/ in allem was im furkomet/ damit er möge vnbetrogen bleiben.

Das heisset S. Paulus vnd die Verstand Schrift/ verstand/ der da kan der weisheit wol brauchen/ vnd mercken was der selben gemes ist oder nicht/ vnd sie also ins werck bringen/ sein richtig vrteilen vnd vnterscheiden/ alles was im mit dem namen vnd schein der Weisheit furkomet/ Vnd damit gerüstet sich wehren/ das er nicht etwa wider seine Weisheit fare. Darumb mus er hie iherdar auff Gottes wort sehen/ vnd dasselb vben vnd treiben/ damit im nicht der Teuffel ein ander geplert oder jehum für die augen mache/ vnd in berückel/ er sichs versihet/ Wie er denn wol kan/ vnd darnach erachtet/ durch allerley wege vnd mittel/ wo sich der Mensch nicht hütet/ vnd Gottes wort zu rat fraget/ Wie Dauid im 119. Psalm durch sein Exempel vns leret/ Ich behalte dein Wort in meinem herten/ auff das ich nicht wider dich sündige. Item/ Ich habe lust zu deinen Geboten/ das sind meine Katsleute etc.

Es mag gar leicht/ wenn der mensch/ (ob er gleich Gottes wort gehöret/ vnd wol weis) entweder sicher dabeihet/ vnd mit andern sachen sich befaßmert/ oder etwa angefochten ist/ vnd Gottes wort aus den augen leßet/ das er durch heimliche tücke vnd griff des Teuffels verführet vnd berückel/ oder in im selbst irre wird/ das er seine Weisheit darob verleuret/ vnd weis im selbst weder zu raten noch zu helfen/ auch wol in kleinen geringen anfechtungen.

Denn beide der Teuffel vnd Vernunft oder menschliche weisheit/ können hie aus der massen sein disputieren vnd syllogisieren/ das einer wehnet/ es sey die rechte Weisheit/ vnd ist es doch nicht. Es hat ein weiser Man bald genarret/ ein mensch bald geirret vnd gezeilet/ auch ein Christen bald gestrauchelt/ ja/ es kan auch ein feiner Lerer vnd Prophet bald betrogen werden/ durch seine

feine kluge gedanken der Vernunfft. Darumb mus hieran gelernet sein / vnd Gottes wort mit allem vleis getriben vnd betrachtet werden.

Daher liest man auch von S. Martino / das er sich nicht wolt einlassen / mit den Kegern zu disputirn / allein umb der vrsach willen / das er nicht auch keime in dis gezend / mit jnen zu klügeln / oder sie zu vberspizen vnd vbermeistern / durch die vernunfft / daraus jene allein ire ding schreiffen vnd schmückten / Wie die welt allezeit thut wider Gottes wort / Als jzt die klugen Papisten / wie sie meinen / seer scharff furgeben / alle ire Enderchristliche gewel vnd Tyranny zu bestetigen vnd zu stercken / vnter dem namen der Kirchen / geisern / man müsse kein enderung machen noch leiden / in dem / was allenthalben in der Christenheit in gemein angenommen sey. Denn man müsse jr glauben / das die Christliche Kirche allzeit vom Heiligen Geist regieret werde / vnd derselben gehorsam sein vnd folgen.

Hie hörest du den namen der Kirchen / davon dich dein geistliche Weisheit lernet / in dem Artikel / Ich glaube ein heilige Christliche Kirche etc. Aber dahin geführt vnd gezogen (wie man mit Gottes namen auch thut) damit zu bestetigē des Papstums lügen vnd abgötterey / Darumb gehört der verstand hiezu / das ist / ein wacker vnd scharff vrtail / so hierinne recht vnterschied geben könne / das jm seine Weisheit nicht verrückt vnd verfalscht / vnd er vnter derselben namen vnd schein betrogen werde.

Denn wo du hie die sachen recht ansehst / vnd heltest gegen Gottes wort / welchs hierin ist das Richtscheid vnd Prüfestein / so kanstu wol daraus vrtail vnd erweisen / das das Papstum nicht ist die Kirche Christi / sondern des Satans Rotte / weil sie voller öffentlicher abgötterey / lügen vnd mord ist / vnd dieselben noch wollen verteidigen. Das thut die Kirche Christi nicht / vnd geschiet jr gewalt vnd vnrecht / so man jr wil auffliegen / das sie solchs beschloffen / gesetzt oder geboten habe / vnd gehorsam fordere / das nicht Gottes wort gemes ist.

Die welt disputirt jzt auch weislich vñ klüglich / den streit vñ zwitteracht vber der Lere vnd Glauben hinzulegen /

vnd vergleichung zu machen / Man solle lassen die Gelerten / Weisen / Bischone / Keiser vnd Fürste eintrechtlich schliefen / Man könne wol zu beiden seiten etwas weichen / vnd sey besser / das man etliche ding nach gebe vnd einreume / denn man mit gutem verstand vnd deutung helfen könne / denn das man so viel verfolgung / blutnergießen / Krieg / grewliche vnendliche zerrüttunge vnd zerstörung lasse geschehen.

Aber es feilet hie auch an verstand / welcher zeigt / aus Gottes wort / das Gott nicht habē wil solch stück werck zu machen / sondern die Lere / Glauben vnd Gottesdienst rein vñ lauter nach seinem Wort zu behalten / vnd kein Menschen thand / eigen gutdüncken oder klugheit darein zu mengen etc. So gibet vns die schrift diese regel / Man sol Gott mehr gehorchen / weder den Menschen.

Darumb mus man hie nicht ansehen noch folgen / was menschliche weisheit oder rat furgebt / Sondern / Gottes willen für augen haben / in seinem Wort vns gezeiget / demselben folgen vnd das bey bleiben / es betreffe tod oder leben / böses oder guts / Entsethet etwa Krieg oder ander vnglück darüber / so rede mit jm darumb / der da wil vnd heisset also leren vnd glauben. Denn es ist ja nicht vnser eigen thun / noch von vns erdacht oder auffbracht / So sind wir nicht das zu gefordert / das wir sollen von seinem willen disputirn / ob er recht oder zu halten sey.

Wil er lassen darob verfolgung vnd anders gehen / zur versuchung vnd erfahrung / dere / so rechtschaffen Christe sind / vnd straffe der vndanckbarn / so gehe es / Wo nicht / so hat er wol so viel marck in feusten / das ers kan wehren vnd erhalten / das es nicht mus vntergehē / damit man sehe / das es von jm sey / Wie er bisher / Gott lob / bey vns gethan / vnd geholfen / das vnser Widersacher an vns nicht haben müssen thun / was sie gerne gewolt hettē / Da wir / wo wir jnen gewichen vnd gehorcht hettē / weren auch in ire lügen vnd in verderben geführt. Also kan vnd würde er noch wol thun / wo wir rechtschaffen vnd erewlich mit der sachen vmbgiengē / Gottes wort forderten vnd ehreten / vnd nicht vndanckbar würden / noch anders vnter dem schein vnd namē Gottes worts suchten.

Co ij Das

Der Papiste furgeben von der Kirchen.

Gott wil kein stück werck in der lere haben.

Papstum ist nicht die Kirche Christi.

In die disputatio von vergleichung der Religion.



## Auslegung der Epistel

Lernen zur Weisheit.

Vermanen zum Verstand.

Galater vñ Corinthher aus Vnuerstand betrogen.

Exempel des Propheten Jerobeam auffgerichte Abgötterey / öffentlich für im gepredigt hatte / vñ seine Predigt vñ Weissagung mit einem wunder bestetigt / Dem war von Gott befohlen / das er bey Leib nicht solt an demselben ort bleibē / auch daselbs nicht essen noch trincken / sondern stracks wider heim gehen / eines andern weges / Vñ lies sich doch hernach vnter wegen vberreden von einem andern Propheten / der da sprach / Gott hette es im offenbaret / durch einen Engel / das er in solt

Als sage ich zum Exempel / das man verstehe / was S. Paulus heisset / beides / Weisheit vñ Verstand / Gottes willen zu erkennen / Vñ das man sehe / wie es von nöthen ist / beides zu haben / vñ darumb in der Christenheit mus getrieben werden / nicht allein die Lere / welche die Weisheit gibt / Sondern auch das vermanen vñ anhalten / so den Verstand gibt / die Weisheit im Kampff vñ streit zu erhalten / vñ sich damit zu wehren / Denn wo sie nicht also geübt vñ getrieben würde / da würden wir durch falsche Weisheit vñ dunckel betrogen / vñ den schein vñ gleissen desselben / für das rechte Gold annemen / Wie allezeit in der Kirchen vielen widerfaren ist.

Die Galater hatten auch die weisheit von S. Paulo empfangen / das sie allein durch den glauben in Christo für Gott gerecht würde / Doch ob sie gleich solchs wußten / worden sie doch betrogen / vñ hetten darob gar ire weisheit verloren / durch der falschen Apostel surgeben / man müste dennoch das Gesetz / von Gott gegeben / auch halten / etc. Wo nicht hie S. Paulus iren verstand errocket / vñ damit vom irthum wider zu rück gezogen hette. Die Corinthher wußten auch aus irer geistlichen weisheit / den Artikel von der Christlichen freiheit / das das Gözenopffer nichts were / Aber daran feilet es inen / das sie mit vnuerstand hierinne führen / siengen an wider die Weisheit / irer Freiheit fleischlich zu brauchen / vñ andere zu ergern / Da mus sie S. Paulus auch wider des erinnern / das solches seiner Lere vñ Weisheit nicht gemes sey etc.

Also zeigt auch die Schrift dieses viel Exempel / vñ sonderlich 3. Reg. 13. von einem alten Propheten aus dem Königreich Juda / der wider des Königes Jerobeam auffgerichte Abgötterey / öffentlich für im gepredigt hatte / vñ seine Predigt vñ Weissagung mit einem wunder bestetigt / Dem war von Gott befohlen / das er bey Leib nicht solt an demselben ort bleibē / auch daselbs nicht essen noch trincken / sondern stracks wider heim gehen / eines andern weges / Vñ lies sich doch hernach vnter wegen vberreden von einem andern Propheten / der da sprach / Gott hette es im offenbaret / durch einen Engel / das er in solt

mit sich heim führen / vñ zu essen vñ zu trincken geben.

Aber da er mit im vber tisch saß / kam des HERREN wort zum selben Propheten / der in geladen hatte / der sagte im / das er nicht würde wider lebendig heim komen / Vñ da er von im wider seines weges zog / ward er vnter wegen von einem Lewē getödtet / welcher doch bleib bey seinem Leichnam vñ seinem Esel stehen / vñ thet inen nichts / Bis der ander Prophet dazu kam / vñ fand den Lewen neben im / vñ füret in auff seinem Esel heim / vñ begrub in / vñ befohl / das man in selbs nach seinem tod / auch solt in dasselbige grab legen.

Das war die straffe von Gott vber diesen Propheten / der sich hatte betrogen lassen / vñ dem befohl / der im von Gott gegeben war / nicht gefolget / Wiesol es im an seiner Seelen nicht geschadet / welches Gott damit zeigt / das er mus von dem Lewē nicht gefressen / sondern verteidigt werden. Was hat in diesem Propheten gefeilet ? Nicht an weisheit / denn er hat Gottes wort gehabt / Sondern an verstand feilet in / das er sich leste das betrogen / das der ander sagt / Er sey auch ein Prophet / vñ der Engel des HERREN habe mit im geredet / Da er solt bey dem Wort geblieben sein / so im gegeben war / vñ in dem andern gesagt haben / Bistu ein Prophet / so sey es / Aber das hat mit Gott befohlen / das weis ich / des wil ich mich halten etc. vñ dagegen weder Engels noch Gottes namen ansehen.

Also geschiet es offte / nicht allein vber dem streit der Lere wider die Körtē / sondern auch einem jglichen in seinem eigen leben vñ sachen / ampt vñ regiment / Das er zuweilen hierinne strauchelt / vñ des verstands feilet / wo er sich nicht wol fürsiet noch warnimet / wie sich sein surgeben / rat oder gedanken / mit der weisheit Gottes worts / reimet / Sondern / wenn er etwa vom Teuffel oder sonst bewege wird zu zorn / vngedult / trawrigkeit / schwermut oder andern anfechtungen / Wie denn auch denen / die doch wol versucht vñ geübt sind / zu weilen kan widerfaren / das sie auch in kleinen anfechtungen irre werden / das sie inen selbs nicht raten können etc. Hie ist not / das sich der Mensch vmbsehe / vñ nicht nach solchem urtheil / oder

Nicht nach eigen gedancken vnd fassen/ vnd ratfrage Gottes wort / Denn weil ein Mensch angefochten ist / so kan er nicht nach seinen gedancken recht vnter teilen.

Darumb sol er nicht im selbs folgen / oder flugs zufaren / also schliessen oder thun / wie er denckt / Sondern alles verbedchtig halten / vnd sich fursehen fur des Teuffels list / der den Menschen durch seine schone Argument wil locken / reizen / schrecken oder betruben / Vnd zuvorden verstand seiner Weisheit des Euangeli herfur rucken / was in sein Glaube / Liebe / Hoffnung / Gedult / vnd in summa / Gottes willen allenthalben vnd in allen stucke reichlich leret / so er allein dar nach stehet vnd erbeitet / vnd bittert / das er solchs erkentnis moge erfulle werden.

*Geistliche Weisheit vnd verstand.* Darumb heisset auch S. Paulus / geistliche Weisheit vnd verstand / so vns weise vnd klug machet / wider den Teuffel vnd seine anfechtung oder versuchung vnd listige anleuffe (wie sie S. Paulus *Eph. 6. nennet*) vnd vns beide regieret vnd furet / weidet vnd leitet / leret vnd schutzet / das wir in den Geislichen sachen des glaubens vnd gewissens fur Gott / vnd des eusserlichen lebens / recht faren (da keine Vernunft raten vnd leren kan) wie hienon S. Paulus nu weiter spricht.

Als jr wandelt wirdiglich dem HERRN / vnd fruchtbar seid in allen guten wercken / Vnd wachset in der Erkentnis Gottes / vnd gestercket werdet / mit aller Krafft / nach seiner herrlichen macht / in aller gedult vnd langmuetigkeit / mit freuden / Vnd dancksaget dem Vater / der vns tuchtig gemacht hat zu dem Erbtel / der Heiligen im Reich.

*Wirdiglich Gotte wandeln.* Was da heisse wirdiglich wandeln dem HERRN / haben wir droben in andern Episteln gehoret / Namlich / also glauben / vnd mit der Lere vnd leben / den Glauben bekennen / als solche Leute / die des HERRN werd sind / Vn der sich der HERRN rhuemen thar / vnd sagen / Das ist mein Volck / Das sind Christen / die da leben vnd bleiben in dem / wie sie geleeret sind /

durchs Wort / meinen willen erkennen / thun vnd leiden darumb / was sie sollen / etc.

Dazu sol vnser weisheit vnd verstand in Gottes erkentnis dienen vnd nuzen / das wir solche Leute werden / die da Gotte ein ehre vnd lob seien / das er durch vns gepreiset werde / Vnd also Gott zu allem gefallen leben / oder in aller weise im gefallen nach seinem Wort / das wir in vnserm leben / stand oder befohlen werck nicht vnfruchtbar oder schedliche (wie die andern falschen Christe / Heuchler vnd vnglaubigen) Sondern viel guts thun / vnd nuzliche / leute seien / zu ehren Gottes reichs. Vnd daneben jmer fortfaren vnd wachsen in der angefangen erkentnis Gottes / das wir nicht davon abgefuret oder abgedrungen werden / durch des Teuffels list / der allenthalben vnd allzeit den Christen zusetzet / vnd sie so gnaw sucht / von dem Wort vnd Gottes willen zu fellen / wie er erselich Adam vnd Zeus im Paradies gethan.

Was Gottes erkentnis in vns wirken sol.

Gott zu ehren vnd gefallen leben.

Item / Das wir auch gestercket werde (spricht er) durch seine herrliche Krafft etc. Das wir mogen solchen kampff wider den Teuffel / Welt vnd Fleisch erhalten vnd uberwinden. Das ist vnd thut nicht vnser eigen / noch aller Menschen krafft / sondern es mus sein / seine eigen goettliche herrliche Macht vnd Krafft / damit er dem Teuffel obsieget / vnd ehre vnd preis einlegt wider der Helle pforten. Wie Christus durch sich selbs beweiset hat / der dem Teuffel alle seine anschlege vnd macht / die er an im zum hochsten versucht / niedergelegt / vnd an im gesieget.

Sinemen vnter gestercket werde durch Gottes Krafft / in seinem erkentnis.

Von solcher krafft vnd macht mussen wir auch gestercket werden im Glauben / darnach trachten vnd anhalten / durch Gottes wort vnd beten / Das es nicht allein ein anfahren / sondern ein nachdrucken vnd durchdringen sey / vnd also je stercker vnd stercker werden / in seiner macht / Was wir thun / nicht aus vns / noch durch vns selbs furnemen / vnd rhuemen / als hetten wirs gethan / sondern auff in vnd seine stercke vnd hulffe / Denn es gewislich nicht vnser / sondern sein goettliche Macht vnd Krafft ist / wo jemand ein Christen bleibt / in der erkentnis Gottes / von dem Teuffel vnter betrogen vnd vnuberwunden.

Aber gestercket werden vnd uberwinden / das mus auch geschehen / in allerley

Gedult vnd  
Langmut  
von nöten zu  
Christlicher  
stercke.

lerley gedult (spricht er) das jr solch anhalten vnd verfolgen des Teuffels / der Welt vnd Fleisches ertragen kömnet / Ja es gehöret nicht allein gedult / sondern auch langmut dazu / Das vnterscheidet er von der Gedult / als das etwas grössers vnd sterckers ist / Denn der Teuffel hat die art an jm / wo er nicht kan ein hertz mit leid vnd plagen überwinden / so greiffet ers an mit der lenge / das der Gedult zu viel vnd zu lang wird vnd scheint / als wölle es kein ende haben. Das ist seine kunst vnd schalckheit / was er nicht kan durch die grösse vnd menge der anfechtungen ausrichten / das thut er mit dem vnablessigem anhalten / das er zu lege den Menschen weich vnd müde mache / vnd jm den mut vnd hoffnung neme / zu überwinden.

Die lenge  
des leidens  
vñ des Teuffels  
anhalten  
überwinden.

Dagegen ist von nöten zur Gedult auch die Langmütigkeit / die dawider fest vnd stetig anhalte vnd fortfare im leiden / vnd also gesinnet sey. Tu soltu mirs nicht zu viel noch zu lang machen / wenn es auch solt wehren / bis an das ende der Welt. Das heisse die rechte ritterliche Christliche stercke / so in hohem kampff vnd leiden / nicht allein gross / viel vnd mancherley stürme des Teuffels / sondern auch alle lenge derselbe kan anhalten. Aber hiezu ist auch vns am aller meisten not / der sterckung vnd krafft Gottes / durchs gebet / das wir in solchem schweren kampff nicht vnterliegen / sondern auch das ende erreichen etc.

Frölich sein  
in der Gedult  
vnd  
Langmut.

Vnd solche Gedult vñ Langmut solt jr haben vnd vben (spricht er) mit freuden / das jr in solchen grossen / vielen / dazu lange anfechtungen / nicht euch schwere betrübte gedanken lassen machen / sondern getrost vnd frölich seid / vnd den Teuffel mit allen seinem vnd der Welt plagen vnd toben verachtet / streuet euch des / das jr habt die erkenntnis göttlichen willens in Christo / vnd seine krafft vnd herrliche Macht bey euch / vnd zweifelt nicht / er werde euch damit hin durch helfen.

Danckbar  
sein.

oder seid danckbar / Vergesse nicht der vnaussprechlichen wolthat vnd gaben Gottes / so euch geschenkt ist / für allen Menschen auff erden / wie er euch so selig gemacht vnd von der Sünden / Todes / Hellen vñ Teuffels gewalt vñ macht (darinnen jr auch gesteckt seid / vnd ewig

erhalten ewig hettet darin bleiben müssen) gefreiet hat / vnd gesetzt zu der ewigen herrlichkeit / Da jr seid Miterben aller seiner Heiligen / so er auserwelter zu seinem Reich / vnd teilhaftig aller ewiger / göttlichen / himlischen Güter etc. Das solt jr ansehen vnd bedencken in erwermen leiden vnd kampff / das euch solches das gegen verordnet vnd geschenkt ist / vnd davon desto frölicher vnd lustiger werden / darob zu kempffen vnd leiden / Das jr solches / so euch schon gewis im Wort vnd Glauben zugeeignet ist / auch besitzen vnd genießen möget etc.

Er nennets aber ein Erbteil der Heiligen im Liecht / oder der liechten Heiligen / Das sind die rechtschaffenen Heiligen / Diese sondert er hiemit von den andern falschen / vnd machet also zweierley Heiligen / Die einen / welcher ist ein grosser hauff in der Welt / die da falsche vnd auch wollen heilig sein / wie sonderlich die Jüden mit irer heiligkeit des Gesetzes / vnd die ganze Welt / Philosophen / Juristen etc. mit irer Gerechtigkeit ist / Vnd sind doch nicht liechte / sondern finstere / vnflertige / ja beschwimnen Heiligen / Wie er Philip. 3. solche gerechtigkeit für schaden vnd dreck achtet.

Dergleichen auch vnter dem heufflin der Christen / so das Euangelium haben viel falsche heuchliche Heiligen sind / die auch das Euangelium hören / zum Sacrament gehen etc. Aber bleiben im tuncfel vnd finstern / vnd nicht die weisheit vnd verstand des erkenntnis göttlichen Willens schmecken noch erfaren. Aber welche hierin sich vben im Glauben / Liebe vnd Gedult / durch anfechtung / vnd erkennen die grosse Gottes gnade / vñ wolthat durchs Euangelium gegeben / das sind vnd mögen mit ehren heissen / solche Heiligen / die da gehören / vñ schon gesetzt sind zum ewigen Liecht vnd freuden / in seinem Reich etc.

Welcher vns errettet hat von der Oberkeit der finsternis / vnd hat vns versetzt in das Reich seines lieben Sons / an welchem wir haben die Erlösung durch sein Blut / Newlich / die vergebung der Sünden.

He streichet er nu weiter aus / wo für wir Gotte dem Vater danck sagen solt

gen sollen/ Vnd legt die ganze Predige vnd summa des Euangelij fur / die vns anzeigt/ was wir in Christo haben/ Vnd beschreibet beide seine wolthat/ vnd auch seine Person/ auff's best/ vnd tröflichst. Aber erstlich (spricht er) sollen wir billich Gott zum höchsten on vnterlas danken / fur diese erkenntnis vnd offenbarung des Euangelij.

Denn wir haben darinne nicht einen geringen schatz/ noch solch gut / dem alles gold/ silber vnd alle reichehum/ freude vnd trost der Welt vnd dieses lebens zu vergleichen sey/ Sondern solche Erlösung/ aus dem ewigen vnwiderbringlichen schaden vnd verderben / vnter Gottes ewigen vntreglichem zorn vnd verdammis/ vmb der sünde willen / darinnen wir schon gelegen sind/ on alle hülffe vnd rettung/ Ja in solcher blindheit vnd finsternis gefangen / das wir selbs auch von solchem jamer nicht wusten/ viel weniger kundten wir darnach trachten/ oder rat vnd wege finden / wie wir heraus komen möchten.

Dafür haben wir in gewislich/ on alle vnser vorbereitung oder verdienst/ rat oder that/ Ja/ on vnser gedanken/ aus grundloser Gottes gnade vnd barmherzigkeit / empfangen die Erlösung/ welche ist die vergebung der Sünden. Wie gros solche güte vnd wolthat sey/ das kan keine Zunge aussprechen / ja in diesem leben kein Mensch verstehen/ In der Helle werdens die Gottlosen erfahren/ an irem verdammis vnd ewigem zorn/ der ewigen Göttlichen Majestet vnd aller Creaturen/ welche sie keine werden können frölich ansehen/ Sondern jr vnablässig betrübet hertzleid/ schrecken vnd verzweueln/ on ende daran sehen müssen.

Wie auch widerumb die Creatur solche nicht gerne ansihet/ sondern auch fur iren grawen hat/ vnd sie mit irem Anblick schrecken vnd verdammen wird. On das Gott durch vnaussprechliche güte/ ir also geboten hat / das sie in diesem leben aus der Eitelkeit (spricht S. Paulus Rom. 8.) vnterworffen sein/ vnd solchen dienen/ doch wider iren willen/ Das sie sich darob engstet / wie eine Frau in Kindnöten/ vnd nichts lieber wolte/ denn von solchem dienst/ der gottlosen verdampfen Welt/ entledigt sein/ Mus aber gedult haben/ in der hoff-

nung der Erlösung / vmb der Kinder Gottes willen/ so noch sollen zu Christo komen / vnd endlich zur Herrligkeit bracht werden/ Sonst ist sie der Sünde ja so feind/ als Gott selbs etc.

Weil aber vber die sünde ein ewig vnwandelbar vrtail der verdammis gange/ Denn Gott kan vnd wil nicht der sünde hold sein / vnd bleibet also sein zorn ewig vnd vnwiderrüfflich darüber/ So hat diese Erlösung nicht können geschehen/ on einen schatz vnd geltung / so fur die Sünde abtrag thete / den zorn auff sich neme/ vnd bezalete/ vnd also die sünde wegneme vnd tilgete. Das hat keine Creatur vermocht / vnd ist hiezv kein rat noch hülffe gewesen denn dieses / Das Gottes einiger Son daher trete/ in vnser not/ vnd selbs Mensch würde/ der solchen ernstern ewigen zorn auff sich selbs lüde/ vnd dafür seinen eigen Leib vnd Blut zum opffer setzete.

Das hat er aus grosser vnmeslicher barmherzigkeit vnd liebe gegen vns gethan/ vnd sich dahin gegeben/ das vrtail des ewigen zorns vnd Tods getragen. Solche bezalung vnd opffer ist bey Gott so thewer vnd köstlich / weil es ist seines einigen lieben Sons/ der mit im in einiger Gottheit vnd Majestet ist / das er dadurch versünet zu gnaden nimet/ vnd die sünde vergibt/ allen/ die an diesen seinen Son glauben etc.

Also geniessen wir allein der thewersen bezalung vnd verdienst Christi / aus grundloser vnaussprechlicher liebe/ vns erworben vnd geschenckt/ Das wir hie gar nichts zu ihm haben / von vns selbs / Sondern mit allen freuden ewiglich/ im dank vnd lob dafür sagen sollen/ der solche kost vnd schatz daran gewand/ vns verdampfen verlornen Sünden zu erlösen.

Wo nu dis heubtstück der Erlösung ist/ Nemlich / vergebung der sünden / da folget so bald mit / alles das durch vnser Seligkeit volendet wird/ Denn dadurch auch der ewige Tod / hinweg genommen (als der Sünden sold) vnd ewigs gerechtigkeit vnd leben / gegeben wird / Wie S. Paulus Rom. 6. spricht/ Gottes gnade oder gabe ist das ewige Leben etc. Denn nu wir mit Gotte versünet sind/ durch Christi Blut gewaschen / so ist vns auch mit versünet / alles was in himel vnd Erden ist/

Go iij (Spris)

Gottess danken fur die erkentnis des Euangelij.

Vnser erlösung von sünden.

Alle Creatur begeret dieser Erlösung.

Erlösung durch Christi Blut.

Was vergebung der sünden mit bringet.

## Auslegung der Epistel

Verfünung (Spricht abermal Paulus / Ephe. 1.)  
 mit Gott vñ das die Creaturen nicht wider vns sind/  
 allen Crea- sondern mit vns vertragen / vnd freun-  
 turen. de/vnd vns anlachen/das wir eitel freu-  
 de vnd leben/an Gott vnd seinen Crea-  
 turen haben.

Das ist vnd sol sein die Predigt des  
 Euangelij / so vns beides anzeigt / sün-  
 de vnd vergebung/zorn vnd gnade / tod  
 vnd leben/ Wie wir im finsternis gele-  
 ge/vnd wider daraus erlöset sind/Denn  
 es treibet nicht dahin/das es vns erst zu  
 Sündern mache (Wie das Gesetz) oder  
 vns weisen wolle / gnade zu verdienen  
 vnd erwerben/Sondern zeigt/ wie wir  
 schon verdampt / vnter der gewalt der  
 Sünden/Tod vnd Teufels/die geschenck-  
 te Erlösung durch den Glauben empfa-

hen vnd erkennen / vnd darnach dafür  
 danckbar sein/sollen.

Welter beschreibet nu S. Paul / wer  
 die Person sey / welches Blut für  
 vns vergossen / damit wir sehen / wie  
 thewer vnd gros solcher Schatz vnd  
 Erlösung sey / Nemlich/das es sey das  
 Blut des Söns Gottes / der da ist das  
 Ebenbilde des vnsichtbarn Gottes/vor  
 allen Creaturen gewest/ vnd durch in al-  
 les geschaffen ist/ Das ist/warhafftiger/  
 ewiger Gott/mit dem Vater/Also/das  
 es warhafftig heisse vnd ist / Gottes ei-  
 gen Blut etc. Vnd gründet also den Ar-  
 tickel von der Gottheit Christi / klar  
 vnd gewaltiglich/Aber hiezu gehö-  
 ret ein eigene vnd sondere  
 Predigt.

## Am XXIII. Sonntag nach

Trinitatis / Euangelium/  
 Matth. IX.





Der solches  
mit ihnen re-  
det / Eihe/  
da kam der  
Obersten ei-  
ner / vnd fiel  
für ihm nieder  
vnd sprach /

HERR /  
meine Tochter ist iht gestorben / Aber  
kom / vnd lege deine Hand auff sie / so  
wird sie lebendig. Ihesus stund auff /  
vnd folget ihm nach / vñ seine Jünger.

Vnd sihe / ein Weib / das zwielff jar  
den blutgang gehabt / trat von hins-  
den zu ihm / vnd rüret seines Kleides  
sawm an / Denn sie sprach bey ir  
selbs / Möcht ich nur sein Kleid anrü-  
re / so würde ich gesund / Da wendet  
sich Ihesus umb / vnd sahe sie / vnd  
sprach / Sey getrost meine Tochter /  
Dein glaub hat dir geholffen. Vnd  
das Weib ward gesund zu derselbi-  
gen stunde.

Vnd als er in des Obersten haus  
kam / vnd sahe die Pfeiffer vñ das ge-  
tümel des volcks / sprach er zu ihnen /  
Weichet / denn das Meidlin ist nicht  
tod / sondern es schlefft. Vñ sie ver-  
lachte ihn. Als aber das volck ausge-  
trieben war / gieng er hinein / vnd er-  
greiff sie bey der hand / Da stund das  
Meidlin auff. Vnd dis gerücht er-  
schal in dasselbige ganze Land.



Jese Historia ist weiter  
vnd vleissiger von den an-  
dern Euangelisten Mar-  
co vnd Luca beschrieben /  
Vnd ist ein schön vñ reich  
Euangelium / beide / an le-  
re vnd trost / Denn es leret ebē das recht  
erkenntnis götlichen willens / in geistlich  
er weisheit vnd verstand (wie wir in der  
Epistel gehört habē) vnd gibt trost vnd  
stercke der hoffnung in Creutz vnd leidē.  
Des wollen wir etliche stück sehen.

Zum ersten / wird vns hierin der  
HERR furgemalēt / wie er gemengēt  
ist mittē vnter das Volck / als ein freund-  
licher / leutseliger Man / wie S. Paulus  
Tit. 2. sagt / das durch in die freundlich-  
keit vnd leutseligkeit Gottes erschiē /  
damit er sich erzeiget willig vnd bereit  
jederman zu dienen vnd zu helffen / vnd  
auch seine hülffe beweiset / denen / die sie  
bey ihm mit festem glauben suchen.

Das sind aber solche Leute / die da  
elend / geplagt / betrübt vnd leidig sind /  
Bey diesen wil er sein vnd sich finden las-  
sen / Denn bey solchen kan auch allein  
sein Wort vnd werck stat vnd raum ha-  
ben / Den andern sichern / gewaltigen /  
reichen / wol lebenden / sind seine Predigt  
vnd Wunder umb sonst vnd verloren /  
Denn sie sind seiner gnade vnd wolthat  
nicht fehg / weil sie zuvor sat vnd voll  
sind / vnd iren trost vnd heil an andern  
dingen / oder auch bey sich selbs suchen.  
Sie müssen Leute sein / die da keinen  
trost vnd hülffe haben noch wissen / bey  
einiger Creatur / vnd nichts denn eitel  
not vnd elend fülen / Das es war bleibe /  
wie seine Kirche von ihm singet / Die Hun-  
gerig fället er mit gütern / vnd leste die  
Reichen leer.

Mer an sichestu / wie gnediglich vnd ve-  
terlich sich Gott gegen vns erzeiget /  
das er sich durch seinen lieben Son also  
nahe zu vns thut vnd findet zu den Ar-  
men / elenden / auff das er seine gnade  
ausgieszē / vber alle / die sie annemen wol-  
len / Denn darumb hat er seinen Son zu  
vns gesand / das er durch in bey vnd vnt-  
er vns wonen wil (wie S. Joh. 1. sagt)  
vnd sich vnser / als seines bluts vnd fleis-  
ches / annemen / vnd hat desselben not  
vnd elend auff ihm selbs getragen / damit  
er vns hülffe von dem jamer / so vns dar-  
ein bracht / das ist / von Sünde vnd Tod /  
Darumb wil er auch / das wir vns solch  
er hülffe zu ihm versehē / vnd von ihm war-  
ten durch den Glauben / Wie er Joh. 6.  
sagt / Das ist der wille meines Vaters /  
der mich gesand hat / das / wer den Son  
siehet vnd an ihn gleubet / habe das ewige  
Leben.

Das ist das Erkenntnis / das die  
Christen lernen vnd wissen / vnd dauon  
sie auch allein Christen sind / vnd Got-  
tes Kinder werden / wie Esais 53. sagt /  
Durch sein Erkenntnis wird er / mein  
Knecht / der Gerechte / viel gerecht ma-  
chen.

Freundlich-  
keit Christi.

Engnis  
götlicher  
gnaden in  
Christo.

## Auslegung des Euangelij

chen. Vnd Johan. 1. Er hat inen gewalt gegeben/Gottes Kinder zu werden / die da glauben an seinen Namen/Denn was man sonst kan lernen/thun oder furnemen/wie gros/schön/löblich/lößlich vnd heilig es scheineth/das machet noch Keinen Christen/das ist/solchen menschen / der da habe vergebung der sünden / vnd einen gnedigen Gott/on dieses allein/das man diesen Heiland/den Son Gottes/darumb von dem Vater in die Welt gesandt/das er durch sein Blut vnser sünde wegneme / vnd Gottes zorn versünete/durch den Glauben erkenne vnd ergreiffe.

Vnd solt ja diese Lere vnd erkentnis des Euangelij/ vmb dieser vrsach willen von aller Welt geliebet vnd gepreiset werden/ weil sie allein die ist/ die da solches gewissen/frölichen trost verkündiget/das sich Gott der armen/vnwürdigen/elenden Sünder gewislich anneme/vnd inen wölle die sünde nicht zurechnen/sondern aus lauter gnaden vergeben vnd schencken/Welches je keine ander Lere noch Predigt auff Erden nicht sagen noch geben kan/ Wie alle Welt/Jüden/Heiden vnd Türcken müssen solches bekennen.

Keine lere gibt gewisse trost der vergebung der sünden/ in dem Euangelium.

Darumb auch kein Mensch kan das zu kommen/ das er möge des engstigen zweuels vnd flüchtigen gewissens für Gott los werden/vnd könne von hertzen Gott anrufen/vnd gewislich schliessen / das in Gott erhören wolle / on allein durch dis Erkentnis dieses Christi / welchen Gott selbs zu einem Mittler gesetzt/vnd von im öffentlich gezeuget/das er wolle durch diesen gnedig sein vnd erhören/vnd seligen/wer in anruffet/Vnd also allein die Christen die leute sind / die da können Gotte den rechten Gottesdienst thun/vnd sich sein mit frölicher zuversicht trösten/als der warhafftigste Gott sey/vnd bey inen sey / vnd inen helfen wolle/Da die andern alle (so Christum nicht erkennen) warhafftig on Gott sind/vnd kein hertzlich/tröstlich anrufen thun können / sondern in ewigem schrecklichem zweuel vnd flucht für Gott/müssen verderben.

On erkentnis Christi kan niemand Gott recht anrufen.

**E**s sind aber in diesem Euangelio zwey schöner Exempel / beides / der hülffe Christi / vnd des Glaubens / der sich an Christum helt/

vnd tröset / vnd auch hülffe erlanget/ Denn erstlich ist das ein seiner Glaube des obersten der Schule/ das er zu Christo komet in seiner not/da sein Tochter lin schon in den letzten zügen ligt / vnd nicht anders sage kan/denn das sie schon mus den geist auffgeben/vnd dahin sein/ehe er kan wider heim kommen / Wie er denn spricht / Meine Tochter ist schon gestorben/Vnd bey allen menschen kein hoffnung noch gedanken mehr ist / das sie solt hülffe oder rat zu finden sein/Noch verzweuelte er dennoch nicht/sondern weil die andern in seinem Hause an jr verzweuelte/heulen vnd weinen / vnd nu nichts mehr dencken/denn wie sie die todte Leiche bestelle / mit Pfeiffen vnd andern/Gehet er zu Christo vñ hat noch die gute zuversicht/wod er in möge zu seinem Tochterlin bringen/so werde sie wider lebendig.

Vnd gleubet also/das er sey der Mann/der da könne nicht allein dem Menschen/ weil er noch bey leid vnd leben ist/ zu gesundheit helfen vnd erhalten / sondern auch/so er des lebens beraubt / vnd die Seele ausgefahren / das leben widergeben/Welches war sonderlich zu der zeit gar ein sonderlich Exempel des Glaubens/weil desgleichen noch nicht gesehen oder gehört war/es were denn das einige von dem erweckten todten Jüngling/der Widwen son/Luc. 7. zuuor geschehen/vnd auch dahin erscholle/Noch ist es ein grosser Glaube/ das er kan vngeweuelte im hertzen schliessen/das dieser Christus werde auch seine Tochter wider lebendig machen.

Denn wo er gezweuelte hettes/ oder seine menschlichen gedanken der vernunft gefolget / so were er gewislich nicht zu Christo gegangen/sondern gedacht/Es were nu zu lange geharret / oder ob er gleich etwo einen andern vortodten erwecket hettes / müste darumb nicht folgen/das sein Tochterlin soltes wider lebendig werden/Dieweil teglich so manchen Eltern so viel Söne vnd Töchter starbē/der da keines wider lebendig würde.

Das ist eine tugent vnd rechte art des Glaubens (welche auch hernach in dem blutflüssigem Weiblin gepreiset wird) das er on wancken an Christo hanget / das Wort/ so von im gehöret/ergreiffe vnd fest helt/nicht darnach sinnet noch fragt/was im eigen vernunfft vnd

vnd gedanken einreden / noch was andre Leute glauben oder thun / sondern stracks nach dem schleuffet / wie er von Christo gehöret / das er ein solcher Man sey / der da in nöten helfen könne / vnd andern geholffen habe / also werde er in auch helfen. Solch hertz vnd Glaube trifft Christum recht / findet in vnd erfesret auch also / wie es glaubt.

Glaube von  
der Person  
Christi.

Um andern / so ist sein glaube von der Person dieses Ihesu also gethan (welches ist gar ein grosse herrliche erkenntnis gewesen) das es in gewislich helt für den rechten Messiam / von Gott gesand / nicht einen solchen / wie der ander hauffe der Jüden / sonderlich seiner Gesellen / der Schrifftgelehrten / der da würde als ein grosser trefflicher Herr vnd König / in grosser prachte vnd herrligkeit / offenbarlich daher komen / für allem Volck / das in jederman für den Herrn / von Gott inen gesand / müste anschē vnd annehmen / vnd dazu sein warteten / das er sie solt von leiblicher gefengnis vnter frembder herrschafft des Römische Keisers erlösen / vnd selbs zu grossen / gewaltigen Herrn der welt machen.

Sondern wider solche treume vnd Jüdische gedanken / helt er diesen Man für den rechten HERRN vnd Messiam / ob er wol von seinen eigen Jüden nicht dafür angesehen noch angenommen ist / der da von Gott gesand sey / nicht zeitlich gewalt / gut / ehre vnd freiheit zu geben / sondern in den sachen vnd nöten zuhelffen / da kein Mensch nicht helfen kan / nemlich / aus todes not / vnd des Teuffels gewalt zu erlösen / ja aus dem Tod leben zu machen vnd zu geben.

Vnd mus also diesen Man nicht allein halten für einen schlechten Menschen / sondern für den / der da warhafftig bey vnd in im habe göttliche ewige Macht vnd Gewalt vber alle Creaturen / weil er glaubt / das er beide / Leben vnd Tod in seiner hand hat / das ist / das er warhafftiger Gottes Son sey / wie die Schrifft zeuget.

Des blutflü-  
ssigen Weib-  
lins glaube.

Als ander Exempel des glaubens ist nicht weniger zu preisen / an dem armen Weiblin / so zwelff jar den blutflus gehabt / daher sie an irem gangen leib vnd allen krefftten mus abgeben haben / vnd auch an aller menschlichen hülff vnd trost lengst verzweuelt / Die komet auch zu Christo / so bald sie

nur von im höret / vnd zu im komen kan / Mit dem gewissen ungezweueltem vertrauen / das er jr könne in irer not helfen / vnd der hertzlichen zuuersicht / das er so from vnd gütig sey / vnd jr wolle helfen / vnd sie nicht werde lassen feilen.

Des ist sie so gar gewis vnd sicher / das hierumb jr hertz gar kein sorg noch bekümmernis hat / Wiewol sie doch grosse ursache beyr funden / vnd auch on zweuel starke püffe gefület / daran zu zweueln / wie wir hören werden / Sondern allein mit den gedanken ist sie bekümmert / wie sie möge zu dem HERRN Christo komē / feilet jr nichts / denn das sie dencket / Ah / wenn ich nur möchte den saum seines Kleids anrüren / Darauff hat sie schon festiglich vnd gewis in irem hertzen beschloffen die folge / das sie spricht / So würde ich gesund.

Aber hic weis sie nicht rat / wie sie möge zu im komen / Weil sie sihet / das das gedreng des Volcks seer gros war vmb diesen Man / vnd sie / als ein armes krankes Weib / nicht wol kan durch den hauffen Volcks brechen / dazu auch durch das Gesetz abgesondert / das sie nicht durffte vnter das Volck komen / Noch treibt sie jr Glaube vnd begird / das sie dennoch nicht ableste / so lang suchet / vnd sich durch das Volck erbeitet / bis sie von hinden zu im gelanget / vnd sein Kleid anrüret.

Je sihe / wie grosse zwey hindernis jr Glaube vberwindet / Zum ersten / das er so stark ist / vnd kan das glauben / das jr so gewis geholffen werde / so sie nur sein Kleid anrüret / Denn sie dencket nicht not sein / das sie für in kome / vnd mit vielen worten in ire not klage / vnd bitte / das er sich jr erbarmen vnd helfen wolle / noch auch / das andere für sie bitten / sondern allein / das sie an in gelangen vnd rüren möge / Denn wo das geschehe / so sey jr schon gewis geholffen / So gar zweuelt sie nicht / weder an seiner macht noch auch an seinem willen / das sie nicht mehr achtet not sein / das sie etwas mit im rede / sondern so gewis ist seiner hülffe / das sie jr nicht feilen werde / wo sie nur das eufferste an im erreichen möge.

Darumb achtet sie auch nicht not / in vnter augen zugehen / das er sie ansehe / ja sie düncket sich auch nicht werd / das er mit jr rede / Noch ist jr hertz der guten

Des Weib-  
lins beküm-  
mernis / wie  
sie nur an  
Christum ge-  
langen mü-  
ge.

Gewisser  
glaube der  
hülffe Chri-  
sti / wo sie  
nur an in er-  
reichen möge.



## Auslegung des Euangelij

guten zuversicht gegen jm so vol/das sie des alles ungeachtet / das sie nicht kan jm vnter augen kómen / vnd er sie auch weder hóret noch síhet/lefft jr seer wol daran gnágen/das sie nur mag von hinnen zu jm kómen/ heimlich vnd verborgen vnter dem gedrengē / vnd zweiwelt gar nichts daran/ jr sey nu schon geholffen/ Wie denn jr glaube auch so bald erferet/ da sie den sawm seines Kleids anrúret/das der brunnes bluts verrocket.

Glaube das Christus allmechtige Krafft vnd gewalt habe.

Tu mus ja das auch ein grosse/ treffliche erleuchtung des Geists vnd Erkenntnis des glaubens sein/das ein arme infeltig Weib sol das sehen vnd halten / das dieses Mans hilff vñ Krafft sey der massen gethan/das nicht not sey/lang vnd viel mit jm zu reden / Sondern das er auch kónne ins verborgen sehen / ober sich gleich offenbarlich nicht also erzeiget/ als wisse er etwas von vnser not/ oder wolle etwas dabey thun/ Dennoch hellte es jr Glaube so gewis / als habe sie es schon hinweg/ das / wo sie nur etwo durch das geringste mittel móge an jm gelangen / so sey jr geholffen.

Das heisse ja so viel gegleubt/das in diesem Man müsse göttliche / allmechtige gewalt vnd Krafft sein/ Das er auch die heimliche gedanken vnd begird des hertzens kan ersehen vnd verstehen / ob gleich nichts mit jm geredt wird / Vnd da auch sein werck vnd hilffe beweisen/ da sie eusserlich nichts síhet noch sílet/ on das Wort oder die Predigt / so wir von jm gehóret/ vnd welches jren Glaubē im hertzen erwecket hat.

Christi Kleid anrúren.

In diesem Wort hat sie gar nichts mehr/ begeret auch nichts weiter / denn das Kleid anrúren/welchs sie dazu brauchet/ als eines eusserlichen mittels vnd zeichens/ damit sie ja etwo mit an Christum gelange / Gleich wie wir auch nichts anders haben (in diesem leben vnd im Reich des glaubens) denn das eusserliche Wort vnd Sacrament/ dar in er sich vns als in seinem Kleide/ eusserlich zu rúren vnd zu greiffen gibt.

Also síhestu/ was der Glaube ist vnd thut/ so an dieser Person Christi hanget/ nemlich ein solch hertz/ das da in helt für den **HERREN** vnd Heiland / Gottes Son/ durch welchen sich Gott offenbaret/ vnd seine gnade vns zugesagt/ das er vmb seinen willen/ vnd durch jm/ wil vns erhóren vnd helffen. Das ist der rechte

geistliche/ innerliche Gottesdienst / da das hertz mit Christo handelt vnd anrúffet/ ob es gleich kein wort redet / Vnd gibet jm die rechte ehre / helt jm für den rechten Heiland / der auch des hertzen heimlich begird kenne vnd hóre/ vnd seine hilff vnd krafft beweiset / ob er sich gleich nicht eusserlich solcher weise / wie wir gedencen/ sílen vnd tappen lefft.

Rechte innerliche Gottesdienst des Glaubens.

Das ander meisterstück jres glaubens ist das/ das sie kan ire eigen vnwißigkeit vberwinden / vnd den grossen stein von irem hertzen werffen / der sie hart gedrücket / vnd dennoch so schew jrer vnwißigkeit macht/ das sie nicht wie andere Leute öffentlich Christo thar vnter augen kómen. Das ist das vrcail des Gesetzs vber sie/ nach welchem sie ist ein vnrein weib/ vnd jr verboten die gemeinschafft der Leute/ Denn also spricht Moses am xv. des iij. Buchs/ das solch Weib sol vnrein sein / so lang sie jren blutfluss hat/ Vnd alles was sie vmb vnd an hat / sol auch vnrein sein / vnd wer sie anrúret/ oder des etwas/ was sie berúret hat/ sol auch vnrein sein etc.

Anfechtung des Weibens / von jrer vnwißigkeit.

Das ist jr nicht ein gering anfechtung gewesen/ nicht allein jrer seuche vnd leiblicher vnreinigkeit halben / sondern das sie daran Gottes straffe gesehen vnd gefúlet/ die jr für allen Leuten auffgelegt/ das sie mus von der gemeine Gottes volcks ausgesondert sein/ vñ solchs ganzer zwelff jar/ da sie alles versuchet hat/ mit allen Kráften/ vnd nichts geholffen/ sondern inner erger worden/ Das sie mus dencken/ Gott habe sie sonderlich vmb jrer sünde willen also gestraffet / vnd jr nicht wollen helffen/ vnd nu hat müssen verzweueln an menschlichem rat / vnd sich erwegen/ das sie dieser plagen vnd straffe sterben muste.

Drumb ist es hie nicht on kampf vnd streit zugegangen/ das jr glaube das erhalte móchte/ was sie von Christo suchet/ Denn sie hat müssen dencken / Siehe/ ich bin ein vnrein Weib/ von Gott gestrafft / vnd kenne mich jederman/ Wo ich nu für diesen **HERREN** kóme/ so wird mich jederman / vnd auch er selbst/ billich verdammen/ das ich so vermessē vnd vnnerschampt dürffe für seine augen kómen / vnd mócht also viel ehe mehr zorn vnd grösser Gottes straffe/ weder gnade bey jm finden / Vnd müßte sie selbst

Kampf vñ streit des Glaubens.

sie selbs sagen / das mit rechte geschehe / wo er mich mit zorn von sich stieffe.

Solchen Kampf und anfechtung zeigt auch / das sie hernach (wie der Text sagt) da sie gesehen / das sie offenbar worden / erschrickt und erzittert / da jr doch schon geholffen war / Und noch mus sorgen / er möchte sie zorniglich anfahren / das sie nicht geschewet / sich zu ihm zu nahen / und heimlich die hülffe ab zu stelen.

Des Glaubens durchdringen wider des Gesetzes vrtel und verbot. Wer wider das alles reisset jr Glaube hindurch / der jr das gute und gnedig hertz dieses Christi ganz eingebildet / und treibet sie ire not (ja ire verzweines lung) dazu / das sie mus auch für Gott unverschampt werden / und ungeachtet des Gesetzes verbot und vrtel / und ire eigen schande hindurch dringet / dencket / Es müsse dieser Heiland ergriffen sein / Es sage dazu / Gesetz / ir eigen hertz / und alle Welt / ja auch er selbs / was sie wolten. Sie ist der Man / der da helffen kan / dazu ein frommer / gütiger / trewer Heiland / So bin ich ein armes / elendes Weib / das seiner hülffe bedarff / Er wird ja an mir kein ander Man werden / noch seine gnade vñ hülffe an mir feilen lassen / Und es gehe mir wie es sein guter wille ist / so ist mir besser / die schande gehe vber mich / denn der schade / das ich in solt verseumen / weil mir mag von ihm geholffen werden. Und setzet also gar dar auff jr ganzes hertz / wenn sie nur den Man ergreiffe / so habe es kein not / und sey schon genesen / wolle darnach wol mit Mose und dem Gesetz reden / das sie von ihm unverdampft bleibe etc.

Erfahrung der hülffe Christi. S Jhe / das ist ja ein seiner Glaube / der da seine unwirdigkeit erkennet / und doch sich nicht die selbige hindern leßt an seinem vertrauen zu Christo / noch zweivelt an seiner gnade und hülffe / reisset durchs Gesetz / und alles / was in wil von ihm abschrecken / Ja wenn im hie alle Welt wolte wehren und hindern / noch dencket er von diesem Man nicht zu lassen / bis er in ergrieffen habe / Darumb dringet er auch durch / und erlanget / was er bey Christo suchet / und so bald die krafft und werck erferet / auch ehe Christus anseheth mit jr zu reden / Denn er kan an diesem Manne nicht feil schlagen / wie jr Christus auch selbs mus zeugnis geben und sagen / Dein Glaube hat dir geholffen.

Des Weib- lins Glaube durch Christum offenbar. Dieser Glaube gefellet auch Christo so wol / das er nicht wil / das er sol verborgen bey jr allein bleiben / oder die krafft und werck / so dadurch geschehen / verschwiegen bleiben / Sondern es mus auch für jederman offenbar werden / was in irem herten ist / auff das jr Glaube für aller Welt gepreiset und auch in ihm ir gesterckt werde / Darumb sehet er an sich vmb zu sehen / fraget und wil wissen / wer in angerüret habe / denn er füle / das eine krafft von ihm gegangen sey / Das sie darob erst rechte erschreckt und vol zitterns wird / nu sie sibet / das sie mus offenbar werden.

Den solch hertz vnter dem grossen feinem vertrauen / das sie zu ihm hat / gleichwol noch gemenget ist mit demut und erkenntnis irer unwirdigkeit / mus sich schuldig geben / das sie wider Mosen gethan / das er billich möchte mit jr darumb reden und zürnen / das sie so küne sein thar / und sich so unverschampt zu ihm dringen.

Was also mitten in dem werck / da sie schon die hülffe hinweg hat / und nu jr hertz bey jr selbs frölich worden / denn noch jr Glaube noch mit fürchte und schrecken mus kempffen / Aber alles darumb / das er deste mehr trost und freude an Christo habe / Denn er wil den Glauben nicht allein im herten ligend / sondern öffentlich auch bekand haben / das mit Gottes ehre dadurch gepreiset / und andere auch dadurch zu glauben gereizet werden.

Darumb / da sie in der fürchte und fahr ist / das sie mus für jederman zu schanden / vñ nach dem Gesetz verdampft werden / ja auch wol selbs mus solches öffentlich bekennen / Da sehet Christus an / solchen Glauben zu bestetigen / das sie rechte und wol daran gethan / das sie wider Mosen und Gesetz (das ist wider das vrtel irer unwirdigkeit) hindurch gerissen / Und er selbs auch hiemit öffentlich hindurch reisset / wil sie unbeklagt und unverdampft haben / Ja solchen Glauben so hoch hebet / das er im allein die krafft und das werck zuschreibet / das jr geholffen / gerade als habe er hie nichts gethan / Gleich wie er anderwo auch pflegt also zu reden / als zu dem Heubtman / Matth. 8. Dein Glaube hat dir geholffen. Item / zu dem heidnischen Weiblin / Matth. 15.

## Auslegung des Euangelij

Dir geschehe / wie du geglaubet hast etc.

Glaube machet allein einen Christen.

Also solten wir nu auch lernen von diesem Weiblin / des Glaubens Krafft erfahren / durch anruffen in vnserm Kampff vnd ansechtungen / Denn wie ich gesagt habe / das ist allein das stück / das her wir Christen werden / vnd das die vnterscheid machet zwischen inen vnd allen andern Menschen auff Erden / Türcken / Heiden / Jüden / Das man mus wissen / das viel ein ander ding ist / ein fromer Man sein / grosse vnd viel werck thun / ein schön / erbar / tugentlich leben führen vnd vben / Vnd ein ander ding / ein Christen sein.

Denn in dem / was vnser leben vnd werck betrifft / da haben offte grossen preis vnd rhum für den Menschen / auch Jüden vnd Türcken / Wie viel grosser vnd trefflicher Leute in der Heiden Historien hoch gerühmet sind / von aller erbarkeit vnd tugent / Item vnter den Jüden viel gewesen / als Samaliel / Paulus vor seiner bekerung / Nicodemus vnd andere / so mit allem vleis nach dem Gesetz gelebt etc. das sie mit solchem eusferlichen leben für der Welt / auch viel dere / die da rechte Christen waren (als dieses arme Weiblin) weit vber troffen.

Vnterscheid Christlich vnd Heidnisches anrufens.

Wer in diesem stück ist es vngleich / vnd weiter vnterscheid / denn zwischen Himmel vnd Erden / Das ein Christen ist ein solcher Mensch / der ein ander liecht im hertzen hat / welches ist der Glaube / das da Gott recht erkennet vnd ergreiffet / vnd mit jm zu thun hat / durch warhafftige anruffung / Denn er aus seinem Wort weis vnd erkennet sein eigen vnwürdigkeit / vnd hat rechte Gottes fürcht / Vnd widerumb sich tröstet der gnade / glaubt vnd vertrauet / das er habe vergebung der sünden vnd erlösung in Christo dem Son Gottes / vnd vmb seinen willen Gott gefellet / vnd erwelet ist zum ewigen Leben / vnd kan in allen nöten / wo er schwachheit fület oder angefochten wird / zu Gott zusucht haben / in anruffen vnd seine hülffe gewarten / vnd weis das er erhörung hat etc.

Sihe / dieses keines kan vnd vermag kein ander Mensch / er heisse Jüde / Türcke / Papist etc. wie from vnd gutes lebens er sein mag / noch sich rühmen / das er Gott diene vnd anbete / vnd nach dem ewigen leben trachte / Denn aller

solcher Menschen Gottesdienst / anruffen vnd leben hat noch diese zween grosse mangel / darumb es Gott nicht kan gefallen.

Vm ersten / das sie nicht den rechten Gott treffen / das ist / in nicht erkennen / wie er sich hat offenbaret vnd wil erkand sein / nemlich / als ein Vater dieses HERREN Ihesu Christi / seines Sons. Gehen also in irer blindheit / vnd seilen Gottes gar / weil sie in durch jr eigen gedanken auffer vnd on Christo süchen / vnd beraubt sind des erkenntnis des rechten göttlichen wesens.

Vm andern seilen sie auch daran / das sie nichts gewisses von Gottes willen können wissen / weil sie das Euangelium nicht haben / Darumb können sie nicht schliessen / das sie Gott gewislich erhöere / bleiben jmer in zweivel / ob sich Gott jr anneme vñ sie hören wolle / Vnd ist also jr anruffen oder beten niches / denn nichtige / vergebliche gedanken oder geleppler / da das hertz sich Gottes nicht tröstet / noch et was von jm gewartet / sondern mehr für jm fleucht / vnd also warhafftig on Gott ist / vnd Gottes namen vnnützlich füret.

Wer der Christen anruffen ist also gethan / das sie den warhafftigen Gott nemlich / den Vater vnseres HERREN Ihesu Christi / anruffen / der sich durch sein Wort den Menschen offenbaret / Vnd dazu das gewisse vertrauen vnd zuversicht haben / wider den zweivel / das vns Gott gnedig sey / vnd vnser gebet erhöere / vmb dieses Mitleters willen / seines lieben Sons.

Das ist das schöne Exempel dieses Weiblines. Nu komen wir zu dem Scherlin des Obersten der Schule. Aber hie mus der Glaube auch streiten vnd zunemen / Denn ob er wol einen feinen Glauben hatte / wie wir gehört haben / So were er doch schwerlich bestanden / wo er nicht were gestärckt worden / Denn dieweil Christus noch mit dem Weiblin redet (Spricht Marcus vnd Lucas) bringet man jm die boeschaft / das seine Tochter sey schon gestorben / er solle den Meister nicht weiter mühen / Das ist so viel gesagt / Es werde nun nichts draus / es sey zu lange geharret / Er solle nu gehen vnd gedanken / wie er seine Tochter zu grabe bringe.

Da ist seinem Glauben ein harter stos

Ansechtung des Glaubens der Obersten der Schulen.

Trost und  
sterckung  
des schwachen,  
Glaubens.

stos gegeben/aber damit er nicht sincke/  
so mus eben das darein fallen / das dem  
blutflüssigem Weib geholffen wird/  
auch seinen Glauben zu stercken / wider  
die ansechtung der verzweinelung an  
seinem Töchterlin/ So ist auch Christus  
selbs bald da / vnd wider solchen anstos  
in stercket vnd tröstet / zu zeigen / das er  
nicht wil auch den schwachen Glauben  
für den Kopff stossen / sondern denselben  
auffgerichtet vnd gestercke haben.  
Vnd selbs hiemit jederman vermanet  
vnd stercket/ so er spricht / Zweiviele  
nicht/ Gleube nur etc. Das man ja sehe/  
wie im so wol gefalle/ das nur der Glaube  
fest an jm halte/ das er auch dafür  
sorget (wo der Glaube wil schwach  
werden) das er nicht vntergehe / Wie er  
auch spricht zu den Aposteln / vnd son-  
derlich zu Petro / der doch bald gar das  
hin siele/ Ich habe für dich gebeten/ das  
dein Glaube nicht auffhöre.

Luce 2 2.

Da nu Christus mit jm in sein haus  
komet/ da mus abermal dieses Man-  
nes Glaube gestürmet werden/ Denn da  
sibet vnd höret er nichts/ denn das ge-  
tümel / heulen vnd weinen vnd blasen  
der Trommeten (die sie auch zu iren tod-  
ten Leichen braucheten / wie wir vnser  
Glocken) welches alles in sein hertz  
schreiet / Es sey hie nichts / denn tod/  
vnd kein leben zu hoffen / Vnd hat der  
Glaube abermal nichts daran er sich  
wider verzweinelung erhalten kan/ wes-  
der das Wort / so Christus wider solch  
tummeln vnd todten geschrey/ spricht/  
Das Weidlin ist nicht gestorben / son-  
dern schleffet / darob er sich von den an-  
dern mus/ als ein Narr / verlachen vnd  
verspotten lassen/ Denn sie alle gesehen  
vnd wusten/ das das Weidlin gestorben/  
vnd da kein ort hem noch füncklin des le-  
bens mehr war/ das sie müssen dencken/  
Sibet / ist vnser Meister oder Pfarherr  
toll oder töricht / das er diesen Narren  
herein bringet / der uns wil oberreden/  
das das Weidlin nicht tod sey/ da jeder-  
man öffentlich sibet/ das sie da lige vom  
tode gestreckt/ eine todte leiche/ nur vn-  
ter die erden zu scharren.

Christi  
wort/ Das  
Weidlin ist  
nicht gestor-  
ben/ sondern  
schleffet.

Denn sie sind hie zusammen komen in  
der Schulen/ als in einem gemeinen haus-  
se / wie bey vns sind die Pfarckirchen/  
darin man am Sabbath gepredigt vnd  
Gottes Wort geleret / Weil sonst im  
ganzen Lande keine Kirche noch Tem-

pel / on allein zu Jerusalem / sein musste.  
Vnd dieser Oberster der Schulen ist ges-  
west / als bey vns ein Pfarherr / vnd die  
andern neben jm/ als seine Capellan oder  
Prediger / so Mosen gelesen oder gepre-  
digt/ die Kindlin beschnitten/ die jugent  
geleret etc. Item / bey den Francken/  
traurenden gewesen/ sie zu trösten.

Oberster  
der Schule/  
als ein Pfar-  
herr der Ge-  
meine.

Diese müssen da bey einander sein in  
der Schule / vnd zeugnis geben diesem  
werck Christi/ auch mit irem spotten vñ  
verlachen/ das das Weidlin warhafftig  
gestorben / vnd vom tode auffgeweckt  
sey / Vnd mus dieser Oberste/ zu vor vnd  
the er solch werck erferet / wider die er-  
gernis vnd spotten abermal an dem blo-  
ssen Wort Christi sich halten / vnd mit  
jm auch ein Narr sein / vnd in der narra-  
heit diese geistliche weisheit lernen/ das  
der tod Christo warhafftig nicht tod/  
sondern nur ein schlaff sey.

So lasse vns nu auch lernen/  
mit Christo vnd diesem Schul-  
herrn Narren werden / auff das  
wir diese wort mögen verstehen / Denn  
wo dieses Mans wort von der Welt  
verspottet vnd für torheit gehalten  
werden/ so sind sie köstlich gut/ Denn es  
ligt gewislich darin verborgen die hö-  
chste weisheit in himel vnd auff Er-  
den / Denn dieser Spruch leret dich (als  
ein gemeiner Spruch) das auch dein tod  
in Christo nichts anders ist / denn ein  
schlaff / Das du also durch vnd vber den  
grewlichen anblick vnd schreckliche lar-  
uen des tods vnd grabs / könnest sehen  
in das leben / ja das selb in dem tod er-  
greiffen / So du anders auch mit dem  
Glauben solche wort hörest / vnd Chris-  
tum ledest war haben.

Der tod ein  
schlaff in  
Christo.

Denn es gehören hiezu nicht Käse  
oder Kalbs augen / ja auch nicht Men-  
schen augen/ sondern solche augen/ da  
Christus mit sibet / vnd solche ohren/  
da Christus mit höret / ja solche sinne  
vnd hertz/ wie Christus selbs hat. Eine  
Saw / wenn sie sibet eines Menschen  
todten leib für jr ligen / so kan sie nicht  
anders sagen / denn da ligt ein Ass/ wie  
ein ander Ass / das von Vögeln oder  
Thieren verzeret / oder von jm selbs ver-  
wesen mus / Also auch ein Mensch on  
Glauben / der sibet vnd verstehet hie  
auch nichts weiter / vnd ist nichts zu  
vnterscheiden von einer Saw / on das  
pp ij er den